



9585



UNIVERSITEITSBIBLIOTHEEK GENT



NOVA
ACTA
ERUDITORUM
ANNO
MDCCXXXVIII
publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud JO. FRID. GLEDITSCHII B. Fil.
MAURIT. GEORG. WEIDEMANNUM
& CASP. FRITSCHIUM.

Venduntur etiam Romæ apud PAGLIARINOS, Venetiis apud
JO. BAPT. ALBRIZIUM & FRANC. PITTERUM, Parisiis apud
BRIASSONUM, & Amstelodami in WAESBERGIORUM
& WETSTENII officinis.

Typis BERNHARDI CHRISTOPH. BREITKOPFII.
MDCCXXXVIII.

NOVA ACTA MUSEI HISTORICO-NATURALIS MUSEI MDCCLXXVIII Pars I.

Curavit & Typis Curavit
Johannes Valentinus Schlegel.

LEIPZIG
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER

LEIPZIG
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER
J. G. NEUBAUER

ILLUSTRISSIMO
ATQUE
EXCELLENTISSIMO DOMINO
D O M I N O
JOANNI CHRISTIANO
DE HENNICKE

DOMINO MARSCHWIZII, WIEDERAVIAE, ETC.
POTENTISSIMO POLONIARUM REGI
ATQUE ELECTORI SAXONIAE A CONSILIIS INTIMIS.
CAMERAE REGIAE PRAESIDI VICARIO, DIRECTORI
CAMERAE EPISCOPALIS, QUAE NUMBURGI, CIZAE,
ET MARTISBURGI, EST, &c. &c.

DOMINO SUO INDULGENTISSIMO

PRAESENS ACTORUM ERUDITORUM
VOLUMEN

ET

CUM EO RES SUAS OMNES

SUBMISSISSIME OFFERUNT

COLLEGII, QUOD IN CONDENDIS ERUDITORUM
ANNALIBUS LIPSIAE OCCUPATUR, SOCI

INTERPRETE

FRIDERICO OTTONE MENCKENIO.

Scilicet hoc nostris satis est, o Maxime, Musis,

Si nequeant Phoeba displicuisse suo.

Et nos felices, modo TV, qui gloria secti

Diceris et patriae munera nostra probes!

Sic agilis, sic sponte manus sua tractat et urget

Stamina, et antiquum texere pergit opus.

Sic, velut ex rostris, nos docti civibus orbis,

Ut fuerint meriti, libera iura damus.

Laudamusque bonos, per quos sapientia terras

Et loca pervadit non sibi nota prius.

Nempe liber tenuis multorum clara virorum

Nomina, multorum splendida facta, capit.

Olim TE solum pia pagina nostra loquetur;

Implebitque TVVS grande Volumen honor.

Lectori aequo et nostri studioso Salutem!

Adhuc, quantum in nobis est, id agimus, ne ab antiqua maiorum nostrorum virtute defecisse tantillum videamur, et, quod eos inprimis male habet, qui, quicquid aliorum accedit famae, id suae detractum putant, nunc etiam, qui olim fuit, sub praecordiis vigor sedet. Prodit enim *Adorum*, quae cupide legisti, inde a Iohannis, et approbasti magno nostro gaudio, *Volumen*, si *Supplementorum Tomos tres et decem*, *Indicesque generales quinque*, addas, *quintum et septuagesimum*, idque prioribus, quaecunque dedimus, non solum ex parte nulla postponendum, sed, si quid ponderis iudicia Amicorum habent, nec hos amor nostri fallit, illis quodammodo praefendum etiam. Certe, si ita liceat existimare, ipsum Operis tum pretium augeri, cum aucta moles fuerit, feret fortassis iure suo a te gratiam hic *Annus*, quippe ceteris ipsa forma speciosior, et, si non ditior bonarum rerum, quod dictum immodestius videri possit, certe plenior longe, *Partiumque* copia instructior. Sed aliter fortassis ii iudicabunt, quibus potior nummorum, quam istiusmodi deliciarum, cura est, et qui omni malint hac carere merce nostra, quam aliquantulum maiori in posterum, quam olim consueverunt, eam pretio redimere. Quorum si ita nos habere rationem deceat, ut nihil valeat, quicquid nobis cogitationum honestum tui studium, et famae nostrae amor, suggerit, aut mutilos in posterum rei literariae *annales* dabimus, aut id unum nobis, quam multa, non quam bona, in his *Actis* locum inveniant, videndum erit. Sed utrumque horum cum ab instituto nostro, et a lege illa prima ac praecipua, quae nobis, hanc provinciam gerentibus, ob oculos versari debet, maxime abhorreat; ita illi, quicumque sunt, suarum opum calidi conservatores se nobis aequos praebeant rogamus, ut illud agere nos sinant, quod sic plurimorum commodis, et, si recte nostro munere fungendum sit, fieri plane aliter non possit. Nam, qui illud reprehendere, et exprobrare nobis, audeat, quod, quae diximus de libris novis, per longam saepe paginarum seriem decurrant, omne ei amabilis illius brevitatis studium promittimus,

simul ac impetrare hoc a viris doctis potuerit, ne libros deinde bo-
 nos rerumque praestantissimarum plenos scribant, de quibus bre-
 viter et quasi rapim dicere, idem nobis est, ac negligenter dicere.
 Quod ipsum si rem bonam et in Ephemeridu in scriptore toleran-
 dam putas, erit in posterum, cur ab Annalium nostrorum lectione,
 quippe non tibi scriptorum, abstinendum putes. Dudum enim
 constat, et nunc etiam scire omnes volumus, nihil aliud nos age-
 re, et in posterum acturos, quam ut ex Opere hoc nostro ad Lecto-
 rem fructus aliquis redundet, qui sane, si de optimorum hominum
 laboribus leviter et tanquam in transcurso sit commemorandum,
 prorsus nullus est. Quod quam verum sit, ipsi nos, cum alia
 subinde nostri temporis Diaria, in quibus sunt profecto, quae per-
 parum rem literariam aut plane nihil iuvant, percurrimus, aut
 cum nonnulla etiam eorum, quae scripserant maiores nostri, rele-
 gimus, dolore nostro maximo experti sumus. Sed, cum hac ex
 parte, quod fuit nostri muneris, praestitimus, illud simul incommo-
 di exinde natum est, ut minor solito librorum numerus nos iudices,
 aut, quod nec ipsum indecorum nomen est, laudatores, habuerit.
 Itaque, ne, quod altera manu dedimus, auferre id ipsum altera videamur,
 de explendis his lacunis dudum cogitavimus, addidimusque
 primum *Supplementa* Operi, postea, cum nec haec sufficerent, ipsos
Actorum quasi fines extendimus, ita quidem, ut, cum *Mensium* facere
 maiorem numerum, quam fert annus quisque, non liceret, unum et
 alterum *duabus Partibus*, prorsus inter se aequalibus, distingueremus.
 Nec ea res, ut verum fateamur, assensu plurimorum destituta est,
 eorum imprimis, qui, nunquam satis studii consumi posse in relite-
 raria, nec hic quidquam esse nimium, intelligunt, quorum etiam
 auctoritas et nutus sanctae nobis esse instar legis solet. Horum sci-
 licet, quicquid alii existiment, satis ad id momenti habet approbatio honesta, ut,
 quam Volumini praesenti dedimus, eadem incedere, quaecunque postea sequen-
 tur, forma jubeamus. Sed, ut nihil valent, si divinis destituti sint auspiciis, ho-
 minum consilia, etiam quae bona et ex omni parte salutaria habentur, magno illi
 atque praepotenti Numini res nostras omnes commendamus, et, ut porro nostra
 studia, nemini inolesta, multis fructuosa, clementer secundet, idque agere, quod
 bonum et honestum est, nos patiat, per ipsam literarum salutem piis
 ab eo votis contendimus.



NOVA ACTA ERUDITORUM,

publicata Lipsiæ

Calendis Januarii Anno MDCCXXXVIII.

GENEALOGIA DIPLOMATICA AUGUSTÆ gentis Habsburgicæ, qua continentur vera gentis hujus exordia, antiquitates, propagationes, possessiones, & prærogativæ, chartis ac Diplomatis, numero DCCCC, maxima parte hætenus ineditis, asserta; adjectis Sigillis, aliisque monumentis, æri incisis, Mappa item Geographica, & Indicibus locupletissimis. Hæc vero res non modo Habsburgicas universe corroborant, sed aliis etiam pluribus illustrissimis Germaniæ nostræ familiis, & patriæ medii ævi historiæ, lucem fœnerantur. Opera & studio R. P. MARQUARDI HERGOTT, Ordinis S. Benedicti Congregationis S. Blasii in nigra sylva Capitularis, & magni Cellerarii, nec non Seren. Cesar. Regiæque Cathol. Majestatis Consiliarii & Historiographi, Ordinumque anterioris Austriæ per Brisgoviam ad aulam

Cæs. Deputati.

Tomus I.

Vicennæ Austriæ, ex typographia Leopoldi Jo. Kaliwodz,

1737, fol. max.

Alph. 4 plag. 7.

Quod de rebus publicis Livius scribit, eas a tenuibus initiis ad summum gloriæ fastigium pervenisse, idem ad do-

A

mos

mos hodie illustrissimas posse applicari, minime est dubitandum. Ex quo perspicuum evadit, quam male suas subducant rationes, qui in ipso mundi primordio eundem gentis splendorem, quem hodie admiramur, demonstrare cupiunt. Commune hoc omnibus fere fuit vitium, quotquot, adulatione inducti, Augustæ gentis Austriacæ natales cum cura examinarunt, quam certe, ni Christiana professio, paganis purgata foribus, severissime prohiberet, ad Deos immortales & maiora gentis togatæ Numina retulissent. Dignum ergo & eruditione sua, & nostra ætate, opus suscepit *Marquardus Hergott*, Reverendus Benedictini Ordinis Sodalis, Vir & munerum splendore, & doctrinæ dignitate, magnus sane & egregius, dum felici fidere incognitam huc usque majorum Austriacorum seriem detexit, & ingentem errorum turpissimorum nuben Diplomatum ope dispulit. Contigit ei, quod quidem nescimus an multis, ut a *Carolo*, Imperatore Augustissimo, non uberrimis solum instrueretur subsidiis, sed &, quod maximum, in dies fere ad exigendum hoc felicitis ingenii monumentum incitaretur. Nos & nostro & communi literarum nomine Augustæ thura damus clementiæ, summum precati vitæ necisque arbitrum, ut tantas orbis delicias, augendis pacis aliarum studiis natas, communi patriæ in sera servare tempora, divanque, quæ in ipso eminet, virtutem gloria decorare summa, velit. Ipsi vero præstantissimo Autori, profapiæ Augustæ vindici, grates debentur maximæ, quod, ut par erat, imperiali usus indulgentia, opus desideratum diu, nunquam expectatum, orbi literato in manus tradidit. *Prius Volumen Dissertationes VIII* præliminares complectitur, tanto iudicii acumine conscriptas, ut & genium defraudare nostrum, & in benevolos Lectores injurii esse, videremur, si, quæ iis continentur, intempestivo premeremus silentio. *Prolegomenon I præcognita quadam sistit Genealogica*, quibus tanquam norma in scribendo Rev. Autor usus est. Chartarum ibi habendam inprimis rationem existimat Vir doctissimus, quippe in quibus clariora apparent *ἀνθεντίας κληρίκων*: ex quo consequitur, vagam esse illam *Huetii Palignesi*que regulam, qua

auto-

Prol. I.

§. 4.

authoritatem, ex vera petita historia, autoritati instrumentorum parem pronuntiant. Præclara sunt, quæ de notis Diplomatum differit, unde hinc linguæ Germanicæ sub *Rudolpho* I introductæ, & subscriptionis sub *Maximiliano I* monogrammatibus sufficit, in præsentī delibamus epochas. Primum Diploma Germanicum ad A. 1286 retulerat *Ill. de Gudenus*, Rev. Autor vero tale jam A. 1281 exaratum invenit, ideoque *Tom. II num. 602* inseruit, hoc etiam subjungens, in chartis Pagensibus multo ante theodiscum *idē* obtinuisse. Post chartas *cognomina* etiam & *insignia* curatius commendat consideranda, quippe quæ indubiam generis fidem faciunt. His quando uti cœperint in Germania Nobiles, incertum. *Gudenus* ipsa ante A. 1290 non adjecta statuit; at Rev. *Hergottus* factam *Rudolphi de Habsburg*, Præpositi Basileensis Ecclesiæ, & Rectoris Rhinfeldensis, mentionem in Tabulis A. 1265, 1271, & 1272, scriptis invenit, & proinde ipsa antiquitatis monumenta *Tom. II num. 464, 515, & 522*, exhibuit. Interea id notavit sollicitè, non omnes, qui nomen Habsburgicum gerunt, ex illa gente esse oriundos, cum media ætate ministeriales quoque familiarum cognomen gentilitium adsciverint. Insignia, sicut in Sigillis ante Seculum XI plane non occurrunt, ita, si gentis speciatim Habsburgicæ rationem habeas, in chartis *Alberti* Comitis Seculo XII prima conspiciuntur. In *Prolegomeno II de fide Actorum S. Truperti*, deque *Cenotaphiorum Habsburgensium*, in *Canobio Trupertino repertorum*, autoritate ad probandam *Genealogiam Habsburgicam*, differit Rev. Autor, Codicemque *Zwitalensem*, a *Pezio* tanti æstimatum, mancum esse & interpolatum, alique Sangallensi multis parasangis inferiore, probat. *Prolegomenon III de ætate & de fide Actorum Murensum* dispicit. In his magnum semper præsidium collocaverant *Franc. Guillimannus*, *Christ. Hartmannus*, *Jo. Georg. Eccardus*, *Bern. Pezsius*, alique quamplurimi, sed jam olim fidem *Dav. Blondellus*, cum contra *Chiffesium* arma sumeret, reddidit dubiam. Erravit sane *Peirescius*, qui primus hunc ex Bibliotheca Parisiensi protraxit Codicem, cum

Prolog. I.
§. 2.

9.

13.

Pag. 10
num. 9.

§. 10.

Prolog. II.

III.
§. 1 seq.

4.

5. Seculi XI reliquias a se putavit evulgari. Innumera sunt, quæ falsitatem assertionis probant, argumenta. Scriptus est in papyro usuali, quæ quidem ante Seculum XIV non invaluit, literis Seculo XIII exeunti æqualibus, ceu de / accentu acuto satis probavit Ven. Abbas Gotwicensis. Ipse textus ante scriptum Codicem vixisse prodit *Anselmum*, Abbatem, quem tamen A. 1178 demum electum, A. 1210 d. 9 Maji diem obiisse supremum, ex chartis fide dignissimis constat. Schema genealogicum, cujus in Actis illis mentio injicitur, per generationes singulas tantis scatet erroribus, ut rejiciendum summo jure videatur. Incipit ab *Ita*, *Radebotonis*, Habsburgici Comitis, conjugæ, ex sanguine Lotharingico oriunda. Non urgemus, indecorum esse, a scemina stemmatis ordiri origines; id vero taciti præterire vix possumus, *Radebotonem* Comitis Habsburgici titulum nunquam gessisse, sed semper Comitem in pago Clegowe vocitatum, quanquam ipsum illud castrum, unde nomen circa A. 1114 duxit familia, ejus fundatum sit auspiciis. Quæ cum ita sint, nemo, arbitramur, litem movebit Rev. **23.** *Hergotto*, quod, sine Diplomatum ope nullam esse Murensum Actorum vim atque virtutem, libere & ingenue pronuntiaverit. **Prol. IV.** *Prolegomenon IV de Comitatu Vindonissensi*, veteribus Habsburgi Comitibus a Guillimanno perperam attributo, inscribitur. Præfectos legionis Vindonissæ degentis dictos esse Romanis Comites, mera est divinatio. Certe nec sub Francis, nec sub Germanis Imperatoribus ejus rei ulla occurrit mentio. Vulgo putant, post excidium urbis Vindonissensis, quod Seculo post N. C. III contigit, Comites illos in Altenburgum castrum transiisse. Ast charta de A. 1299, quæ *Windsche*, ditionis Bernensis villam, ab *Altenburgo* distinguit, totam, ni fallimur, sententiam destruit ac evertit. Triam illa, quæ *Gudenus* ex pristino urbis splendore, MSto *Einsiedelensi*, & *Ekkehardo*, Seculi XIII scriptore, petit, argumenta parum aut nihil efficiunt. Quid enim ad nos urbis fastigium? Quis, *Landolaum*, cui Vindonissa tanquam hæreditaria dicitur obvenisse portio, Comitem fuisse, probabit? **Prol. V.** *Prolegomenon V de Comitatu Altenburgensi* agit, quem scriptores nonnulli, præter fidem

dem monumentorum, genti Habsburgica adscripserunt. Prolegomenon VI Comites & Comitatus veteris Alemanniae & minoris Burgundiae recenset, quorum memoria in tabulis antiquioribus occurrit, antequam Habsburgicum nomen clueret. Notari meretur, Comitibus saepissime in subscriptionibus Diplomatum certum non assignari Comitatum, quem tum in iis praesumere oris decet, de quibus ipsius chartae disponit argumentum. Juvat hanc, probabiliorēque reddit, regulam subscriptionis Diplomatis de A. 872 d. 7 Sept. quae ita habet: *Ego itaque Liuto scripsi & subscripsi, notavi A. XXXIII Ludovici regis, & sub filio ejus Carolo, rectore ejusdem pagi, in quo praefata res sita fuerant, i. e. Priscouve.* Ex quo consequitur, nobis, dum Augustae gentis Habsburgicae majores postulamus, ad terras ab iis possessas, inprimis ad Argoviam, esse respiciendum. Ad id itaque sese accingit Rev. Vir negotium, & Prolegomeno VII ampliorem inchoat de Provincia Burgundiae Trans-Jurana, in qua & veteres Comitum sedes, & ipsum, quod nomen genti dedit, castrum, deprehendimus, tractationem. Magnae hujusce regni praerogativae fuerunt & eminentiae. Nemo in illis partibus Ditmari aetate, quae in tempora Henrici II & Conradi II incidit, Comes vocatus est, nisi Ducis honore conspicuus, & principali dignitate coruscus: unde & extinctis Burgundiae Regibus, cum redirent in Germaniam, non Alemanniae Ducibus parvere, sed ab Imperatore immediatos rectores acceperunt. Subditi Argoviensis tractus plenam habebant legem, nec ulli Comitum jurisdictioni, si forensē excipias, erant subiecti. Prolegomeno VIII revisionem instituit Codicum MStorum, de rebus Habsburgicis tractantium, quos diligentissimus Autor, annis pannisque obstitos, e pulvere & tenebris Bibliothecarum protraxit, injuriae temporum salutari consilio subducturus. Laudat ibi, praeter insignem Anonymorum numerum, operas Hug. Blotii, Jcti, Alb. de Bonstetten, Hier. Fabriani L. B. de Bekett, Glaucani, Henr. Gundelfingeni de Constantia, Hobergkii, Petri Hozierii, Uh. Kriegii, Wolsf. Lazii, Jac. Manlii, Petri Pauli Ormannici, Claudii Burgundi Perrodi, Jo. Raseni, Jo. Mart.

ProL VI.

§. 4

ProL VII,

§. 10.

pag. 57.

§. 11.

ProL VIII.

Ranscheri, Casp. Scioppii, Julii Solimanni, Jo. Stabii, Octav. Strada, Rich. L. B. Steinii, Laur. Wessellii de Essen, Leon. Wurfhainii, & incluta Facultatis Theologica Viennensis: at palmam præ reliquis omnibus Theodoro Equiti & Comiti de Amadentribuit, cujus undecim de rebus Habsburgico-Austriacis Volumina calamo exarata Gerb. Conr. a Driefsch servat Posonii, e quibus tamen primum Peregrino cuidam de Tergesto debetur, ceu ex Novis literariis nostris A. 1733 d. 1 Jan. didicit Rev. Hergottus. Tot tamque limpidi fuere fontes, ex quibus haurire Rev. Præsuli licuit. Attulit ipse venustas ingenii dotes limatumque, quo maxime opus erat, iudicium, atque his instructus subsidii, Volumen suum cedro dignum sex Libris absolvit. Libro I index datus est de Chorographia Habsburgica, ibique Capite I de ea generatim agitur. Non fuere tenues Comitum possessiones, ut Dav. Blondellus persuadere eruditus voluit. Novimus equidem, Rudolphum, Regem Romanorum, in Epistola quadam profiteri, se ex tam humilis loci tugurio ad tam celsa & fastigiosa palatia manus altissimas provexisse. Sed ea erat Cæsaris illius pietas ac modestia, ut sibi nihil, omnia divino tribueret arbitrio. Potentiam gentis evincit Tabula chorographica, in qua & immensum laborem, & peritiam mediæ ætatis incomparabilem, prodidit eruditissimus Hergottus. Capite II pagus Brisgovie describitur, in quo secundum Diplomata majores Habsburgica gentis sedes suas primitus collocarunt, cuique adeo singularem dignationem tribuunt ætatis mediæ monumenta. In iisdem oris Duces Zaringiz, qui Bircilones, aut Birschlones, i. e. Bertholdi, audiunt, multas possessiones habuerunt, unde factum arbitramur, ut eandem crederent utriusque gentis profapiam. Hinc nec ab instituti operis ratione alienum iudicavit Rev. Autor, si de Comitibus Bircilonum nonnulla proferret in medium, deinde speciatim disquiret, an Brisgovia avita fuerit majorum Habsburgicorum possessio, ejusque pagi brevem in tabula suppeditaret notitiam, serie Comitum, qui ab A. 758 ad Seculi XI initia per illa loca imperarunt, ex chartarum veterum indicio subjuncta. Caput III inscribitur de Alsatia, primitgenia majorum Habsburgico-

Lib. I

Cap. I

§. 7.

Cap. II

§. 1.

2.

5.

gicorum sede Trans-Rhenana. A Carolomanni ætate ad tempora Henrici IV, i. e. ab A. 770 ad 1083, Alfatia partim Ducibus, partim Comitibus, fuit concedita. His Landgravii successerunt, in quibus post Pirathilonem Luitfridus, indubium majorum Habsburgicorum decus, per multum regnavit tempus. Varie sunt, fatemur, quæ hoc historiarum caput obfuscant, tenebræ; attamen, maxima ex parte eas dispelli posse, arbitramur, si cum Rev. Hergotto observemus, 1) Seculo XII, quod novam quasi in Germania condit epocham, non illos Comitatus, qui a pagorum Comitibus administrabantur, sed bona Comitum allodialia evasisse hæreditaria; unde contigit, ut monumenta Habsburgensia nullo Argovix, Sisgovix, Rorenses, & Zurichenses Comites memorent, Habsburgicorum vero, Froburgicorum, Lenzburgicorum, Kiburgicorum, Homburgicorum, a burgis & castris ita dictorum, mentionem injiciant; 2) memoriam pagorum Seculo XII non tantum in antiquis tabulis donationum confirmatoriis, sed & in recentioribus chartis servatam, quo spectant Diplomata de A. 1110, 1158, & 1161, in quibus Comites Rhetixprehendimus; 3) Comitatus proprie ita dictos, Seculo demum XIII & XIV sensim hæreditarios evasisse, Suitensem A. 1217, Zurichoviensem A. 1245, Cleggoviensem A. 1325, Sisgoviensem circa A. 1363 Sequitur *Cap. IV de Comitatu Habsburgensi in Argovia tractatio*. Possessiones Augustæ gentis, in dem *Eigen* vocatæ, partim allodiales sunt & avitæ, partim beneficia cum officiis a Regibus concessa. Quam late patuerint, accurate definiri hinc usque non potuit, id tamen certum, eas patrimonio Wernheri Episcopi contiguas fuisse. Ibi *Ratchoto* arcem *Habsburg* ædificavit, unde posteriori ævo cognomen sumisit familia, tantique illud æstimavit, ut ceteris terrarum titulis præferret, nec cum quoquam communicaret, ceu lites cum Hispaniarum Rege, hoc ipso Seculo obortæ, satis abindeque indicant. *Capite V in etymon nominis Habsburgici* inquiritur. *Bern. Pezirus* scripta ad Ill. *Sinzendorfium* Epistola hoc tractavit argumentum, & *Habsburg* quasi *Hauptburg* dictum existimavit.

Fe.

Cap. III

§. 6

pag. 22 seq.

Cap. IV.

§. 2.

3.

4.

Cap. V.

§. 7.

- licius *Hanszium* divinaſſe, *Hergottus* putat, cui *Habsburg*, pro *Habburg* poſitum, caſtrum allodiale designaſſe videtur. *Cap. VI* foundationem caſtri, a *Wernhero*, Epifcopo Argentoratenſi, A. 1027 factam, illuſtrat, ſitum ejus exponit, & de variis arcibus cognominibus diſſerit. Tum *Cap. VII* agitur de *Comitatu Badenſi in Argovia*; *Cap. VIII* de *Comitatu Lenzburgico*; *Cap. IX* de *Comitatu Kyburgenſi*; *Cap. X* de *Comitatu Pherretano*, qui magnam Sundgoviz partem complexus eſt; *Cap. XI* de *Dominio & Burgraviatu Rhinfeldenſi*; *Cap. XII* de *Dynaſtia Comitum Habsburgenſum in Lauſſenburg*; *Cap. XIII* de *Comitatu Rapperrvilano*; *Cap. XIV* de *Landgraviatu Siſgovia*, *Dynaſtiisque Roſenberg*, & *Krenckingen*; *Cap. XV* de *Landgraviatu Cleggoviенſi*. *Cap. XVI* ad exponendam feudalem Comitum Habsburgicorum curiam appellit Rev. Autor animum, qua quidem in re ut curioſo ſatiſfaciat lectori, primum miniſteriales recenſet, quorum deinde nomina ordine chronologico digeſta exhibet, id ſolum miratus, nullum ſe *Camerarii* indicium in omni antiquitate media obſervaviſſe. Tum ipſa de vaſallis & clientibus, adjecto elencho nominum, ſuccedit tractatio, tandemque feuda advocatiz & jura patronatus in illa ditione nominatim adjiciuntur. *Cap. XVII* *Sigilla & inſignia domus Habsburgica* luſtrantur. Præmiſſis obſervationibus generalibus, cuilibet ſcilicet equiti competiſſe olim liberam, clypeum pro arbitrio ornandi, poteſtatem, & tria exſtiſſe Sigillorum genera, alia regia, ſeu majeſtatis, alia equeſtria, ſeu autoritatis, alia minora, ſeu quotidiana, monet *Hergottus*, ſe de ſecunda imprimis ſpecie ſollicitum origines ipſius Seculo X reperiſſe, in gente autem Habsburgica tabulas *Alberti* Comitis, qui Seculo XII vixit, primum exhibere Sigillum cum figura Comitis equo infidentis, dextra ſtriſtum vibrantis gladium, ſiniſtra autem ſcutum, leonem præſerens, tenentis, monumentum. Simpliciffimæ huic leonis ſpeciei ſequiori tempore major acceſſit cultus. Sic inſigne, A. 1606 in monaſterio Sedorſſenſi depictum, in area ſubviridi argentatum cælatumque leonem, unguis
- Cap. VI.
- VII – XV.
- XVI.
- §. 2
- pag. 81 ſeq.
- 90 ſeq.
- §. 4
- pag. 90.
- Cap. XVIII
- §. 1.
- 14 ſeq.
- 17.
- pag. 101.

ungulis, dentibus, oculisque paulisper depressis, & albo colore pictis, exhibet. Non multum Sigillis Comitum ministerialium insignia distant, quæ quidem Rev. Præsul æri incisæ, & eruditis observationibus illuminata, sistit. Subjungemus ex annotationibus nonnullas, quas nosse interest. *Formam* quod attinet, Sigilla triangularia ante *Alberti IV* ævum non adhibita, quippe quo rotundam obtinuisse formam legimus. *Leo* illustris familiæ dignitatis argumentum est, nec tamen ampliorem inde concludendi præbet materiam. *Lilia* quinque cum pinnis pavonum, quas quidem pro nolis perperam habuerunt, inseruit A. 1259 *Rudolphus* Comes, eaque re intempestivæ Criticorum opinioni de Gallica Habsburgicæ gentis origine dedit occasionem. Etenim non perpendunt boni homines, vix ultra Valesiæ stirpis Reges lilii usum in Gallia extendi posse, ceu, præter *Tilletium Chiffletium*que, haud ita pridem *Spellmannus* evicit. *Cap. XVIII in ve.* *Cap. XVIII.* *ras* inquiritur *gentis augustæ* origines. Triplex hic poterat §. 4. tractari quæstio, 1) quo tempore *Habsburgi* nomen clarere inceperit; 2) quænam fuerit patria, conditio, & dignitas majorum Habsburgicorum; 2) ad quot retro Secula per majorum Habsburgicorum seriem non interruptam remeare liceat. Sed, cum & prima & ultima commodiorem explanationis locum invenerint, hoc Caput alteri inprimis quæstioni dicatum est, ad quam quidem illustrandam notamus, *maiores gentis Habsburgicæ fuisse Comites majores Ordinis, paresque Principibus, ex veteri Alemannia oriundos, stabilem vero in Burgundionum regno sedem posuisse.* Nam ante arcem in Argovia, indubia Alemanniæ veteris provincia, conditam, hæreditarias habuerunt possessiones, Landgraviorum quoque officio ibidem functi. *Liber II Genealogiam Habsburgicam* ita tractat, ut a *Rudolpho*, Rege Romanorum, ad majores ipsius, ope Diplomatum, adscendat. Ampliora hæc sunt, quam ut in compendium redigi possint. Interim facere non possumus, quin cum Lectore Genealogicam, quam Cl. *Hergottus* concinnavit, Tabulam communicemus:

B

ETHI-

§. 18.

20.

21. 22.

6.

pag. 108.

§. 13.

18.

Lib. II.

ETHICO, vel ADELRICUS,
Dux Alemanniz, uxor *Bernswinda*, Burgunda.

Ethico II, Dux Alem. a quo domus Lothar- ingica originem ducit.	Adalbertus, Dux Alemanniz.	N. occisus a patre.	S. Odilia, Abbatissa Hohenb.	Hugo.
--	-------------------------------	------------------------	------------------------------------	-------

Luitfridus II, Dux Alemanniz.	Eberhardus, Comes.	Eugenia, Abb. Hohenb.	Attala, Abb. S. Steph.	Gundlinda, Sanctim.
----------------------------------	-----------------------	--------------------------	---------------------------	------------------------

Thietbaldus, seu Theobaldus, Dux Alem.	Luitfridus III, Dux Alem.
--	------------------------------

N.
Ospertus, avus *Ramberti*.

N. filius *Osperti*.

Rambertus.

Luitfridus IV, Comes.

Lutardus, Co- mes.	Hugo I, Comes.	Ruadrut, Abb. S. Steph. Argent.
-----------------------	----------------	------------------------------------

Gerardus, Comes,
uxor *Bertha*.

Luitfridus V,
Comes.

Adalardus,
Comes.

Hugo, †
puer.

Ermengardis,
uxor Lotharii Imp.

Theodericus, Heva,
† juvenis.

Hugo II.

Luitfridus VI,
Comes illustris.

Humfridus.

Luitfridus VII.

Hugo.

Guntramnus Dives.

Luitfridus VIII.

Lantholdus, seu Lancellinus.

Radeboto.

Wernerus I,

Rudolphus,

Ep. Argent.

Comes.

Otto I, Co-
mes Sundg.

Wernerus II.

Albertus I.

Richenza.

Otto II, Comes.

Adelbertus II, Comes.

Wernerus II, Comes.

Wernerus III, Comes.

Adelbertus III, Comes Habsb.

Rudolphus, Comes Habsb.

Adelbertus IV, Rudolphus, Comes
Comes Habsb. Habsb.

AVDOLPHVS, Comes Habsb.
& Kyburg. dein Rex
ROMANORVM.

Post

Post innovatam patrum memoriam *Liber III Genealogiam* ita instruit, ut *posteror*, seu *lineam*, quam vocant, *descendentem*, *Rudolphi, Regis Romanorum*, examinet. Agit ergo *Caput I de Alberto, Romanorum Rege, & reliqua prosapia Rudolphi I.* Primogenitum fuisse *Albertum*, dubitare nos non sinunt chartæ, quas *Tom. II num. 570, 603, 621*, Rev. Pater attulit: ex quo *Albertus Argentinensis* confutari poterit, qui, filium quendam patri cognominem primo editum fuisse loco, autumat. Secundum natu omnes istius ævi Autores *Hartmannum* faciunt. Is, quod mireris, nullibi *Ducis Austriae* superbit titulo, quia forsitan iam tum aquis Rheni prope Waldshutium meritis vitam finiverat, cum fratres eum sibi arrogarent. Tercio filiorum *Rudolphi II* nomen hæsit. De eo multa scriptoribus rerum Germanicarum memoriz sunt prodita. Filium *Joannem* genuit, quem posthumi arbitratu *Birckmannus*, quique sub tutela *Alberti* patris in Diplomate de A. 1292, *Tom. II num. 664, 666*, reperitur. Nec filix *Rudolpho Cæsari* defuisse videntur; quæ vero nomina gesserint, quorum junctæ sint matrimonio, nos quidem ignoramus; quanquam *Albertus Argentinensis, Hennigesus, & Bucelinus*, ea omnia audacter tradiderint. *Capite II de conjugio & prole Alberti* varia Rev. Autor congestit. Hic ex *Elisabetha, Meinhardi III, Carinthiæ Ducis, & Comitis Tyrolensis*, filia, sex natos genuit, *Rudolphum, Fridericum, Lupoldum, Ottonem, Albertum, & Henricum*. Fulget in primis *Friderici* nomen, quippe qui in Diplomate de A. 1321 *D. G. Romanorum Rex semper Augustus* pactum successorium, a *Wernhero, Comite Hombergensi, & Joanne, Habsburgensi*, initum, regio majestatis signo confirmat. *Albertus II* eo nomine venit commemorandus, quod per nuptias cum *Joanna, Ulrici Comitis filia*, contractas amplissimam adierit hæreditatem, primusque *Comitis Phirretarum* titulo usus fuerit. Is, ut *Capite III* docetur, gentem quatuor propagavit filiis, *Rudolpho, Friderico, Alberto III*, qui ob Matheleos cultum *Astronomus* audivit, interque lineæ Austriacæ majores primum locum obtinuit, & *Lupoldo, Tyrolensis lineæ conditore, cujus effigiem, Consiliariis præcipuis,*

Lib. III.

Cap. I.

§. 2.

pag. 202.

§. 3.

4.

5.

Cap. II.

§. 2 seq.

pag. 207.

§. 6.

Cap. III.

§. 4.

5.

- Joanne Comite de Ochsenstein, & Ottone, Marchione Hachenbergensi, stipatam, & tabula ænea monasterii Kœnigsfeldensis depingi curavit Rev. Hergottus. Ille nunc Capite IV Alberti III & Lupoldi Probi propagines delineaturus, posteros quosvis ad Ladislaum usque & Maximilianum I Imperatorem serie non interrupta recenset. Alberto ex Beatrice, Friderici, Burggraviæ Noribergensis, filia, natus est Albertus IV, qui patiens & ob notitiam *πικρίαν* mirabilia mundi dictus legitur. Is ex Joanna, Alberti Bavaræ filia, si scriptoribus ejus xvi sine robore Diplomatum fides, Albertum V suscepit, quo nomine forte Albertum II indicatur, cui redditum quasi postliminio imperiale decus, & cui jam defuncto uxor Ladislaum, Regem Hungariæ, quadrimestrem posthumum, peperit. Lupoldus Probus quatuor reliquit filios, Wilhelmum, qui ob venustatem morum *Aulicus & Affabilis* dictus est, Fridericum, Sigismundi patrem, cujus inventio injicitur in literis, ad Carolum, Franciæ Regem, scriptis, apud Leibnitium in Cod. Jur. gent. Tom. I pag. 349: Leupoldum, quem A. 1410 in album mortuorum retulit necrologium Murense: Ernestum Ferreum, felicem trium liberorum, Friderici nempe IV, Imperatoris, qui Maximilianum I procreavit, Alberti, & Ernesti, patrem. Liber IV inscribitur de Genealogia Lauffenburgo-Habsburgica, in qua a Rudolpho, Comite Habsburgico, cognominis *Alsatie Landgravii, filio natu secundo, ad ejus posteros, Habsburgi Comites, Dominos Lauffenburgi, dein & Rapperswila atque Rotenberge, nec non Landgravios Cleggovia atque Sissgovia, usque ad ultimum hujus stirpis Comitem Habsburgicum, stemma deducitur. Capite I nomen celebratur Rudolphi Taciturni, Habsburgi Comitis, a Rudolpho I & Agnete, Gottfridi de Staufen filia, geniti, quem Lauffenburgica stirpis satorum facta voluerunt. Is, ut Capite II legimus, filios quinque genuit, quorum quis fuerit senior, non satis constat. Wernberum in Cœnobio Wettingensi humatum scriptores nominant, eique Manlius fratrem germanum Hartmannum tribuit, de quo altum in Diplomatis silentium. Gottfridum, cujus potentiam æqualia loquuntur monumenta, in chartis paternis testem sæpius advo-**
- Cap. IV.
- §. 2.
- 3.
- Lib. IV.
- Cap. I.
- §. 2.
- Cap. II.
- §. 2.
- 4.

advocatum, frequentes ipsius subscriptiones testantur. Is Lauffenburgicas sibi sumit possessiones, ideoque in Diploma-
te A. 1258 Indiēt. I dato, omisso gentis titulo, *Comes de Louffen-
berche* dicitur, *Tom. II num. 320. Rudolphus*, tertius natu filius,
eodem die, quo patruelis regale solium conscendit, a Capitu-
lo Constantiensi electus est Episcopus. *Otto*, cujus in biga Di-
plomaturn de A. 1253 occurrit mentio, nil memoratu dignum
gessisse videtur. De *Eberhardto* in sequenti libro amplior
erit dicendi occasio. Nobis *proles Gottsfridi* lustranda est,
quod *Cap. III* fecit Rev. Autor, *Rudolphus*, filius, *Rappersvilz*
Dominus & Comes *Habsburgi* appellatur. Felices ipsi nup-
tiz contigerunt. Ducta enim *Elisabetha*, *Rudolphi* *Rappersvil-*
ensis ex Mechtilde filia, vidua *Ludovici*, Comititis *Homber-*
gensis, non modo omnia, quæ socer feudi titulo per manus
Anselmi, *Einsidelensis* Abbatis, acceperat, quæque in chartis de
A. 1261. 4 id. Jan. num. 445, & de A. 1296 num. 678, *Tom.*
II, recensentur, dotis loco obtinuit, sed etiam majori parte
ditionis *Rappersvilensis* cum firma reliquæ a *Wernhero*, *Eli-*
sabetha ex thoro priori filio, possessæ partis stipulatione poti-
tus est. Nec prole caruit. Natus quippe ipsi *Joannes I*,
Habsburgi Comes, *Cleggoviz* Landgravius, Dominus *Rap-*
pervilz, teste tabula de A. 1310. 10 Cal. April. *Tom. II pag. 705*,
qui, præter filium cognominem natu majorem, alios binos
Gottsfridum & Rudolphum, qui in charta de A. 1351 d. 18 Jan.
Tom. II num. 800, Kilcher zu Stunzingen, i. e. *Stunzingen-*
sis Ecclesiæ rector & patronus, appellatur, cum filia *Agnete*,
formosa ejus ætatis puella, genuit. *Joannes alter tertium*
procreavit, in quo cum quidam eum cum *Joanne IV*, extre-
mo gentis, Juniore ad A. 1395 usque appellato, confunderent,
lineam *Lauffenburgicam* desuisse, perperam existimarunt. Ita
Libro IV finem impositurus Rev. Autor, *Capite* ultimo ultimas
ultimi Comititis *Joannis* filias, *Ursulam & Agnetem*, in scenam
producit. Sequitur *Libro V Genealogia Kyburgo-Habsbur-*
gica, seu de *Kyburgiis posteris ex Lauffenburgica stirpe oriun-*
dis tractatio. Hanc lineam *Eberhardus I, Rudolphi Taciturni*
ex Gertrude Regensbergica filius, Anna, nata Hartmanni,

Cap. II.

§. 4.

5.

6.

Cap. III.

§. 3.

Cap. IV.

V.

§. 2.

Cap. VI

VII.

VIII.

pag. 252.

Lib. V.

Cap. I.

§. 2.

- Comitis Kyburgensis, ex *Elisabetta* conjuge in matrimonium adscita, condidit, atque ad filios, *Hartmannum I & Eberhardum II*, qui primus *Comitis Kyburgensis* titulum, cum *Landgravii Burgundi* elogio, assumisse legitur, propagavit. *Eberhardus Hartmannum II & Rudolphum* genuit, quibus *Franc. Guillimannus Eberhardum*, Canonicum Basileensem, & *Joannem*, Argentinensem Præpositum, addit. Sed mox in prole *Hartmanni* amplissima gens desiit. Nondum erueri potuerunt Critici, quot suscepit *Hartmannus* liberos. *Chronicon Tschudianum Egonem & Berchtoldum* nominat, ex *Anna Nidolwienſi* procreatos. His *Guillimannus & Henricum* addit & filiam *Verenam, Fridricum Muli*, Zollerano Comiti, matrimonio junctam. Servavit gentis memoriam monumentum sepulchrale, quod in asceterio principali monialium *de Schœnis* reperit, & ob venustatem sine mora depinxit *Hergottus* noster Celeberrimus. Superest *Liber VI*, quo *consanguinei & affines Augusta Domus Habsburgica* ex monumentis veteribus eruuntur. Omnis tractatio ad potiora quatuor redit capita.
- pag. 261. Cap. II. Primum enim Rev. Autor dedit operam, ut eas nominaret familias, quæ antiquos Comites Habsburgicos, antequam in plures lineas dividerentur, propinquitate sanguinis attigerunt, quo quidem pertinent *Zaringensis, Badensis in Argovia, Lenzburgensis, Nellenburgensis, Thiersteiniana, Psullendorſensis, Montis Billigardensis, Froburgensis*. Deinde speciatim *Domus Austriacæ* agnatos in monumentis obvios recenset, in quem censum veniunt *Comites Kyburgi, Hohenbergenses, Tyrolenses, Palatini, Pherretenses, Marchiones Badenses*, itemque, qui nomine avunculorum compellantur, *Marchiones de Hackberg, Frederici, Burggravius Noribergensis, Comites Furſtenbergici, Eriburgenses, & Werdenbergici*. Tum ab *Austriacorum* linea ad *Lauffenburgensem* gressum faciens, ei *Comites Rapperawilenses, Hombergenses, Oettingenses, Sulzenses, Ochsenſteinior, Montfortenses, Halsenses, Dynaſtas Reginbergenses & Balbenses, Barones & Nobiles Landenbergenses, Krenchingenses, & Klingenses*, sanguinis nexu fuisse conjunctos refert. Denique cognatorum *Kyburgensum* recensione finem
- impo-

imponit Operi illustri, & sive argumentum, sive doctrinam spectes, prorsus magnifico. Ad hanc classem pertinent *Comites de Herdenberg*, ex quorum quippe familia mater posterorum Kyburgensium, *Anna*, trahit originem. Eodem *Nidowien- ses* Comites referendi sunt. *Elisabetta* enim, *Joannis II* uxor, e primo conjugio *Rudolphum* Comitem de *Nidow* enixa est.

DELL' ANTICHITÀ ED ORIGINE DI ROMA

Dissertazione istorica &c.

h. e.

DE ANTIQUITATE ET ORIGINE UR-
bis Romę Dissertatio historica JO. STEPHANI
GRANARÆ, Infirmorum Ministri, dedicata Emi-
nentiss. & Reverendiss. Principi, Cardinali FRANCISCO
BORGHESE. Opus Introductionis loco futurum ad
Historiam qualemcunque, qua de Roma antiqua
differetur.

Venetis, apud Jacobum Marianum Lazzaronum, 1734, 4 maj.

Alph. 4 plag. 5, cum Fig. æn. 8.

In prolixa hac Dissertatione historica, cujus denominatio-
nis rationem ex colloquiis, a se cum amicis quibusdam
habitis, petitam esse ait, in præmissa ad *Antonium Conti*, Pa-
tritium Venetum, & Regiæ Societati Londinensi adscriptum,
Epistola, doctissimus Autor sub examen vocat, & contra
aliter sentientes defendit, receptam communi fere erudito-
rum suffragio opinionem de urbis Romę fundatione per
Romulum, eamque, magno cum argumentorum apparatu in
utramque partem, *quadraginta tribus Capitis* discutit, ex
quibus præcipua annotabimus. Scilicet, postquam *Capite secun-* Pag. 13 seq.
do asseruit, aliam Romam, ab eaque, quam *Romulus* fundasse
perhibetur, diversam, non existisse, *Cap. III* varias opiniones 26 seq.
antiquorum circa originem Romę, quibus duas aut tres
ejusdem nominis urbes fuisse videtur, exponit, & dein *Cap.* 46 seq.
IV ea, quę tam intuitu Albę ac Albanorum dominii in La-
tio narrantur, quam *Æneę* adventum in Italiam, ut vera
sibi

- sibi concedi postulat. *Cap. V*, scriptores *Cicerone* vetustiores fide dignos esse, suaque ex antiquissimis monumentis collegisse, ac ad sententiam suam stabilendam recte allegari, probat. *Cap. VI*, Romam ullam antiquiorem *Romuli* tempore, illumque ejus jam destructæ tantum reparatorem fuisse, negat. *Cap. VII* opinionem aliam de illo Romæ adhuc existentis instauratore impugnat. *Cap. VIII & IX* disquirat, an Roma excidio Trojano vetustior fuerit, & ante illud tempus jam destructa, eamque opinionem rejicit.
- 85 seq. *Cap. X*, *Aristotelis* auctoritatem, quæ ad fundationem urbis Romæ Græcis tribuendam adducitur, nullius momenti esse, monstrat. *Cap. XI* sententiæ *Gronovii*, originem Romæ ad *Dioclem Deparetium* referentis, alia argumenta opponit, ac fabulas quasdam, historiæ *Romuli* admixtas, sibi non ob stare, respondet. *Cap. XII*, urbem Romam a Græca gente originem suam cepisse, negat, etiam si, *Romulum* multos ex ea in novam coloniam admisisse, concedat. *Cap. XIII & XIV* argumentum, ex etymologia & scriptione Græca vocis Romæ desumptum, refutat, & vere Latinam esse, ostendit. *Cap. XV & 177 seq.* *XVI* novum argumentum de etymologia vocis Romæ, si non 199 seq. Græca, attamen Pelasgica, responsione sua diluit, ac in Pelasgorum simul & Tyrrhenorum originem antiquam, & in Italianam transmigrationem, inquirat. *Cap. XVII & XVIII* etyma 290 seq. vulgaria nominis Tyrrhenorum examini subjicit, ac illud ab 307. 316. Hebraica voce *תרן* *Toren* derivat. *Cap. XIX & XX*, Pelasgos a Tyrrhenis diversos esse, quibus rationibus, & num recte, asferatur, exponit, & antiquos Pelasgos a *Phalego* nomen quidem, sed non, rigoroſe loquendo, originem omnes trahere, censet. *Cap. XXI* declarat, quo sensu Roma ab antiquis civitas Tyrrhena sit dicta, exponit, & Pelasgos Phalegianos cum Aboriginibus quidem eosdem, illorumque linguam cum Tyrrhena affinem esse, neque tamen originem vocis Romæ Pelasgicam inde probari, contendit. *Cap. XXII & XXIII* novam objectionem de nomine Romæ ad Pelasgos sanguine Græcos, licet non lingua, referendo proponit, ac illorum originem *Pelago*, filio *Neptuni* & *Lariffa*, attribuit, & per varias rationes allatas
322. 341. 357.
- con-

confirmat. *Cap. XXIV* primam originem nominis Græcorum & Hellenum indagat, ac vetustorum Pelasgorum habitationem in Thessalia collocat, unde in Italiam migrarunt. *Cap. XXV* de multiplici linguarum & characterum diversitate differit. *Cap. XXVI & XXVII* harmoniam linguæ Græcæ antiquæ & Italicæ seu Latinæ, & varias dialectos illius simul ostendit. *Cap. XXVIII* de characteribus antiquis ante diluvium universale, usu Ægyptiacorum ante Græcos a *Cadmo* in Græciam illatos, quem Japhetum fuisse negat, & prætenfa a Pelasgis vocis Romæ origine, amplius agit. *Cap. XXIX* de origine, numero, ac conditione primorum characterum Græcorum & Latinorum, de digammate Æolico, & scriptione Græca vocis Romæ per aspirationem, differit, & ex dictis, originem urbis a *Romulo* petendam esse, concludit. *Cap. XXX* argumentum ex magnifica & splendida cloacarum fabrica depromptum considerat, ex qua, Romæ tam brevi tempore consummatam exstructionem minus probabilem esse, objectum ei fuerat. *Cap. XXXI* antiquorum nummorum, in quibus novum contra ipsum argumentum ponebatur, originem atque ætatem dijudicat, ac inter alia apud Hebræos nummi genus, **מנשה** dictum, ab agno monetæ impressio nomen habere negat, & *Cap. XXXII* hoc argumentum de nummis porro fusius illustrat. *Cap. XXXIII* sententiam de monetis in Italiam *Numæ* demum tempore introductis propugnat. *Cap. XXXIV* errores *Ortonis Sperlingii* & aliorum circa originem nummorum perstringit, vocem pecuniæ a pecus & moneta, ab Hebræa **מנשה**, derivans. *Cap. XXXV & XXXVI* ad testimonio, ex Antoribus antiquis adducta, de prima impressione monetarum *Jani* & *Saturno* vindicanda, respondet. *Cap. XXXVII, XXXVIII & XXXIX*, quisnam sub nomine *Jani* & *Saturni* lateat, an *Noachus*, aut *Japhetus*, filius ejus, an *Moser*, prolixè disquirat, & moneta capite bifronte & navis puppi signata qualis sit, suam opinionem affert. Inscriptos Romæ nomine nummos nec adeo antiquos esse, ex literæ ultimæ insolita figura probari posse, *Cap. XL & XLI*, nec illos ad fundationem Romæ representandam alludere, judicat, & *Cap. sequente*

Pag. 501.

530.

543.

562.

587. 610.

630. 637.

662.

679. 686.

- Pag. 697. quente plures monetas, e. g. illam, quæ una parte aquilam, altera lupum, aliam, quæ centrum, aliam, quæ mulierem pelle apri vestitam, exprimit, & reliquas, pro illa opinione confirmanda ab aliis adductas, ingeniose explicat, ac *Capite* 721. ultimo de quarta, quinta, sexta, septima, imaginem solis & lunæ impressam, item equum, & alios typos, exhibente, multa erudite observat, ut, quonam illæ respexerint, conjici queat.

*DISSERTATIONES APOCALYPTICÆ,
exercitiis Academicis ventilatæ, & conscribendo in
ipsam Joannis Theologi Apocalypsin Commenta-
rio præmissæ, a JOANNE VAN DEN
HONERT, T. H. filio.*

Lugduni Batavorum, apud Sam. Luchtmanns, 1736, 4.
Alph. I plag. 2½.

- G**ravissimum quidem in se negotium suscipiunt, qui divinas qualescunque revelationes hominum, quos cœlestis afflavit aura, penitus introspicere, & ex involucris, quibus contextæ jacent, eruere, apud animum constituunt; at omnium tamen maximæ difficultates obversantur, si quis Apocalypsin *Joannis* Theologi, mysteriorum divinorum plenissimam, explicare & illustrare conetur. Causa hæc potissimum est, quare doctissimi ejus interpretes in diversas hic illic abeant sententias, nec in explicationibus, nisi paucissimis, communem inter se opinionem tueantur. Verum, sicuti hoc nequaquam impedire debet viros eruditos, quin exponendo libello operam suam impendant, ita nec Clarissimum *Joannem van den Honert* detinuit, quo minus de conscribendo in Apocalypsin Commentario cogitaret, ipsique *sex* has, quarum *quinque* priores in Academia Trajectina, *sextam* in Lugdunensi, ventilavit, Dissertationes præmitteret, effecturus hac ratione, ut non mole tantum minor, verum etiam usu faciliior, propter multas de medio sublatas difficultates, singulorum deinde verborum phrasiumque Commentarius sit futurus, Operæ ergo fa-
cturos
- Pag. 161.

Autos nos arbitramur pretium, si Dissertationum harum do-
 ctissimarum argumentum, & peculiare quasdam Clarissimi
 Autoris opiniones, paucis exposuerimus. *Dissertatio I* ana-
 lytin Apocalypseos exhibet, & hanc judicat elegantissima E-
 pistolæ forma conscriptam esse, adeoque tres habere partes,
 nempe *Exordium*, a titulo libri usque ad comma octavum;
 deinde *Argumentum* totius libri, consistens in mysterio se-
 ptem stellarum & septem candelabrorum, una cum harum
 rerum tum representatione, tum explicatione uberiori; *Epi-
 logum* denique, ab ultimi Capitis commate octavo usque ad fi-
 nem. In argumenti tractatione præter alia docetur, septem
 spiritus significare unum spiritum Dei in relatione ad se-
 ptem œconomiz Evangelicæ tempora, & septem ecclesias,
 occasione a septem Asiaticis ecclesiis desumpta, significare ob
 eandem rationem unam eandemque Ecclesiam. Atque huc
 refertur etiam apertura septem sigillorum, & clangor septem
 tubarum. Mulierem, draconi tantopere invisam, cujus me-
 minit *Joannes Cap. XII*, non fuisse *Mariam*, matrem Servato-
 ris, sed Ecclesiam, multa spe & expectatione gravidam, usque
 dum resurgeret *Messias* primogenitus ex mortuis, variis ar-
 gumentis stabilitur. Per *Michaelem* Archangelum intelli-
 gitur Spiritus Sanctus; per primam bestiam, multis capitibus
 e mari prodeuntem, in *Cap. XIII, 1-10*, incurfus gra-
 vissimarum hæresium; per alteram bestiam, e terra oriun-
 dam, quæ cornua similia agni habebat, sed tanquam draco
 loquebatur, Antichristus Romanus, idemque etiam per
 mulierem meretricem, bestię multorum capitum insidentem;
 per Hierosolimam vero novam, sanctam urbem, cœlitus de-
 scendentem, Ecclesia, in his terris versans. *Dissertatio II*
 de septem spiritibus Apocalypticis, ex *Cap. I, 4, 5, III, 1, IV,*
5, V, 6, agit. Ante omnia hic innumeris ferme scriptorum
 veterum locis demonstratur, halitum & spiritum secundum
 ipsam rerum naturam non pro aliquo accidente, sed pro ne-
 cessario & essentiali vitæ animalis actu signoque, haberi, &
 sæpissime ad mentem applicari. Mentis autem essentiam
 Autor constituit in τῷ cogitare, eamque ait eo rectissime

Page 4.

8.

12.

15.

23.

30.

Pag. 33.

nomine exprimi, quo id, quod in vita animali non accidentale, sed essentielle, est, indicatur. Atque hoc sensu nomen illud non tantum de mente humana, deque angelis bonis & malis, verum etiam de Deo in genere, aut de divina Christi natura, maxime vero de tertia trinitus Numinis persona, cui id nomen κατ' ἐξουσίαν & discretive datur, usurpari. Inter vivi hominis halitum & Dei spiritum quædam analogie sunt, quæ recensentur. In hominibus quoque operatio spiritus Dei eidem emblemati halitus exactissime respondet. Nec minus tamen recte spiritus ille eo nomine describitur, quo ventus significatur. Personalis autem cum utique agnoscenda sit in septem spiritibus Joannis subsistentia, & gratiam pacemque ab illis apprecetur Joannes, contra Hammondum, Bezam, a Lapide, & Grotium, affirmat Autor, de infinito quodam personarum genere, imo de Spiritu Sancto, sermonem esse; septenarium vero in Apocalypsi numerum non tollere unitatem rei, de qua agitur, cum pari modo & una vera Dei Ecclesia septem Ecclesiarum nomine proponi potuerit, cum porro ad septem Novi Testamenti tempora, per quæ Spiritus Sanctus beneficia sua confert in Ecclesiam, respiciendum sit, cumque dona Spiritus Sancti numero septenario in Scripturis innotescant, cum denique talia prædicata adsint, qualia a nullo, quam hoc, subjecto permittantur esse. *Dissertatio III* de die Dominica, ad *Apo.* *I, 9*, scripta est. Negat Autor, eam esse primam hebdomadis diem, quæ vulgo dies solis dicitur. Quamvis enim inficias ire nequeat, non tantum a patribus primam illam hebdomadis diem *ἡμέραν κυριακῆς*, & Latine diem Dominicam, dictam, sed & propter resurrectionem Christi hoc nomine insignitam, & conventibus sacris dicatam fuisse; negat tamen, morem illum tam alte adscendere, ut vel Christum vel Apostolos autores habeat. Aliquam quidem hujus diei observantiam & celebrationem, locis quibusdam Scripturæ motus, concedere cogitur, sed ex illis non clare patere ait, an præ ceteris sacra, publicisque ad rem divinam cæribus dicata, & quod maximum est, dominica, dies *Apostolis* dicta sit. Rejcta

57.

63.

jecta igitur communi sententia, & repulsis, quibus fulciri so-
let, argumentis, sive ex sacro Codice, sive ex Constitutionibus,
quæ Apostolicæ dicuntur, sive ex Epistola *Barnabæ*, *Eusebio*,
& *Augustino*, desuntis, Autor statuit, & multis Scripturæ locis
probare contendit, diem Domini, adeoque & dominicam, a-
liquam exercendi a Domino iudicii diem esse, atque a *Joan-*
ne intelligi eam diem, qua summum illud per Romanos a
Judæis supplicium sumisit iustissimus Dominus. *Dissertatio*
IV de *Joanne* in insula Patmo disserit. Patmos, vel, uti in
nummis est, Pathmos, insula in mari Egeæ, sive in Archipelago,
huiusque ea parte, quæ mare Icarium veteribus dicitur,
inter Icariam Lerum & Samum sita est, eamque ob causam
merito annumeratur insulis, quæ Sporades dictæ, & a Cycladi-
bus distinctæ sunt. *Joannem* huc a *Domitiano* in exilium
pulsus esse, postquam e ferventis olei dolio sine ulla læsione
extractus fuerat, incertissimum existimat Autor, quia ab *Ori-*
gene, *Eusebio*, atque *Hieronymo*, ad aliorum tantummodo tra-
ditionem res narratur, a *Tertulliano* vero fabulose referatur.
Addit hic, adversus suam de die Dominica sententiam demon-
strari a nemine posse, quod *Joannes* tempore excidii
Hierosolymitani in insula Patmo non fuerit, quamvis con-
cedat, eam Apocalypseos partem, quæ de nomine & numero
Antichristi agit, teste *Irenæo* ad finem imperii *Domitiani* vi-
sam fuisse. In *Dissertatione V*, de septem Epistolis Apoca-
lypticis, sententia doctissimi Viri eo redit, septem angelos, ad
quos scriptæ sunt septem Epistolæ, non esse angelos spiritus,
neque bonos, neque malos, sed homines, & quidem veros
doctores & moderatores Ecclesiarum, non omni parte perfe-
ctos & inculpatos, sed interdum gravissime lapsos, ita tamen,
ut per singulum horum angelorum non unus homo & Epi-
scopus, sed aliquis hominum atque præfectorum cætus, in
relatione ad commissas suæ curæ Ecclesias, notetur. Solutis
tandem quorundam eruditorum objectionibus, de ipso Epi-
stolarum argumento disquirat, idque mysticum, historicum,
& propheticum esse, affirmat. In *Dissertatione VI*, quæ ana-
lysin septem Epistolarum Apocalypiticarum tradit, Autor, in

Pag. 89.

85.

99.

106.

111.

114.

115.

122.

129.

132.

161.

his Epistolis, repetit, exponi mysterium septem stellarum in manu Servatoris, illasque dicit non ad internum ipsius Ecclesiæ, sed ad varium doctorum Ecclesiasticorum, his Ecclesiis præfactorum, statum referendas esse; hinc etiam angelis illis multas virtutes vitiaque adscribi, quæ ad publicum Ecclesiæ regimen vel bene vel male administratum pertineant. Atque, his præmissis, sequitur cujusvis Epistolæ analysis, ita instituta, ut exordium, argumentum, & epilogus, sistatur. Ipsum ergo, quem promisit nobis Clarissimus Vir, in hanc *Joannis* Theologi Apocalypsin Commentarium expectamus cupidi, satisque persuasum nobis habentes, ipsum Opus prodromo suo haud impar futurum.

**ARISTÆNETI EPISTOLÆ GRÆCÆ, CUM
versione Latina & Notis JOSIÆ MERCERI, cu-
ranie JO. CORNELIO DE PAUW,
cujus Notæ accedunt.**

Trajecti ad Rhenum, apud Jac. van Lanckoin, 1736, 8.
Plag. 19½.

Quis fuerit ille, cujus hic Epistolas commendamus, *Aristænetus*, post diuturnas eruditorum conjectiones, adhuc sub judice lis est. Sunt, inter quos *Lucas Holstenius* principem facile locum tuetur, a quo nec *Jo. Alb. Fabricius* dissentit, eundem illum esse arbitrati, cui *Libanius* Epistolas quasdam inscripsit. Id ipsum tamen vel ex hoc capite in dubium vocavit *Cl. de Pauw*, quod, quem nobis depictum dedit, & magistrum suum appellavit *Libanius*, tanquam virum, non modo eruditum, sed animi etiam erectioris, ac rebus gerendis idoneum, descripserit; quæ omnia in nostrum istum minime quadrare existimavit, quippe cujus Epistolæ commentitiæ partim essent, nec a quoquam in vita communi exarata, partim etiam, & quidem præcipue, ad verbum omnes ex aliorum commentariis descriptæ, ut nihil fere, præter connexiones, ab Autore nostro fuerit præ-

profectum. In ea igitur est hæresi, quod, in gratiam juniorum; a Grammatico vel Sophista quodam fuerint consignata, eum in finem, ut perspicerent illi, qua ratione ex optimorum Autorum flosculis Epistolæ venuste atque eleganter compingi deberent. Imo vero eo usque processit Editor, ut ipsum scriptoris nomen in dubium vocaverit. *Mercero* scilicet acceptam refert conjecturam, nomen, Epistolæ omnium primæ inscriptum, translatum esse ad ipsius collectionis autorem. Hoc quidem fundamento posito, conjiciendo pergit Vir ingeniosus, & cum nomen Epistolæ illius argumento aptandum esse censeat, quod amicæ laudes complectitur, *Ἀριστέρες* vero non optime laudantem, sed laudatum, significet, vocabulum *Ἀριστάντης* initio positum fuisse, hariolatur. Quicquid autem de homine statuatur, certiores tamen vel ex ipsis Epistolis esse possumus, qualem se scriptorem exhibuerit *Aristanetus*. Nostro nimirum si quid inest iudicio, quod de *Petronio* vulgo dicitur, ad hunc etiam jure suo relatum iri arbitramur, quod impurissimæ nonnunquam fuerit puritatis scriptor, atque elegantissimus omnino inter Græcos nequitiarum arbiter. Et fac, castior sit isto, male tamen fecisset Autor, si quidem, secundum Cl. Editoris sententiam, in juventutis emolumentum ejusmodi Epistolas composuisset. Non eum in finem hoc dictum velimus, quasi pertinaciter repugnemus Cl. *de Pauw* conjecturis; novimus sophistarum illius seculi artes, & plausum acquirendi cupiditatem: verum ideo tantum, ne quis temere arbitretur, illas hodiernum ad usum scholarum esse accommodatas. Interea tamen haud male collocarunt operam suam eruditissimi Viri, qui elegantem ejusmodi & festivum libellum diligenter curarunt. Hos inter principem omnino locum meretur *Jo. Sambucus*, qui A. 1561 Græca primum lingua, ex officina apud Antwerpienses Plantiniana, Scriptorem hunc literatorum manibus tradidit. Successit deinde *Josias Mercerus*, vir doctissimus, qui non eleganter solum interpretatus est *Aristanetum*, sed notis etiam perquam commodis instruxit. Tribus gaudemus harum lucubrationum editionibus,

nibus, Lutetiæ Parisiorum A. 1595, 1600, & 1610, evulgatis. Postremam; utpote auctiorem atque emendatiorem, typis hic repetitam videmus, ita quidem, ut, quas margini *Mercerus* addiderat animadversiones, paginæ subjecerit, suisque locupletarit Vir eruditus. Et recentiores illæ quidem sunt, quas paulo adhuc accuratius inspiciemus. Ad Criticam pertinent tantum non omnes, & habent omnino, quo non Autor solum ipse, sed *Mercerus* etiam, illustratur mirifice atque emendatur. Ita pag. 99, quæ de proverbio: Κρωβύλου ζεύγος, dixerat ille, laudabiliter confirmat successor. Felicius etiam interdum, quam quidem *Mercerus*, interpretari atque hariolari videtur, e. g. pag. 82, ubi τὰ δὲ ἀνατρέπει, quod ille per avertunt reddiderat, per stomachum cient, turbant, evertunt, expressit, & pag. 6, ubi legendum esse conjicit: Καὶ τὸ κύκλω λευκὸν, ἀργὴ λευκετάτη, ἵ' circum album, splendor candidissimus, secus ac alter, qui αἱ γλῆναι λευκότεραι legebat. Sic merito reprehendit audaciam illius, quando ἀφικνουμένους in ἀφικνούμενος temere mutavit pag. 33, & pag. 42, quando sine causa pro ὁ δ' αὖν legit ὁ, τι αὖν, quem ad modum veram lectionem non male defendit pag. 102 & 110, ubi simul modestissime tractare videtur antecessorem. At enim non semper ejusmodi humanitate utitur Cl. de Pauli, quin potius Criticum se præbeat plerumque insicetum. *Merceri* notas, bonæ frugis plenissimas, leves atque exiguas vocat in Præfatione, & si quidem honorifice eundem compellat, cujus tamen humeris, ut ita loquamur, insistit, misere illum balbutire (pag. 8), resque ineptissimas (pag. 83) absque ullo judicio (pag. 20) proferre, imo vero ipsis tyronibus cognitione cedere (pag. 102), pronuntiat. Paulo tolerabiliore essent ejusmodi, quæ fastum hominis spirant, castigationes, si quidem cum ratione semper corrigeret *Mercerum*. At enim haud raro accidit, ut vel deterius sentiat, vel in alium incautus errorem prolabor. Sic pag. 8 ossa ridens ductilia, fulque deque habuisse videtur, quid sit ὑπερβολή, quantamque huic potissimum loco conciliaverit elegantiam, & pag. 12, ubi *Mercerus* temere legit: χαρίεντως μειδιῶσαι aut ἀναβλέπουσαι. χαίρειν,

χάριν ἔρωτας μειδῶσαι, ipse non felicius corrigit: ἀναβλένεται χάριν ἔρωτος μειδῶσαι καὶ μόνω κ. τ. λ. cum nesciamus, quam ob rem verba consillere nequeant, si quidem ἀναβλέπεται χάριν ἔρωτος ad gratiam in cantante conspicuam accommodaveris. Neque hunc unum, in cujus dedecore gloriam forte posuit suam, rigidius excipit. Nemo propemodum, quos appellat, eruditorum a Critici dente securus esse videtur. Ab instituto nostro, & a re ipsa, sejunctum est, quod in Præfatione satis acriter movet, literarium bellum. Audiamus tantum, quomodo *Barthium* tractet immortalem *pag. 282 seq. Barthius*, inquit, *legebat - - Insulse & coacte: sed ita ubique ille, præcipue in Græcis - - Deceptus est Vir nasutus ab Interprete - - inter Aristeneti paræmiaca recenset Βαδίσμας κυπαρίττου: quidd adeo putidum, ut nihil re vera excogitari posset magis. &c.* Sed quid multa? ipsum, quem edidit, Autorem reprehensionibus illis præ ceteris omnibus expositum esse videmus. Nolumus in memoriam revocare, quæ jam sub initium tetigimus; videamus potius, quanta cum libertate passim, & inter alia *pag. 14.* locutiones ipsum magis Græcæ adhibere docuerit. Et quid tandem solennius est apud Nostrium, quam verba scriptoris pro arbitrio mutare, quæ defendere potius & stabilire debuisset? *Pag. 39* ἔξω in ἔσω novandum esse arbitrat, & hanc ipsam rem apertam & dubitationis expertem pronuntiat, ubi nobis tamen, pace Clariss. Viri, certo certius contrarium statuere licebit, cum mulier, de qua sermo est, in interius aliquod cœnaculum, ex eo, ubi deposuerat vestes, se contulisset, atque adeo de vestibulis, non ἔσω, sed ἔξω, relictis, sermonem instituere potuisset. *Pag. 58* pro περιχόρευς sine causa scribit περιεχόρευς. *Pag. 87* ex eo solum capite, quoniam ipsi non placeat ποδῶν cum casu patrio, quem dicit, loquendi formam: παλλακίδος τοῦ τεκόντος πόδω κλινοπέτης ἦν, legendam jubet, vel παλλακίδα τοῦ τεκόντος πόδω κλινοπέτης, vel παλλακίδα τοῦ τεκόντος ποδῶν, κλινοπέτης ἦν. Sed quando finem inveniremus, si quidem suscitare vellemus omnia? Ex-

D

empli

empli loco vel omne trinum erit perfectum. Interim contentos esse oportet ejusmodi Catone, gloria illius diligentia relicta, quod optimum huc usque *Aristaneti* exemplum nobis tradiderit. Neque tamen dissimulare possumus, præclarior omnino de isthoc Scriptore meritum esse, qui, post accuratam in historiam illius inquisitionem, Codicem denuo MStum, & Commentarium *Lambecianum*, in Augusta Imperatoris Bibliotheca latentes, adhibere posset, nec, præter *Ge. Franci de Franckenau*, si qui supersunt, labores, quæ Adversariis immiscuit *Barthius* noster, atque alii passim commemorarunt, contemti haberet. Hac demum ratione satis instructum, si quidem modestiam simul religiosam, & acutam eruditionem, ad istum libellum attulerit, in ejus interpretatione, atque Interpretum castigatione, laudabiliter versaturum esse, judicamus.

JO. RUDOLPHI ENGAVII, J. U. D. Elementa Juris Germanici civilis, veteris pariter ac hodierni, ex genuinis fontibus deducta, & commoda auditoribus methodo adornata.

Jenz, impensis hæredum Cræckeri, 1737, 8.

Alph. i plag. 18.

Diu inculta & prorsus derelicta jacuit Juris Germanici prudentia. Nostræ demum ætati ita contigit esse felici, ut, quæ a superioris ævi doctoribus ignorabantur, aperta & in æprico constituta conspiciat. Scimus, in hoc campo haud ita pridem ingenii divini prorsus vires exercuisse magnum illud *Fridericianæ* totiusque orbis literati decus, *Jo. Gottl. Heinemannum*, cui tam feliciter hoc etiam institutum successit opus, ut non tantum palmam, eamque lemniscatam, inter votivos bonorum omnium applausus, nemine contradicente, referret, sed omnibus fere & nostri & futuri seculi eruditis eandem recipiendi telam, & post amplissimam messem spicilegium instituendi, potestatem adimeret. Tanto omnia judicio,

cio, tantoque eruditionis apparatu, pertractavit. Interim, cum in rebus humanis perfectum nihil omnibusque absolutum numeris expectari queat, ipse Vir Illustris, pro ea, quam omnes in eo suspicimus, modestia, universos reipublicæ literariæ cives amice hortatus est, ut in isto decurrerent tramite, & cæptos a se labores quotidie magis magisque colerent. Primus hoc sibi dictum putavit *Jo. Rudolphus Engavius*, doctrinæ Vir politissimæ, & magna omnia spondentis. Is, sicuti a multis inde annis cupidam Jurisprudentiæ Germanicæ juventutem doctrina sua & præceptis instruxit, ita nec precibus ipsorum, publicam *Elementorum Juris Germanici* expositionem flagitantibus, deesse voluit. Equidem in Præfatione libelli, nimis festinandum fuisse sibi, conqueritur, eoque nomine obviis forsitan hallucinationibus veniam exorat; ast deprehendet peritus harum literarum lector, excusationibus opus Autori Clarissimo non fuisse, gratiasque potius eidem deberi maximas. Etenim nobis persuasissimum habemus, tantam splendere in Opere hoc concinnitatem, ut, si omnes Juris nostri partes eadem tractarentur methodo, respublica Jctorum non exiguos inde fructus, non leve incrementum, sit captura. Quodsi generatim ordinem, quo in Systemate hoc pertractando usus est doctissimus *Engavius*, intuemur, eundem deprehendimus, quem ipse in legitimæ scientiæ elementis sibi D. Imp. *Justinianus* delegerat. *Librum* enim *primum personis* consecravit: *rebus alterum* tribuit: *tertio pacta* tradidit; *quarto* denique *rem judicariam, actionumque doctrinam*, illustravit. Singula vero capita nihil *Tribonianæ* habent confusionis, tanta e contrario ingénii venustate, tantoque judicii acuminè, sunt corusca, ut Autorem in arte differendi magistrum vel invitum cogaris profiteri. Magno cedit Jurisprudentiæ nostræ emolumento, quod antiquis qualibuscunque descriptionibus non contentus, novas, easque secundum artis regulam logicæ concinnatas, definitiones suppeditavit; quod multas inauditas antea divisiones, indicatis sedulo earum fundamentis, in medium protulit; quod certa, ex definitionibus divisionibusque petita, axiomata constituit, indeque fluentia prono alveo duxit con-

sectaria. Quam perspicua sit & grata legentibus scribendi ratio, qui nasum habent, nobis etiam tacentibus intelligunt. Nos, in presenti brevem Operis *αὐτῶν* daturi, ita verfabimur, ut ordinem Capitum recenscamus, imminxtis quandoque, quæ digniores vitæ sunt, animadversionibus. *Libri I Titulus 1* agit de statu naturali; *2* de hominibus propriis; *3* de rusticis; *4* de nobilibus, ita quidem, ut membro 1 eorum ministeria, *2* antiquorum novorumque diversitas, creandi modus, & majores computandi ratio, *3* jura omnium in genere, *4* mediatorum speciatim privilegia, tradantur. *Titulus 5* de civibus, qui medio ævo *Burgenses* dicti, ita tractat, ut membro 1 urbium originem, statum, & regimen, *2* *Burgensium* receptionem & munera, *3* varias illorum species, uberius illustret. *Titulus 6* de *Patriciis* inscribitur, qui, Autore Consultiss. definiēte, sunt cives in urbibus Imperialibus Hanseaticisque primarii, ex quorum familiis senatores antiquitus eligebantur: unde consequitur, eos, quæ tales, Nobilium ordini nequaquam accenseri posse. *Titulus 7* est de mercatoribus; *8* de opificibus, quorum membro 1 collegia, *2* jus bannarium, seu prohibendi, *3* in pagis exilium, illustrantur. *Titulo 9* disseritur de jure coquendi vendendique cerevisiam, ac speciatim membro 1 de modo, quo competit *Burgensibus*; *2* de ænopolio; *3* de diversoriis, seu hospitiiis publicis; *4* de jure bannario, civitatibus Saxonis competentis; *5* de cauponis, agitur. Jus cerevisiam coquendi civium ordini regulariter esse proprium, constat inter omnes, quanquam & cuivis olim tantam coquendi cerevisiæ portionem, quantum domesticus requirit usus, data fuerit potestas, docente *Jure prov. Bavar. Lib. III Tit. 2 Artic. 4*. *Titulo 10* de parentum in liberos potestate Germanorum traduntur placita, quæ quidem utrique parentum æquum jus paremque potestatem vindicant. *Mundium* enim, quod & patri & matri tribuunt, obligationem personam alterius dirigendi ac alendi, cum jure ususfructus conjunctam, indicat. Hæc est illa patris Germanorum potestatis indoles, cui membrum 1 consecra-

vit

Pag. 64.
149.

94.

§. 208.
344.
pag. 110.

vit Autor, cuique *membrum 2 de acquisitione patriæ potestatis in liberos, & 3 de ejus solutione, fœdere amico sociavit. Ad nuptias perrecturus, agit Titulo 11 de sponsalibus; 12 de nuptiis; 13 de matrimonio; 14 de morgengaba; 15 de communione bonorum, sive acquisitu conjugali; 16 de dote, dotalitio, & augmento dotis; 17 de potestate maritali, quæ*
 1) tutelam uxoris, jussuque personam dirigendi, 2) facultatem æquas uxori operas injungendi, ad ferenda facilius matrimonii onera, 3) potentiam, emolumenta ex operis ejus capiendi, 4) jus venientem cum moderatione castigandi, nequaquam vero liberum vitæ necisque arbitrium, complectitur, quamvis hoc ex præsentī adulterarum pœna Ill. Heinæccius conjecerit. Titulus 18 est de matrimonio ad morganicam; 19 de epulis, sumptibus, & donis nuptialibus; 20 de divortio, ejusque causis; 21 de secundis nuptiis; 22 de unionē prolium; 23 de hagenstolziis, lepido homuncionum genere, quod diuturniorem, ac leges sciscunt, servat castitatem, & hodiernum in Ducatibus Guelpherbyitano & Cellerensi, in Comitatu Nellenburgensi, & Alberspacensi districtu, pœnis ex more veteri afficitur. Additur de tutelis tractatio, adeoque Titulo 24 de iis generatim; 25 de impuberum tutela; 26 de cura faminarum; 27 de absentium curatoribus, dispicitur. His jungitur Titulus 28 de infamia, cujus quidem nervum dignum existimamus, qui paulo lucidius enucleetur. Celebratur infamiæ in majorem & minorem divisio. Majorē non nisi illis inurebant nebulonibus, qui in fortitudinem, fidem, castitatem, & pietatem, cardinales Teutonicæ gentis virtutes, peccaverant. Huc referebant, si quis acie, abjecta non bene parmula, fugerat, si gladium perdiderat, si signa deseruerat, patriamve prodiderat, si muliebria passus fuerat, si perjurium aut perfidiam commiserat, si mendacio alapæ vindictam in se concitaret, si res sacras surripuerat, si crimine, decalvationem, fustigationem, aut proscriptionem, commerenti, sese polluerat, si manus carnificis ægre subterfugerat, si virgidemiam sustinuerat, quibus & virgo jungebatur.

§. 350.

389- 393.

442 seq.

tur, quæ pudoris oblita ad stupri flagitium semet ipsa obtulerat. *Minor infamia* in eos tantum cadit, quibus vel natalium inhæret macula, vel pudendum vitæ genus, quale est campionis, ludionis, &c. honestatis ademit gloriam. Nec effectus in rebus Germanorum publicis caruit nota infamiae, quippe quæ simul omnem ademit postulandi, testimonium exhibendi, judicandi, feudum acquirendi, opificium addiscendi, advocandi, veregildum, læsionis acceptæ solatium, exigendi, potestatem. Finem libro imponit *Titulus 29 de peregrinis*, quos quidem Germani honorifice satis & amice excipiebant, neque tamen eodem; quo cives, loco esse arbitrabantur, seu lege Francorum *Salica Titulo 45* edocemur. *Libri II Titulus 1* agit de rebus, variisque earum divisionibus; 2 de dominio; 3 de dominio minus pleno; 4 de feudo; 5 de dotaliis, laudemialibus, aliisque prædiis, quorum inter duos divisum est dominium; 6 de prædiis, quorum dominium inter duos vel inæqualiter dividunt receptæ leges, vel divisum esse perperam creditur; 7 de servitutibus in genere; 8 de quibusdam servitutum generibus, ut sunt jus pascendi, census, & apertura; 9 de acre, & exercendis in eo juribus; 10 de fluminum majorum juribus, quibus & alia cohererent, speciatim illuminanda, *Sectione 1* jus piscandi, 2 jus grutiae, 3 jura molendinorum, 4 jus navigationis, naucleri, & nautæ, 5 jus portuum, 6 jus trajectus, 7 jus acquirendi ex naufragio. *Titulus 11 sylvis* lacer est, disseriturque *Sectione 1* de sylvarum dominio, 2 de superioritate foreſtali, 3 de venatione. *Titulus 12 jus metallorum* pertractat, ita, ut *Sectione 1* metallifodina generatim, 2 fodinarum dominia, ad privatos spectantia, illarumque in partes Kuxse dictas diviso, 3 libri metallici, antigraphum imprimis, ea, quæ fas est, accuratione considerentur. Non est privati, possidere fodinas, nisi ex concessione Principis vel generali, quæ potestatem officiales instituendi complectitur, & hodie est rarissima, vel speciali, quæ in certa terrarum parte per schedulam *Murb. Zettul* dictam plenam indulget metalli

§. 448.

Lib. II.

§. 211 seq.

talli. eruendi libertatem, reservatis a Principe 1) pecuniæ recessus, per singulos anni quadrantes exsolvendis; 2) parte metallorum fossorum decima; 3) jure *πρωτοπραξίας*, colligendarumque particularum æris minutarum, *der Hütten-Kraze*. Ventilari hoc loco, & in utramque partem agitari, solet questio, utrum gypsus, carbonēs bituminati, *Stein-Kohlen*, & lapides fossiles, a decimis immunes sint. Præclare respondet Consultiss. *Engavius*, certi hic nihil posse definiri, omniaque a Principis pendere arbitrio. Dum *Titulo 13 de salinis* Germanorum examinantur instituta, circa *leges salinarias* inprimis occupatur industria Viri præstantissimi. Definiunt autem illæ 1) munus *des Born- und Gegenschreibers*, 2) vitam, labores, & mercedem *der Born-Knechte und Sollzieher*, 3) tempus & modum *der Born-Fabrt*, 4) rationem, qua *denen Thal-Gütern* debet resignari, & qualitates eorum, qui ad societatem salinariam adspirant, 5) methodum dividendi redditus, 6) quantitatem saluginis per singulos annos coquendæ, 7) pœnam locationis fictitiarum sartaginum, 8) regulas dividendi lucrum inter dominum saluginis & sartaginis possessorem, 9) ipsum salis pretium. *Titulo 14 de viis* agitur, & speciatim *Sectione 1 de via regia*, 2 *de jure conducendi*, 3 *de possis*, earumque *juribus*, 4 *de longitudine & latitudine via regia*, quam in *Rüsta* vel *Rasta* dividere majores fuerunt soliti, 5 *de viâ vicinali & privata*. Pergit Autor *Titulo 15 de pontibus*, speciatim *regiis*; 16 *de modis acquirendi naturalibus*; 17 *de modis acquirendi civilibus*, speciatim *prescriptione & investitura*; 18 *de successione pactitia*, quo refert *Sectione 1 pacta quævis successoria*, 2 *pacta confraternitatis*, 3 *pacta Garnerbinatus*, 4 *pacta familia*, quæ ad naturam *fideicommissorum* inclinant; *Titulo 19 de testamentis*; 20 *de successione legitima* descendentiū, adscendentiū, collateralium, conjugum, & fisci; 21 *de acquirenda vel omittenda hereditate*; 22 *de rebus ab hereditate separandis*, quo, præter *feuda & bonâ familiæ*, apud Saxones in specie referuntur 1) *beergewetta*, Equitibus olim propria, (vid. *Spec. Sax. I Cap.*

Pag. 302.

§. 228.

268.

- Cap. 27, cujus jam in LL. Angl. VI, 1, vestigia occurrunt,)
 2) *gerada*, 3) *morgengaba*, 4) *cibaria*, quæ & nomine *com-
 mersibilium* non raro veniunt, 5) *res mobiles*, quippe qua-
 rum ad maritum spectat hæreditas. *Titulus 23* est de hæ-
 reditate dividenda; 24 de transferenda in alium locum
 hæreditate. *Libri III Titulus 1* agit de conventionibus;
 2 de mutuo; 3 de *badmeria*, antiquissimæ originis conven-
 tione, (vid. *Jus Wisbyense Artic. 40.*) qua navis patrono
 aliquid hæc lege creditur, ut, nave redeunte salva, cum ma-
 gno fœnore restituat; 4 de *commodato*; 5 de *donatione*;
 6 de *deposito*; 7 de *mandato*; 8 de *emtionem venditione*, ubi *Se-
 ctione 1* dissertitur de ejus natura & indole; 2, in *pecunia nume-
 rata pretium consistere debere*, probatur; 3 *modi cum dissolvendi
 contractum*, speciatim retractus, indicantur. *Titulus 9* est de
societate; 10 de *permutatione*; 11 de *locatione conductione re-
 rum & operarum*, itemque de *contractu Socida*; 12 de *con-
 ventionibus aleam continentibus*, quo, præter ludos omnia
 generis, *sponsiones & affectiones* pertinent; 13 de *con-
 ventionibus accessoriiis, fidejussoribus, pignoribus, obstagio, in-
 strumentis guarentigiatis, literisque cambialibus*, tanta a Cl.
 Autore accuratione illustratis, ut caput hoc instar *Compen-
 dii Juris cambialis* esse queat. *Titulus 14*, isque ultimus, est de
modis solvendi obligationes. Ex hoc bina delibamus, 1) defi-
 nitionem *scontrationis* eximiam, quæ est conventio trium
 pluriumve mercatorum, ex quibus quilibet certam pecuniæ
 summam, ab uno acceptam, alteri solutam reputat. Summa
 enim crediti & debiti eadem esse debet, eodem loco & tem-
 pore, eademque moneta, exsolvenda, ni specialis iniri de lagio
 debeat conventio. Observamus 2), *additionem ad manus*,
 olim frequentissimam, hodie in desuetudinem abiisse, eique
 successisse carcerem, *die Veste, der Schul-Thurm*. *Libri IV*
Titulus 1 de *jurisdictione* agit, ejusque varias divisiones in *al-
 tam & bassam*, in *universalem & particularem*, in *propriam*,
delegatam, & prorogatam, uberius illustrat. *Titulus 2* est de
Judiciis; 3 de *Judice, Scabinis, Actuario, & Bidello*, seu nuntio,
 dem

Lib. III.

§. 22 seq.

205.

Lib. IV.

dem Fronboten, Büttel, Wäbel, qui quidem olim inter personas sacrosanctas referebatur, & insidens pulvinari, de verberibus, tumorem aut vulnus sine sanguine creantibus, jus dicebat. Docet hæc *Ottfridus* in *Evang. I, 5, 66, III, 16, 6*, ex quo simul error *Glossæ* ad *Jur. prov. Sax. I Cap. 53* confutari poterit. *Titulus 4* inscribitur de *actore & reo*, quam spartam aliquando, feminis licet e foro exulibus, tueri virgines viduæve, de tutore conquestæ, poterant, dato in litem curatore. *Titulus 5* est de *Advocatis & procuratoribus*; *6* de *in jus vocatione*, quæ & *mallatio*, *admallatio*, *solfatia*, *adrhamitio*, audit, itemque de *feriis* ac *dilationibus 14 dierum*, quæ spatio Saxonico originem dedisse videntur; *7* de *editione* ac *divisione actionum in civiles*, vel um *Schuld*, vel um *Gut*, vel um *Anefangk*, datis, *criminales*, & *mixtas*, id est, e civilibus in criminales, vel in civiles e criminalibus, degenerantes; *8* de *exceptionibus & litis contestatione*. Quid fecerint Germani, ubi causæ fundamentum negaret reus, in tanta morum diversitate non satis constat. Alii actorem ad probationem instituendam coegerunt, alii reo purgatorium injunxerunt, alii alterutri litigantium vel jusjurandum, vel certamen singulare, detulerunt, alii denique a reo jus non prius exegerunt, quam instituta utrinque probatione, causa tamen ad liquidum nondum deducta. Pergit Doctiss. Autor ad reliqua. *Titulus 9* est de *probationibus per instrumenta, testes, & jusjurandum*; *10* de *purgationibus*; *11* de *sententia, ferenda, impugnanda, exequenda*; *12* de *processu executivo*; *13* de *processu cambiali*; *14* de *judicio mercatorio, & modo ibidem procedendi*; *15* de *judicio & processu metallico*; *16* de *judicio & processu feudali*. Nos & nostro & communi literarum nomine Consultissimo *Engavio* de præclaro ingenii elegantis monumento impense gratulamur, nihil in votis habentes magis, quam ut institutas *Jurisprudentiæ criminalis Institutiones*, in quibus nunc esse totum, certo nobis constat, eodem, id est, felicissimo, successu absolvat.

§. 44.

46.

57 seq.

64.

75.

E

DE

DE CENTRO INERTIÆ, ATQUE GRAVITATIS, Meditatiuncula prima. Autore SAMUELE KOENIG.

Centrum commune gravitatis plurium corporum, diversimode in se agentium, semper quiescere, aut moveri uniformiter in directum, dixerunt quidem multi, demonstravit autem publice, quantum mihi innotuit, nemo. Cum itaque in his *Actis de Mechanica inertium* pertractare quædam constituerim, in quibus hujus principii frequentissimus est usus; quibus rationibus hoc asseri queat, non alienum videtur ante docere, ut, quæ deinceps hoc de negotio sum scripturus, & demonstrari rigidius, & a Lectoribus Mathematicis intelligi queant facilius.

Verum quidem est, non cum gravitatis centro, sed cum *centro inertia*, rem mihi futuram, quæ etsi diversis in locis eodem in systemate non locentur, causis tamen inter se, atque fundamentis, multum differunt. Haberet enim corporum systema *centrum inertia* remota gravitate, & adforet centrum gravitatis, etiamsi corpora inertia non forent; si modo gravitatem tanquam vim corpora versus centrum telluris prementem consideremus. Confunduntur plerumque hæc duo centra, quia coincidunt. Postulant sæpe Mathematici centrum gravitatis corporum in plano horizontali collocatorum, aut talium, in quibus omnem gravitatem abesse animo sibi fingunt. Desiderant itaque *centrum inertia*, cum centrum gravitatis se querere profitentur. Cum autem hoc ad propositum nostrum cum maxime faciat, dicemus de his paulo apertius.

Constat inter omnes Mathematicos, & quotidiana experientia confirmata res est, inesse omnibus in universum corporibus vim quandam, quæ illa tarda & ad motum segnia reddit; quam *inertia vim* significantissimo vocabulo dixit *Keplerus*; quæ actionis, & ipsi æqualis reactionis, & sic legum

gum naturæ, omnisque in universo ordinis, basis est ac fundamentum. Experimur hujus *vis inertia* præsentiam experientia, sed magis adhuc ratione evincitur. Ab lata enim vi, fignitie quædam ac tarditate corpora imprægnante, nihil determinati amplius in rerum remaneret natura; abirent leges naturæ, & una cum ipsis universi ordo, ac admiranda harmonia. Corpora, quæ cernimus, inanes forent figuræ mathematicæ, ad quemvis sive motus, sive quietis, statum indifferentes, nulli motui resistentes, nullius tamen tenaces. Vi quælibet moveri posset quælibet corpus, & quantumvis magnum pari facilitate promoveretur. Quo fieret, ut determinata vis determinatos effectus edere nequiret, ac sic idem fere maneret naturæ vultus in orbe, qui, cessantibus naturæ legibus, cæcum foret chaos,

rudis indigestaque moles.

Accedente autem hoc *pondere inerte*, continuo nascetur ordo; aderit actio, reactio, legum naturæ basis, atque sic omnia fient *per bene junctarum concordia semina rerum*, ut hunc *Ovidii* versum ad sensum Philosophiæ aliquantulum immutemus.

Posito enim, singulas æquales corporis moleculas motui æqualiter resistere, corpus, alio duplo majus, duplo quoque resisteret pertinacius, nec eandem obtinebit velocitatem, quin etiam vis duplo major adhibeatur. Quo fiet, ut nullus amplius in rerum natura oriri possit motus, quin ejus ratio & sufficiens & determinata dari queat.

Sed de his non plura. Ita enim accurate *Vir* omnium laudes superans, *Christ. Wolfius*, huc spectantia passim in suis scriptis attingit, ut aliis otium fecisse merito videatur.

Ad gravitatem, ut vulgo ajunt, naturalem quod attinet, etsi, unde prodeat, non intelligamus, apte tamen concipi potest tanquam vis, quæ æquali nisu singula corporum elementa versus centrum terræ propellit. Mathematicæ & gravitatis, & inertie, & omnis generis reliquæ vires sunt considerandæ; & quomodo ad effectus, quos phænomena monstrant,

edendos commode comparatæ esse possint; dispicendum in Mechanica; num autem re vera ita se habeant, metaphysici fori disquisitio est.

Demonstremus itaque ante omnia hanc thesin: *coincidere gravitatis atque inertia centrum in quovis corporum systemate.* Sed det mihi ante hanc veniam Mathematicus Lector, ut, quia hic commode fieri potest, & in sequentibus, quæ his connectere constitui, id res flagitabit, demonstrem paulo accuratiori methodo tritam illam legem: *Actiōi æqualis & contraria est reactio.*

Definitio I.

- §. I. Continuus corporis conatus, secundum directionem aliquam locum suum mutandi, id est, dato tempore determinatum spatium percurrendi, dicitur corporis vis.

Corollarium I.

- II. Et, quia hic corporis conatus, locum suum mutandi, & fortior & debilior esse potest, (fieri nempe potest, ut corpus habeat conatum, eodem tempore longius, aut brevius, spatium permeandi,) patet, vim corporis & magnam & parvam esse posse.

Corollarium II.

- III. Cum itaque corporis vis sit conatus secundum directionem aliquam locum suum mutandi: si nullum adest impedimentum, id est, nulla ratio sufficiens, cur locum mutare secundum illam directionem non possit; locum re vera mutabit. Et, si illum non mutat, cum tamen nullum obstat impedimentum, nulla quoque aderit vis.



Corollarium III.

- IV. Vis est conatus, corpus dato tempore per determinatum spatium propellendi (§. 1). Et, si hæc vis major est, dato tempore percursum spatium longius erit, brevius autem, si hæc vis minor est. Adeoque magnitudo vis ex dato percursio spatiiolo dato tempore dijudicari potest. Scilicet vis in corpore A erit ad vim in B, uti spatium, quod permeavit corpus A, est ad spatium, quod eodem tempore permeavit corpus B.

Scho-

TAB. I. ad Nova A

Fig.



Scholion.

Hæc vis dicitur communiter *vis acceleratrix*. Est ea scilicet, quæ unicam corporis moleculam, seu unicum elementum, ut hoc termino abutar, propellit. Haberi itaque poterit vis totalis corporis, sumendo hanc vim acceleratricem toties, quot elementa in corpore moto continentur, id est, multiplicando illam per massam. Hæc vis totalis audit vulgo *vis motrix*.

§. VI.

Theorema I.

Si duo corpora æqualibus viribus in directe oppositis directionibus sibi invicem occurrunt, neutrum perget, sed ambo immota stabunt.

Demonstratio.

Corpus *A* habet vim, id est, conatum, dato tempore ex *A* in *a* transeundi. Corpus *B* æqualem plane habet vim (per hypoth.), nempe parem exferit conatum, ex *B* in *b* transeundi. Cum itaque nihil, quod progressum possit promoveri, reperiri queat in *A*, quod non pari gradu reperiatur quoque in *B*; nulla datur ratio, quare alterum alteri loco cedere debeat. Sed nihil fit sine ratione sufficiente, adeoque, quia neutrum cedet, necessario ambo immota manebunt. Q. E. D.

VI.

TAB. I

Fig. 1.

Corollarium I.

Quia ambo corpora, *A* & *B*, quiescunt, conatum neuter effectum sortitur. Adeoque utriusque vis effectus ab opposita vi destruitur.

§. VII.

Corollarium II.

Quia effectus utriusque vis per sibi oppositam vim destruitur (§. VII), idem est, ac si neutri corporum vis ulla inesset, adeoque corpus *A + B*, consideratum tanquam unicum corpus, plane sine omni est conatu. Nam nullum obest impedimentum, quo minus corpus *A + B* cuivis conatui obsequi queat; cum vero nusquam abeat, nullum etiam adesse conatum necesse est (§. III).

VIII.

Corollarium III.

Si itaque nova vis superveniret, quæ corpora directe

IX.

versus f premeret; nullus in ambobus corporibus conatus versus f eundi reperietur, quam qui ab hac nova vi oritur. Nam, quia effectus duarum reliquarum virium a sibi oppositis viribus destruuntur, neutra ad progressum quidquam confert.

Corollarium IV.

- §. X. Hinc jam sequitur, si duo corpora, A & B , se offendunt in directionibus sibi e diametro oppositis, viribus inæqualibus, quas dicam F & f , fore conatum, eundi secundum directionem corporis fortius prementis, differentiam duarum virium, scilicet $F - f$. Nempe, si vis F , quæ in A est, altera f , quæ in B est, major est, necesse est, ut tantam sui partem prior vis impendat, quantam B habet, quo corpus $A + B$ in statum quietis reducatur. Reliqua autem vis ad propulsio- nem totius corporis impenditur (§. IX).

Definitio II.

- XI. Illud in corpore principium, vi cuius sit, ut æquales corporis partes motui æqualiter resistent, appellatur *vis inertia*.

Corollarium I.

- XII. Si itaque corporibus inest *vis inertia*, non amplius tanquam inanes figuræ geometricæ cedunt; sed determinata quædam vis requiritur, quo corpori datus velocitatis gradus imprimatur.

Corollarium II.

- XIII. Et quia corpus semper iners permanet, non progredere- tur, ni continuo adesset vis, quæ illud versus datam plagam propelleret. Adeoque evidens est, vim, corpus prementem, continuo in illud transferri, in eoque dein residere, donec per oppositam pressionem inde rursus ejiciatur.

Corollarium III.

- XIV. Duplo etiam majori vi opus est, si corpus duplo majus est. Nam, quantum vis una pars infumit, tantum altera etiam requirit.

Corollarium IV.

- XV. Quia determinata vi opus est, ad conciliandum corpori datum

datum motum (§. XII), & hæc vis dein in corpus transfertur (§. XIII), non poterit sane alio impendi. Scilicet fieri non potest, ut hac vi aliud quid præstetur, & tamen nihilo minus idem in corpore motus consequatur.

Theorema II.

Si corpus *A* agit in corpus *B*, corpus *B* in corpus *A* eadem vi reaget, & hæc reactio semper actioni æqualis erit.

Demonstratio.

Corpori *A* inest *vis*, qua & progredi, & premere, potest, si in suo remoratur cursu (per hypoth.). Si itaque hoc corpus *A* aliud corpus iners *B* offendit, necesse est, ut corpus *A* determinatum gradum vis impendat, (quam vim *f* vocabimus,) (§. XII) ad loco movendum corpus *B* celeritate quadam, quo ipsum dein impedimento remoto libere insequi queat. Consequenter hæc eadem vis *f* non simul impendi potest, ad promovendum corpus *A*, uti ante (§. XV), sed transfertur potius in corpus *B* (§. XIII), adeoque amittit corpus *A* hanc vim *f*. At hoc idem est, ac si corpus *A* omnem suam vim conservaret, sed ipsi *f* in opposita directione opponeretur (§. X). Nam tum etiam pars *f* illius vis, quæ est in *A*, ad progressum nihil amplius conferret (§. cit.). Adeoque patet, quanta vi corpus in aliud quoddam agit, tanta præcise vi illud reagere. Q. E. D.

Definitio III.

Centrum inertia dicitur illud punctum in systemate corporum inertium, quod, si ipsi omnia corpora virgis rigidis connexa essent, eodem modo reageret in vim, hoc punctum prementem, ac si in illo puncto omnes massæ collectæ essent.

Problema.

Invenire in systemate corporum inertium centrum inertiz.

Solutio.

Sint e. g. tria corpora *A*, *B*, *C*, quæ & magnitudine, & positione, dantur. Ducatur, ut fieri solet, in investigatione centri gravitatis, axis, quem dicunt, æquilibrii *FH*, eique jun-

TAB. I
Fig. 2. jungantur corpora A, B, C , virgis rigidis Aa, Bb, Cc . Co-
gitetur jam, rotari totum hoc systema circa axem FH , ad-
eo, ut corpus A percurrat arculum AM , corpus B arculum
 BN , corpus C arculum CL , dum centrum inertiz E arculum
 ER describit. Adeoque, quia lineola AM vim acceleratri-
cem corporis A designat (§. IV), BN vim acceleratricem
corporis B , & CL corporis C exhibet, erunt vires motrices,
his corporibus impressæ, ab actione vectium Aa, Bb, Cc ,
ut $A. AM + B. BN + C. CL$, adeoque, quia unicuique
actioni æqualis & contraria est reactio, erit illa $A. AM +$
 $B. BN + C. CL$. Sed, quia centrum inertiz E eodem tempo-
re descripsit arculum ER , si in illo puncto omnes massæ
collectæ fuissent, reactio fuisset ex iisdem rationibus =
 $(A + B + C) ER$. Consequenter vi *Definit. III* hæc duæ re-
actiones debent esse æquales, scilicet $A. AM + B. BN + C. CL =$
 $(A + B + C) ER$. Sed, quia lineolis AM, BN, CL, ER ,
distantiæ ab axe Aa, Bb, Cc, Ee , proportionales sunt, has
substituere licet, quo facto prodibit hæc æquatio. *Ee*.

$A + B + C = A. Aa + B. Bb + C. Cc$; adeoque habe-
tur *Ee*, seu distantia centri inertiz ab hoc axe =
 $A. Aa + B. Bb + C. Cc$;

$$\frac{A + B + C}{A. Aa + B. Bb + C. Cc};$$

nempe multiplicando singula
corpora per suas respective distantias ab hoc axe, & divi-
dendo summam productorum per summam massarum,
Q. E. D.

Corollarium I.

§. XIX. Cum ad inveniendum gravitatis centrum eadem plane re-
gula utamur, *centrum inertiz*, ac centrum gravitatis, coinci-
dere, nullum amplius est dubium, adeoque deinceps, sive
centrum inertiz, sive gravitatis, dicamus, semper idem pun-
ctum designamus.

Scholion.

XX. Corpus est grave in ratione massæ, & in eadem ratione
iners. Gravitas, ut quævis vis propellit corpora, secundum
directionem lineæ rectæ, inertia secundum eandem directio-
nem

nem resistit; sit hinc, ut & a gravitate, & vi inertie iidem effectus consequantur. E. g. catena gravis induit notam illam catenarum curvaturam, quia omnia puncta talis catenae secundum rectas parallelas æquali vi protrahuntur. Eandem curvaturam induere debet catena iners *LMN*, supra plano horizontali posita, cujus extremitates *L* & *N* secundum extremitates *Li*, *Nn*, æqualiter promoventur. Nam omnes particulae *C*, *C*, & *c*, resistent secundum rectas parallelas *Cc*, *Cc*, & *c*, æqualiter. Et re vera, si catena in plano horizontali protrahitur, sinuositates sensim recedent, & catena in situm, quem, plano deinceps verticaliter erecto, tueri poterit, se componet. Transeamus jam ad demonstrationem principii illius, *commune gravitatis centrum semper quiescere aut moveri uniformiter in directum, quamvis corpora circumjacentia diversimode in se agant*. Affirmavit hoc *Newtonus* pro casu tantum percussione, in *Legis III Corollar. IV*; sed, quo pacto ibi ratiocinetur, non intelligo, neque me nasutiores id unquam assequi potuerunt.

TAB. I
Fig. 3.

Quibus enim fidiculis extorqueri possit, centrum commune gravitatis statum suum, sive motus, sive quietis, non mutare, etiamsi plura corpora in unum simul irruant, ex eo, quod in duobus hoc accidit, si separatim se percutiunt, nullo pacto perspicere possum, & qua licentia gratis illata consequentia in *Libro secundo* ad attractiones transferri queat, adhuc minus intelligo. Licebat profecto *Newtono* ita, ut fecit, hoc principium sine demonstratione assumere. Sed pro demonstrato in aliqua propositione venditare, quod tamen in illa non continetur, & ita imperito adhuc lectori tædiofissimam crucem figere, accurati scriptoris non est. Sed veniamus ad rem præsentem.

Theorema III.

Centrum gravitatis plurium corporum, in lineis rectis uniformiter progredientium, aut quiescit, aut movetur etiam in linea recta.

F

Demon-

Demonstratio.

§. XXI.

TAB. I

Fig. 4.

Moveantur corpora A, B, C , velocitatibus expressis per lineas Aa, Bb, Cc , in directionibus Aa, Bb, Cc . Ducatur axis æquilibrii FT , & alius huic normalis FD . Decomponentur singulæ velocitates horum corporum in duas alias, alteram perpendicularem ad hunc axem FT , alteram vero ipsi parallelam, adeoque perpendicularem ad axem FD . Scilicet velocitas Aa in velocitates AR & aR resolvitur, velocitas Bb in laterales Bl , & bL , & ita porro in reliquis.

Distantia centri gravitatis CH ab axe FT erit = $A. AM + B. BN$, &c. (§. XVIII) sive, ut paucis dicatur, =

$$\frac{A + B \&c.}{f.A.M.A.}$$

Per $f.A.M.A$ intelligo summam omnium mo-

mentorum similium, per $f.A$ summam omnium massarum. Pari modo, relatis corporibus ad alterum axem FD , invenietur CK , seu distantia centri gravitatis ab hoc axe $FD = \frac{f.Aa.A.}{f.A}$

Eodem modo, translatis corporibus ex locis A, B, E , in loca a, b, e , invenietur cb , seu distantia centri gravitatis corporum in hoc novo situ ab axe $FT = \frac{fma.A.}{f.A}$ (semper per

$fma.A$ intelligo summam omnium momentorum similium, quæ hic foret, $ma.A + bn.B + ep.E = fma.A$. per $f.A$ autem summam omnium massarum, quæ foret $A + B + E$) & ab altera parte habebitur $ck = \frac{f\alpha R.A.}{f.A}$. Habemus ergo,

has æquationes:

$$cb = \frac{fma.A}{f.A}$$

$$ck = \frac{f\alpha R.A.}{f.A}$$

$$CH = \frac{fMA.A.}{f.A}$$

$$CK = \frac{f\alpha A.A.}{f.A}$$

Et

Et, subtrahendo posteriores a prioribus, prodibit
 $ch - CH = \frac{\int ma.A - \int Md.A.}{\int A} = ci$, & $ck - CK =$

$$\frac{\int \alpha R.A - \int \alpha A.A}{\int A} = Ci, \text{ adeoque } ci \text{ est ad } Ci \text{ in ratione}$$

constante, quia, ob motum corporum uniformem, æqualibus temporibus hæ summæ æquales sunt. Consequenter recta Cc , quæ resultat ex velocitatibus Ci , ci , exprimet velocitatem, & erit via centri gravitatis.

Lemma.

Moveantur corpora A, B, D, E , in directionibus & velocitatibus quibuscunque. Si centrum gravitatis C , dum corpora in suâ quodque directione promoventur, in axe æquilibrii permanet, summa momentorum $A.AR + B.Bl$ ab una parte, æqualis est summæ similium momentorum $D.Dp + E.ES$ ab altera parte.

Demonstratio.

Ducatur per centrum gravitatis C axis æquilibrii PU , & erit per naturam centri gravitatis $A.AM + B.BN = D.DK + E.EF$. Si jam, translatis corporibus ex locis A, B, D, E , in loca a, b, d, e , adhuc in eodem axe versatur, erit per eandem rationem $A.am + B.bn = D.dk + E.ef$. adeoque, subtrahendo posteriorem æquationem a priori, prodibit nova æquatio; scilicet $(AM - am) A + (BN - bn) B = (DK - dk) D + (EF - ef) E$, sed $AM - am = AR$, $BN - bn = Bl$, $DK - dk = Dp$, $EF - ef = ES$, consequenter, substitutis his valoribus, prodibit hæc æquatio, $A.AR + Bl = D.Dp + E.ES$.

Corollarium I.

Adeoque, si hæ summæ, postquam corpora se moverunt, ab una & altera parte inter se æqualesprehenduntur, centrum gravitatis non excessit ex axe æquilibrii, nec jam unquam ex illo excedet, si corpora uniformiter progrediuntur.

Theorema IV.

Si plura corpora, sive id fiat attractionibus, sive viribus

TAB. I
Fig. 5.

XXX.

XXIII.

quibuscunque, in se agunt, ita, ut unum corpus agat sive in quædam reliquorum, sive in omnia, & vice versa omnia reliqua corpora, sive quædam tantum eorum, agant vicissim in hoc corpus; dico, statum centri gravitatis, sive motus, sive quietis, quem hoc centrum tuebatur, antequam hæc corpora in se agerent, ab actionibus horum corporum inter se non mutatum iri.

Demonstratio.

§ XXIV.

TAB. I

Fig. 6.

Ponamus brevitatē gratia, esse systema trium corporum quiescentium A, B, D , quorum singula in reliqua agunt, viribus quibuscunque, quod concipi potest ope filorum contractilibus, tensionibus, ut liber, diversis corpora trahentium, ita, ut e. g. inter A & B sit filum contractile, quod, se arctius contrahendo, aut latius expandendo, (nil refert,) corpora A & B secundum directionem lineæ AB aut contrahere conatur, aut disjicere; inter idem corpus A & aliud D simile filum vires exserit suas, se contrahendo, aut expandendo. Sed hæc vis longe diversa esse potest ab illa altera: et ita similiter hujusmodi vis est inter corpora B & D , & ita porro, si plura forent.

Supponamus, centrum gravitatis ante actionem horum corporum esse in C , ducatur axis æquilibrii LN , transiens per hoc centrum gravitatis, & demittantur ad hunc axem perpendiculares, Aa, Bb, Dd . Exprimantur vires, quibus fila tenduntur, adeoque corpora ipsis connexa contrahantur, per lineas his viribus proportionales. Scilicet tensio fili AB , seu vis, quæ utrinque in corpora A & B agit, designetur per Aa, Ba , ita similiter designetur vis fili BD per lineam $Bb = Db$, & vis fili AD per $A\gamma = D\gamma$.

Dicantur perpendiculares $Aa = g, Bb = h, Dd = m$. Distantiæ autem corporum $AB = a, BD = b, DA = c$, & lineæ tensiones designantes, ut sequitur.

$$Aa = Ba = r. \quad Bb = Db = T. \quad D\gamma = A\gamma = S.$$

Decomponatur jam vis designata per $A\gamma$, in duas alias $AT, T\gamma$ quarum altera AT , ad axem æquilibrii perpendicularis, altera autem $T\gamma$ huic axi parallela est. Ducatur

axi

axi æquilibrii LN parallela MO , quæ transeat per punctum D , & demittatur ad illam perpendicularis AK , & erunt tri-
angula $AT\gamma$, AKD , similia, adeoque haberi poterit AT ,
nempe vis trahens corpus secundum directionem AK , insti-
tuendo hanc analogiam:

$$DA(e) : AK(m-g) :: AT(g) : AT = \frac{m-g}{g} \cdot g.$$

Eodem modo decomponatur vis expressa per $A\alpha$ in per-
pendicularem ad axem AP , & in aliam $P\alpha$ parallelam huic
axi. Ducatur axi parallela linea AH , ac continuetur per-
pendicularis Bb usque in H & ob similitudinem triangulo-
rum $AP\alpha$, ABH , haberi poterit AP , seu vis trahens versus
 A , per hanc analogiam:

$$AB(a) : BH(g+b) :: A\alpha(e) : AP = \frac{g+b}{g} \cdot e. \text{ Sed,}$$

quia vis AT huic vi AP opposita est, vis motrix totalis cor-
poris A in directione lineæ ak = erit differentia virium sibi
oppositarum, nampe $\frac{g+b}{g} \cdot e - (m-g) \cdot g$. Consequenter

vis acceleratrix massæ A in hujus lineæ directione erit =

$$\frac{g+b}{g} \cdot e - (m-g) \cdot g. A, \text{ dividendo scilicet vim motri-$$

cem per massam. Transeat jam ad vim $B\alpha$, ac resolu-
tur illa similiter in perpendicularem BQ , & parallelam $Q\alpha$,
& invenietur iterum (ob triangula $BQ\alpha$, BHA , similia,)

$BQ = \frac{g+b}{g} \cdot e$. Et sic decomposita vi $Bb = T$ in duas

BR & Rb , ob triangula similia BRb , BID , invenietur BR
= $\frac{(b+m)}{b} T$, adeoque, quia hæ vires conspirant, erit vis

F 3

motrix

motrix totalis corporis B , $= BQ + BR = \frac{g+b}{a} \cdot t + \frac{b+m}{b} \cdot T$, conſequenter vis acceleratrix $= \left(\frac{g+b}{a} \cdot t + \frac{b+m}{b} \cdot T \right) : B$. Quod factum eſt in duobus corporibus

A & B , fiat quoque in tertio D . Quæratür ſcilicet viſ DS , decompoſita vi Db , in duas DS & bS , & inveniatur illa, ob ſimilitudinem triangulorum DBI , & $Dbs = \frac{b+m}{b} \cdot T = DS$. Erit quoque, decomponendo viſ $D\gamma = S$, ob ſimilitudinem triangulorum DAK , $D\gamma V$, inveniatur $Du = \frac{m-g}{c} \cdot S$.

Conſequenter, addendo has vires, & dividendo per maſſam D , viſ acceleratrix maſſæ D in directione lineæ Dd erit $= \left(\frac{b+m}{b} \cdot T + \frac{m-g}{c} \cdot S \right) : D$. Quia itaque maſſæ

A, B, D , hiſ ſuiſ viribus acceleratricibus in directionibus ad axem æquilibrîi normalibus moventur; ſpatia eodem tempore percuſa ſunt, ut hæc vires acceleratrices, conſequenter, ſi momenta, ex ſpatiis percuſiſ, (ſeu ex viribus acceleratricibus, quæ ſpatia illa designant,) in ſuas reſpective maſſas, ab una parte axis æquilibrîi æqualia ſunt, ſimilibus momentis ab altera parte, centrum gravitatis non exceſſit ex axe LN (Coroll. I. Lemm). Sed hæc momenta ſunt æqualia, nam

$$\frac{\frac{g+b}{a} \cdot t + \frac{b+m}{b} \cdot T}{B} = \frac{\frac{g+b}{a} \cdot t - \frac{m-g}{c} \cdot S}{A} \quad b+m$$

$$\frac{b + m}{b} \cdot T + \frac{m - g}{c} \cdot \vartheta \quad D, \text{ adeoque nullum amplius du-}$$

D

bium est, centrum gravitatis *C*, post actionem corporum in se, in hoc axe *LN* adhuc persistere. Eodem prorsus modo, ducendo axem *XZ*, & demittendo ad hunc etiam perpendicularares, & instituendo calculum iisdem rationibus, evinci poterit, centrum gravitatis quoque non excessisse ex hoc axe *XZ*, consequenter, cum in utroque esse nequeat, nisi in unico puncto *C*, centrum commune gravitatis, locum suum ab actionibus corporum inter se non mutavit. *Quod erat primum.*

Supponatur jam, corpora ante actionem non quievisse, sed quodvis illorum velocitate uniformi in quacunque directione processisse. Quia ab actionibus quibuscunque corporum inter se centrum gravitatis nullam plane velocitatem nancisci potest, *theoremate* autem *III* demonstratum est, si centrum gravitatis movetur, illud motu uniformi in linea recta procedere; consequens est, cum ante actiones corporum inter se centrum gravitatis in linea recta motu uniformi procederet, & per has actiones nullam velocitatem accipiat, illud, si non quiescit, moveri certe uniformiter in directum. *Quod est alterum, quod erat demonstrandum.*

Scholion.

Nemo non, qui ad methodum, qua hic usi sumus, attendet, sine negotio perspiciet, hanc hoc theorema demonstrandi methodum generalem esse, & de quatuor, quinque, &c. pluribusque corporibus idem eodem prorsus modo demonstrari posse; operationes multiplicabuntur, sed via non immutabitur.

Corollarium.

Quia in omni percussione corporum *actioni est equalis reactio*, commode concipi potest vis quzdam inter percutiens percussumque corpus, quz in utrumque zqualiter agat, & ita etiam constabit, statum centri gravitatis in percussione corporum non immutari. Ut exemplo, quid cogitem, illustrem, irruant corpora *B* & *C*, diversis velocitatibus in corpus *A*, & con-

§. XXV.

XXVI.

TAB. I
Fig. 7.

concipiatur, elastra perparva m & n inter corpus A & quodvis corporum B & C interposita esse, ita, ut hæc corpora in corpus A non immediate agant, sed mediantibus elastris perparvis m & n , quæ, simul ac a corporibus comprimuntur, utrinque æqualiter vires exercent suas, propellendo corpus A , & repellendo corpora B & C ; nam ita actio atque reactio semper æquales erunt. Sub hac idea si nobis rem representemus, percussionein casum tantum particularem *Theorematis* præcedentis esse, facile poterit intelligi.

DEFINITIONES PLANTARUM. IN USUM

Auditorum collegit M. CHRISTIANUS GOTTLIEB LUDEWIG, Med. Baccal.

Lipsiæ, apud Jo. Frid. Gleditschii B. Filium, 1737, 8 maj.
Plag. II.

Præcipua Clarissimi Autoris cura fuit, ut auditoribus suis libellum in manus traderet memorialem, quem in itineribus suis botanicis secum circumferrent, præcipua plantarum genera cognituri. Ex variis Botanicæ disciplinæ methodis *Riternianam* reliquis antetulit, non quod ea nullis laboraret nævis, sed quod præ aliis sensus moveret, & faciliior esset. Ad hujus itaque normam summos plantarum ordines distribuit, neque tamen reliquos neglexit, ut potius ea, quæ ex *Rajo*, *Tournefortio*, & maxime ex *Barbaavio*, supplenda erant, suppleverit, deinde nonnulla ex *Dillenio* & aliis addiderit, tandem pauca a se ipso observata adduxerit. In ipsa tractatione hæc docendi ratio observatur. Primo nomen genericum, addito plerumque Autore, qui id vel invenit, vel magis expolivit & determinavit, adducitur. Tum signa ex radice, caule, foliis, calice, aliisque floribus & fructibus partibus, facile cognoscendis, enumerantur, non neglecto, ubi opus quidem fuit, crescendi florendique modo. In nonnullis accidentalalia quoque signa adhibentur, ut vidior subinde hujus illiusve generis idea excitetur. Nova autem variorum Autorum genera brevitatis causa sæpe ad simillimum genus referuntur. Libellum ita comparatum, nihil dubitamus, tironibus rei herbariæ, atque provectioribus etiam, quæ plantarum definitiones summam repetere cupiunt, commodissimum pariter ac utilissimum futurum.

NOVA ACTA ERUDITORUM,

publicata Lipsiæ

Calendis Februarii Anno MDCCXXXVIII.

ΗΣΙΟΔΟΥ 'ΑΣΚΡΑΙΟΥ ΤΑ ΕΥΡΙΣΚΟΜΕΝΑ.

h. e.

HESIODI ASCRÆI QUÆ SUPERSUNT,
cum Notis variorum. Edidit THOMAS RO-
BINSON, S. T. P.

Oxonii, e theatro Sheldoniano, 1737, 4 maj.

Alph. 3, cum Fig. 2.

In hac editione *Hesiodeorum* Carminum nihil splendoris desideratur, qui in hoc genere librorum consumi solet; ut vel hoc nomine elegantibus hominibus grata & jucunda sit futura. Quid autem novæ lucis ipsis Carminibus *Hesiodi* accesserit, paucis accipe. *Theogonia*, quæ primum in hac editione locum occupat, vulgatum textum contulit Cl. Editor cum tribus Codicibus MStis, quorum duos *Bodlejana*, unum autem Societatis Regiæ Londinensis, Bibliotheca suppeditavit. De horum Codicum ætate & ratione nihil placuit ei commemorare, nisi hoc unum, *Bodlejanorum* Codicum alterum esse dimidia parte truncatum; neque in eo magnam esse jacturam factam, quod cum altero illo integro ita consentiat, ut ab eo descriptus esse videatur. Eandem rationem tenuit in ceteris Codicibus commemorandis, quibus in hac editione adornanda usus est. Quatuor MStis Codicibus Operum & Dierum usus est, tribus *Bodlejanis*, uno ejusdem Societatis Regiæ, & variantibus præterea lectionibus

G

bus

bus Codicis *Coisliniani*, a Cel. *Montefalconio* acceptis. *Scutum Herculis* cum Codice, qui in Bibliotheca *Comitis Oxoniensis* est, contulit Cl. *Hutchinsonius*, & varietatem lectionis cum Cl. Editore communicavit. Excerptarum lectionum, a vulgata recedentium, parte ad textum ipsum emendandum usus est, reliquas autem ad finem Operis rejecit, si quis forte inde eruere meliores lectiones posset. Interpretationem Latinam servavit eam, quæ est in editione *Clerici*, sed emendatam, ubi res postulabat. *Certamini Homeri & Hesiodi* quoque interpretationem Latinam adjecit, & Fragmentorum *Hesiodorum* numerum auxit. Quod ad Notas attinet, integræ hic comparent *Lectiones Hesiodæ Gravii*, τῆ πένυ, quo nemo plus *Hesiodo* profuit, & *Heinsianæ* notæ, nec non *Scaligeranæ*, quæ sunt in editione *Clerici*; *Guieti* autem & *Clerici* selectæ tantum, quibus & suas ipse immiscuit. Introductionem *Heinsianam* in Opera & Dies quare omiserit, nullam rationem attulit. De delectu notarum *Guieti* & *Clerici*, præterquam quod difficile est, in hoc delectus genere omnibus satisfacere, non tanti fuit, tam paucarum causa, quas omittendas censuit, doctorum hominum labores mutilare. Gratum etiam facturus erat Vir doctissimus, si Scholia Græca, quorum causa *Heinsiana* editio tam care apud nos venditur, adjecisset, ne pluribus editionibus *Hesiodi* opus esset viris doctis. Ceterum præmittitur huic editioni Dissertatio de vita, scriptis, & ætate *Hesiodi*; ad calcem autem est Caput de *Hesiodo* e Bibliotheca Græca B. *Fabricii*.

Dissertationis maxima pars in controversia celebri de ætate *Hesiodi* consumitur. In quo diligentix laus non est Cl. Viro neganda. Nam ex veterum recentiorumque scriptis studiose congeffit, quæcunque ad eam rem disceptandam pertinere videbantur; quibus etiam quædam adjecit de suo. In tres autem partes ea disputatio abit. Prima enim de ætate *Hesiodi* in genere agit. In qua cum historicis, tum astro-nomicis, argumentis utitur. Historicorum testimonia quoniam ultra probabilitatem non assurgunt, duobus contentus fuit, altero *Herodoti*, altero Marmoris *Arundelliani*. *Herodotus*

dotur Lib. II Cap. 53, quadringentis fere annis ætatem suam *Hesiodum*, ait, præcessisse, quæ cadit in ipsum tempus illud, quo *Xerxes* in Græciam exercitum duxit, annis 480 ante C. N. Quo sumto, *Hesiodus* 900 fere annis ante C. N. vixit. Cum hac computatione consentit *Marinor Arundellianum*. Ejus Autorem vixisse, putant docti viri, fere A. 260 ante C. N. Jam is *Hesiodi* ætatem eam facit, ut fere 680 annis ipso sit antiquior. Ex quibus duobus numeris eadem propemodum summa 900 annorum conficitur. In Astronomicis rationibus explicandis longior consumitur oratio. Ea autem pars disputationis a pag. 21 usque ad pag. 30 autorem habet *Josephum Arwel*, S. T. P. quam, qui harum rerum studio tenentur, conferre cum his possunt, quæ de eadem re, post *Bedfordium*, Anglum, Anonymus quidam ex eadem gente, in *Miscellan. Obs. Vol. III pag. 353* contra *Newtonum* disputavit. Ceterum ista quoque disputatio *Arwelliana* eo redit, ut 900 fere annis ante C. N. vixerit *Hesiodus*. Altera pars hujus disputationis versatur in questione: quomodo se habeat *Hesiodi* ætas ad Trojanum belli tempora. Quam questionem ita decedit, ut, aliquot Secula inter bellum Trojanum & *Hesiodum* interessere, quæ est vulgaris opinio, contendat. In quo fuscæ multaque eruditionis copia refellit *Newtonum*, qui non nisi triginta circiter annos interjectos statuit. Tertia parte hæc questio disceptatur: sitne *Hesiodus* *Homero* aut par ætate, aut inferior, aut superior; eaque eo desinit disputatio, ut *Hesiodus* *Homero* aut par sit, aut perpaucis annis superior. Alii sunt in hac Dissertatione *Robinsonii* non contemnendi loci. Nam pag. 15 egregiis rationibus docet, *Homerum* & *Hesiodum* non esse, quod quibusdam videatur, mythologiæ de Diis autôres, ac propterea impietatis accusandos; pag. 18 autem argumenta diluit, quibus Vir doctus in *Miscell. Obs. Brit. Vol. III pag. 71 ed. Amstel.* contendit, non esse *Scuti* Autorem *Hesiodum*.

Restat, ut specimina emendationum animadversionumque *Robinsonianarum* asseramus; modo plures essent, &, quod ad animadversiones attinet, quæ in explicando illustrandoque

Autore versantur, minus aridæ & jejunæ. In *Theogonia* v. 32, quem versum *Guietus* plane spurium existimabat, quod nullo modo consentiret antecedentibus, pro κλύοιμι e MStis reponitur κλέοιμι, quod habet certe longe commodiorem sensum. Αὐδή enim Poetæ datur, non ut audiat, sed ut celebret. V. 293 e MSto *Bodleiano* pro ἔρθῃ legit Ὀρθρον, quod nomen est etiam apud *Apollodorum*, ut *Clericus* ad h. l. observavit. V. 493 nimia τερατολογία visa est doctis: ἐπιπλομένε ἐνίαυτῶ: unde quidam legendum censebant: ἐπιπλομένων ἐνίαυτῶν. Hanc lectionem ipsam in Codice Regiæ Societatis invenit & reposuit *Robinsonus*. V. 532 Τὰυτ' αἶρ' ἀζόμενος &c. supposititium videbatur *Guieto*, propterea, quod mera in eo esset ταυτολογία. Itaque *Robinsonus* e Codicibus pro duobus versibus unum hunc reponit:

Τῶτον αἶρ' ἀζόμενος παύθῃ χόλῳ, ὃν πρὶν ἔχουσεν.
V. διο ἔμμεναι ex opinione Scholiastæ παρέλκει. Ea ratio est, quare ita plerumque reddatur: *Malum perpetuo cum bono certat*. Aliter sentit *Robinsonus*, qui ita vertendum censet: *Malum perpetuo certat cum bono, ut sit*; neque enim aliud innuisse Poetam, nisi hoc, in sortem felicissimam semper mala quædam se intrudere. In *Scuto Herculis* v. 72 pro τίς κεν ἐκείνω &c. legit Codex *Harlejanus* τίς κεν ἐκένων, quod, tantum multo accommodatius sequentibus, recepit *Robinsonus*. Nam, si ἐκείνω legas, referendum est ad *Martem*; sin ἐκένων, ad subjectos versus: κένων γὰρ μεγάλη βίη &c. Ad v. 148 refellit *Clericum*, qui in descriptione *Clypei Hesiodi* reprehenderat cum nimiam imaginum multitudinem, tum αὐτόματα imaginibus reliquis admixta, quale est illud: δεινὴ ἔστι πεπότητο, & alia hujusmodi. Nam, quod ad prius attinet, *Boivinius* in Dissertatione de *Clypeo Homeri* & *Popius* ad *Homerum*, clypeo in partes diviso, omnibus imaginibus locum esse, docuerunt. Quod ad alterum vero attinet, errare vehementer *Clericum*, qui, αὐτόματα in scuto cælata velle *Hesiodum*, putet, & literam nimis urgeat. Nam illud v. c. ἔστι πεπότητο non esse: *Contentio volabat*, sed *Contentionis* volitantis imago erat cælata. Itaque in hujusmodi locis intelli-

telligendum esse ὠσεὶ, ἡκελος, aut familia, quæ nonnullis in locis, tanquam v. 189, 194, 198, diserte adjiciantur. Ad *versum* autem 181 reprehenditur *Gravius*, qui Τιταρήσιον putaret nomen Lapithæ cujusdam proprium esse, cum sit gentilitium *Mopsi*, quod e *Diacono* ad h. l. & *Lycophrone* v. 881, & *Tzeze* ad eum locum, probat. In *Operibus* v. 436 vulgo legitur πείνη γύην, quod est manifeste contra metrum. Nam v. 427 est Φέρειν δὲ γύην. Itaque *Heinsius* legebat: πείνω γύην. *Gravius* autem in MSto invenerat: πείνη τε γύην. *Robinsonus* e *Bodleiano* reponit: πείνη δὲ γύην. *Versu* 181, Μέλας δ' ἐκ ἔσκε σιδηρός, pro μέλας quidam legi malunt μέγας, quod hac ratione fides *Hesiodi* juvetur. Nam ænea ætate, de qua ibi sermo sit, rarum quidem fuisse, sed cognitum tamen, ferrum. Sed, cum per se durum sit, μέγαν σιδηρὸν dici de cōpia ferri, tum vero *Cl. Robinsonus* putat, vel ex eo intelligi posse, incognitum ea ætate ferrum fuisse, quod ipsis Trojani belli temporibus adeo rarum ferrum fuit, ut inter res pretiosissimas referretur; quod variis *Homeri* locis confirmat, inprimis autem eo; ubi *Achilles* dicitur certaminis præmium posuisse *discum* seu *massam ferri rudis a fornace sόλον αὐτοχόωνον*, *Iliad.* Ψ. 827. Vid. *Schol.* ad h. l.

ΞΕΝΟΦΩΝΤΟΣ ἈΠΟΜΝΗΜΟΝΕΥΜΑΤΩΝ

Βιβλ. δ.

h. e.

XENOPHONTIS MEMORABILIVM SOCRATIS discipulorum Libri IV. Recensuit, emendavit, illustravit, & Indicibus instruxit, JO. AUG.

ERNESTI.

Lipsiæ, apud Mich. Turpium, 1738, 8.

Plag. 16.

Et si juventutis Græcarum literarum studioz causa inprimis susceptum est horum librorum edendorum consilium; tamen, quoniam in Notis ea habita est ratio, ut docti etiam, quod non displiceat, invenire possint, non abs re erit, quæ-

G 3

dam

dam hic de hac editione commemorare, & si quid in his libris emendatum aut explicatum est accuratius, indicare. Inter causas, propter quas rari hodie in Germania sunt, qui non excellentem, sed mediocrem aliquam, Græcarum literarum scientiam consequantur, hæc etiam refertur a Clariss. Autore hujus editionis, quod pæne interit illa vetus consuetudo enarrandorum in Academiis Græcorum scriptorum, in scholis autem nonnullis explicetur quidem unus & item alter, sed ita tarde, ut, si quis unum *Hesiodum* v. c. integrum explicari velit audire, ei decem aut plures anni opus sint. Accedit illud incommodi, quod libri Græci aut tam rari sunt, aut tam pretiosi, ut non possit facile in vel mediocri cœtu, quem quis velit, Autor Græcus explicari. Itaque bene mereri de juventute & Græcis literis putandus est, si quis efficere studeat, ut parabiliores Græci libri fiant; quales olim fuisse constat, cum Basileæ, multisque aliis locis, aut sine interpretatione Latina & notis, aut sine notis saltem, prodirent, quod interpretatio notarum locum & vim tenere putaretur. Neque enim ignorant docti homines, illis temporibus, cum hujusmodi essent librorum Græcorum editiones, Græcas literas egregie floruisse, cum hodie, dum nimis exornamus Græcos Autores, in dies propius ad interitum venire videantur. Non est quidem improbanda doctorum hominum opera, qui interpretationibus Latinis & notis instruunt Autores Græcos, sed laudanda potius; sed, quam in Latinis Autoribus rationem semper tenuerunt docti viri, ut, præter eas editiones, quæ doctorum gratia concinnantur, etiam aliæ compararentur, quibus juventuti & paupertati consuleretur, eam etiam in Græcis tenendam esse existimamus. Ea res fiet, si libri Græci, qui quidem juventuti idonei videntur, sine interpretatione edentur, in notis autem is modus habebitur, ut non nisi necessaria, hoc est, quæ ad lectionem constituendam, & difficultates reliquas tollendas, pertinent, afferantur. Neque enim intelligi potest, quare *Xenophonti*, verbi gratia, scriptori plano & in plerisque facili, necessario sit integra Latina interpretatio, propter paucos obscuros locos, adjungenda, cum ridiculus videatur, si quis scholæ magi-

magister, qui *Livium* aut *Casarem* explicet, omnia ver-
bis Germanicis reddere discipulos jubeat, etiam illa:
*Fama Romam perlata est, Postumium exercitumque oc-
cisum esse.* Annus post quintum decimum creati Consules
L. Lucretius Flavius, Servius Sulpicius Camerinus, &c.
His rationibus, aliisque fortasse, inductus Cl. Autor suscepit
Xenophontis ἀπομνημονεύματων Libris quatuor edendis ju-
ventuti consulere, plures Græcos hac ratione editurus, si
Deus siverit. In hac editione autem concinnanda usus est
editione *Stephani* prima, quod, alteram qui suppeditaret, in-
venire non posset; *Leunclaviana* A. 1596; *Welfiana*, quam sa-
tis vitiosam reperit; & ea, quam *Casellius* eodem consilio Ro-
stockii A. 1589 edidit. *Juntina* & *Aldina*, usi sunt *Stepha-
nus* & *Leunclavius*, earumque varietates excerpserunt. Ex *Al-
dina* fluxere, ut jam *Stephanus* monuit, *Basileenses*, nisi quod
ex ingenio a *Casellione*, aliisque fortasse, aliquid passim muta-
tum est. Nam, cum, ut hoc utamur, *Lib. I Cap. 7 §. 1*
omnes veteres editiones, etiam *Juntina*, & *Aldina*, legunt:
δι' ἧς ἂν τις ἀγαθὸς τε γένοιτο, καὶ μὴ δοκεῖν βέλαιο. *Basileenses*
quædam exhibent: ἀγαθὸς τὸτο γένοιτο, καὶ δοκεῖν
βέλαιο. Noster vulgatam fere lectionem secutus est, eam-
que sæpe a conjecturis doctorum virorum vindicavit; nisi ubi
aut veteres editiones, aut ipsa ratio, aliud juberent: quod cum
factum est, in notis mutationis reddita est ratio. Adjectæ
sunt etiam quædam lectionum varietates, cum ex editionibus
veteribus, tum de conjectura doctorum virorum. Ceteræ notæ,
non adeo multæ, in explicandis locis difficilibus, aut illu-
strandis, versantur. Quædam etiam sunt, quas facile docti
homines intelligent discentium causa adjectas esse: tanquam
cum vis particularum & verborum declaratur, quæ tantum
ornamenti causa adjici vulgo putantur, cum temporum ratio
redditur, Græcisini explicantur, ellipses suppleantur, &c. quan-
quam talia etiam a viris interdum ignorantur. Quodsi *Perizoniis*,
Clarckiiis, *Dukeris*, aliisque, qui viris scripsere, licuit ta-
lia asserere, multo hic magis, pro instituto, locum habuere.

Sed

Sed age, ipsis e notis quædam, speciminis loco, asseramus. Initium faciemus ab eo ipso, cuius mentionem fecimus, loco. Cl. *Gesnerus* e vestigiis edit. Basil. legebat δι ἧς ἂν τις ἀγαθὸς τῆτο γένετο, ὃ καὶ δοκεῖν βέλοιτο; quod illud ὃ abforbere potuisset ultima in γένετο litera. Noster, servata veteri lectione, unum τς mutat in τι. Et sic loquitur sæpe in his libris *Xenophon*, e. g. *Lib. IV. i. ult.* ἐστὶς διέταξ διὰ τὸν πλεῖτον, μηδὲν ἐπιστάμενος, δόξεν τι ἀγαθὸς εἶναι &c. *Ad Lib. I Cap. 5* reprehenditur lenius, quam pro merito, *Hutchinsonus*, qui in *Cyropædiæ Lib. I Cap. ii* jurandi formulam, qua *Cyrus* utitur, νῆ τὴν Ἡραν, mutat in νῆ τὸν Δία, quasi mulierum tantum sit ista consuetudo per *Junonem* jurandi, cum in his Memorabilibus, in Symposio, & aliis libris, sæpe ea utantur viri; quod non poterat ignorare, si, antequam editionem *Xenophontis* fusciperet, eum, ut æquum erat, integrum perlegisset. Viri jurant per *Junonem* Deam Reginamque Deorum, mulieres per *Junonem* suam (vid. *Petron. Cap. 25*) h. e. per genium suum. *Lib. I. Cap. i §. 18:* ἐπιθυμῶσαντος τῶ δήμου — ἐνέει στρατηγὸς μὲν ψήφω, τὸς ἀμφὶ Θράσυλον καὶ Ερασινίδην, ἀποκτείναι πάντας, ἐκ ἡθέλησεν ἐπιψηφίσαι. In hoc loco bis peccare interpretes ad *h. l.* coll. ad *IV, 4, 2*, docet. Nam ita interpretantur: Cum populus contra leges novem prætore, *Thrasyli* & *Erasinide* collegas, una condemnatione morte multari petebat, decretum, adjecto suffragio suo, volebat facere. Nam primo non reddendum erat, novem prætore, *Thrasyli* & *Erasinide* collegas, sed, novem prætore, *Thrasylum* nempe & *Erasiniden* cum collegis septem. Decem enim creati erant. 'Οι ἀμφὶ τῶν ἐνὶ ἡμῶν ἐν τῇ πόλει, qui est præcipuo, quacunque de causa, inter ceteros loco, cum reliquis. Sic *Actor. XIII, 13:* ἐν περὶ τὸν Παῦλον, *Paulus* cum comitibus *Barnaba* & *Joanne*. Sed *Paulus* ibi potius commemoratur, quam reliqui duo, quod princeps inter eos erat, aut quod eo loco de *Paulo* imprimis agitur. *Erasinides* primus, ut e *Xenophonte Hist. Gr. Lib. I pag. 242, 248, ed. Wechel*, constat, accusatus atque in vincula ductus est, sine dubio etiam *Thrasilo* præcipui quid

in hac re accidit; itaque hi potius, quam reliqui, nominantur. Deinde ἐπιψηφίσαι male redditur *decretum facere*, adjuncto suo suffragio; quam verbi interpretationem in omnibus Lexicis receptam videmus; cum ex *Lib. IV, 4, 2*, discere potuissent docti viri, ἐπιψηφίζεν *h. l.* esse in suffragia mittere. Nam, cum ibi de eadem re sermo sit, sic *Xenophon* loquitur: ἐκ ἐπέτεψε τῷ δήμῳ παρὰ τὰς νόμους ψηφίσαι. Quod si quis locos, in quibus hoc verbum occurrit, & quos attulit *Valesius* ad *Harpocr. p. 74*, excusserit, intelliget, plerosque ita interpretandos esse. Hanc vocabuli potestatem esse, vidisse etiam, Cl. Autor monet, *Cel. Dorvillium*, sed nullo exemplo confirmasse, in *Obs. Miscell. Vol. VII pag. 5*. Ejusdem *Libri Cap. 4 §. 6* hæc verba sunt: ὡς δ' ἂν μὴδ' ἀνεμοὶ βλάπτωσιν, ἡθμὸν βλεφαρίδας ἐμφύσας. Pro spiritu leni, qui est vulgo in omnibus libris & Lexicis in voce ἡθμὸς, reposuit Noster spiritum asperum, iis argumentis inductus, quibus Cl. *Chishul* hunc spiritum ei assertum ivit ad *Inscript. Sig. pag. 37, 76, 77*, quorum alterum est, quod *Apollonii* Scholiastes dicit: ἡθμὸς δασύνεται, alterum autem, quod in Inscriptione Sigæa illa antiquissima, βερεφηνδὸν exarata, est ΗΘΜΟΣ, non ΕΘΜΟΣ. Deinde defenditur hæc vox, & asseritur *Xenophonti*, cum eam *Victorius Var. Lect. Lib. XXIV Cap. 16* ei ereptam voluerit. *Cicero*, cum de eadem re de *Nat. Deor. Lib. II Cap. 57* diceret, ita eam explicavit, ut facile intelligatur, cum hunc locum *Xenophonti* præ oculis habuisset. Sed is dicit pilorum vallum; quod nihil simile habet cum ἡθμῳ. Itaque *Victorius* existimabat, θρίγκον aut simile verbum substituendum esse, quod munitionis genus significaret. Noster respondet, primo nullam esse necessitatem credendi, *Ciceronem* singula verba exprimere voluisse, qui nec ἀπογεισῶσαι & alia expresserit; deinde pilos præstare illos quidem usum valli, sed etiam coli, quod, si quid incidat, quod officere oculis possit, non transmittant, sed propter densitatem retineant. *Lib. II Cap. 1 §. 8*: μὴ ἀρεῖν τέτο, ἀλλὰ προσαναθέδαι &c. Docti Editores malunt: τέτω, hoc sensu, non contentum esse cum, sed &c. Noster ostendit, sanum esse locum, Non dici

ἀρετὴν τῷ contentum esse, sed ἀρετὴν τῷ. Esse ellipsin τῷ αὐτῷ, quæ non inusitata sit Xenophonti: non hoc ei sufficere, sed ipsum sibi adjicere aliquid laboris &c. Exempla ejus sunt in hoc ipso Libro, Cap. 2 §. 6 de matre: καὶ ἐκ ἀρετῆς θρέψαι μόνον, intellige αὐτῇ. Lib. III Cap. 3 §. 10 adjicitur Dativus: ἀρετῆς μοι τῷτο. Lib. II Cap. 7 §. 2 ad hæc verba: πολλὰν Φυγόντων ὡς τὴν πειράϊα, συνεληλύθασιν ὡς ἐμὲ &c. ostendit, falsum esse, quod doctissimi Grammaticorum existunt, primo, ὡς dici pro πρὸς, deinde de rebus animatis tantum. Nam, quod ad primum attinet, esse non modo contra rationem, conjunctionem hanc præpositionis vim accipere, sed etiam contra exempla, quæ ab ipso afferuntur, in quibus ὡς πρὸς Accusativo simul jungantur; ex quo manifestum sit, ὡς πλεονάζειν, & cum Accusativis jungatur, intelligendum ὡς πρὸς. Lamb. Bosium de Ellipsi jam hoc vidisse, sed nullum exemplum asserere potuisse, eoque ejus opinionem reprehensam esse a Rev. Wolfio ad Libanii Epist. pag. 148, quasi nullo idoneo exemplo probari posset. Idem dicendum esse de eo, quod docti viri, v. c. Cel. Waffius ad Thucyd. Lib. VIII Cap. 103, dicant, ὡς dici cum Accusativo pro eis. Quod ad alterum attinet, in loco citato Xenophontis esse ὡς τὴν πειράϊα. apud Herodianum Lib. III Cap. 11, ὡς πρὸς τὰς ἐννοίας, & apud Jensonium Lect. Luc. pag. 46 plura exempla esse juncti ὡς Accusativo rei inanimatæ. Lib. III Cap. 4 §. 12: ὃ γὰρ ἄλλοις τισὶν ἀνθρώποις οἱ τῶν κοινῶν ἐπιμελόμενοι χρεῶνται, ἢ οἷσπερ τὰ ἴδια οἰκονομῆντες, οἷσι ἐπιστάμενοι χρεῶνται, καὶ τὰ ἴδια, καὶ τὰ κοινὰ καλῶς πράττουσιν οἱ δὲ μὴ ἐπιστάμενοι, ἀμφοτέρωθε πλημμελεῖσιν. Hunc locum suspectum de mendo habuere Stephanus & Leunclavius, & post, aut ante χρεῶνται inferendum putarunt ἀνθρώποις. Nostro, quod ad alterum attinet, secus videtur. Nam, si hac ratione constitui locus posset, ἀπὸ κοινῆς repeti ἀνθρώποις posse putat. Se illud οἷσι concoquere non posse, & legendum putare pro οἷσι, οἷς οἱ &c. opponi sibi οἱ ἐπιστάμενοι, & οἱ μὴ ἐπιστάμενοι, οἷς οἱ facile mutari potuisse in οἷσι, deleta una litera jota. Lib. III Cap. 5

§. 4 mentio fit calamitatis, quam Athenienses a Bœotiiis duce Tolmida acceperant, de qua fufius agit *Thucydides Lib. I Cap. 13*, sed de loco, ubi ea accepta est, non consentiunt Autores. Nam *Thucydides* ad Chæroneam, *Pausanias* ad Haliartum, accidisse prodiderunt. Vid. Interpretes ad *Thucyd. l. c. & Palmer. Exerc. pag. 46*. Nemo autem hunc *Xenophontis* locum vidit, cujus ope conciliari reliqui scriptores possunt. Nam *Xenophon* id factum dicit ad Lebadiam. Ea autem fuit prope Chæroneam & inter Chæroneam & Haliartum intermedia. *Lib. III Cap. 13 §. 3*: ἀλλὰ ψυχρὸν, ἔφη, ὥστε λίσσασθαι ἐστίν. Manifestum est, intelligendum esse μάλλον ἢ. Jam non desunt exempla ellipseeos τῷ μάλλον ante ἢ, & τῷ ἢ post μάλλον. Sed μάλλον ἢ simul omitti, id insolens est. Itaque Noster suspicatur, ἢ absorptum esse ab ultima litera verbi antecedentis ἔφη. Sed nihil definit. *Pag. 156* miratur, doctos viros suspectam habuisse vocem ἀσκήσεως *Lib. III Cap. 14 §. 3*, ubi *Socrates* reprehendit eos, qui nimium obsonii sine pane sumunt, μὴ ἀσκήσεως, ἀλλ' ἡδονῆς ἕνεκα, pro quo legendum contendebant: ἀρτίσεως. Nam ἀσκησιν, cujus sæpe in his libris mentio fiat, esse vitam athleticam & leges, quibus se athlete adstringunt. Athletarum autem fuisse τὸ ἀναγκασθῆναι, h. e. e certa quadam lege cibum capere, qua lege plurimum carnis & obsonii edendum erat, ut scilicet pinguescerent, & robustiores fierent. In proverbium abisse athleticum victum, & athleticè vivere. Itaque hunc loci sensum putat: Si quis obsonium edit sine pane, non quod athletea est, & ex athletica vita lege & consuetudine, sed voluptatis causa, &c. Sed plura nos dixisse intelligimus, quam pro libri magnitudine. Itaque, quanquam plura hujus generis asserre possemus, tamen, quæ dicta sunt, sufficiant. *Pag. 19. not. m.* Cl. Autor scribere voluit: cum aliis nullis.

ALGEMEENE HISTORI, BEHELZENDE
een ericht van alle Volken, en de Zacken, onder
hen voorgevallen, &c.

h. e.

H 2

HISTO.

HISTORIA UNIVERSALIS, CONTINENS
eventus & acta omnium populorum, rerumque inter
iplos gestarum, inde ab initio mundi usque ad nostram
ætatem, concinnata a Societate Eruditorum in Ang-
lia; ex Anglico sermone translata nunc in Hollandi-
cum, ac nonnullis observationibus aucta, per
CORNELIUM WESTERBAHN.

Ultrajecti, apud Besselinum, 1736, 4.

P. I Alph. 5 plag. II, cum Fig. æn. 7, P. II Alph. 2 plag. 2.

Operis hujus, ad omnem securam ætatem commemorabilis, *Tomum primum*, Hagæ Comitum Gallice factum, jam hisce in *Actis A. 1733 Mens. Majo pag. 195* pro merito commendavimus. In præsens explicationem Operis summam exponemus, de Cl. *Westerbani* Annotationibus disseremus, ac ex *Parte II*, quam in recensione superiori vix attigimus, nonnulla delibabimus. Necessitatem operis, Anglis accommodatam, in dubium haud revocamus. *Walteri Raleigh & D. Howelii* Opera Anglica mendis scatent, & emendationibus egent vix numerandis. Et quis æqui bonique consulere potest, Historicos populorum minorum rationem non habere, sed eos inferere, vel subdere, gentibus majoribus veluti devictos & triumpho insignitos. Societas Eruditorum Angliæ præstantissima, & nationi suæ solidam historiam totius terræ populorum, & orbi erudito reliquo documentum diligentæ suæ immortale, datura, ex fontibus ipsis sitim restringit, Geographiam & Chronologiam ubique maximi pendit, nihilque eorum omittit, quæ ad monumentum tam egregium & ære perennius illustrandum facere possunt. Ne quis vero operis mole deterreatur, *quatuor Tomis* formæ maximæ, quam vocamus in folio, *octo* in *Volumina* dissecandis, sese institutum suum esse complexuros, eruditi Viri pollicentur. Dabimus summam & synopsis Operis universi, quam Societas ipsa proposuit; sed qua libertati suæ, passim nonnulla emendandi, nihil derogatum iri existinavit.

Volu-

Volumen primum continebit 1) Introductionem, qua de origine mundi differtur; 2) historiam de diluvio; 3) multiplicationem generis humani ex Noachō; 4) historiam universalem ad erectionem primarum rerumpublicarum, seu regnorum antiquissimorum; 5) historiam Ægyptiorum usque ad id tempus, quo a Babyloniis & Persis fuerunt devicti; 6) de Cananitis, Ammonitis, Moabit, aliisque, donec ipsi ditioni Judæorum accesserunt; 7) de Philistæis, Phœnicibus, & Syris. Huc usque & Autores & Translatōres fuerunt progressi, Futurus labor exponet 8) de Judæis usque ad transmigrationem Babylonicam; 9) de Assyriorum regno; 10) de Babyloniōrum imperio, & 11) Medorum dominatu; 12) de Persarum imperio usque ad exitum *Darii Codomanni*; 13) de rebus Persicis antiquissimis ex Scriptoribus orientalibus; 14) de Scythiis, eorumque posteris ac progenie, Cimmeriis, Celtis, & Gallis; 15) de Trojanis usque ad Trojæ excidium; 16) de Lydiōrum, Cilicū, & aliorum, dominatu, usque ad Persarum dominatum. *Volumen secundum* complectetur historiam Græcorum & Asianorum inde ab *Alexandri M.* ætate usque ad *Muhammedem*, nominatim 1) mythologicam & heroum; 2) Sicyonis, Argolidis, Atticæ, Bœoticæ, Thessaliæ, Thebaidis, Corinthi, Laconicæ, &c. 3) urbis Athenarum usque ad fœdus Achaicum; 4) Spartæ urbis a *Lycurgo* usque ad *Philopemenem*; 5) Græciæ inde a fœdere Achaico usque ad excidium & Romanorum dominationem, inserta Græciæ descriptione ad ætatem usque nostram; 6) Græcarum rerumpublicarum in Asia minori, in Sicilia, Creta, Samo, Rhodo, &c. 7) regni Macedonicæ usque ad *Alexandrum Magnum*; 8) dominationis *Alexandri Magni*; 9) successorum ejus ad *Persea* usque; 10) regni *Antigoni*, filique *Demetrii*, in Asia; 11) Seleucidarum in Syria; 12) Lagidarum in Ægypto; 13) regnorum Armenicæ, Ponti, Cappadociæ, Caricæ, Pergami, Thraciæ, Epiri, &c. 14) Judæorum inde a reditu ex exilio usque ad excidium templi secundi; 15) Arsacidarum seu Parthorum usque ad *Artaxerxem* Persam; 16) Persarum usque ad Arabum dominationem in Perside. *Volumen tertium* continebit historiam

riam Romanam, 1) ante Romam conditam; 2) a *Romulo* usque ad *Arcadium* & *Honorium*; 3) occidentalem usque ad *Odoacrum*; 4) orientalem usque ad Latinos, Constantinopolin occupantes; 5) & inde usque ad annum 1453; 6) sigillatim imperii Trapezuntii; 7) reipublicæ Carthagenensium, & 8) regni Numidiæ ac Mauritanix. *Volumen quartum* comprehendet historiam Muhammedanam, *quintum* complectetur occidentales & septentrionales Europæ populos, eorumque in imperium Romanum irruptiones, Hispanos, Gallos, Britannos, Hunnos, Wandalos, Visigothos, Suevos, Francos, Ostrogothos, Exarchos Ravennenses, & Longobardos. *Volumen sextum* continebit historiam Hispaniæ, Portugalliæ, Galliæ inde a *Pharamundo*, Normanniæ, Italiæ a *Berengario* ad *Ostionem I*, Pontificum Romanorum, Venetiarum, Genuæ, Luccæ, & Ragusæ, Neapolis & Siciliæ inde ab ætate *Tancredi*; Sardinix, Corsicæ, Mediolani, Florentiæ, Ferrariæ, Mutinæ, *Urbini*, Mantuæ, Parmæ, Sabaudix, Cantonum seu Pagorum Helvetiæ, Grisonum, reipublicæ Genevensium, &c. Hæc unico *Volumine* posse coerceri, quis credibile existimabit, nisi amphora cœperit institui, urceusque exeat. *Volumen septimum* complectetur historiam Westrasiæ, circulatorum Germaniæ, Bohemiæ, Hungariæ, Angliæ ac Walliæ, Scotiæ, Hiberniæ, Hollandiæ, seu Belgii fœderati, Burgundiæ, Lotharingiæ, Daniæ & Norwegiæ, Suediæ, Prussiæ, Poloniæ, Russiæ, Slavonicarum terrarum, e. g. Moldaviæ, Walachiæ, &c. *Volumini octavo* destinata est historia Abassinorum, Algeriæ, Tuneti, Tripolis, Melitæ insulæ, Principum Fezzæ & Marocci, coloniarum Europæarum in Africa, detectionis Americæ, regni Mexicani, & Peruani, nec non coloniarum Europæarum per Americam. Quantum ad Notas, recens adjectas, attinet, ex sunt initio admodum paucæ. Communicabimus nonnullas cum LECTORE. Significatur pag. 29, Societatem eruditorum Britannix vocasse *Amalricum*, qui vocandus fuerit *Almaricus*, hæreticum Seculo XIII combustum, Theologum Parisiensem. Quam Annotationem firmo insistere talo, existimamus. Laudat

dat Cl. Translator mappam geographicam Domini de L'isle, qua paradisum Armeniæ attributum delineavit; pag. 159 *Selandia* reputat pro insula *Ceylon* pag. 162, siquidem insulam Malabares appellant *Div*, ac *Joannem Clericum* notat, qui per illam intelligit insulam Madagascar *Comment. in Genes. VIII pag. 72.* Interpres novus ad pag. 170 *Josephi*, Historiographi Judaici, sententiam de serpente seductore proponit, eum olim facultate loquendi instructum, posthæc vero ea vi multatum, arbitrati. *Aben Esra* & alii idem sentiunt. Arabes, *Muhammede* antiquiores, credidere, diabolos in serpentes fuisse conversos. Serpentes diabolum callide in paradisum introduxisse, reliquis bestiis recusantibus, commemorant Mahometani, teste *Maraccio* ad *Alcor. pag. 22.* Ad pag. 173 notat, nonnullos veterum credidisse, *Evam* serpentem pro filio habuisse Dei, laudans nominatim *Tertullianum de Praescript. Hæretic. pag. 221.* *Abrabbanel* putat, serpentem cum *Eva* haud fuisse locutam, sed hanc imitatum fuisse illam, cibos ex arbore citra noxam carpentem. Idem ad pag. 177 annotavit, *Goropium Becanum* arborem vetitam habuisse pro ficu Indica, *Barcepham* vero pro ficu. Muhammedani fructum vetitum habent alii pro arista, alii pro ficu, alii pro vite. Rei veneræ amatores obscenam excogitarunt interpretationem, quam Cl. Translator refellit. Ad pag. 180 voces עֵלֶם & תָּפַח exponit, illam de conjunctione rei unius ad alteram, ob *Job. XVI, 15, Ezech. XIII, 18*, hanc de frondibus, tentorio componendo aptis, ob *Neb. VIII, 15*, capiens. Voces לֶחֶם הַחַיִּיב הַסְּתֵרֶפֶת ex *Genes. III, 24*, de flamma divisionis, seu flamma dividente, exponit pag. 181. Ad pag. 185 annotat, *Paracelsi* ex sententia primos homines genitalibus membris caruisse, eaque postea demum protuberasse. Ad pag. 188 seq. commemorat nonnulla de terræ mutatione astronomica. Ad pag. 203 refert, Orientales, *Adamum* in Indiam migrasse, credere: Arabes filium *Adamo*, seniore *Caino*, tribuisse: *Cainum* & *Habelem* Judæos pro geminis reputasse. Deinde autem Cl. Interpres annotationes non parca manu ferit, sed effuse adjungit, largeque disseminat. De signo *Caini* varia pag. 210 seq. cumulat, additque

- ditque nonnulla ad mortem *Caini* illustrandam pag. 214 seq. *Lamechi* digami verba cum interprete Arabe capit per modum interrogationis pag. 216. De extremis *Enochi* satis concessit varia, & ea admodum jucunda, pag. 219 seq. nec non de sepulchro & morte *Adami* pag. 224 seq. De terra *Siriade* seu *Siriadica*, in qua columnæ *Sethi* exstitisse dicuntur, asseruntur haud tralatitia pag. 227 seq. &, dum eam ad *Nilum* in *Ægypto* quærit, oblitus fuit *Hadriani Relandi*, qui in *Palestina Lib. I Cap. 53 pag. 343*, eam esse regionem *Serum* in *India*, credidit. De filiis Dei, *Sethi* progenie, a *Lactantio* aliisque Patribus in angelos, amore mulierum captos, conversis, quibus *Eggregoris* cognomen fuit, copiose commentatur ad pag. 230 seq. Varias de פְּלִיטִים sententias idem exposuit ad pag. 235 seq. negans, gentes integras olim fuisse & gigantibus compositas, licet, gigantes ante diluvium exstitisse frequentiores, affirmet. De voce יְרוֹן *Gen. VI, 3*, ita sentit, ut per eam intelligat Dei μακροβυίαν, ob 1 *Petr. III, 20*. Terram antediluvianam idololatria fuisse scdatam, non ex *Mose*, sed ex *Sanhoniathone*, elucet. Ad *Sanhoniathonis* narrationes illustrandas varia asseruntur jucunda. Videtur tamen *Dodwellus* nobis satis superque ostendisse, *Herennium Philonem* exstitisse impostorem, *Sanhoniathonis* sub nomine sua effingentem. Exponuntur nonnulla, ad *Berosi* Reges *Chaldææ* antiquissimos referenda, qui decem Patriarchæ antediluviani exstitisse videntur. Urbem *Sippharam*, *Pantibiblain*, & *Sepharvaim*, fuisse unam eandemque, conjicit. Liceat intelligere *Palaobiblon Syriæ*. Monumenta diluvii universalis, nec *Americanis* ignota, ipse passim conquirit & attulit. *Conchilia petrefacta* pro ruderibus diluvii habet; de canibus *carchariæ*, ossibus piscium, arboribusque petrefactis, quid sentiat, est incertus. Per תְּהוֹם רַבָּה, abyssum magnam, designatam credit aquarum subterranearum multitudinem. Diluvia maxima ex motibus terræ oriri posse, imo orta fuisse, indicat. Montes altissimos non excedere 5 milliaria *Anglicana*, docet. De voce צוּר, instrumento, quo arca *Noachi* fuit illustrata, optima quævis concessit. De urbe *Ciboto* &
- Pag. 238.
243 seq.
244 seq.
257 seq.
259.
271 seq.
279.
287.
294.
297 seq.

MENSIS FEBRUARII A. MDCCXXXVIII. 63

& *Celeneis* Syriæ commentatur succincte. De *Gordians* montibus nonnulla addit, memoratu digna. De monte *Ararat* plura transcribit. Per *Fo - Hi*, *Tzinenſium* Imperatorein primum, designari *Noachum*, suspicatur. Ad historiam *Chami* illustrandam selectissima adjecit, nihilque eorum omisit, quæ ad varias de singulis rebus gestis sententias facere, & aliquid subsidii afferre, poterant. De *Adada Justini* copiose commentatur: nec minus fuse de reliquiis turris Babel disserit. Ac, ut intelligatur, quo modo e mortalibus diluvio defunctis intra trecentos circiter annos orbis terrarum receperit incolas, computationum *Petavii*, *Cumberlandi*, ac *Whistoni*, tabulas Operi inseruit, addita tabula, e qua brevitæ vitæ humanæ in dies contractior dilucet, a *Semo* ad *Davidem* usque protracta. Ad mensuras pyramidum adjecit nonnulla pag. 578 seq. De Ægyptiorum arte, producendi pullos ex ovis interventu fornacium, accurate disseruit pag. 620 seq. De literis Copticis erudite egit pag. 687 seq. De primo Ægypti Rege, *Mene*, haud tralatitia exposuit, nec non de *Sisaco* ac *Sesofstre* pag. 749 seq. Idolum *Dagon* illustrat pag. 169 seq. De *Colchorum* origine disquiri pag. 173 seq. Gigantas Philistæorum illustrat pag. 207 seq. Ad Syriæ geographiam, quæ commemoratur pag. 215 seq. varia adjecit, commemoratu haud indigna. De origine vocis *Palmiræ* commentatur pag. 233 seq. De Rege *Adado*, unum notante, egregia collecta videbis pag. 246 seq. monumenta. Eruditissimi Societatis historicæ in Anglia Sodales nihil fecerunt reliqui, ut & copiose, & solide, quicquid destinationi ipsorum adjumento esse poterat, enarrarent. Interpres vero Belgæ, sese multijugæ lectionis esse Virum, judicioque præditum critico, in Accessionibus satis superque demonstravit. Constitueramus plura ex thesauro Societatis decerpere. Sed fuimus jam longi, &, ut fruantur cæna, a Sodalibus apposita, invitandi sunt Lectores. Licet vero, quantum ad Geographiam veteris Ægypti & Syriæ attinet, paululum ab Autoribus dissentiamus nonnunquam, non tamen possumus, quin suspicemur, fore, ut proximæ Operis tam egregii & in

Pag. 326.
328.

338 seq.
358 seq.
366 seq.

424 seq.
451 seq.

496 seq.
502.

740 seq.
Tom. II.

officina Phidæ nati interpretem adspiciamus Latinum, qui monumentum hoc immortalitate dignissimum usibus omnium gentium, in quibus aliquid valent literæ, ac Seculi futuri cujuscunque, consecrare fuerit conatus.

CORPUS JURIS ROMANI, IN DUOS TOMOS distinctum, singulari cura recusum. Præfationem præmisit J. O. GOTTL. HEINECCIUS,
Jctus.

Tomii II.

Lipsiæ, apud Christ. Sam. Crugium, 1735, 8 maj.
Tom. I Alph. 6 plag. 13, Tom. II Alph. 5 plag. 15.

Non dubitamus, fore plerosque, quibus mirum videatur Bibliopolæ Lipsiensis, *Crugii*, varias & fere innumerabiles Corporis Juris Romani editiones nova adaugendi, consilium. Nos ergo, institutum viri optimi omni dignum commendatione judicantes, operam nunc dabimus, ut, quæ sit hujus editionis præstantia, quod præ reliquis decus, omnibus constare possit. Si verum est, quod nemo dubitat, typi elegantiam & accurationem libris eximio, imo prorsus maximo, esse ornamento, certe non exiguas laudes hæc merebitur editio, quæ legum civilium collectionem, minori forma, characteribus nitidissimis, descriptam, &, quoad per humanam imbecillitatem licuit, ab omnibus vitiis purgatam, exhibet. Id unicum dolemus, omiſſa in hac editione illa Jurisprudentiæ Romanæ scita, quæ studioſe contulerunt antiquiores Jcti, *Cajus, Paulus, & Ulpianus*. Interea, si nulum aliud haberet, certe illud foret maximum ac plane singulare decus, quod ei attulit Illustriſſis Viri, *J. O. Gottl. Heineccii*, copioſa, erudita, atque elegans Præfatio. Compescit hic Vir Celeberrimus miram illorum hominum audaciam, qui Juris Romani compilationem gravissimis proſcindunt calumnijs, omnibusque diris devoent. Quanquam vero non eadem omnes

omnes ratione in illam invadunt, ad tres tamen classes eosdem commode referri posse, arbitratur. Alii enim diffamant *Justinianum*, alii flagitia *Triboniani* & sociorum detegunt, alii ipsius operis novos exaggerant. Qui famæ *Justiniani* minuendæ operam impendunt, sex in ipso reprehendunt crimina, quorum ea est ratio, ut, etiam si concedamus omnia, inde tamen nihil in Collectionem, ipsius auspiciis adornatam, redundare possit detrimenti. Sed nec ita liberalis est ill. *Heineccius*, qui a singulis pios Imperatoris sacratissimi manes liberat. Primo *divinos honores* notant, quos sibi tribuisse inmodestius videtur Imperator. Negari nequit, voluisse eum in l. 2 C. de *Fabric. adorari aternitatem suam*; qua in re hostes ejus bina deprehendunt usurpatæ divinitatis argumenta. Frustra. Nam & antiquiores *Justiniano* Cæsares æternitatem sibi tribuunt, quod patet ex l. 160 C. *Tb. de Decur.* & l. 3 C. *Tb. de Fabric.* ut adeo more receptum & in stilo curiæ solenne dicendi genus esse videatur. *Adorare*, id est, submissa corporis inclinatione venerari Reges, jam inter Hebræos nota res fuit, ceu *Hugo Grotius* ad *Exodi XX* evicit. Græci, si *Zonara* fides, diu ante *Justinianum* eandem custodiverunt consuetudinem, imo *Constantii* ætate homines ἐπὶ τὴν αἰθεργίδα βασιλέως πετομένους commemorat *Themistius*. Secundo amor *Theodora*, mulieris scenicæ, in *Justiniani* numeratur vitiis, quanquam illa de uxore Cæsaris narratio ad calumnias *Procopii* pertineat, quippe qui ipse alibi eam γυναῖκα σοφωτάτην nominat. Tercio damnatur *avaritia*, qua non totum solum orbem Romanorum exhaustisse, sed cui in legibus etiam ferendis lenocinatus Imperator, dicitur. At male egit *Procopius*, qui ex hoc uno, quod Emesenz ecclesiæ procuratores argento datò præscriptionem actionum ecclesiæ centum annis finiendam obtinissent, regulam ducere generalem ausus est. Certe, si huic pravæ mentis concitationi ultra modum tribuisset *Justinianus*, retinisset, quas abrogavit, vigesima hereditatis, & pænæ servitutem. Quarto *vana gloriæ* accusant *cupidinam*, ὅπως δὴ νεώτερα τέ καὶ αὐτὸ ἐπώνυμα εἰς πάντα.

Pag. 10 seq.

12 seq.

15 seq.

- Pag. 18. *ἀπαιτα*. Quis vero eam ob causam alios derisit Principes, quod urbes, pontes, portus, codices, suo decorassent nomine?
19. Quinto *imperitiam literarum* obijciunt. At enim vero errorem *Suida*, vel, si mavis, scribarum, *Procopius* ipse dudum dispulit. Sexto rident, quod *metaphysicis subtilitatibus* magis, quam solidæ eruditioni, studuerit. Nos vero sacrilegii eos postulandos arbitramur, qui sanctioris Theologiæ placita ad somnia Metaphysicorum amandare non erubescunt. Sic, salvo *Justiniano*, patrocinium *Triboniani* in se recipit Vir illustis. Iis, qui *vanitatem & adulationem* ei obijciunt, respondet, narrationem *Procopii* de sublimi ad cælos raptu vel plane esse confictam, vel eodem modo interpretandam, quo illud *Venusini* ad *Augustum* Carmen: *Serus in calum redeas*, &c. *Leges habere venales* Quæstor sacri palatii facili potuit negotio. At, ubi Juris Corpus concinnare inciperet, munus hoc dudum deposuerat. *Paganismo* favere non potuit, cum ita, teste *Cedreno*, nullus ipsi patuisset ad rempublicam administrandam aditus. *Interpolationes* legum veterum ultra modum augeri notat, nec tamen eas penitus vocat in dubium, Ill. *Heineccius*. Sed hic nihil egit *Tribonianus*, nisi quod in Constitutione de *Concept. J. §. 7* ipsi permiserat Imperator. Quæ in ipsum Juris Corpus evomuntur criminationes, notæ sunt, & faciliori opera removendæ, ut adeo in istas excurrere supervacaneum videatur.
- 22 seq.
- 24 seq.
- 30.
- 36.

JO. GOTTL. HEINECCII, JCTI, CONSIL. intimi Prussici, Juris & Philos. in Academia Friedericiana Antecessoris, Opusculorum variorum Sylloge, olim seorsim editorum, jam in hunc Fasciculum collectorum.

Halæ Magdeburgicæ, sumtibus Orphanotrophei, 1735, 4 Alph. 5 plag. 23.

Cum omnium, quæ ab ingenio Ill. *Heineccii* profiscuntur, descriptionum ea sit indoles, ut felicem memoriam, ingenium

nium fecundum, limatumque prodant iudicium; nullum est dubium, quin & hæc Opusculorum variorum Sylloge communem plausum orbis eruditi, dudum in tanti Viri admirationem conversi, promereatur. Splendet in præmissa ad Lectorem Epistola insignis, quam Celeberrimus ille Jurium Antistes sibi familiarem reddidit, modestia. Ea studiosissimis famæ *Heinecciana*, & novam minorum, non ingenio, sed mole, Opusculorum editionem flagitantibus, Bibliopolis moram iniecit, nec prius moveri potuit, quam ubi externos rem eandem meditari, & Opusculis illis conjunctim edendis operam impendere, sat certo constaret. Tum vero Ill. Vir, bene putans, natura ita esse comparatum, ut dominus plurimum videat in rebus suis, scripta, quæ aut ipse composuerat, aut compilata ab aliis sub severiorem censuram vocaverat, in unum colligendi volumen, consilium cepit. Habemus ergo *Exercitationes Academicas XXVII*, Indice auctas, quem, etsi non ipse composuit *Heineccius*, talibus tamen ingeniis commisit, de quorum industria optima quævis sperare diuturnum docuerat contubernium. *Dissertatio prima, de Habitu Apostolorum sacerdotali, Baronii* compescit audaciam, qui sanctis Sospitatoris optimi legatis eundem affingere, quo hodie clerici Papæ faventes utuntur, corporis habitum, nullus dubitavit. Dedit elaborandæ Exercitationi ansam institutum ab Ill. Autore sanctæ Theologiæ studium, cui ab ephebis & matre veneranda destinatus fuerat. Hoc & secundam peperit *de genuina civitatis Christi ara* Dissertationem, e-numis & Inscriptionibus illustratam, ornandæ & confirmandæ *Ant. Pagii & Henr. Norisii* sententiæ mire inservientem. Nihil additum ab Ill. Viro, nihil mutatum, si, quæ de *Dionysii Periegetæ* & missi in orientem Præsidis ætate ac differentia præclare differit, excipias: qua in re magnos superioris ætatis Criticos, *Salmasium, Vossium, Barthium*, aliosque, habere videtur consentientes. *Exercitatio tertia, de vera falsæque sapientiæ characteribus*, ad Philosophiam reconditam; *quarta, de incessu, animi indice*, ad Physices subtilioris scita, pertinet: utraque simul antiquitates & literariam, quam vocant, Historiam mirifice illustrat.

Pag. 110 seq.
§. 28.

Sequitur Exercitatio quinta, de Philosophis semichristianis inscripta: post sexto loco succedit inauguralis, de origine ac indole Jurisdictionis patrimonialis, festinanti, ut ait Ill. Autor, conscripta calamo, & intra paucos dies absoluta; quod argumentum resumit, auxit, & emendavit, in Germanici Juris Elementis. Septima, de levis notæ macula, l. 27 C. de inoffic. test. explicat; octava de navibus ob vecturam vetitarum mercium commissis dispicit; nona de origine & jure Collegiorum & corporum apud Romanos agit, remque a nemine antea tractatam plene persequitur. Locum decimum occupat aditialis Ill. Heinzeii Oratio, de Jurisprudentia veterum Romanorum formularia, qua munus Professoris in Academia Franequerana asspicatus est. Exercitatio undecima est de vitiis negotiationis collybistica vel cambialis; duodecima de P. Juventio Celso; decima tertia de Jctis semidoctis; decima quarta de Mercatorum, qui foro cesserunt, rationibus & codicibus; decima quinta de Usufructu materno Juris Germanici, & maxime Hamburgensis; decima sexta de lubricitate jurisjurandi suppletorii; decima septima de Religione judicantium circa reorum confessiones; decima octava de Ulpiani Jcti hebraismissis; undevigesima de Suprema Principum magistratuumque tutela; vigesima de Jctis reformationi ecclesie praludentibus; vigesima prima de eminentioribus Ducatus & Ducum Lotharingie prerogativis; vigesima secunda de C. Aquilio Gallo. Varia hic, quæ ad gentem Aquiliam pertinent, reperiuntur capita. Mentio fit M. Aquilii M. F. Galli, ad cujus vitam illud recens adjiciendum arbitratur Vir Celeberrimus, quod repetundarum accusatus, cicatricum ostentatione evaserit periculum, legatusque in Asiam Mitylenzis A. U. C. 664 Mithridati traditus, morte perierit dirissima, testibus Appiano in Mithridaticis pag. 184, Plinio Hist. Nat. XXXIII, 1, Cicerone pro Lege Manil. Cap. 5, Aruabio adv. gent. I pag. 23. Vigesima tertia historiam Salvii Juliani exponit; vigesima quarta de Marito tutore & curatore uxoris legitimo agit; vigesima quinta de Prescriptione annali Juris Lubecensis a Jure communi diversa; vigesima sexta de Testamenti factione Jure Germanico arctissimis limitibus passim circum-

*circumscripta; vigesima septima de origine testamenti factio-
nis, & ritu testandi antiquo. Ipsi harum Exercitationum
indices loquuntur, non trita in illis tractari aut vulgaria Juris-
prudenz ac Historiarum capita: contra vero, omnia sic esse
comparata, ut Heineccium, id est, doctrinæ omnis promum
condum referant, divinarumque & humanarum rerum the-
sauros recludant præstantissimos.*

*JO. DAN. GRUBERI, CONSIL. AUL. ET
Hisor. Regii Hanover. de Constitutionibus Friderici
II Imperatoris, Moguntie A. 1235 Germanice edi-
tis, vel non editis, sententia, excerpta ex literis
ejus ad F. O. M.*

Godefridus Coloniensis, Seculi XIII locuples inprimis &
fide dignissimus Scriptor, de Comitibus Moguntinis ad A.
1235 hæc habet: *Curia celeberrima — apud Maguntiam in-
dicitur, ubi, fere omnibus Principibus regni Teutonici conve-
nientibus, pax juratur, vetera jura stabiliuntur, nova sta-
tuuntur, & Teutonico sermone in membrana scripta omnibus
publicantur. Quæ verba disquirendi ansam dederunt, num
recte asseratur, Constitutiones illas Moguntinas idiomate Ger-
manico fuisse consignatas. Agentibus succurrit non solum
Speculum Saxonieum, sub id ipsum tempus lingua vernacula
conscriptum, sed & exemplum harum Constitutionum Ger-
manicum, a Goldasto primum in Statutis & Rescriptis Impe-
rialibus anno 1607 pag. 80, ac deinceps parte altera Operis,
quod *Reichs-Satzung* inscripsit, pag. 17, exhibitum: idque
non e cerebro confictum, sed ex Corpore quodam Constitu-
tionum Imperialium, jussu Friderici III Imperatoris Venetiis
A. 1476 a Nicolao Jensonio typis excuso, productum. Neganti-
bus illud præsidio est, quod, licet in monumentis hujus &
anterioris Seculi formulæ passim integræ Germanicæ depre-
hendantur, veluti in Constitutione judiciaria Coloniensi A.
1169, ipsa tamen Acta publica non nisi Latino sermone pette-
reban-*

xebantur. Speculum Saxonicum frustra ad partes vocatur; privati quippe hominis opus, & auctoritate publica destitutum. Qui *Friderico III* Imperatori exemplum Germanicum Constitutionum *Fridericianarum* in manus dederunt, optimo Principi sumum vendidisse videntur. Dialectus enim illa Germanica, quam hoc exemplum præ se fert, adeo ævum *Friderici II* non redolet, ut partus idem non *Rudolpho* solum Regi, sed & filio *Alberto*, licet utroque posterior, haud paulo æquiore Minerva fuerit suppositus apud *Schilterum* in Appendice *Tomi II* Thesauri Antiquitatum Germanicarum, & ad calcem Juris Feudalis Saxonici, editi Budissinæ A. 1557. Maxima difficultas est a verbis & fide *Godefridi*, Colonienfis. E qua tamen elucubramur, si ductu monumentorum medii ævi indagemus, quomodo inter acta publica, quæ omnia Latinis literis consignata novimus, subventum fuerit laicis, Latinam linguam ignorantibus. Ubi primum observamus, Legatos sedis Apostolicæ, Crucisque & Indulgentiarum prædicatores Transalpinos, quoties in Germania ad populum verba fecerunt, prælo habuisse sacerdotem indigenam, qui fungeretur vice interpretis sacri. Eadem necessitas suavit, ut in Comitibus & judiciis, quæ acta, quæve stilo Latino in commentarios relata erant, laicis sermone vernaculo prælegerentur, ut iis innotesceret, quid decretum atque constitutum esset. Usus enim linguæ Latinæ tam sanctus perpetuusque viris Clericis erat, ut ipsa dicta testium literis Latinis consignarent; quæ tamen, ubi publicanda erant, lingua vernacula recitabantur. Cujus rei documentum sub anno 1228 habes in *Beckmanni* Historia Anhaltina Part. III pag. 185 verbis: *Unde dicta testium publicata sunt, & propter Tidericum & laicos adstantes lingua materna per dilectum in Christo filium, Archidiaconum orientalem, publice recitata.* Similiter, cum Rex *Rudolphus* A. 1274 per *Fridericum*, Burggravium Noribergensem, & *Henricum*, Comitem Saynensem, cum Pontifice de confirmandis privilegiis ageret, quæ refert *Raynaldus* ad A. 1274 n. 7, instrumento ita subscriptum legimus: *Hæc privilegia lecta, & propter nos, supradictum Burcra-*
vium

vidum & Comitem, qui nec literas, nec linguam Latinam, novimus, fideliter fuerunt exposita. Unde patet, verba Godefridi, ne quid absurdi nobis, & ab usu temporis abhorrens, dixisse videatur, ita interpungenda esse, ut verba *Teutonico sermone*, ope adjecti commatis, non ad *scripta*, sed ad *publicantur*, referantur, hoc ordine: *Jura nova statuuntur, & Teutonico sermone, in membrana scripta, omnibus publicantur*; atque hoc sensu: *Jura nova statuuntur, & in membrana scripta, Teutonico sermone omnibus publicantur*. Sic in documento Anhaltino dicta testium, stilo consueto consignata, propter laicos adstantes *lingua materna* publice fuerunt recitata. Quam interpunctionem atque interpretationem adjuvat quoque Chronicon vetustum, regnante *Carolo IV* Imperatore ab *Henrico ab Hervordia*, ut puto, scriptum: quod de his Comitibus hæc habet: *Ibi, Imperatore sedente pro tribunali, inventum est, quod, quando filius frivole & palam certaret contra patrem, perderet omnia jura sua in hereditate patris: & quamplura jura ibidem pronuntiata sunt*. Quæ verba satis docent, publicæ recitationis & pronuntiationis solum rationem habuisse Historicos nostros, non literariæ consignationis, quæ semper una erat eademque. Id vero animadversione dignum visum, quod, quæ mote consueto in literas relata, ac membranis commendata essent, patrio *sermone*, non solum inter acta, ut plerumque, explicabantur, sed & omnibus publicabantur, hoc est, publice recitabantur ac pronuntiabantur. Nam & tabulas clientelares, iisdem in Comitibus *Ottoni*, Duci Brunsvicensi, traditas, quod Latinis verbis scriptæ essent, *Ottoni* & amicis inter acta *Germanice* expositas fuisse, necesse est; licet publice omnibus *Germanice* prælectæ haud dicantur. Ut adeo non *scriptura* genus singulare, sed eorum, quæ stilo scribis sacri palatii familiari atque ordinario in membrana scripta erant, *singularem promulgandi modum*, recitationem videlicet publicam, *sermone Teutonico* peractam, respexisse videatur *Godefridus*.

DEMONSTRATIO MEDICO-PRACTICA

K

Progn-

Prognosticorum Hippocratis, ea conferendi cum egrorum historiis, in Libro primo & tertio Epidemicorum descriptis, ab HENRICO COPE, Medico Regio ad statum in Hibernia.

Dublino, typis Academicæ, sumtibus Jo. Smith & G. Bruce,

1736, 8.

Alph. 1 plag. 18.

Antiquam Hippocraticæ Medicinæ famam instaurare annisus est clare doctus Autor, sub examen revocatis & ad rationalem Medicinam studiose exactis dogmatibus, quæ Senex ille de signis eventuum eruendis in arte salutari condidit. Consilium illius rei cepit, partim intellectis neotericorum insufficiensibus ad curam pertinacissimorum malorum sententiis, quæ elegantius haud raro, quam verius, dicuntur, partim instinctu Præceptoris Clarissimi, *Barbavii*, qui, antiquæ Græciæ studiosissimus, ad rimandos majorum fontes exstimulare Auditores solet. Egregie admodum de prædictionum Hippocraticarum valore & in significando efficacia sentit, non illarum, si forte perperam judicetur, errore, sed prædicentis Medici fallaci in exponendis Hippocraticis oraculis dexteritate, crimen committi Revocatur ergo *Hippocrates*, & qui a bonis omnibus, pro seculi sui more, & auxiliorum, sapientiam sustinentium, quibus maximam partem caruit, conditione, prudens & ab ingenio minime alienus judicatur, talis sistitur, qualis fortasse ipse esse nollet, veridicus, errore vacuus, quem pialulum sit, sequi nolle, errare potuisse arbitrari. In historia morborum acutorum cum versatissimus exstiterit *Hippocrates*, hanc potissimum Medicinæ ejus partem selegit Cl. Autor, quam illustraret, & æqualibus suis ad excitandum æmulationis studium proponeret. Majori equidem felicitate, quam nostri salutis moderatores, usus non est *Hippocrates*: nam ex duobus & quadraginta ægris, quorum historiam divino de Epidemicis libro condidit, quinque & viginti, adeoque *πλέον ἡμῶν πάντες*, Plutonia regna viderunt; princeps tamen artis hoc ipso esse non desinit, quod pessima prædicere, ut de meliori successu gauderet,

deret, quam secuta omnia pronuntiare, maluerit. In eo reponendam unice gloriam esse negat Autor, quod aliquis de vita & morte præfagire aufit, sed illam prognosticorum efficaciam esse asserit, quo scire aliquis possit, quantæ morbus durationis futurus sit, ne evacuationibus exerceatur miser cum dispendio virium, quibus ipse ad superandos mali insultus quammaxime indiget, nec petulantæ humorum prorsus relinquatur, si forte brevior, sed & eo ferocior, morbus futurus sit, nisi educantur, qui vasa sua male habebunt, humores. A ratione non prorsus abest, quæ Græcis prædixerat *Hippocrates*, Borealibus etiam populis evenire posse. Nam Libyæ, Delo, & Scythiæ, accommodata divinus Senex sua effecerat oracula, unde locorum discrepantia ad mutandum morborum genium, utpote qui humani corporis communibus respondent conditionibus, parum facit. Certe haud difficulter intelligent, qui prædictiones *Hippocraticas* legunt, tales prædici eventus, qui ex natura rei aliter succedere haud potuerint, unde gratia Seni, quod sua nobis vestigia relinquere voluerit, referenda est haud mediocris. Ita enim ille dixit fecitque, ut, quisquis nostrum est ingenio præstantissimus, si deberet adeo tenui, quam ille, principio vastum systema condere, plura, aut tanta etiam, de se sperare vix posset. Unde maximam ab omnibus antiquioris meriti studiosis gratiam inivit Cl. Autor, quod Epidemicorum, seu morborum popularium, libros suis commentationibus illustrare voluerit, habiturus eruditionis adjunctæ plurimam, utilitatis publicæ promotæ aliquam, famam. Nam, quod salva *Hippocratis* autoritate profitemur, nisi ex conditione & natura morbi, rerum mechanicarum recte conscius Medicus, statum ægri judicare didicerit, & efficacissima attulerit remedia, parum a Sene Coo adjuvabitur. Habent tamen meditationes *Hippocraticæ*, quæ insignem arti lucem affundunt, si analogia & comparandi artificium accesserit. Majorum certe experientia non nisi in tantum nostra est, in quantum status præsentis cum præteritis exacte conferre, & perfectam utrinque similitudinem invenire, valeamus. Metuendum certe, ne diutius dicta esse quis reputet, quæ in Præ-

fatione habentur: *Hiscæ & hujusmodi vel ignotis vel spretis observationibus, quæ ex penu Hippocratica unice depromendæ sunt, Medicina, in solamen, miserorum divinitus instituta, in perniciem agrorum pervertitur.* Eleganter ceteroquin ad *Lindenii* exemplar concinnavit *Hippocratis* oracula, mendas, si quæ sensum invertere videbantur, ad mentem Commentatorum correxit, *Galenum & Hippocratem* sedulo comparavit, illum haud raro, quod hunc male intellexerit, castigavit, suæque de efficaci *Hippocratis* prædictione cogitata peroravit, dierum criticorum studiosus observator, eo usque, ut ægre ferre videatur pag. 55, quod æger *Hippocratis* prædictionem eluserit: *Nec, quanquam agrotus ultra hos limites vitam produxit, falsi itaque incusanda est doctrina Hippocratica, - - parum absuit, (tanta est dierum criticorum vis,) quin prædictio completeretur.* Optat tamen, pro sua in patriam pietate, quod & optare bonum quemque decet, sic cum *Hippocrate* omnes errare posse Medicos.

PARERGA MEDICA, CONSCRIPTA A DAMIANO SINOPEO, Medico ordinario Marini Nosocomii Cronstadiensis.

Petropoli, typis Academiæ Scientiarum Petropolitanz, 1734, 8. Plag. 18.

De frequentioribus nautarum Russicorum morbis primo agitur, quorum primarii sunt pulmonum affectiones, tussis æque ac asthma, cum ulceribus vel vomicis ruptis, quibus correpti, etsi convaluerunt, paulo post, annuo circiter spatio, interiere. Diarrhœa eosdem haud parum affligit cum colicis affectibus, qui dolorificam musculorum abdominis spinam versus contractionem conjunctam habuerunt. Viscerum scirrhi & indurationes genti maximo opere infestæ sunt; unde cum levamine oboriuntur hæmorrhoides internæ. Interea haud pauci hydropici intereunt, anasarca vel ascite oppressi, quam scroti penisque enormis concomitatur

tur tumor, exsillante sero acri, cuticulamque erodente. Saluti paucis cedit, vel paracentesi adornasse, vel incidisse penis scrotive integumenta, sicut diarrhœa oborta breve solatium affert. Impuris morbis hand carent, lueque venerea misere exercentur; nisi enim recens fuerit, ægre sanatur. Tophi concomitantur, ossiumque caries, & dolorum crnciatus. Salivatio prodest, cujus methodus adducitur; sed pluribus succedit scorbutus cum partium erosione, septi narium subsidentis, & gingivarum carie, aliisque diris symtomatibus. Anatomica cadaverum consideratio pectoris & pulmonum vitia frequentissima detexit, coalitos cum pleura vel diaphragmate pulmones, vel hydropse oppressum alterutra cavitate thoracem. Hepar & pancreas plurimis labe multa infectum, scirrhum, putridum, nullo quamvis apparente inflammationis signo, solenne glandularum mesenterii vitium, induratio, rigiditas, steatosis, intestinorumque insignis angustia, & sphacelus. Specialiores inde cadaverum sectiones, præmissa uniuscujusque, quo morbo interierit, historia, recensentur, & prava viscerum conditio prudenter cum phænomenis prægressis comparatur. De constitutione sana corporum nauticæ gentis proximo loco agitur, qua fiat, ut tot tantisque morbis illi fortiter resistere, nec citius istis interire possint. Adducuntur inter causas vitæ genus, laboribus sustinendis intenta ab ineunte ætate educationis ratio, vegetus appetitus, & digestio ciborum duriusculorum non dispar, balnea & exercitia corporis, hæreditarius etiam vigor, cum plerique humili locu nati campestrem vitam egerint. De sanguinis statu physico naturali, deque fibræ motu tonico & vitali, secundum doctrinam de elatere differit, & leges motuum exinde explicat, universam vero Physiologiam breviter & succincte exponit, quo de militum suorum statu curatius ferre judicium possit. Omnibus istis actionibus vitalibus æque ac naturalibus Russi utuntur vegetis; sed & causis externe eosdem ambientibus ad motus sanguinis robustos disponuntur; frigoris æque ac caloris patientes sunt. Aer scilicet æstivus illis intense calet, sed

eundem ferre didicerunt durante bruma in stationibus suis, magno igne æstuantibus; nam fornacibus & culinis superstruuntur tabulata, pro curandis corporibus. Frigus fugæ calidi desinit, obstitatos eorundem cutaneos poros ita non afficit, ut consueti horrores effectus tenerioribus infesti exinde subsequi possint, sed ob suppressam transpirationem spiritus fovetur. Secretiones & excretiones reliquæ augentur, appetitus multo vegetior fit, & digestio plurimum aucta. Aere patrio, etsi satis inclemens videri possit, parum afficiuntur, qui temperate vivunt; verum pessime mulctantur nautæ, quibus, cum vitæ genere minus ordinato, ab aere frigido humidoque, & exin plurimum aggravante, sanitas quovis modo depravata redditur. Maxime metuendus genti est frigidus in balneis potus, cui indulget. Inde enim cardialgiæ, pleuritis, colica, aliaque mortifera mala. Conferunt aliquid abstinentia a carnibus, ac diuturna & frequentius celebrata jejunia, quamvis secalino hordeaceoque pani, leguminibus, oleribusque, insignis insit nutriendi virtus. Spirituosorum, maxime spiritus frumenti, vel aliorum, abusus, genti familiaris, bilem excitat, irritat, & chylosificationis organa lædit, multo magis, quod pluribus familiare sit, ingurgitata frigida abortos exinde æstus reslinguere. Sanguis hinc tum ex omni causarum harum concursu spissior factus, suam in motu tarditatem passim, maxime in hepate, prodit, cujus scirrhi, si quis alius, morbus epidemicus est, quamvis non omnes eodem duritie huius visceris gradu laborare deprehendantur. Paria fata experiri solet pancreas, suo proprio humore spissescente, eandemque ob causam infarctum, & lien cum glandulis mesentericis in mali communionem trahens. Polypos cordis frequentiores observari affirmat, cujus natales partim a carptis cordis, & vaporum fibris, partim a pinguedine cordis, spissitate sanguinis, partibusque tophaceis, derivat, siquidem & haud raro crusta tartarea in pericardio enata fuisse observetur. Egregie adjicit signum pathognomonicum polypi cognoscendi in vivo, nempe arteriam carotidem in regione colli, & subclavia vasa intensius pulsantia, quo tempore uberior venæ sectio profuit.

Febris

Febris catharralis epidemice grassata isthoc incunte anni vere, æstu agros afflixit, sudoribus purpura etiam scorbutica solvi consueta, pluribus etiam ariditas faucium, hæmorrhagia narium, sputumve eruentum, successit, haud pauci delirio correpti ea passi sunt, quæ febrem ardentem ut plurimum committantur. Pleuritis paulo post invasit, quæ immanem militum stragem edidit, quibusdam, cum excubias agerent, vel consueta munia exercerent, repente extinctis. Venæ sectio, mature administrata, salutis fuit. Simili industria reliquarum anni stationum epidemici morbi recensentur, gratamque hoc ipso operam omnibus doctissimus Autor præstitit.

PROJET DE LA MESURE DE LA TERRE

en Russie, &c.

h. e.

PROPOSITIONES DE MENSURA TERRÆ, in Imperio Russiæ peragenda; prælectæ in Conventioni Academiæ Scientiarum Petropolitanae, die 21 Januarii A. 1737, a DE L'ISLE, Astronomiæ Professore primario.

Petropoli, ex Typographico Academiæ Scientiarum, 1737, 4-Plag. 2½.

Apicem Geographiæ in eo positum esse, ut accuratissima, quam fieri potest, Telluris mensura perficiatur, diu animadversum est intelligentibus. Exinde enim, uti facile pater, exactissima Mapparum constructio pendet, quæ magnis adhuc defectibus laborant, comparatio inter magnitudines quorumcunque terræ tractuum, Regnorum, Imperiorum, & quæ plura sunt hujusmodi, magni profecto omnia momenti. Primi equidem labores in mensura terræ collocati, tantum abest, ut fuerint exacti, ut potius ii, qui ambitum terræ stadiis aut milliaribus Arabicis æstimare principio conati sunt, in eo acquiescendum sibi duxerint, quod numeris rotundis dimensiones enuntiaffent. Ubi vero majori studio ex-

coli

coli Geographia, arsque navigandi, cœpit, illico fuit perfectum, ambitum Telluris, & quemvis ejus gradum, non exprimendum esse crassioribus istis mensuris; veluti milliariibus aut leucis, &c. duntaxat, sed subtilioribus quoque, uti perticis, hexapedis, pedibusque. Tales autem mensuras obtinere non licet absque operationibus Geometrico-Astronomicis, summa cum cura instituendis. Hinc herculei isti labores, quos subierunt Mathematici recentiores, & cumprimis Academici Parisienses, qui vastum istud & vere regium celebratissimæ Meridianæ, quæ Galliam universam trajicit, opus perfecerunt. Præter eos eminent *Fernelius*, *Snellius*, *Norwoodus*, *Blavius*, *Ricciolus*, *Blanchinus*, *Muschenbræckius*, qui *Snellii* Eratosthenem Batavum correxit & ornavit in peculiari Dissertatione de magnitudine terræ. Itaque, cum tanto studio mensuram gradus circuli maximi exquisiverint Viri insignes, supervacaneum videri poterat, moliri nova hanc in rem tentamina, aliis in regionibus facienda; quicquid enim superest laboris, in eo poni videtur, ut mensuræ, Viris, quos diximus, adhibita, comparentur cum mensuris regionis cujusvis, cujus Geographia est pertextenda. E. g. cum mensura geographica Russici Imperii sint Leucæ illæ, quas *Wersts* vocant, & quælibet subdividatur in 500 sic dictas *Sagenas*, quarum unaquæque continet 7 pedes Anglicanos; cumque ratio pedis Anglicani ad Francicum sit cognita, & Astronomi Parisienses invenerint, gradum circuli maximi constare 57060 hexapedis (*Toises*); levi opera confit, gradum circuli maximi continere 104½ *Werstas* Russicas. Itaque in constituenda Imperii hujusce vastissimi, aut provincie saltem cujusdam insignioris, Geographia, id agendum duntaxat videtur, ut in operationibus mensorii adhibeantur *Wersta*, *Sagena*, & pedes Anglicani, & sic methodis geometricis texantur Mappæ, quoad ejus fieri potest, exactæ, ac per Astronomicas longitudinum latitudinumque observationes rectificandæ. At vero Celeberrimus scripti præsentis Autor longe ab eo abest, ut credat, hac ratione rem confectum iri; imo monstrare satagit, opus hocce, tantopere desideratum, ad umbi-

umbilicum perducī non posse, quin tanti labores suscipiantur, ut non exæquent, sed omnino superent, quicquid moliminis in dimetienda tellure hucusque est factum. Quo minus enim Geographia Russiæ eo, quem indicavimus, modo absolvetur, id præcipue obstat, quod figura telluris non prorsus est sphaerica, adeoque gradus circulorum majorum inæquales, & minorum, qui paralleli sunt majoribus, non eandem sequuntur proportionem, quam sequerentur in hypothēsi sphaericitatis. Cumque quæstio de vera Telluris figura nondum sit plene definita, maximum ei lumen affundi posse judicat Cel. Autor, si per tot regiones vastissimas, quæ Russico Imperio parent, observationes quam diligentissimæ instituantur. Tantum vero opus, præterquam quod Geographiæ Russiæ utilissimum existat, non poterit non in gloriam Academiæ vergere; id quod facile crediderit, qui difficultatem quæstionis de vera terræ figura, quæ eruditissimos hactenus viros in partes distraxit, animo pensitaverit. Constat, *Newtonum* primo, deinceps *Hugenium* quoque & *Hermannum*, Geometras celeberrimos, figuram terræ attribuisse sphaeroidicam, qualis existit, dum Ellipsis circa axem minorem suum rotatur. Figuram hancce deduxerunt ex rotatione telluris circa axem, qua sit, ut partes Æquatori viciniore majorem acquirant conatum centrifugum, quam partes circa polos. Confirmari ipsis visa est sua sententia per decantatum illud experimentum, quo, pendula tardius moveri sub Æquatore, quam quidem in terris borealioribus, deprehensum est. Globum Planetæ Jovis esse tale Sphaeroides latum, patet ex observatione *Cassiniana*, qua innotuit, axem revolutionis in Jove minorem esse diametro Æquatoris sui. Forsan id obtinet in reliquis planetis, circa axem gyrantibus, quibus merito nostram accensemur tellurem. Non itaque specie destituitur hoc argumentum, ab analogia petitum, quo utitur *Poundius*. At vero, cum A. 1691 *Eisenschmidius*, Mathematicus Argentoratensis, varias terræ mensuras inter se compararet, deprehendit, gradus circuli maximi versus polos decrescere; quo ipso adductus est, ut figuram terræ sta-

L

tueret

tueret Sphæroides oblongum, quale existit, Ellipsi circa axem suum majorem conversa. In hypothese enim Sphæroidis *Newtoniani* gradus circuli maximi versus polos crescere debent, hoc est, duo loca sub eodem meridiano, quorum latitudo differt uno gradu, eo longius a se invicem sunt dissita, quo propiora sunt polis. Contrarium accidit, ut patet, in hypothese Sphæroidis oblongi. Postquam Meridiana a Septentrionalibus Galliarum oris ad australes usque, per intervalum 8 graduum circuli maximi fuisset determinata, *Cassinus*, præcipue junior, diminutionem illam graduum versus polos denuo reperit, & exinde figuram Telluris sphæroidico-oblongam confidenter adstruxit. Hisce tamen omnibus adduci se non passus est *Newtonus*, sententiam suam ut desereret. Anno 1720 Cel. *Mairanus*, duo hæc systemata conciliaturus, statuit, terram in creatione sua motus fuisse expertem, & figuram sphæroidicam, *Cassiniana* multo adhuc protractionem, habuisse; motu deinceps rotatorio ei impresso, ad hodiernam sese figuram, qualem nempe *Cassinus* defendit, composuisse. Objecit vero Cei. *Desaguliers*, systema *Mairani* adversum esse legibus motus; & contra observationes *Cassinianas*, & suppositiones, quibus in terminanda terræ figura usus est Vir inclytus, dubia quædam produxit. Cel. *de l'Isle*, Schediasmatis hujus Autor, statim post absolutam Meridianam in aliam quandam viam incidit, cujus ope de figura terræ constare possit. Suasit nempe, ut mensureretur parallelus Parisiensis, uti fuit Meridiana; in hypothese enim Sphæroidis *Cassiniani* paralleli minores esse debent, quam in hypothese sphericitatis perfectæ sunt paralleli cognomines; contrarium est in Sphæroide *Newtoniano*. Consilium hoc executioni datum esse, perspeximus ex Historia Academiæ Scientiarum Parisiensis A. 1733. Constat exinde, terram esse sphæroides oblongum, & protractius adhuc, quam fuerat definitum per Meridianam A. 1718. Ut vero quæstio hæc, adeo agitata, expediat tandem absque omni hypothesis alienius subsidio, missi sunt ab Ill. Scientiarum Academia Astronomi tres, *Godinus*, *Bouguer*, *de la Condamine*, in regiones Ame-

Americæ prope Æquatorem sitas, qualis est provincia *Quito* in boreali *Peruvia* parte, eo consilio, ut magnitudinem graduum quorundam Meridiani ac Æquatoris accurate investigarent. Eo concesserunt Viri Celeberrimi A. 1735 mense Aprili. Insuper alii tres oras polo septentrionali vicinas adire jussi sunt A. 1736, videlicet Viri insignes, *de Maupertuis*, *Camus*, *Clairaut*, junior, & *le Monnier*, junior; qui, in regionem Laponiæ, quæ Sueciæ subest, profecti, itineris, socium nacti sunt Cl. *Celsum*, Astronomiæ Professore Upsaliensem, ibique gradum circuli meridiani, qua Polaris Arcticus transit, dimensi. Hos exinde reversos, non ita pridem est nuntiatum. Antea, quam finivissent operationes suas, Nostro Petropolin significarunt, se reperisse longitudinem penduli simplicis, prout exigit systema *Newtoni*, scilicet majorem in regionibus polaribus, quam Æquatori vicinioribus, id quod ipsum quoque Archangelopoli reperit Cl. *de l'Isle de la Croyere*, Nostri frater, A. 1728, prout videre est sub finem *Tomi IV Comment. Academiae Scientiarum Petropolitane*. Pariter Astronomi, in Americam missi, in Insula *S. Dominici* latitudinis $18^{\circ} 37'$ invenerunt pendulum secunda vibrans 2 lineis brevius ac Parisiis; iterum juxta systema *Newtoni*. Itaque, cum circa figuram terræ adhuc sub judice lis sit, ad plenam ejus decisionem, insimulque ad Geographiæ Russicæ perfectionem, requiri contendit Cl. *de l'Isle*, ut ejusmodi dimensiones per amplissimum Russiæ Imperium instituantur; monstratque, plurimas Russiæ hanc ad rem opportunitates & prærogativas esse, quas vix offendere alibi liceat. Amplitudo Imperii Russici una est ex præcipuis; etenim meridianus, qui per observatorium Petropolim transit, protendi ad 22 — 23 usque gradus posset, qui quadrans sunt distantiae Poli ab Æquatore. Eadem ratione posset Meridiani Moscensis & Astracanensis produci, adeoque graduum inæqualitas observari exactius, ac huc usque; id quod jam in votis habuit *Cassinus*. Comparari porro gradus inventi cum iis posset, quos in Gallia dimensi sunt Astronomi, & in borealioribus Sueciæ tractibus; ratio graduum in parallelis ad gradus me-

ridiani in tanta regionum vastitate exactissime innotesceret, & quæ alia sunt hujusmodi. Fundamentum omnium operationum ita jaciendum ait Cel. Autor, ut basis, quam fieri potest, maxima seligatur, & summa cum cura mensuretur; ei enim sequentia triangula omnia inædificari deberent. Hanc basin in superficie glaciei tempore hyberno peropportune constitui posse, ab ora scilicet Ingrizæ versus Palatium *Peterhoff* dictum, usque ad oram Finniæ versus *Systerbeckam*. Distantia hæc non est minor 20 *Werstis* sive Leucis Russicis, atque ob glaciei planitiem optime potest mensurari. Porro ope mensuræ angulorum, qui sunt in extremitatibus hujus baseos, concludi poterit distantia inter medium observatorii Imperialis & turrem ecclesiæ novæ Cronstadiensis, quæ ad minimum 30 *Werstas* exæquabit, & fundamentum præbebit triangulis subsequenter, per provincias continuandis. Quod ad instrumentorum supellectilem attinet, quorum est in tanto opere necessitas, Cel. Autor requirit Quadrantem ordinarium, cujus radius sit 2 — 3 pedum, ad capiendos triangulorum angulos: pro observandis vero arcibus cælestibus portionem circuli, 30 graduum circiter, sed cujus radius sit 12 — 15 pedum; optatque, ut hæc organa construantur a Mechanico Londinensi dexterrimo, *Grabano*, pariter ac duo Quadrantes telescopici in plano meridiani observatorii Imperialis firmandi, quorum radius sit 7 pedum circiter, quibusque observationes subtilissimæ, quales præsens exigit Astronomiæ facies, institui possunt. Ut altitudines montium, per quorum vertices triangula quandoque transeunt, determinentur, eadem methodo procedendum judicat Cel. Autor, qua usus est *Cassinus*, per varias scilicet altitudines Mercurii, in Baroscopio observatas. Ut vero proportio inter eas & montium altitudines justa existat, novis observationibus, iisque diligentissimis, est allaborandum, quas fieri posse Cel. Autor dicit inter ipsas dimensionum operationes. Quem in finem sibi constructa refert Barometra composita, perquam sensibilia, in usum identidem vocanda, promittitque, omni studio se evitaturum mutationes istas, quas in Barometris pro-

producere solent varii caloris gradus, observationes non parum turbaturas. Alium deinceps modum proponit, altitudines hæcæ supra libellam maris determinandi, sed minus expeditum, si cum priore conferatur. Ceterum eadem quoque opera possunt ubique & sæpius observari acus magneticae declinatio & inclinatio, præcipue longitudo penduli simplicis, cujus maxima vis est, uti vidimus, in quaestione de figura Telluris. Novas pro illa accuratissime determinanda methodos, Academiæ Scientiarum Parisiensi detectas, & mox Astronomis, qui in Americam abierunt, transmissas, refert Cel. Autor, quas ipsemet secum communicatum iri sperat. Et hæc quidem sunt, quæ de suo instituto proposuit Vir Eruditissimus, de quibus ut hic loci paulo copiosius diceremus, nos permovet rei dignitas. Non diffitendum, immensos pæne labores sustinendos fore, priusquam, quicquid hujus est consilii, totum effectui detur. Quod si vero sub auspiciis Annae Augustæ, ad exemplum Petri Magni scientias mirifice foventis ac protegentis, manum operi adinoveri contingat, nihil fore tam difficile, tamque arduum, quin superari feliciter queat, nobis cum Academicis persuademus; unde spes affulget, Mappam vastissimi Imperii Russici Geographicam tandem prodituram, in qua nihil possit jure desiderari.

HENRICI SCHARBAU, PASTORIS Ægidiani Lubecensis, Observationes sacræ, quibus varia sacri Codicis utriusque Fœderis loca illustrantur & exponuntur, multaque sanctioris & elegantioris doctrinæ capita illustrantur. Pars tertia. Accedunt Indices necessarii.

Lubecz, sumptibus Jonæ Schmidii, 1737, 4.

Alph. 2 plag. 1.

Ex eis, quæ inter meditandum & evolendum subnata fuerunt Cel. Autori memorabiliora Exegeticos sacræ, ad Biblia applicatæ, capita, jam *Pars terti*a instituto laudabili suc-

crevit. In Præfatione monet paucula ad ea, quæ *Bernhardus Eibenius*, Pastor Ecclesiæ Reformatæ Blumbergensis, in *Elia fugiente* ad examen revocare studuerat, nec non ad diffusum *D. Christoph. Aug. Heumannii*, in *Parergis Göttingensibus* Tom. I Lib. I pag. 213 seq. exstantem. Observationes ipsæ numero sunt XVII. Ipsarum hæc accipe summas: 1) *Barnabas non Apostolus*; 2) *Oeconomia judiciorum Apostolicorum*; 3) *Noachus, exemplum eminens de rebus mundi abnegandis*; 4) *de sacrificio grati odoris Noachico, ad Gen. VIII, 21*; 5) *de lucerna moribunda, afflictorum, non impiorum, symbolo, ad Matth. XII, 20*; 6) *de oculis rubicundis & dentibus albis Messie, ad Gen. XLIX, 12*; 7) *de luxu Sabbatariorum, ad illustranda quædam loca Scripturæ sacræ, Miscbna, & Patrum*; 8) & 9) *de Epocha initii Apostolatus Paulini, Pars I & II, decerpta ex Angli cujusdam Miscellaneis sacris, qui inter conversionem & Apostolatum Pauli ratione temporis admodum distinguit. Succedit Dissertatio seu Observatio 10) de Christo oculis præscripto, ad Gal. III, 1; porro 11) de criterio temporis Messie, ab objectionibus quorundam libero. Tum 12) de elegantissimo alarum columbæ symbolo cursus & splendoris Evangelici, ad Ps. LXXVIII, 14, disseritur. Adjecta est Pentas Observationum, prima ad Ps. LXXXIV, 12, de Domino sole & clypeo, ubi putamus ad columnam ignis ac nubis, tegentem Israelitas, fuisse allusum; secunda ad 2 Cor. IV, 6, ubi comina ponit Autor ante voces Ἰησοῦ Χριστοῦ, ac per Θεὸς πρῶτον περὶ αὐτοῦ intelligit Christum, qua interpunctione haud adeo opus esse existimamus: tertia de mira & proxima successione mysteriorum Novi Fæderis in locum antiquorum: quarta de scrutinio mysteriorum templi Davidici, ad Ps. XXVII, 4: quinta ad Ps. LXXVIII, 57, ubi homines, promissis Deo datis non stantes, comparantur cum arcu non satis adducto, nec scopum certum feriente. Agit deinceps Pl. Rev. Autor de sacrificio fracti spiritus, ad Ps. LI, 19, ubi quoque legem de non recipiendis בָּקָהּ יְהוָה, ad Deut. XXIII, 1, 2, 3, exponit. Postea disserit contra *Hoadleyum*, Anglum, de usu sacræ cænæ non mere μνημονικῶ habendo, subjungens catalogum scriptorum, adversus Anglum ab Anglis editorum.*

Pag. 621

seq.

624 seq.

626.

629.

630.

633 seq.

644.

659.

torum. Inde agit de lustris vulpium, & volucrum nidis, non
 metaphoricis, ad Matth. VIII, 20, confirmans sententiam
 vulgo receptam. Accedit Fasciculus Observationum, nempe
 1) Idea systematis Jobi, de spiritibus tam bonis, quam malis;
 2) Reneplacitum Dei non in equitatu, sed timentibus Domi-
 num, ad Ps. CXLVII, 10; 3) Consensus parabolicarum phra-
 sis Matth. XXII, 1-14, cum verbis Zephaniae Cap. I; 4) Chri-
 stus crucifixus a quatuor militibus, ad Jo. XIX, 23; 5) de tro-
 peis crucis Christi super Phariseos; 6) Separatio cætus Chri-
 stiani a Judaico, per interitum urbis promota; 7) de lassis
 Apostolorum, testimonio illorum nihil derogantibus; 8) Amissa
 longevitas Vet. Testamenti in Novo per liberationem a mortis
 metu; 9) de Salute ex Judæis, ad Jo. IV, 22. Subjuncta est
 Dissertatio de Fatis studii moralis inter Ebræos. Pythago-
 ram & Socratem doctrinis Ebræorum dogmata sua rigalle,
 credit Doctiss. Autor. Nævos Judaicorum doctorum candide
 detexit, solideque exposuit. Dissertatio de serpentis ænei signi-
 ficatione mystica, jam A. 1713 Lubecæ excusa, succedit. De si-
 gura serpentis Mosaici speciatim addemus nonnulla. Ex-
 pressit illa indolem & modum serpentis ejusmodi, qualis in
 solitudine Arabica, ex Ægypto quotannis accedens, erat in-
 commoda & molesta. Fit ejusmodi serpentum mentio Deut.
 VIII, 15, Es. XIV, 29. Pinnata agmina anguium, qui ex Arabi-
 cis emergunt paludibus, venena malignantes, ab ibibus come-
 di debellarique solita, commemorat Ammianus Marcellinus
 XXII, 15. Horatius eorundem meminit. Egrege de eorum vo-
 latu & figura commentatus fuit nuperrime Doctiss. de Maillet
 in libro, Description de l'Égypte, Tom. II pag. 22 seq. & 36.
 Plura habent Herodotus II, 75, IV, 107, Strabo Lib. VII,
 Pomponius Mela, Alianus de natura animalium II, 38, S.
 Rev. Salomo Deylingius in Obs. sacr. Part. I Obs. XV pag. 156
 seq. Eusebius Præp. Evang. Lib. IX, 27, pag. 432, atque Ha-
 drianus Relandus in Palestina Lib. II Cap. 7 pag. 436. Ex va-
 riis locis elucet, serpentem ejusmodi suspensum repræsen-
 tasse crucis formam. Non tamen serpens ipse, venenatus
 quippe,

Pag. 660.

672.

693 seq.

721 seq.

Pag. 744
seq.

780 seq.

quippe, sed ejus erectio, erecti figura ac virtus, in typum cessit. Sed e diverticulo in viam. Progredimur cum Pl. Rev. Autore ad Dissertationem de *Caipha, ejusque vaticinio*, ex Jo. XI, 49, 50, 51, quæ jam A. 1715 Lubecæ prodiit, demorosos sapiens unguis. De dono prophetandi ac prophetiis inibi egregie exponit Noster. Agmen tot Tractationum claudit Epistola gratulatoria, Rev. Ministerii Lubecensis nomine A. 1734 scripta, ac oblata Præsbytero Seniori, M. *Jacobo a Melle*, muneris sacri Jubilæum agenti; in qua agitur de macrobiis ac presbyteris, Deique benignitate, qui nonnullis viris piis, & doctrinæ cœlesti addictis, sanctissimas ob rationes vitam prorogavit subinde. Gratulamur nos quoque Autori Pl. Rev. tot tantosque labores eruditos, catenatis ipsius muniis junctos, summa cum laude exantlatos, victtricemque ei auguramur coronam, vita cum diuturna connexam.

CHRISTIANI LUDOVICI SCHLICHTERII
de Panibus facierum, eorumque mysterio,
Liber singularis.

Halæ, sumtibus Baueri, 1737, 4.

Plag. 15.

Doctissimus Autor, editis jam aliis scriptis, quorum Indicem huic Operi præmisit, celebre nomen consecutus, post *Ludovicum Woltersum*, quem in Præfatione cum laude allegavit, argumentum hoc plenius pertractandum suscepit, ac amplissima Dissertatione isthac, sive libello singulari, in *duas Partes* diviso, majori in luce ut collocetur, dignum censuit. Prima *quinque Capita* complectitur, atque in *primo* eorum de appellationibus panium facierum disserit. Hic varia nomina, quæ panes illi acceperunt, Hebraice לחם פנים, *panis facierum*, קודש, *sanctum*, & לחם קודש, *sanctum sanctorum*, לחם תמיד, *panes juges*, לחם מערכה, *panes ordinis*, seu *dispositionis*, Græce ἀγροὶ περὶ δέσπης, *panes propositionis*, vocati, erudite illustrat. Capite secundo materiam illorum panium exponit, ubi de locis ob triticum celebribus, de farina purissima, quæ סולת vocatur, & e lingua Arabica derivatur, ex eo per שכר & כעניר, (qua-

(quarum vocum sensum controversum dijudicat,) præparata, de cribratione ejus, ac cribro, per **נפה** denotato, de mensura similaginis, **עומר** dicta, ex qua conficiebantur, agit. *Capite tertio* formam ac numerum panium declarat, ibique vasa, ad panes formandos adhibita, & eorum nomina, formam quadratam, altitudinibus ab utroque latere eminentibus, quæ **קִרְנוֹת**, seu cornua, appellantur, illorum unctionem cruciformem, loca, in quibus parabantur, scilicet atrium magnum & Bethphage, prope Hierosolymum situm, furnos, in quibus coquebantur, tempus parandis panibus destinatum, & numerum duodenarium, considerat. *Capite quarto* de oblationibus panium commentatur, & vocem **אֹרֶן**, id est, anteriorem ædis seu partem seu pronauum, in quo refrigerare debebant, ex furno extracti, atque ex eo in sanctuarium singulis sabbathis illati, duobus ordinibus in mensa coram facie Dei disponebantur, instrumenta, quæ panibus sustentandis inserviebant, **קֶשֶׁת & מִנְקִיָּה** dicta, mensæ situm & altitudinem copiose & accurate explicat. *Capite quinto* comestionem panium, personas, de illa participantes, ejus tempus ac locum, expendit, simulque disquirat, qua ratione *David* & ejus socii, homines laici, panes sacros solis sacerdotibus privos, comedere potuerint, quod *Sam. XXI, 5, 6*, narratur. *Secunda Parte* mysterium singulorum & typicam significationem ostendere totidem *Capitibus* conatur; in qua quidem plus sæpe ingenii, quam certitudinis, esse, attamen pium hunc & sanctum laborem non prorsus improbari, sed commendari potius, debere, quidam judicant. Sentit igitur acutissimus Autor noster, panem facierum & farinam triticeam esse Messis symbolum, figuram panium quadratam, & numerum duodenarium, esse emblema ac typum quatuor Evangelistarum & duodecim Apostolorum, calamos & perticas doctorum Ecclesiæ, quibus fusi recensendis immorari nolumus. Adjecti sunt huic lectissimo Opusculo quatuor Indices, locorum Scripturæ Sacræ, quæ allegantur, vocum Hebraicarum, & Græcarum, quæ illustrantur, & rerum præcipuarum, quæ explicantur. Ejus continuatio per Dissertationem de Mensa sacra iusto tempore sequetur.

Das jetzt lebende gelehrte Europa, ic.

h. e.

LITERATA NOSTRI TEMPORIS EURO-
pa, sive Liber de vita & scriptis eorum, qui nunc vi-
vunt, Eruditorum, Autore GABR. WILH.
GOETTENIO, Pastore Hildesienfi.

Pars II.

Brunsvigæ, apud Lud. Schroeterum, 1736, 8.

Alph. 2 plag. 6.

Pl. Rev. Autori, qui primo in Tomo, a nobis A. 1735 M. Nov. pag. 524 seq. recensito, ordinem secutus est Geographicum, iustis de causis ordo nunc placet alphabeticus. Quo plura de unoquoque in ipsius venerunt notitiam, eo & vitæ & catalogi librorum libellorumque sunt pleniores: ut proinde rogandi videantur Viri docti, ut ipsi suppetias ferre Autori nostro ne graventur. Ac spatiosissimum hic locum occupant *Friedericus Hoffmannus*, Medicus, *Valentinus Ernestus Laseberus*, Theologus, & *Christianus Wolfius*, Philosophus & Mathematicus. De illo enim impletæ sunt 54 paginæ, de isto 65, de hoc 73. Ceteros, hic laudatos, nominabimus ordine alphabetico, sed ita, ut scientias sejungamus, quas profitentur, sive, ut veterum scholarum stilo utamur, Facultates. Theologi hic occurrunt *Jo. David Baierus*, *Jo. Balthasar Bernholdus*, *Jo. Frid. Bertramus*, *Frid. Jac. Beyschlagius*, *Jo. Frid. Burgius*, *Ern. Sal. Cyprianus*, *Salomo Deylingius*, *Carolus Frid. Engelschallius*, *Jac. Wilb. Feuerlinus*, *Jo. Frickius*, *Jo. Lud. Hockerus*, *Hermannus Klausningius*, *Gorhofr. Kohlreiffus*, *Frid. Christianus Lesserus*, *Jo. Georg. Liebknechtius*, *Christianus Læberus*, *Bernhardus Waltherus Marpergerus*, *Jo. Gerb. Meuschenius*, *Jo. Christoph. Olearius*, *Georg. Mich. Preu*, *Reinh. Henr. Rollius*, *Jo. Reinh. Rufius*, *Jo. Martinus Schamelius*, *Benjamin Schmolckius*, nuper demortuus, *Urbanus Godofredus Sibe-rrus*, *Jac. Staalkopffus*, *Alb. Menno Verpoortenius*, *Jo. Georg. Walcbius*, *Jesaias Frid. Weissenbornius*, *Jo. Caspar. Wezelius*, *Maurit. Carol. Christianus Woogiur*, *Christoph. Henr. Zeibichius*. Jureconsulti, quorum plerique etiam in Germaniæ historia

exco-

excolenda maximam navarunt operam, hic se offerunt *Wilb. Henr. Brucknerus*, haud ita pridem e vita egressus, *Christianus Gottlieb Buderus*, *Henricus de Bünau*, *Carolus Wilb. Gartnerus*, *Adamus Frid. Glascey*, *Joach. Andr. Helvigius*, ante aliquod tempus defunctus, *Jo. Frid. Hertelius*, *Gothofr. Aug. Hoffmannus*, *Diet. Herm. Kemmerichius*, *Jo. Jacobus Mascovius*, *Christoph. Frid. Plathnerus*, *Henr. Christianus Senckenbergius*, *Burc. Gottb. Struvius*, & ejus frater, *Fridericus Gottlieb Struvius*. Medicos hic, præter *Hoffmannum*, offendimus *Sim. Paulum Hilscherum*, *Jo. Jac. Jantkium*, *Herm. Frid. Teichmeyerum*, & *Paulum Gottl. Werkhosium*. Philosphi denique ac Philologi hic prodeunt *Jo. Frid. Cotta*, *Jo. Christoph. Gottschedius*, *Casp. Gottschlingius*, *Frid. Andr. Hallbæuerus*, *Leonb. Hoffmannus*, nunc in divisi; *Christ. Gottl. Jæcherus*, *Christianus Kortboltus*, *Adamus Henr. Lackmannus*, *Car. Henr. Langius*, *Jo. Jac. Lehmannus*, *Justus Christoph. Motschmannus*, *Ern. Frid. Neubæuerus*, *Jo. Christoph. Ortlorius*, *Georg. Frid. Richterius*, *Christianus Schattgenius*, *Gottlieb Stollus*, *Jo. Jac. Syrbius*, & *Jo. Bernb. Wideburgius*. Miscetur pag. 93 Viris his doctissimis docta mulier, & poeticæ artis laude conspicua, *Luisa Adelgunda Victoria Kulmusa*, Cl. nostri *Gottschedii* uxor, ita Lipsiæ nostræ, sicut Charitum, delictum. Exhibetur etiam pag. 771 seq. Appendix, repræsentans lectoribus hodiernos Professores Academiarum Altorfinæ, Duisburgensis, Gießenensis, Jenensis, Lipsiensis, Marpurgensis, Rinteliensis, & Wittebergensis; Collegas item Societatis Germanicæ Lipsiensis, & Collegas Ecclesiarum & Scholarum Lipsiensium. Ceterum, cum doctissimus Autor ipse desideret monita justa & modesta, si quid forte ab ipso peccatum fuerit, unum notabimus ejus peccatum commissionis, unum omissionis. Scilicet, cum pag. 14 controversiæ ejusdam facit mentionem inter *S. R. Cyprianum* & *Kochium*, Professore Helms-tadiensem, observamus, alium *Kochium* nominandum fuisse, *Christianum Gottliebium*, Theologum Holsatiæ, A. 1736 extinctum: adversus cujus de *Dialogo cum Tryphone* sententiam etiam duo *Alberti Feldenii* libelli publicati fuerunt, alter A. 1700, alter A. 1707 emissus. Deinde ingratum multis futurum videtur, quod hic non legitur relatam, quo patre usus fuerit *Cyprianus*, quo

Deylingius, quo *Mascovius*, quo *Kemmerichius*, *Leonb. Hoffmannus*, *Lehmannus*, *Stollus*, & *Christianus Wolfius*. Certe non est dedecori Viris doctrina illustribus, humiles atque indoctos habuisse genitores. Imo majorem arguit animum & generosius ingenium, carentem parentum stimulo tamen eniti ad aliquod *Heliconis* fastigium. Jure igitur hoc ipso in libro fatentur *Schöttgenius* & *Wezelius*, sutores se usos esse patre; nec *Rufus* taceri voluit, patrem sibi fuisse pagani ludi magistrum.

JO. GODOFREDI SCHAUMBURG, IN Acad. Rintel. Jurium Prof. Publ. Ordinarii, de Constitutionibus Imperatorum antiquis, iis speciatim, quæ in Institutionibus citantur, & in Codice repetitæ prælectionis omisse sunt, Liber Commentarius, qui Autores & sensum Constitutionum ex Antiquitatibus eruit, variisque legibus veterum & fragmentis Actorum lucem fœneratur, atque ad meliorem antiquitatis Romanæ, in Institutionibus Justinianeis sparsim exhibitæ, intelligentiam confert. Accedunt in calce Autoris Oratio, & duo ejusdem Programmata, ad Jurisprudentiam pertinentia, cum Indice Observationum & rerum.

Lemgovix, ex officina Meyeriana, 1735, 4.

Alph. 1 plag. 7.

Quodsi immensos eruditorum labores, quos in conqui-
rendis deperditis Jurisprudentiæ veteris ruderibus adhibuerunt, paulo curatius cogitamus, non possumus mirari satis, hoc, quod tanta nunc elegantia, tantaque dexterritate, excoluit *Jo. Godofredus Schaumburgius*, Jenensis nunc Academiæ Antecessor, argumentum ad nostra usque tempora intactum & fere derelictum permanuisse. Diu est, ex quo eruditi operam dederunt, ut *Tribonianum*, eminentem Sacri Palatii Comitem, scelerum gravissimorum turpissimorumque facinorum reum postularent; plerique tamen hanc, quam *Cl. Schaumburgii* libellus notat, oscitantiam omiserunt, certe pro merito coercuerunt nunquam. Collegit Vir Doctiss.

qua-

quatuor Constitutionum, in Justinianeis omnis legitimæ scientiæ elementis excitatarum, Manipulos, quas si in repetitæ prælectionis Codice requiras, videbis, te laborem operanque perdere. Manipulus I *Leges Justiniani correctorias ad varia legis Æliæ Sentia capita*: Antonini Pii aliorumque Augustorum de potestate herorum in servos Edicta: *Leges D. Marci de administrationibus fisci, iisque, qui potestatem habent, a tutela excusandis*: *Divorum Fratrum Constitutiones de paupere a tutela libero, & de ignoto patri pupilli, hanc ob rationem non excusando*: Antonini Pii *Legem de excusatione eorum, qui literas nesciunt*: Severi & Antonini *Constitutiones de tutore ad curam continuandam non cogendo*; *de marito ad curam uxoris gerendam non admittendo*; *de tutore, qui alimenta pupillo negat*; eorundemque *Rescripta de mulieribus ad suspecti tutoris postulationem indistincte non admittendis*; & *de postulatione suspecti tutoris, ab impubere pubereve facta, desiderat*. Manipulus II *D. Marci Edictum de præscriptione rei a fisco alienatæ*: Antonini Pii *Constitutionem de substitutione hæredibus ex partibus disparibus scriptis facta*: Severi & Antonini *Rescripta de usucapione bonorum vacantium*; *de coniungendis ab emptore venditoreque præscriptionum temporibus*; *de testium in testamento solenni adhibendorum habilitate dijudicanda*; *de substitutione cohæredum*; *de hærede vi posterioris testamenti in certa solum re instituto*; *de Principe litis causa hærede scripto*: Justiniani *Legem de testimonio legatarii vel fideicommissarii in testamento*: *varia variorum Principum placita de testamento militis privilegiato, & de testamento eorum, qui in potestate sunt, requirit*. Manipulus III Antonini Pii *Edictum de legatorei alienæ*: Severi & Antonini *Rescripta de pignore legato*; *de legato per subsequenter alienationem adempto*; *de dote prælegata*; *de peculio servi manumissi*; *de validitate codicillorum testamento non confirmatorum*: Gordiani *privilegium, militibus concessum, ne ultra vires hereditatis obligentur*: Justiniani *Constitutiones de institutione hæredis incerti*; & *de legato inter medias hæredum institutiones relicto*: *varias plurimorum Principum Constitutiones de legato panæ nomine relicto, expetit*. Manipulus

Man. II
Obl. I.

Man. III
Obl. I.

IV Hadriani *Epistolam de beneficio divisionis confidejussoribus concessio*: Marci *Editum de eo, cui libertatis causa bona addicuntur*: Anastasii *Legem de fratribus emancipatis, eorumque liberis, ad fratrum successionem admittendis*: Zenonis & Justiniani *Constitutiones de plus & minus petitione*: Justiniani *Constitutiones de legitima agnatorum successionem; de servili cognitione; de successionem libertorum; de bonorum possessionibus; de sublato Scto Claudiano; de actionibus tripli & quadrupli contra actorem & executores litium; de compensatione in actionibus stricti juris*, inter deperdita antiquitatis monumenta locum obtinere, dolet. Variam & elegantem omnium divinarum humanarumque rerum notitiam in hoc exigux molis libello prodit Auctor Juris legumque peritissimus. Singula recensere, instituti vetat ratio. Biga exemplorum assertionis constabit veritas. Diu jam diversam bonorum *vacantium & caducorum* indolem neglexerunt, imo utraque pudendo errore confuderunt, Viri clarissimi. Conf. *Schaumburgius* binas, easque dignissimas notatu, indicat differentias, alteram a successore petitam: nam in vacantibus respublica succedit, caduca ad hæredes legitimos devolvuntur; alteram in oneribus successionum ferendis conspicuam: immunis enim est, qui vacantia bona occupat, non qui caduca capit. Alio loco illos in ratiocinandi artificio pronuntiat hospites, qui, quando in *Digestis Hadrianum* nonnunquam D. *Pii* venire elogio deprehenderunt, perpetuo *Hadrianum* cum *Antonino* confundi, certissimæ instar supponunt regulæ. Ita vero Conf. *Schaumburgius* veterum manes Jctorum ab invidia malevolorum & obreclatorum calumniis docte vindicat.

NOVA LITERARIA.

Florentiæ, initio mensis Septembris anni superioris, e Typographia *Cajetani Albizini*, in ædes *Gorjanas* translata, prodit in folio majore, charta valde magnifica, atque ad id ipsum diligenter parata, characteribus novis atque elegantibus, (*Aldi Textum* vocant,) Opus insigne, duobus Voluminibus comprehensum, cum hoc titulo: *Museum Etruscum, exhibens insigniora veterum Etruscorum monumenta, æreis Tabulis 200 nunc pri-*

*primum edita, & illustrata Observationibus Antonii Francisci Gori, publici Historiarum Professoris. Dedicatum est Josepho Averanio, in Pisana Academia Antecessori celeberrimo, cujus effigies prorsus ad naturam expressa exhibetur. Editæ Observationes & Notæ occupant folia 146. His accedunt, totidem foliis accurate impressæ, Tabulæ ducentæ, incisæ a Chalcographis, qui Florentiæ sunt, omnium excellentissimis. Etruscæ monumenta genuina ac sincera ex omnibus Etruriæ Museis, præsertim e Mediceo Thesauro, depromta, sunt fere quadringenta, quæ luculenter illustrantur, in quinque Classes distincta ac distributa, præmissis totidem Dissertationibus. Agitur in prima, quæ Deos proprios, selectos, & communes, exhibet, de Tyrrhenorum origine, eorumque in Italiam adventu & idololatria: in secunda, de Mythologia veterum Etruscorum, in qua fabulæ ex antiquis monumentis declarantur: in tertia de Theologia, seu religione, veterum Etruscorum, quorum sacra, festa, ministri sacrorum, & donaria, afferuntur & illustrantur: in quarta, de moribus institutisque Tuscorum, quorum militia, fœdera, triumphus, ludii, venationes, nuptiæ, convivia, musica, & poësis, ac funera, ex antiquis anaglyphis & pictis vasculis declarantur: in quinta, de prisca Etruscorum scriptura, lingua, artibus, & inventis; ubi proponitur alphabetum Etruscum, 16 literis constans, singularumque literarum identitas & potestas ex nominibus, quæ Deorum Etruscorum imaginibus adscripta sunt, probatur; adeoque postrema hæc Classis literas, monetam, gemmas, artes, & inventa insigniora, hujus inclytæ nationis, complectitur. Singulis Classibus parerga Etrusca, in literis initialibus & in fine etiam, (vulgo *fregi, e finali,*) præponuntur, & accurate omnia explicantur. Complures Etruscæ Inscriptiones, Deorumque cognomina, signis & pateris inscripta, omnia denique, quæ Operi Thome Dempsteri de Etruria regali addita sunt, rursus luculenter, aliisque curis, explicantur. Accedit Mantissa ærumnosi Operis, quam in Prodomo, olim edito, nec promiserat, nec se tunc assecuturum speraverat Cel. Gori, quæ continet Interpretationem Etruscæ Tabulæ, triginta quinque versibus scriptæ, quæ apud Eugubinos exstat, cui etiam observationes & notas adjecit; quibus fin.*

singularum vocum originem explicat, & suæ interpretationis rationem reddit idem *Gorius*, qui primus omnium eam interpretatus est, & inscripsit *Orthium Carmen antiquorum Etruscorum*: edito nunc primum antigrapho, ejusdem Tabulæ Etruscæ archetypo fidelissime respondente. His lucubrationibus depromptis, omnes Etruscæ Inscriptiones non solum legi, verum etiam à doctis Viris, adhibito studio, facile intelligi possunt, quod ipsum fieri vix posse, olim literati homines judicaverunt. Bibliopolæ, qui hoc Opus *Musei Etrusci, duobus Voluminibus* comprehensum, & *ducentis Tabulis*, ut diximus, ornatum, vel sibi, vel literatis viris, comparare voluerint, si *duodecim* hujusce Operis exemplaria emerint, & pecuniam, absque ullo alio Typographi *Albizinis* onere, Florentiæ enumerandam curaverint, duo exemplaria ejusdem Operis ab ipso, ultra illa *duodecim*, gratis & pro dono accipient; adeoque solventes *centum quadraginta quatuor* scutata monetæ Romanæ, (quodlibet scutatam Romanam constat decem *Paulis*), lucrabuntur duo exemplaria ejusdem *Musei Etrusci*, nimirum *quatuor Volumina*; ac proinde lucrabuntur sibi scutata *viginti quatuor* ejusdem monetæ. Qui vero *sex* tantum exemplaria ejusdem Operis emerint, pari ratione Florentiæ enumerantes *septuaginta duo* scutata, unum exemplar gratis, & pro lucro, accipient. Hoc vero lucrum & donum non accipient, qui *quinque* tantum, vel *quatuor*, & multo minus, qui *tria*, vel *duo*, aut *unum* exemplar, emere voluerint. Neque ullam accipiet propositionem *Albizinus*, si qui cum libris suis hoc Opus commutare voluerint, nisi agatur de emendis saltem 24 exemplaribus ejusdem Operis: tunc solummodo tot librorum, qui in tota summa conficiant pretium *centum* scutatorum, pro commutatione accipiet: & tunc, traditis ipsi suis libris, reliquum pecuniæ Florentiæ annumerari curabunt; qui libri commutandi, sint optimæ notæ, integri, perfecti, & justissimo pretio, quod in sua civitate habent, & æquis paribusque rationibus & commodis, ad ipsum mittantur. Quare prius indicem eorundem librorum, adjuncto singulis pretio, ad ipsum mittent, & amice hac de re per literas cum ipso agent. Omnibus gratiam pro gratia rependet.

Tam tertii Supplementorum ad Novam hanc Aed. publicavimus hæc præcedi Sectionem I, II & III.

NOVA ACTA ERUDITORUM,

publicata Lipsiæ

Calendis Martii Anno MDCCXXXVIII.

Pars I.

THE HISTORY OF THE GROWTH AND
decay of the Othman Empire, &c.

h. e.

DE OTHOMANNICI IMPERII AMPLIFICATIONE & decrementis historia. Partes II, quarum prior amplificationem ab Othmane, fundatore, usque ad Mahometem IV, sive ab A. 1300 usque ad obsidionem Viennæ A. 1683: altera decrementa, a Mahomete IV usque ad Achmedem III, adeoque spatium temporis, quo vixit Autor, complectitur. Primum Latino sermone conscripsit DEMETRIUS CANTEMIR, Moldaviæ quondam Princeps, & ex Autoris Autographo Anglice vertit N. TINDAL, M. A. Operi additæ sunt Icones Imperatorum Turcicorum, æri incisæ, ad exempla tabularum pictarum, in Seraglio suspensarum, facta per Pictorem aulicum superioris Imperatoris.

Londini, impensis Jac. Jo. & Pauli Knapton, 1734, fol.

Alph. 5 pl. 1.

Contigit nostra ætate Moldaviæ, quod nescimus an alii cultioris Europæ regioni, ut duo ipsi Principes, sibi invicem succedentes, a Turcis imponerentur, literarum amore
N æque

æque capti, & ob insignia in ornandis pariter atque juvandis bonis artibus merita dignissimi, quorum nomini ac memoria & doctioribus nemo non lubens assurgat, beneque preceatur. Atque unus quidem horum, dubium non est, quin designari intelligatur *Nic. Maurocordatus, Alexandri Maurocordati*, Viri πολιτικωτάτε, & cum permultis amplissimis in aula Othomanica honoribus, tum maxime Legati ad pacem Carolivici ineundam munere functi, filius, Princeps incomparabilis: de cuius doctrina, & erga literarum studia affectu, testis, opinamur, satis idoneus est perelegans *de Officiis* libellus, primum Græce tantum ab ipso editus, deinde una cum Latina Cl. *Bergleri* versione hic Lipsiæ iterum typis excusus: testes etiam sunt complures Epistolæ, quas haud ita pridem uni Sociorum nostrorum oculis usurpare licuit, Principis iussu ab eo, qui ipsi a scriniorum cura erat, ad *Jo. Clericum* de rebus ad literarium statum pertinentibus scriptæ, in quarum perillustratione illud præterea ab eo, qui inspexit, observatum esse memoratu non indignum judicamus, XI veteres Inscriptiones, quæ a Cl. *Hesselio* in Appendice Præfationis, Operi Inscriptionum *Gudianorum* præfixæ, pag. 22 publicantur, non aliunde ad Cl. *Duckerum*, cui acceptas refert *Hesselius*, pervenisse videri, quam ex *Clerici* concessione, utpote quocum communicavit idem ille, cuius paulo ante mentionem fecimus, Illustrissimi *Maurocordati*, Valachiam tunc gubernantis, scriniorum præfectus, sua ipsius manu in separata a literis schedula descriptas, facto simul indicio, ipsos lapides Carolinæ A. 1715 erutos fuisse, atque in Transsylvania adhucdum exstare spectandos. Enimvero *Maurocordato*, propterea, quod in otio literario vitam omnem traducens, ad belli negotia gerenda nec animi, nec corporis, virium satis habere credebatur, principatu sese abdicare coacto, alium, quod mireris, Principem in ejus locum suffecerunt Turci, iidem in omni eruditionis genere versatissimum, alterique, si militiæ administrandæ artes usumque, quo hic præstabat, excipias, ex asse parem, Serenissimum scilicet *Demetrium Cantemir*, Operis eximii de Othomannici Imperii satis Autorem. Cujus cum parum adhuc Occidentera
versus

versus percrebuerit fama, absque impietatis in defuncti manes nota fieri nequit, quin ex subiecta libro vitæ illius delineatione paucula, pleniori de eo notitiæ comparandæ inservitura, hic repeteremus. Natus est anno æræ Christianæ 1673, patremque habuit *Constantinum Cantemir*, primum parti saltem Moldaviæ præfectum, successu temporis totius, quæ patet, Principem. Inter conditiones collatæ in eum dignitatis hæc erat, ut unum aliquem ex his filiis Constantinopolim mitteret, paternæ fidei futurum obsidem. Quo pacto cum filius natu major, *Antiochus Cantemir*, per triennium ibidem substitisset, hoc domum revocato, Noster A. 1687 illuc se conferre iussus est. Ab eo inde tempore usque ad annum 1710, præterquam quod nonnunquam in breve unius aut duorum annorum spatium patriam reviseret, etiam semel Magnum Visirium ad castra proficiscentem comitaretur, Turcicique exercitus apud Zentam cladis ex altera fluminis ripa testis esset oculatus, perpetuum Constantinopoli domicilium constituens, in hoc totus fuit, ut Turcorum linguam, instituta, & mores sibi redderet quam familiarissimos. Ad hæc Musicam attingens, prosperrimo in illa tractanda versatus est successu. Cantuum enim, ab eo numeris musicis aptatorum, modulationi non modo summa cum voluptate aures præbebant Turci, & hodieque præbent, sed & primus notarum musicarum inter ipsos introduxit usum. Circiter annum 1710 Moldaviæ Princeps creatus, nec multo post a Magno Visirio gravi affectus injuria, jugum Turcicum excutere, seque cum universa Moldavia in libertatem vindicare, clam meditabatur. His consiliis agitato, sponte supervenit missus a *Petro I.* Russo-~~rum~~ Monarcha, expertæ fidei homo, opem pollicitus præsidiumque validissimum, modo Russis in posterum fidem ac obsequia, a clientibus præstari solita, exhiberet, armaque contra Turcos cum ipsis sociaret. Icto his legibus fœdere, junctisque cum exercitu Russorum copiis, ipse in extremum vitæ pervenit discrimen. Obsesso quippe ad flumen Pruth cum omni milite Monarcha Moscovitarum, tantasque in angustias redacto, ut in pacis impetratione, quali-

N 2

bus-

buscunque sub conditionibus datæ, salus unice posita videtur. Moldaviæ Principem atrocissimis comminationibus sibi dedi postulabant Turci, nec servari fortassis potuisset, nisi, dissimulata ejus in castris præsentia, in carpento Imperatricis tam diu occulissent, donec, peracto pacis negotio, tuto evadendi sese offerret occasio. Spe igitur Moldaviam retinendi exclusus, accepto diplomate, quo damni reparationem, liberumque in terris suis receptaculum, largiebatur Russorum Imperator, A. 1711 una cum mille aut pluribus Nobilibus Moldavis assignatas sibi in Retia sedes ivit occupatum. Porro, ut ne minimam quidem dignitatis jacturam fecisse videretur, in Russici Imperii Principes lectus, atque titulo Serenissimæ Celsitudinis cohonestatus est. Successu temporis, posteaquam Petropolim commigraverat, aulæ admoveri cæptus, summam insignis in consiliis dandis dexteritatis retulit laudem. Tandem Imperatorem, in Persas iter facientem, sequi jussus, gravissimoque in via morbo correptus, A. 1723 diem obiit supremum. Excelluit, ut quam maxime, plurimarum linguarum cognitione: præter Græcam enim veterum, Sclavonicam, & Gallicam, quibus mirum in modum eruditus erat, Turcorum, Arabum, Persarum, Græcorum hodiernorum, Latinorum, Italarum, Moscovitarum, & Moldavorum, literis atque sermone adeo se assuefecerat, ut in unoquoque commode verba facere valeret. In Philosophiam ac Mathematicam haud proletaria quidem opera incubuit, Architecturæ imprimis studio delectatus, potissimum tamen Historiæ utilitate pariter ac voluptate inflammat, ad eam excolendam perpeliendamve curas omnes cogitationesque convertit. Libros reliquit bene multos, partim historici, partim philosophici, argumenti. Præsentis publicationem debemus Serenissimo Excellentissimoque Principi *Antiocho*, *Demetrii* filio, *Cantemir*, qui, ab Imperatrice Russorum cum majori, quam Legatis alias tribui solet, autoritate (*en caractère de Ministre plénipotentiaire*) in Angliam missus, allatum secum MStum Codicem Cl. *Tindalio* vertendum atque prelo subjiciendum concessit. Propius igitur ad Operis ipsius perlustrationem

ac-

accidentibus memorandum est, frontem ornari effigie Autoris, affabre æri insculpta, eamque excipere titulum, nec minus catalogum, nomina eorum, qui ad editionem maturandam pro uno aut pluribus exemplaribus vel in antecessum exsolverant, vel exsolutores se esse, scripto fidem fecerant, exhibentem. Sequuntur binæ Præfationes, altera Metaphrastæ brevior, de orthographia ac pronuntiatione vocum nonnullarum Turcicarum paucula præmonentis. Majoris momenti res complectitur altera, quippe in qua Autor, præparationis in ipsam Historiam loco, tres vexatissimas quæstiones, in quarum solutione multum gravissimeque peccasse arguit Scriptores Christianos, de æræ scilicet Turcicæ, quam Hegiram vocant, cum Christiana comparandæ ratione, de nomine ac gente Turcorum, denique de Imperialis Othomannidarum familiaris origine, data opera excussit. Ad primam quod attinet, recte a *Ricciolo* animadversum esse statuit, initium Hegiræ cadere in annum Domini 622. Sed, cum duo computandi modos memorat, alterum astronomicum, ex die 15 Julii, seu proprio & naturali exorientis novilunii termino, alterum politicum, a die 16 Julii conjunctum cum antecedenti nocte, qua Meccam fugit *Mahomet*, quave recurrentis lunæ nitor primum apparere cœpit, posteriorem Arabes inter atque Turcos receptum esse, variis argumentis confirmat. Quorum validissimum est, e Diplomate Sultanis *Murad III*, ad Imperatorem *Rudolphum II* misso, petitum, ubi utriusque æræ annus & dies expressus legitur. *Ricciolo* deinceps causas, cur ita computare libitum fuerit, vel non habente, vel suppeditare oblito, Autor certiores nos reddidit, olim de novilunio generatim sic sanxisse *Mahometem*, ut, quantoecumque lunam conspicerent, festorum solennia aspicerentur. Quandoquidem vero dubio caret, lunam non statim primo die, sed interdum altero, nonnunquam tertio demum, conspici, mirum haud magnopere videri ait, vel *Mahometem* ipsum Astronomiæ expertem, vel populum, e Prophetæ & legislatoris autoritate unice pendentem, diem, quo primum visa est luna, pro ipso novilunio accepisse, atque ad hanc veluti nor-

nam menses festosque dies ordinasse. Probabile igitur est, a *Mahometis* fuga auspicari Hegiram, successores autem *Mahometis* vel ex superstitione, vel ex negligentia, xrx initium esse voluisse, non diem Jovis, seu 15 Julii, sed diem Veneris, seu 16. His præsuppositis, atque ope Tabulæ parallelo-Astronomicæ, asseverat, facili negotio comparari posse utriusque xrx annos. Cujusmodi tamen schema, quantumvis ab Autore promissum, cum, quod merito dolemus, in MSto Codice non comparuerit, aliud quoddam cum erudito orbe communicavit Metaphrastes. Præsentem denique disputationem concludit Autor confutatione errorum, a *Leunclavio* aliisque circa annum primum imperii *Othmanis I*, item annum mortis *Erdogrulis*, patris *Othmanis*, & circa expeditionum, a *Solimane* & *Jenghizchane* susceptarum, tempus, commissorum. Circa alteram quæstionem ex fide dignissimis Historicis, Turcicis pariter ac Persicis, ostendit, jam multo ante *Othmanis I* tempora innotuisse nomen Turcorum, ac præcipue tribui consuevisse populis quibusdam Scythicis, *Jenghizchanem*, Asiæ bellum inferentem, secutis, & post ejus expeditionem in Persia & Asia minori dispersis, similiter, qua ratione contigerit, ut *Othmanide* successu temporis eo insigniti fuerint, fuscè doctèque enarrat. Asia nimirum universa per *Jenghizchanis* invasionem misere devastata ac perturbata, e Præsidibus Persicis haud pauci, maxime illi, qui provinciis inter Pontum Euxinum, mare Caspium, atque Euphratem, sitis præerant, tempori inserviendum rati, dominatum occupaverant. Adhæc potentissimus horum, *Aladin*, Iconii Princeps, reliquias copiarum *Jenghizchanis*, quæ provincias suas quotidianis fere incursionibus infestabant, justo bello aggredi, ac funditus delere, constituerat. Quod secus accidit. Victus enim ipse, regnoque pulsus, Constantinopolin ad Imperatorem Græcum, *Michaellem Palæologum*, confugit. Ubi haud ita multo post vita functus, filium reliquit *Melec Schab*, postea *Aladinum II* dictum, qui, verba tantum ab Imperatore Græcorum sibi dari cernens, venia proficiscendi frustra rogata, clam excessit, patriamque repetiit. Nec successu caruit

res;

res; namque, conciliatis sibi paterni dominii primoribus, Scythisque, qui hactenus possederant, devictis, ut horum animos ab armis ad pacis studia converteret, vicatim distributis, agros colendos tradidit, ac commune Turcorum imposuit nomen. Amplius *Erdogrullem*, *Solimanis*, sub idem tempus aquis suffocati, filium, & post obitum hujus, *Othmanem*, nepotem, exercitui præfecit *Aladin*. *Othmanes* deinceps in *Aladini*, absque hæredibus defuncti, locum surrogatus, nomen Turcorum ut ignominiosum aboluit, eoque non nisi rusticos vocari, reliquos *Othmanli* seu *Othmanidas* appellari jussit. Sufficiunt hæc ad indicandam gentis atque appellationis Turcorum originem. Ultimo loco dubitationi, quæ ex eo oriri posset, quoniam in Turkistan Turcorum & Turcomannorum pristinas sedes quærent antiqui pariter & recentiores Geographi, occurrit Autor, id urgens ac præ se ferens, fraudi fuisse Europæis hominibus ignorantiam orientalium linguarum, unde factum, ut voces, sono a se invicem haud multum discrepantes, pro iisdem acceperint. Tertia demum quæstio erat de regia *Othmanidarum* stirpe. Enumeratis plurimis Historicorum opinionibus, in eo cum ceteris consentit Autor, a *Solimane Nera* Principe descendere regiam Imperatorum Turcicorum stirpem. Illud præterea in Annalibus Turcicis pro certo affirmari testatur, e nobilissima inter Scythas Ogyziarum familia ortum *Solimanem*, tribui Tartarorum, prope mare Caspium habitantium, præfuisse. Quam tamen potestatem utrum hæreditario jure, an propriis meritis, populi que suffragio, consecutus fuerit, minus constat. Interim, quo obscuriora sunt omnia, si supra *Solimanis* tempora adscendas, eo facilius judicatu est, quo fundamento nitatur genealogia hujus stirpis, ad *Noæ* usque ætatem prolata. Hæc hactenus de Præfatione. Opus ipsum in duas Partes, prior in tres rursus Libros, dispescitur, quibus decem & novem Imperatorum vitæ enarrantur. *Primus* spatium ab *Othmane I* usque ad interregnum sub *Solimane Chelebi* A. 1401 complectitur. *Secundus* sub *Mabomete II* A. 1451, *tertius* vero sub *Mabomete IV* A. 1672, subsistit. Ab eo enim inde tempore opes Imperii

rii *Othmanici* quam maxime infringi cœperunt & diminui. *Alterâ Pars uno Libro* absolvitur, rerumque sub *Mahomete IV, Solimane II, Achmede II, Mustapha II, Achmede III,* gestarum historiam exponit. Vitis Imperatorum Icones præmissæ sunt, ad tabularum pictarum, in arce Constantinopolitana, cui *Seraglio* nomen, suspensarum, exempla, quæ Autor, Constantinopoli degens, non minori periculo, quam impensa, per pictorem aulicum delineari curavit, æri incisæ. In historia conficienda non optimæ solum inter Turcos & Persas notæ scriptoribus usus est, sed & ex relatu virorum usu & experientia præditorum, item ex chartis & monumentis authenticis, quorum haud exiguum numerum comparaverat, plurima intexit. A Christianis contra Historicis proficere, aut quidquam in Commentarios suos transumere, consulto noluisse arbitramur, nec ullius facile mentionem fieri, scriptaque citari, reperias, nisi ubi rem vel obscurius, vel absque idoneis argumentis, vel prorsus falso, commemoratam in majorem lucem collocandi, novis firmamenti fulciendi, aut, errore patefacto, in veritatem revocandi, suppetebat copia. Rectius quippe visum fuit, aquam, uti ex fontibus manat, limpidissimam, quam, admista alia, e rivis hausta, turbidam propinare. Dici igitur vix potest, quantopere ceterorum doctorum hominum, qui in eodem argumento illustrando Nostrum præverunt, laboribus antecellat præsens Opus. Præterquam enim, quod plurima nomina propria, ob orientalium linguarum ignorantem misere depravata, emendatius legantur; in factis enumerationis temporum ordo melius servetur; de consiliorum arcanis, rerumque actarum causis, certiora suppeditentur; dignitatum atque officiorum, cum militarium, tum civilium, clarior notitia præbeatur, & quæ sunt plura hujusmodi: tum innumera alia proferuntur prorsus nova, & quorum antea non magis conscii eramus, ac mysteriorum Societatis in Anglia Galliaque, a multo inde tempore longe florentissimæ. Generatim ista quidem persequi libuit, cum neminem futurum arbitremur, qui, singula adductis exemplis operosius probatum iri, sibi persuadeat, quod fieri non

non posset, nisi melior libri pars transcriberetur. Inter illius autem, vitia nescimus, an laudes, referendum sit, a continenti & perpetua lectione tam crebro avocari lectorem, atque ad subjectas textui annotationes remitti: cujus tamen interpellationis molestiam abunde compensant digressiones, quanto prolixiores, tanto plerumque lectu digniores atque jucundiores. Quæ cum ita sint, non desore auguramur, qui doleant, *N. Tindalio*, popularium suorum rationem unice habenti, librum Anglice vertendi consilium arrisisse. Ac dubium non est, quin, si Latino potius, quo primum compositus erat, sermone evulgare eum maluisset, multo majorem ab universo eruditorum ordine gratiam fuisset relaturus.

DIONYSII CATONIS DISTICHA DE MORIBUS
ad Filium, cum Scholiis ERASMI, Notis SCALIGERI,
OPITII, BARTHII, DAUMII, WACHII, & Meta-
phrasi Græca PLANUDIS, SCALIGERI, ZUBERI, &
MYLII. Accedunt M. Z. BOXHORNII Dissertatio, &
H. CANNEGIETERI Rescripta Boxhornio, de Ca-
tone. Curante OTTONE ARNTZENIO, qui suas
Annotationes adjecit.

Trajecti ad Rhenum, apud Jurianum a Paddenburg, 1735, 8.
 Alph. 1 plag. 20.

Feruntur procul dubio manibus omnium *Catonis* Disticha, nec quisquam adeo in republica literaria hospes, aut Scriptorum veterum ignarus est, ut nesciat, quam salutaria contineant præcepta, quam præclare effingant mores, quantaque cura excitent animos juvenum ad virtutis stadium cum successu decurrendum. Satis etiam cognita est eorum industria, qui in illustrandis incerti illius Autoris sententiis mire defudarunt; Codices manu exaratos in consilium adhibuerunt, & novos, si qui forte irreperant, ut fieri solet, e medio sustulerunt. Scimus enim, quam præclare promerita sit

O

de

de *Catonis* Distichis musa *Erasmi*, *Scaligeri*, *Barthii*, *Daumii*, *Wachii*, ne quid nunc dicamus de interpretationibus, Græco idiomate a *Max. Planude*, *Scaligero*, *Zubero*, & *Mylio*, concinnatis, quorum eo omnis tendit industria, ut velut elca tenellos animos ad virtutis studium alliciant. Ea igitur, quæ omnibus nota sunt, jam de industria prætermittentes, id nobis relictum negotii videmus, ut, quid præstiterit *Cl. Arntzenius* hac ipsa editione, satis nitide typis exscripta, commemoremus. Collegit is omnes Virorum eruditissimorum in hunc libellum lucubrationes, nec ex propria penu aliquid addere dubitans, omnia textui subjecit, quibus lumen ipsis *Dionysii* verbis affundi posse judicavit. Notas variorum ordine suo sequuntur Græcæ versiones; *Opitii* vero Germanica ommissa est, quia parum hæc facere ad rem ipsam videbatur. Ut autem tersam efficeret hanc editionem *Cl. Arntzenius*, multos in consilium adhibuit Codices MStos, Collationem *Vossii*, Codicem MStum veterem chartaceum, Codices MStos Bibliothecæ Lugduno-Batavæ, nec excusas alibi editiones flocci habuit, sed, quod ipse in Præfatione libere est professus, sedulo eas inspexit, ut, quæ sparsim exsarent utilia, in unum cogeret volumen. Solet sæpenumero accidere, si componamus diversimodas editiones, & Codices manu exaratos, ut ad rerum satis curiosarum, & animos hominum dedestantium, disquisitionem delabamur. Id ipsum solers Codicum perscrutatio in *Cl. Arntzenio*, sanandis Scriptoris sui vulneribus non infelicem operam navante, effecit. Ita, cum pag. 56 *Cl. Editor* illustrare conatur verba: *Cum animadverterem, quam plurimos homines errare graviter in via morum*, ait, in Parisiensi & Lugdunenſi Codice *homines* plane exulare; ex quo nobis persuadere annitur, Præfationem non a *Dionysio* nostro, sed ab alio, profectam esse. Nam, si scribendi rationem & scopum nostri *Dionysii* satis perspectum habuisset, quisquis fuit Proœmii Auctor, non succurrerendum esse censuisset opinioni plurimorum hominum, sed solius filii, utpote ejus causa pater scribere suscepérat. Pag. 63 refecat princeps verbum *Itaque*, ab homine, qui Præfationem confarcinaverat, profectum, in ejus loco,

cum, autoritate Codicis *Chouetiani* permotus, surrogare mavult *Inprimis*, ad exemplar *Pythagorei* Carminis, quod ita auspica-
tur: *Ἀθανάτου μὲν πρῶτα Θεὸς &c.* Pag. 64 monet, ver-
ba, *Magistratum meum*, in Lugdunensi deum Codice collo-
cari numero 16, sed eam transpositionem nihil nos curare ju-
bet, cum, quot fuerint scribæ & editores, tot ingenium suum
secutos esse pateat. Pag. 67 putat, per salutationem non
posse tantum levem illam pietatis & amoris testificationem in-
telligi, qua publice occurrentium gratiam captare solemus,
sed etiam solennem illam salutationem, cum tenuioris fortu-
næ homines hora diei prima salutandi causa superiores adie-
runt, secundum *Martialem Lib. IV Epigr. 8 v. 1*:

Prima salutantes atque altera continet hora.

Pag. 100 ad verba, *cum labor in damno est*, satis erudite com-
mentatur. Nam, quamvis multum sudoris & operæ impen-
deriat *Dionysio* nostro illustrando *Barthius* & *Daumius*,
non tamen hic verum Autoris sensum perspexerunt. Illis
felicior *Cl. Arntzenius*, aliter sumi vocem *laboris* in priori,
aliter in altero versu, nos docet. Illic *laborem* nihil aliud
innuere, quam industriam, ait, hic rem labore acquisitam,
præeunte classicorum Latii Scriptorum autoritate. Provocat
enim ad ea loca, quæ ipse collegit *Cannegieterus* ad *Avian.*
Fab. XXXIV v. 5:

Solibus obreptos hiemi formica labores

Distulit — — — —

Pag. 104 refutat sententiam *Scaligeri*, qui verba: *Cum fueris*
felix, ita commutanda esse censuit: *Cum fueris dando*, h. e.
cum, dando multa amicis, dapnulis audiveris & liberalis. Præ-
terquam enim, quod nusquam in Codicibus discrimen aliquod
inveniat, ipsi etiam commutatio illa a ductu literarum rece-
dere videtur, &, quod maximum, sensum verborum, qui
alias apertissimus erat, obscurum fieri, rectissime judicat.
Pag. 132 *Esto animo forti* in Lugdunensi secundo Co-
dice, inverso verborum ordine, legebatur *forti animo*
esto. Quæ quidem scriptura *Cl. Editori* prorsus rejicien-
da

da videtur, quod sæpius *synalæpham* neglexerint Poetæ veteres, librarii autem, quia falso judicaverint, fieri haud ita posse, sæpe glandes pro frugibus dederint. Hujus autem hiatus triginta & amplius exempla dedisse annotat *Taubmannum* ad *Virg. Lib. I Æneid. v. 16*. Pauca hæc, quæ attulimus, specimina satis ad id, opinamur, valent, ut, quanto ingenii acumine, quantis veterum Scriptorum prædidiis, instructus, ad illustrandum hunc Autorem accesserit Doctiss. *Arntzenius*, omnibus constare possit. Illud etiam exinde discimus, quam male sibi & rectoribus studiis prospiciant literarum elegantiorum contemptores, qui Codices manu descriptos ex orbe literario proscribendos esse censent. Dum enim summa ope niti solent, ne horum aliqua habeatur ratio, supinam produnt ignorantiam, & insignibus se privant commodis, quibus desitutos in tenebris versari & cæcutire nos oportet. A quonam proficiscantur illa *Catonis* *Dislichæ*, & qua ætate sint confecta, acutissima latet ingenia, & dubiæ plenum opus alex suscipiet, qui incertam hanc extricare rem studebit. Interim tamen Clariss. *Henrico Cannegietero* ex sententia cessit controversia, quam cum *M. Z. Boxhornio*, classicum canente, instituit. Nam hic *pag. 398 seq.* tam acerbe dixerat in eruditos, qui inepta illa, ut ait ipse, & ex meris solæcismis confata *Dislichæ* pro antiquo ingenii sætu jactitant, ut conviciis magis, quam argumentis, colorem sententiæ suæ conciliaverit. Legens hanc Dissertationem atque relegens *Cl. Cannegieterus*, non potuit, quin curatius perpenderet eruditorum de *Catonæ* sententiam, & peculiari eam Commentatione a *Boxhornii* calumniis atque obrectationibus strenue vindicaret. Elucet satis superque ex hac disceptatione, neque cor, neque animum, defuisse *Cl. Cannegietero*, nec levi armatura eruditissimum Virum in arenam processisse. Nam, quæ protulit, modeste pronuntiavit, pronuntiata testimoniis veterum aptis & selectis munivit, munita satis eleganti stilo expressit, adeo, ut nobismet ipsis facile persuadeat, verum esse scriptum, & quod nulla ratione ad Seculum barbarum remitti

remitti possit. Nos eam rem hoc minus in dubium vocamus, quo major eam sub calce Dissertationis numerus confirmat testium, quorum effata in re historica nobis pro ratione esse debent. Agmen denique claudit locupletissimus notarum, rerum, & verborum, Index, totusque adeo liber, multa eruditione refertus, sine remora & expedite a juventute poterit evolvi. Quantum itaque Cl. *Arutzenio* debeat orbis eruditus, nemo non intelligit Lectorum, eorum inprimis, quibus satis est cognitum, quantis curis & vigiliis opus sit ei, qui scriptorem veterem, linia sua politum, luci publicæ exponere, & dispersas alibi res, velut scopas dissolutas, uno fasciculo includere, secum constituit. Quapropter vovemus ex animo, ut Cl. Autoris industria, vinci nescia, alios Latii aut Græciæ Scriptores eadem cura, eademque lima, expolire strenue pergat.

JO. FRID. REITZIUS DE AMBIGUIS,
mediis, & contrariis: sive de significatione
verborum & phrasum ambigua.

Trajecti ad Rhenum, typis Melch. Leonhardi Charlois,
 1736, 8.

Alph. 1 plag. 20.

Producimus jam in scenam novum, ast elegantis doctrinæ & optimæ spei, Eruditum, qui, sub pulvere scholastico hucusque delitescens, lucemque veritus publicam, tandem scripto quodam, non abortivo, sed satis eleganti & polito, se nobis conspiciendum dedit. Provinciam, quantum ex Præfatione ejus colligere licet, erudiendæ juventutis in Belgio sibi demandatam habet, qua eum laudabiliter defungi, nulli dubitamus, præsertim cum amorem erga literas elegantiores publice testatus sit, nec tenuia laboris strenui specimina vel hoc unico ingenii fortu dederit. Totum se quidem antehac, patris auctoritate, arti medicæ consecraverat, proptereaque de *Cornelio*

Celso olim edendo consilium inierat, sed, deliciis atque illecebris literarum humanitatis unice captus, omne studium, omnesque ingenii nervos, poliendis juvenum ingeniis impendere coepit, a quorum cura cum vacatio privata datur, concinnandis eam libris præclare dicatam esse cupit. Ejusmodi horarum subsecivarum opus præsens elucubratio est, tam concinne, tamque studiose, perscripta, ut miremur, cur *Cl. Autor* adeo injurius sit in animi sui dotes, ut omnes fere laudes verecunde nimis ab se declinet, ne aliorum invidiam in se provocasse videatur. Nam nihil fere in *Proœmio* sibi vindicat, iisdem, quibus *Hemsterhusius* in *Prælatione Dialogis Luciani* præmissa, verbis utens: *Omnia perscrutari, terminos humanae vitæ multum superat.* Laudibus insuper mirificis extollit Virorum celeberrimorum, *Everardi Ortonis, Arnoldi Drakenborchii, & Fratris sui*, liberalitatem, a quibus, si quid obveniret, quod inferi mereretur, id humanissime indicatum refert. Hæc ipsius modestia, princeps eruditorum virtus, nobis, quod serio profiteamur, se quam maxime probavit. Detestamur plerorumque mores, qui, alta omnia spirantes, in castra Mularum nescio quibus phaleratis & sesquipedalibus verbis involare audent, & levi velitatione contenti, ad editiora eniti, cæco fortunæ impetu, contendunt. At *Nostro* voces plerumque desunt, quibus observantiam suam erga viros doctos & præclare de literis meritos declaret, vitiaque, si quæ forte irrepperint, purget. Chorum harum egregiarum observationum ducit

Pag. 1.

2.

4.

Dissertatio, non vilior ipsa de Ambiguis tractatione. Nam primo erudite discussit quæstionem, num ambigua dentur, contrariasque *Chrysippi & Diodori* sententias conciliare studuit, quorum alter, *omne verbum ambiguum esse natura*, alter, *nullum verbum esse ambiguum*, dixit. Deinceps probe monet, dari omnino æquivoca, ut nomina propria, quæ diversos denotent vel homines, vel urbes, idque auctoritate veterum & exemplis confirmat. Sic *Gellium N. A. Lib. IX Cap. 12* verba quædam enumerasse ait, quæ in utramque partem dicuntur, hoc est, quæ sunt ancipiti significatione, quæque ad suos titulos *Cl. Autor* deinceps retulit. Excurrit porro in

ene-

enodationem vocis *Ambigui*, & suppositata illius vocabuli descriptione, hoc discriminis inter *obscurum* & *ambiguum* statuit, quod *obscurum* proprie sit, ubi nihil videmus, adeoque nihil intelligere possumus, *ambiguum* vero, ubi aliquid, imo plura, videmus, plura intelligimus, sed vel nescimus, quidnam ex ambobus aut pluribus sit eligendum, vel duo simul comprehendimus. Ad causas hujus verborum ambiguitatis refert primo *egestatem sermonis*, de qua queritur *Seneca Lib. II de Benefic. Cap. 34: Ingens est copia rerum sine nomine, quas non propriis appellationibus notamus, sed alienis commodatisque*. Altera causa ipsi a rerum natura derivanda esse videtur, sive a qualitibus, in re una variis ac diversis, uti ex vocabulo *Purpureus* Lector cognoscet, quod & pro albo & nigro usurpatur, nec non ex voce *Lentur*, quam respondere ait, praeunte *Vossio* ad *Catullum*, Græco γλισχρόν, denotanti res viscosas, ut gluten, adeoque habenti proprietatem tenacitatis, firmitatis, ac tarditatis, sed & facilitatis ac ductilitatis, quod viscosa facile extenduntur sine ruptura. Reliquas, a *diverso respectu*, ab *accidenti* & *tempore*, petitas, non attingemus causas, paucis, quid Cl. Autor de ambiguum scriptoribus in medium attulerit, indicaturi. Inter præcipuos refert *Ciceronem*, *Gellium*, *Macrobium*, *Gellii* compilatorem, *Salvium Julianum*, & plerosque posterioris ævi JCtōs, inprimis *Manticam*, *Cæs. Costam*, & *Gilbertum Regium* in libris *Ἐναγίωφάνων*. Denique velut per lancem futuram exhibet ambigua quædam Belgica, v. c. *Hy is van eene boge geboorte*, (dat is, op eene berg geboren,) *hy is van doorluchtigen Huije*, quod *Sixtus V* dixisse ferunt, quia per foramina casz paternæ sol ac luna perlucebant. Quod vero ad ipsum Librum attinet, institutum ipsius ex cujusvis vocabuli inscriptione patet, eaque est Operis ratio, ut secundum literarum seriem omnia verba, quæ in utramque partem trahi possunt, enucleentur, exemplisque Autorum, quos vocare solemus, Classicorum, larga manu adductis, illustrentur. Utilissimam hoc ipso operam suscepit, & conspectui juvenum sistens, quæ fugienda, quæ caute usurpanda sint, simul juventutis gratia para-

Pag. 8.

14.

16.

23.

Pag. 19.

23.

40.

80.

78.

phrasticam interpretationem verborum, ex veteribus Scripto-
ribus excerptorum, sæpe adunxit, propterea, quod abrupta &
e sede sua dimota verba alioquin intelligi nequeant. Hinc
vel elegantia stili, quo velut stellulis distincta ejus oratio est,
nos jure suo pellicit, vel erudita illa ambiguum collectio
a nobis exigere videtur, ut cominus & cum cura labores hos
contemplemur, spem alentes, fore, ut Cl. Editor accendi se ap-
probatione nostra ad splendidiore ingenii partus aliquando
edendos patiat. Sub voce *Accendo* & *Incendo* leguntur observa-
tiones omnium calculo dignissimæ. Huc illa pertinent: *Accende-
re aliquem, vel animum alicujus, non modo est ad iram concitare,
ut plerumque, sed & ad bonas res stimulare. Prius vide apud
Sallust. Jug. 34: Multitudo, quæ in concione aderat, vehe-
menter accensa, terrebat eum clamore, vultu, sæpe impetu &c.
Contra in bonam partem Cicero de Orat. Lib. I Cap. 21: Cum
ab ineunte ætate incensus essem studio utriusque vestrum.
Vocabulum acceptus in malam partem pro decepto accipi, nos
docet, velut Belgice dicitur: Ik hebbe hem gehad. Inpri-
mis nobis arrisit ille Lucilii locus, ubi verba ita fluunt:
*Sic inquam veteratorem illum vetulum lupum Annibalem ac-
ceptum. Admirationis vox pæne ab omnibus in bono sensu
sumitur, & significatio ista tam frequens est, egregie ita
monente Cl. Reitzio, ut & Galli & Belgæ ea pro pulchro
& laudabili semper utantur, & credant, etiam admiror il-
lum semper laudantis esse. Verum Cl. Autor ostendit,
etiam Latinis accipi in malam partem. Sic Cornelius Nepos
Epam. XIV, 6, 3: Admirari se dixit stultitiam Rhetoris Attici.
Sub examen vocat boni & optimi notionem, ubi ait: Cicero
in minus bonam partem, imo in contumeliam fere, accipit
appellationem optimi, non quidem ironice, (nam quod bone
Vir ironice in malam partem accipiat, vix opera est, huc
referre,) sed serio, ad Att. XII Epist. 21: Cato autem se etiam
tribuere multum mihi putat, quod scripserit optimum Con-
sulem. Quis enim jejuniis dixit inimicus? Beneficium deli-
neaturus, in malam partem, inquit, pro culpa Ulpianus in l.**

ex

ex damni qđ §. 1 ff. de Damno infect. Detrimentum hoc, quod beneficio ejus contingit, ipsum sarcire debere. Hanc illustrationem quamvis ulu suo se commendare non negemus, rectius tamen, ut nobis quidem videtur, fecisset Cl. Autor, si ea prorsus omisisset, quæ vitiatam satis commaculatamque dictionem redolent. Tantam nos Jurisconsultorum, veterum autoritatem non putamus, ut naturalem immutare vocum significatum potuerint, ant in vestiganda verborum vi ac potestate tuto nobis recurrere ad illorum exempla liceat. Amice hoc monemus, quibus alioqui satis est cognitum, quanti sudoris, quam diffusæ lectionis, quam venustæ elegantix, plenus ille, non adeo magnæ molis, liber sit. Etsi vero, hausta nonnulla ex *Fabri* Thesauro eruditionis scholasticæ, facile appareat; ubivis tamen selectissima observationum spicilegia instituit, id quod indicio est, Cl. *Reitzium* ad culturam elegantiorum literarum vere natum esse, ideoque dignum, qui ad poliendos Græcos Latinosque Scriptores publica solennique formula a nobis sollicitetur.

MECHANICA, SIVE MOTUS SCIENTIA,
analytice exposita, Autore LEONHARDO EULERO, Acad. Imperial. Scient. Membro, & Mathematicos sublimioris Professore. Tomus primus, instar Supplementi ad Commentarios Academiae Scientiarum Imperialis.

Petropoli, ex Typographia Academiae Scientiarum, 1736, 4 maj.
Alph. 2 plag. 15, Tab. xn. 14.

Cum in *Actis* hisce A. 1716 *Mens. Januar. pag. 1* eximium *Phoronomia Hermanniana* Opus receniteremus, paucos exstare libros diximus, in quibus tantum reconditæ Mathematicos contineretur. Ubi vero ad Opus præfens *Eulerianum* perlustrandum accedimus, illico profitemur, non paucos, sed nullum omnino librum lucem adhuc vidisse, qui tanto rerum sublimium & abditarum apparatu, ex intimis

P

Mathe

Matheseos visceribus depromto, abundet. Nullo partium studio, quod procul habemus, sed veritatis amore, ducti, hæc eloquimur. Sive enim ipsam materiarum, quæ in hoc Opere pertractantur, excellentiam & sublimitatem, sive concinnitatem & facilitatem ordinis & methodi, qua dispositæ sunt, respiciamus, facile patebit, Autorem Celeberrimum plura præstitisse, quam quisquam ante ipsum alius, atque scientiæ nobilissimæ pomæria multum protulisse, quin imo, quod plus est, aditum ad difficillima quæque in Mathesi applicata patefecisse, aut expeditiorem saltem reddidisse. Nulli igitur dubitamus, quin avidissime amplexuri sint novam hancce *Mechanicam*, quibuscunque id curæ est cordique, ut in hodierna analysi, & quæstionibus physico-mathematicis, ejus ope expediendis, progressus maxime præclaros faciant. Nostrium vero est, brevem pulcherrimis Operis synopsis exhibere. Lectoribus nostris, paucaque exinde delibare, quæ sufficere possint ad ferendum de eo judicium. Qua quidem in re ita versabimur, ante omnia ut quædam dicamus de scopo, methodo, ordine, quo digestum est, deinceps autem Capita singula singulatim perlustremus. Quod ad scopum attinet, ipse Libri titulus, & Præfatio, satis ostendunt, Cel. Autori non fuisse in animo, illam Mechanicæ tractationem exhibere, quæ in æquilibrio & comparatione potentiarum contemplanda ponitur, sed ipsam motus actualis scientiam tradere, cui quidem soli nomen Mechanicæ relinquendum est. Illa enim scientia, quæ circa æquilibrio potentiarum definiendum versatur, Statica rectius dicetur, & a motus scientia distinguenda est. Eam vero amplissime exposuit in Opere suo posthumo Cel. *Variignonius*, quod, licet novæ Mechanicæ titulum præ se ferat, totum tamen est in æquilibrio virum determinando, quod tamen munus esse Staticæ, modo diximus; nec aliud quidquam, quod ad motus realis cognitionem facere possit, continet. Cel. *Wolfius* in suis Matheseos Elementis, novissimæ præsertim editionis, multa & præclara, ad Staticam non minus, quam ad Mechanicam, pertinentia, tradidit, iisque unum Mechanicæ titulum præfixit; quæ quidem separatim pertractare,

Etare, ipsa operis ratio, & præstituti limites, prohibuerunt. Quamobrem, si a Principiis Philosophiæ *Newtonianis*, & *Hermanni* præsertim *Phoronomia*, discesseris, vix alius est liber, in quo scientia motus unice, dataque opera, fuerit exposita, tantisque accessionibus aucta. At vero nimis contracta sunt pulcherrima hæc Opera, nec materiis omnibus sat ample explicandis, & plene percipiendis, sufficiunt. Præterea, quod permolestum accidit, conscripta sunt juxta syntheticam, qua veteres utebantur, & geometricam demonstrandi methodum, suppressa analysi, qua ipsi inventorum fontes aperiuntur, & legentibus via ad ulteriora, proprio Marte eruenda, sternitur. Præcipua igitur Cel. *Eulero* cura fuit, malo huic ut remedium afferret, hæcque impedimenta, quæ discen- tium progressus valde sufflaminant, prorsus tolleret & remove- ret. Quam ob causam non solum ea, quæ cum in istis volumini- bus, tum in variis eruditorum Diariis, sparsim traduntur ad scientiam motus referenda, in unum quasi corpus & Syste- ma compingere, inque concinnum ordinem digerere, anni- sus est; verum novas quoque propositiones permultas, eas- que eximias, Operi ipsi inseruit, adeoque præclaras scientiæ motus accessiones fecit. Hæc quidem de scopo Libri. Me- thodum quod attinet, ea per totum Opus analytica est, ita, ut nulla demonstrationum syntheticarum farrago Lectori nau- seam pariat, aut dispendium temporis. Operam dedit Cel. Autor, omnia ut proponeret planissime, & simul copiose, ea- que ex principiis genuinis deduceret, effecitque, ut quivis absque magna hæsitazione totum Opus perlegere, & in usus suos convertere, possit, modo in analysi tam finitorum, quam infinitorum, satis sit exercitatus. Ordinem denique & par- titionem Operis Cel. Autor desumpsit tum ab ipso corporum motorum discrimine, tum ab eorum statu, quem vocat, li- bero, vel non libero. Potest enim considerari vel motus corporis infinite parvi, seu puncti cujusdam physici, vel et- iam motus corporum finitorum, quæ ex particulis infinite exiguis, seu punctis, quæ diximus, physicis, constantur. Nisi vero tractatio de motu puncti talis ante omnia solide trada-

tur, & fundamenti loco præstruatur, nihil quoque in ipso corporum finitorum motu considerando proficere licebit. Etenim motus corporis finiti est id, quod resukat ex motibus omnium punctorum, seu particularum infinite parvarum, ex quibus componitur. Hanc eb causam Cel. Autor destinavit duos hujus Operis *Tomos priores*, qui nunc prodierunt, explicando motui talis puncti physici, progressurus in sequentibus ad ipsum motum corporum, quæ finitæ sunt magnitudinis. Satis tamen late ea quoque patent, quæ de punctis solum in *duobus* hisce *Voluminibus* traduntur, nec sua destituuntur applicatione ad motum corporum finitorum, siquidem quæritur, quod bene notandum, de motu corporis *totali*, non autem de motu *partium inter se*; & hoc quidem respectu e. g. theoria de motu punctorum projectorum, & vi centripeta versus punctum aliquod sollicitatorum, ad corpora quælibet finita, e. g. ad planetas, cum *Newtono* recte transfertur. Porro, quod statum corporum motorum attinet, ejus in disponendo Opere suo rationem habuit Cel. *Eulerus*, ille aut liber est, aut non liber. Liberum est corpus, vel punctum, quando nihil impedit, quo minus ea celeritate, & secundum eam directionem, quam tum ratione motus jam insiti, tum ratione potentiarum sollicitantium, habere debet, progrediatur. Talis est motus corporum, recta cadentium, planetarum in trajectoriis suis delatorum, &c. Status corporis non liber est, ubi impedimentum aliquod corpori vel puncto moto objicitur, quo minus ea celeritate, & in ea via, ad quam cum a sua vi insita, tum a potentiis quibuscunque, determinatur, progredi queat. Exempli status hujusce præbent corpora, super planis inclinatis, vel curvis quibuscunque datis, mota, pendula item oscillantia, aliaque hujusmodi. *Primus* itaque hujus Operis *Tomus* in eo totus est, ut ea exponat, quæ statum puncti liberum respiciunt; *secundus* autem in eo versatur, ut statum puncti moti non liberum declaret. Hisce prælibatis, ad singula Capita penitius inspicienda nos conferamus. *Tomus primus* distribuitur in *Capita sex*. Et in *primo* quidem agitur de mo-

tu in genere, & ideæ fundamentales, a quibus reliqua pendunt, explicantur, quales sunt notiones celeritatis, spatii, temporis, loci. Locum definit per partem spatii immensi & infiniti, in quo universus mundus consistit; & hæc quidem est notio loci absoluti. Cum vero spatium in infinitum protensum distincte non intelligatur, concipiendi sunt prohibitu termini fixi hujus spatii, ad quos corpora referuntur. Hæc relatio est id, quod situs appellatur. Quæ eundem situm semper servant, id est, eandem relationem ad terminos spatii fixos, quiescere dicuntur *absolute*; moveri autem *absolute*, quæ non servant. Motum *relativum* Cel. Autor definit per mutationem situs, respectu cujusdam spatii prohibitu assumti. Igitur quies *relativa* erit conservatio situs, respectu hujus spatii. Qui quidem conceptus, etsi notionibus metaphysicis, præcipue recentioribus, adversari videntur, ad scopum tamen operis, & ad inveniendas veritates mathematicas apprime sunt utiles, de cetero autem spectandi ut notiones pure mathematicæ, non metaphysicæ. Præstructo hoc fundamento, Cel. Autor ad ea tradenda progreditur, quæ de motu æquabili demonstrari solent. Quo facto, theoriz motus inæquabilis, qui in tempusculo infinite parvo ut æquabilis spectari potest, principia exponit, docetque, corporis, vel puncti, motu utcumque inæquabili per lineam rectam aut curvam lati, tempus definire, quo arcum datum absolvit, posito, celeritatem corporis in quovis lineæ loco datum esse. Exinde conficit, celeritatis hypothesin nullam subsistere posse, nisi eam, qua celeritas, saltem in principio motus, statuatur ut spatiorum pereursorum potestates, quarum exponentes sint unitate minores. Deinceps, quid scilicet temporum & celeritatum sint, explicat, earumque a se invicem dependentiam, & constructionem, monstrat. Quam cum generaliter absolvisset, in casu eo, ubi scala temporum est parabola Apolloniana, scalam quoque celeritatum fore parabolam talem, facillime invenit, id quod in *Systemate Galilei* de motu uniformiter accelerato obtinet. Quæ hæcenus dixit Cel. Autor, motui relativo æque conveniunt

niunt, ac ei, qui vocatur absolutus. Quare ad ea penitus evolventa sese confert, quæ motui absoluto omnino sunt propria, & ad demonstrandas leges naturæ universales, quæ corpus liberum, a nulla potentia sollicitatum, observat. Evincit itaque, corpus omne perseverare debere in statu suo quietis, vel motus absoluti & æquabilis, nisi a causa quadam externa statum hunc mutare cogatur. Id quidem ab omnibus, qui de motu scripserunt, tanquam lex naturæ assumitur, sed sine demonstratione, quam dedit Noster. Hæc igitur conservatio status corporum est proprietas essentialis, & omnia corpora, quæ talia, vim habent in statu suo permanendi, quæ nihil est, nisi vis inertiz. Licet enim *Keplerus*, qui primus, ea de re cogitans, hanc vocem formavit, eam tribuat vi ei, quæ corpora mutationi status sui resistunt; facile tamen patet, duas hæc definitiones a se invicem non differre: una enim eademque vis est, quæ efficit, ut corpora in statu suo perseverent, & quæ status mutationi reluctatur. Maluit tamen Cel. Autor adoptare hanc definitionem, quam *Keplerianam*, quia nondum constat, quomodo corpora viribus sollicitantibus resistant. Quæ de motu & quiete absoluta demonstrata sunt, valebunt quoque in motu & quiete relativa, modo spatium, ex quo motum vel quietem relativam determinari diximus, absolute vel quiescat, vel uniformiter moveatur in directum. Hisce dimissis, sequuntur aliqua Problemata, ad motus relativos spectantia, sicque *Capitis primi* finis est.

Caput secundum versatur in definiendo effectum potentiarum, in punctum liberum agentium, sive punctum quiescat, sive moveatur. Hic stabiliuntur vera Mechanicæ principia, quorum ope explicari debet, quicquid ad motum, & varias ejus mutationes, spectat. Ea vero ita demonstrare nititur Cel. Autor, non solum ut certa, sed necessario quoque vera, esse intelligantur. Potentias dividit in absolutas & relativas. Absoluta potentia est, quæ in corpus, sive in motum, sive quiescens, æqualiter agit; qualis est vis gravitatis, quæ corpora deorsum pellit æqualiter, sive quiescant, sive moveantur. Relativa

lativa autem est, quæ aliter in corpus motum agit, aliter in quiescens, qualis est e. g. vis torrentis, qui corpus secum abripit. Ut enim velocius movetur corpus, ita minor est torrentis in illud impetus, eoque casu prorsus evanescit, ubi torrentis & corporis delati velocitas sibi invicem æquantur. Facile itaque intelligitur, tractationem de potentiis respectivis potissimum respicere motum corporum in fluidis latorum, sive, quod eodem recidit, in mediis resistentibus, præsertim quando fluida quiescunt. Quod si fluida quoque supponantur moveri uniformiter in directum, casus hicce reduci poterit ad priorem, substituendo motum relativum loco absoluti, & fluidum considerando ut quiescens. In sequentibus igitur Cl. Autor motus istos in vacuo fieri ponit, qui a solis potentiis absolutis efficiuntur, & in locum potentiarum relativarum media resistentia substituit. Medii vero resistentiam non nisi ad motum punctorum accommodat, insuperabilem calculi prolixitatem evitaturus, qui suscipiendus foret, si corpora hic considerari deberent ut finitæ magnitudinis. Quo ipso & id commodi lucratur, ut directio vis resistentis congruat cum motus directione, siquidem ea a fluido qui, escente oriatur. Quæ causa est, cur potentiis relativis eam semper directionem tribuat, quam habet ipsum. Hisce præstructis, solvit problema: Dato effectu potentie absolutæ in punctum quiescens, invenire effectum ejusdem potentie in punctum idem quomodocunque motum. Quod cum expedivisset, in eo est, ut rigide demonstret principium Mechanicæ fundamentale, quo jam usus est *Galilæus* in investigando motu gravium uniformiter accelerato; scilicet, quod incrementa velocitatis momentanea exponi debeant per factum ex potentia absoluta in elementum temporis; sive in symbolis, si potentia sit $= p$, elementum temporis $= dt$, elementum celeritatis $= dc$, quod semper, & necessario quidem, habeatur $dc = p dt$, ita, ut contradictionem involveret, ponere $dc = p^2 dt$, vel $dc = p^3 dt$, vel etiam $dc = q dt$, denotante q functionem quamlibet τ ns p , secus ac id quidem videtur Viro Cel. *Danieli Bernoullio* in *Comment. Acad.*

Petrop.

Petrop. Tom. I pag. 127. Ostendit autem Noster in *Prop. 15*, principium hocce verum esse in ipso motus initio; & in *Prop. 19*, illud itidem valere, existentibus jam motu & celeritate finita, quæ a vi sollicitantē, seu potentia absoluta, corpori impressa est. Porro *Propositione 16 & 17* ea traduntur, quæ inserviunt metiendæ vi inertix, ex qua ratio fluit, quare massa corporum in æstimationibus mechanicis sub censum quoque venire debeat. Demonstratur autem, vim inertix esse proportionalem numero punctorum, ex quibus corpus constat, sive quantitati materix; quæ cum eadem sit, sive quiescat corpus, sive moveatur, liquet, vim inertix in motu & quiete eandem esse. *Propositione 18* ostenditur, quomodo, dato effectu unius potentix in punctum aliquod, inveniendus sit effectus cujusvis alius potentix in idem punctum. In solutione hujus quæstionis hoc principio utitur Cel. Autor, ut punctum, seu corpus, a pluribus potentiis sollicitatum, in totidem partes concipiatur divisum, quarum quælibet ab una tantum potentia trahatur. Postquam deinde singulæ partes a suis potentiis momento temporis protractæ sunt, cogitandum est, eas subito restitui, & congregari; quo facto, locus in quem convenerunt, erit is, ad quem integrum corpus vel punctum ab omnibus potentiis simul agentibus eodem tempore fuisset pertractum. His igitur in casibus concipiendæ est vis quædam restituens, & infinita, seu, quod idem est, corporum partes cogitandæ sunt quasi junctæ elastis fortissimis. Principium hoc, licet imaginarium, maximæ utilitatis esse in motu corporum finitorum determinando, ait Cel. Autor; demonstratque *Propositione 22 & 23*, partes corporum separatas a vi hac restituente semper congregari in communi suo centro gravitatis. Ceterum quoque *Propositione 21* docetur, quomodo potentix cujusunque, in punctum motum oblique agentis, effectus determinari queat.

Caput tertium agit de motu rectilineo puncti liberi, a potentiis absolutis sollicitati, sive, quod idem est, de motu puncti, a potentiis quibuscunque continuo sollicitati, in vacuo, si-
ve medio, quod resistentiæ est incapax. Orditur Autor Cel.

a motu

a motu rectilineo, tanquam determinatu facillimo; ad motum curvilineos progressurus in sequentibus. Et primo quidem motum puncti determinat, a potentia uniformi sollicitati, qualis est gravitas in distantis a tellure non nimis magnis, & exinde theoriā Galilei de motu uniformiter accelerato deducit, ac amplificat. subjuncta theoria motus retardati, quæ nihil est, nisi prioris inversa. Deinceps transit ad motum, ex potentiis difformibus, seu variabilibus, oriundum; ubi primo loco occurrit theoria virium, quas Newtonus generaliter dixit centripetas, & centrifugas. Igitur in Propositione 32 generaliter docetur, quomodo puncti celeritas inveniri possit in quolibet loco rectæ, in qua movetur, si scilicet centrum virium attrahat in ratione quacunque multiplicata distantiarum. Suppositum fuit, punctum ab initio quievissse; igitur in Propositione sequenti monstratur, quomodo motus puncti determinari debeat, quando ab initio celeritatem datam jam habuit. Notandum est, Cel. Autorem celeritates semper exprimere per radices quadratas ex altitudinibus, per quas punctum motu uniformiter accelerato cadere deberet, ut has ipsas celeritates acquireret. Igitur, si celeritas c querenda est, non querit immediate c , sed altitudinem

I

quandam v , ita, ut sit $c = \sqrt{2v}$; & celeritatem c vocat altitudini v debitam. In Scholio post Propositionem 33 datur expressio generalis pro tempore, quo punctum, a vi centripeta sollicitatum, spatium aliquod emetitur. Cum elementum ejus tale sit, ut generaliter nec integrari, nec ad quadraturas curvarum notiorum reduci, possit, invenit tamen Cel. Autor, illud satis concinne exhiberi posse in casibus specialibus, e. g. quando vis centripeta est ut distantia a centro directe, vel etiam reciproce, ut quadratum, aut cubus distantie, vel etiam reciproce ut dignitas distantie, cujus index est $= \frac{2m+1}{2m-1}$, existente m numero integro affirmativo, vel ad-

huc reciproce ut dignitas distantie, cujus index est $= \frac{m-1}{m}$,
posse

Q

posito m ut prius. In hisce duabus hypothesibus posterioribus expressio temporis prodit pure algebraica. Quæ dicta sunt de viribus centripetis, facile transferuntur ad centrifugas, modo expressio vis centripetæ ponatur negativa. Non tamen piguit Cel. Autorem casus quosdam notatu dignos afferre, ex quibus generales quædam regulæ, ad motus generationem pertinentes, cognosci possunt, quæ per calculum solum explorari nequeunt; idque præsertim fecit *Propositione 40*. Et sic quidem prima hujus *Capitis* pars absolvitur. Secundo igitur loco ostenditur, quomodo ex data motus conditione leges potentiarum sint definiendæ. Dari autem possunt vel celeritas, vel tempus, quorum utrumque duplici modo est pertractandum. Vel enim respicitur ad unicum descensum seu adscensum, in cujus singulis punctis datæ ponuntur vel celeritates, vel tempora, quibus quæsitæ spatii portiones percurruntur; vel considerantur infiniti descensus ad punctum fixum ex diversis altitudinibus facti, in quibus dantur vel celeritates ultimæ, vel tempora, quibus singuli descensus integri absolvuntur. Hinc quatuor oriuntur Problemata primaria, quorum solutiones videre est in *Propositione 42-45*. *Propositio 46* est hæc: Si fuerint tempora, quibus corpus ex quibuscunque distantis ad centrum virium pervenit, in ratione quacunque multiplicata distantiarum; definire legem vis centripetæ. Pro hoc Problemate solvendo peculiarem proponit methodum, in aliis egregios usus præstantem, & præsertim in investigando Tautochronismo a priori. Reperit autem, si vis centripeta sit $= p$, distantia a centro virium $= x$, b quantitas constans, sitque tempus, quo punctum ex distantia x ad centrum virium perveniat, ut x^n ; reperit, inquam, esse $p = (2 - 2n) b x^{1-2n}$, id est, vim centripetam esse in ratione tantuplicata distantiarum, quot sunt unitates in $1 - 2n$. Quando $n = 0$, quo casu descensus omnes ex quibuscunque distantis ad centrum virium sunt tautochroni, erit $p = 2bx$, id est, directe ut distantia a centro. Si $n = \frac{1}{2}$, sive tempora in ratione subduplicata di-

flan-

stantiarum, erit $p = b$, seu vis centripeta constans, prout accidere constat in Systemate *Galilei*. Sequuntur adhuc alia, ingeniosa & pulchra non minus, quam utilia; sed nobis, quibus libere singula minime licet, est pergendum.

Caput quartum ea complectitur, quæ spectant ad motum rectilineum puncti liberi, in medio resistente. Lex resistantiæ est dignitas sive functio celeritatis corporis moti, cui resistantia est proportionalis. Exponens resistantiæ a Nostro vocatur altitudo debita celeritati ei, quam si corpus habet, resistantiam patitur vi gravitatis æqualem. Hac igitur resistantia corpus in motu suo tantundem retardatur, quantum a gravitate, si sursum fuisset projectum. Datis ergo lege & exponente resistantiæ, potest determinari diminutio motus. Exponens autem resistantiæ est vel constans, vel variabilis; constans quidem in medio uniformi; variabilis autem in disformi. Porro media, quæ resistunt, vel similia sunt, vel dissimilia; illa quidem, quæ eandem habent resistantiæ legem, e. g. juxta quadratum velocitatis; hæc autem, quæ diversas. Hisce notionibus fundamenti loco præstratis, sequuntur Propositiones. Et primo quidem docetur, quomodo inveniri debeat decrementum celeritatis corporis, in medio quocunque resistente moti juxta lineam rectam, data lege & exponente resistantiæ. *Propositione 50 & 51* ostenditur, qua ratione determinanda sint velocitas corporis in quovis loco, & tempus, quo spatium absolvit, supposito, medium uniforme esse, ac resistere in ratione quacunque multiplicata celeritatum, ex quo casus particulares facile deinceps eruuntur. Quodsi enim resistantia est ut quadratum velocitatis, ex applicatione canonis generalis reperitur, quod celeritas

corporis in quovis loco sit $= \sqrt{ce \frac{x}{k}}$, significante x spatium percursum, k exponentem resistantiæ, c altitudinem, cujus radix quadrata dat celeritatem initialem corporis, & e numerum, cujus logarithmus est $= 1$. Tempus vero, quo spatium x in hac hypothese percurritur, est

$$Q_2 = 2ke$$

$$= \frac{2ke^{\frac{x}{gk}} - 2k}{c^{\frac{1}{2}}} . \text{ Propositione 52 solvitur Problema de deter-}$$

minando decremento velocitatis corporis vel puncti moti in medio quocunque resistenti, & a potentia quacunque absoluta sollicitati, dum spatium infinite parvum percurrit. Hanc Propositionem in sequentibus ad exempla applicat Cel. Autor, præcipue in hypothesi resistentiæ, quæ est ut quadratum velocitatis. Si potentia sollicitans uniformis sit = g , medium uniforme, & resistentia in dicta hypothesi, ceteræque literæ idem significant, quod prius, erit celeritas corporis in quoli-

$$\text{bet loco} = r \left(\frac{-x}{ek} (c - gk) + gk \right), \text{ si quidem celeritas}$$

initialis fuerit = $c^{\frac{1}{2}}$; quodsi autem corpus ex quiete motum inchoet, erit $c = 0$, adeoque corporis celeritas

$$= r \left(1 - e^{\frac{-x}{k}} \right) gk. \text{ Tempus autem, quo spatium } x \text{ percurritur,}$$

$$\text{exprimetur per } \frac{x}{rgk} + \frac{2r \frac{k}{g} l r \left(e^{\frac{-x}{k}} (c - gk) + gk \right) + rgk}{rc + rgk},$$

existente l nota logarithmi. Hæc vero formula est integrale

$$\text{elementi } dx : r \left(gk + e^{\frac{-x}{k}} (c - gk) \right), \text{ quæ exprimit}$$

elementum temporis. Constans in integratione addita est

$$- \frac{rkl}{g} \frac{rc + rgk}{rc - rgk}. \text{ Quodsi autem celeritas initialis}$$

nulla est, sive $c = 0$, erit formula temporis simplicior, scilicet

$$= 2 \sqrt{\frac{k}{g}}$$

$$= 2r \frac{k}{g} l \left(r e^{\frac{x}{k}} + r (e^{\frac{x}{k}} - 1) \right). \text{ Deinceps Cel. Au-}$$

tor ad adscensum quoque corporum sursum projectorum theoriam suam accommodat, & plura eam in rem profert præclara. Quamvis autem ad hypothesein resistentiæ juxta duplicatam velocitatis rationem potissimum attendat Cel. Autor, eam tamen hypothesein in medium quoque affert, qua resistentiæ ponuntur simpliciter ut celeritates, quoniam a Newtono quoque & aliis ea pertractata fuit. De hac agitur *Propositione 59 & 60*. Tandem *Propositione 61* dat formulam, qua corporis in recta descenditis, & a potentia uniformi sollicitati, motus definitur, si medium resistat in ratione quavis multiplicata velocitatum. Huc usque contemplatus est media ut uniformia, & potentias ut constantes; jam vero aggreditur alia, considerans medium resistens ut variabile, manente vero potentia absoluta uniformi, & in variis hypotheseibus corporis motum determinare docet, e. g. supponendo, exponentem resistentiæ esse proportionalem distantis a puncto fixo, ut in *Propositione 62*, vel etiam potestati cuivis distantiarum, ut in *Propositione 64*. Porro varia descensuum tempora inter se comparantur *Propositione 63*, in hypothesei scilicet, quod exponens resistentiæ sit simpliciter ut distantia. Tandem *Propositio 65* generalius omnia complectitur, scilicet: Existente vi centripeta quacunque, & medio resistente secundum quadratum celeritatum, utcunque difforni, determinare motum corporis recta vel accedentis, vel recedentis a centro virgum. Tandem vero inversum quoque Problema solvitur; scilicet, data vis centripetæ lege, medioque resistente juxta quadratum velocitatis, si dentur celeritates corporis, quas ex quibuscunque altitudinibus delapsum acquirit, determinare medii densitatem, seu, quod idem est, exponentem resistentiæ. *Propositio 69* inservit generaliter comparandis descensuum vel adscensuum temporibus. Ita autem habet: Si fuerit vis centripeta ut potestas distantis a centro, cujus exponens est

$= n$, & medium resistat in ratione $2m$ multiplicata celeritatum, exponens autem resistentiæ sit proportionalis potestati distantiae a centro, cujus exponens sit $= \frac{mn + m - n}{m}$;

erunt plurium adscensuum descensuumve tempora in spatiis totorum descriptorum ratione $\frac{1 - n}{2}$ multiplicata.

Hæc quidem de *Capite quarto* indicasse sufficiat.

Caput quintum pertractat id, quod spectat motum puncti liberi curvilineum in vacuo. Hic non ea solum omnia reperiatur, quæ a *Newtono*, aliisque Geometris summis, sunt inventa de curvis, quæ describuntur a puncto, juxta directionem aliquam (quæ non transeat per centrum virium,) projecto, & interea a vi centripeta versus punctum fixum semper sollicitato, sed alias præterea, easque peregregias, propositiones, publice nondum cognitæ. *Primaria* totius hujusce *Capitis* divisio hæc est, ut primo considerentur motus ii, quorum semitæ sunt in eodem plano, atque simul omnis potentiae sollicitantes, in eodem ipso plano constitutæ. Secundo autem ii quoque motus sub examen vocantur, quorum semitæ non sunt in eodem plano cum potentiis sollicitantibus. Prima pars rursus subdividitur, ita quidem, ut primo directiones potentiarum, quæ sollicitant, ponantur inter se parallelæ, prout accidit in vi gravitatis, in nostris quidem regionibus; deinceps considerentur casus, in quibus directiones virium omnes in puncto aliquo coeunt; tandem vero potentiae quæcunque, motusque, ex iis resultans, examini subjiciantur. In hisce singulis ita versatur *Cel. Autor*, primo ut proponat quæstiones directas, deinde inversas. Semper autem juxta leges bonæ methodi incipit a simplicioribus, & facillimis, gradatim procedens ad complicatiora. Igitur in *Propositione 72* & *73* definire docet semitam curvam, quam punctum describit projectum data velocitate, existente vi centripeta vel constante, vel ut functio quælibet distantiae a recta, ad quam directiones vis centripetæ sunt normales. Deinceps *Problema 74* idem Problema proponit, sed positæ directione.

ctionibus convergentibus ad centrum virium. Quo facto, in eo est, ut naturam semitæ qualiscunque sic descriptæ definire doceat æquatione inter coordinatas ad se invicem orthogonales. Sit in Figura adjecta C centrum virium; celeritas

TAB. II
Fig. I.

corporis projecti in A, $= c^2$, CA = a, perpendicularum ex C in tangentem in A demissum = b, perpendicularum CT in tangentem MB demissum = p, CM = y, CP = x, PM = z. Cel. Autor generaliter invenit pro curva AM, (posita vi centripeta in M = P, quæ functio est $\tau \eta s y$),

$$\frac{du}{du} = \frac{bdyrc}{yr(cy^2 - cb^2 - y^2r)};$$

hanc æquationem: $r(1-u^2)$ in qua æquatione est $u = x:y$, sive $x = uy$, & $r =$ integrali ipsius Pdy , quod etiam repertum fuit $= \frac{cp^2 - cb^2}{p^2}$.

Jam, quoniam $y = r(x^2 + z^2)$, sive $z = r(y^2 - x^2)$, post factam substitutionem semper habebitur æquatio differentialis inter x & z . Erit autem æquatio ad semitam algebraicæ, quoties








$$\frac{f. bdyrc}{yr(cy^2 - cb^2 - y^2r)}$$

reduci potest ad ar-

cum circularem, qui sit commensurabilis cum $\frac{f. du}{r(1-uu)}$:

Conferantur *Commentar. Acad. Scient. Paris. ad A. 1710 p. m. 692.* In sequentibus igitur, & præcipue inde a Propositione 78, formula hæc pro semitis vel trajectoriis corporum accommodatur ad hypotheses diversas, existente scilicet vi centripeta directe ut distantie a centro, vel in ratione reciproca duplicata distantiarum, qui casus maxime celebratur inter Geometras, vel adhuc in ratione reciproca triplicata earundem distantiarum. Atque ita Problema, quod dicebatur virium centralium inversum, plene & fusc solutum dedit Cel. Autor, cum

cum id alias jam solutiones nactum esset a Viris summis, *Jo. Bernoullio*, ac *Hermanno*. Etenim *Newtonus* ex contemplatione vis centripetæ trajectory naturam non eruit, sed inverso ordine vim ex natura trajectory, ut constat. Ceterum animadvertit Noster, in ea hypothese, qua vis centripeta est ut cubus distantie reciproce, innumerabiles curvas algebraicas a corpore projecto describi posse. *Propositio 83* ita habet: Existente vi centripeta ut potestas distantiarum quæcunque, invenire casus speciales, quibus corpus certo quodam modo projectum in linea algebraica moveatur; quod cum solvisset Cæl. Autor, exemplis id illustrat. Porro notum est, Astronomos statuere, quod planetæ deferantur in ellipsis, quæ circa focum suum ipsæ sint revolubiles, licet lente admodum, eo sine, ut motus absidum definiri possit. Noster autem, ut veritatem propius assequatur, præter mobilitatem axeos, ellipseos quoque speciem tanquam variabilem considerat. Ponit autem, vim centripetam non multum discrepare a ratione reciproca duplicata distantiarum; idque agit, ut inveniat, cujusnam ellipseos particula sit quodlibet spatii elementum, quod corpus ita sollicitatum transmittit; qua occasione in novam aliquam de ellipsis osculantibus theoriâ incidit, quæ similitudinem aliquam habet cum theoria circulorum osculantium. Ceterum hæc doctrina non est confundenda cum motu corporum in orbibus mobilibus, quem tractarunt *Newtonus* & alii. Hisce missis, ad eos casus accedit, ubi plura sunt centra virium. Monet autem, eo in casu duntaxat, ubi vires centripetæ sunt simpliciter ut distantie respectivæ a centro, reductionem plurium centrorum ad unum succedere, quod est commune eorum centrum gravitatis; in aliis non item, imo motum corporum calculo vix, re autem ipsa ne vix quidem, posse determinari. Hic igitur ad approximationes confugit, ad imitationem *Newtoni* in theoria lunari. In hoc negotio ita versatur, ut ex data curva, quam corpus describit, inquirat in vires centripetas, uti fecit summus *Newtonus*. Id autem efficit modo duplici: primo quidem, ut præter curvam descriptam



1. The first part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them. The list includes names such as "J. H. Smith", "W. J. Jones", and "A. B. Brown", among others.

470

— 6 —

三

236-116-00

12

52

1167-2114

2000

ptam sumat directionem vis sollicitantis quæsitæ tanquam cognitam in singulis locis, exindeque inquirat in vim, & motum corporis; secundo autem, ut ex datis curva & motu corporis eruat vim centripetam. Deinceps ad motum corporum in orbibus mobilibus, quales adstruere Astronomos diximus, pedem promovet, ubi non ea tantum proponit, quæ de hoc argumento tradidere *Newtonus*, *Varignonius*, aliique, sed plura quoque addit, quæ cumprimis inserviunt motui lunæ, qui crucem Astronomis figit, rectius determinando, qua quidem in re strenue quoque desudavit *Newtonus*. Ut specimen aliquod habeant Lectores, unde, quid hic præstiterit Noster, cognosci possit, en *Propositionem 94*, quæ ita habet: Si moveatur corpus utcunque in curva *AMB*, ipsa vero curva interea revolvatur circa punctum fixum *C*; invenire oportet duas vires, quarum altera perpetuo ad punctum fixum *C*, altera normaliter ad rectam positione datam *PC*, sit directæ, quæ duz vires efficiant, ut corpus in hac orbita mobili libere moveatur. Sit vis, corpus versus *C* sollicitans = *P*, vis secundum *MP* (quæ recta est ad *PCD*,) = *Q*, veloci-

TAB. II
Fig. 2.

tas corporis in *M* = v^2 , & celeritas angularis corporis in orbita ad celeritatem angularem ipsius orbitæ, dum corpus est in *M*, ut *i* ad *w-1*; sit porro *CM* = *y*, perpendicularum *CT* = *p*, *MT* = *q* = $r(y^2 - p^2)$; *MP* = *Z*, *CP* = *x* = $r(y^2 - z^2)$; hisce positis, invenit Cel. Autor, $Q = (-wpqdv - 2wvqdp - 2vpqdw) : xydy$, atque $P = (qdv(wpz - qx)) : y^2xdy + (2vp^2(w^2 - 1)) : y^3 + (2vdp(wqz + px) + 2vpqzdw) : y^2xdy$. Angulus vero, quem linea absidum *AB* facit cum recta *CP*, erit = $\int. (w-1) p dy$, unde ejus positio quovis tempore inno-

tescet. ^{qy} Quomodo hæc applicanda sint ad motum lunæ synodicum pro quavis linæ absidum positione, in *Scholio* paucis declaratur. Alii adhuc motus in medium afferuntur,

R

qui

qui latius patere, & magis cum quæstionibus physicis congruere, Nostro dicuntur, quales sunt motus orbitarum per quasunque curvas, manente orbita sibi semper parallela. In hisce motuum hypothesibus vires facilius eruuntur, & simplicioribus formulis comprehenduntur. Quæ huc spectant, pertractantur in *Propositionibus* 95 – 97. Tandem *Caput* hocce absolvitur *Propositionibus* quibusdam ingeniosissimis, quæ illum corporis motum respiciunt, qui non fit in eodem cum viribus sollicitantibus plano. His in casibus motus corporis ita debet considerari, quasi fieret in superficie aliqua convexa, seu concava, in eaque lineam quandam describeret, eadem methodo, qua omnes ejusmodi curvæ duplicis curvaturæ determinantur, exquirendam. Porro in hoc negotio vires quævis debent ad tres alias reduci, quæ singulæ sunt inter se normales. Earum una est tangentialis, reliquæ duæ normales ad eam, quarum altera directionem habet in dato plano, alterius vero directio est normalis ad hoc planum; harumque virium nulla reliquarum actiones immutare valet. Docet vero Cel. Autor non solum invenire motum corporum, hisce viribus quomodocunque sollicitatorum, sed inclinationes quoque orbitarum ad planum fixum, earumque cum hoc intersectiones, & sub finem *Capitis Propositionem* inserit, cujus usus potest esse eximius ad inclinationes nodosque planetarum investigandos, & ad vim illam, qua luna ad planum eclipticæ perpetuo trahitur, a posteriori cognoscendam.

Caput denique *sextum* occupatur in determinando motu puncti liberi, & quidem in medio resistente. Eodem vero modo, quo *Caput* præcedens, dividitur in duas partes principales, quarum prima eos inotus examinat, in quibus semita & vires sollicitantes existunt in eodem plano, altera eos, ubi vires & semita, seu trajectory, existunt in planis diversis. Rursus primo loco virium directiones ponuntur inter se parallelæ, seu ad punctum infinite distans convergentes, deinceps considerantur ut concurrentes in uno puncto, seu virium centro. Ex quibus facile patet, amplissimum hic campum

pum Cel. Autori pandi rerum subtilissimarum & difficilium. Ordo ipsius tractationis idem est, qui *Capite quinto*. Igitur initium sit ab eo, ut, datis potentiis absolutis, & medii resistentia, eruatur curva, seu semita, quam corpus trajecit. Id quidem efficere generaliter docetur; attamen, cum ea resistentiæ hypothesis, quæ sequitur quadratum celeritatis corporis moti, in rerum natura primario locum habeat, eam præcipue in computum ducit Cel. Autor. Atque sic solum dedit Problema istud, quod Cel. *Jo. Bernoullio* proposuerat *Keilius*, ipse quidem solutionis haud compos, de trajectory corporum projectorum in medio uniformi, quod resistit in duplicata, vel, si mavis, in quacunque multiplicata, ratione celeritatum, cujus solutiones, a summo Viro, & a Cel. *Hermanno* quoque, datæ, comparuerunt in *Actis nostris A. 1719 Mens. Maj. pag. 216 seq. & Mens. Aug. pag. 358 seq.* Quoniam densitas aeris nostri in distantis non adeo magnis spectari potest ut uniformis, & resistentia aeris pariter est ut quadratum celeritatis, sequitur, ut hac ratione vera trajectory, e. g. globi tormento explosi, inventa sit, quæ in vacuo esset parabola ordinaria, ut constat. Interim, quod maxime dolendum, æquatio pro vera trajectory nimis est implicata, nec ad praxin commode adhiberi potest. Porro, quoniam *Hugenio* & *Newtono* consideratæ sunt semitæ, quas corpora in ea hypothesis describunt, qua resistentia ponitur ut celeritas simpliciter, Noster quoque illud Problema expedit. Ceterum hypothesis pure est mathematica, nec ullus ipsi in rerum natura locus. Quo facto, progreditur ad Problemata quædam inversa, quibus determinat resistentiam, qua efficitur, ut corpus in hypothesis vis uniformis & deorsum tendentis datam curvam describat, qua in re jam olim occupati fuerunt *Newtonus*, & *Jo. Bernoullius* in his *Actis A. 1713 Mens. Febr. pag. 77 seq.* Theoriam autem applicat maxime ad circulum & hyperbolam, cum ex curvæ a dictis Geometris maxime fuerint examini subjectæ. Missa deinceps potentiæ uniformis hypothesis, progreditur ad vires variabiles, quarum tamen directiones semper sibi sint parallelæ. In eo itaque est, ut, data potentia absoluta utcunque

variabili, investiget legem resistentiæ, requisitam ad hoc, ut corpus in data curva moveatur; vel etiam, data curva, & resistentia, inquirat in legem potentiæ sollicitantis. Cum hoc Problema ad resistentiæ hypothesein juxta quadratum celeritatis applicaret, reperit, si in aere projiciatur ingenti vi globus valde gravis, pro projectoria seu semita hujusce corporis, vero quam proxime, assumi posse curvam, cujus æquatio algebraica hanc habet formam: $y = ax -$

$$\frac{g(1+a^2)x^2}{4b} - \frac{g(1+a^2)^2 x^3}{12bc}, \text{ ex qua deinceps}$$

omnia deduxit, quæ ad jactus spectant, ubi cumprimis notari debet, angulum inclinationis pro jactu longissimo non prorsus inveniri semirectum, ut in hypothesei vacui, sed aliquanto minorem. Hisce expeditis, Cel. Autor ad eam hypothesein progreditur, ubi directiones virium sollicitantium non amplius sibi sunt parallelæ, sed in centro aliquo concurrunt, & plura Problemata solvit, eo pertinentia. E. g. *Propositio 121* est hæc: Posita vi centripeta, ut potestas quæcunque distantiarum a centro, & corpore moto in medio uniformi, quod resistat in ratione duplicata celeritatum; determinare curvam, a corpore descriptam, motumque corporis in ea. In *Propositione 123* & *124* ex data curva, & resistentiæ lege, investigatur vis centripeta. In primis *pag. 448* — *450* leges virium exponuntur, ad id requisitæ, ut corpus moveatur in spirali logarithmica in medio quocunque resistente. Deinceps quoque ex data curvâ & lege resistentiæ inquiritur in resistentiam; item *Propositione 126* ex data curva, & velocitati angulari corporis circa centrum virium, invenire vim centripetam & resistentiam in singulis locis. Plura vero centra virium in hoc *Capite* non considerantur, cum in vacuo quoque vix quidquam pro eo casu ad motum determinandum deduci potuerit. Loco vero hujus in *Propositione 128* proponitur casus latissime patens, in quo omnes motus, qui

qui sunt in eodem plano, comprehenduntur. Cum scilicet potentiz quævis, in eodem plano dispositæ, resolvi possint in duas alias, quarum directiones sibi invicem sint normales, solvitur Problema sequens: Si corpus a duabus viribus sollicitatur, quarum directiones sint ad se invicem rectæ, determinare curvam, quam corpus in medio quocunque resistente ab his potentiis sollicitatum describet. Hac occasione adhuc eximia quædam Nostro observata sunt, circa vires centripetas in vacuo, quæ quidem in præcedentibus difficulter patuissent. Tandem a *Propositione* 130 usque ad finem *Capitis* examinantur motus a potentiis non in eodem plano factis, & quidem in medio resistente. Quæ quidem materia quam sit abstrusæ indaginis, cuilibet patebit intelligenti. Hic vero nos subsistimus; quis enim singula attingat, aut enumeret, tanta rerum pulcherrimarum copia obrutus? Ceterum, quæ de *Tomo Operis secundo* dicenda nobis erunt, inferentur *Mensi* proximo.

THE MODERN THEORY AND PRACTICE
of Physik, &c.
h. e.

NOSTRI TEMPORIS THEORIA ET PRAXIS
medica, qua antecedentes morborum causæ, cum solennium symptomatum, quæ his accidunt, ortu, & vera curandi methodus, explicantur secundum præstabilitas naturæ & animalis æconomiz leges, cum Chimica urine analysi, & statico sanguinis examine, per omnes status morborum, in quibus sanguis secure evacuari potuit;
Autore BROWNE LANGRISH, Medicorum Londinensium Collega, & Regiæ Societatis Socio.

Londini, typis A. Pettesworth & C. Hitch, 1735, 8.

Alph. 1 plag. 2.

Februm historiam recenset elegans libellus, eamque juxta hodiernam demonstrandi methodum exequitur. A febris acutis

acutis continuis dicendi sit initium, quarum ortus & progressus judicatur ad normam axiomatum, quæ pro declaratis habentur ab omnibus. Supponitur, corpus animale esse machinam, varîæ directionis vasorum compage constructam, cujus errores vel a materia læsa, vel a motu vitiato, fiunt. Causæ morbificæ vel texturam & figuram fluidorum, vel totum partium solidarum, intendendo vel relaxando, inveniunt, & suæ existentiz vel effectus signa diagnostica exhibent. Tales febrium acutarum causæ ex remotioribus sunt aer temporumque anni mutationes, neque saltem sua temperie, sed & heterogenearum partium luxurie, corporibus athinosphæricis nocet aer. Qui effectus si in barometris, thermometri, hygroscopis, clarus est, cur tubos chordasque corporum viventium intactas relinqueret? Acutas hinc febres æstatis sicca temperie oriri, & *Hippocrates* testatur, & quotidiana loquitur experientia. Perniciosa illa aeris temperies est, dum fibras corporum crispas, humoresque hoc ipso subigit, hinc eosdem inspissat & extenuat. Calor sanguinis naturalis nonaginta gradus æquat, adeoque, si hunc superaverit calor externus, cum corruptione humorum id sine dubio fieri debet. Frigidissima aeris conditio non leviores turbas movet, transpirationem insensibilem sufflaminando, & coagulum inducendo humoribus, unde febrium causa, & frigus, esse solet. Nec venti generi humano parcunt, sed aerem variis tenebris effluviis gravem appellant corporibus, quorum cutis sat patula est, quo aliquid ex sulphureis aeris particulis subire, & morificam vim inferre, possit. Aqua inter causas febrium proximum agnoscit locum, cujus puritatis gradus a specifica ejus gravitate metiri solemus. Hinc, nisi levissima fuerit, pellucida, insipida, & inodora, si vitium passa fuerit a putredine, effluviis terrestribus, sanguinis massam miris perturbationibus movet. Tertia externarum febris causarum allegatur cibi potusque intemperantia. Ex omnibus autem cibis, pravo selectu appetitis, illi febres maxime alunt, qui acidis, alcalinis, viscidisque cruditatibus occasionem præbent. Animales cibi potissimum sanguinem inflammabili sui parte com-

complant, & ad igneos motus disponunt. Hinc instinctu quodam carnes salibus acidoque succo quodam vegetabili corrigimus figimusque. Multo magis nocent pocula & ebrietas. Motus corporis, si modum exceſſerit, humores ad violentos motus excitat, sicut & solennium evacuationum errores id ipsum perficere solent. Symptomota febrium acutarum recensentur ad mensuram proportionis inter solida & fluida læsæ. Quem in finem recensentur experimenta, quibus cognitum fuit, quantum lymphæ in definita parte quadam animali insit. Febres, calore aucto, fermentatitios sanguinis motus augent, & humorum falia, quæ sui generis & neutra secundum naturam esse debent, alcalino statui propius admovent. Unde, perdurante æstu sanguinis, fluiditas in oppositum consistentiæ vel lentoris statum transit. Operosus fuit Cl. Autor in instituen- do sanguinis examine, quemcunque in diverso morbi statu se- cure obtinere secta vena potuit. Idius sanguinis serum & cruo- rem seorsim balance æstimavit; co hæsi onem globulorum in san- guine definivit tubo, in quo gradus denotati fuerunt, cui insu- sum sanguinis crassamentum, prout subsidebat plus vel minus, designabat, quo gradus ejus esset cohæsi o. Hinc in Tabulam coniecit ægri ætatem, diem morbi, symptomata, quantitatem sanguinis evacuati, feri quantitatem, feri saporem & colorem, colorem & consistentiam sedimenti, quo die crisis facta fuerit:

Ætas.	Dies mor- bi.	Symptoma- ta.	San- guls.	Se- rum.	Color & Sapor Se- ri.	Col. & Con- sistent. cras- samenti.	Crisis & Cri- tesos dies.
Vir An. 45.	2 d.	Calor, sitis, vomitus, cephalalgia, u- rina limpida.	3xiii,	3ij3ij 3j	Luteus, subsal- sus.	Floridus, subtilivids, cohæsi onis grad. 34.	Septimo die urina turbi- da & sudori- bus.
Mulier An. 32.	3	Pulsus ma- gnus, cepha- lalgia, deli- rium.	3xiv, 3j	3ij 3v 3ij	Insipi- dus pal- lido co- lore.	Perquam floridus, co- hæsi onis 26 grad.	Nono die copioso su- dore, & uri- naturbida.
Puer An. 10.	4	Pulsus celer, plenus, lin- gua fusca, in ambitu alba, urina colo- rata.	3vj 3ij gr. xii.	3j 3ij 3j-	Color flamme- us, sapor saluigi- nosus.	Vivus co- lor, cohæ- si onis grad. 23.	Ostavo & nono die su- doribus, uri- na, & deje- cti onibus al- vinis.

Cura

Cura februm absolvitur tum aliis nobilissimis remediis, tum sanguinis evacuationibus. Examinatur potissimum venæ jugularis sectio, cujus & antiquitatem & securitatem jam demonstravit *Freindius*, & argumentis evicit, nullo alio remedio efficacius revelli abundantem in cerebro ejusdemque membranis sanguinem, quam isthac venæ sectione, unde in deliriis magno semper fuit auxilio. Februm intermittentium historia eodem modo recensetur. Causarum antecedentium series constituitur secundum tabulam sex rerum non naturalium. Symptomata, vomitus, difficilis respiratio, sitis, pervigilium, delirium, recensentur & examinantur, & quid intermittentes cum continuis quandoque commune habeant, exponitur, sanguis descripta methodo in tabulam conjicitur, cura adornatur, quæ, præter alia consueta, absolvi dicitur vesicatoriis. Corticis Peruviani usus cum cautela administratur, evacuantia cum alterantibus permutantur. Hæcticæ febris ultimo loco examen instituitur. Hujus causæ procatacticæ allegantur evacuationes solennes auctæ, sudores, hæmorrhagiæ, ulcera partium vitalium. Hinc phthisici vel tabe consumti potissimum dicuntur illi, qui ulcerum in pulmonibus labe tacti sunt. Commendantur post plura alia aquæ chalybeatæ. Distinguuntur ab hæcticis malignæ, quas nervosas per Angliam Medici appellare solent. Harum causæ, symptomata, cura, eadem, quæ cetera omnia, felicitate traduntur.

ESSAY PHYSIQUE SUR L'OECONOMIE

animale, &c.

h. e.

TENTAMEN PHYSICUM DE OECONOMIA animali, Autore FRANCISCO QUESNAIO, Magistro Artis, Chirurgo in S. Cosmæ Nosocomio, Collega Academiæ Artium, atque item Academiæ Scientiarum & meliorum literarum Lugdunensis; Ducis de Villa regali Chirurgo.

Parisiis,

Parisiis, apud Guilielmum Cavalierum, 1736, 12.

Plag. 17.

Breviter quidem, sed concinne admodum & bono ordine, doctissimus Autor doctrinam de œconomia animali exposuit. Et, quamvis methodum eam sit secutus, quæ alias in *Galenicorum* Medicorum institutionibus observatur, non tamen, ipsorum more, de iis rebus, quæ ad corpus humanum pertinent, disputavit, atque obsoleta placita repetiit, sed, quicquid novissimis temporibus præclare inventum, & publice propositum, a Physiologis fuit, id omne usibus suis egregie accommodavit. In *tria* summa *Capita* libellum dividit, quorum *primum* de elementis, *alterum* de humoribus, *tertium* de partibus solidis, agit. *Capite primo*, elementorum nomen, præ aliis rebus quibuslibet, quatuor illis elementis, ab *Aristotele* definitis, tribuendum, iisdem vero oleum & sal addenda esse, contendit, ut adeo sex elementa numeret, ex iisque duo activa, aerem & ignem, & quatuor passiva, aquam, terram, oleum, & sal. Motus vero præcipuos, quibus elementa hæc in corporibus mixtis inter se agunt, quinque recenset, motum scilicet caloris, electricitatis, vasorum, fermentationis, & putrefactionis. Quo quidem loco per electricitatem, sive vim electricam, intelligit eam ipsorum indolem, qua particulae elementi cujusdam cum particulis alterius cujusdam elementi lubentissime, & quasi selectu quodam habito, non itidem vero cum reliquorum elementorum particulis, unire se & conjungere conantur; quemadmodum id videmus in sale lixivioso, e cineribus extracto, quod semper attrahere videtur particulas aereas, in eodem conclavi per aerem dispersas. Postea singulorum sex elementorum naturam, proprietates, attributa, effectus, & quæ porro ad ea explicanda pertinere videbantur, fusius persequitur. *Alterum Caput*, quo naturam humorum corporis humani exponere constituit, doctrina de digestionem exorditur, post hæc in lac & chylum inquit, humores, ex quibus universa sanguinis massa constat, sub examen revocat, illosque in succos albuminosos,

S

pin-

pinguedinem, succos gelatinosos, succos biliosos, & humorem aquosum, dividit, eosdem vero satis commode ad quatuor illos veterum humores reduci posse existimat. Hos propterea nunc seorsum excutit, & de sanguine strictim ita dicto, de humore bilioso, melancholico, & pituitoso, agit. Porro lympham utriusque generis fibrosam & globulosam, ut a *Barbaavio* vocatur, & denique succum nutritium, perquirat. Hinc & quantitatem talium humorum in ratione ad partes solidas ad calculum revocat, eosque circiter $\frac{1}{2}$ massæ corporis efficere contendit. Ad extremum de recrementis atque excrementis disserit. *Capite tertio* partium solidarum structuram ab initio sistit, & non solum vasa sanguinea, ut arterias, venas, & fibras sanguineas, verum etiam vasa exsanguia, ut vasa chylosa, lymphatica, nervos, vasa secretoria, & excretoria, pertractat. Ab his ad principium vitale progreditur, illudque cum de tono & elatere fibrarum, tum de spirituum animalium impulsu, explicat. Quibus vero functionibus partes solidæ destinantur, posthæc disquirat, maxime tamen sanguinis circulum, secretiones, atque nutritionem, explanans. Denique in describendis & discernendis temperamentis varii generis, simplicibus æque, ac vario modo mixtis, multum diligenterque laborat; quæ discrimina utinam semper tam accurate ad corpus humanum applicare liceret! Fuit hæc summa libelli, quo omnem æconomiz animalis ambitum comprehendendi, doctissimus Autor sibi persuasit. In calce ejus sermo de theoria atque praxi medica accessit.

ANONYMI MERCURIUS IN SOLE OBSERVATUS
*e Specula Astronomica Collegii Academici Societatis
 Jesu Viennæ Austriae d. 11 Novembris*

Anni 1736.

Ordo

Ordo ob- servatio- num.	Tempus verum.			OBSERVATIONES.	Altitudines & distantia visæ.		
	H.	M.	S.		G.	M.	S.
1	22	29	19	Ingressus notabilis ☿ in discum ☉.			
		30	58	Totus in ☉ conspicitur.			
		48	1	Altitudo Limbi sup. ☉.	22	35	0
2	23	6	42	Alt. ☿.	22	26	13
		9	28	Distantia ☿ a proximo Limbo ☉.	1	28	
		16	36	Eadem.	1	32	
3				Alt. Limb. sup. ☉.	23	47	0
		19	37	Alt. ☿.	23	40	38
		26	54	Dist. ☿ a Limbo ☉.	1	56	
4				Alt. Limb. sup. ☉.	24	6	0
				Alt. ☿.	24	0	29
		31	42	Dist. ☿ a Limb. ☉.	2	10	
5		54	54	Eadem.	2	25	
		58	51	Limbus occidentalis ☉ culminat.			
				Alt. Limb. sup. ☉.	24	28	52
6	0	0	19	☿ culminat.	24	25	44
		11	5	Dist. ☿ a Limb. ☉.	2	18	
		30	49	Eadem.	1	41	
7		35	25	Alt. Limb. sup. ☉.	24	1	0
				Alt. ☿.	23	59	25
				Dist. ☿ a Limbo proximo, qui fuit superior.	1	35	
8		48	59	Dist. ☿ a Limb. ☉.			
		5	0	☿ postremum trans nebulas conspicuus.	1	10	
		14	15	Aliquæ maculæ solares apparebant sine ☿.			
		18	0	Maculæ Solares clare visæ; nulum tamen vestigium.			

Schema Mercurii in Sole visi *Tabula II*, huic *Mensi* additæ, *Figura 3* TAB. II
exhibet. Fig. 3.

EJUSDEM TRANSITUS LUNÆ SUPRA γ 8, SEU PRIMAM SUCULARUM in naribus Tauri, Viennæ observatus nocte sequente diem 18 Novembris A. 1736.

Ordo ob- servatio- num.	Tempus verum.			OBSERVATIONES.	Altitudines & distantia visa.		
	H.	M.	S.		G.	M.	S.
1	11	24	1	Distantia stellæ γ & a proximo Limbo D.	46	22	
		41	36	Altitudo Limbi inferioris D. In linea perpendiculari fuerunt Manilius, & Aristoteles.	55	52	57
				Alt. * γ &.	55	30	0
		51	43	Eadem.	56	0	0
		52	36	Alt. Limb. inf. D.	56	22	57
				Alt. * γ &.	56	2	10
2	12	4	36	Dist. * γ & a Limbo D.	35	57	
3		18	31	Eadem.	32	32	
		23	11	Limbus occidentalis D culminat. In linea perpendiculari fuerunt Promontorium acutum, & Possidonius.			
				Diameter D apparet.	30	52	
				Alt. Limbi inferioris D.	27	0	55
				Dist. Tychonis } a limbo proxi-		3	43
				Procli } mo D.		3	27
				Platonis }		4	41
		26	37	* γ & culminat.	56	44	54
		42	34	Aldebaran culminat.	57	44	39
4	13	14	55	Dist. * γ & a Limb. D.	23	25	
	14	30	56	— — —	27	55	
6		35	8	— — —	28	47	
7		40	58	— — —	30	2	
8		44	57	— — —	30	48	
9		52	10	— — —	32	32	
	15	24	29	Alt. Limb. infer. D. In linea perpendiculari fuerunt Langrenus, & Aristillus.	41	17	22
				Alt. * γ &.	40	36	35
				Dist. * γ & a proximo Limb. D qui fuit inferior.	40	47	

Ad

Ad Observationes adhibiti sunt tubi 6 & 12 pedum. Quadrantis radius est 4 pedum. Semita $\frac{1}{2}$ tam micrometro, quam camera obscura, inventa est.

EJUSDEM MERCURIUS TRANSIENS PER
discum Solis, in eoque culminans, Viennæ,
die 11 Novembris A. 1736.

Insignis hujus rarique Phænomeni tres solummodo phases hic apponuntur, singulæ præ reliquis magis idoneæ ad usum Geographicum & Astronomicum: nimirum

Mercurii { Apparens appulsus ad discum,
Culminatio in transitu per discum, } *Solis.*
Egressus a disco,

TAB. II
Fig. 4.

Sol quidem tenui caligine obductus erat, & quandoque nubeculis: sat clare tamen conspicuus.

Temp. ver. a. m.
b. / //

10. 29. 7. $\frac{1}{2}$ apparere incipit, sub ped. 8 & ped. 6,
locus ejus visus in A. instar nec non catadioptr.
foveolæ vel crenæ, Limbo ped. 3.
Solis incisæ.

G. / //

Declinatio $\frac{1}{2}$ a Limbo Solis Australi. 26 : 30
Distantia a Limbo subsequente orientali. 5' : 52
Altitudo visa quadrante ped. 7. 21' : 20'
Solis Limb. infer. 21' : —

31 — $\frac{1}{2}$ totus in disco Solis instar maculæ nigrioris aliis, quæ aderant, oblongæ, deinde paulo post rotundæ.

Additum est Schema in Tabula II Fig. 5.
Quadrante fixo, cujus radius pedum 9.

TAB. II
Fig. 5.

Temp.

Temp. ver. a. m.

h.			Alt. vis. Grad.		
II.	58.	51.	Limb. Solis præced. ad Meridianum	—	24. 29. Limb. sup.
	59.	1.	Macula prima	—	24. 12.
	59.	33.	secunda	—	24. 7.
	59.	55.	tertia	—	24. 6.
p.m.	0.	18.	quarta	—	24. 16.
	0.	19.	☿ culminans in C	—	24. 26.
	0.	35.	Macula quinta	—	24. 17.
	0.	56.	sexta	—	24. 13.
	1.	5.	septima	—	24. 15. 30.
	1.	9.	Limb. Solis sequens	—	24. 56. 30. Limb. inf.

Distantia Mercurii culmin. a centro Solis 13. 46.

Diameter æstimari potuit 15.

Mercurius paulo ante suum egressum occultatur a nubibus, quibus rarefcentibus, iterum apparet, exilis tamen & vix conspicuus. Vid. Tab. II Fig. 6.

I. 10. 4. ☿ ad Limb. ☆ Boreal. in B.

Altitudo ☿ Gr. 22. 31.

☆ Limb. super. 22. 32.

II. 11. Egressus ☿ a disco ☆

13. 5. Prorsus evanescit.

H.

Duratio transitus ab ingressu ad culminationem I. 31. 12.

a culminatione ad egressum I. 12. 46.

integra duratio 2. 43. 58.

DEGLI ANTICHI TEATRI E ANFITEATRI

Lettere due critiche, &c.

h. e.

DE ANTIQUORUM THEATRIS ET AMPHITHEATRIS Epistole due critiche, altera Marchio-

TAB. II
Fig. 6.

chionis JOANNIS POLENII, publici in Aca-
demia Patavina Professoris Mathematicum, altera
Comitis JOANNIS MON-
TENARI.

Vicentiz, sine mentione Typographi, 1735. 8.
 Plag. 3.

Cel. *Polenius* in Epistola ad Nobilem Venetum, *Ludovicum Sale*, controversas quasdam, & Virum Illustrissimum, *Joannem Montenari*, spectantes, quæstiones, de forma & architectura antiquorum Amphitheatrorum, agitat. Occasionem convertendi dederat eruditus *Andrea Palladii* de Theatro Olympico liber, Vicentiz, cura Ill. *Montenari*, editus. Impugnat doctissimus Editor propositionem: *Theatra antiqua, lapidibus structa, circularis circumquaque fuerunt forma.* Ut negaret circula rem Theatrorum formam, inductus eo in priniis fuit, quod Theatri & Amphitheatri nomina promiscue usurpata fuerint ab antiquis. Provocat ad locum *Plinii Lib. XXXVI Cap. 13*, quo Amphitheatrum *Pompejanum* Theatrum fuisse asseritur. Suspectam habet lectionem *Polenius*, & ex Codice MSto omis sam *Pompejani Amphitheatri* dictionem adducit, id quod duobus retro Seculis jam a *Philandro*, *Vitruvii* editore, animadversum fuisse allegatur. Ex *Dione Cassio* Ill. *Montenari* porro, Theatrum & Amphitheatrum fuisse unum idemque, asserit, allegante, *Casarem* venatorium theatrum ligno exstruxisse, quod etiam Amphitheatrum nominatum fuerit, eo quod sedilia circumquaque fuerint sine scena. Regerit Cel. *Polenius*, locum non pugnare contra Theatrorum & Amphitheatrorum diversitatem, quandoquidem non simpliciter dicatur in allegato loco de theatro, sed de theatro venatorio, quod longe aliam a consuetis fabricam habere potuerit. Ill. *Montenari* theatris semicircularem saltem figuram largitur, qua orchestram respiciebat, sed rectilineam, qua scenam & pulpitum. Provocat ad *Vitruvium*, cujus magna sit in rebus architectonicis autoritas; sed negat *Polenius*, *Vitruvium* de semicirculari

TAB. II
Fig. 7.

lari forma locutum esse. Adducuntur testimonia principum in Architectura antiqua Virorum, *Baptiste Alberti* de re ædificatoria *Lib. VIII*, quo, itidemque *Philandro*, annotante, non nisi quarta totius cycli, qui theatrum dimittebatur, pars linea recta præscissa fuit. Hinc tertia enasci videtur sententia, nec circularem, nec semicircularem, sed inter utramque mediam, fuisse Theatrorum vel Amphitheatrorum formam. Ill. *Cômes Montenari* ad objectiones respondet literis, ad *Jacobum Fabium Tienne* datis, negans, sibi Theatrum & Amphitheatrum esse unum idemque, si specialius titulum accipias; sed, in genere theatrum *ἀπὸ τῆς Σελῆς*, a circumspiciendo, esse, omnem locum, amphitheatrum, circum, nau-machium, aliudve spectaculum, ex quo populus ludos adspicit, affirmans. Adhæc, sicut largitur, ab epithetis adjunctis, *venatorii, circularis, habentis sedilia ab omni parte*, demum theatri specialem indolem perspicere, clariusque intelligi posse, ita, quod figuram theatrorum circularem vel semicircularem attinet, in sententia permanet, alia, quam qua penes *Vitruvium* descripta habentur, figura non existisse theatra. Ast, cum ex omnibus dictis *Vitruvii* de circulari perfecta eorundem structura nihil clare intelligi possit, quin de rectis lineis, circulum aliqua sui parte secantibus, diserte agatur, nondum discedit a sententia, & autoritates, a *Polenio* adductas, recentium, antiqua theatra depingentium, suspectas habet, nec ab ipso datum admittit, cum in isto nec porticus, nec chorus, nec scena, nec alia loca, collocari potuerint. Amica hæc est, & tantis viris digna, disceptatio, ita plane comparata, ut magnum inde & rei literariæ commodum, & eruditorum per Italiam famæ augmentum, accedat.

Memores promissi nostri, in Præfatione ad Actorum nostrorum Annum 1737 dati, Mensis hujus Partes faciemus duas, ita duplo majorem, quam alias consuevimus, librorum numerum uno Mense complexuri. Eundem nos modum, prospiciendi bonis literis, & Lectorum desiderium explendi, in posterum tenebimus, effecturi hac ratione, ut, quæ satis per se bona sunt, studioque nostro digna, ipsa etiam, quam olim parum nos curare videbamur, placere novitate possint.

NOVA ACTA ERUDITORUM,

publicata Lipsiæ

Calendis Martii Anno MDCCXXXVIII.

Pars II.

SUPERSTITIONS ANCIENNES ET MODERNES, &c.

h. e.

SUPERSTITIONES ANTIQUÆ ET HODIERNÆ, sive præjudicata vulgi opiniones, quæ induxerunt populos ad actus & consuetudines religioni adversas.

Tomus I.

Amstelodami, apud Jo. Frid. Bernard, 1733, fol.

Alph. 4 plag. 5, Tabb. 2n. 7.

Priori hoc Tomo comprehensi dantur duo libri, qui olim amatores invenerunt. Jo. Bapt. Thierssi de Superstitionibus liber, qui prodierat Parisiis A. 1679, recusum in eadem urbe A. 1697, innumeram prope multitudinem superstitionum popularium recenset, profanarum imprimis & gentilium, quas deinde graviter reprehendit. Posteriori editioni addiderat etiam superstitiones ritus circa sacramenta & ceremonias ecclesiæ: quem libellum, si hoc Opus lectores inveniat, & ipsum luci redditurum se, promittit Editor. Alteram hujus Operis partem facit Petri le Brun Historia critica actuum superstitionum, qui errores populis, difficultates eruditis, objecerunt, edita primum A. 1702 Rothomagi, (quanquam Parisios titulus habet,) ac nuper admodum A. 1732 Parisiis recusa, ita quidem

T

aucta,

aucta, ut p̄ne nova possit videri, adjectis Opusculis etiam aliis, ad eandem quæstionem pertinentibus. Cum in *Thiersii* libro plane nihil mutatum sit, de hoc inprimis, quæ accesserint nimirum, videbimus. In fronte habetur elogium Autoris, unde summa capita decerpemus. Natus est *Petrus le Brun* Brignolii (â *Brignolle*), quæ urbs est dioceseos Aquiseptiensis d. 11 Jun. A. 1661. Congregationem Oratorii ingressus A. 1678, Theologiæ operam dedit Massiliæ ac Tolosæ, Philosophiam docuit apud Telonem Martium, tum Gratianopoli. Ab anno autem inde 1690 ad finem usque vitæ vixit in Seminario S. Maglorii Parisiensi. Historiæ præsertim ecclesiasticæ studio fuit deditissimus, doctores in ea re secutus R. R. P. P. *Thomassinum* & *Bordium*. Jam A. 1689 nata est occasio libro, cujus novam editionem indicamus, consulente Autorem nostrum Cardinale *Camusso*, Gratianopolitano Episcopo, de consuetudine per Delphinatum recepta, aquas, metalla, mineralia, terminales lapides, furta, fures, &c. investigandi ope virgulæ bifurcæ, quæ versus ea, quæ nominavimus, inclinari dicitur. Hinc Epistolæ aliquot natæ ipsi & *Mallebranchio*, quicum ea de re disputabat. Accessit nobile illud *Jacobi Aymari* factum, qui A. 1692 illa ipsa virgulæ inclinatione & flexu detexisse dicebatur fures & homicidas quosdam, eaque re campum disputationibus Philosophorum Theologorumque aperuerat. Hic scripsit *Brunus* noster *errores Philosophorum circa virgulam divinatoriam* (*illusions des Philosophes sur la baguette*), docuitque contra *Vallemontium*, & quos ille Autores habebat, flexum illum atque inclinationem non esse a legibus illis, quibus communicatur motus, sed vel hominum fraude, vel mali arte dæmonis, effici, ita tamen, ut ad posterius illud aliquantum propensior esse videretur; qua in re ipsum confirmavit, quod in duabus virginibus observaverat. Hæ cum tractassent aliquamdiu cum admirabili successu hanc rhabdomantiam, ipso autore precibus solennibus a Deo petierunt, ut, si dæmoniæcum opus esset motus ille versatioque virgulæ, tum illam suo nutu atque numine impediret: atque post illas preces periculo artis, quam

quam alias callebant, facto, nihil sibi respondere observarunt. Quod utrum argumentum exceptione majus sit, unde appareat, partes in illa fabula malorum geniorum esse, alii viderint. Quæ per hanc occasionem scripta a *Bruno* & ab aliis sint, copiose hic refertur, itemque quæ de *fabularum scenicarum historia*, & *ecclesiæ de iis judicio*, tum A. 1694, tum 1731, *Bruno* Autore edita, & ab aliis impugnata sunt. Quod Historiæ Ecclesiasticæ studiosum fuisse diximus, ad illud etiam pertinet, quod A. 1700 edidit *Tentamen conciliandorum temporum* (*Essai de la concordance des temps*), sed intra tentamen illud, magno licet applausu exceptum, res substitit, cum oculorum imbecillitas virum ab id genus labore, qui in numeris & rationibus chronologicis totus versaretur, revocaret. Farraginem observationum, silvam futuri operis, cum testamento legasset Viro ecclesiastico, in alias inde manus ea pervenit. Ab anno inde 1714 magno studio, nec minore felicitate, cum adjuvaret ipsius gratia, qua florebat apud regios externarum rerum administratos, collegit ex omnibus Christiani orbis partibus magnam vim Liturgiarum & observationum, ad eam rem pertinentium: de quibus cum *Volume* X edere constituisset, non nisi *quatuor* dare, morte præventus, potuit. Materiam operis cum legaverit suis ad *S. Maglerium* sodalibus, spes est, præclarum Opus continuatum iri, cujus historia, & exortæ circa illud disputationes, factis illæ quidem acres, in hoc elogio *Bruni* nostri explicantur, quibus immortalis est Vir doctus, honestus, modestus idem, & amicis jucundus pariter ac fidelis, d. 6 Jan. A. 1729, relictis multis industriæ suæ monumentis, quæ luci publicæ præparabat, in quibus sunt Dissertatiunculæ de rebus historicis & chronologicis complures, judicio acri conscriptæ: itemque in illud, quod *Formularium* vocant, Commentarius plane egregius, & summo studio elaboratus, in quo conciliare imprimis, salva tamen ecclesiæ autoritate, studet, quæ pugnare inter se videntur. Sed redimus ad Operis, quod annuntiamus, rationem. Cum illud, uti diximus, A. 1702 prodiiisset, magno eruditissimarum societatum & hominum plausu exceptum

ceptum est, quorum pluscula elogia in ipsa fronte libri posita sunt. Ea res movit Autorem, ut amplificatum quibusdam rebus edere constituerit. Novæ itaque editionis liber primus agit de discernendis naturalibus effectibus ab his, qui non sunt naturales. Illud primum difficile esse ostendit, cum veteres Philosophi vel Physicam cum religione miscuerint, vel corporis & spiritus distinctionem parum intellexerint. Alii magnam omnis generis historiarum vim congersere, parum solliciti, utrum probari possent, nec ne. Itaque nihil novi est, ab aliis proferri fabulas, ab aliis, quod nusquam factum est, neque fieri forte potest, quomodo factum sit, ambiciose demonstrari. Hic silvam ejusmodi errorum proponit *Brunus*, in quibus origines ipsas persequitur, tum principia indicat necessaria, quibus usus aliquis, naturales effectus ab his, qui naturales non sunt, discernere possit. Sed non ista sola disputatione auctior est liber *Bruni* nostri. Accessit, præter alia, hinc inde adjecta, historia critica superstitionum rituum atque actionum, quibus *S. Hubertum* prosequuntur quidam, quarumque beneficio a furoris morbo se tutos putant: qua occasione, præter alia scitu jucunda, etiam historia Equitum *S. Huberti* inseritur. Tribuitur vulgo his Equitibus cœleste munus sanandi eos, qui a canibus rabiosis morssi fuerint. Sed non minus illud in dubium revocat *Brunus*, quam Regum Angliæ facultatem strumas tactu sanandi, cum contra Gallicorum Regum illa virtus ipsa antiquitate venerabilior sit. Plura etiam additurus fuerat libro suo *Brunus*, nisi impedimenta quædam, & mors denique ipsa, conatus egregios intercepissent. Repertus est in scriniis ipsius iustus de Sortilegio liber, itemque *Beckeriani* Mundi fascinati refutatio perpetua, ac de cognoscendæ veritatis variis remediis (intellige, superstitionis): quorum omnium proferendorum spem aliquam ostendit, qui Parisiensem editionem procuravit. Ne quid deesset Operi huic, additæ sunt etiam tum Auctoris ipsius, tum aliorum Dissertationes, Epistolæ, Commentariola, ad argumentum hoc pertinentia. Illud quidem de toto Opere confirmare nihil dubitamus, esse in illo plurima curiositate hominum dignissima, quæque haud paulo utilio-

rem

rem animi oblectandi & fallendi otii materiem suppeditare, quam canoræ quædam nugæ, quibus onerantur bibliopolia, possint. Finimus in considerata, ut nobis videtur, & vera Academia regis Scientiarum de *Bruni* libro sententia, qua statuit, actus in illo reprehensos aut ineras esse hominum imposturas, aut ad naturales rationes referri non posse, *siquidem facta ipsa, quæ narrantur, vera sint, de quibus quidem cognoscere ut ipsa Academia suum esse negat*, ita multo minus nos possumus.

ANNALI SACRI DELLA CITTA' DI COMO, &c.

h. e.

ANNALES SACRI CIVITATIS COMI, CONSCRIPTI a PRIMO LUDOVICO TATTI, Clerico Regulari Congregationis Somaſcensis; distributi in *Decades tres, quarum ultimam recognovit, ad examen revocavit, correxit, & variis Observationibus, nec non Indice copioso, locupletavit, JOSEPH. MARIA STAMPA, ejusdem Congregationis Sacerdos.*

Tom. III.

Tom. I Comi, apud hæredes Nic. Caprani, 1663, Alph. 5 plag. 18;

Tom. II Mediolani, apud Jo. Bapt. Ferrarium, 1683, Alph. 5 plag. 15, Tom. III ibid. apud Carol. Joseph. Gallum,

1734, Alph. 5 plag. 3, in 4.

Insigne hoc, atque e multis Scriptoribus, quos in Præfatione & peculiari Indice adjecto legimus, collectum Opus, sed ob varias rationes, ibidem allegatas, elaboratu valde difficile, Autor diligentissimus in *tres Decades* partitus est. In *prima* historiam Ecclesiasticam præcipue, ac civilem simul, urbis illius, omniaque, quæ ab ejus fundatione, intra octingentos octoginta & octo annos, & sic novem fere Secula, evenere, *decem Libris* complectitur. In his originem civitatis hujus, & statum tempore paganismi, dein veram religionem in ea instauratam, persecutiones varias sub Cæsarium Romanorum imperio, Pontificum Constitutiones sacras & ecclesiasticas, templa, monasteria, collegia, nosocomia, urbis ac diocæ-

seos illius, Sanctorum Comensium, de quorum copia gloriatur, vitas, inprimis vero Episcoporum, & Abbatum, ut S. *Abondii, Adelberti, Agrippini, Angilberti, Amalrici, Amanzii*, fuscæ & chronologice descriptas, Regumque Italiæ Gothicorum, Longobardicorum, aliorumque ejus Principum, res illis Seculis gestas, sileo, ut in Præfatione ait, Historicum decente, persequitur. Et, cum *Plinius*, junior, patriam quoque Novocomum habuerit, specialius illius vitam inseruit, eumque ad fidem in Christum conversum, ac ibi Martyrium passum esse, aliquot argumentis probare ananitur, ad objectiones respondens, ac de *Plinio* Inscriptionem, ad portam majorem templi cathedralis hodiernum existentem, allegans. In *Decade secunda*, Pontifici *Innocentio XI* dicata, ad hanc urbem & diocesin pertinentia, tam in Regimine Ecclesiastico, quam civili, acta, inde ab anno octingentesimo octogesimo octavo, usque ad millesimum & trecentesium, totidem ac in præcedente *Libris* continentur, varia scilicet illius, totiusque Italiæ simul, fata sub *Berengario II* & Germaniæ Imperatoribus, *Ottonibus*, aliisque Principibus, maxime autem sub diuturnis illis factionibus *Guelforum* ac *Gibellinorum*, quæ Italianam afflixere. In *Decade tertia* totidem *Libris* ea narrantur, quæ ad hanc urbem spectant, præcipue Ecclesiastica, & inde ab anno 1300 usque ad annum 1582 contingere, cui Appendice Autoris, qua historia illa usque ad annum 1598 continuatur. Et ultima quidem hæc *Decas* a P. *Josephe Maria Stampa*, ejusdem Congregationis Sacerdote, revisa, examinata, correctæ, & Observationibus necessariis aucta fuit. Hic de Concilio Tridentino, Basileensi, Pisano, Constantiensi, multa reperiuntur, & de Vice-Comitibus Ducibusque Mediolanensibus, ac Dominis Comi, aliaque historiæ sacræ immista, quæ ex Indice rerum notabilium copioso, ut in titulo hujus *Decadis* vocatur, cognosci possunt. Talis etiam duabus præcedentibus *Decadibus*, magno legentium commodo, præter innumera documenta, ex tabulariis deprompta, adjectus est; in hac vero vita Autoris, ubi & alia ejus scripta memorantur, accessit, &, pro *Comensi* male *Cumanum* dici in Orat. Funebri pag. 5, observatur.

AN

MENSIS MARTII A. MDCCXXXVIII P. II. 151
AN ENQUIRY INTO THE MORALS OF THE
Ancients, &c.

h. e.

INQUISITIO IN MORALIA VETERUM,
Autore GEORGIO ENGLAND, Rectore Wool-
teronensi, & Vicario Hanworthiensi in Comitatu Nor-
folciensi, Reverendissimi item Domini Hobarti
a Sacris.

Londini, apud W. Wilkins, 1735, 4 maj.

Alph. 2 plag. 2.

Ea est hodie civitatis literatæ felicitas, ut inter omnes cultiores populos, qui rudes antehac & plumbei erant, idoneos ostendere cives possit. Testes hanc in rem tot citatus libros, qui in Germania nostra, in Gallia, Belgio, Italia, Magnaque Britannia, recentiori ætate, in lucem exierunt. Olim inter Germanos nostros aliqui in eo erant errore, ut, sedem omnis doctrinæ, totiusque inprimis moralis sapientiæ, in Anglia esse, sibi persuaderent. Si quid hoc in genere eximium perspiciebant, istud aut apud Anglos prodidisse, aut æmulationi saltem Anglorum tribuendum esse, judicabant. Sed hi erant fere, qui nec ipsi ingenio multum valebant, nec, quo res Anglorum loco hodieque sint, exploraverant. Nostro quidem judicio tam pingue & crassum nullum est cælum, tam frigida & torpentia nullius populi sunt ingenia, ut non ipsamet, si excitentur, aliquid præclarum & laude dignum moliri ac perficere queant. Eruditio & recta ratio nec intra, nec extra Germaniam, unice sibi domicilium fixit. Hinc apud nos, qui hæc *Acta* condimus, usu receptum est, ut omnia in universum scripta, undecunque Mercurius ea nobis attulerit, in ea referamus. Certi etiam sumus, hæc omnibus patere literatis, quia eo utimur sermone, cujus societate omnes eruditi conjungimur. Ita rationem reddidimus, quamobrem & huic, quam indicavimus, scriptioni locum hic aliquem assignaverimus. Præmissa

Fig. 2.

missa est *Introductio* non copiosa, in qua de re proposita Cl. disputavit Autor. Hæc eo valet, ut excellentiam Christiani, & fidei & morum, Systematis demonstret; tum vero etiam, ut, qui Servatori nomen dederunt, excitet & cohortetur omnes, quo ad ejus normam accuratius, quam adhuc factum est, vitam suam moresque componant. Hoc enim sibi flagitat dari, omnes in universum Christianos a prima Apostolica morum castitate descivisse. Fateri quidem & præ se ferre non dubitat, doctrinas fidei morumque, a Christo præscriptas, religiosa hominum, qui Deos suspiciebant, dogmata infinito post se intervallo relinquere. At enim vero, dum & profanarum & Christianarum gentium vivendi rationem inter se confert & contendit, manifeste vult constare, illas his æquales fuisse. Satisne hoc sit? Cave, credas. Gravius hoc est, quod sciscit: plurium Deorum cultores multo sanctius, quam Christiani, vivebant olim, cum adhuc morum innocentie sedulam navarent operam. Quo tamen loco suos commonefaciendos esse lectores existimat, ut ea vitæ sanctitate, qua ethnici Christi amicos antecellebant, ne abutantur. Sumit ceu evictum, sanctius, quam Christianos, vixisse, qui a veri Dei cognitione relictæ erant. At nihilo tamen secius affirmat, nihil, præter nostram sacrosanctam disciplinam, veram virtutem efficere posse, cum nulla sit alia religio, quæ tam puras & perfectas suppetat causas, quæ ad virtutem incitent, *motiva* ab antiquis Philosophis dictas. Hand igitur abnuit, Christianos, si præceptis in Evangelio contentis satisfacerent, & plures numero, & unice veras ac genuinas, atque adeo omni ratione præstantiores, habituros esse virtutes. His autem præfultis, ita tandem conqueritur: *Vtrum nos* (Christiani), *quæ res nobis vertit male, habemus* theoriam, & *illi* (Deorum veneratores) *praxin habuerunt*. Causam ejus rei summa cum cura in hac pertractatione se demonstraturum, promittit. Atque hæc quidam arma capit, juratos Christiani nominis hostes, quorum malum clare obscureque serpens totam Angliam occupavit, penitus confecturus. Hi enim, si ab aliis, quibus utun-

utuntur, telis discefferis, perfectionem ethnicarum virtutum in desperatæ causæ suæ vocant auxilium. Non ergo medio-cre telum ad rem bene gerendam hoc putat esse ratiocinium: neutrum sine stupore cogitari potest: ethnici id, quod ex lumine naturæ & educationis norunt, optime exercebant, atque in virtute tantos, quantos poterant, faciebant progressus, quamvis a se interdum desciverint; contra vero ea Christiani, qui tam excellentem morum doctrinam profitentur, tam generatim ac univérse a virtute recesserunt, totque vitiis cumulati sunt, nihil ut supra sit. Ex quo perspicuum facturus est, non posse unquam constantem, & uniusmodi sui que similem virtutis cursum expectari, nisi ab iis, qui veritatem Christianæ revelationis toti credunt, in qua futura præmia virtutis cultoribus promissa, pœnæ vero iis, qui vitium amant, constitutæ sunt. Unde præterea consequi Cl. Autor censet, ut, si planum fecerit ipse, vel unicum genuinum Servatoris amicum infinito ethnicos spatio superare, major hinc honor Christianæ civitati, quam ex virtutis cultura orbi profano, accedat. *Veterum* nomine, quorum eximias virtutes in cælum tollit, *Græcos* inprimis ac *Romanos* designat. Ex his igitur solis virtutum petit exempla, ceteris fere neglectis, & non nisi prætereundo consultis, quos hæ utraq; gentes, ad omnem humanitatis cultum ac elegantiam morum eruditæ, *Barbaros* nominare consueverunt. His jactis fundamentis, ad ipsam libri rationem enodandam nos convertimus. Hic in *septem* distribuitur *Capita*, in quibus principes & eminentiores ethnicorum virtutes commemorantur. In *Capite primo* de eorum *justitia* exponitur, quæ & cum Christiana comparatur: Cl. Autor cum de *privata*, tum de *publica*, loquitur *justitia*, & ubi utramque definitione explicavit, varia ex Romanis pariter & Græcis Historicis recenset exempla, iis, quas in se suscepit, partibus rite satisfactorius. *Justitia privata* exemplum commendat *Marcum Scaurum*, cujus virtutem *Valerius Maximus* laudavit. *Cn. Domitius* nil intentatum reliquit, ut huic *Marco Scauro*, qui ob insignia promerita sua magno in urbe

Pag. 58.

6.

7.

9.

- loco versabatur, odium multitudinis conciliaret. Ita hominem ussit invidia. Hac mente in votis habet, ut fingendi saltem criminis ejusdam, eidemque coloris nonnihil inducendi, sibi detur copia. Quod dum molitur, accidit, ut ex servis *Marci Scauri* unus suapte sponte ad ipsum veniat, occulta quædam heri sui crimina enuntiaturus. Quæ tum in animo *Cn. Domitii* concitationes ortæ sint, *Valerius Maximus* his indicat verbis: *Erant in eodem pectore Domitii inimicus & dominus, diversa æstimatione nefarium indicium perpendentes; justitia vicit odium.* Is nimirum facile perspiciebat, ex una quidem parte, se inimico suo, *Marco Scauro*, hac via exitium parare posse; ex altera vero, se ipsum *Scaurum* esse, fingeat, cum itidem ejusdem generis servos, qui circa se essent, haberet, quorum dominus ipsemet esset. Hac re bene putata, *justitia vicit odium.* Dominus non solum recusavit aurem mancipio præbere, verum illum etiam vincitum domum duci jussit, meritas perfidiæ pœnas daturum. *Cn. Domitii* actionem *Cl. Autor* tot ornat laudibus, ac si, disertum ut ejus prædicatorem ageret, mercede conductus esset. Dat etiam atque largitur ultro libenterque, hostes sanctiores Christi disciplinæ non sine causa hic triumphum canere. Unum est, quod in *Domitii* desiderat actione, quod illa non ex principio Deo O. M. suum probandi studium, neque ex cupiditate sanctissimam ejus voluntatem perficiendi, profecta sit. In hoc etiam, sicut in omnibus virtutum ethnicarum cultoribus, putat elucere, quam parum sibi in omni vitæ ratione similes fuerint illi, qui sanctius inter simulacrorum cultores vixerunt. Cum hac *Cn. Domitii* actione aliam, ex eodem *Valerio* ductam, conjungit; tum vero ad plura pergit exempla, quæ taciti præterimus; præsertim cum his multo lectiora reperiri potuissent. His dictis, inter Christianos, quoquo se vertit, nulla justitiæ perspicit vestigia. Omnium vero illustriora justitiæ ac crudelitatis exempla in *Gallia, Italia, Hispania, & Portugallia*, expiscatus est, ubi locupletissimos Autores, *Mezerajum, Rapinum*, ac de *Larrey*, in consilium advocari jubet. *Caput secundum de amo-*
- Pag. 9.
- 10.
- 11 seq.
- 42 seq.
- 59.

re patria agit, quo veteres tenebantur. In his Cleomenes, Codrus, Regulus, Decii, inprimisque Curtius, C. Mutius Scavola, alique, & ex Græcis insuper Timoleon, Aristides, Themistocles, Fab. Maximus, ac ceteri. Verum, quam frustra inter Christianos pii in patriam quærantur, Caroli I ac Cromwellii exemplis ostendit Autor. In Capite tertio magnanimitatem veterum nobilioribus illustrat viris, sed ex orbe Christianorum nullum in medium producere valuit. Caput quartum contentum divitiarum in antiquis considerat, itemque vitam ab omni luxu sejunctam. Horum in numero ex Romanis Q. Cincinnatus, Attilius Regulus, Furius item ac Fabricius, Paulus Æmilius, Cato Major, Flamininus, Cato Uticensis, Scipio, Cornelia, Augustus, Vespasianus, ejusque filius, Titus, delicia humani generis dictus, M. Aurelius, Nerva, Trajanus, Antoninus, Pertinax, Alexander Severus, Probus, Scipio, Æmilianus, ex Græcis vero Pericles, Aristides, Phocion, & alii, habentur. Hic Phocion, cujus vitam Nepos descripsit, cum missa a Rege Philippo munera magnæ pecuniæ repudiaret, legatique hortarentur accipere, simulque admonerent, si ipse his facile careret, liberis tamen suis prospiceret, his ille: si mei similes erunt, idem hic, inquit, agellus illos alet, qui me ad hanc dignitatem perduxit; sin dissimiles sunt futuri, nolo meis impensis illorum ali augeri luxuriam. Plutarchus non nisi unicum Phocionis commemorat filium, eumque Phocum nominat; id quod leviter in transitu attingimus. Huc etiam Themistocles pertinet, qui filiam suam viro egenti, eidemque meritissimo, quam diviti minus probato, collocare maluit. Cicero eum ita inducit loquentem: Ego vero malo virum, qui pecunia egeat, quam pecuniam, que viro! Ceteros, qui hic loci recensentur, non immerito tacemus. Verum ex Christianis nullum hujus virtutis cultorem commendare possumus, cum Cl. Autor nos ab eo vacuos esse siverit. In Capite quinto, quod sequitur, de amicitia veterum commentatur. Et gradibus quidem ejus expositis, varii amici, ut Orestes ac Pylades, Damon & Pythias, duo Gracchi, Lucilius & M. Brutus, ut alios mittamus, locum hic aliquem sibi

Pag. 67.
68 seq.
72 seq.
75 seq.
83 seq.
112 seq.
116 seq.
143.
146.
149 seq.
151 seq.
153.
155.
156.
157 seq.
160.
162 seq.
171.
173.
175 seq.
178 seq.
184.

Pag. 187.

188.

189.

191 seq.

196 seq.

205.

208.

209.

vindicant. Quibus recensitis, nonnullos *Ciceronis & Plinii Junioris* locos ex Latino Anglice vertit, singulares interioris ac tenerioris amicitiae testes. Pertinet illuc liber ejus, quem *Lalium*, sive *de Amicitia*, inscripsit, ejusque inprimis *Caput 6. Epist. 15 & 25 ad T. Pomponium Atticum, Epist. ad Fam. 3 Lib. I, Epist. ad Appium Lib. III, Epist. 3 Lib. I, Epist. 17 & 18 Lib. XIII, ex Plinio Epist. 19 Lib. I, & Epist. 15 Lib. VII.* Atque his alia, quin etiam aliqui Poetarum loci, a re proposita haud sejuncti, accedunt. Exemplum in historiis Christianorum frustra quaeruntur, licet hi excellentiora habeant praecepta. Nunc *Caput sextum* nos ad se vocat, in quo veterum *erga religionem, & omnia sacra, reverentia* describitur. Qui sacrum Codicem ut sacrosanctum suspiciunt, ii haud dubie, quid de supremo hujus rerum universitatis autore sentiendum sit, omnium rectissime sciunt. Quis ergo non facile existimet, hos etiam, duce ista cognitione, sanctiorem in Deum venerationem habituros esse? Sed Cl. Autor adversam huic sententiam tuetur, atque in eo totus est, ut, quantum ab ethnicis Christiani vel in hac cultus divini parte distent, nos doceat. In nulla vero re haeret, ut, quo se veritat, non habeat. Nemo fuit unquam, quin supremam aliquam orbis causam admiserit. Verum, suum ut cuique caput, suus est pileus, sic notiones etiam ac sensus de divinitate plurimum differebant. Miseri ac bardi homines, qui simulacra reverebantur, informatam in animis nostris Dei notionem ea infuscaverunt barbarie, quam ipsa ratio abhorret. Ipsas bestias, ut canem ac boves, nec non viliores terrae fruges ac plantas, Aegyptios coluisse, nemo hodie sanus crederet, nisi fidei tot gravissimorum Historicorum hoc dandum esset, quae non temere in dubium vocanda. Cui etenim credibile videatur, Aegyptios, qui tam multa sapientiae specimina ediderunt, & a quibus Graeci omnem doctrinae cultum petierunt, ita omni rationi bellum indicare potuisse? Venit quidem nonnullis, ut *Plutarcho*, in mentem, se causam horum populorum optime agere, si constituant,

eos

eos animalia & fruges terræ, ut symbola & secretas veri Numinis notas, suspexisse. Id quod Abbas *Banierius*, si quis aliis, ex instituto declaravit in *Commentar. Academia bonarum literarum Tom. III.* Verum optimi quique Autores in eo consentiunt, istam explanationem Ægyptiis majorem, quam merentur, laudem asserre. Causam hujus corruptionis nemo unus explorare valebit. Hoc unicum vere dici poterit, Deum O. M. nos, dum eam permisit, docere voluisse, rationem, sibi relictam, nec divina gratia fultam, veram Dei cognitionem assequi minime valere. Cum a Philosophis gentium, quibus nihil olim sapientius erat, tam multa nimis absurde sint prolata; evidens hoc argumentum est, quam necessaria, quamque excellens, sit divina rerum sanctorum patefactio. Deus est ab oculis remotus. Ethnici vero, sibi nimium fidentes, eum sensus minime fugere, voluerunt. Hinc figuram aliquam, sensibus patentem, divinitati tribuentes, id omne Dei loco habuerunt, quod ipsis per naturam, consuetudinem, ac educationem, vel alias ob rationes, proximum erat, hoc, est, quod omnium maxime aut amarent, aut metuerent. Homines enim sibi præfidentes hunc in modum subducebant rationes: a causa suprema vel bonum, vel malum, in nos manat. Ita Deos videntur delegisse, quos ab alterutra harum animi concitationum, amore aut timore, pro Diis habere jubebantur. Atque hæc origo Deorum generationem esse videtur; ut contra hodiernæ Europæ plurium Deorum venerationis artificium quoddam malitiæ ac versutia causa & autor est. Græci & Romani paulo quidem Ægyptiis sunt meliores. Nam, ut *Homerus* canit, *humana ad Deos transtulerunt*. At nihil tamen in omni exstat antiquitate mirabilius, quam viros, qui rectæ ac sanctæ rationi studebant, ejusmodi de Diis opiniones recipere potuisse, quæ non solum absurdæ per se ipsæ erat, verum etiam morum castitati officiebant. Sed, hæc quoquo modo se habent, ex quo ista perversa divinitatem aliquam colendi ratio semel introducta, & maxima in eam reverentia statim a puero animis infixæ erat, omnis, qui non impius videri cupiebat, verum Deum sub fi-

Pag. 200
seq.

212.

- Pag. 215. Etis hujusmodi notionibus venerari cogeatur. Atque, ubi tota aliqua gens, publico quodam consensu, eas constabiliverat, nullius privati erat hominis, majorem licet veri perspicientiam haberet, id, quod usu jam, vel doctrina, vel vetustate, firmatum erat, immutare. *Retinetur*, inquit *Cicero Divin. Lib. II, & ad opinionem vulgi, & ad magnas utilitates reipublicæ mos, religio, disciplina, jus Augurium, collegii auctoritas. Nec vero non omni supplicio digni P. Claudius, L. Junius, Consules, qui contra auspicia navigarunt. Parendum enim fuit religioni, nec patrius mos tam contumaciter repudiandus. Quæ cum ita sint, magno cuique ducendum est honori, fidei ac religioni majorum mordicis inhærere, iis præsertim temporibus, quibus universus, quam latissime patuit, orbis simulacrorum cultui deditus addictusque fuit. Quanquam homo sapiens, qui hodie errores e. g. Romanæ Ecclesiæ ac Mohammedis, perspicit, iis nuntium mittere, & ad cœtum, veritatis cœlestis custodem & servatorem, jure meritoque transit. Hoc enim casu is quidem suo jure facere videtur, si errantem opinionem, a majoribus acceptam, ejurat, quam averfam a vero esse, certis argumentis convictus est.*
214. Verum hic non alienum est docere, quam firmiter Græci ac Romani adhæserint religioni, publice confirmatæ, quamque sollicitè pietatem in Deos & homines coluerint. Hic opportuna nobis præbetur occasio nostros scrutandi mores, qui, tam puram, tamque omni dubio vacuam, sanctiorum doctrinarum habentes præscriptionem, ita negligenter erga Deum resque omnes sacras nos gerimus, ac si a multorum more, quos regius vates describit, animo ab hac perversa sententia, nullum esse Deum, non abhorreremus.
217. Athenienses festos dies Dearum, *Minervæ, Bacchi, & Cereris*, dici non potest, quam sancte egerint. *Socrates* ab iis ob id solum damnabatur, quod contemnere patriæ religionis crimine inimici eum arcesserent. Quod si hanc pietatem & amorem veterum in patrium Deorum cultum spectamus; quale, quæsumus, judicium de Christiano feremus orbe, in quo adversus religionem, qua nihil unquam certius ac sanctius fuit, quotidie libri in
219. lucem

Incem exeunt, quin etiam non sine insigni animi voluptate leguntur? Græci contra quam sancta templa Deorum, iusjurandum, ac fana, habuerint, mira extant testimonia. Idem quoque de Romanis memorix ac literis proditum legimus, quorum nomine *Cicero*, *Pietate*, inquit, *ac religione*, *atque hac una sapientia*, quod Deorum immortalium numine omnia regi gubernarique perspeximus, omnes gentes nationesque superavimus. Atque hanc adversus Deos reverentiam classici testantur Autores, quos hodieque habemus. Liberi præterea parentes suos tam incredibili prosequabantur amore, nihil ut ad eum addi posse videretur. Qui matrimonii vinculo juncti erant, mutuo se diligebant. Cum adhuc integri Græciæ Romæque mores essent, divortia cum uxoribus & raro fiebant, & iustis de causis. Adulteria magnæ olim turpitudini fuerunt. Fratres etiam mutuum inter se amorem exercebant, & parentes liberis educandis minime vulgarem navabant operam. Nec desunt inter veteres ceterarum exempla virtutum; quo pertinet *gratus animus*, *humanitas*, *sinceritas*, nec non *castitas*, *modestia*, & *temperantia*. His Autor explanatis, cum hoc ethnico Christianum, qualis hodie est, contendit orbem. In eo inprimis multus est, ut ostendat, quemadmodum ii, qui Christi amici videri cupiunt, a prisca illa interna cælestis veritatis reverentia, & a perenni illa contestataque majorum virtute, in singulis hisce partibus, degeneraverint. Primis enim Christianis nihil erat in his virtutibus excellentius; quin etiam, quod majus est, *hec omnia*, ut *S. Augustinus* testatur, *faciebant*, non propter ardorem inanis gloriæ, sed propter caritatem felicitatis æternæ. Laudat hic denuo perfectiorem morum formam, a Servatore in *Cap. V, VI, VII, VIII, S. Matthæi* præscriptam; id quod & alibi fecit: verum eos desiderat unice, qui vita ipsam exprimant. Reliquum est, ut *septimi*, ejusdemque ultimi, *Capitis* compendiarium communicemus enarrationem. *Causæ* nimirum *virtutum ethnicarum*, hæcenus commemoratarum, ac simul *Christianismi degeneris*, investigantur. Præmittit Cl. Autor

non-

Pag. 220.
223 seq.

235 seq.

243.

244.

245.

250.

252.

255. 259.

264 seq.

279.

287.

288.

171 343.

289.

- nonnulla, quæ causæ suæ, cui vacat orandæ, inservire putat. Dat, multos quoque viros, omnibus vitiis obrutos, inter Græcos olim & Romanos inventos esse. Non negat, in his etiam, quorum quædam facinora commendavit, vitiorum insignes notas extare. Sed ad numerum hic loci non vult attendi, cui major omnino vitiosorum cohors opponi possit.
- Pag. 297. Et propositum ejus eo valuit, ut aliquot præstantissimos virtutum cultores ex antiquo gentium profanarum orbe referret, tot hodie Christianis, aliter, atque eruditi sunt, viventibus, pudore digna objecturus, quem rubor consequatur.
298. Duo inprimis sunt, quæ virtuti ethnicorum propria sunt, & eam ab illa, qualis inter Christianos esse debebat, virtute segregant: unum, quod sibi ipsis sunt dissimiles, qui in virtute aliqua excellere videntur; alterum est, quod ab ea animi modestia, quæ superbiz opposita est, quam longissime absunt. Hæc vero, ut per se ipsa amabilis & eximia est, sic omnibus etiam, quas comitatur, virtutibus majus addit pretium atque ornamentum. Ista quidem vitia in iis elevabant, quos ut in virtute quadam præcipuos hætenus nobis ob oculos Cl. Autor posuit. Romani, qui laudem sibi justitiæ pepererant, multum quoque injuriæ plurimis, quas deleverant, provinciis ac populis, inde ab U. C. usque ad imperii sui interitum, intulerunt. Causæ belli secundi Punici manifesto injustæ erant.
301. Eadem injustitia in Lacedæmoniis, hominibus, ut videri volebant, justissimis, apparet, cujus clarissimum *Phabidas* est exemplum.
305. *Pericles*, in cujus prudentia & virtute laudanda Historici consentiunt, tribus criminibus hanc laudem obtulit. Unum est, quod famam & autoritatem Areopagi labefactare ausus est; alterum, bellum Peloponnesium, quo cives suos temere implicaverat; tertium, amor *Aspasia* nimius, quacum rebus venereis utebatur.
306. *Cato Major*, rigidus ille Romanæ civitatis censor, a vitiis ita sibi non cavit, ut potius in iis magnus fuisse jure ac merito dicatur. Idem de juniore *Catone* valebit judicium. Utriusque *Catonis* vitia cum hic nominatim satis insignia designentur; multum hinc eorum derogatur opinioni, qui hos *Catones* ut singularis exempli
- impli

ompli viros, posteritati commendarunt. Exstant enim virtutes, quarum ethnici nullam plane habuerunt notitiam. In his tres præ ceteris numerandæ, *amor erga omnes in universum homines, proluxa in inimicos voluntas, & vera cujusvis mali perferendi patientia*. Has colere non poterant virtutes, quoniam veras moventes causas, in sanctioribus libris patefactas, ignorabant. Fingamus, aliquam *ἐχθροφιλίας* umbram in antiquis ethnicis inveniri; nihil tamen excellentius iis est præceptis, quæ cœlesti Legislatori debentur, *Matth. V.* Errat vero, qui ex casta morum doctrina Christianorum hoc ducere velit confectarium: ergo Christianis nihil usquam sanctius est. Illi potius, qui hodie orbem constituunt Christianum, a prima munditiæ prorsus desciverunt ac degenerarunt. Causa hujus universæ corruptionis non minima est nimia divinæ veritatis violationum, quæ hæreses dicuntur, cohors, cui & occurrendum fuit. Hoc enim vero morum castitati duplici offecit ratione: una, qui litibus sacris vacabant, ii, neglecta vitæ actione, ad solam contemplationem & mentis agitationem animum advertebant; altera, nulla non factio vim ac potestatem Principum in auxilium vocavit, horumque adeo vitiis, causæ suæ servitura, nimis se facilem præbuit. Neque vero est dissimulandum, nimiam *Pontificum Romanorum* potentiam, flagitiosamque vitæ rationem, impiam item & fidei, & morum doctrinæ, a Servatore inculcatæ, distortionem & depravationem, religionemque externam superficialiariam, morum sanctitati maxime nocuisse. In Magna Britannia effrænata & indomita regnat licentia, sacrosanctas veritates totis voluminibus explodendi, variisque mordendi conviciis. Non dici potest, quantum hinc detrimenti respublica capiat Christiana.

Hoc fonte derivata clades

In patriam populumque fluxit. Hor.

Aliæ morum corruptionis causæ in ipso inveniuntur libro, cujus summa hætenus capita excerpimus. Ceterum facilis & elegans est Britannica dictio, ipsaque compositio, qua Cl.

X

Autor

Pag. 311.

317.

346.

347.

349.

352 seq.

359.

362.

364 seq.

Autor in libro hoc usus est conficiendo. Argumento inprimis hæc est scriptio, non sine cura, nec fugientibus oculis, ipsum antiqua perlegisse monumenta, quandoquidem lectissimos ex iis locos, ingeniose illustratos, in rem suam non inseite convertit. Quod vocabulum Anglicum *Morals* Latine *Moralia* vertimus, is perfacile excusabit, qui secum consideraverit, *mores* quidem veterum inprimis hic explanari, tum vero etiam nonnulla his adjungi, quæ ad *præcepta* Græcæ Latineque *moralia* jure ac merito referuntur.

CHRISTOPHORI WOLLII, M. A. S. T. B.
 & ad S. Nic. Diaconi Lips. in GEORGII EN-
 GLANDI, Theologi Britannici, *Moralia veterum*
Notæ ac Observationes.

In ea tempora nostra ætas incidit, ut sacrosanctas, quæ ab ipso Deo profectæ sunt, veritates ii conviciis mordeant & exsibilent, qui nugis in speciem præclaris adeo sibi placent, adeo tumidi sunt, ut se solos & unos Phœbi fratres, reliquos stipites, barbaros, plumbeos, & si quid hisce vilius, arbitrentur. Horum in verba in Magna jurant Britannia homines, qui *Dei* nomenclantur, inficeti ampullarum & quisquiliarum sacerdotes. Scriptis qui libris eorum desperatam causam juverunt, & famæ nonnihil consecuti sunt, hi erunt præcipui: *Collinus, Tolandus, Woolstonus, Tindalius*, magna scilicet nomina, quibus, nemo dubitat, quin assurgendum sit. Ego vero vellem, ut infaustæ horum chartæ nunquam in lucem extisissent, sed ad inferos amandatæ mansissent, quo ibi cum tineis ac vermibus in æternum dimicarent. Hi quidem, si ipsos audias, *robusti spiritus* & dici & esse cupiunt, verum, qui rectius sapiunt, & purgatæ obsequuntur rationi, irridentes hoc eos ornabunt nomine. Laborant enim capite ac cerebro tam vehementer, ut cum ratione desipere, quam ipsi Deo, decernenti, & secretiorem sapientiam patefacienti, mo-

rem

rem gerere, malint. Ex ingenii vafrutiae ac versutiae, non ex judicio, quod arte ratiocinandi cultum ac politum est, contortulas suas ac minutas ducunt conclusivunculas, quas sumtionum, aut, si mavis, oraculorum, loco habent, e tripode fusorum. Atque has tam mira fingunt fecunditate, ut digni jure ac merito forent, qui in aruspicum reciperentur collegium, si quod hodieque floreret. Absit, ut sciscam, naso carere homines, sed, a firma judicandi virtute relictos eos ac nudos esse, constituo. *Trebatius* olim ex eorum erat numero, quibus *M. T. Cicero* utebatur multum. In hoc vero elucebat, quod familiam in Jure ducit civili, singularis memoria, summa legum scientia. Cum igitur per literas significaret *Tullio*, se cum *Julio Casare* in Britanniam navigaturum, hic jocans respondebat, se, ut grandem personam, illic magno cum honore acceptum iri. *Mira enim*, inquit, *persona induci potest Britannici Jureconsulti*. Ita tunc temporis rari in hac erant Insula, qui solida Juris civilis scientia valebant. Non dubito hodie de tota irrisorum Britannicorum factione idem ferre judicium. Quodsi fabula fiat, & spectaculum in scena deridendum, ex hac vesana cohorte aliquis: mira ille persona induci poterit, cum rerum & sanctorum, & vere eruditum, parum consultus sit. Dudum vero est, quod isle consensionis globus capitale suum odium, quo a genuinis Servatoris institutis dissidet, in animis occlusum effudit, & orbi patefecit, ac bellum iis indixit. Nunc adorta est veritates, quæ ad fidem pertinent, nunc autem eas, quæ ad mores referuntur. Harum qui nervos incidere moluntur, illi suam ita instruunt aciem: *Virtutes ethnica ejusmodi sunt, ut jam omnes perfectionis numeros habeant. Nulla itaque nova divina indigemus revelatione, quæ doceat, quemadmodum virtus comparata esse debeat.* Principium, quod prænuntiunt & præfulciunt, antiqua est historia, quæ tot illustria virtutum exempla inter eos suppetat, qui pluribus olim Diis servierunt. Hoc dato, istud etiam, quod inde ducunt, corollarium suapte sponte putant consequi. Multos magnos homines ipsa Magna tulit Britannia, qui tam

truce[m] perditorum civium rabiem coercuerunt ac vecordiam. Nec desunt profecto, qui hoc in prælio tam secunda usi sunt fortuna, ut hostes penitus confecerint, eorumque sapientiam, nervis & artibus orbatam, in triumpho per civitatem Christianam duxerint. Sed fero præ me, non omnes, a quibus hæc acta fabula est, hanc laudem abstulisse. Nolo jam eorum, qui aut bene, aut male, rem gesserunt, iudex & arbiter sedere, neque unum ex his honoris causa nominabo. Puto enim, silendo me sanctius ipsos revereri posse. Sola meritissimi Viri, *Georgii Englandi, in Moralia veterum Inquisitio* me vocat ad se, quam tribus abhinc annis cum sacra & erudita communicavit civitate. Ego is sum, qui summa ejus capita in hæc *Acta* retuli, & ea lingua enuntiavi, quam communem per eruditas provincias Mercurium non inscite appellaveris. Cogitationes doctissimi Autoris, statim ut eas legeram, dignæ mihi visæ sunt, quarum compendiariam enarrationem Latina veste induerem, eique formis descriptæ Notas & Observatiunculas meas comites darem. Sic enim omnes literati & eruditi facile perspicient, num Theologus Britannicus ad bene de victoria sacra sperandum feliciter signum sustulerit. Arma igitur, videamus, an secunda sint, quæ sumis, hostem fufurus. Res, quæ in lite vertitur, non est ex minimis una; non est pugna hic de tribus capellis, sed ipsa Dei causa & ejus agitur religionis, quam Servator secum in hunc attulit orbem. Magnum olim negotium erat, cum de reparandis Athenarum mœnibus, ac *Philippi* infidiis, res ageretur. Res erat sane periculi plena, cum *Annibal* ante portas esset, & *Mithridaticum* bellum conflaretur. Hic vero universæ interest civitatis Christianæ, rem bene ac prudenter gori, ne optima Christi causa in non necessariam aleam detur. Istis præfultis, oculos in magnum *veritatum* Christianarum *moralium* convertamus patronum, qui ipsam *Angliam*, Insulam hodie cultissimam, suo præ se fert cognomine. Anceps hic ingenii certamen adiit, quod vim mentis acutam flagitat; ut contra ad bella, pro salute patriæ suscepta, vires corporis robustæ requirantur.

Ute-

Utemur voce magis usitata: Disputatio hoc loco erudita instituitur, cujus vera ratio ex arte, quæ, ut verum a falso discernendum sit, explanat, unice pensanda & metienda erit. Hac igitur duce ac magistra, omnis disputatio erudita, sive *coram & ore*, sive *per literas*, suscipiatur, vel κατ' ἀνθρώπων fit, vel κατ' ἀλήθειαν. In utroque disputationum genere juvabunt nos argumenta, cum a *posteriori*, hoc est, ab experientia & historia, quam testamur, petita, tum a *priori*, hoc est, ex ipsa rerum natura, ducta. Nunc demum investigandum erit, utra ratione adversus homines Christo inimicos Vir ingeniosus disputaverit. Ac diu, fateor, mecum ipse dissenfi, utrum hoc, an illo, modo militaverit. Jam vero, re omni bene putata, totoque libro haud segniter perlecto, in eo acquiesco, ut certus sim, Virum Reverendum utraque dimicare ratione in animo habuisse. Quod si omni, qua fas est, accuratatione planum fecero; nulli, credo, videbor inde lauros voluisse decerpere, ubi steriles vix avenæ nascantur. Nec committam, ut operæ me unquam pœniteat, *Notis* hisce navatæ, quæ nugas hominum a Christo averforum eruditas ullo sine negotio dissipabunt. Perficiam enim, ut secunda mihi ac propitia veritas sit, robore ac copiis rectæ rationis fulta, & ut mecum faciant omnes, quotquot, quid rem quamque consequatur, perite perspiciunt. Ceterum vocum quarundam spero me nacturum veniam, quas in eruditam civitatem jam pridem adscitas esse, unum præterit neminem. His jactis fundamentis, ostendam primo loco, Cl. Autorem cum juratis Christianæ morum doctrinæ hostibus ea ratione congressum esse, quæ disputatio κατ' ἀνθρώπων a Philosophis dici solet. *Ad hominem*, ut loquuntur, disputavit, seque ipsum finxit earum insularum & inficetarum opinionum, quas illi ceu evinctas sumunt, approbatorem & subscriptorem. Ita colligit: *Fac, verum esse, quo Achillem suum muniant hostes, principium, quod tamen per se ipsum falsum est, & omni sale vacuum. At nihil tamen, hoc posito, quod suæ serviat causæ, inde lucrabuntur.* Atque hoc modo videri possit, ac si malos ratiocinatos ex suis principiis falsi-

Pag. 366.

tatis convincere velit. Sed is nusquam candide, & sine circuitu, declaravit, hoc se velle, ac suam eo valere rationem, remque propositam. Hinc indicia dabo, ex quibus magna significatio sit, ipsum saltem videri cupiisse, ac si ita, nec aliter, sentiret. Enarrat toties & laudat ingenio ac virtute præstantissimos prisce orbis homines. Cum his eos, qui doctrinæ Christi morali excellentiam suam hodie invident, sine tripode confert & contendit. Tum vero illis non nisi eas ex instituto res vindicat gestas, quæ cavent ac prospiciunt, ne societatis rationes humanæ conturbentur. His inde pudorem ac ruborem ciere conatur, quod illis eximiis commentitiorum Numinum mancipiis multo pejores sint. Ceteras enim virtutes, quæ cum civitate nullo necessitudinis vinculo conjunctæ & sociatæ sunt, aut omittit vafre, aut non nisi prætereundo tangit. Collocutio cum hostibus virtutis a Domino præscriptæ amica hæc, si res in pauca conferatur, erit: *Vobis quidem, Deiste, placent virtutes sapientissimorum inter ethnicos virorum. Jam vero hæc, si rem bene putatis, & circumspicitis, cōvalent pleraque omnes, ut patria religio nō turbetur. Ac vos etiam sapientia ceteros anteire saltem videri cupitis. Ergo quæ, malum, vos cepit dementia, ut virtute ab ethnicis vos vinci patiamini, & in patria sacra, quæ tamen, in se spectata, moribus externis nihil plane efficiunt, sævitis, ac si, omnem ut in ea bilem effunderetis, mercede conducti essetis. Omnia infima summis paria facitis, turbatis, misceatis. Pudeat vos tandem hujus consilii, & cavete, ne ipsi vobis desitis, ac stultitia maculam inuratis! Pythagoram, si placet, spectate, Socratem, ipsosque Epicureos. Philosophos, qui, ut Deum esse negarent, Deos tamen in dubium vocare noluerunt, ne quid assumerent, quod patriæ religioni lege constitutæ adversum esset. Is, qui nobis hæc chartæ mandandi causam dedit, non prius, quam ubi liber fere explicuit, remoto velo & joco, hoc suum indicat propositum. Exhibet lectori suo alienam aliquam, doctissimi nimirum Adissonii, non dissimilem cœlestium veritatum defensionem, ac tandem in notula quadam subiecta hæc addit verba: *Habes hic**

367.

364 seq.

367.

hic epitomen ejus, quod per universum hoc opus efficere volui. Legas velim centies, & si mavis, sexcenties, volumen, multis consulto velis obductum. Invitent te ad iteratam lectionem nitidi, quibus exscriptum est, typi. Ego autem spondere ausum, accidere vix, & ne vix quidem, posse, ut in hanc incidas cogitationem, quam meis verbis enodavi. Quænam hujus adscitæ obscuritatis causa sit, mentis vitium, an voluntatis, meum haud est, decernere. Propositæ quidem rei a me satis erit factum, si extra dubitationis aleam posuero, Virum ingeniosissimum perverse, & invitis ratiocinandi legibus, adversarios suos petiisse. Sic eos petere voluit, ut nemo eorum, ullum se vulnus, aut cicatricem ullam, accepisse, jure conqueri possit. Ex principio enim *theoretico*, hoc est, quod acrem mentis agitationem & contemplationem poscit, ad *incommodum* eos deduxit. Cum ejusmodi tamen deductio tantum in enuntiationibus *practicis*, id est, quæ ad actionem vitæ ac mores spectant, locum sibi aliquem vindicet, ut si dicerem: *Quodsi vitia utilia sunt; sequitur, ut peccet, qui vel ullam virtutis speciem prabeat.* At vero sumtio hæc est *theoretica*: *Perfectæ sunt ethnica virtutes.* Conclusio, quam inde ducunt adversarii, etiam est *theoretica*: *Ergo non necessaria est perfectior virtus.* Nunc una est quæstio: num *materia*, hoc est, sumtio illa, cum vero congruat; an item exempla illustrium inter ethnicos virtutum ad eam demonstrandam ac roborandam satis habeant virium. Et altera est: an *forma*, seu modus concludendi, leges ratiocinandi haud violet. Non disquiritur jam: num adversarii ethnicas virtutes vita & factis suis exprimere ac tneri velint. Hoc si esset, deductio ad *incommodum* ita foret instituenda: Sinam, perfectas esse ethnicas virtutes. Ita vero vos erubescatis oportet, quod tam inepte agitis, ut ipsimet eas non imitemini. Non dubito, quin Cl. Autor hanc ratiocinationem obtentui sumpturus sit, cum in angustias conclusum & coactum se perspiciet. Sed fuenum, quem incautus facturus est, facile delebit *introductio*, ubi ait, adversarios religionis nostræ ex perfectione virtutum ethnicarum illius eversionem hodie

hodie tentare ac moliri. Quocirca, si ἐξ ὑπεδέξεως accurate disputare voluisset, argumentum ita se haberet: *Si, quod vos, miseri Servatoris hostes, sciscitis, verum sit, perfectas nimirum esse ethnicas virtutes; sequitur, ut duo contrarii habitus, virtus ac vitium, simul & eodem tempore, in uno eodemque homine, possint existere.* Quod posterius cum absurdum & ab omni ratione alienum sit, nec prius veritati conciliari unquam poterit. Hæc sane non spernenda erit ratio, quæ & S. Paulus, vir a Deo eruditus, 1 Cor. XV, 17, usus est: *Si Christus ab inferis non excitatus sit, fides vestra vana erit.* Hoc tibi habeto verum deductionis ad absurdum exemplum. Ais, vir Clarissime: nunc rem acu tetigisti! Hoc fuit rationcinium, quod in animo, dum scripsi, mecum versavi, sed, oratorum more, illud sciens proposui, & Philosophum me præbere recusavi. Male. Cum iis enim congressus est, quos si in Philosophia rudes ac inermes diceres, næ illi Acheronta moverent. Verum desinam tecum amicus agere, quippe cum operam navem, ut veritati amicior sim. Dicam aperte, missis ambagibus, quid de tua mihi videatur inquisitione. Objecisti eam *Deistis* ex animo, & κατ' ἀλήθειαν contra eos disputare non noluisti. At ludibrio nos hominum, qui nostræ male volunt religioni, exposuisti. Credam, rem tibi aliter cecidisse, ac putasti fortassis. Non novum crimen & ante hunc diem inauditum est, quod ad patres Ecclesiæ Christianæ conscriptos deferre possem. Sed merito dubito Virum aliquem ejus postulare, cui ipsi supremus civitatis sanctioris Dominus sacrum mandavit officium. Nihil de ratione animi tui sciscam, cujus interiores latebras & recessus nemo, præter Deum, omnia pervidentem, novit. Solis inhærebo verbis tuis, quæ quidem notæ rerum in animis latentium esse solent. Ita loqueris identidem, ut si intus tibi caneres, ac secretam cum iis consensionem, pace tua hoc dixerim, haberes, quos oppugnare videris. Verum, invidiæ saltem amoliendæ gratia, tot ambiguitatibus, griphis, & captionibus, usus es. Sedete iudices, qui rebus sacris præfideatis, & qui Christi doctrinis ex animo bene cupitis. Cl.

Autor

Autor dat hostibus, quod sibi dari flagitant, perfectas nimirum ethnicas virtutes esse. Verum ea utitur tractandi ratione, ut hoc scitum etiam negare videri queat. Verbis enim exquisitissimis cœlestes laudat animos, quorum ex orbe profano exempla recitat, & omnes opera moleste sedula numeros undique compilat, ut, qui eos legunt, inde concludant, nihil his, quos in cœlum tulit, ethnicis in virtute perfectius fieri posse. Hoc autem functus labore, vitia quædam in his vituperat eximiis hominibus, & causas levioris ponderis moventes, quas ethnicum morum systema generatim ac universe suppeditare potuit, iis opponit, quas multo efficaciores sapientia moralis, a Christo commendata, in se contineat. Sed querimonias acerbas ultro citroque jactat, nullum inter Christianos unum ita eximie vivere, quemadmodum excellenti suo morum systemati consentaneum sit. Voces in hac controversia præcipuas nulla explicat *definitione*, nulla utitur *distinctione*, quæ omnem dubitationem præcidat. In libri indice nuntiat, se *Moralia* veterum expositurum. At nihil definit, utrum *moralia præcepta*, an vero *mores* veterum, hoc designare nomine velit. Voci enim Anglicæ utraque ista potestas subjecta est. Sic his dicendi modis, *good morals*, *ill morals*, *boni*, *mali mores*, *one of good morals*, *of ill morals*, *homo bene moratus*, *malorum notis morum insignitur*, nihil est in hac lingua usitatus. Agit de *virtute ac vitio*, nec tamen res tam graves ulla enucleat definitione, quarum hæc abstracta moralia notæ sunt & indicia. Quod item loco de *perfectiōe ac imperfectiōe* virtutis differit, nec tamen ambiguitatem de medio tollit. Forte adversariis suis vult rationem proponere aliquam, ex qua effici cogique possit, nihil esse, quod virtutem Christianam in exilium eiciant: virtus ethnica exilis quidem est, in se spectata, at sufficit tamen fini suo, hoc est, salutis civitatis; Christiana virtus, quæ præstantior est, huic multo magis fini sufficit. Ergo imprudenter & stulte agitis, qui hanc proscriptum itis. Hoc autem Virum male habet Reverendum, quod nemo nostrum ei eximie vivendi normæ faciat satis. Concedit non

Pag. 291.

invitus, hominem Christo faventem sanctiorem ducturum esse vitam, sub hac conditione, si modo unus exlaret, qui officio a Servatore requisito, quod satis est, faceret. Liberalis est, & nobis *theoriam* relinquit: quamnam? *scriptam* haud dubie, si quid equidem iudicando valeo. Ethnicis contra *theoriam* aut naturalem, aut per manus traditam, eamque civilem, ac legibus virorum, qui urbes condiderunt, *Lycurgi, Solonis*, aliorumque, sancitam & constitutam, concedit. Gravius est, quod dicit: *Soli ethnici*, quippe quos nobis, doctrina quidem ornatis, verum vitæ actione cassis, opponit, *praxin habuerunt*. Hinc & nullus dubitat scribere: hostes religionis nostræ triumphum jure ac merito canunt, dum Deorum servitia in tantum laudant, in quantum virtus intelligi potest. Sola civilis virtus meta, si mitius dicendum, fuit, quam mente designavit, & verbis ambiguis proposuit. Indices Capitum, in quibus civiles virtutes primipilum ducunt, ita me in animum inducere jusserunt. Hac adscita interpretandi regula, omnia in hoc libro facile cohærebunt. Christianum morum systema purius quidem & præstantius est, verum idem etiam a sensibus nimis est semotum & avocatum. Ethnici vero rationes civitatis, quibus a prudentibus legumlatoribus lege cautum est, suapte sponte sequuntur. Mirumne igitur sit, tot expressa & illustria virtutis exempla inventa esse? Vim ac naturam veritatis enuntiantis, de qua logicæ artis magistri præcipiunt, si perspectam habuisset doctissimus Autor; aliter se, nisi totus fallor, in hoc gessisset certamine. Propositio hæc ajens est indefinita: *ethnici virtutem assidue coluerunt*. Non alia hæc est negans: *Christiani hodie virtutem ipsis congruentem minime colunt*. Utraque est historica, eamque ob causam ad veritates enuntiantes, quæ præcise universæ sunt, neutra referri meretur. Si dicas: *homines sunt animalia*, aut: *homines sunt res creata, ratione utentes*; hæc utraque enuntiatio vera est universale: *omnes homines sunt animalia, res creata ratione utentes*. Verum alia longe ratio propositionum est historicarum, quarum experientia magistra esse solet. Has si ad normam pur-

purgatæ rationis ponderaveris, invenies, eas ad *enuntiationes particulares* pertinere, voce *multi* exprimendas. Ita nemo est, quin largiatur: *multi ethnici virtutem externam coluerunt*. Verum nec hoc ambigitur inter intelligentiores: *multi Christiani exercent virtutem*. At cave, credas, numerum certo definiri ac determinari posse, utrum plures inter ethnicos olim sancti, an inter Christianos hodie, vixerint. Certa etenim ejusmodi propositionum ratio ex una historię ac experientię fide pendet, ubi plena exemplorum in universum omnium inductio fieri omnino nequit. Hęc autem in omni circumspectienda est comparatione, si boni rerum, quas inter se conferimus, ratiocinatores esse volumus. Quę si adsit, id quod in exili quodam numero quin fieri possit, nemo dubitat, facile addendo deducendoque videre, quę reliqui summa fiat, valemus, ex quo, quantum cuique debeat, intelligas. Ista vero cum in hac innumerabili singulorum ethnicorum copia haberi nequeat; utimur hic nostro quodam jure antiqua illa formula: *non liquet*. Illis sane ethnicis, quos nescio quomodo quasi pleniore ore ob virtutem Vir laudat doctissimus, numerus infinito major vitiosorum opponi potest hominum. Autores classicos non legit, quem enormia plurimorum ethnicorum vitia prætereunt. Neque omnes & virtutum & vitiorum cultores in historias relati sunt. Sic etiam ethnicis illis virtutum exemplis ex recentiori Christiani orbis, apud nos certe, historia aut totidem, aut multo plura, quę opponamus, in promptu habemus. De iis tantum loquor, qui vitas Christianorum eximie sanctorum descripserunt. Quot vero sunt, quibus iste non habitus est honos, ut germana eorum virtus per literas aliis nuntiata sit? Quę cum ita sint, omnis hęc incerta & anceps erit ac manebit comparatio. Theologus vero Britannicus, cujus in librum *Notas & Observationes* hæc molior, ita se hic gerit, ac si omnes, ne uno quidem excepto, totius, quam latissime patet, orbis locos & angulos pervagatus esset, & omnes ethnici pariter ac Christianos ad calculos revocasset. In illis plurimos offendit, qui virtute nihil prius & antiquius

habuerunt. Ex orbe contra ethnico in Christianum veniens, in novum veluti orbem vectus esse videtur, utpote in quo me unam quidem virtutis veræ & non infucatæ invenit amatorem. Ut sanctos inter externos Christiani nominis profeflores, non forte dubio, verum illustri die, *Diogenis* illius more quæfiverit: frustra tamen laboravit. Accusat enim effusa bile omnes, & iis diem violatæ dicit virtutis. *Vix Priamus tanti, totaque Troja fuit.* Verum, inter Græcos & Romanos dum versatur, nihil nisi virtutes tam lynceis videt oculis, ut in tantis tenebris nihil offendat, nusquam incurrat. Affingit Deorum amicis castissimos mores, ac semper, quo ipsum conjectura ducat, habet, ut si, multas noctes in Parnasso se somniasse, hoc specimine declarare voluerit. Sophistam agit moralem: num casu, an consilio, id factum sit, hoc quidem arbitrium mei nego esse consilii. In *Cn. Domitii* factis honestandis tantum posuit operæ, quantum nulla in re alia. Ubivis vivam videt virtutis imaginem, ubi alii nullam quidem umbram ejus vident. Quod cum *M. Scauri* servitio colludere dubitavit, id quidem ex metu fecit, quoniam Romanis tum dominis a nimia mancipiorum cæterva verendum erat. Factum hoc rectius simulacrum virtutis, & ne hoc quidem, sed manifestum vitium, fuit. Argumento enim est, se una cum reliqua Romanorum civium turba, inhumanam in servos sævitiam probare. Miror profecto, nec possum mirari satis, doctum cultioris Britannię decus eos laudasse mores, quos *Val. Maximus* ex usu & consuetudine Romanorum honestavit, qui in mancipia æque minus, quam in bestias rationum expertes, injustitiam exerceri posse negabant. Quare justus ei est, qui tantam non adhibuit severitatem & asperitatem. Patet inde, Cl. Autorem nec philosophicum, nec istud, quod criticum vocant, judicium in hujus confectione libri in auxilium vocasse. Nec scriptores discrevit, nec verum a falso segregavit. *Socrates* magnus olim Græciæ sapiens sine dubio fuit, qui fingendis & suis, & civium suorum, moribus upice studuit. Verum, ut, perfectæ alioquin ejus virtuti nonnihil vitii adhæsisse, Vir doctus

Atus aliis persuadeat, lasciviam ejus exempli gratia profert, quam *Plato* testetur. At enimvero bonum præterit Virum, *Platonem*, id quod antiquis Orientis Philosophis in more positum erat, non raro sua in dogmatum *Socratis* locum substituit. Lascivi profecto & ab omni pudore remoti, quos in *Symposio* ac *Phadro* ejus *Socrates* recitat, sermones in neminem minus quadrant & cadunt, quam in virum, qualis *Socrates* ab omnibus, imprimis a *Xenophonte*, describitur. Is sane si fuisset, ut a *Platone* his in Dialogis fingitur, *Socrates*, qui eum de medio sustulerunt, præclare de republica meriti essent. Verum *Plato*, qui parum castus & pudicus erat, quo ipse pauciores, quos invidia in se ureret, haberet, hominem hunc immortalis memoriæ in ignominia suæ societatem venire voluit. Viris, qui hodie supra multitudinem sapere in Magna gestiunt Britannia, idem magnus in Græcia vir in exemplum proponitur. Non cadit in eos, færa nostra turbare. Cur vero? quia *Socrates* hoc facere non ausus est. Quoniam autem hoc putas perspicuum & evidens fieri? *Plato* is est, qui *Socratem amicis suis hoc extremum patefecisse desiderium, ut pro se gallum Diis immolarent*, memoriæ prodidit. Ego vero non video, quæ via inveniunda sit, hanc rem, si re quidem vera gesta esset, historiæ mortis, quæ periit Philosophus, conciliandi. *Socrates*, eo quod ædulus, hoc est, publicus plurium Deorum irrisor & contemtor, esset, cicuta sublatu est. Quod si innocenti accidit homini; falsum est, ipsum pluribus Numinibus servivisse. Ausum spondere, *Platonem* iterum mentitum esse, atque istam fabulam, ut piam aliquam fallaciam, credulæ multitudini obtrusisse. Tot exstant hujus moris in eo documenta, & idem tot in locis præcipit, sapientis esse, ut, publicæ utilitatis causa, mentiatur, plebisque simplicitatem fallat & circumveniat. Aut, si mavis, non sine ironia cum amicis ita locutus est *Socrates*; ut ridibundus atque hilaris pleraque docebat, & omnes ejus disputationes facetam ac suavem præ se ferebant ironiam. Ita salis plenus & facetiarum ille forites erat, quo *Melitum*, accusatorem suum, depexum dabat

Pag. 213.

& exornatum. *Melitus* nimirum perhibebat: *Socrates negat, Deos esse, sed nova inducit demonia.* Ex hac accusatione *Socrates* hoc utens sorte colligebat: *jam vero Demonia sunt Deorum filii.* Et, *quisquis filios Deorum inducit, is omnino, Deos esse, putat.* Et *sensus accusationis tuæ, Melite, hic est: Socrates non putat, esse Deos, sed putat, esse Deos.* Ἀδικεῖ Σωκράτης θεὸς ἔ νομίζων, ἀλλὰ θεὸς νομίζων. Quæ quidem levior umbra facile dissipari potuisset, si *Melitus*, conclusionem sequi, negasset. Erant enim *dæmones*, non *Socratis*, sed *Meliti*, iudicio, filii Deorum. Quam male confulseque ac conturbate Cl. Autor causam in se quidem optimam egerit, hæc etiam indicio sunt. *Optima* vocat *tempora*, unde virtutis exempla, Romanos inter & Græcos, sibi inter legendum oblata, repetiit. Sed nusquam enodavit, quænam tempora isthac ornet laude. Sive igitur ea putat, quæ Christum natum præcesserunt, sive illa, quæ natum consecuta sunt Servatorem. Ante C. N. & tempore, quo inter homines nasci voluit Dei filius, omnes omnium gentium religiones Romæ sedem ac domicilium fixerant. Dii Deæque, quibus publice sacra fiebant, insignium potius scelerum ac vitiorum, quam virtutum, exempla suppeditabant, & vaserri mi religionum antistites nihil non, quod vitiis fovendis aptum esset, conquirebant, in eam quippe curam unice intenti, ut a maioribus acceptæ Deorum ceremoniæ manerent. Hinc flagitiosissimam vitam universi vivebant, & illa impune committebant scelera, quorum hodie nomina vix aures ferunt honestæ. *Juvenalem* testor ex Latinis & *Perfium*, ex Græcis autem *Lucianum*. S. *Paulum Rom. I* testor, quem *Corn. Adami* illustravit, ac S. *Cyprianum Ep. I pag. 2 edit. Baluzii.* Nec deerant inter eos ipsos, qui Deos observabant, viri sapientes, qui hanc amentiam perspicerent. Verum aut non poterant, aut nolebant, malis mederi: omnes autem ab intelligentia ad rem tam arduam necessaria nudi & relictæ erant. Quis rerum adeo ignarus sit, ut ipsum fugiant gladiatorii ludi, nefarii puerorum amores, & infandæ libidines? Divortiorum licentiam inter Græcos Romanosque, consue-

tudi.

tudinem infantes exponendi, abortumque ciendi, & alia flagitia, quibus omnibus nullæ leges obstabant, sciens prætereo. Quodsi de tempore post C. N. Vir loquitur Reverendus, & ego ejus sum, & ille meus erit. Tunc enim Deorum servitia moratiora & melius constituta incipiebant fieri. Viri exoriebantur, ex juniorum inprimis *Platoniorum* scholis, qui Christianam & ethnicam, cum fidei, tum morum, doctrinam in pacem & concordiam redigere conabantur. Hoc fervens conciliandi studium omnes Augusti, inprimisque *Julianus*, & *Ἀποστόλῃς*, promovebant. Ex eodem manavit fonte, ut scriptores plurium Numinum fautores, vitas Viro- rum de Diis meritissimorum descripturi, easdem, quas Christiani suis inculcabant, virtutes attribuerent. Nec vero illis tantum has affingebant, qui tum vivebant, verum iis etiam, qui jam olim fuerant, idem honores habebatur. Astuti nimirum homines istud hoc faciebant consilio, ut viros, quos Christo & ejus amicis opponerent, haberent. Hinc *Plutarchus*, hinc *Epiſtetus*, hinc *M. Antoninus* Philosophus, *Scriptores* item *Historie Augusta*, aliique, multa continent, quæ Christianis debentur. Legat, qui hæc cognoscere cupit, vitam *Apollonii Thyanæi*, a *Philostrato*, vitam *Pythagoræ*, a *Jamblichæ* & *Porphyræ*, & vitam denique *Plotini* ac *Procli*, a *Porphyræ* & *Marino*, descriptam. Hi enim Historici hosce heroes non propriis, non suis, sed a Christo & ejus testibus adscitis & sumtis, pinxerunt coloribus. At nolebant commentitorum Numinum cultores quidquam ex Christi amicorum scriptis furto surripere videri, donec furti ab his convicti, ut *cornix furtivis nudata coloribus*, in conspectu orbis Christiani, plaudentibus ipsis, ridebantur. Quin potius eorum virtutem, ex quorum fontibus optima quæque hauserant, acrioribus, quam fert æquitas, conviciis ac contumeliis concidebant, & vehementer insectabantur. *Platonicos* hoc fecit monitum, quod intactum dimittere non placuit. Hi, descivisse a magistri sui institutis Christianos, criminabantur. Majus aliquid decernam: sacra historia omni tantum non tempore docuit, eos causæ non bonæ serviisse, qui in mores

Chri-

Christianorum favierunt, ethnicis contra faverunt. *Mohammedes* idem illis postea, quod *Platonici* olim, objiciebat crimen, eosque castam ac sanam præceptoris sui disciplinam variis erroribus deformasse, præ se ferebat. Hujusmodi sunt, qui causæ Viri Celeberrimi duces & quasi signiferi jam olim exstiterunt. Iis se aggregat hominibus, qui vitia in antiquis delent populis, certe ea suis obscurant expositionibus, quo viliora esse videantur. Sunt in Anglia, qui omnibus religionibus male cupiunt. Fac, exoriri ex horum ordine aliquem, eique vetus illud *Celsi*, *Hieroclis*, & aliorum Christi malevolorum, carmen occinere: *Quidnam igitur eximii emolumenti Christi morum doctrina orbi terrarum attulit, cum virtus ethnicis jamjam populis patuerit?* Qua, obsecro, ratione hoc in nos conjectum retundet telum? Quod vero excellentiam morum doctrinæ Christi in dubium non vocat, concionem inprimis montanam præclaris laudibus dignissimam judicat, id quidem jure ac merito fecisse videtur. Neque novum hoc est atque inusitatum in eorum historia, qui nemini minus, quam Servatori, faverunt. Veteres Deorum cultores aliqui, nec non antiqui pariter, ac recentiores, Servatoris osiores, hac eadem præditi fuerunt humanitate. *Tiberii*, *Alexandri Severi*, & *Hadriani*, Rom. Imp. in Jesum Christum studium notius est inter literatos, quam ut fusius explicari debeat. Ipsa Numinum oracula, seu, ut verius dicam, sacerdotes & religionum antistites, per responsiones e tripode prolatas imperitæ multitudini illudentes, excelsæ & magnificæ de Domino sentiebant. *Porphyrius*, ut capitali a Christi sacris odio dissideret, Apollinis tamen oraculum disertis verbis recensuit, quod servavit *Eusebius*. Propius ad hanc rem propositam *Juliani* pertinet Epistola, ad *Arsacium* P. M. exarata. Multi sunt hodie, qui nimis asperitatis & difficultatis moralia cœlestis magistri nostri acculant præcepta, atque ista ejusmodi esse præ se ferunt, ut, nisi a nobilioribus, quos vocant, animis, & in monasteria ire paratis, coli a nemine queant. His signum prætulit *Petrus Badius*, quo acutiorem & astutiorem adversarium sanctior hodie

hodie religio experta est neminem. Ego vero non video, his quemadmodum satisfactorius sit Vir doctus, qui identidem factus est ac præ se tulit, vitam præceptis Christi respondentem inter nullos ejus observatores agi. *Multos, quin plurimos, jure forsitan accusat. Mores plurimorum Romanæ sedis Præsulum, fratrum ratorum, crudelium inter eos tribunaliū, & quorundam tyrannorum, pessimos ac profligatissimos, non inmerito notavit.* Ex hac vero *singulari* propositione, quod, *omnes* Christianos nigros ac vitiis obrutos esse, concludit, in eo quidem, quæ alba sunt, nigra dicit. Seu, ut magis philosophice dicam, ratiocinium nectit, in quo consecutioni nullus locus a purgata datur ratione. Ille vero, secundis adversariorum admirumurationibus, cives Christi sine pudore accusat in universum omnes. *Longa est injuria, longa ambages, in quibus recensendis multus non ero, cum apud ipsum evolvi & legi queant.* Optat tam sanctos hodie Christianos videre, quales optimus maximusque Dei requisivit orator. Hi si essent, unus si esset; tunc orbi nostro, si audias hominem, foret consultum. Sed vota ejus cadunt in irritum: *nullus est.* Nonne hac ratione, dum castella Christianorum munire vult videri, totam eorum hostibus prodit civitatem? Hi enim, nec inmerito, quærent: *Cur vero nullus tam eximie sanctus inter Christianos reperitur?* Responsio, quam sibi ex tempore ipsimet dabunt, hæc erit: *quia præcepta Domini moralia nimis sunt sublimia, & ab humana imbecillitate ita semota, ut vita exprimere nemo ea valeat.* Ad id, quod fieri nequit, nemo potest obligari. Quid inde consequitur? En tenne, at vasrum ac versutum, acumen! Ergo *moralia Jesu Christi præcepta sunt inutilia & supervacanea, id est, non necessaria.* Nihil enim in morum emendatione virtutis habent & efficacitatis. Contra vero ea *virtus ethnica, quam satis perfecta sit, hoc est, quantum in civitate usum habeat, tot exemplis doceri & confirmari potest.* Ergo *eadem hodie servetur, neque in orbe Christiano major & excellentior, quam ethnica fuit, in posterum virtus colatur & poseatur.* Orbatus oculis essem, nisi viderem, Virum Clarissimum

sumum, quo spectatorum serviret curiositati, aliquamdiu cum larvis & umbris pugnasse, tum vero causam adversariis tradidisse. Bella confutatio, cui alius, non item ego, magnum statuat pretium. Restat, ut homines, qui tam aspera de Christi morum disciplina judicia sumunt, gravioribus refellam argumentis, & philosophica quadam accuratatione utar. Historiam, ubi opus erit, antiquam in subsidium vocabo, sperans, futurum, ut commodi nonnihil in sanctiorem Domini religionem manet. Fac, hos, quos peto, viros in sua consistere sententia, nec veritati, tot licet copiis vallatz, cedere & manus dare. Tunc eo, quo amentes, loco habendi ac deferendi erunt. Nimisenim ignea ingenii vis, qua omnes vincere, & supra vulgum evecti esse, cupiunt, aciem mentis & judicii, ut sit, præstrinxit. Ingenii vero haud est, sed unius, quod Logica expolivit, judicii, quid in quaque re verum falsumque sit, perspicere ac decernere. Argumentum, quo hostes adversus nos utuntur, ita se habet: *Virtutes ethnicorum sunt jam perfecta.* Ergo necessaria haud est virtus, quam Servator patefecit, & in literas referri jussit. Ego vero hujus agentis principii nervos incidendos reor, & in ejus locum hanc negantem pono propositionem: *Virtutes ethnicorum non sunt perfecta.* Præcisam magis adhibebo negationem: *Nulla virtutes ethnicae sunt perfecta.* Quod propositum si verum erit, falsa statim erit, quæ ex agente ducta fuit, conclusio, atque huic locus dandus erit: *E. virtute, quam Dominus inculcavit, orbis carere non potuit.* Verba & res ipsas enodabo, planum facturus, verbis cum eo me consistere, & re tamen dissidere. *Ethnici* sunt omnes a Christi sacris averſi & alieni, sive ante, sive post natum vixerint Servatorem. Omnes notiores intelligo populos hoc nomine, qui plurimum Deorum mancipio sese addixerant. *Virtutis* nomine non omnem universæ firmam facilitatem, quæ ad corpus & animum pertinet, designatam volo; in qua divisione virtus animi rursus in intellectualem ac moralem distribui solet. Hic igitur loci de virtute morali exoritur disputatio. *Hæc*, in se spectata & generatim sumta, *habitus est* volun-

voluntatis, facultati, quam a natura accepimus, recte rationi convenienter superadditus. Vox *perfectio* ad eas adjungi meretur, quas relativas dixit *Jo. Lockius*, inclytus Magnæ Britannix Philosophus. Potest nimirum aliquid *perfectum* esse in se suaque natura, & in suo genere, ut horologium, quod omnes, quas poscit, partes habet, merito perfectum dicitur. At fieri etiam potest, ut aliquid *perfectum* sit, si cum alio genere, quod ei subjectum est, contendatur & comparetur. Sic, verbi causa, domus aliqua, quæ, si priorem & alteram ejus partem consideres, perfecta forsitan erit, verum, si tertiæ conclavia nondum parata spectes, ea suam, quam requirit, nondum adeptæ est perfectionem. Accommodabo hæc veritatis principia ad rem præsentem institutam. *Virtutes*, de quibus hic disputamus, *ethnica duplici ratione perfecta* vocari possunt: primo in suo, cui subjectæ sunt, genere, deinde, si ad totum hominis bonum, in toto ejus ambitu, referuntur. Ita omnem ambiguitatem de medio fustuli, & causam de verbis litigandi præcidi. Nunc demum ipsa disputationis cornua comovebo, & in arcein causæ perfacili negotio invadam. Falsum est, Deorum cultores ejusmodi coluisse virtutes, quæ in suo quidem genere perfecta dici queant. Omnes, quæ in gentibus elucet, virtutes aut sunt civiles, aut militares, aut ex his utrisque commixtæ. Civiles eas dico, quarum moventes causæ ex rationibus civitatis ducuntur. Militares, ad quas exercendas causæ, e militia petiti, incitant & cohortantur. Ex his commixtæ quales sint, nemo est, quin, etiam me tacente, perspiciat. *Virtus moralis* est habitus voluntatis, internam animi indolem, & externos mores, corrigendi ac emendandi. Ille habitus facultati huic, nobiscum nata, superaddi poterit, aut recte rationi congruenter, aut eidem minus convenienter. Prius quoties sit, virtus hinc oritur perfecta, hoc est, ea, quæ utramque habet bonitatem, a lege requisitam, & materialem, ut loquuntur, & formalem. Illa est, si qua externa virtus cum lege congruit. Hac vero, si eadem etiam ex recta ratione, & ex unius Dei, qui magnus orbis creator & conservator est, obsequio proficiscitur. Al-

rerum ubi contingit, ut nimirum habitus voluntatis *rationi minus convenienter* acquiratur; *virtutes* hinc existunt *imperfectæ* ac *dimidiæ*, hoc est, *umbra & simulacra virtutum*, quæ solam *materia* habent *bonitatem*, altera vero carent, quæ cardinem rei in vera sinceraque constituit virtute. His vestiti umbris, multa faciunt in speciem præclare, in iis potissimum rebus, ad quas gerendas animi quadam concitatione, vel honoris, vel opum, vel fœdarum denique voluptatum, studio, ducuntur. Quo magis faultricem naturam in tribuendis eximiis animi commotionibus nacti sunt, eo pluribus imperitos umbris & speciebus illudent ac fallent. Atque illuc pertinent, quæ in perfectarum virtutum censum irrepsērunt, ethnicorum virtutes. Hæ aut *nullæ* sunt virtutes, aut *dimidiæ* saltem ac *imperfectæ*, eademque vel *civiles*, vel *militares*, vel *mixtæ*. Vides hic sanum iudicium, a recta ratione de iis virtutibus latum, quas ex rhetris *Lycurgi* & axonibus coluerunt ethnici. Vetus historia lux veritatis hic nuntia erit. *Bina* vero cum in hac causa lumen historiarum desiderare intelligam; in utrisque declarandis nunc versabor. Unum est: *virtutes ethnicae aut civiles sunt, aut militares, aut mixtæ*. Alterum: *imperfectæ tantum virtutes*, vel, si mavis, *simulacra sunt virtutum*. Ut *religiones* erant veterum, ita virtutes comparatæ fuerunt. Jam vero religiones populorum a Romanis diversorum, quæ nobilitatem consecutæ sunt, in duas classes apte distribuuntur. Aliæ nimirum *civiles* sunt, aliæ *militares*. Quodsi quis populorum, orientem solem spectantium, Persarum imprimis, Ægyptiorum, & Indorum, attentius expenderit religiones; is animadvertet facile, illas ad civitatis salutem, publicæ tranquillitatis usum ac conservationem, virtutumque civilium incrementum, unice valuisse. At, quicquid de iis, eorumque servitio, inter populos septentrionales, Germanos, Britannos, Celtas, Gothos, & alios, traditum fuit, id ad fortitudinem, ferociamque, ac vitæ rerumque externarum despicientiam, gignendam & fovendam accommodatum fuisse, testatissimum est. Horum enim *ingenia immanifecta* erant, ut cum Poeta vetere ait *Seneca, suoque similli-*
ma

ma calo. Itaque, ut mitescerent, necesse fuit. Qui curiosus Græcorum & Romanorum sacra, quam vulgo fit, explorare volet, is mixtum aliquid ex rationibus civitatis ac militiæ deprehendet. Nam Quirites a Græcis, reipublicæ causa, fabulas suas sumserant; cum his Ægyptiorum Deos, & Italica quædam & Hetrusca commenta, conjunxerant. Et, quoniam arma eorum magnam orbis terrarum partem pervaserant, operam inprimis dabant, ut viribus corporis valerent. Ad harum duarum classium alterutram singulæ illæ pertinebunt virtutes, quibus panegyricum scripsit S. R. *Englandus*. Quo egregio labore, cui his notulis obstreperè ausus sum, id, præter alia, effecit, ut minus mihi hac in re negotii reliquerit. Scitum hoc erat veterum: *Quicquid civitati patriæ utile, illud exercendum, illud virtus est. Quicquid ei noxium, illud, seu vitium ac flagitium, omni navitate fugiendum.* De eo autem non multum laborabant, num veræ ac perfectæ, an vero imperfectæ, essent, quas colerent, virtutes. Jam ergo in eo totus ero, ut, umbras modo virtutum eas fuisse, contendam & vincam. Actiones *extrinsecus* bonæ erant, quæ *interna*, quam *formalem* vocant Philosophi, carebant *bonitate*, quoniam non ex unius Dei amore ac timore, nec ex ejus obsequio, proficiscebantur. Nam *veram* ac *perfectam* virtutem colere idem est, ac ita vivere, quemadmodum infinitæ unius Dei, ejusdemque hujus rerum universalitatis opificis & conservatoris, perfectiones jubent. Is nimirum perfectæ virtutis cultor est, qui omnes actiones suas sic instituit, ut Dei perfectiones ante oculos positas habeat, iisque, ut causis moventibus, in agendo utatur. Quodsi autem vicero, Deorum servitia unum Deum, qui hujus orbis causa & autor sit, nunquam admisisse; consequens erit, ut, si quid virtutis habuerunt, istud civilium virtutum umbra dicendum sit. *Stimulacra & species virtutum* erant *civilium* aut *militarium*, quæ in politioribus totius orbis populis nobis hodie tam vehementer probantur. Hinc nec *uniformitas*, vel, ut Latinius dicam, *aquabilitas & constans sui similitudo*, in iis apparebat, quæ a perfecta virtute nunquam

potest separari ac secerni. Quodsi hanc unicam rem rectius putasset. Vir doctissimus, tantum tam levibus umbris pretium non statuisset, sed eas sine mora ex verarum virtutum delevisset indice. Nam *virtutes non uniformes* simulacra sunt virtutum, imo plane vitia ex parte. Jam vero in ethnicis virtutum cultoribus non est, ipso quidem autore, in omni vita æquabilitas, & idem semper bene agendi studium. Itaque virtutes ethnicae, non invito Cl. Viro, simulacra sunt & umbræ virtutum; id quod præclaro libro demonstravit *Esprit Fleischer*, illustris Episcopus Nemaussensis. *Ethnica virtutes civiles* pariter ac *militares* non poterant non umbræ modo ac simulacra esse, quoniam ex unius Dei non manabant obsequio. Huic autem obsequi non poterant, cum eum ignorarent omnes, quotquot pluribus Numinibus sacra faciebant. Vir Cl. ab hac suam sejunxit opinionem, atque identidem præ se tulit, omnes olim gentes verum Deum sub fictis notionibus coluisse. Falso. Namque rectores populi ac Philosophi aut omni religioni apertum denuntiabant hellum, aut de Deo multo aliter, atque recta & purgata ratio, præcipiebant. *Epicurei* nimirum & *Academici*, quorum factioni potentiores ac ditiores addicti erant, omnem religionem de medio tollebant, ea sciscientes dogmata, quæ vitia gignebant & alebant. Reliqui vero ex *Aristotelis*, *Zenonis*, ac *Platonis*, scholis miseras suas & inficetas de Deo sententias, magnificis ac splendidis verborum velis tegebant. *Deus* certe *Aristotelicus*, principium motus in machina, *Deus Stoicorum* corporeus, arctissimo cum materia vinculo colligatus, & fato subjectus, *Deus* item *Platonicus*, multis nimirum perfectionibus carens, is unus haud erat Deus, qui orbem ex nihilo condidit. Post C. N. verum est, rectiora edoctas profanas esse gentes. Tunc autem astuti sacerdotes & Philosophi in eo elaborabant, ut sua & Christi sacra, toto quamvis genere a se disjuncta, inter se amice conciliarent. Hac mente aut receptis a se Deorum nominibus eadem, quæ nos, addebant apposita, aut, nostro prorsus more, loquebantur. Verum, ut verbis nobiscum confisterent, quæ

a nobis mutua sumserant, re tamen ipsa a nobis dissidebant, atque in eo semper manebant, quod a puero didicerant. Quæ cum ita sint, longe alia plurimum Numinum origo investiganda erit, quam Vir Cl. tradidit. Multo alia via Deorum historix a primis initiis ducendæ, ac tum accuratius contendendæ, ineunda erit. Equidem nonnulla hic leviter ac præcise attingam, quæ alias plenius & perfectius enodandi non abjeci consilium, si qua occasio dabitur. Erat omnino in animis hominum a vera religione averforum anticipatio quædam unius Dei, ac prænotio naturalis, qua si, ut fas erat, usi essent, altius sese in ejus cognitione efferre haud dubie potuissent. Nec dubium est, quin traditio populi Dei multum hanc juverit, & in animis gentium confirmaverit. Verum, ut confusa & lubrica ista erat notitia, ita in artificium malitiæ verti facile poterat. Nihil proclivius erat, quam ut versuti homines ea turpiter abuterentur. Ut recentiori ætate *Mohammedes*, & in Anglis *Oliverius Cromwellius*, fanaticorum antea personam sumebant, quam regum ac imperantium inducerent habitum: sic olim fuisse reperimus. Primi nimirum urbium conditores hanc in animo metam designaverant, se magnos evadere posse, si nudos ac impositos homines in societates cogerent, & ad certas leges adstringerent. Quem propositum finem optime sic sese consecuturos esse rebantur, si rationes hunc in modum subducerent: Deus, qui fugit oculos mortalium, certos in hunc orbem viros misit, eximiis dotibus instructos, qui de republica bene mereantur. Horum animos, ut e corporibus excesserunt, e bonis geniiis in Deos commutat, & sui loco divinis honorari honoribus jubet. Grata hæc erat ac perquam jucunda ratio & rectoribus civitatum, & populo, qui in votis habebat, ut res suæ meliori in posterum loco sitæ essent. Quid sit tandem? Consilium feliciter captum feliciter explicatur. Exoriuntur egregii viri & heroes, rebus gestis & beneficiis inclyti, reges, duces, & civitatum conditores, sæminæ item factis & inventis de populo præclare insigniterque merentes. In his inter *Ægyptios Osiris, Isis, Orus, Typhon*, erant, sicut

Jupi-

Jupiter vetus Thessaliæ Rex fuit, meritis in rempublicam ac beneficiis illustris, cujus legatus *Mercurius* dictus est. Credula multitudo tam meritos de se rebusque suis viros Deos sibi esse facile in animum inducebat. Noluit ergo grata eorum voluntas horum interire memoriam. Hinc exstruuntur templa, in quibus, cum literæ tum haud vigerent, memoria eorum anniversariis quibusdam cerimoniis celebratur. Signa inprimis pinguntur, figuræ, ac imagines, quibus merita horum Deorum spectatoribus significantur. Atque hi populares & patrii erant Dii, communibus populorum suffragiis in cælum evecli, quos Deorum indicat historia. Antislites sacrorum, qui sibi hic arari, sibi occari, sibi feri, si-bique eisdem meti, callide perspiciebant, majorem hisce Diis reverentiam conciliaturi, varia fingeant & mentiebantur. Cum his faciebant, quibus civitatum gubernatio commissa erat. Non est hic loci prætereundum singulare *Platonis*, qui magnam Philosophiæ suæ partem ex *Ægypto* asportaverat, præceptum: *Τοῖς ἀρχεσὶ δὴ τῆς πόλεως ἐὶ παρά τινα ἄλλοις προσήκειν ψεύδεσθαι, ἢ πολεμίων ἢ πολιτῶν ἕνεκα, ἐπ' ὠφελείᾳ τῆς πόλεως, κ. τ. λ.* Principibus civitatis præ ceteris fallere & mentiri licet, vel hostium causa, vel civium, propter utilitatem civitatis. Ad hujus normam instituti, vafri religionum antislites Diis suis, qui homines vitiis, quam virtutibus, nobiliores fuerunt, varia & miracula ficta tribuebant & oracula. Hos ipsos soli, lunæ, ac sideribus, quin montibus etiam, fluviis, arboribus, terræ, mari, ventis, imo morbis, vitiis, virtutibus, & nescio quibus præterea rebus, præsidere, multitudini obtrudebant. Hæc causa erat, cur divinos his omnibus honores tribueret. Nec minus *Ægyptii* sacerdotes civibus suis persuadebant, Deos hos bestiis præesse utilibus, ut ovibus, capris, bobus, vaccis, nec non ichneumoni & ciconiæ, ex quibus ille crocodilis, hæc serpentibus, perpetua quasi bella infert. Quod ii, qui rempublicam & civitatem in hac terra lege providerant, & ministri Deorum fauis, victimis, sacrisque ritibus, confirmabant, præsertim cum *Ægyptus* earum esset belluarum non admodum ferax, quarum

rum in vita hominum & agrorum cultura necessarius est usus. Atque, ut natura Dei, quem quælibet urbs & natio reverebatur, erat, ita ex animalibus patriis istud seligebat, quod ei inprimis responderet. Hinc anguillæ & aliorum piscium, hinc sævorum, tetricorum, & perniciosissimorum animalium, crocodilorum, serpentum, luporum, hippopotamorum, & urforum, supplicationes ortæ. In his enim Numinis quæque sui imaginem suspiciebat. Quod sigillatim pisces aliquos, cepe item & allium, nonnullis civibus suis interdicebant legumilatores & sacerdotes, in eo quidem valetudinis ipsorum rationem habuisse videntur. Istud vero quo efficacius esset interdictum, a religione auxilium petierant. Et inde occasionem *Juvenalis* sumit ridendi sanctos, quibus Numina in hortis nascerentur. Cum his antiquissimis Ægyptiis varia Græcorum, qui, mercaturæ causa, in Ægyptum proficiscebantur, divina sociata & colligata erant instituta. Quæ vero, ubi Græci, sub *Alexandri M.* auspiciis, Ægyptiorum facti erant domini, auctiora evaserunt. Eisdem postea sub *Ptolemais* sensim & sensim majores accessiones factæ sunt, & patriorum Ægyptiorum, Græcorumque, Deorum historia inter se confundebatur. Orbis scilicet terrarum res quædam publica, in varias distributa provincias, esse credebatur, quibus separata Deorum familia præsideret. In quibus cum nulla pugna esset; *Jovis* Græci & *Osiridis* Ægyptii historia sic facile adornari & aptari poterat, ac si una & eadem semper fuisset. Romanos, cum Jesus nasceretur, idem conciliandi veterum ritus, atque adeo ipsorum Christianorum sacra, suis antehac receptis ceremoniis, vexavit studium. Cum literarum lux, recentiori ætate, exoriretur; antislites religionum, ut versuti & callidi erant homines, commodis suis servituri, dictas heroum dudum defunctorum imagines multitudinis oculis subducebant, nec ad eas spectandas, nisi eos, admittebant, quorum fidem & prudentiam haud segniter probaverant. Hoc tempore historici, qui veri erant, non amplius valebant sensus, sed tam varios mysticos & allegoricos excogitabant sacerdotes, ut vix bina eorum essent

collegia, quibus eadem exponendi ratio placeret. *Arcanam* illam & *occultam* religionem, quam *religionem prudentum* dixeris, Orientis populi & Græci *mysteria* nominabant, quæ ratione præditis ut patebant, his interiores Deorum rationes sine mora introspicere datum erat. Ficta nimirum Numina homines fuerant, quorum jam dudum perierat memoria. Versutia sacerdotum, qui continuo Numinum commercio se frui gloriabantur, populum improbe deludebat. Ipsi vetustissimi Reges ac præsidēs urbium, quo major sacris honos ac reverentia haberetur, sanctiores functiones obire non detestabant. Cum Deus indueret hominem, S. P. Q. R. in *Augusti* verba jurabat. Is vero non tantum Imperatoris, Censoris, Tribuni Plebis, Proconsulis, omnibus, ut verbo dicam, splendidissimis reipublicæ muneribus, ornatus, sed etiam Pontifex Maximus, id est, supremus sacrorum Antistes, erat. *Vespasianus*, ad Alexandrinorum sibi studia acquirenda, familiaritatem *Serapidis* mentiebat, seque auxilio ejusdem miracula edere fingeat, qua in re cum Imperatore, novi regni formandi cupidissimo, ad plebem circumveniendam astuti & callidi, hujus Ægyptii Numinis sacerdotes consentiebant. Mira ergo navitate studebant principes civitatum, plurium venerationem Deorum in dies amplificare, quam, ad stuporem populi augendum, & ad cæcū ab iis obsequium excutendum, satis aptam ac idoneam esse, longa & diuturna exploratione cognoverant. Ex his antiquarum religionum originibus, quas indicavimus verius, quam explicavimus, perspicuum est, fictorum Numinum veneratores unius Dei, quem hujus rerum universitatis parentem & conditorem esse ratio docet, cognitione caruisse. Hunc cum minus cognorint, ei nec parere & obsequi, eundem nec timere ac amare, potuerunt. *Nulla virtutes, civiles etiam ac militares*, quæ non ex vero unius Dei timore & amore, & ex ejus obsequio, manant, *perfectæ* virtutes sunt. Ergo omnes ejus generis virtutes *imperfectæ* sunt, quæ non nisi *externa* utuntur *bonitate*, hoc est, *simulacra* sunt & *umbra virtutum*. Ex quo sequitur, ut *omnes ethnica virtutes* non in *perfectarum*, sed *im-*

per-

perfectarum, loco ac numero virtutum habendæ sint. Q. E. D. Hactenus planum feci, virtutes ethnicas, in suo quidem genere, dum ut civiles ac militares spectandæ erant, eam, quam recta & purgata ratio exigit, perfectionem minime habuisse. Sequitur, ut ostendam, easdem perfectas haud esse, si vocabulum *perfectio* ad privatas hominis cujusque utilitates referatur. Homo nimirum non modo *ut civis*, ut membrum societatis ac civitatis cujusdam, verum etiam, *ut solus & unus est*, spectari debet. Quodsi ut civis aliquis consideratur, communis ac publicæ utilitatis major, quam privatæ, habetur ratio. Summum autem totius civitatis bonum *amicitia* est socialis, qua civis alter alteri debita, & necessitatis, & humanitatis, seu commoditatis, præstat officia. Quocirca civiles virtutes a condita civitate abesse nequeunt, quæ ubi perfectæ fuerint, communi ejus saluti quam rectissime consulitur, & nullis plane dolis ac fraudibus locus datur. Simulacra vero civilis virtutis aliquam modo civitatum salutem promovent, non omnem. Namque his velis tecti, nullam non commodis propriis serviendi arripiunt occasionem, & malis etiam artibus obsequuntur. Dum autem homo, *ut solus ac unus est*, spectatur, *bina summa* eidem *bona* Deum decrevisse, recta & defecata ratio dicat. *Unum* ad hanc præsentem, *alterum* ad futuram, pertinet vitam. *Illud est sanctior animi securitas & tranquillitas*, quæ nos in rerum varietate ac vicissitudine juvare potest. *Hoc vero æterna est, & omnibus numeris absoluta, beatitas*. Hanc non posse non esse & existere, ratio concludit, quoniam homo, naturæ suæ morali incredibilem infiniti cujusdam boni cupiditatem ab ipso Deo inditam esse, sentit. Eam vero Deus, quo nihil sapientius fieri potest, frustra minime dedit, verum, hac ipsa interiore duce ac magistra, ut non sit mortale, quod optet, voluit. Jam vero fieri nequit, ut non interturbata in hac rerum & molestiarum & tristium vicissitudine animi tranquillitatem, & omnibus numeris expletam consequamur felicitatem. Nec fieri potest, ut in hoc tempore æterna beatitate fruamur. Ex his, quæ ponit, principiis polita & exulta concludit ratio: ergo beatissimus hominis status hanc demum vitam sequitur. Cumque videat corpus

interire, hoc porro relicta sibi ratio nequit corollarium: ergo animus, qui per se ipse jam a natura destrui & corrumpi nequit, immortalis erit, isque sensus etiam beatitatis capax est. *Duplex igitur summum hominis bonum* esse, omni vacat dubitatione. Bonum hominis finis est aliquis, quem ut consequatur, niti debet. Et summum hominis bonum primum & extremus finis est, quem ut obtineat, omnium actionum ejus moralium meta sit. Et quidem securitas animi & tranquillitas, quam Græci *εὐταξία* vocant, ultimum, si hanc mortalem vitam spectes, est. *Æterna vero & perfectissima felicitas finis hominis absolute ac præcise ultimus est & dicitur.* His jactis fundamentis, circumspiciam, quam virtute utriusque finis participes fieri queamus. *Virtus civilis, ac militaris, quæ ex sola civitatis utilitate & damno causas moventes petit, licet perfecta sit, neutri efficiendo sufficit. Ergo imperfecta* multo minus sufficiet. Itaque *nulla virtus ethnica ad summum hominis bonum procurandum satis habet virium.* Ergo virtus alia, eaque sufficiens, homini necessaria erit, utroque sine potituro. Hæc simplex conclusio ex necessaria consecutione conficitur. Atque his rite præfultis, nervos rationum colligam omnium, illis, qui Christianis morum præceptis male volunt, hætenus oppositarum: *virtutes ethnica simulacra sunt virtutum, aut civilium, aut militarium, aut ex his mixtarum.* E. *imperfecta sunt virtutes, quæ nihil, præter summum civitatis bonum, & ne hoc quidem totum, sed non nisi ex parte, efficere valent.* Non autem fieri potest, ut *summum hominis cujusque bonum, præsens atque futurum, efficiant.* Ergo *perfectior virtus homini, tria summa, quibus Deus ipsum beare voluit, bona plenius adepturo, necessaria erat,* quam Servator O. M. patefecit, & in literas, quas ut sacrosanctas merito recipimus ac veneramur, referri jussit. Q. E. D.

JOACHIMI SCHWARZII DISQUISITIO
 Academica, utrum jure culpandus sit Tribonianus, quod
 in componendis Pandectis ethnicorum hominum
 scripta compilaris.

Lugdun-

Lugduni Batavorum, apud Sam. Luchtmans, 1737, 4 maj.

Plag. 34.

Ille est primarius Criticorum labor, hoc delectum præ ceteris studium, ut curiosas, & ne cogitatione quidem tactas ab aliis, quæstiones magno eruditionis argumentorumque undique conquisitorum apparatu examinent. Sæpe frustra neam, fateamur, navant operam, non tamen semper inutilem. Neque enim exhausta a majoribus ita fuerunt omnia, ut posteritati, præter lectionem, nihil penitus relictum sit. Multa omissa, pleraque non ea, qua decebat, accurratione tractata, reperimus. In his quæstio locum obtinet, *utrum jure culpandus sit Tribonianus, quod in componendis Pandectis ethnicorum hominum scripta compilarit.* Quæ quidem ita comparata est, ut salutem nostrarum rerumpublicarum, quæ istis *Triboniani* sudoribus reguntur, attingat propius. Laudem meretur Cl. *Schwarzius*, qui ejus examini quæstionis Academicam consecrare disquisitionem non dubitavit. Tam eruditum selegit adituali specimini, quo munus docendi Jus civile auspicatus est in Academia Lugdunensi, argumentum. Eam esse putat quæstionis hujusce indolem, ut bina comprehendat defensionis capita, quorum *priori*, compilasse *Tribonianum*, negat, imo, *ἀνεξίβως* ordinasse præclarum Juris Systema, eo tuetur argumento, quia *Tabularum XII* ordinem secutus sit: *posteriori* autem id agit, ut nullum Christianæ religioni per Juris Romani receptionem illatum fuisse probet detrimentum, eximia Philolophiæ Stoicæ, quam Jcti profitebantur plerique, & principii loco accipiebant, motus præstantia. Quam quo aliis quoque ponat ob oculos, limites Jurisprudentiæ naturalis ex mente Stoicorum peragrat, & cum sacrosancta Christianorum Theologia componit. Huic convenire ait Jus naturale Stoicorum, seu creantem Dei optimi maximi voluntatem, ordinemque illum, quem Deus in ipsa hujus universi creatione sexto die omnibus rebus, & consequenter omnibus animalibus, quæ in cælo, terra, & mari, nascuntur, ipsi etiam homini, indiderit, ut data eadem occasione semper eodem modo agant. Jus gentium Stoicorum, pergit, docere

Pag. 28.

10.

13 seq.

14 seq.

Aa 3

nihil,

Pag. 26.

nihil, quod non ipsæ diviniore sciscant literæ, unicumque hoc agnoscere principium: *honeste vive*, quod denuo in binas abeat positiones: *neminem lade, & suum cuique tribue*. Tanti hæc Cl. Schwarzio videntur, ut, *puto nunc*, inquit, *ita me exposuisse principia Jurisprudentiæ Romanæ, ut appareat, non jure culpari Tribonianum, qui ethnicorum hominum scripta compilaverit*. Non injucundæ aut inutiles sunt, quas veluti flores sparsit subinde, annotationes criticæ de ordine XII Tabularum, de antiquissima pubertatis epocha, de notione Juris gentium, qua eminentes gentium patriciarum prærogativas apud Romanos denotat. Sed o quam optarem, singula ex antiquitatibus ita fuisse probata, ut firma iis adhiberi queat fides. Frustra quærivimus testimonia Autorum, quæ in Historia paginam utranvis faciunt, & sine quibus ne veri quidem minima evadit species. Confidimus tamen, fore, ut & hisce desiderii satisfaciat Cl. Schwarzius in iis, quas collegisse se subtiliterque excogitasse ait, Juris Romani Observationibus. Has ut quam celerrime cum orbe literato communicet, communi eruditorum nomine vovemus.

J. H. B. L. ANIMADVERSIONES IN JOACHIMI SCHWARZII, *Juris Civilis in Academia Lugduno-Batava Antecessoris, Disquisitionem Academicam, utrum jure culpandus sit Tribonianus, quod in componendis Pandectis ethnicorum hominum scripta compilarit, Lugduni Batavorum 5 non. Julii A. 1737 institutam.*

Lipsiæ, in bibliopolio Martiniano, 1737, 4.

Plag. 2½.

Est res orbis literati, ut singularum veritatum certa constet ratio. Laudanda igitur est eorum industria, qui scriptiones aliorum secundum artis ratiocinandi regulas rigide examinant, argumenta in medium allata cum judicio ponderant, futilia rejiciunt, inque eorum locum certiora substituant. Id exequi negotium conatus est unus ex iis, qui colligen-

ligendis hisce *Actis* sedulam navant operam, dum *Joachimi Schwarzii* Dissertationem, cujus & indicem & argumentum superiori pagina cum Lectore communicavimus, sub examen vocavit, & qua fieri potuit, modestia confutavit. Ex *Animadversionum* *conversus* perspicimus, binas esse tractationis Capita. Prioribus enim Paragraphis ipse propositæ quæstionis decisionem tentat, & in argumentum de *paganismo Tribonianum* inquiri, tres indicans rationes, quæ eruditos moverunt, ut *Hesychii Milepsi Suida*que testimonia secuti, athenum & pagani sacri Comitum palatii arbitrarentur. *Prima* est, quod in *Justinianum* divinos contulerit titulos, & immortalitatem sponderit Imperatori. Illud moribus adscribit temporum, hoc ad famæ trahit perennitatem, singula & veterum Autorum locis, & doctorum hominum autoritatibus, corroborans. *Alter* ratio est, quod gentilibus reliquerit in Digestis vestigia. Respondet Cl. Animadversionum Autor: 1) *Tribonianum* intacta relinquere maluisse veterum *JCtorum* fragmenta, quam novis eadem deformare laciniis; 2) vestigia ethnica superstitionis ita esse comparata, ut a iudice Christiano facile rescindi queant; 3) multa itidem inveniri pietatis Christianæ in Corpore Juris argumenta, quo refert inscriptionem: *In nomine Domini nostri Jesu Christi*. *Tertia* ratio est, quod *JCtos* gentiles aliis, qui Christi favebant partibus, prætulerit. Probat Dissertationis Autor, non admodum curasse *Tribonianum* religionem *JCtorum*, unde & sex *Tertulliani*, Christiani illius, & si falluntur Critici, ecclesiæ patris, responsa Pandectarum inseruerit compilationi; simulque affirmat, amicum *Justiniani* eo ipso, cum *JCtorum* ethnicorum leges colligeret, pietatis, justitiæ, ac prudentiæ, regulis fecisse ex asse satis: pietati litasse, dum nihil admiserit legi divinæ contrarium: justitiæ, dum Principis voluntatem agendi normam esse voluerit: prudentiæ, dum ea retinuerit responsa, ex quibus per tot Secula jus hausisset S. P. Q. R. Qui ergo accusari & malæ mentis postulari *Tribonianus* poterit? Jungimus nostros sententiæ Cl. Autoris calculos, nihilque reprehensionis mereri illum pronuntiamus, qui & pietatem, & justitiam,

Pag. 3

5.

8 seq.

9 seq.

12.

Pag. 13.

14 seq.

15 seq.

18.

19.

20.

tiam, & prudentiam, in re quadam perficienda juxta custodivit. His instructus subsidiis, *Schwarzius* aggreditur, eique *primo* exprobrat, aliam plane, ac titulus pollicetur, institutam fuisse tractationem, propositæque examen quæstionis inde non nisi per bonam, ut vocant, consecutionem posse elici: *secundo* nec eas, quas pro pertractato argumento proponit, rationes ita esse comparatas, ut lectorem in partes suas rapiant. Dum ordinem Digestorum elegantem commodumque laudat *Schwarzius*, id eo limitandum censet Doctiss. Animadversionum Autor, si ad collectorum sub certis rubricis argumentorum conditionem detrudere, nec pro Systemate Juris accipere, Pandectas velimus; quam tamen esse *Schwarzii* sententiam, certis motus indiciiis, suspicatur. Quod tantam Philosophiæ Stoicæ tribuit præstantiam, ut cum Christianorum Theologia penitus conveniat, vehementer errare *Schwarzius*, nec, ut par erat, lustrasse systematis Stoici fulcra, pronuntiat Autor confutationis. Deum Stoicum, quanquam Patribus ecclesiæ, ut ait *Schwarzius*, probatum, nunc mentem divinam a mundo separatam, nunc spiritum mundo immixtum, partemque mundi formalem, denotare, perspicuis veterum Autorum locis evincit, simulque docet, Stoicos & unitatem lædere Numinis, cui minores quasdam divinitates laborum socios adjungant, & perfectioni ejusdem derogare, dum, in gravioribus solum occupatum, minoris momenti negotia negligere, audacter statuunt, multa insuper absurda ac impia de fato effutientes. Officia, quæ congeneri præstabant Stoici, præclaram habent speciem, sed, si ad principia redeas, summum merentur vituperium. Sic inimicos eam solum ob causam afficiebant beneficiis, ut ἀπάρθρῳ suam omnium oculis pariter atque admirationi exhiberent; cum Christianos contra Dei O. M. voluntas & amor eo adigat. Quæ cum ita se habeant singula, merito concludit, Jurisprudentiam, ex Stoicisimo, id est, Atheismo ethnico, ductam, a disciplina Christianorum non posse non vehementer abhorrere, certe tam arctam, qualem sibi sinxerit *Schwarzius*, statui non posse cognitionem.

NOVA ACTA ERUDITORUM,

publicata Lipsiæ

Calendis Aprilis Anno MDCCXXXVIII.

ANNALES MINORUM, SEU TRIUM ORDINUM a S. Francisco institutorum, Autore A. R. P. LUCA WADDINGO, Hiberno, S. T. Lectore Jubilato, & Ordinis Chronologo. Editio secunda, locupletior & accuratior, opera & studio R. P. JOSEPHI MARIE FONSECA AB EBORA, S. T. Lect. Jubilati, S. & V. Inquisitionis Consultoris, S. C. Confessor. Votantis, Episcop. Examinatoris, Ord. Discreti & in Rom. Curia Commiss. Generalis.

Tomus I, II, III, IV.

Romæ, typis Rochi Bernabò, 1731 & 1732, fol.

Tom. I Alph. 6 plag. 11, Tom. II Alph. 7 plag. 7, Tom. III Alph. 6 plag. 4, Tom. IV Alph. 6 plag. 9.

Cum Annales Seraphici P. *Luca Waddingi*, regularis observantiz S. *Francisci*, rarius inveniri possent ab his, qui istorum tenentur studio, eorundem inopia P. *Josepho Marie Fonseca ab Ebora* consilium injecit de nova editione dictorum Annalium cogitandi. Hac igitur mente ad hoc opus se accinxit, ut hanc editionem reliquis redderet accuratorem, auctioremque. Neque enim solum *Waddingi* vitam, quam P. *Franciscus Haroldus* composuit, primo Volumini præfixit, verum etiam Pontificum summorum varias Bullas hinc inde addidit, quæ

Bb

non-

nondum enim *Waddingo* editæ fuerunt. Cumque præterea multa ab Autore initio prætermiſſa, deinde addita, & ad *Tomorum* variorum calcem rejecta eſſent, hæc omnia Doctiſſ. Editor ſuis inferenda locis curavit, & Supplementa P. *Antonii Meliſſani*, ſtrictioris obſervantiæ, Auguſtæ Taurinorum A. 1710 edita, & alia, nondum typis vulgata, adjungenda eſſe exiſtimavit. Ut vero tam priora Secula illuſtraret, quam univerſam hſtoriam ad noſtra tempora deduceret, in auxilium advocavit Editor Codices Mſtos, quos P. *Bartholomæus Cimarrellus*, ad hoc ipſum a P. *Benigno*, Genuenſi, in Umbriam, Picenum, Tuſciam, & Lombardiam trans-taganam, miſſus, collegit. Inprimis vero uſus hſtoria *Mariani*, Florentini Mſti, quinque Libris diſtincta, ſtilo quidem plus quam humili, imo frequenter barbaro, ſed ſincero tamen, deſcripta, quam ipſi transmitti curavit ex Bibliotheca Ædis omnium Sanctorum Florentiæ P. *Bernardinus a Moncalvo*. Atque hæc quidem hſtoria *Mariani* non eſt confundenda cum hſtoria *Mariana*, Hiſpani, qua itidem in rebus Hiſpanicis uſus eſt Editor. In Chronologia ſilum prætulit, & plurima, eaque graviffima, monumenta ſuppeditavit, Regeſtum Vaticanum ſummorum Pontificum, conſultis inſuper Archivis, e. g. *Aracælitano*, Patrumque Conventualium ad duodecim Apoſtolos in urbe. Circa Coſmographiam, Geographiam, ac Topographiam, præcipuos, tam veteres, quam recentiores, adhibuit Autores, collatis etiam regionum, rerum publicarum, peculiarium civitatum, & Eccleſiarum, hſtoriis. Monaſteriorum origines & ſtructuræ plurimas ex tabulariis & ætographis membranis eruit, alias ex urbium monumentis & peculiaribus hſtoriis, ceteras ex *Franciſco Gonzaga*, *Petro Rudolpho*, & relationibus Mſtis Provinciæ. Ubi vero ex aliorum ſcriptis narrationem texuit, ipſis Autorum verbis uſus eſt, niſi quando ſtili barbaries id prohibuit. Quæ vero in editione Romana & Lugdunenſi vel mutila erant, vel depravata, ea ab Editore integra & emaculata exhibentur. Cumque in exemplaribus Annalium pleraque initia eorum Diplomatum, quæ Romani Pontifices ad res Ordinis Franciſcani pertinen-

inentia ediderunt, mutila sæpe atque hiantia fuerint deprehensa, eadem, facta sibi potestate, ex Bibliotheca Vaticana singulis *Tomis* jam integra sistit Autor. Quo factum est, ut hi *Annales* multo jam prodeant auctiores, & quos ipse *Waddingus octo Voluminibus* complexus est, *decem & octo Tomos* jam sint confecturi. Nos de prioribus *Tomis* *quatuor* jam paucissimis dicemus, ad ceteros suo tempore progressuri.

Tomo I, præmissa imagine *Waddingi*, xri incisa, & Dedicatione ad *Clementem XII*, Pontificem Romanum, brevique Præfatione, habetur *Luca Waddingi* vita, a *Francisco Haroldo* copiosissime conscripta, in qua de patria, parentibus, legationibus, libris, & reliquis fatis, dicti *Waddingi* exponitur fufius. Ipsos *Annales* præcedit apparatus ad *Annales Minorum*, ubi de rerum statu & ecclesie facie exorientibus Prædicatorum & Minorum Ordinibus, de *Francisci*, Ordinum conditoris, ortu, patria, educatione, conversione, &c. agitur. Cæpit Ordo Minorum A. 1208, *Ottone IV* Romanorum Imperatore, & *Innocentio III* Pontifice Romano. In hoc igitur *Tomo I* ab origine Ordinis usque ad annum 1220 fata ejusdem recensentur, adeoque anni 13 Sodalitii illustrantur. Hinc docetur, quomodo *Franciscus*, audita sacri Codicis lectione, conversus fuerit ad Christum, paupertatem amplexus Evangelicam, vestem pauperculam sumserit, pacem prædicaverit, & passionis Dominicæ memoriam renovaverit; refertur regula, quam fratribus præscripsit, ab *Innocentio III* confirmata, missio sociorum, jam multiplicatorum, ad prædicandum, facto prius periculo illorum virtutis & sermonis, instructio populorum per literas a *Francisco* ægrotante facta, ejusdemque iter per Hispaniam, Lusitaniam, Galliamque, & adventus ad Concilium Lateranensem, in quo *Innocentius III* Pontifex denuo ejus institutum probavit, & jam ante probatum declaravit, profectio per orientem, cum sociis, ubi Soldano & Saracenis prædicavit, Syriam Palæstinam aliasque regiones perlustravit, in iisque institutum suum propagavit.

66 seq.

105 seq.

146 seq.

196 seq.

224 seq.

284.

1 seq.

Tomus II incipit ab A. 1221, & historiam pertexit usque ad A. 1237. Hoc tractu temporis *Franciscus*, mortuo fratre, *Petro Cataneo*, in Comitibus generali-

- bus substituit *Eliam*, & sub *Cesario* Spirensi Ministro fratres in Germaniam misit, tertiumque Pœnitentum Ordinem instituit, cujus habitu *Lucbesum* omnium primum donavit.
- Pag. 35 seq. Romæ cum *Matthæo de Rubeis*, familiæ *Ursinorum* virò principis, familiaritatem iniiit, ejusque filio infantulo Pontificatum prædixit, Ordine per Germaniam, Sueciam, Galliam, incrementa capiente, tandemque A. 1226 Assisi mortuus est. Defuncto *Francisco*, *Elias* creatus est Minister generalis, quo tempore magna militum expeditio in terram sanctam facta est, & *Franciscus* propter prodigia, quæ afferuntur, solenniter canonizatus est, cujus famam nomenque Pontifex & Cardinales hymnis Ecclesiasticis rhythmisque extollunt, decreto pariter in ipsius honorem templo. Spoleti etiam magna cum solennitate canonizatus fuit *Antonius de Padua*, strenuus *Francisci* sectator, & a *Gregorio* Pontifice signata *Francisci* diligentius commendata. Præter Annales, in hoc etiam *Tomo* leguntur Apologeticus de prætenso Monachatu Augustiniano *S. Francisci*, in quo deteguntur & refelluntur varii errores, ex hac controversia exorti, ejusdemque Apologetici defensio, ab ipso jam *Waddingo* elaborata. Accedit denique Regestum Pontificum, in quo habentur Bullæ Pontificum, quæ ad res Minorum quoquo modo spectant, quæque in ipsis Annalibus non exhibitæ fuerunt, ex Regesto Vaticano desumptæ.
- Tomus III* ab A. 1238 usque ad A. 1255 extenditur, in quo 1 seq. memoratur, Minores a *Friderico* Imperatore pressos fuisse; *Bela*, Hungariæ Regi, auxilio fuisse & ministerio; in regno Valentis inquisitores & prædicatores in regno Navarræ institutos; *Bonaventuram* institutum *Francisci* assumxisse, magnosque in eo progressus fecisse; multos Franciscanos in Africam missos fuisse, consecrato fratre *Lupo* in Episcopum Marrochitanum; Comitum Ordinis, convocante Pontifice, celebrata fuisse Aveone, Reginamque Hungariæ, internuntiis Franciscanis, egisse cum Pontifice pro reductione *Vaticani*, Principis Bulgarorum; ipsum Pontificem *S. Claram* languentem visitasse, mortuæque cum Cardinalibus exequias celebrasse; Pontificem Minorum opera usum fuisse in Anglia ad tollendos

lentos multos abusus, & in Germania pro tuendo jure Cæsareo, ex iisque inquisitores, legatos, prædicatores crucis, & Episcopos, constituisse. Subjicitur & huic *Tome* Regestum Pontificium, seu Bullæ Pontificum, ad res Ordinis Minorum pertinentes.

Pag. 366
seq.
399 seq.

Tome IV, qui est ab A. 1256 usque ad A. 1275, inter alia refert, *Joannem Parmensem* Ordinis præfecturam deposuisse, & *Bonaventuram* Balneoregionensis generalem Ministrum electum, contra Prædecessorem, in quibusdam accusatum, processisse; in Bohemia Minoritas inquisitores institutos; *Lupum*, Episcopum Marrochitanum, prælara multa in Africa gessisse; Minores, fidem disseminaturos, in universas fere infidelium terras se diffudisse, iisque multa & magna privilegia data fuisse; *Bonaventuram* ad Comititia generalia convocasse, in iisque varia condidisse statuta, provincias discriminalle, aliamque habitus formam præscripsisse, legendam *S. Francisci* ex aliis compaginasse, multaque scripsisse utilia (de quibus tractatur copiosius); examen controversiæ Archiepiscopi Trevirensis commissum fuisse Minoritis; quatuor Apocrisarios ex Minoritis ad Imperatorem *Palæologum* missos fuisse; *Clementem IV*, Pontificem post diuturnam sedis Apostolicæ vacationem electum, Minoritis inquisitoribus multa præscripsisse & concessisse; & per eosdem crucem in Hispania contra Saracenos prædicatam fuisse; *Bonaventuram*, indictis Comititiis Assisiatibus, plurima perquam utiliter decrevisse, & Ordines mendicantium contra *Giraldum de Abbativilla* viriliter defendisse, ejusque suasu *Gregorium X* electum fuisse Pontificem; tres Prælatos Minoritas cum *Bonaventura* in Concilio Lugduni celebrato œcumenico; in quo unio ecclesiæ Græcæ & Latinæ facta est, insignem præstitisse operam. His denuo accedit Regestum Pontificium, Bullas Pontificum, huc spectantes, referens.

1 seq.

49.

84.

122.

187.

201.

241.

294.

329.

386.

ACTA APOSTOLICÆ LEGATIONIS HEL-

veticæ, ab Anno 1723 ad Annum 1729.

Tugii, ex officina Francisci Leontii Schell, 1729, 4.

Alph. 2.

Bb 3

U

U^t suo exemplo publice testatum faceret, esse etiam his, quos summus Pontifex, decore Nuntiorum nomine & honore ornatos, in exteris ablegare regiones solet, suas de re sacra partim promovenda, partim emendanda, graves nobilesque curas, nec, quod plerique, male ea de re edocti, judicant, hos turpi & ignavo otio disfluere; quicquid ipse intra septem annos in Helvetia Republica pro ecclesie sue causa negotiorum gessit, iusto hoc Volumine complexus est S. Reverendus literatissimusque *Dominicus Passioneus*, nunc in Aula Viennensi Legatus Apostolicus, magnum sue & gentis & ætatis decus, Musarum ocellus, bonorum omnium delictum. Effecit hoc ipso Venerandus Senex, ut jam omnes intelligant, tantum ab ipso præstitum, quantum a viro illis sacris, operante requiri unquam possit, omnibusque aliis, in eodem fastigio constitutis, præclarum industriæ nunquam fatigatæ exemplum præbuit. Fuerant hæc, quæcunque hic leguntur, maximam partem jam olim seorsim publicata, sed tam exiguo exemplarium numero, ut vix egressa unquam finibus Helvetiorum videantur. Ea igitur omnia, ut ad exteris etiam gentes *Passioneæ* virtutis fama transiret, in concinnum hoc Volumen sunt redacta, narratura ita iis omnibus, quorum scire interest, labores improbos & plane summos, quibus, ut recte administrati muneris laudem obtineret, lubens Vir ille meritis & dignitate maximus defunctus est. Nescimus tamen, qui factum sit, ut hæc ipsa etiam Collectio, jam ante decem annos luce publica donata, ad hunc usque diem nostros oculos effugerit, nunquam fortassis Lipsiam visura, nisi ipsius munere Autoris nuper demum ad manus nostras pervenisset. Hoc magis gratam præstituri rem Lectoribus videmur, iis etiam, qui alieni sunt ab illis sacris, sed Historiæ Ecclesiasticæ quodam studio tenentur, si, brevissimo eorum, quæ Annalibus his continentur, facto hic indicio, præsentem rei sacre in Helvetia spectandam faciem dederimus. *Actis* ipsis præmissa sunt partim Præfatio Illustriss. Autoris, talis sane, qualem esse decebat Viri, sue incrementa ecclesie serio omnibusque votis expetentis, partim ex *Vita S. Caroli Borromæi*, a *Glussiano* Itali

ce

ce conscripta, locus quidam excerptus, & Latine redditus, unde, primum institutum, mittendi in Helvetiam Legatos Apostolicos, deberi S. *Borromeo*, discimus. Jam Legationis ipsa *Acta* lustranti, plurima obveniunt, quæ ad ritus ecclesiasticos, atque mores Monachorum, spectant. Opus universum *Sermonibus septem, quatuor Episkolis encyclicis, Decretis duobus, tribusque Appendiculis*, absolvitur. *Sermo primus*, 4 non. Sept. A. 1723 ad Monachos Campidonenses in Suevia, in ejusdem Monasterii *Æde* sacra, habitus, *Abbatis Coadjutoris electionem rite instituendam* proponit; *secundus*, coram Monasterii Murenfis in Helvetia Monachis 5 Cal. Octobr. A. 1723 recitatus, *Abbatis novi electionem* præscribit; *tertio*, Lucernæ in *Æde* S. *Leodegarii* 9 Cal. April. A. 1724 publice dicto, renovatur memoria, Senatus decreto quotannis renovari solita, gravissimi incendii, funestissimum huic urbi sub Julio II Pont. Max. interitum minantis, sed Deorum hominumque ope felicissime restincti, simulque *divina Sacerdotum dignitas*, ex eodem Senatus præscripto, ostenditur & confirmatur; *quarto*, 4 Cal. Jun. A. 1724 habito, Monachi Monasterii Dissertinensis in Rhætia, *quinto*, 4 id. Jul. A. 1725 recitato, Monachi Fabarienses prope Sarunetos, de *Abbate novo eligendo* admonentur; *sexto* *Episcopalis muneris ratio & dignitas*, in consecratione Episcopi Abderitani, Coadjutoris Basileensis, exponitur: quam Orationem, etsi publice non recitatam, propterea quod illa consecratio, præter consilium ante captum, non intra fines Helvetiæ, sed in diœcesi Bisuntina, celebrata fuit, dignam tamen, ob arguenti nobilitatem, quam cum ceteris hic publicaret, merito exstimavit Autor; *septimus* tandem, d. 10 Cal. Jul. A. 1727 dictus, benedictionem impertitur Antistiti *Partbenoni Seedorfensi*, Ordinis S. Benedicti in Republica Uranienfi. *Epistolarum Encyclicarum prima*, d. 13 Cal. Nov. A. 1723 data, Episcopis Constantiensi, Basileensi, Lausannensi, Curienti, & Sedunensi, frequentem lectionem Opusculi, *Monita ad continendos Sacerdotum mores ex sacris Conciliis & Ecclesie Patribus* inscripti, Romæ bis, tertium vero, Rev. *Passionei* cura, in Helvetia, editi, & *Actis* his adjuncti, com-

men-

mendat; altera, ad eosdem d. 13 Cal. Jul. A. 1724 scripta, ecclesiæ ex *Vincentij Mariæ Ursini*, Cardinalis, in summum Pontificem electione felicitatem extollit; tertia, A. 1726 ad eosdem data, *Instructiones S. Caroli Borromei ad Confessarios* proponit, pristinumque in usum revocat; ad cujus calcem adjecta est *Casparis de Carpineo*, S. R. E. Episcopi, Cardinalis Sabini, urbis Romanæ, & ejus diœceseos, pro *Innocentio XII* Pont. Max. Vicarii generalis, ad Reverendos ejusdem urbis ac diœceseos Confessarios pia Admonitio, ex Italico in Latinum conversa; quarta idibus Augusti A. 1727 scripta est ad Visitatores Congregationis Helveto-Benedictinæ, de nova editione *Psalterii Josephi Mariæ Cardinalis Thomasti*, quod, cum ipsa hac Epistola, ex Monasterio Einsidlensi in lucem exiit. Accessit huic Epistolæ ejusdem Cardinalis *Thomasti* *Indiculus Institutionum Theologicarum veterum Patrum*, Jo. Mabillonio inscriptus. Epistolas *Decreta* duo excipiunt, quorum alterum Sacerdotes pulvere pyrio adspersos accedere ad altare prohibet; alterum ad id pertinet, ut novæ Regulæ S. Patris *Augustini* & antiquarum Constitutionum Hospitalis Monasterii S. *Nicolai & Bernardi* in Monte Jovis editioni opera navetur. Actorum quasi Appendicem constituit Jo. *Georgii ab Eckhart*, notissimi ad sacra Pontificiorum transfugæ, Epistola ad S. Rev. *Passioneum*, d. 18 Jan. A. 1724, de sua conversione ad Catholicam fidem, scripta, cum responsione *Passionei*; quorum utrumque A. 1724 Romæ ex typographia *Hieron. Mainardi* seorsum prodierat. Quam huic Epistolarum pari *Justus Fontanus*, Archiepiscopus Ancyranus, præmisit, Præfatio rem ita exponit, sicut exponi ab illa parte fas fuit, nec multum commovemur verbis: *Eccardus ex heresi Lutherana in sinum sanctæ matris Ecclesiæ Catholicæ, Leibnitio felicior & gloriosior, omnium bonorum gaudia, confugit.* Ceterum notiores sunt causæ, quibus permotus, in illud Romanæ Ecclesiæ gremium se immisit *Eccardus*, quam ut fucum facere cuiquam nostrum possit mira illa sanctitatis & religionis affectatio, qua se turpiter in gratiam insinuare non *Passionei* tantum, sed aliorum etiam, unde suis rebus præsidium & dulce decus exspectabat, omnium,

omnium, studuit. Illam Eccardi Epistolam, cujus lectio non uno nomine gratissima futura est Lectoribus, ad id inprimis, ut artificium hominis cognosci possit, integram huc transferibemus. Ita ille: *Iterum diuturnum meum silentium submis- se excuso. Causa ejus sine dubio legitima tibi videbitur. Diu & a multis jam annis collectatus sum cum conscientia mea. Agnovi me a via vera salutis devium; sed temporalia me commoda huc usque detinuerunt. Anima tamen cura tandem omnibus prevaluit. Vici obstacula, rupi vincula, etiam tenerima, & carissima mihi; &, cum aliter per temporis circum- stantias non liceret, nudus aufugi. Reliqui omnia mundi bona, etiam ingenii fulcimenta, Codices veteres, Bibliothecam, Mu- seum rebus curiosissimis repletum, salarium annuum 1500 impe- rialium, uxorem suavissimam, cum liberis tribus optime spei. Hac pignora sola mecum esse desidero, reliqua lubens conte- mno; & maxima mea cum voluptate nudus nudum sequar Christum. Hac tibi, Reverendissime atque Illustrissime Domi- ne, ante alios, indicenda esse credidi. Dignatus me es favore tuo, cum heresi infectus essem; recipe jam in te patrocinium ad Catholicam fidem conversi. Maxime Reverendi Patres So- cietatis Jesu jam amantissime, & spiritualibus solaminibus, & temporalibus etiam, me erigunt. Nolim tamen iis diutius gravis esse; &, cum plura didicirim & ex veteribus monu- mentis, & ex usu rerum diuturno, quibus magno cuidam Principi, aut, si fata velint, Ecclesie etiam, inservire quo- dammodo possim, Te quoque submisso rogo, ut, data occasio- ne, me Romae, & apud alios Amicos, ubi commoditas se offe- ret, commendatione tua dignari velis. Sebannatus, Fuldensis Historicus, mihi miserat Vindemiarum suarum exemplar; sed in ista animi perturbatione Hanoverae ejus oblitus sum. Scri- bam tamen ei, ut aliud mittat. Est vir eruditus, candidus, & indefessus in deligendis veteribus monumentis. De meis studiis jam actum erit, nisi Deus viam ostendat restituendi damna perpeffa. Iterum iterumque me patrocinio tuo submis- sa prece commendo. Literae, ad me dirigenda, erunt huc ad Collegium Societatis Jesu mittenda. Utinam ab Illustrissima*

Cc

Reve-

Reverentia tua commendatiunculam ad Reverendissimum Nuntium hic loci expetere mihi liceret. Colonia raptim, die 18 Jan. A. 1724. Addimus his breviorē Reverendissimi Passionei responſionem, plenā gaudii, & Eccardi votis omni ex parte respondentem: Eo momento, quo tabellarius discedere erat paratus, redditæ sunt mihi amantissime literæ tuæ, quas sum præ gaudio osculatus. Ad eas, cum morbo molestissimo correptus, in lectulo decumbam, paucis rescribo, mittoque una Epistolam Illustrissimo Nuntio Coloniensi, tui commendatitiam. Per proximum cursorem plura, & commodius. Benedictus interim Deus, qui operatus est in te mirabilia sua. Si qua mea opera, studio, commendatione, juvari potes, universa ab homine amicissimo, præsertim in nova hac tua vocatione, fidenter expecta, ac vale plurimum. Vix præ morbo manum calamo admoveere possum; sed gratissimus tuus de te nuntius statim fere me incolumem reddidit. Interim dextera Domini magnificetur, quæ tibi, sicut olim Pistorio, Besoldo, Holstenio, Lambecio, conterraneis tuis, & tot alijs, in Republica literaria, viris summis, ad sinum Catholice Ecclesie redeuntibus, misericordie sue thesauros aperuit. Nulla mea officia tibi defutura, pro certo habeas velim; teque semper in Domino cupio bene valere, Fili carissime. Legitur jam inter Acta Legationis Libellus integer Roberti Bellarmini, ita inscriptus: Admonitio ad Episcopum Theapensem, nepotem suum, quæ necessaria sunt Episcopo, qui vere salutem suam æternam in tuto ponere velit, ad editionem Romanam anni 1677 cura Rev. Passionci typis denuo exscriptus, & cum iis maxime, quibus in electione Episcopi Curienſis competeſcebat jus ſuffragii, ut, quibus virtutibus instructum esse oporteret novum Episcopum, hinc certo discerent, communicatus. Ultimo loco comparet Admonitio atque hortatio Legatorum Sedis Apostolicae ad Pastores in Concilio Tridentino, lecta in prima Sessione, recens jam edita, & quod ea omnia, quibus Apostolici Legati munus grave & difficile absolvitur, diligenter exponat, Collectioni huic merito adjuncta.

COR-

CORNELII VAN BYNCKERSHOEK, JCTI
 & Præsidis, *Quæstionum Juris publici Libri II, quorum
 primus est de rebus bellicis, secundus de rebus
 varii argumenti.*

Lugduni Batavorum, apud Joannem van Kerckhem, 1737, 4.

Alph. 2 plag. 9.

Qui omnium judicio de Jurisprudentia Romana immor-
 taliter meritus est Amplissimus Præses van Bynckershoek,
 cum ipse suis se nunc satis Quiritibus dedisse censeat, ad
 patriam labores literarios convertit, tum ad illam singularem,
 quæ tanto cive tanquam ornamento proprio gloriari potest,
 Belgium nempe suum, tum ad communem, quibus mortales
 continemur, late patentem civitatem. Hic enim est ambi-
 tus, quem sibi, Quæstiones Juris publici tractaturo, circumscrip-
 sit, ut & ea, quæ ratio inter omnes gentes constituit, ex-
 pendat, & alterum oculum ubivis ad fœderati Belgii rempu-
 blicam convertat, dignum interprete tanto argumentum, cu-
 jus peculiaris & quasi propria laus est; obscuris lucem, dubiis
 robur, & universæ Jurisprudentiæ decus, conciliare. De bel-
 licis rebus, quod & titulus indicat, *primo Libro* tractatur, &
 in ipso limine de belli definitione, quod Amplissimus Præses
 eorum esse censet, *qui suæ potestatis sunt, juris sui persequen-
 di ergo, concertationem per vim & dolum.* Neque enim probat
 eos, qui solam *vim justam* requirunt, cum omnis in bello ju-
 sta sit, nec intersit, jus, quod persequimur, veneno, an armis,
 obtineamus; nec *dolum* excludi patitur, quem admittit ratio,
 exempla vero gentium, quæ sola vi aperta belligerare volue-
 runt, non nisi apud eos tollere possunt, qui cum justitia ma-
 gnitudinem animi confundunt. Negat, indictionem belli
 necessariam esse, vel ejus intermissione bellum injustum fieri.
 Olim quarundam gentium, hodie plerarumque Europæarum,
 moribus denuntiationem obtinere, neque tamen constanter,
 judicat. Nam & Belgarum illud primum & cruentissimum cum
 Hispanis bellum indictione caruisse, & *Gustavum Adolphum,*

LIB. I
 Cap. I.

II.

Cc 2

Ger-

Cap. III.

IV.

V.

VI.

Germaniam invasurum, non magis nuntium *Ferdinando* præmisse, quam ille Suecis, cum in Borussia moveret. Postquam bellum exarsit, in victum omnia victori licere ostendit, adeoque captos occidi, vel, quæ in cædis locum successit, servitute constringi, hodie tantum detineri, non ut servos, sed, donec redimantur, ut debitores; eos autem, qui bello subito exoriente apud hostes deprehendantur, capi posse, quamvis hodie vix capiantur, vel quod humanitas dissuadeat, vel quod impediant pacta, quibus belli status, ne quos præter opinionem subita vis opprimat, per aliquot menses suspendi solet. Addit, in bello cessare commercia, quamvis nec speciatim vetita; solere tamen nonnunquam permitti vel in universum, vel quoad certas merces, & ita belli pacisque statum quasi misceri. In bona cujuscunque generis hostibus æquum jus esse, & occupatione eorum fieri, simul ac intra præsidia sua deduxerint, ita ostendit, ut *Grotium*, qui 24 horarum possessionem more gentium requiri censet, refellat, simulque decretum aliquod Ordinum Generalium de A. 1668, quod miram quandam de occupatione navium philosophiam secutum est, graviter exagitet. Quæ postea sequuntur, transactiones eo redeunt: res mobiles, ab hostibus captas, & intra præsidia deductas, hostium fieri, nec postea, si recuperentur, pristino domino restitui, sed recuperanti cedere, cum nullum sit prædæ possiminium, ne navium quidem, quibus erat Jure Romano. Navim occupatam videri, simul ac hostis eam ad classem suam, vel in portum suum, deduxerit; nondum eo perductam, si recuperetur, ad pristinos dominos redire, soluto tamen recuperatori *servaticio*, seu mercede pro opera in recuperando collocata, quæ jure Belgarum certa pars navis esse solet, major vel minor, prout citius aut ferius ab hoste recuperata est; præstare tamen, laboris & impensarum in recuperationem factarum, quam temporis, quo apud hostem navis fuit, rationem haberi. Provincias totas ab hostibus occupatas videri, quarum pars occupata est, & totum regnum, cujus una provincia fuerit apprehensa, si modo victi nihil retinuerint, & victores, quicquid liberit, appre-

apprehendere possint, neque requiri, ut omnia perambulaverint, sed sufficere, ut progredi possint, quoquo velint. Res hostium, apud hostes, quando bellum exardet, deprehensas, publicari, immobilia, ut nunc mores gentium sunt, annotari, & fructus, quoad belligeratur, in fiscum redigi, quemadmodum actiones creditaque hostium publicari soleant, excepto, quod interdum usu venit, si commercia inter bellum quoque continuentur, quæ, nisi jure liceret experiri, nulla forent. In universum contra hostem hostiliter agi in nostro, hostis, & nullius, territorio, non in terris & ditionibus tertii, adeoque nec in amici portu, nulloque modo defendi posse, quod Angli naves societatis Indiæ orientalis Bergæ in Norvegia oppugnaverint, neque quod *Trompius* classem Hispanorum in Anglorum portu obsederit, nisi factum jure retorsionis excusari posset; licere tamen hosti in aperto mari deprehensum & fugatum ad amicos usque portus persequi, & in prælio terrestri persecutionem usque in provincias amicas extendere, adeoque vim, quam in amica ditione inchoare nefas esset, dum opus ferveret, usque in eam, modo sine fraude amici fiat, continuare. Eos, qui neutrarum partium sunt, si bello se interponere nolint, neutri belligerantium quidquam advehere posse, quo alteri noceatur, aut, si casu accideret, ut quis utrique belligerantium fœderatus sit, ab eo non utrique, sed illi, cujus causa justior, auxilia submissum iri. Ad res, quæ ad amicorum nostrorum hostes vehi nequeunt, pertinere omne belli instrumentum, non omnem materiam, ex qua illud fieri posset, nisi quod interdum gentes hostibus suis ea, quæ ad naves construendas necessaria sunt, apportari noluerint. Ad vetitas igitur merces referri vaginas quoque gladiorum, nitrum, non tabacum, ut tamen aliquando ridicule Hispani contenderunt. Obsessis omnino nihil advehi posse ab his, qui neutrarum partium sunt, ne, si aliqua permittantur, forsan id, quo maxime obsessi egerent, simul afferretur, quod etiam de portubus hostili classe cinctis dicendum sit. Quæ illicite advehuntur, publicari, simulque ea, quæ alias apportare licuisset, utique, si utrinque mercis unus sit dominus,

Cap. VII.

VIII.

IX.

X.

XI.

XII.

Cap. XIII.

quin & in commissum cadere navium, si is, ad quem pertinet, vetitas merces imponi sciverit: quanquam fere moribus gentium obtineat, ut, dimissa navi ceterisque mercibus innocuis, illicitæ solæ (*τὰ contrabanda*) publicentur. Interceptæ hostili navi, res amicorum nostrorum, in illa repertas, publicationi non subjacere, quamvis & Jctorum sententiis, & gentium decretis, aliter interdum observatum fuerit, iniquius tamen, cum nulla ratio vetet, quo minus quis ejus navi ad transvehendas merces suas uti possit, quem amicum habet, licet ille tertio sit hostis. Navim amicam, quæ res hostium velat, publicari non posse, res hostiles inibi repertas jure publicari. Possliminium esse, si res nobis ab hostibus erepta redeat intra præsidia nostra, vel fœderatorum, non, si ad amicos nulla societate nobis junctos revertatur. Integris populis etiam possliminii jus esse, provinciasque, quas hostes avulserint, si recuperentur, in omnia pristina jura redire, quamvis hoc non semper obtinuerit usquequaque inter Belgas.

XVII – XX.

Quæ postea sequuntur *quatuor Capita, XVII – XX*, ad piraticam spectant. Docet hic Ill. Autor, piratas esse, qui nullius Principis autoritate prædantur; Algerienses, Tripolitanos, Tunitanos, Zaleenses, hoc nomine non cenferi, cum civitates sint. Inde disquiritur, quod piratarum forum, quale supplicium sit, quid viris circa privatos, quorum opibus Principes ita utuntur, ut illi navibus, quas exercent, hostes deprædentur; num possit ejusmodi navis prædatoriæ navarchus insciis exercitoribus cum alio de societate prædæ, quam capturi sunt, pacisci; quousque exercitores navis prædatoriæ teneantur de damno injuria dato; & cujus sit præda, quam navis, non prædandi causa emissa, cum tamen occasio forte tulisset, ceperit, domine navis, an magistri & epibatarum; & similia. *Capite*

XXI.

XXI ostenditur, assecurari non licere naves & merces, quæ jure belli & occupari possent & publicari; ubi nullum jus occupandi, nihil esse, quod assecurationem impediat; *Capite*

XXII.

XXII, Principem amicum ex amico populo posse militem conducere, nisi lex prohibeat, ne quis incolarum civitatem mutet, ut apud Chineses, Russos, Anglos, & Francos, prohibetur;

Capite

Capite XXIII, singulis Belgii fœderati provinciis, utpote sui juris, etiam jus belli esse; quamque provinciam, ab extero Principe laceſſitam, si a ceteris fœderatis non succurratur, arina jure ſumere, invitas pro cauſa communi bello involvi non poſſe. Denique *Capite XXIV* de reſſalia- rum natura & indole, & a quo ad eas, & quando, perveniri poſſit, & quomodo apud Belgas permittantur, diſputatum leges. Atque hæc *Libro primo* comprehenduntur; *ſecundi* eadem ſpecies & tractandi ratio, ſed major varietas argumentorum, eſt, & Ampliſſimus Præſes ab illo bellico tumultu ad diverſas, nec inter ſe connexas, quæſtiones, de rebus, quæ & in pace obtinere poſſunt, ſe convertit, de quibus paucis dicere operæ pretium eſt.

Cap. XXIII.

XXIV.

Itaque *Capite I* denonſtrat, Comitum poteſtatem in Belgio fœderato d. 26 Jul. A. 1581 ceſſaſſe, quo *Philippo II* imperium ordines abrogarunt, adeoque leges ejus & privilegia, ante hunc diem data, ſine dubio valere, quamvis diu ante illum diem bellum exarſerit, ſiquidem non contra ipſum Comitum ſuum, ſed contra Proreges & Præſides, ab eo conſtitutos, bellatum ſit. *Capite II* oſtenditur, neminem conſiliorum ſuorum de republica eventum, ſed fidem, præſtare teneri, neminem etiam, qui juffa Principis ſui peregerit, eo nomine puniri poſſe, adeoque acta contra *Barneveldium*, *Hoogerbeetſium*, & *Grotium*, non alio jure niti, quam quod Prætor reddere dicitur, etiam cum inique decernit. Quæ poſtea ſequuntur *Capita ſeptem, III – IX*, Legatorum jura tangunt. Hinc diſcimus, Legatos non mitti a ſubditis ad Principem ſuum, adeoque factum *Philippi II*, qui nobiles Belgas, primorum motuum tempore, cum illi nondum liberi populi jura conſecuti eſſent, ad ſe miſſos, occidit, ſtricto jure deſendi poſſe. Ut quis jure mittat, ſupremam poteſtatem ſufficere, neque, an ſit legitima, quæri. Singulas fœderati Belgii provincias jure Legatos mittere de rebus ad quamque provinciam ſeparatim ſpectantibus. Singulas enim ſui juris eſſe, niſi quatenus illi juri fuerit in fœdere renuntiatum. Legatos mitti non facile poſſe exules, ad eum Principem, a quo exulare juſſi ſunt; ut

LIB. H
Cap. I.

II.

III – IX.

ſecundi-

Cap. X.

XI.

XII.

XIII.

XIV.

XV.

XVI.

XVII.

fœminæ mittantur, nec rationem obflare, nec prorsus usum. Accedunt his aliæ bellissimæ quæstiones, lectuque jucundissimæ, de Legatis, qui mandatum arcanum supergressi sunt, de auditorio publice ipsis dato, de donis & muneribus, & quæ fas sit acceptare, vel non sit, de prærogativa & honoribus Legatorum, & de præcedentia minoris Principis præ Legato, qui majorem repræsentat, & quæ sunt hujus generis alia. *Decimum Caput* inimicissimam illam fidei publicæ Juris gentium *rationem status* debellat, & graviter in periculofam de non servandis pactis, nisi qua civitati expedirent, sententiam inquiri. Porro *Capite XI* ostenditur, nullam esse rationem, quæ peregrinos a muneribus reipublicæ semoveat, utique si digniores ditioresque sint; Belgas talionis jus sequi, & peregrinos, ex illis locis, ubi nec Belgæ, admitterentur, oriundos, in quibusdam vero muneribus, ut Syndici & Scribæ, omnes omnino, excludere. Ceterorum *Capitum* hæc summa est: Jurisdictionem, quamvis olim apud Romanos mandari potuisset, hodie non posse, certe apud Belgas, nemini nunc esse propriam jurisdictionem, nisi uni Principi; hunc magistratibus eam mandasse, mandatarium vero eam mandare iterum non posse, haud dubitari. Quod universitas debet, ob illud singulos nec conveniri, nec damnari, nisi Princeps nominatum cives suos obligaverit, quod jus magistratibus urbium non competit. Muros exstruere sine autoritate Principis non licere, collapsos instaurare, sine ea fas esse, nisi forte plane sublati & ex integro renovandi sint: atque ita capiendum esse *Ulpianum*, qui *l. 9 §. 4 ff. de rer. divis.* Principis consensum etiam ad refectionem requirit. *Dominium*, vel, ut melius cum *Thomasio* diceretur, *imperium eminent*, non minus utilitate publica niti, quam necessitate, non tamen voluptatis causa & ad splendorem civitati conciliandum exerceri posse, nec sine refusione pretii ex arca communi. Criminis gratiam fieri, pœnamque mitigari, a solo Principe; magistratus, qui sibi simile quid arrogarent, potestatem excessuros: quo etiam pertineret, si criminis socium, impunitate promissa, invitarent ad delationem. Judicem exilium non nisi quoad ter-

rito-

ritorium suum indicere, & desipuisse Hollandos, quorum
 iudices inferiores facinorosos ex universa Hollandia relega-
 re voluissent, nisi tale quid specialiter in certis criminibus le-
 ge permiffum fuerit. In constituenda religione singulas fœ-
 derati Belgii provincias sui juris fuisse, donec d. 27 Jan. A.
 1651 inter se convenirent, ut Calvinianismus defenderetur,
 & eam religionem quæque provincia apud se tueretur. Sin-
 gulis provinciis jus esse præscribere formulas precum publi-
 earum, quæ in ecclesiis adhiberentur, & injuria Clericos in-
 surrexisse contra illam, quam ordines Hollandiæ d. 13 Mart. A.
 1663 constituerant. Pacis Monasteriensis *Paragraphum 4* non
 prodesse Clericis Pontificiis, ex Belgio Hispanico, nunc Au-
 striaco, in fœderatum venientibus; statui quidem in illo, ut sub-
 diti & incolæ terrarum Hispanicarum in Belgium libere venire
 possint, sed hac libertate non comprehendi criminosos, Cleri-
 cum vero Pontificium esse, in Belgio fœderato ante pacem
 crimen fuisse, adeoque salva pace hanc adveniendi licentiam
 in Clericis, quippe proscriptis, limitari posse. *Capite XXI* de
 reverentia, quam naves navibus, submisso aplustri & supparo,
 præstant, præsertim vero de factò *Caroli II*, Angliæ Regis,
 qui navim suam lusoriam ab universa Belgarum classe salu-
 tari voluit, disputatur, nec non de refarciendo damno, quod
 navi ob intermissam salutationem datum est. Quibus omni-
 bus succedunt *Cap. XXII* variz de vectigalibus & tributis
 quæstiones, & *Capitibus XXIII & XXIV* aliæ binæ, quibus mo-
 dis Ordines generales litibus & controversiis singularum
 provinciarum se immiscere, & qua ratione dissentientes pro-
 vincinciz conciliari, possint. Illud denique prætereundum
 non est, quod utriusque *Libri Caput* ultimum decadem mix-
 tarum quæstiuncularum contineat, quæ ejusdem generis &
 elegantiz, sed brevius pertractatz, sunt. Tenuit enim Am-
 plissimus Præses eandem in his *Quæstionibus* rationem, quam
 in *Observationibus Juris Romani*, quarum singuli *Libri Capi-
 ta XXV*, & ultimum cujusque *Caput* plures emendatiunculas,
 continere solent. Idem in hoc Opere *Capitum* numerus, &
 eadem in postremis *Capitibus* methodus; sed, quod long-

Cap. XVIII.

XIX.

XX.

XXI.

XXII.

XXIII.

XXIV.

Dd

maju:

maius est, idem elucet in hoc Opere, quod in ceteris ejus omnibus, ingens judicii acumen, eadem dicendi vis, & in elegante concinnitate vivida virtus, eadem in reprehendis erroribus severitas, quibus omnibus propria dos harum *Questionum* accedit, acuta juris, quod ratio constituit, inquisitio, & morum, a gentibus Europæis, præsertim vero Belgis, receptorum, gravis ad decreta rationis applicatio, & quod ubivis deprehendas, liberrimum de maximi momenti rebus, inprimis Belgicis, judicium, ut facile unusquisque judicaturus sit, hoc Opere Juris publici, monumento laudum *Bynckershoekianarum*, quod laboribus de Juri Civili susceptis fundatum & excitatum est, nunc additum iri complementum.

M. MINUTII FELICIS PRO SE ET STATU suo *Epistola Apologetica ad F. O. M.*

Cogitanti tibi * post hanc Epistolam allatam, & cum animo tuo Virorum hujus vestræ ætatis clarissimorum, cum quorum pluribus jucundum literarum commercium dubio procul tibi intercedit, *memoriam recensenti*, ut nempe harioleris, a quo profecta sit, en! prima verba indicant, eam scriptam esse ab homine dudum mortuo, *Minutio*, fori Romani causidico, ut recordaris, *Octavii* autore. Stupebis ad rem novam & insolitam, & qua ad te via pervenerit, maxime miraberis. Sed id narrare nondum licet, & cum te mihi plures ut Virum bonum laudarint, te nec *molestum* mihi eo nomine fore, nec *inquietum*, nec *etiam impudenter curiosum*, prorsus confido. Ego te aliquando ipsius rei *impressio*

* *Epistola hac incerto Autore ad nos pervenit, nec facile quemquam tam credulum suspicamus, ut, eam ab Octavii Autore scriptam esse, huic Minutio credat. Autorem tamen esse vero Minutio amicum, & sedulum Octavii lectorem, satis innunt multa locutiones, ex Octavio profusa, quas, ut facilius dignoscantur, literis Italicis exprimi curavimus.*

ritia liberabo, & tunc, *nihil monstri, nihil portenti*, latere, ipse fateberis lubens: interea, me etiam tacente, facile tua sponte intelliges, causam mihi esse admodum gravem, quæ me ad tale quid audendum impulit. Nempe, quod neque mihi vivo factum est, nec post mortem meam eventurum unquam speravi, hoc nuper admodum mihi accidisse audiui: dubitari de statu meo, & numero Jureconsultorum me eximi a non-nemine, quem esse excellenti eruditione, nonnulli Jctorum manes, novissime accedentes, percontanti retulerunt, ingenio quoque esse eximio, ipse magno meo malo expertus sum. Cum autem injuria mihi facta sit, & major, quam ut a me dissimulari possit, & gravior, quam bonus ille Vir existimat, defensore opus habeo; & quo utar magis, quam me ipso? cum illa causa neminem propius attingat; præterea populares mei, *Tertullianus*, & *Cyprianus*, quibus hic familiarissime me utor, & quos amico veteri sua eloquentia assuturos credebam, prius, quam rogare possem, apud me fuerint conqueSSI, se non minus illo autore & actore de forensi gloria periclitari; denique consulenti acutissimus quidam responderit: valde verendum esse, ne, si alterius opera in hoc discrimine uteretur, Adversarius illud in rem suam vertat, & ducto inde argumento, omnibus illis, quæ adhuc attulit, fortiore, pertinacius contendat, Causidici personam, quam ne nunc quidem in propria causa mihi sumerem, etiam vivo defuisse. Conviciis omnibus abstinuit Adversarius: multo magis ego abstinero, qui apud plures sum. Ceterum idem noster accusator pro æquitate sua *sustinebit me, impetum susceptæ defensionis liberius exserentem*, patietur negari nonnulla, refelli asserta, retorqueri tela, *vires actionis infringi*: neque enim fieri potest, ut in pugna unusquisque *singula habeat illibata & integra*. Est autem pugnae species iusta defensio, cujus ceteroquin in omni jure favorem esse longe maximum, abunde constat. Sed ad ipsam rem accedam.

Heineccius, Halensis, ut ex Adversario comperi, Theologus, me in Jctorum numerum retulit, & extra dubium id positum

positum esse, alicubi scripsit. Maluit Noster, dubitatum fuisse ab eo, eamque ob rem, quod *Heineccius* facere noluit, a se fieri debere, credidit. Ut error, inquit, agnosceretur, mallem ego, ut veritati locus superesset, *quæ obvia est, sed requirentibus.* *Pyrrhonis*, sapientis, non e vulgo, *Arcefila*, *Carneadis*, *Academicorumque plurimorum*, imo, ut ferunt, novi Galliæ *Pyrrhonis*, & qui eum sequuntur, *in summis questionibus fuit tuta dubitatio.* Nec longe ab hac secta abfui, qui ipse de re omnium maxime ardua, *lapidibus effigiatis, unctis, coronatis*, quos Deos credebam, de Numinum multitudine, *quæ a parentibus ante imbutus eram timere, quam nosse familiaribus, de religionibus traditis*, felicissime dubitavi; multis tamen & eximiis viris in unum conspirantibus, neutiquam temere & audaciter in alteram partem ferendam essententiam, pro certo habui, dum vixi, omnium autem minime, quando illud cum alicujus injuria conjunctum est, qualem mihi factam esse, & jam conquestus sum, & infra clarius ostendam. Sane ineptus fuisset *Heineccius*, si sibi uni, tot Seculis post nato, in re tam antiqua credi voluisset. Sed rectius sentient de Viro, mihi, ut videtur, amicissimo, posteri, quando intelligent, non temere in hac re tulisse sententiam, sed credidisse prioribus, testibus duobus classicis, *Lactantio*, qui a mea ætate non procul abfuit, & *Hieronymo*, qui seculum illi, in quo ego vixi, proximum sua non magis pietate, quam eruditione, illustravit. Sensit gemini testimonii, omni exceptione majoris, pondus Adversarii, cui ut detrahat, plenissimæque in Jure probationis fidem mihi eripiat, vult, *Hieronymi* oculis, cum sua scriberet, locum *Lactantii* esse obversatum, adeoque *Hieronymi* auctoritatem non esse aliam, quam *Lactantii*, quod ipsum qua Autore scribat, cujus fide asserat, ego quidem audire mallem. Non patiuntur hoc verba, non ipsa res. Non verba, quod *Hieronymus* me altero loco *insignem Romæ Causidicum*, altero in loco *Causidicum Romani fori*, appellat; *Lactantius* autem non ignobilis fuisse inter *Causidicos loci* dixerit, quarum formularum nulli cum reliquis convenit. Non res, nisi contra omnem veritatem

ciem

ciem tibi persuadere malis, vel me, meumque *Oclavium*, uni *Lactantio* innotuisse, vel *Hieronymum* in comparanda Scriptorum Ecclesiasticorum notitia unum sibi delegisse *Lactantium* Autorem; cum tamen ille in utroque loco plura de me habeat dicatque, quam hic, & cum hujus ipse in utroque loco mentionem faciat, in altero etiam moneat, hunc mei in libris suis meminisse, se ipsum unum *Lactantium* esse secutum, non adjiciat. Neque tamen substitit in hoc inimicus Adversarii mei impetus, qui potius, rejecto, ut existimat, *Hieronymo*, in eo totus est, ut & *Lactantium* mihi extorqueat, ideoque eum id non scripsisse contendit, quod *Hieronymus*, imo omnes, quotquot fuerunt, literati homines, illum scripsisse, hactenus existimarunt. Ea fini observat, *Tertullianum* meum aliquando *Miltiadem* appellasse Ecclesiarum Sophistam, sive Advocatum, non quod Advocatus professione fuerit, sed quod Apologetico suo Ecclesiarum causam apud gentiles egerit. Interrogavi nuper *Septimum* meum, cum de hac ipsa re sermones cederemus, qualis ille *Miltiades* fuerit, & num ipse, causas eundem orasse, sit inficiatus, & fuisse omnino Sophistam *Miltiadem*, nec se unquam eo fuisse animo, ut illud negaret, licet in Apologetico iste causam etiam Christianorum oraverit, mihi sancte affirmavit. Sed valde vereor, ne nobis mortuis exigua ille vivus habeat fidem, cui veri videtur similis, a *Lactantio* esse *Tertulliani* exemplo scriptum, *fuisse me non ignobilem*, non inter *Causidicos fori aut loci*, sed *inter Causidicos Ecclesie*. Vide, quaeso, o bone, si ulla tibi est in vita functos pietas, longam injuriam, longas ambages, & quam multa Vir cetera doctus & acutus sibi dari postulet. Primum, *Lactantium* scripsisse: *inter Causidicos Ecclesie*; alterum, librarium aliquem nescio qua usum esse in hoc loco nota; tertium, alium librarium inscitum hanc notam corrupisse, & *inter Causidicos loci*, substituisse; quartum, hoc non contigisse nudius tertius, sed *Lactantio* pæne vivo; quintum, *Hieronymum* corrupto illo Codice esse usum, indeque suum *Causidicum Romæ & Romani fori* hausisse; sextum, neminem *Hieronymum* vel posteros de

tanto errore monuisse; septimum, illum *Hieronymi* Codicem, vel saltem inde descriptos, ad hanc vestram pervenisse ætatem, exempla lectionis veræ autem periisse omnia. Hæc, ut mitissime dicam, facti sunt, adeoque ex Jureconsultorum regulis non conficienda, sed probanda. Utinam *Viro* docto placuisset, tam benevolo animo *Octavium* meum legere, quam diligenti cura id ab eo factum est, *discussa* dubitationis caligine, quæstio de statu meo *tenebris in lucem veritatis emerisset*, fuissetque *Nostro* facile, ex libello illo exiguo, qui tamen ætatem tulit, varia artis, quam vivus professus sum, deprehendere vestigia. Omnis illa *Cæcilium* inter & *Octavium* disputatio judicii imaginem habet, qua specie uti non facile solent, nec satis norunt, nisi ii, qui artis periti sunt, & in judiciis versantur. Cum *Ostia* ita assedissemus, ut illi duo me, ex tribus medium, lateris ambitione protegerent, in *Octavio* moneo, non hoc obsequii fuisse, aut ordinis, aut honoris, quippe cum amicitia pares semper aut accipiat aut faciat, sed ut arbiter & utrique proximus aures darem, & disceptantes duos medius segregarem. Mox *Cæcilius* me cohortatur, in presentiarum ita informandum animum esse, ut libram teneam æquissimi judicis, nec in alteram partem propensus incumbam, ne non tam ex istis disputationibus nata sententia, quam ex meis sensibus prolata, videatur. Idem inter dicendum rogabat, ut impetum susceptæ actionis liberior exferentem sustineamus. Idem *Cæcilius*, cum post actionem suam finitam plaudere & exultare videretur, a me repressus, decedere me officio judicis religiosi conqueritur, esseque perinjurium, vires me actionis suæ intergressu gravissimæ disputationis infringere, cum *Octavius* integra & illibata habeat singula, si posset refutare. Postquam *Octavius* quoque peroraverat, *Cæcilius* fatetur, se non expectare sententiam, ego vero, quod maxima judicandi mihi invidia tracta fuisset, sum gavilus. Et quid potest esse tam apertum, tam confessum, tam perspicuum, quam sunt illa verba in *Octavio* de me ipso, me *Ostiam* petiisse, amantissimam civitatem, quod esset corpori meo secandis humoribus de marinis lavacris

blan.

blanda & appositā curatio. Sane & ad vindictam serie judiciariam curam relaxaverint. Atqui, inquit Adversarius, judicem *Minutium* fuisse, nullo testimonio constat. Et quis credat, Christianum hominem illa tempestate fuisse unum e judicibus. Sed idem *longe a vicinia veritatis aberrat*, si his verbis consequentiam inesse putat: *Minutium*, Seculi tertii hominem, cujus pauca folia supersunt, judicem fuisse, dum vixit, non constat, ergo nec fuit. Fui omnino iudex, & inter partes sæpenumero sedi medius, licet doleam, omnem actorum, quæ me judicante intervenerunt, memoriam intercidiisse, ideoque hanc rem nunc unice proprio inniti testimonio, cui, si etiam juratum foret, exigua in jure fides. Efficiam, quod possum, & illustri exemplo ostendam, saltem in Causidici persona nihil esse, quod vetet, eundem in aliis causis, quam quibus patrocinatur, sedere judicem. Quis est inter Romanos Causidicos & Oratores excellentior *M. Tullio Cicerone*, quem tamen arbitrum fuisse, & tum, litus esse, quousque maximus fluctus a mari pervenit, primum constituisse, *Celsus*, Jctus, *Lib. XXIII * Digestorum* scriptum reliquit. Nec in illis halcyoniis diebus, quibus tunc temporis Ecclesia fruebatur, magis impediēbar judicis officio, quam Advocati munere, fungi. Christianos autem ista tempestate a foro non fuisse exclusos, vel ex eo colligere potuisset Adversarius, quod *Hieronymus* in *Lactantii* verbis, sive integris, sive corruptis, quibus *non ignobilis loci Causidicus* dicor, nihil monstri, nihil a Seculi mei usu alienum, repperit. Verum enim vero, ne ego, cui mortuo omne mentiendi arbitrium est ademptum, imprudens mortalibus, qui nunc sunt, erroris, qui a mendacio prope abest, causa existam, ingenue fateor, me eo autumno, quo cum *Cacilio & Octavio Ostiam* petii, inter iudices non fuisse; causas tamen orasse, & eatenus curis judiciariis fuisse constrictum. Quod enim tenere videtur Adversarius, curam judiciariam unice esse iudicium, curam Advocatorum dici forensem aut Causidicorum, in eo *errat & fallitur*, quod vox *judiciaria* non
magis

* Firmatur hoc l. 96 D. de verb. Sign. in qua illa *Celsi* verba sunt servata.

magis a iudice, quam a iudicio, descendit, cujus omnino eximia portio sunt utriusque partis Advocati. Ne & hic animo Lectores fluctuent, ad legem Juliam iudiciorum, JCtis cognitissimam, provoco, quam meæ ætatis prudentes, &, ut unum nomine, cujus plurima fragmenta exstare audivi, *Herennius Modestinus*, *iudiciariam* appellarunt. * Quod autem in *Parergis* vestris idem scripsit: *verba mea, ad vindemiam ferias relaxasse curam iudiciariam, me ipsum statim interpretari, fuisse tum æstatem autumnino proximam, quod iudicium feriarum præ ceteris essent conspicue*, nollem excidisse Viro, quem ob doctrinam egregiam non possum odisse. Non observavit ille, duas fuisse causas, quæ me tum temporis, ut probe inemini, *Ostiam* petere suaserunt, alteram mihi peculiarem, a loci ingenio petitam, *quod corpori meo siccandis humoribus de marinis lavacris blanda & apposta esset curatio*, apud quas *balneas*, & in ipsis ad earum tutelam factis & in altum procurentibus petrarum obicibus ea die, qua disputatum est, *resedimus*, ut vel *aura in littore adspirans requiescentium membra leviter vegetaret*: alteram mihi cum paucis meæ sortis hominibus communem, a tempore, quo mihi *Roma* abesse licebat, desumptam, *quod ad vindemiam feriarum curam iudiciariam relaxavissent*. His, quæ sequuntur: *nam id temporis post æstivam diem in temperiem semet autumnitas dirigebat*, non priora interpretor, non causam prosecutionis, quæ esset inutilis: *Ostiam* peto, quia autumnus est, allego, sed ex facta vindemiæ mentione occasionem arripio, tempus rei gestæ, quod nondum feceram, curatius designandi. Ex loco *Augustini* recte observatur, ad vindemiam ferias curas non tantum iudiciarias, verum etiam scholasticas, relaxasse, cujus tamen auctoritatem negligo, quod, cum in ephebis essem, relicta schola vacua, quotannis jam temulentæ vindemiæ ipse interfui. Hoc scire malim, si *Augustinus*, de feriis vindemialibus scholasticis locuturus, dixisset, se ideo ordinario munere

* Verissime *Minutius* noster. Fragmentum enim superest in *L. un. §. 4 D. de Ambitus*. Confer, si lubet, *l. 4 D. de Test.* ibique *Gothofredum*, & adde *Brissoniū Antiqu. Lib. IV Cap. 7.*

munere non fungi, quod ad vindemiam feræ judicariam curam relaxaverint, & sciscitantibus, num judicis, aut litigatoris, aut causidici, personam sustineret, nihil sibi cum iudicio esse negotii, coram ingenue respondisset, num satis se excusasset, novam dicendi formulam mirantibus, si addidisset, ob muneris judicarii eminentiam se voluisse dicere: vacare scholam, quod sit autumnus. Atqui, inquiet nonnemo, num multam tua interest, mi *Marce*, te apud posteros pro Causidico non haberi? Imo vero permultum. Primum illud ad honorem atque existimationem pertinet, cujus tuendæ bonis omnibus, non vivis modo, verum etiam mortuis, ut vides, est naturalis, eaque honestissima, cupido. Ju-reconsultis, qui fiducia sui de jure respondendo effecere, ut ipsorum domus urbis oracula haberentur, nec vivus accenseri volui, nec volo mortuus; Juris tamen fuisse peritum, oratorem fori, adeoque in aliqua celebritate versatum, verecunde contendo. Deinde id, quod de me *Hieronymus* scripsit, quod apud *Lactantium* legitur, veri portio est, cujus vel aliquam partem nemo pulcherrimæ rei amans facile intercideri patitur. Denique, quod ultimum & gravissimum est, Adversarius, me non fuisse Causidicum, se scire putat; quis fuerim, qua alia arte floruerim, dicere nec vult, nec potest. Quid itaque mihi aliud expectandum est, si ille vinceret, quam ut propediem hostis adhuc truculentior exoriat, qui me, ex albo Causidicorum expunctum, *latebrosa cuidam lucifugacique nationi, profana plebi, hominibusque de ultima sece collectis*, adscribat. O me tantum non capite minutum *Minutium*! O *Felicem* minus post fata felicem! Quare, Vir optime, & mei, ut puto, studiosissime, *intende in homine*, dum vixit, de foro, de eloquentia Romana, de fide denique Christiana, non male merito, & laborantis misertus, hæc Apologetica Epistola ne a Viris doctis ignoretur, quo potes, modo effice. Da hanc *spem afflicto, hanc opem misero, hoc solatium calamitoso*: sic tu decora ex literis fama vivus diu fruaris. Sic eandem *post mortem & cineres* ab simili injuria tutam habeas atque illibatam. Vale.

Ee

PHY.

PHYTANTHOZAICONOGRAPHIA, SIVE
Conspectus aliquot millium, tam indigenarum, quam ex-
oticarum ex quatuor mundi partibus, longa annorum
serie indefessoque studio a JOANNE GUILIEL-
MO WEINMANNO, Dicaſterii Ratiſbonenſis Af-
 ſeſſore, & Pharmacopola ſeniore, collectarum, plantarum,
 arborum, fruticum, florum, fructuum, fungorum, &c.
 quæ nitidiſſime æri inciſæ, & ſimul diu deſiderata ac re-
 cens inventa arte, vivis coloribus, & iconibus, naturæ
 æmulis, excuſæ & repræſentatæ ſunt a BAR-
 THOLOMÆO SEUTERO, JOANNE ELIA
 RIDINGERO, & JOANNE JACOBO HAI-
 DIO, Piſtoribus & Chalcographis Auguſtanis; qua-
 rum denominationes, characteres, genera, ſpecies, &
 deſcriptiones, ex optimis, tam priſcis, quam neotericis,
 Autoribus, ordine ac ſerie alphabetica, cum probatiſſimo
 uſu medico, pharmaceutico, chirurgico, ac æconomico, La-
 tino & Germanico idiomate, ſincere explicantur, a D.
JOANNE GEORGIO NICOLAO DIETE-
RICO, Sacræ Cæſaræ ac Catholicæ Majeſtatis Conſi-
 liario, Sereniſſimi Principis Fuſtlenberg - Stublingen-
 ſis Medico ordinario, ac Reipublicæ Ratiſbonenſis Phy-
 ſico. *Volumen primum, continens literas*
A. & B.

Ratiſbonæ, per Hieronymum Leurium, 1737, fol.

Miſſus ſextus continet plag. 9.

Voluminis hujus *Partes* priores jam alio tempore deſci-
 piſimus. Quem nunc in manibus habemus, *ſextus*
 eſt Miſſus plantarum, vivis iconibus expreſſarum, naturæ,
 quantum fieri potuit, proximè accedentibus. Quamvis
 enim nec picta bella militem, nec picta herbaria Botani-
 cum, efficiant; placere tamen poſſunt ejusmodi non ine-
 legantes rerum declarationes, eo magis, quod deſcriptiones,

ex

ex optimis quibuscunque Autoribus selectæ, de viribus plantarum observationes pictoris industriam vel sublevent; vel suppleant. Sequuntur plantæ, quarum nomina alteram Alphabeta literam præferunt; de methodo enim sollicitum esse noluisse Autorem, jam alia occasione dictum fuit. Utilitate magis, quam subtilitate, placere studuit. Invenient medici, pharmacævtæ, patresfamilias, rerum scitu dignarum copiam; nec Botanici, qui characteris & ordinis in enumeratione plantarum, quam virtutum medicarum, studiosiores esse solent, sine laude dimittere Opus poterunt. Laboribus enim nequitiam pepercit industrius Autor; methodorum principes, *Baubinum*, *Rajum*, *Morisonum*, *Malpighium*, *Tournefortium*, *Barbavium*, sollicitè inspexit, quorum placita adducuntur; synonymiam, polyonymiam, & homonymiam, annotavit sedulo; species generibus suis subordinavit admodum raras, quas vel *Weinmannus* Herbario suo collegat, vel eruditi, inter quos celebratur *Burmans*, transmiserunt. Qui accuratiore plantarum delineatione delectantur, vellent genuini florum fructuumque characteris uberiorem declarationem a pictore exprimi. Hoc desiderio expleto, quod haud difficulter fieri poterit, magnum famæ augmentum capiet liber. Parvo constitisset labore, *Drymopogon* seu *Barba caprina* (Tab. 229) flosculos legitimos paucis lineis expressisse cum staminibus, quæ plantæ huic insignem conciliant elegantiam. Nec magna opera erat, plantas recentes ante oculos habuisse, & florum signaturas attente lustrasse. *Bardana* flosculi, ex quibus flos componitur, cum pistillo bicorni, significantius apponuntur Tab. 232, sicut plurimas plantas & nitôr & accuratio commendat, ex quo rei facilitas elucet. Neque aliam, quam commodi publici, in gratiam hæc dicta volumus; ajunt enim, quod semel fit, id splendide fieri debere. Id potissimum eleganti libro haud levem parit gratiam, quod exoticarum, quæ ad rem medicam faciunt, plantarum sollicita hinc inde descriptio ex optimis quibuscunque Autoribus data fuerit. *Bdellifera* arbor habetur Tab. 232; *Nucis myrseica*, seu *glandis Ben unguentaria*, frutex Tab.

240; nec dubium est, eodem officio Autores porro placere vel le erudit. Onomatologia plantarum in omni methodorum rigore non semper observatur; methodus enim libera est, & nomina valent, sicut numi, ex arbitrio imponentium. Ceteroquin *Bellis Myrtifolia humilis* nec *Bellis*, nec *Canna*, esse potest, sed *Borraginoidis Barbavii* iconem videmus; *Buglossum anchusa minor*, flore galeato depictum, a *Buglossi* indole longissime abest; *Galeopsidis* cujusdam simulacrum exhibetur. Faveat successus porro expectationi publicæ.

ELIÆ FRID. HEISTERI, LAURENTII Filii, Apologia pro Medicis, qua eorum depellitur cavillatio, qui, Medicinam in atheismum aliosque in Theologia errores abducere, perhibent, & qua simul præstantissimi quidam Medici, nominatim vero HIPPOCRATES, GALENUS, CARDANUS, TAURELLUS, VANINUS, & BROWNIUS, qui atheismi crimine commaculati fuere, defenduntur.

Amstelodami, apud Janffonio-Waesbergios, 1736, 8.

Plag. 13.

In Præfamine Cl. Autor rationes aperit, quibus perimotus, hanc Exercitationem conscripserit, & inprimis ostendit, criminationem illam, qua Medici atheismi accusantur, tam gravem & ignominiosam eis esse, ut sine confutatione tandem a probis Medicis relinqui nullo modo debuerit vel potuerit. In ipsius Apologiæ exordio declaratur, Medicis atheismi crimen vulgo a multis cavillatoribus atque obrectatoribus objectum fuisse, atque enumerantur hunc in finem varia dicta & proverbia, quibus Medicis illud scelus exprobratur, v. c. *ubi tres Medici, duo athei*; citanturque variorum Scriptorum Medicorum de cavillatione hac querelæ; ac recensetur postea catalogus Medicorum, pro atheis a quibusdam habitorum. Deinceps *causa hujus cavillationis* indagan-
tur,

Pag. 2 4.

7.

tur, inter quas primo loco allegatur *studium Philosophia naturalis*, quod ab antiquissimis temporibus cum arte salu-
tari arctissimo fuit vinculo conjunctum. Obijciunt enim
cavillatores Medicis, eos 1) cum *Physicis* quibusdam
mechanismum tam in macrocosmo, quam microcos-
mo, statuere, adeoque atheos esse. Ab Autore conceditur
prius, sed negatur consequentia: siquidem clare demonstra-
tur, mechanismum, rite intellectum, potius ad Deum agno-
scendum ducere, quam illi abnuendo ansam præbere, quia,
agnito mundi mechanismo, mox etiam, effector sive mecha-
nicus ut statuatur, necessum est, cum machina sponte oriri non
possit. Obijciunt 2), *Medicos Deum & animam cum materia confundere*, & 3) *sacra Scriptura miracula tollere*. Sed, falsum
esse utrumque, gravibus argumentis evincitur. Id 4) probro
vertitur Medicis, quod *ut plurimum vulgi omina & superstitiones*
contemnant; & 5) *vulgares de spectris & sagis narra-*
tiunculas vel rideant, vel saltem parvi putent. Utrumque ve-
ro, si modo rite explicetur, nullam impietatem, multo minus
atheismum, involvere docetur. Illud 6) minime ferendum
clamitant, *Medicos Alchemiæ operam navare*, quippe quæ ad
atheismum ducat. Sed, neque hanc ad crimen illud quidquam
facere, solidis rationibus demonstratur. Postea docetur, me-
dio ævo per superstitionem & ignorantiam hominum, ma-
xime vero per invidiam, avaritiam, & odium cleri, qui lucri
causa, ut olim sacerdotes gentilium, temere Medicinam sibi
vindicare voluit, hanc criminationem ad summum fastigium
pervenisse. His declaratis, *atheï definitio* evolvitur, &
hac stabilita, pluribus commonstratur, longe minorem esse
atheorum numerum, quam vulgo perhibetur, aut creditur.
Tunc ipsa *Medicina dogmata* ac studia Medicorum inda-
gantur, atque, hæc existentiam Dei luculentissime exhibere,
ostenditur. Hunc in finem Autor primo *existentiam, sapien-*
tiam, & omnipotentiam Dei ex anatome corporis humani
generatim spectati demonstrat; speciatim vero ex *ossium stru-*
ctura & usu, musculorum fabrica atque actione, planta-
rum quoque compositione, multitudine, venustate, & utilita-
te, tandem ex ortu & procreatione hominis, itemque ani-

20.

24.

28.

Pag. 52.

52.

60.

70.

78.

mantium ac plantarum, evincit, hæc omnia rationem sufficientem suæ existentiae non in se, sed in ente quodam independente, sapiente, omnipotente, hoc est, in Deo, habere. Cum igitur Medicus prudens semper circa has res, quæ Dei existentiam singulis momentis tam luculenter manifestant, versetur, concluditur, vix eum posse in atheismum incidere. Quia vero, his non obstantibus, varii ex principis artis salutaris professoribus ab obtrektoribus temere pro atheis venditantur; rationes in utramque partem examinantur, ac præstantissimi nonnulli ex iis, quos illi præ ceteris atheismi crimine commacularunt, speciatim defenduntur. Agmen inter hos ducit *Hippocrates*, cui *Gundlingius*, celebris haud pridem Academiæ Halensis Philosophus ac Jctus, publico scripto atheismi notam inurare tentavit. Sed, missis hic, ab aliis jam susceptis, defensionibus, Autor ex ipsius potissimum jurejurando, & variis scriptorum ejus locis, ab hoc crimine ipsum prorsus liberare, atque, quam pie de Deo statuerit, ostendere, studet. Hunc excipit *Claud. Galenus*, alter quasi Medicinæ parens, cujus vero adversarios aureus ejus de usu partium corporis humani liber sat abunde confutat. Docet scilicet Autor, *Galeni* de supremo Numine scientiam, ex perspecta corporis artificiosissima fabrica, admirabilem plane fuisse, eundemque, gravissimis inde petitis argumentis, potius debellare atheismum, quam sustinere, serio allaborasse. Interea tamen Autor fatetur, ipsum, quia ethnicus fuit, de *Mose* & *Christo* perverfas aluisse opiniones, quæ, etsi minime defendendæ, atheismum tamen non probent. Tertio loco prodit *Hier. Cardanus*, Italus, Medicus, & Philosophus celebris. Hunc vero ob insignem potius superstitionem, quam atheismum, reprehendendum fuisse, ostenditur: utpote quæ, prudentiorum judicio, multum inter se discrepant. Sequitur postea *Nic. Taurellus*, clarissimus quondam Medicinæ Professor Altorfinus; cujus vero innocentia facile demonstrari potuit, cum propter nullam fere aliam causam, quam quod *mechanismum in mundo*, quo omnia tam pulchro ordine

mo-

moventur, & conservantur, statuit, pro atheo a quibusdam rerum mechanicarum ignaris ac malevolis proclamatus sit, qui sanctissime ceterum & magnifice, ut ostenditur, de Deo, ejusque sapientia, senserit. Ceterum cum Cl. *Feur-
lino*, qui peculiarem haud pridem defensionem *Taurelli* edidit, Autor noster in eo non consentit, quod in attributis divinis describendis ab *infiniti* termino, quo saepe *Taurellus* utitur, abstinendum ille velit, cum ipse, nullum attributum Deo gravius, nobilius, atque accommodatius esse, sentiat. Quintus in ordine est *Jul. Caesar Vaninus*, Neapolitanus, pro pessimo a nonnullis atheo declaratus. Recensentur sub initio ab Autore fata ejus & miserabile mortis genus, quod scilicet Tolosæ A. 1619 Atheismi accusatus, exsecta prius crudelissime lingua, vivus combustus fuerit. Disceptatur præterea de vero ejus nomine, quod a variis scriptoribus varie traditum, & misere, ut Autor ostendit, distortum fuit. Deinde disputat, an re vera Medicus fuerit, sicut plerique hæcenus & crediderunt & scripserunt. Verum Autor varia hac de re movet dubia, & ostendit, eum Theologum, Jctum, & Philosophum, fuisse, atque forte ex odio in Medicos ab inimicis pro Atheo venditatum fuisse; ubi multa lectu digna hac aliisque de rebus occurrunt, quæ alii prætermiserunt. Deinceps enumerantur objectiones præcipuæ, quibus adversarii eum atheismi reum agere tentarunt. Et primo quidem loco legitur, quod *Gramondus*, qui tunc temporis Præses erat tribunalis Tolosani, sed, ut ostenditur, infensissimus *Vanini* hostis, *Vanino* objecit, eum dixisse, *se ignorare Deum*, adeoque atheum esse. Indicatur quoque hic, Doctiss. *Arpium*, qui *Apologiam pro Vanino* jam A. 1712, 8, edidit, minus recte sensisse, cum dixerit: *si Gramondus hoc probasset, omnem defendendi laborem irritum fore*. Docetur enim ab Autore, quamvis *Vaninus* scripserit & confessus sit, se ignorare Deum, dicendo: *Deum nemo novit, neque scit, quid sit, nisi ipsemet Deus*, propterea tamen illum minime pro atheo esse habendum. Nam, per *to ignorare Deum Vaninum* nihil aliud intelligere, quam ejus naturam & essentiam haud

Pag. 90.

per.

perspicere, pluribus evincitur. Hoc sensu vero omnes homines Deum ignorare, adeoque secundum *Gramondum* & *Arpium* atheos fore, affirmatur; siquidem nullus mortalium gloriari possit, se Dei naturam & essentiam cognoscere, vel, quid Deus sit, scire, sed cuilibet potius, in hac mentis humanæ imbecillitate, se Deum ignorare, confitendum esse. Hac occasione Autor recenset celebrem Gallici cujusdam Poetæ responsionem, ad quæstionem, *quid Deus sit*, ante aliquot annos datam: *Loin de rien dire de cet être suprême, gardons en adorant un silence profond, c'est un être immense, & l'esprit s'y confond, pour dire ce qu'il est, il faut être lui même.* Ostenditur hic, Poetam nihil aliud dixisse, quam quod acutissimus *Vaninus* jam dudum dixerat & scripserat, his scilicet verbis: *Deum nemo novit, neque scit, quid sit, nisi ipsemet Deus.* Sed, duo cum fecerint idem, non fuisse idem. In Poeta enim ingenii acumen ob hanc responsionem maximopere celebratum, *Vaninum* vero eandem ob causam atheismi accusatum, & quamvis neque convictus neque confessus esset, miserrime fuisse trucidatum. Postea indagatur, *an Deum & naturam pro una eademque re habuerit, & an mentem crediderit cum corpore interituram esse?* quorum errorum ipse postulatus, athei nefandum nomen tulit. At neutri horum errorum, si prior sententia sano sensu, qui hic explicatur, sumatur, addictus fuisse ostenditur, & inprimis pluribus evincitur, pro animæ immortalitate contra hujus impugnatores gravissimis ab eo rationibus pugnatum. Plures præterea objectiones *Vanino* factæ adducuntur, sed omnes ita excutuntur ac diluuntur, ut nulla supersit, ob quam atheorum cohorti aggregari, multo minus tam crudeli morte affici, mereatur. *Gramondum* autem, Præsidem Tribunalis Tolosani, & judicem *Vanini*, ex peculiari odio temere ipsi litem movisse, ipsum falso atheismi accusasse, & tristissima nece e medio sustulisse, pluribus demonstratur. Agmen claudit *Thom. Browne*, sive *Brounius*, gente Anglus. Ad atheismi suspicionem ab hoc declinandam, ex libro ejus, de religione Medici, copiose docetur, ipsum non solum de Deo, rebusque divinis,

Pag. 113.

139.

147.

154.

nis, admirabili semper pietate ac reverentia verba fecisse; verum etiam tantopere de supremi Numinis existentia convictum fuisse, ut negaverit, dari homines mentis compotes, qui hanc veritatem, omnibus rebus creatis tam perspicue insculptam, negare serio possint. Hactenus in avertenda & declinanda hac in Medicos cavillatione Autor occupatus fuit. Nunc contra ostendit, exstare *egregia Medicorum tam in naturalem, quam revelatam, Theologiam merita*, atque hæc antiquissimis temporibus tanti jam fuisse æstimata, ut & gentiles varios Medicos in Deorum numerum receperint, v. c. *Apollinem, Æsculapium, &c.* & prima Christianorum ecclesia illorum complures cohorti Sanctorum aggregaverit, Tandem probatur ex consideratione Medici tam theoretici, quam practici, *artem salutarem cultoribus suis sapientibus ex operibus divinis*, in quorum perquisitione quotidie versantur, *supremi Numinis existentiam, sapientiam, atque potentiam, perpetuo ante oculos ponere*; deinde humanæ sortis miseriam, dum ægros querulos invisere, morbos indagare, & cadavera perlustrare, solent, solerter perpendendam exhibere; denique *mortem & ultima fata ipsos sapissime in memoriam revocare*, partim quando corpora mortuorum, ad structuram & fabricam eorum pervestigandam, dissecant, partim quando circa moribundos versantur, quæ re vera homini & pietatem & erga Deum reverentiam inspirant. Ex quibus concluditur, *Medicinam potius ad cognitionem Dei potentissimi & sapientissimi, ad pietatem, vitæque sanctimoniam, excitare*, quam ad atheismum & scelera, perducere. Ultimo, ab ipsa S. Scriptura Medicinæ & Medicorum innocentiam vindicari, indicatur, quæ scilicet & artem, & eam profitentes, passim exquisitis condecorat laudibus; imo ostenditur, Christum, gravissimis miraculis, se Messiam esse, probaturum, sæpissime Medicum egisse, & cum laude de Medicis sæpe locutum esse. Porro S. Lucam Evangelistam, Medicum, ad Evangelium & oracula divina propaganda, literisque mandanda, a Spiritu sancto excitatum fuisse, Paulumque Apostolum ipsum præ ceteris Christi discipulis

Ff

pulis

pulis itineris Romani comitem & socium sibi elegisse, demonstrat, quæ omnia sane facta non fuissent, si ars illa tam impiis erroribus fenestram aperiret, vel Medici tam mali aut perversi essent homines, & ad res divinas, ut nonnulli pessime calumniantur, tam inepti. Denique Autor ostendit, nos ultima & sanctissima Servatoris verba, quæ in cruce adhuc protulit, ignoraturos, quando scilicet alta voce exclamavit: *Pater, in manus tuas commendo spiritum meum*, nisi Lucas, Medicus, dum ceteri Evangelistæ hac de re silent, ea scriptis reliquissent, quæ adeo uni Medico in acceptis referenda sint. Atque ex his omnibus Cl. Autor tandem manifestum esse concludit, istam cavillationem, qua Medicinæ ac Medicis atheisini scelus objicitur, temerariam, vanam, pessimam, atque falsissimam esse. Tam assidue Cl. Autor provinciam, quam suscepit, tantaque industria & nervorum contentione ornavit, ut ex his primitiis *Heisteriani* ingenii doctrinæque præstantiam cognoscere liceat. Quamobrem nos tanto Parenti tam doctum & tam bonæ frugis Filium merito gratulamur, nec vano augurio prævidemus, fore, ut paternam gloriam temporis progressu adæquet & augeat.

ENTRETIENS SUR LA CAUSE DE L'INCLINATION,
naïson, &c.

h. e.

DE CAUSA INCLINATIONIS ORBITARUM Planetarum Dialogi tres: in quibus respondetur ad quæstionem, pro obtinendo præmio A. 1732 & 1734 ab Academia Scient. Paris. propositam. Autore BOUGUERIO, Academiæ Sodali, & Hydrographo Regio.

Parisiis, apud Claud Jombertum, 1734, 4-
Plag. 8, Tab. æn. 2.

Recensuimus in *Actis A. 1735 Mens. Nov.* duas Dissertationes *Joannis & Nicolai Bernoullii*, Parentis & Filii, qui quæstionem,

tionem, ab Academia Scient. Parif. primum pro anno 1732, cum conftituto præmio, & iterum pro anno 1734, cum præmio duplicato, propofitam, de *inclinatione orbitarum Planetarum*, ita pertractarunt, ut inter utrumque Academia præmium ex æquo partiendum iudicaret. Adjecimus, fuiſſe ſuper eodem argumento complures alias commentationes a Viris doctiſſimis exhibitas: inter quas, iudice Academia, primum meruit locum ea, cujus in præſenti facere mentionem conſtituimus: quanquam & ipſe Autor diſerte declarat, & Celeb. *Fontenellius* teſtatur, jam ante annum 1732 hanc Diſſertationem accepiſſe Academiam, quæ nihilo minus tunc quidem præmium differendum cenſuit. Diſtributum eſt totum Opusculum in Dialogos tres, colloquentibus de quæſtione propoſita, præſente Autore, tribus ejus amicis, *Theodoro*, *Ariſto*, & *Eugenio*: quorum prior *Newtoniana*, duo reliqui *Carteſiana*, Philoſophiæ, & alter quidem adſtrictius, tertius liberiori quadam ratione, adhærent. In primo Dialogo *Theodorus Newtonianorum* de attractionibus principiorum deſenſionem, atque ad præſens argumentum applicationem, inchoat; ſed non perſequitur: id unum docens, laudata principia mechanifmum non deſtruere, ſed perficere, plurimasque naturales quæſtiones, inprimis de motibus aſtrorum, niſi aſſumptis illis principiis, explicari nullo modo poſſe: id quod ipſe Autor in Præſatione iterum iterumque probat. De cetero in eodem Dialogo *Eugenius* demonſtrare conatur, fluidum æthereum, inter Planetas, proxime conjunctos, ex ſententia *Carteſianorum* magis compreſſum, repellendo a ſe invicem Planetas, ſi conjunctio ante nodos fiat, tantillum quidem imminuere orbitarum inclinationem, ſin poſt nodos, paululum augere angulum illum poſſe, contrariumque fieri debere, ſi attractio *Newtoniana* locum habeat, ſed leviculas illas mutationes, poſt plures Planetarum revolutiones, omnino compenſari, neque adeo inclinationum, de quibus quæritur, has eſſe cauſas poſſe: imo vero prorsus neceſſe eſſe, ut Planetæ, a fluido circumlati, nunquam a via & directione hujus fluidi notabiliter diſcedant. Atque hinc in altero Dialogo idem *Eugenius* concludit,

Ff 2

cludit, inclinationem Planetarum non alii rei adscribendam esse, quam ipsius ætheris, in diversis altitudinibus, atque adeo in diversis stratis sphæricis, diversæ directioni: quæ directio cum mutari naturaliter haud quaquam potuisset, si ab initio per totum vorticem plane similis fuisset, nihil reliquum esse, nisi ut statuamus, motum ætheri ab initio impressum fuisse oppido varium, inde partes unius ejusdemque strati sphærici, post multiplices concursationes, necessario ad similem & consentientem motum esse redactas, diversa vero strata, cum non directe, sed levi saltem frictione, agere in se mutuo queant, magnam etiamnum diversitatem, paulatim tamen minuendam, conservasse: hinc dubitandum non esse, quin vortex terrestris, prope ipsam terram, directione cum Æquatore & motu terræ diurno consentiente, in ea vero altitudine, ubi luna hæret, directione cum orbita lunari congruente, circumagatur: similiterque in magno vortice solari eam esse directionum varietatem concipiendam, quæ ubique cum Planetarum orbitis conveniat: omniumque vorticum minorum ita esse directiones comparatas, ut in extremitatibus suis cum orbitis Planetarum, & directionibus, quas iis in locis vortex magnus habet, in partibus vero infimis, ubi Planetas proxime attingunt, cum horum Æquatoribus, conspirent: nec mirum, quod in vortice Jovis minor varietas, quam in vortice terrestri, & in hoc ipso minor, quam in vortice Veneris, reperiatur, quippe cum Jovem cum suo vortice celerissime, Terram tardius, Venerem (secundum observationes *Blanchini*) tardissime, circumvolvi constet: denique ex his intelligi posse, quantum veritatis subsit traditioni antiquorum Ægyptiorum, quam *Herodotus* nobis conservavit, de angulo Eclipticæ & Æquatoris, eum scilicet primis temporibus, non quidem rectum, quod illa traditio vult, sed notabiliter tamen, quam nunc, majorem, fuisse. Atque hæc de altero Cl. Autoris Dialogo dicta sufficiant. Restat tertius, qui explicationi rerum quarundam singularium ac separatarum destinatus est. Et initio quidem agitur de præcessionem æquinoctiorum, ostenditurque, eam non alii causæ tribuendam esse,

esse, quam actioni diverforum stratorum vorticis terrestris, quæ actio ab extremo vortice ad ipsum usque globum nostrum propagatur, positumque Æquatoris nostri sensim mutat, quamobrem stellæ fixæ motu quodam proprio tardissimo progredi videntur. Atque hac occasione etiam demonstratur, Terram, ceterosque Planetas, circa Solem delatos, per se necessario conservare exactissimum axeos & Æquatoris parallelismum, sine novâ & peculiari causâ, qualem *Cartesius* alii-que incassum finxerunt. Porro etiam secretus quidam nexus indicatur, inter præcessionem æquinotiorum, & retardationem nodorum lunarium, explicatis mutationibus, quibus inclinatio hujus sideris subjecta est. Sed his quidem non immorabimur: unam saltem observationem adhuc allaturi, quam ipse doctissimus Autor singularem mereri attentionem jelicat. Nempe *Eugenius*, postquam de latitudinibus Lunæ nonnulla commemorasset, effectus definire conatur, qui a mutationibus illarum latitudinum dependent. Ita autem existimat: præter augmenta celeritatis, quæ primus *Tycho* prope Syzygias observavit, longe majus incrementum reperiri debere tum, cum exigua nova Luna latitudinem habet: propterea, quod eo tempore ad locum vorticis arctissimum pervenit, ubi plus motus ab æthere accipiat necesse est. Atque idem argumentum deinceps denuo examinanti Autori nostro perquam jucundum fuit observare, quod simile quidpiam etiam in conjunctionibus Planetarum primariorum locum habeat: quî, quanquam tum quidem semper aliquanto fortius agere in se invicem debent, nunquam tamen id faciunt satis notabiliter, nisi cum prope nodos suos, hoc est, prope intersectionem mutuam suarum orbitarum, conjunguntur.

JO. GEORGII SCHELHORNII AMOENITATES *Historiæ Ecclesiasticæ & Literariæ.*

Tomus I.

Francofurti & Lipsiæ, apud Dan. Bartholomæum & Fil. 1737. 8.

Alph. 2 plag. 17, cum Fig. æn. 1.

Ff 3

Cum

Cum *Amanitates suas literarias*, quatuordecim olim Volu-
 minibus in lucem editas, benevole a Viris doctissimis ex-
 ceptas animadverteret Maxime Venerandus *Schelbornius*, Ec-
 clesiastes & Bibliothecarius Memmingensis haud incelebris;
 eo facilius aurem præbuit amicis & fautoribus quibusdam,
 ipsum excitantibus, ut telam istam resumeret, ac ulterius per-
 tendam denuo susciperet. *Primum* igitur hujus instituti *To-*
mum cum orbe literario communicavit Cel. Autor, in hoc tan-
 tum a prioribus diversum, quod plura ad Historiam Ecclesia-
 sticam, recentioris potissimum ævi, illustrandam facientia in
 se contineat, quam rationem etiam in Partibus secuturis ob-
 servare ipsi est animus. In Dedicatione memoriam maximi
 ætatis nostræ in republica literaria ornamenti, *Zacharia Con-*
radi ab Uffenbach, Reipublicæ Mæno-Francofurtensi quon-
 dam Scabini & Senatoris, plurimis in meliores literas prome-
 ritis clarissimi, renovare studuit *Schelbornius*, ad quod pietatis
 officium eo magis se obstrictum judicavit, quod in supremæ vo-
 luntatis tabulis ingentem ipsi thesaurum literarium legatum
 voluit *Uffenbachius*. Credidit præterea fidei illius Commenta-
 rios de vita propria inchoatos, haud vero perfectos, in quibus
 ad finem perducendis nunc totum se occupatum profitetur,
 eosque anno proximo editurum se esse pollicetur. His præ-
 missis, brevem hujus *Tomi* delineationem suppeditabimus.

Pag. 1 seq.

Continentur vero ibidem 1) Historia Operis, quod *Reginaldus*
Polus adversus *Henricum VIII*, Britannicæ Regem pro unitatis
 ecclesiasticæ defensione conscripsit. Epistola Autoris ad *Jo.*
Georg. Lotterum, in illustrissima Academia Petropolitana Elo-
 quentiæ Græcarumque & Romanarum Antiquitatum Pro-
 fessorem nuper defunctum, huic præcedit Historiæ, qua *Lot-*
tero publicum quoddam amoris documentum testari, & fau-
 stissima quævis apprecari, voluit. Sed dolemus, hanc voti-
 vam acclamationem nimis sero lucem adspexisse, quia mors
 inopinata *Lotterum* jamjam nobis eripuit. Eo acceptior
 lectoribus erit recensio & historia libri illius famosissimi, a
Reginaldo Polo scripti, quo rarior obviis est. *Regi-*
naldus Polus benignissimum expertus est *Henricum VIII*,
 Regem Angliæ, illius liberalitate adjutus, in Italia studia ex-
 coluit,

coluit, id quod ipse in Epistola quadam fatetur; sed anguem, ut in proverbio est, in sinu fovebat *Henricus*. Postquam enim Rex *Henricus*, in notissima illa divortii causa a *Clemente VII*, varie delusus, a sede Romana, cui antea addictissimus fuit, defecerat, & *Richardus Sampsonis* liber, in patrocinium supremæ Regis in Ecclesia Anglicana potestatis scriptus, *Reginaldo Polo* offerebatur, causam Regis & omnia ejus acta maximopere improbat, acerrimūque hunc librum, conviciis plenum, adversus benefactorem suum in lucem emisit, cujus historia, & præcipua capita, copiose enarrantur. 2) *Reginaldi Poli* Epistola ad *Eduardum IV*, Angliæ Regem, de Opere antea citato, e Codice manu exarato *συγγεγραμ* edita. 3) Judicium *Edmundi Campiani*, Societatis Jesu Soc. de Concilio Tridentino expensum. Habetur insigne hoc ac magnificum, quo Concilium Tridentinum mirum in modum extollere contendit *Campianus*, præconium in Latinis editionibus Historiæ *Pauli Sarpii*, ex quibus *Schelbornius* illud excerptit, & cum lectoribus suis communicavit. Quo facto, nimias *Campiani* laudes, quas in Concilium hoc cumulatissime congestit, sub examen vocat, vanasque illas esse, luculenter demonstrat, & *Cheumnitii* non solum nomen ab illius criminationibus vindicat, sed etiam mordacissima dicta in Protestantes, ad Concilium illud haud profectos, a *Campiano* prolata, pro more suo, hoc est, erudite, excutit *Schelbornius*. 4) *Aonii Palcarii* ad *Lutherum*, *Calvinum*, aliosque, de Concilio Tridentino Epistola, e MSto Guelpherbyitano publicata, cum Præfatione de fatis & morte *Palcarii*. Notitiam hujus Epistolæ debet *Schelbornius* Celeb. *Saligio*, qui illius in Historia sua Augustanæ Confessionis P. II Lib. V Cap. II pag. 66 seq mentionem fecerat, ipsam vero Epistolam florentissimo D. *Jac. Burchardo*, Ducis Brunsvico-Luneburgensis Consiliario gravissimo, qui has literas, in Bibliotheca Guelpherbyitano latentes, sua manu curatissime descriptas, ad Editorem nostrum transmissit. Prodit adeoque primum ex Latino, quo sermone ab initio exarata est hæc Epistola, exemplo, lectu sane dignissima. Variis præterea rationibus, iisque haud contemnendis,

Pag. 191.

271.

425.

evi-

Pag. 462.

473.

482.

490.

576.

586.

evicit, hanc Epistolam facundo *Palearii* calamo omnino esse tribuendam, quanquam ipse reticuit *Palearius* nomen suum. 5) Literæ Cardinalis *Crescentii*, Legati ad Concilium Tridentinum, quibus invitavit D. *Sebastianum*, Archiepiscopum ac Electorem Moguntinum, & ceteros Archiepiscopos Electores, ad Concilium, e MSto Tridenti d. 18 Cal. Jul. A. 1551 scriptæ. 6) Literæ *Aloysii Lippomani*, quibus eundem Electorem Moguntinum & socios hortatus est, ut se conferrent ad Concilium, cum Præfatione. Duos Purpurato *Crescentio* Præsides ex ordine Episcoporum, scilicet *Sebast. Pighinum*, Sipontinum Archiepiscopum, & *A. Lippomanum*, Veronensem Episcopum, adjecit *Julius III*, uti *Pallavicinus* in *Hist. Concilii Trident.* Tom. II Lib. XI Cap. 13 pag. 84 tradit, qui *Nuntii* nomen gesserunt. Hinc processit diversa illa scribendi ratio, quam in literis *Crescentii* & *Lippomani* deprehendes. Ille cothurno incedit altiori, hic humili utitur genere scribendi. Scripta est hæc *Lippomani* Epistola Tridenti d. 18 Cal. Julii A. 1551. 7) Res quædam ad apparatus Concilii Tridentini, sub *Pio IV* habiti, externum spectantes, ex *Jo. Bapt. Fickleri* Actis MStis; nimirum de sede & ordine Legatorum Pontificiorum in generali illa congregatione, de sede Oratorum ecclesiasticorum, Oratorum laicorum, Episcoporum, & Patrum, aliorumque, quibus adjectus est catalogus officialium, quorum opera usui esset sacro Concilio, & quantum cuique stipendii per mensem exponendum esset. 8) Consultatio, Imperatoris *Ferdinandi I* jussu instituta, de Articulis Reformationis, in Concilio Tridentino propositis, ac proponendis, e MStis. Hoc certe scriptum præstantissimis annumerari meretur documentis, ex quibus historia Concilii Tridentini illustrari potest. 9) Responsum ad petitiones, a *Ferdinandi* Imperatoris Oratoribus Synodo Tridentinæ propositas, e MSto, ex Actis Concilii Tridentini, a *Jo. Bapt. Ficklero*, J. U. Doctore, & Oratorum Salisburgensium a Secretis, studiose descriptis. 10) Syllabus præcipuorum postulatum, quæ Imperatori *Ferdinando*, si fieri posset, in Concilio Tridentino urgenda videbantur, e schedis *Friderici Staphyli*.

Ex

Pag. 598.

611.

679.

693.

Ex his etiam allatis clarissime apparet, nullum fuisse locum Tridenti etiam æquissimis & optimis desideriis ecclesie reformandæ, ac e contrario magna pietate & prudentia fuisse Imperatorem *Ferdinandum*. 11) Narratio lectu jucunda de fanatico, quodam Episcopo, qui Synodo Tridentinæ interfuit, ex sæpius citati *Fickleri* Actis MStis depromta. Fuit hic futurorum augur, aut potius scurra, *Antonius Ciurelia*, patria Barenfis, Episcopus Buduenfis. Vaticanum quoddam, ab illo die 21 Aprilis A. 1563 publice in congregatione Patrum latum, cum interpretatione ipsius vatis nobiscum hic communicatur. 12) *Friderici Staphyli* Consultatio de instauranda in terris Austriacis religione Romano-Catholica, ad Augustissimum Imperatorem *Ferdinandum I*, e MSto, En ipsius Editoris verba de hac Consultatione in Dedicatione ad *Bernh. Raupachium*, oraculorum divinorum apud Hamburgenfes interpretem dexterrimum: Varia quidem in hoc consilio ab homine vasserrimo partim evangelicæ doctrinæ addictis tribuuntur dogmata, quæ a libris nostris Symbolicis ac probatorum cœtus nostri Theologorum scriptis longe sunt alienissima, varia quoque in eos contumeliose ingeruntur probra; non uno tamen nomine hoc, quicquid est, consilii nobis utile esse potest. Apparet hinc luculenter, quibus artibus factum sit, ut pius ac mississimus alias Imperator *Ferdinandus*, apud quem multum polluit *Staphyli* autoritas, Evangelicis, suo imperio subiectis, interdum se tam præbuerit difficilem ac inexorabilem; elucet quoque inde, qui fuerit illo tempore cleri pontificii in Austriacis ditionibus status, & quæ sunt alia. Huc usque *Schelbornius*. 13) *Matthiæ Cithardi* ad *Pium IV* Pont. Max. de Cæsaris *Ferdinandi I* obitu Epistola, e MSto, cum Præfatione, in qua nonnulla memoratu digna de ipso *Cithardo* exhibentur. 14) Elogium *Georgii Hermanni a Guttenberg*, Kaufburenfis, eximii quondam literarum ac literatorum patroni. Natus erat *Hermannus* patricio genere A. 1491 d. 26 Febr. in libera S. R. Imperii urbe Kaufbura. Optime ibidem educatus, literisque bene instructus, ad externos suscepit itinera; his peractis, in patriam redux, mercaturam facere honestam

Gg

stam

stam instituit, matrimoniumque iniit. Amicitiam cum doctissimis tum temporis viris coluit, & erga illos indulgentissimus fuit. Sibi quoque conciliavit gratiam Augustissimi Imperatoris *Caroli V*, qui illum ac posteros ejus A. 1528 in ordinem equestrem clementissime recepit; *Ferdinandus* vero, Romani imperii, Hungariæ, & Bohemiæ Rex, amplissimam in eum contulit dignitatem Consiliarii A. 1534. Tandem *Hermannus*, annis meritisque gravis, A. 1552 d. 10 Dec. placide obiit. 15) Observatio de Jesuitis ante Jesuitas, & Societate Jesu ante Societatem Jesu. Doctissimus *P. Bernhardus Pezirus* in *Bibliotheca suæ Ascet. Tom. IV* e MSto edidit *Henrici Arnoldi*, Cartusie Basileensis quondam Prioris, qui Seculo XV vixit, Dialogum de modo perveniendi ad perfectam Dei & proximi dilectionem, e quo in Præfatione locum exhibet, ubi nomen Jesuitarum diu ante stabilitam eorum societatem occurrit. Sed observavit *Schelbornius*, diu jam ante *Arnoldum* nomen Jesuitarum a *Ludolpho*, vel *Leutholfo*, Saxone, fuisse usurpatum, nimirum in illius Vita Christi, Argentorati A. 1493 impressa, *Cap. 10.* 16) Dialogus *Calii Secundi Curionis* de mirabili sua e vinculis ac ipsis diræ necis faucibus liberatione, nomine *Probi* insignitus. Habetur quidem hic Dialogus in *Calii Secundi Curionis* libro antiquissimo & rarissimo, cui inscriptio: *Pasquillus Ecstaticus*, nec non in Vitis selectis quorundam eruditissimorum Virorum, Vratislaviæ A. 1711, 8, editis, pag. 637 recusus; cum vero olim in *Amanitatum literar. Tom. XIV* pag. 325 seq. *Curionis*, ejusque gentis, historiam exposuerit, & varia lectu digna de captivitate illius nobiscum communicaverit *Schelbornius*, non ingratam hujus Dialogi editionem, multa de captivitate *Curionis* in se continentis, lectoribus futurum sperat, 17) Notitiæ librorum quorundam rariorum Decas I. Rarissimi vero hi libri sunt: 1) *Oliverii Maillardi* Serinones, Argent. 1506, 4; 2) Gesta Romanorum, cum applicationibus moralisatis ac mysticis, 1499, fol. 3) *Lucii Apuleji*, Platonici & Aristotelici Philosophi, Epitoma divinum de mundo, seu cosmographia, ductu *Conradi Celtis* impressum Viennæ, 1497, fol. 4) *Christiani*

Pag. 751.

759.

777.

stiani Druthmari, Grammatici, Expositio in *Matthæum* Evangelistam familiaris, luculenta, & lectu jucunda, cum epitomatibus in *Lucam* & *Joannem* S. Martini Episcopi ad *Mironem* Regem, Argentorati, 1514, fol. 5) *Stephani Gardineri*, Wintoniensis Episcopi, Angli, de vera obedientia Oratio, Argentorati, 1536, 8; 6) Apologia *Simonis Lemnii* adversus decretum Academix Wittebergensis, in 8; 7) *Stephani Doleti* Orationes duæ in Tolosam; ejusdem Epistolarum *Libri II*; ejusdem Carminum *Libri II*; ad eundem Epistolarum amicarum liber, in 8; 8) *M. Jo. Cræselii*, Vilseccensis, Academix Ingolstadiensis Bibliothecarii, Elogia, in duas divisa Partes, Ingolstadii, 1584, 8; 9) E. D. L. C. Apologia catholica adversus libellos, declarationes, monita, & consultationes, factas, scriptas, & editas, a fœderatis perturbatoribus pacis in regno Francix: qui insurrexerunt, ex quo tempore Dominus frater unicus Regis vita defunctus est, Parisiis, 1586, 8; 10) *Ludovici Septalii*, Patricii & Medici Mediolanensis, & in Canobiana Schola Activæ Philosophix Publici Professoris, de ratione instituendæ & gubernandæ familix Libri quinque. Senator F. edidit, & *Julio Aresio*, Senatus Mediolanensis Principi, dicavit. Mediolani, 1626, 8. Horum omnium & singulorum librorum notitiam satis amplam nobis sistit Clariss. Autor, & potiora eorum contenta in medium affert. 18) Animadversiones & Supplementa in *Amenitatum literar. Tomi IV Caput 2*, quod est de artis typographicæ originibus. Insuperat olim c. l. Carmen quoddam incomtum & barbarum, quod nonnulla ad artis typographicæ origines spectantia in se continuit. Ingenue tunc temporis falsus est *Schelhornius*, tam obscura & tenebrosa in eo occurrere, ut Oedipo conjectore opus habere ipsi videretur, præsertim in versu: *Cum quibus optatum Petrus venit ad Poliandrum*, qui hoc nomine intelligendus esset; sed tenebras istas feliciter dispulit D. *Jac. Christoph. Iselius*, Polyhistor Basileensis celeberrimus, Carmenque illud cum animadversionibus *Iselii* doctissimis hic denuo exprimendum curavit Editor. His omnibus

Pag. 942.

963.

Gg 2

bus

bus tandem adductis, additamenta quædam ad *Tomum præsentem* adjecta sunt. En hujus *Tomus I* brevissimum conspectum. Multa de illo, sed ea, pro instituti nostri ratione, breviter, diximus. Plura enim in scenam producere potuissimus memoratu dignissima, sed id partim arctiores, quibus circumscripti sumus, fines, partim rerum optimarum copia, unde præstantissima quæque seligere admodum difficile videtur, prohibent. Hoc ergo Catone contenti ut sint Lectores nostri, precamur, ipsique ut adeant librum, illis suademus. Varia enim hic annotata deprehendent, quæ Historiæ sacræ lucem affundere possunt maximam. Hoc tandem silentio præterire haud possumus, si Operi suo Indicem adjunxisset Autor perindustrius, lectoribus suis facturum fuisse rem gratissimam.

**WILHELMI ERNESTI EWALDI, SACR.
Theol. Doct. Emblematum Sacrorum Vet. & Novi
Testamenti Liber V & VI, sive
Pars tertia.**

Altonavix, apud fratres Korte, 1737, 4.

Alph. 3 plag. 3, cum aliquot numis & fig. zn.

Tres, & quod excurrit, præterlapsi sunt anni, ex quo Summe Venerab. Autor *Librum III & IV*, sive *Partem alteram, Emblematum sacrorum* cum erudito communicavit orbe, a nobis in his *Actis* plenius commemoratam. In Præfatione illius *Voluminis* promissit, *tertiam* hujus Operis se additurum *Partem*. Fidem adeoque ibidem datam liberaturus, & amicorum nonnullorum consiliis ac persuasionibus obtemperaturus, nunc *Librum V & VI*, sive *Partem tertiam*, horum *Emblematum sacrorum* in lucem edidit. Eodem modo, eodemque, quo inceperat, scopo, hanc ultimam elaboratam deprehendes *Partem*. Nimirum ea, quæ in hoc Volumine exhibentur, Emblemata & amœnitate & gravitate lectoribus sese commendabunt, quia memoratu dignissima, nec ubivis obvia, denuo ex scriptis tum Veteris tum Novi Instrumenti seligit Autor doctissimus, & quamplurimis Scripturæ sacræ oraculis

culis lucem ex antiquitate sacra pariter ac profana, successu haud infelici, affundere studuit. Novam præterea tabulam nummorum antiquissimorum, quorum subsidio varios veterum ritus illustravit, æri incidi curavit, una cum figura locustæ orientalis, ad cujus formam in loco *Apocal. IX, 3 seq.* alludi, in *Exercitatione VIII Libri VI* docuit. Quo vero lectoribus nostris salivam moveamus, ipsas has *Exercitationes*, varia eruditione conscriptas, adeundi, operæ pretium putamus, ipsis conspectum *Exercitationum* ante oculos ponere. Ita vero ille sese habet: *Libro V Exercitatione 1)* agitur de *Turre Davidis*, nulle clypeis ornata, ad locum *Cant. IV, 4*; 2) de *Torque sponsæ aureo*, symbolo veritatis Evangelicæ, ad *Cant. IV, 9*; 3) de *Sylva*, symbolo gentium ac hostium regni Messæ, ad *Jes. XXXII, 19*; de *Canibus mutis*, symbolo pseudo-doctorum, ad *Jes. LVI, 10*; 5) de *Cidari regia* in manu Dei, symbolo Ecclesiæ, ad *Jes. LXII, 3*; 6) de *Medicis mysticis*, ad *Jerem. VIII, 22*; de *Crocodilo*, symbolo Antichristi, *Ezech. XXIX, 3*; 8) de *Piscatoribus mysticis*, *Ezech. XLVII, 10*; 9) de *Myrto*, symbolo Ecclesiæ pressæ, *Zach. I, 8*; 10) de *Tintinnabulis equorum*, symbolo confessionis & præconii veritatis, *Zach. XIV, 20*. En themata, selectissima sane, *Libri quinti*. Hunc sequitur *Liber VI*, cujus *Exercitatio 1)* agit de *Camelo*, symbolo hominis avari, in specie Pharisæi, *Matth. XIX, 24*; 2) de *utribus recentibus*, symbolo credentium sub Novo Testamento, *Luc. V, 38*; 3) de *Vase electo* ad nomen Dei portandum, ad *Actor. IX, 15*; 4) de *Bove triturante*, symbolo doctorum Novi Testamenti, ad *1 Cor. IX, 9*; 5) de *Fulguribus ex throno Dei prodeuntibus*, symbolo verbi Dei, *Apoc. IV, 5*; 6) de *septem Facibus igneis* ardentibus coram throno, symbolo Spiritus S. *Apoc. IV, 5*; 7) de *Citharis aureis*, symbolo præconii virtutum divinarum, *Apoc. V, 8*; 8) de *Locustis* ex fumo abyssi prodeuntibus, symbolo pseudo-doctorum Antichristi, *Apoc. IX, 3 seq.*; 9) de *Falce* acuta in manu filii hominis, symbolo judiciorum divinarum, *Apoc. XIV, 14*; 10) de *Toreulari mystico*, symbolo iræ divinæ, ad *Apoc. XIV, 19* — 21. In calce hujus *Voluminis* adjectam videbis *Exercitatio-*

nem in locum *Matth. XIX, 28*, de *XII Thronis* Apostolorum, & iudicio in *XII tribus Israel*, quam Dissertationis loco exhibuit Autor, cum ante aliquot annos summos in Theologia honores capefferet. Hanc excipiunt porro *Visiones* quædam *Emblematico-Prophetica*, quarum sensum, tum literalem, tum mystico-propheticum, ex monumentis antiquis pro virili eruere laboravit *Ewaldus* noster. Harum *prima* sistit nobis gloriam Messiae exaltati, ex *Jes. VI, 1 seq.* altera gloriam Ecclesiae Nov. Testam. ex *Apoc. XII, 1*, *tertia* ortum & progressum Antichristi sub figura mulieris in *Epha* sedentis, ex *Zach. V, 5 seq.* Hic conspectus excitabit, procul dubio, & lectores & amatores. Præsertim cum fateri cogamur, varia hic lectu dignissima occurrere, quæ alibi frustra quæsi-veris. Specimina non suppeditabimus, cum *priores* hujus laboris *Partes* in omnium fere manibus versentur, ex quibus facile potest concludi, quid de postrema hac sperandum sit. Plura harum deliciarum *Volumina*, vix est, quod expectemus ab Autore, cum majus quoddam *Opus Biblicum* orbi literario exhibere decreverit. Ad quod conficiendum vires vitæque ex animo ipsi comprecamur. Triplex, qui huic *Volumini* adjectus est, Index, locorum scilicet Scripturæ sacræ explicatorum, vocum Hebræarum & Græcarum, Emblematum ac rerum memorabilium, ad usum lectorum satis videtur accommodatus.

JACOBI BRUCKERI Neue Zusätze, &c.

h. e.

SUPPLEMENTA HISTORIÆ PHILOSOPHICÆ.

Ulmæ, apud Dan. Bartholomæi, 1737, 12.

Plag. 21.

Posteaquam singulos *Historia Philosophica Bruckeria-næ* Tomos his in *Actis* recensuimus, nec omittenda fuerit mentio horum *Supplementorum*. Quatuor autem

tem sunt genera eorum, quæ hic exhibentur, ut ipse monet Cl. Autor in Præfatione. Primum enim, quæ vel de Philosophorum personis, vel de eorum dogmatibus, dixerat, hic adaugetur, indicatis simul pluribus de utroque argumento scriptoribus. Deinde multis, supra obscurius expositis, liquidior lux hic affunditur. Tum emendantur nonnulla, quæ doctissimus Autor antea minus recte tradiderat, postea partim ipse per se, partim ab aliis monitus, falsa esse, cognovit. Id quod quidem tanquam documentum mentis ingenuæ & vere philosophicæ non solum in præsens laudabitur, sed exempli etiam imitatione digni vim habebit apud posteros. Denique adversus nonnullos, quibus errasse immerito visus fuit, modeste tuetur suam sententiam. Excerpemus nostro more nonnulla. *Pag. 23 seq. & 262 seq.* relationes doctorum hominum de *Zoroastre*, & ejus philosophia, partim illustrat, partim erudite corrigit. *Pag. 56 seq.* refutat *Cudworthum*, atomisticum philosophandi genus tribuentem pluribus, qui vixerunt ante *Democritum*. Eundem *pag. 64 seq.* refellit, *Asclepium* habentem pro libro *γυναικας* Hermetico. Eos, qui negant, *Druidas* Gallorum statuissè humanarum animarum transmigrationem, confutat *pag. 87 seq.* *Baltum*, *Platonem* ab Hebræis accepissè suam Philosophiam, contendentem, errasse magnopere, docet *pag. 139 seq.* *Pag. 144 seq.* convellit errorem communem, quo creditur, *Academiam Platonis* sitam fuisse in loco insalubri. Stoicis atheismum, non quidem directum, at indirectum tamen, oportere tribui, pluribus docet *pag. 182 seq.* Multa capita historię *Pythagoricæ* *pag. 192 — 220* illustrantur. *Pag. 247 seq.* refutat *Jo. Conr. Schwarzii* Dissertationem de *Epicuri theologia*, immeritoque defendi ab eo hunc Philosophum, ostendit. Contra *Moshemium* docet *pag. 281 seq.* *Potamonem*, sectæ ecclesiæ conditorem, tertio demum vixissè Seculo. Ejusdem argumenta, quibus usus est ad negandum, *Chalcidium* fuisse religione Christianum, imbecillia esse, docet *pag. 323 — 342.* *Pag. 454 seq.* recenset rarissimum librum *Jacobi Mazonii de triplici hominum vita, activa, contemplativa, & religiosa*: ab eoque syncreticismum exerceri philosophicum, at minus erudite, judicat.

DEL.

BIBLIOTHECÆ VOLANTIS JOANNIS CINEL-
LI CALVOLI, continuata per DION. ANDR.
SANCASSANUM, Repositorium XXII.

Rovereti, impensis Petri Antonii Berni, 1736, 8.

Plag. 12 $\frac{1}{2}$.

- Pag. 4. Recensentur in hac *Bibliotheca*, cujus priora XXI *Repositoria* nondum venerunt ad manus nostras, particula scriptores varii, vel potius scripta, quorum indicem cum Lectore communicandum judicamus. Frontem aperit *Adrianus Valerini*, Poeta Veronensis, ejusque Epithalamium, *Ænea Sylvii* Oratio funebris, A. 1603 dicta, & *Ænea Sylvii Piccolomini* Oratio funebris in *Fridericum Augustum*, Poloniarum Regem. Succedunt scripta minora *Alexandri Sperelli* & *Zonzi*, *Alexii Pulcii*, *Andrea Budrioli* & *Naugerii*. Posterioris, Patricii Veneti, Carmina aliquot ex Codice MSto Bibliothecæ Vaticanæ hic eduntur, inprimis illud in *Borguettum* catulum. Sequitur *Angeli Politiani* Carmen ad *Nicolaum Placentinum*, ex Codice MSto Vaticano nunc demum editum. Sequuntur Opusculorum tituli, referendorum ad *Antonium Possevinum*, *Andream Franciscum Tacchinum*, *Antonium Loredanum*, *Marinarium*, *Palmasium*, & *Melchiorium*, *Arnoldum Wesaliensem*, *Augustinum Abarium* & de *Commissionibus*, & *Vegium Petarellum*. Adjiciuntur Anonymorum aliquot Opuscula, vel potius eorum tituli. Ad elementum alphabeti secundum referuntur tituli librorum *Bartholomæi Christiani Richardi*, *Bartholomæi Crotti*, *Facii*, *Merula*, & de *Virgilio*, *Bernardini Feliciani*, *Bernhardi Buccii* & *Marcelli*, nec non *Bonaventura Barberini*. Sed cur nomina suppeditamus nuda? Addeamus pauca memorabilia, nominibus plerisque omisiss. Recensio Orationum Papæ *Clementis XI* non potest non esse gratissima. *Eustachii Manfredi* Observatio eclipsos lunaris, Romæ A. 1732 d. 1 Dec. habita, ex toto hic est inserta. Suavitatem spirant Carmina nonnulla *Joannis Georgii Tressini*, e Codice Vaticano allata. Errorem putat a sese admissum Autor *Cap. 15 Repositorii XXI*, eo quod *Joannem Albertum Fabricium* defunctis annumeravit. Et utinam illum errasset errorem! Sed non erravit. Oblit enim A. 1736 ætate ineunte. *Joannis Cechæi* tria laudantur scripta a Nostro, ac passim ea inferuntur, inprimis poetica, quæ fastidium lectori abstergere valent. De reliquo nec vitæ Auctorum, nec summæ scriptorum, nec judicæ de iisdem, hic debent quæri, aut expectari.

NOVA ACTA ERUDITORUM,

publicata Lipsiæ

Calendis Maji Anno MDCCXXXVIII.

CAROLI SIGONII OPERA OMNIA, EDITA & nondum edita, cum Notis variorum Virorum illustrum, & ejusdem Vita, a Cl. Viro LUD. ANT. MURATORIO conscripta. PHILIPPUS ARGELATUS nunc primum collegit, suasque Animadversiones in aliquot SIGONII Opuscula adjecit, nec non Indicibus locupletissimis instruxit.

Tomus IV & V.

Mediolani, in ædibus Palatinis, 1734 & 1736, fol. maj.

Tom. IV Alph. 6, Tab. æn. 1, Tom. V Alph. 7 plag. 10,

Tab. æn. 1.

Præclara sunt & excellentia, quæ peracre nostra ætate Italix studium contulit ad renovandam erigendamque, antea collapsam prope & extinctam, penes se gloriam literarum. Quas illa, e Græcia olim petitas, iisdem, quibus arma & imperium, terminis concludere, inferreque ausa est ultimis gentibus, etiam invitis; ex ista quoque communi & pæne suprema sua nocte emerfas, refovendas, immittendasque melioribus auspiciis toti orbi, prima suscepit: donec ad hæc tempora perventum est, quibus omnes terrarum angulos pervagatas, neque tamen usquam dignatas consistere veluti in suo, ut huic cælo proprium id munus appareat, *Gravina, Massai, Gorii, Muratorii*, & aliorum, tanquam humeris reportatas, amplexatur, colit, adorât; utque in posterum eo habeant.

Hh

bean.

beantur reverentius, hancque sui amantissimam amare patriam velint, de amplioribus earum in dies ornamentis sola contendere cum omnibus, ac curiosissime videtur laborare. Egregio enim *Phil. Argelati* consilio, *Sigonianos* omnes libros hoc potissimum modo conjungendi exornandique, quo profuit omnis ævi memoriæ, nec minus iis, qui templa dedicant, honoravit rerum gestarum perennitatem, quid præstantius in literas, in patriam illustrius, excogitari fingique possit? In his monumentis vetus Palæstina excitatur, Græcia resurgit, Roma vivit, imperium antiquum restituitur, Longobardi renascuntur, & cujus non ævi historia florescit? Inde lucem tota antiquitatis ratio, veritatem rerum gestarum fides, perspicuitatem & elegantiam Jurisprudentia, priscum suum robur & splendorem Romana eloquentia, recipiunt.

In *quarto* autem *Volumine* primo loco positi sunt *de Republica Hebraeorum Libri VII.* In quibus cum per omnem antiquitatem non peregrinatus quidem, sed omnium tanquam ejus civitatum jure donatus, Autor, earum reipublicæ peritia ita cum iis, qui in illis nati habentur, contendat, ut, quicquid earum sacris aut publicis monumentis continetur, ille hoc potissimum complexus sit ingenio, quo omnes illos antiquos suorum temporum scriptores de cura, de ordine, de perspicuitate & elegantia, in certamen vocasse possit videri. Doctrinam igitur atque literas præstantissimi *Maffæi* magnas atque illustrissimas esse oportuit, quibus iis, quæ majoribus egere non videbantur, longe maxima contulit ornamenta. Iis enim, quos his Libris adjunxit, Commentariis tantas sanctissimarum divinæ gentis literarum & historiæ divitias explicavit, eam se habere linguæ illius notitiam probavit, ut, cujus rei ille fidem de se fecit, eam si de omnibus sacrorum hominibus eorundem credere par esset, quibus in posterum de hac gloria concedere deberent, habituri non sint. Insequitur *Sulpicii Severi Historia sacra*, Commentariis *Sigonii*, parilima politis, exposita. Ubi ad sacrorum librorum tempora, hominum sanctorum genealogias, & totius ecclesiæ vetustioris vicissitudines, intelligendas multa afferuntur adjumenta.

In

In qua ad umbilicum pervenit volumen, ipsius *Sigonii Historia ecclesiastica*, ea ex manu descripto exemplari Vaticanæ Bibliothecæ publicatur primum, continetque a Christo nato annos 311. Quo in Opere ne alias satis perspectam Autoris diligentiam & eruditionem, sint, qui desiderent, eo minus veremur, quo doctius versatus est *Horattus Blancus*, Jureconsultus Romanus, in iis, quæ ad hunc librum scripsit, *προλεγόμεναις*. Volumine V continentur primo loco *Commentariorum de Republica Atheniensium Libri IV.* Qui cum singulari curâ ab acutissimo homine sint elaborati, ut duas res, apud alios infociabiles, miscuerit, rerum copiam & sili brevitem; non minorem gloriam pressiori hac opera, quam amplis illis & diffusis de Romana civitate lucubrationibus, videtur consecutus. Nam, quemadmodum formam totius reipublicæ in hac urbe, quæ soli Romæ secunda esset, pulcherrime animo comprehendit, ita luculentissimo, quo pollebat, orationis genere & scribendi arte mirifice illustratam proposuit; ut expedierit hanc unam facillimam viam, qua iretur ad accuratius noscenda cujuscunque generis florentium ingeniorum Græca monumenta. Qui ergo hac ratione eruditorum hominum judicio abunde satisfecisset; frequentissime, neque minus graviter, reprehendebatur in uno. Videmus enim & *Jacobum Gronovium* quodam loco scripsisse, *Sigonium in libris, quos de Græcorum republica ediderit, nihil magis cavisse, quam ne quidquam Græcum in iis reperiretur*; & multorum præterea eandem scimus exstitisse accusationem. Viri scilicet minime ignari, quam periculosa esset omnis ad exploratam sententiæ veritatem expressa interpretatio, ægerime ferebant, solius vertentis ingenio autoritatem fidem arbitriumque permittere; ut ejus suspecta libertas tantundem incertos legentium animos teneret, atque si rerum nulli præne, qui sic nominantur, nominarentur Autores. Quo incommodo ne laborandum in posterum iis esset, qui ex aliis perspecta *Sigoniana* diligentiz præstantia & felicitate commendatissimum hoc Opus satis magni erant facturi, Cl. Editor præclara opera usus est eruditissimi cujusdam Viri, cujus nomen,

Hh 2

quod.

quodcunque id demum sit, literis certe auspicatum & salutare, non iustus aliquis pudor, sed sola insignis modestia animi, occultavit. Is, abunde sarciendo, quicquid ex genuina Autorum fide & lingua desiderabatur, horum præfuit ornamentis librorum. Nam & integra Græcorum, nisi longiora quæ essent, testimonia perscripsit, & nova ipse multis in locis retulit, & inter Autores dissentientes subinde repugnantias composuit, multasque difficultates primus indicavit, plures jam notas dissolvit; ut ubique minime ambiguum rerum veritatem, quantum veterum monumenta & Græcorum linguæ peritia usui sunt, expediat. Cujus quidem rei multa habemus exempla, ut pag. 8 not. 23, *de Atheniensium post Codrum Regibus*; pag. 15 not. 36, *de Areopagi conditore & institutione*; pag. 25 not. 80, *de Baccho*, cui Dionysii nomine ludi facti sunt in Lenæo contra accusationem. Jac. Gronovii; pag. 36 not. 98, *de tabulis legum, quæ ἄλφες & κέρβεις vocabantur*; pag. ead. not. 100, *de explicatione τῆ καὶ θάθεν νόμου*; pag. 52 not. 22, *de Scaligeri a Sigonio dissenso in questione, ex quibus πρόεδροι & ἐπιστάται lecti sunt*; pag. 113 not. 87, *de his quinque foris, quæ Meursius, præter decem memorata a Sigonio, affirmat existisse, nominibusque ab Autoribus prodita fuisse: τὸ ἐπὶ λύκῳ, ἄρδηττον, βατραχίην, φωνίην, ὠδῶν*. Qua in parte diligentissimus Commentator præclare demonstrat, confinxisse Meursium τὸ ἐπὶ λύκῳ perversa explicatione hujus apud Polluce loci, qui perscriptus est Lib. VIII Cap. 10: Τὸ ἐπὶ λύκῳ, ἀφ' ἧ καὶ ἡ λύκῳ δεκάς καὶ ἦρας δὲ ἰδρύται αὐτόθι, ἔχων τῆ θηρὸς μορφὴν. πάλαι δὲ συνήσαν ἐῖ συνδεκάζοντες τὰ δικατήρια. Quo declarari ipse probabiliter putat, locum Athenis fuisse, in quem simul judicia corrupturi cõierint, in eoque Lyci statuam fuisse; cum autem postea ibi δικατήριον constitueretur, id monumenti omnibus foris apponi cõpisse, quæ ille per τὴν τῆ λύκῳ δεκάδα designari credit, licet numeri hujus rationem se non deprehendere fateatur. Hesychii enim, Harpocrationis, & Suida, testimoniis confirmat, omnia fora Lyci statuam habuisse. Quantum igitur nos perspicimus, singulare

lare forum, quod *Lyci* vocaretur, ei fuisse non videtur; sed a *Pölluce* tantum causam & initium *Lyci* simulacrorum propter fora collocandi memorari, nullo nominatim prodito, ad quod ea narratio pertineret. Quæ quidem sententia improbanda minime propterea videtur, quod de tali foro alii scriptores mentionem nunquam faciant. De *Lyci* tamen decade dici fortasse possit, *Hesychium* & reliquos, cum omnibus foris *Lyci* statuas tribuunt, de iis tantum sensisse, quæ numero decem reliquis multo celebriora sola potissimum fora haberi debuerint; ideoque recte a *Polluce* *Lyci* decada nominari. Eodem loco reliquis quatuor, ex *Meursio* commemoratis, ipse novum, *Etymologici* magni autoritate, addit, cui, *Thesio* vocato, *Thesii* fanum prope inare: πρὸς τὸ μακρὸν τείχος assedisse probat. Quo invento egregie explanavit locum in *Andocidis* Oratione, ubi narratur στρατηγοὶ convocati esse, qui quidem in urbe habitarent, in forum, ὃ qui ἐν μακρῷ τείχει, εἰς γὰρ Θεσιῶν: & *Aristophanis* in *Vespis* versus unice explicavit, quibus alii judicare apud undecim, alii in *Odeo*, alii πρὸς τοῖς τείχεσι, dicuntur. Quæ vero pag. 178 not. 150 afferuntur περὶ τῶν λογιστῶν καὶ εὐδύνων, magnopere incertum doctissimi Viri animum produnt. Quod si nobis arbitris res ageretur, non dubitaremus *Sigonii* sententiæ album calculum adjicere. Locus enim *Aristotelis* *Polit. Lib. VI Cap. ult.* ἐπεὶ δὲ εἶναι ἐνίαι τῶν ἀρχῶν, εἰ καὶ μὴ πάντοι; διαχειρίζεσθαι πολλὰ τῶν κοινῶν, ἀναγκαῖον, ἐτέρων ἔχει τὴν ληψομένην λογισμὸν, καὶ πρὸς εὐδύνουσαν αὐτὴν μηδὲν διαχειρίζουσαν ἕτερον καλεῖται δὲ τέτρες οἱ μὲν εὐδύνει, οἱ δὲ λογιστῶν, οἱ δὲ ἱζητάς, οἱ δὲ συνηγέρες: sic videtur vertendus: Magistratibus quibusdam, quamvis non sane omnibus, publica negotia administrantibus quam plurima, necesse alium est magistratum exstare, qui rationes exigat, ὃ correcturam gerat, nihil aliud ipse administrans; vocantur autem tales magistratus alias (pro diversis scilicet officiis & necessitatibus reipublicæ) correctores, alias a rationibus, alias quæstiones, alias procuratores. Ultima enim verba: *Ubbo Emmius* & μεταφράσαι *Philosophi* græcissimi ignorance. perperam intellexerunt. Qui

enim *Ubbonis* sententiæ accedere velit, ab eo rationem exigeremus, primo quidem, cur crediderit, a Philosopho hic grammaticam potius vocabulorum enumerationem, quam diversarum unius generis formarum, institutam: deinde quibus autoribus affirmaturus sit, τὰς ἐξετασὰς καὶ λογισὰς; quod tamen eadem ratione, qua ἐνθύνοι modo & λογισαὶ iidem esse colliguntur, efficeretur. Quanta præterea accessio facta sit huic Operi, cum *χορογραφίαν* accuratissimam *Attica* adjunctam habeamus, ii judicabunt, qui lectione comperientur, tam exacte atque luculenter eam investigatam, descriptam, illustratam, ut, qui præcipuas ejus utilitates & opes memorare decreverit, totam referre debeat. Qui itaque jam satis gloriæ ob restitutas Græciæ antiquitates superiori opere sperare poterat inquietus hominis Mutinensis animus, nova *de temporibus Atheniensium & Lacedæmoniorum* ornatissima lucubratione, pasci se tam ad multos usus & oblectamenta accommodato labore, declaravit. Quæ quanto artificio sit perfecta, cum hoc loco explicari non possit, quia ejus totam absolvit præstantiam, ut in se invicem implicata brevitate dispersæ alias & multæ res unum quasi sub adspæctum colligantur, ut inde nulla avelli præcipue particula debeat; jubemus expectationi, quam Autoris habere singula solent, tribuere omnes tantum, quantum judicii integritas cum perpetua conjuncta solertia meretur. Qui vero *Sigonii* eruditionem sequentur in his temporibus ducem, comitem non minori commodo adjunctæ Editorum præclaram diligentiam, quæ *auctarium* reconditarum & excellentissimarum in hanc doctrinam rerum elaboravit. Cum autem nobis in laudando prius loci hujus opportunitatem, quam ullo modo justissimæ admirationis materiem, defuturam sentiamus; ea utemur consolatione, qua honos potius habitus, quam injuria facta, *Sigonio* & præstantissimis Editoribus videatur: si cesserimus legentium fastidio & temporis necessitati, a quibus quicquid dicetur, non tamen dictum pro eo erit, ac merita in literas tanta postulanda. Quare potius ad ea properare avert animus, quæ Ope-

ris

ris dignitate & excellentia præcipuam a nobis curam haud dubie exigent, nisi jam dudum doctorum notitia intelligeremus contineri, quicquid de iis posse perspicimus laudatione comprehendi. Ea sunt, quibus *Sigonius* Romanorum Jus publicum, divinum pariter & humanum, nec non civilis scientiæ partes nobilissimas, complexus, partem tot ingenii monumentis ac decoribus jam ante nominis immortalitatem non tantum longioris multo ad spem ævi erexit atque extendit, sed egregio quoque & invicto contra omnium vim temporum monumento firmavit. Adeo enim nihil simile huic Operi elegantioris antiquitatis studiosi norunt, Historici experiuntur, Jurisconsulti fatentur, ut, quicquid veterum scriptorum fide confirmandum, aut vetustatis notitia & luce declarandum, putant, solius hujus viri testimonio committere non dubitent, sicque ejus auctoritati confidendum ducant, tanquam hoc uno sponfore interposito omnium vetustatis scriptorum consensum ac sententias usurpassent. Cui pervulgato jam hominum judicio cum non modo nihil detrachere, sed summam quoque rationem & auctoritatem asserere, cupiamus; si id ad ignaviam atque inscitiam quorundam valere nolumus, ignoscere nominis *Sigoniani* amantiore debemus. Quippe qui magna contentione asseveramus, & horum argumenta librorum ad omnes antiquitatis partes cognoscendas satis late patere, & pro unius hominis facultate & ingenio præne omnia felicissime pertractari, non ferimus eos, qui, antiquitatum & Juris Romani se doctores professi, nihil aliud in Commentariis suis agunt, quam ut ex *Sigonii*, *Cujacii*, *Balduini*, *Hottomanni*, *Brissonii*, & aliorum, libris quibusdam pannis direptis centones suant: non aliter ac si munere Deorum missi essent, qui magnorum virorum scita abs se in ordinem redacta, & pestilentibus succis condita, ignorantibus seculo propinent. Quodsi hoc sit literarum barbariem ac solitudinem a patria defendere, si sordes propulsare, si ineptias de mundo tollere; nos ad superiorum temporum infelicitatem revolvimus, quam his delictis frui, malimus. Non enim contenti sunt, veterum Auctorum majestatem atque splen-

splendorem de statu dejicere, sed novos suos, inauspicatos, deformes, & infelicibus flammis ustulandos, sætus imperitis ingerunt, magnorum ingeniorum fortuitos atque excusabiles errores ex parvis plerumque maximos efficiunt, & denique, cum omnes ingenii nervos intenderint, id consequuntur, ne quid omnino in iis, quæ mala manu tractarunt, sanitatis appareat. Hi sunt, qui jam a longo tempore *Sigonium*, ignoratione Juris civilis non raro lapsum, interdum ingenio deceptum, negligentia sæpius incantum, frequentissime depravatis Autorum exemplaribus de via aberrantem, tam securi duce sibi fecerunt, ut nihil suspicati sint eorum, quæ multa in longo hoc Opere vitia notavit doctissimus *Madernus*, qui utilissimos his *de antiquo civium Romanorum, & Italia, & Provinciarum, jure, atque de Judiciis*, libris Commentarios addidit. Quæ omnia una cum iis, quæ, a *Sigonio* recte tradita, majori cura perpolivit, si, quasi summis passim capitibus rerum in censum relatis, discere legentes volent, habebunt hic satis multa. *Pag. 8 not. 14* præclare probavit, *Jul. Cæsarem rempublicam non injuste & per tyrannidem occupasse, sed virtutibus suis principem locum meritum, inimicorum factionibus & intemperantia compulsus esse purgandæ atque constituendæ reipublicæ curam suscipere. Pag. 18 not. 25* notat *Sigonium*, non distinguentem urbis & Romæ appellationem, quam tamen distinxit *Paulus l. 2 D. de Verb. sign.* in quam legem *Gothofredi* perversissima exstat interpretatio. *Pag. 23 not. 28* de *Romano agro* pulchre differitur, tam de eo, quo finiebatur jurisdictio magistratuum urbis, quam qui, extra Romanos fines ab hostibus captus, a civibus Romanis colebatur. *Pag. 28 not. 31* optima sunt, quæ de *tribubus* afferuntur, interque ea verissima etymologia vocis *tribus* a *tribuendo*, quæ origo vocis nos in eam cogitationem adduxit, ut causam inde afferri credamus posse, cur *Festus & Padianus* *tribus curiis* permiscuerint. Cum enim antiquitus *tribus* separatam aliquam totius partem significarit; omnes populi divisi partes generali verbo *tribus* vocandæ fuerunt. Triginta autem ex *curiæ Romuli*, indito peculiari nomine, esse

effecerunt, ut illis quatuor partibus, a *Servio* institutis, solum generis nomen, sine periculo confusionis cum *curiis*, sufficeret. Cum itaque isti Grammatici in quodam antiquo scriptore generale verbum de *curiis* usurpari deprehendissent; eas & tribus easdem crediderunt esse. Pag. 39 not. 34, relatis ex *Livio* & *Dionysio* de *centuriis* verbis, *Sigonius* non perpexisse, demonstrat, de quo in *curiarum numero horum Autorum dissensus fuerit*, cujus ipse causas optime declaravit. Pag. 49 not. 41 optimo jure castigavit Autorem, quod, *legum XII Tabularum miram obscuritatem desiderasse prudentium interpretationem*, affirmavit; cum potius ad præcipua quædam & generalia civilis disciplinæ capita adstricta brevitatis indiguerit prudentium ad multos & varios casus accommodandi peritia. Pag. 51 not. 43, *Senatusconsulta ante Imperatores leges non fuisse*, certissimas rationes attulit; quibus si ab *Hubero Observat. Jur. humanior. Lib. I Cap. 3* gravissime atque accuratissime expositas addideris, nihil admodum ad hujus rei fidem præterea desiderabis. Pag. 53 not. 45 *Sigonius* commentum de *Tribunorum edictis* refellit, quos decreta tantum interposuisse constat. Sed ad hoc affirmandum plerisque nostris *Ulpianis* *Sigonius* autor suffecerat. Loco eodem *Censorum edicta*, a *Sigonio* omissa, commemorat. Pag. 57 not. 52 *Sigonium*, *Livii* loco perversissime explicato affirmantem, vulgo conceptos ex mulieribus, quibuscum nullum connubium esset, servorum numero habitos esse, clarissimis testimoniis refutavit, cum *Livius* de ea tantum manumissione loco a *Sigonio* usurpato sit intelligendus, qua ex Hispanis fœminis dedititiis & civibus Romani nati latini fiebant. Pag. 62 not. 55 demonstrat, *Sigonium* legi *Servii* de incensis nimis amplam significationem tribuisse, cum putaret, omnibus indiscretim, qui censi non essent, ea libertatem ademptam fuisse, quæ solam fraudem in subterfugienda census atque militiæ simul necessitate coercuit. Pag. 64 not. 56 de causis amittenda civitatis diligentissime tractavit: cum in similibus argumentis *Sigonius* vacillare fere, si non labi, consueverit, nulla adjutus disciplina Juris Romani. Pag. 67 not. 57 justissime reprehendit per-

versissimam legis Fabia de plagiaris explicationem, quæ Porcia solum convenit, arcenti a civium tergo verbera, cum Fabia de suppressis tantum aut venditis per fraudem liberis hominibus lata fuerit. Ex hoc igitur solo Sigonti errore æstimari debet eorum Jurisconsultorum eruditio, qui eo Autore præcipue ubique, nonnunquam unico & solo, niti non dubitant, si quando antiquitatis & elegantiarum doctrina atque opibus se beatos putant. Pag. 70 not. 59 & 60 egregia monuit de potestate in majores magistratus ab ipsis Patriciis prodita Tribunis plebis, & de iis decem numero creatis ante legem a Sigonio memoratam. Pag. 72 not. 61, legi Porciæ caput de exilio civis Romani falso assignatum esse, & nulla Roma de exilio lege lata, nulli quoque civium, præterquam Tarquinio Superbo, a magistratu id decretum, sed p̄missum tantum confirmatumque, Ciceronis & historiæ testimoniis obtinet. Pag. 80 not. 64 rationem, cur senatores patres vocarentur, eximie prodidit. Pag. 84 not. 65 doctissime distinxit auspicia consularia ante ipsa comitia ab his, quæ jam peractis comitiis creati Consules, initio magistratus Capitolium adscendentes, capiebant; sine illis nullum Consulem creatum affirmat, quia statâ ac solennia unice creandis Consulibus centuriata comitia ea semper habuerint; hæc vero ab ipsis novis Consulibus neglecta interdum esse, unde ii inauspicato facti dicantur. Pag. 86 not. 67 ingeniose de patribus minorum gentium ante Brutum disputat. Pag. 88 not. 69 in diligentissima de sacris Romanis, & jure eorum, tractatione Sigonii aliorumque artem æquavit, ordinem & diligentiam tenuit, perspicuitatem & copiam supergressus est. Pag. 99 not. 70 locum ex Institutionibus, quo dicuntur soli cives Romani justas nuptias contrahere, declaravit, ut doceret, non omnino prohibitas fuisse cum externis nuptias; sed, quibus jus connubiorum non esset, iis hoc a Senatu vel populo petere licuisse, ut cives per matrimonia fierent: itaque eo solum nomine justas non fuisse ejusmodi nuptias, quod non adeo solennes, nec cum vulgari legum observantia, fierent. Quam ejus opinionem veritati plane confirmare nobis equidem videtur Ulpianus in l. Si uxor. §. 13 ff. ad L. Jul. de Adult.

dult. quam legem cum explanaret *Huberus Digress. Justinian. P. II Cap. 17*, excogitavit aptissime discrimen inter significationes *justi*, unam, quando idem sit, quod *legitimum*, alteram, cum quod *solemnē*. *Pag. 110 not. 82, de causis effectibusque patrie potestatis, ejusque dissolvenda modis*, agens, non minus ornamenti veteri Jurisprudentiæ doctrina & rerum delectu, quam ordine & narrationis concinnitate elegantiaque, voluptatis legentibus, contulisse intelligitur. *Pag. 132 not. 88* accuratissimam uberrimamque de *acquirendi modis* disputationem interposuit. *Pag. 148 not. 93* de *origine & processu tutelarum* docta commentatur. *Pag. 150 not. 94* de *cessitia mulierum tutela Cujacium* refutavit, qui, a *Claudio* ipsam foeminarum tutelam sublatam, a *Constantino* postea restitutam fuisse, prodiderat: cum, ut ipse accuratissime demonstravit, a *Constantino* nequaquam cessio revocata sit. Quare Autorum sententiam ita exponit, ut *Claudius consanguineis fratribus & patribus a tutela plane abstinendi facultatem concesserit, cedendi etiam, qua ante fuerat, necessitate remissa*: *Constantinus vero & Leno tutelas adeo ad pristinum jus & rigorem vocaverint, ut tollerent insuper cedendi licentiam*. Qua asseveratione quid præclarior? Cumque ii, qui, Compendia aut Syntagmata, ut ipsi pereleganter inscribunt, fabricando, nihil juventutem docent, quod ex *Sigonii* & antiquiorum voluminum titulis argumentorum, & tabulis ad requirendi facilitatem adjunctis, disci non possit: ad præcantata verba reddendum nata animalia, & laboriosarum nugarum ambitiosi doctores isti, cum omnia ita confirmant, ut iis, si non in solis *Manutii* alicujus, aut *Sigonii*, aut *Cujacii*, nominibus, at in probationibus certe, pronuntiationibusque eorum singulis, sat ponderis ac rationum ponatur; fieri non potuit, quin nemo adhuc dubitaret, si olim nomen cujusquam, nullo discrimine, jure an fraude fieret, in *Censorum tabulas relatum esset, cum extemplo, Diis hominibusque invitis, civem Romanumque rerum dominum effectum esse*. Qua in re ne aliqui parum acuti viderentur, addiderunt quoque, *servorum manumissiones ita fieri solitas fuisse,*

se cuius nomen clam in censum irrepsisset, eamque libertatem contra Jovis & Romæ potentiam ratam fuisse, imaginati sunt. De quo si probationem desideres, nihil agas, cum ii, Sigonio nominato, Ciceronis eosdem, quos ille, locos proferant, in quibus tamen nullam causam perspicere profecto potuerunt, cur hoc affirmandum crederent. Solos igitur lectores suos se feliciores sperarunt fore, ut eandem, quam Sigonium deprehendisse sibi persuaserant, rationem deprehenderent. Nunc vero, quid illi facturi sint, non liquet, cum Madernus noster pag. 154 not. 9 non demonstrarit modo, unum Ciceronis locum maximis esse mendis perversum, & utcumque eum legas, nihil tamen probare, sed reliquorum binorum aciem, qua se tuebatur Sigonius, ita in eum retorserit, ut, Livio in societatem testium adscito, contrariam veritatem assereret. In quam sententiam nos infinita ex tot legibus de peregrinis, de civitate, latis, ex peregrinitatis causa quamplures dixisse scimus, argumenta adjungeremus, nisi locum nobis præcepisset debita huius Operis laudibus materies. Pag. 158 not. 102 Sigonium a Grævii accusatione liberavit, quasi Suetonii locum Jul. Cæs. Cap. 41 de censu perperam explicasset. Ipse enim evincit, ibi omnino de censu in novum morem commutato agi, cum distributio frumenti, quam hic Grævius solum admittebat, jam antea vicatim facta fuerit; illud vero de accipientibus frumentum ex publico, pertinere ad legem Clodiam Annonariam, ut quotannis gratis daretur populo frumentum, cum ex censu appareret, quot essent, qui frumentum accipere deberent. Pag. 160 not. 105 iterum Sigonium notat, qui auxilia & socios nominisque Latini homines non distinxit: cum auxilia tamen extra legiones militaverint, focii & latini ipsis legionibus permisti. Pag. 162 not. 106 de legione Romana multas doctorum tralatitias quæstiones erudita disputatione finivit. Pag. 191 not. 113 de magistratibus generatim doctissime disseruit. Ex his, quæ ad solum primum Librum huius Sigoniani Operis adiecit in omnibus antiquitatis partibus gloriose versatus homo, satis intelligere volumus Lectores, quanto in pretio habenda hæc sint augmenta,

menta, quæ non accessionem aliquam, sed opus profecto alterum, habere possumus. Ne longius progrediamur, multitudo atque varietas rerum, utilium earum atque præstantium, effecit, quæ obrui nos citius, quam satiari, intelligimus posse. Tanquam receptui signum ergo dabimus de *Sigonii* hoc similibusque aliorum Operibus iudicium, quod non propterea, quod sit nostrum, sed quod aliorum quoque gravissimorum hominum, harumque rerum inprimis peritorum, confidamus fore, placere legentibus cupimus, quasque veterem aliquam Senatus literarii auctoritatem obtinere suum jus atque splendorem etiam, nostra ope contendimus oportere. Cum majorum nostrorum temporibus in laude poni bonæ cœpissent literæ, & humanitatis longe maxima gloria putaretur; nemo repertus est, qui non amplæ, & per immensa patentis, doctrinæ atque scientiæ, quam curæ atque iudicii, spectare famam maluerit. Quo fiebat, ut, de omnibus dum multa potius, quam multum, dicere posse volunt, egregia & in medio posita transvolarent; convectorum undique ambitiosos, & laborantes mole, apparatus, in quibus ingenii præcipuas ubique, rationis interdum atque veritatis nullas, esse partes voluerunt; effeceruntque multis Auctorum testimoniis perversis, hominibus inanum dubitationum pariter ac mendacium asseverationum argutiis repletis, antiquis denique gravibus & amœnissimis literis ex simplicibus & paucis redditis infinitis, ut hodie doctis & laboriosis hominibus egeamus, qui grandibus eorum libris non minores opponant anticatones, multoque majori diligentia, quid omnes ante se nescierint, quam quid potissimum ipsi sciant, docere allaborent. De scribendi autem arte, & aliis, præterquam scholasticis, perspicua atque jucunda prodendi studio nemo non modo laboravit, sed ne ullo quidem modo cogitavit; nisi *Mamutium*, cui alia multa deerant, in aliquo ob id loco velis habere. Innumera itaque eorum vitia nobis adhuc fraudi sunt, quæ, nulla nos spes tenet, animadversum atque sublatum iri, quando erunt aut tanta delicatorem fastidia, aut doctorum mos spectatas tantum fabulas reponendi, & cupido intactas aliis solum min-

tias cumulandi. Quibus omnibus cum vix vacare *Sigonius* culpis queat, longe tamen plura bona naturæ & industriæ in eo novimus superesse, quæ nunc adeo non est extollendi tempus, ut supra multis documentis planum fecerimus, si quid sit, in quo desiderari hominum de eo iustum iudicium debeat, hoc esse, quod ejus autoritate abutendum potius, quam eam contemnendam, ducant.

RACCOLTA D' OPUSCOLI SCIENTIFICI E
Filologici, &c.

h. e.

COLLECTIO OPUSCULORUM SCIENTI-
ficorum & Philologicorum.

Tomus I & II.

Venetii, apud Christophorum Zane, 1728 & 1729, 12.

Tom. I plag. 21½, cum Fig. æn. 1, Tom. II Alph. 1,
cum Fig. æn. 3.

Plurima sunt, eademque gravissima, in rempublicam literariam merita, quibus sibi omnes, quotquot scientiarum varietate delectantur, devinxit egregius doctissimusque hujus Operis Collector, *Angelus Calogiera*. Neque enim tantum selectissimorum per Italiam ingeniorum conventum egit hisce in *Opusculis*, quo nomina eorum, jam penes Italos celebratissima, exteris etiam inclarescere possent, sed id etiam, quod ab unoquoque in sua arte politissime & sapientissime scriptum judicavit, ex magna librorum rariorum copia selegit, dapibusque his mensas suas philosophicas ac philologicas instruxit. Parum contentus, arti suæ ornamentum attulisse, omnibus, quotquot reperiuntur, scientiis amplissimas dedit & longe præstantissimas accessiones. Theologos, morum doctores, Historiæ sacræ æque ac profanæ studiosos, Poetas, Rhetores, Mathematicos, rerum ad naturam spectantium curiosos, æquali sibi beneficio obstrinxit. Jam quidem viventium saltem hac ætate Virorum scripta exhibentur; verum, non se neglecturum in posterum, si copia detur, inedita anti-quo-

quorum Seculorum monumenta, spondet. Selectu Opusculorum pretium laboris sui auxit. Non enim, nisi quæ aliquo invento novo, vel facti cujusdam raritate, memorabilia viderentur, vel quæ rariora inventu essent, hoc in Opere proditura, ea vero, quorum iusto major moles esset, contractiora sed daturum, in Præfatione, ad magnum Medicinæ lumen, *Vallisnerium*, directæ, recepit. Tribus singulis mensibus singuli publicantur *Tomi*, quorum jam *sex & decem* nostris manibus tenentur. Dicemus jam de *primo & secundo*, de ceteris proxime dicturi. *Primo Tomo* habentur *G. Pauli Limperani*, Medici Romani, Epistola de partu viperarum per os contingente; quam pullos enitendi rationem viperis ordinariam & solennem judicat, ore etiam gravidas fieri arbitratus. Meditationi occasionem dedit casus singularis. Vidit scilicet Autor, quinque pullos viperinos matris ore egredi, ita distincte & clare, ut dubitationi nullus superesset locus. Singula vipera nata membrana circumquaque investita fuit, quam cum ad modum exuviarum deposuissent, repentino incremento, post duas ab ortu horas, dimidio, quam natæ erant, auctiores evaserunt. Accommodatissima est ad propositam quæstionem *Vallisnerii* responsio, qui, æqualem omnibus animalibus nascendi conditionem asserens, organa genitalia viperæ addita icone eleganter declarat, ad oculum demonstrans, ureteres, oviductus, seu uterum bicornem, in cloacam animalis desinere. Ne tamen irritam omnino hanc de insolita partus via observationem redderet, admittit, forte per canalem intestinorum matris viperæ pullos adscendendo ad os delatos fuisse, quod factum impossibile esse, non omnino judicat, rei novitatem excusans potius, quam approbans, quandoquidem uterus viperæ bicornis, cum intestino ejus recto conspirare deprehendatur. Succedit huic Commentationi erudita ad *Joannem Polonium*, Mathematices in Academia Patavina Professorem, ab eodem *Vallisnerio* data, de Planisphærologio, Epistola. Parvula isthæc est, sed immensi & artificii & usus, machina, in plano verticali, cujus diameter tredecim uncias regias æquat, tam accurate exhibens, quicquid in Astronomia maximi momenti est, ut cum opti-

optimis ephemeridibus mirum in modum concordet. Apparent enim non solum varii circuli, partim mobiles, pro motibus diurnis & annuis, partim immobiles, pro designandis horis, earumque scrupulis, tam Astronomicis, quam Italicis, sed & ipse progressus solis in ecliptica, ejusque anomaliz, & phænomena solis ficti: designantur dies solares, naturales, & artificiales, eorumque æquationes, porro æquinoctia & solstitia, cum illorum præcessionem, item horæ ortus & occasus: indicatur præcipuarum fixarum adscensum, recta, & motus tam communis, quam proprius. Exhibetur luna cum suo epicyclo & nodis, cum motu medio & vero, cum phasibus, & cum mensibus synodicis & periodicis. Denique etiam eclipsium, tam solarium, quam lunarium, tempora & magnitudines commode reperiri, ope hujus machinæ, possunt. Præcipuum artificium, summumque artificis ingenium, ex admirabili constructione elucet, partim cochlearum, quibus resistentia minuitur, partim ipsarum rotarum, quæ ad exprimendos quoque numeros fractos accommodandæ fuerunt, partim limacis, catenæ, & penduli, quorum ope exacta motus æqualitas conservatur. Immortalem sibi famam hoc suo labore peperit Autor, *Bernardus Facini*, Venetus, felix profecto, quod tantum præconem nactus est, *Vallisnerium*. Sequitur Consilium *Joannartici*, Comitis *de Porcia*, ad eruditos Italos, de scribenda sua ipsorum vita, bonæ frugis plenissimum, ad provehendam in Italia Historiam literariam momenti longe plurimum, si civibus, prouti utique spes est, arriserit, habiturum, & nostris etiam Germanis non tantum, sed & omnibus quarumcunque gentium, maximopere commendandum, lectuque dignissimum. Hoc Consilium excipit exemplum laudatissimum vitæ eruditissimi *Jo. Baptistæ Vici*, ab ipso illo conscriptæ; ex qua volupe nobis fuit propius nosse virum, qui ob scripta edecumatissima, sed in his oris parum nota, atque adeo in Actis his nostris, quod utique dolemus, indicta adhuc, inter præcipua Italiz ornamenta numerandus videtur. Leguntur jam *Jo. Baptistæ* Comitis *Casotti* de origine, incrementis, & statu præsentis, urbis Præsentis

Epistola;

Fig. II.




Fig. IV.




Fig. III.





Fig. V.



Epistolas Anonymi Observationes in Decameronem *Boccacii*, denique *Tubalci Panicinii*, Pseudonymi, Pastoris Arcadis, de more Italarum, promiscue scribendi *V. S. & Voi*, Epistola.

Secundi Tomi frontem ornant *Vallisnerii* tres de rebus physicis ac medicis Commentationes Epistolice. De ignibus lambentibus, seu phosphoris, corporum animatorum hic differtur. Nec homines tantum, sed & bruta animalia, insecta, & marina, lucem fundunt, imo, quas ignium fatuorum nomine habemus erraticas flammæ, comperimus pinguium, terra exhalantium, vaporum, ipsorumque corporum, circa quæ volitant, incendia ludicra esse. Ignis ille lucens equidem est, sed non ardens; verum majorem exurendi vim habuerunt meteora ignea, per noctem volantia, & constructa paleis turgida incendio absumentia, quæ superioribus annis in ditione Trevigiana observata fuerunt. Refellitur opinio cujusdam Eremitæ, qui flammæ istarum volantium rationem reddere conatus est, adducto scarabæo lucente, qui, exurendi potentia præditus, ludere istas tragædias potuerit. Adducuntur insectorum istiusmodi lucidorum exempla, sed quæ adurendi virtutem nullam habeant, quale & ipsum hoc, ab Eremita productum, esse merito asseritur. Novum inde aliquod describitur, ab impostore Anglo, *Boilo*, Parisiis venditatum, vermium systema, quibus ille absconditas morborum causas exponere, & inaudita caro vendere medicamina, ausus est. Feliciter detectum fuit artificium, quo ille comparere in gutta sanguinis vel urinæ hominis ægrotantis fecerat bestiarum diversitates, a quibus scilicet naturam hujus vel illius morbi dependere, asseruerat in libello: *Systema cujusdam Medici Angli de causis omnis generis morborum*, Gallice scripto, & Parisiis A. 1726 edito. Utebatur fumivendulus microscopio, cujus iconem appositam hic vides. Sit microscopium A, B, C, D. A sit spectatoris oculus. C sit vitrum objectivum, sub quo gutta sanguinis vel urinæ hominis ægrotantis collocabatur. D sit speculum, quod mentiebatur adesse agryta, a quo reflectantur radii in E aliudque ibi collocatum speculum, & denique in A, spectatoris oculum.

Kk

Fraus

TAB. III

Fig. 1.

Fraus latet in B. Ibi enim vitrum exstitit absconditum cum abscondita gutta corrupti liquoris ex succo plantarum, in quo vera essent animalcula. Credebantur ex C venire, qui ex B ad oculum dirigebantur, radii, sic apparebant identidem diversi vermes, prout alius artificiose corruptus quipiam humor in B objectus fuerat. Hos vermes suos miris appellat nominibus asthmaticos, caducos, cancrificos, bubonificos, erysipelatistas, fistulares, &c. Verum, detecta fraude, clam aufugit homo temerarius. Hanc veritatis assertionem, sicut alias multas, Celeberrimo *Vallisniery* debemus. Sequuntur in Collectione nostra *Camilli Silvestri* de Inscriptione arcus *Septimii Severi* Epistola, & *Josephi Bianchini* Apologia pro libro à se edito, cui titulus: *le Stampe d'Italia*. Jam, inter tot præclara, etiam satis ridicula interposita est Comitibus *Riccati*, Viri sua opinione non mediocriter docti & faceti, ad *Vallisnieryum* Epistola: in qua ille patronum se profitetur sententia *Vallisnieryanae* de origine fontium, contra nostram, quam fingit, accusationem, in *Actis Anni 1726*. Laudavimus eo loco, ut sæpe alias, Virum, propter singularem diligentiam, doctrinam, & humanitatem, nunquam satis laudandum. De cetero, quæ, salvis ejus experimentis, ac plerisque placitis, etiamnum attendenda ac magis expedienda in proposito argumento viderentur, ingenue modesteque indicavimus. Non tulit hæc æquo animo *Riccatius*, specieque defensoris Italix & *Vallisnieryi*, cum propriis vulneribus irritaretur, & nos, & universas nationes, qui ultra Alpes incolunt, audacissime ineptissimeque calumniandi occasionem arripuit. Non enim integros, quos recensemus, libros ediscimus & transcribimus: non omnibus Autoribus, non denique *Riccatibus*, satisfacimus. Et magna pars terrarum, cum nonnullos *Riccati* similes non admiratur, velut impio quodam & obligatissimo fœdere sociata, contra Italiam consensisse judicanda est. At, inquit, *velint nolint Transalpini, nostra natio illorum magistra exsistit, eodemque bis barbarie extraxit, incertum, an tertia vice aliquando extrahendor*. Pateremur hæc, nec quemquam in Italia desipere, aut barbarum esse posse, crederemus, nisi vel suo

suo exemplo *Riccatu* contrarium doceret. Cuius ludos & pugnas spectare, & ictus gladiatorios, quibus aerem ferit, satis iucundum est. Nam primo, recensionem nostram Operis *Vallisnièriani*, de origine fontium, quia *Lavinarum Helveticarum* mentionem fecimus, a nobis tantummodo adoptatam, in *Helvetia* vero natam esse, ut est homo nasutissimus, odoratur. Deinde, cum nescio quem recensionis Autorem, suum scilicet & *Vallisnièrii* adversarium, Medicique Anonymi Florentini amicum, sibi ante oculos posuisset, quæque eum statuere ac defendere conveniret, penitus exputasset, tum vero fortissime pugnat, ac de misera larva, proprio gladio jugulata, amplissimum agit triumphum. Sed redeundum ad seria est. Cetera enim, quæ *Tomo hoc secundo* continentur, hæc sunt: Epistola N. N. ad *Raimundum Ceccbettum*, quæ *Jo. Baptista & Hieronymi* fratrum *Amalteorum* notitia supeditatur, Italice scripta; Vita *Petri Jacobi Martelli*, ab ipso scripta; anno circiter 1718; *N. Caffarelli* Dissertationes tres, ad Historiam naturalem spectantes; *P. Thomæpi Maphæi* de usu Mæthæseos in Theologicis, & diversa circa principium universale Staticum *Galilæi & Cartesii* sententia, Dissertationes duæ Epistolares; denique Abbatis *Caroli Hieronymi* ad *Carol. Anton. Vallisnièrium* de Monstro humano, formam raneæ similem habente, Epistola.

BERNARDI SIEGFRIED ALBINI, ANATOMES & Chirurgiæ in Academia Batava, quæ Leidæ est, Professoris, Icones ossium fœtus humani. Accedit Osteogeniæ brevis historia.

Leidæ Batavorum, apud Jo. & Herman. Verbeeck, 1737, 4. Plag. 20, Tab. 2n. 16.

Postquam de omni Anatomiz, quæ patet, amplitudine præclare promeritus est Clariss. *Albinus*, tenerioris humanæ ætatis ossa penitus excutere, & nova luce illustrare, suscepit, illo successu, qualem a tanti Viri opera sperare omnes debe-

bant. Cum deprehenderet, icones ossium fœtus, passim exstantes, aliquo symmetriæ vitio laborare, limam admove-
 re isthuc Anatomiz parti animum induxit. Cumque intelli-
 get, tenerrima potissimum, quorum major pars cartilaginea
 existit, ossa ideo mendose apponi, quod, sive recentia extri-
 centur nexu suo cum aliis, de substantia quidpiam dimittant,
 sive sicca aut liquoribus asservata habeantur, corrugentur va-
 riis modis: quo ipso facere aliter, quin a natura longe aberrarent,
 iconographi haud potuerunt; ipse, pro sua dexteritate,
 arte, & felicitate, omnium ossiculorum nativam proportio-
 nem studio designandam a magni nominis artifice singulari,
Joanne Wandelaar, curavit, & eleganti admodum sermone
 omnium ossium genesis exposuit. Verticis ossa in utraque
 tabula, & externa & interiore, quæ vitrea dicitur, bracteolis
 radiisque a centro ad peripheriam excurrentibus, paulatim
 ex membranis quodam habitu excrescunt. Retis in modum
 contextis fibris, conspicitur os frontis, duplex haud raro
 adultis, & omni ætate divisum permanens; in abortu quo-
 dam utrinque triplex denuo observatum fuit. Os autem
 cribriforme triplici parte, duplici ossa, intermedia una,
 quæ hinc crista galli, illinc septum narium, est, constans
 habetur. Os occipitis in partes quatuor, anteriorem, poste-
 riorem, & laterales duas, cartilaginibus connexas, facile re-
 solvitur. Inter posteriorem & laterales etiam adultis futu-
 ræ species haud raro superest. Os temporum triplex ma-
 turo embryoni est squamosum, petrosum, & anulus. Am-
 plissima est cavitatum tympani, labyrinthi, & partium in illis
 contentarum, recensio, nec quidquam omittitur eorum, quæ
 difficillimam auris internæ, tantis Viris non satis descriptam,
 historiam luci admoveere possunt. Maturo fœtui os multi-
 forme e quinque frustis osseis constat, basi, processibus te-
 nuibus duobus, duabusque partibus lateralibus. Ossa jugalia,
 palati, unguis, nasi, spongiosa inferiora, ut in adultis, ita & in
 parvulis abortibus, ex uno osse constare, maxillare tamen su-
 perius ex aliquot frustulis, sed paulo post confluentibus,
 construi fuit deprehensum. Maxillæ inferioris duæ sunt par-
 tes

tes ossæ, quæ paulatim coeunt in unum os, remaneate pristinæ divisionis istius ab interna & externa parte vestigio. Ossicula auditus frequenter in parvulis tota cartilaginea invenit Autor. Malleo aliquando manubrium & processus gracillimus cartilago permanent. Ast ante maturitatis terminum hæc ossicula præcoci incremento magna fiunt & indurantur. Vertebrae id commune, quod ex cartilagine, prout cartilago omnes sunt ab initio, tribus in partibus os exoritur, in corpore scilicet, & ad latera foraminis magni. Illud tamen peculiare habet epistrophæus ob processum dentiformem, quod in cartilagine primogenia quatuor in locis ossa exoriantur. Os sacrum una primum cartilago est, ita divisa, ut quinque vertebrarum simulacrum ferat, etsi distincta quinque neutiquam sint corpora. Ast observantur in istis quinque locis ossis sacri diversa phænomena Osseogeniæ; primus, secundus, & tertius, quinque distinctis partibus ossescere incipiunt, reliqui saltem tribus, prout in omnibus vertebrae. Atlas cum reliquis vertebrae ex triplici sit ossiculo, duplici laterali, & granulo osseo, quod medium circuli cartilaginei occupat, sensimque totum arcum ossescentia absorbit. Costarum mira est præcocitas. Nam vix maturo sætui ossæ sunt; primis tamen mensibus pars, quæ corporibus & processibus transversis vertebrarum inarticulatur, cartilagineum existit. Os coxæ tribus in locis os fieri incipit, primum in ileum, tardius in ischium, & denique in pubis, regione. Ossibus longitudinalibus solenne id est, in media parte primum ossesieri. Hunc morem sequitur os femoris, quod a parvulo grano osseo, cum cartilagineum esset, os efficitur, longo etiam post partum tempore & trochanteres & caput cartilaginea persistunt corpora, sicut & patella post nativitatem demum ossescit. Quod de femore dictum fuit, valet etiam de tibia & fibula, quæ in media sui parte primum ossescunt. Omnia tarli ossa diu etiam nato homini contingunt cartilaginea; solus talus & calcaneus de osse tantillum participat. Metatarsus & digitorum primus æque ac secundus ordo sibi per omnia respondent, quod in medio, hinc in apophyseis, ossescant primum. Clavicula os

præcox est, & cito offescit. De ossibus superiorum artuum fere eadem habentur. Omnium desideria non explevit tantum, sed & superavit, Autor.

MECHANICA, SIVE MOTUS SCIENTIA, analytice exposita, Autore LEONHARDO EULERO, Academiae Imperialis Scientiarum Membro, & Matheseos sublimioris Professore. Tomus secundus, instar Supplementi ad Commentarios Academiae Scientiarum Imperialis.

Petropoli, ex Typographia Academiae Scientiarum, 1736, 4. Alph. 2, plag. 17, Tab. æn. 18.

Quæ in *secundo* hoc Operis præstantissimi Tomo continentur, ad eos motus spectant, quos Cel. Autor vocat *non liberos*. Diximus in recensione *Voluminis prioris*, tantam vim differentiae hujus inter motus liberos & non liberos, ut exinde divisio totius Operis sit facta. Exposuimus, motum esse liberum, ubi corpori moto nulla *prescribitur* via percurrenda, sed ea determinatur tam per actiones virium sollicitantium, quam per resistantiam, vel per omnia simul. Secus autem est in motibus non liberis. Hic enim *datur* via, in qua corpus moveri debet, a potentiis quibuscunque sollicitatum in medio quocunque. In hoc itaque casu via, quam corpus percurrere cogitur, quamque facilitatis causa instar canalis excavati licet concipere, pressionem aliquam debet sustinere; cum e contrarij in motibus liberis via a corpore descripta omnino non prematur. Quæ igitur in motu corporis aut puncti non libero sunt indaganda, ad hæc redeunt: 1) ut puncti, super data via, recta sit, vel curva, moti, & a potentiis quibuscunque, addita insuper resistentia, sollicitati, determinetur celeritas in singulis locis, quippe qua cognita totus motus perfecte cognoscitur; 2) ut definiatur pressio, quam sustinet canalus sive via data a corpore

pore percurſa, in quolibet puncto, illiusque preſſionis directio. Corpus enim, a potentiis quibusvis ſollicitatum, aliam viam ſequi nititur, quæ ex potentiarum actionibus directionibusque combinatis reſultat; hicce vero conatus cum a via vel canali dato ſuſſlaminetur, neceſſum eſt, ut ipſe preſignatur ab eodem ipſo conatu, vi cujus corpus in alia via progrediretur, ſi liberum eſſet. Præterea alii ſunt modi, quibus efficere licet, ut corpus vel punctum moveri cogatur in data curva; quos inter eminent evolutiones *Hugeniana* ope pendulorum. Quodſi enim pendulum circumſplicetur curvæ, quæ eſt evoluta ejus, in qua punctum incedere debet, poſtea-que oſcilletur; notiſſimum exiſtit, punctum grave penduli neceſſario delatum iri in curva præſcripta. Et hæc quidem *prima* eſt ſpecies motuum non liberorum. *Secunda* eſt, quæ non minus attendi meretur, & hætenus intacta fuit, ubi ſcilicet non via quidem ipſa præſcribitur, quam corpus ſequi debet, ſed ſuperficies duntaxat, in quâ moveri cogitur. Hæc motuum ſpecies priore minus eſt reſtriſta. Quæ vero in ea perſcrutanda veniunt, in eo ponuntur, ut 1), datis potentiis ſollicitantibus, dataque ſuperficie, determinetur via, quam corpus punctumve in ea deſcripturum eſt, 2) celeritas in ſingulis locis innotefcat, & 3) preſſio quoque deſiniatur, quam ſuſtinere debet ſuperficies. Poſſunt vero hujusmodi motus ope pendulorum pariter obtineri, impellendo ſcilicet pendulum *oblique*, ut ejus directio non ſit amplius in plano verticali. In hiſce igitur motuum non liberorum ſpeciebus indagandis occupatur Cel. Autor per totum *Volumen* hoc *ſecundum*, quod diſtribuitur in *Capita* quatuor. Quibus ita prælibatis, noſtrum eſt, ut doceamus expreſſius, quænam in ſingulis *Capitibus* pertractentur.

Capite igitur *primo*, quod de motu non libero in genere agit, fundamenta ſternuntur totius *Voluminis*, fontesque aperiantur, ex quibus derivanda ſunt, quæcunque in motu non libero debent attendi. Et *prima* quidem *Propoſitione* oſtenditur, corpus ſeu punctum, a nullis potentiis ſollicitatum,

tunt, & super data linea motum, eandem perpetuo celeritatem fervare, modo quælibet bina linearum elementa nusquam constituent angulum finitæ magnitudinis. Supponitur autem, omnes omnino frictions a motu exulare; & ab omni motu rotatorio animus abstrahitur, quippe qui mutationes inducere potest, in sequentibus demum explicandas. Adeoque punctum consideratur tanquam motu sibi semper parallelo latum. Exinde patet, quæ de motu puncti hic traduntur, ad corpora finitæ magnitudinis posse applicari, quia, dum in motu corpus sibi ipsi semper manere parallelum concipitur, singulæ ejus partes eodem motu feruntur. Et hæc quidem probe notasse juvat, cum ei hypothesi per totum hocce *Volumen* locus sit. In *Propositione 2* inquiritur in determinationem pressiois, quam curva quælibet sustinet a corpore, motu uniformi super ea lato. Ejus directio ad curvam in quolibet puncto est normalis, ideoque opposita radio osculi. Exinde fit, ut non incongrue dici possit vis centrifuga, respectu ad centrum circuli osculatoris semper habito. Demonstratur autem, vim hancce centrifugam esse ad vim gravitatis, ut altitudo debita celeritati, quam corpus habet, ad semiradium osculi. Pulcherrimum hoc theorema primus in lucem protulit Ill. Marchio *Hospitalius* in *Comment. Acad. Paris. A. 1700 pag. 13 seq. edit. Batav.* In sequentibus ea traduntur, quæ spectant ad potentias sollicitantes corpori moto applicatas, tam eas, quarum directiones sunt ad curvam normales, quam eas, quæ sollicitant juxta directionem tangentis. *Propositio 5* rem generaliter complectitur. Ibi enim, data curva quacunque, super qua corpus movetur, in medio quocunque resistente, sollicitatum a potentia absoluta directionis cujuscunque, definitur effectus tam potentia absolute, quam resistentia, nec non pressio, quam curva sustinet. Hæc pressio semper pendet ex duabus causis, 1) ex vi centrifuga, de qua modo, 2) ex potentia ad curvam normali, in quam, & tangentialem, potentia data resolvi potest. Quod si vis centrifuga & potentia

nor-

resolvi potest. Quod si vis centrifuga & potentia normalis ad eandem plagam tendant, pressio, exinde resultans, æqualis erit earum summæ; sin vergant in partes oppositas, differentiz. Ex pluribus potentiis corpori applicatis per resolutionem notissimam semper inveniri potest vis una normalis *totalis*, altera tangentialis, pariter totalis. Antequam ulterius progrediatur Cel. Autor, ostendit, qua ratione motus super data linea in effectum deduci possit. Rejicit autem canales, ob frictiones inevitabiles, seligitque evolutiones *Hugenianas* ope pendulorum. Quo facto, transit ad tradenda similia principia, pro motu puncti in superficiebus. Igitur in *Propositione 7* demonstrat, si corpus a nullis potentiis sollicitatum moveatur in vacuo super superficie quacunque, id latum iri motu uniformi, abstrahendo scilicet a frictione. *Propositio 8*, notatu digna, hæc est: Via, quam corpus nullis potentiis sollicitatum, & in vacuo, in superficie quacunque describit ab uno termino ad alium, brevissima est inter hos ipsos terminos. *Propositio 9* res eadem per calculum erigitur. *Propositio 10* ostenditur, pressionem, vel vim centrifugam, qua corpus superficiem premit, hic eadem prorsus ratione se habere, ac in eo casu, quo corpus super data linea movetur. *Propositio 11* versatur circa determinandum effectum cujusvis potentiz, quem exerit in corpus super data superficie motum, tam in vacuo, quam in medio resistente; sicque *Caput primum* absolvitur. *Caput secundum* agit de motu puncti super data linea in vacuo. Et primo quidem solvitur Problema generale, pro definiendo motu corporis super curva quacunque, id est, pro determinanda ejus celeritate in singulis curvæ punctis, item pro tempore, quo portio curvæ quævis describitur, nec non pro pressione, quam curva in singulis punctis patitur, posito, corpus sollicitari a potentia, quæ directionem habeat axi curvæ parallelam. Deinceps additur conditio, ut potentia sollicitans sit uniformis & constans. Hanc enim hypothesin ante pertractare constituit Autor, quam ad alias progrediatur. Post exempla quædam faciliora statim transit ad considerationem curvarum

synchronarum, id est, earum, quæ ab infinitis curvis similibus, ex puncto quodam fixo egredientibus, tales arcus referant, ut a corpore, quod a puncto fixo descendit, eodem tempore percurrantur. Materiam hancce primus in his *Actis Anni 1697* evoluit summus Geometra, *Jo. Bernoullius*, & postea quoque *Cel. Saurinus*, in *Commentariis Academiae Parisiensis*, sua quisque methodo usus; Noster autem aliam adhibet, sibi inventam, eamque facilem. Solas tamen curvas similes, ut Viri modo dicti, contemplatur, cum inventio synchronarum pro curvis dissimilibus sit nimis difficilis, & sæpissime vires superet. Notat tamen, synchronas pro curvis quoque dissimilibus eadem sua methodo posse inveniri, modo ex tales sint, ut, posito $ds = p dx$, in p quantitates a & x datum dimensionum numerum constituent. Est autem ds elementum alicujus ex curvis secandis; x abscissa, eidem respondens, a parameter, constans quidem pro quavis ex curvis secandis, variabilis autem in transitu ex curva in curvam. Quo facto, in *Propositione 15*, ejusque corollariis & scholio, illud problema resolvit, quando ex infinitis curvis similibus ea quaeritur, super qua corpus descendens ad lineam rectam, vel curvam, positione datam, tempore brevissimo pervenit; quam in rem Viri quoque laudatissimi, quos nominavimus, inquisiverunt. Post interjecta quædam, ad motum super curvis similibus magis explicandum spectantia, transit *Cel. Autor* ad motum oscillatorium, cujus proprietates præcipuas, quæ in omni sollicitationum hypothese locum habent, dummodo motus in vacuo fiat, exponit. Deinceps determinare docet tempus adscensus seu descensus per quemvis arcum circuli, in puncto circuli infimi terminatum. Quæ de circulo demonstrantur, de curvis quibuscunque sunt accipienda, si oscillationes statuuntur infinite parvæ, cum quævis curvæ portio infinite exigua considerari possit, ut arcus circuli, a radio osculi descriptus. In *Propositione 19* generaliter ostenditur, quomodo, data potentia sollicitante, uniformi illa & deorsum tendente, invenienda sit longitudo penduli, oscillationes infinite parvas perficientis, quod

sin-

singulos itus redivitve absolvat uno minuto secundo. Quando vis sollicitans æqualis est vi gravitatis, prout id in superficie telluris obtinet, provenit penduli talis longitudo = 3, 16625 ped. Rhenan. prorsus ut *Hugenius* invenit, factis experimentis. Per suam theoriam reperit quoque Autor Celi longitudinem talis penduli in superficie solis fore = 77, 226 ped. Rhenan. in superficie Jovis = 6, 448 ped. & in superficie Saturni = 4, 054 pedum. Quibus dimissis, in *Propositione 20* investigatur tempus oscillationum in cycloide ordinaria, earumque tautochronismus eruitur, qui præcipuam quandam hujus curvæ proprietatem constituit, ab *Hugenio* primum detectus. Cum vero, quæ hæcenus dicta sunt, ei solum hypothese innitantur, quæ potentia sollicitans statuitur uniformis, ejusque directiones inter se parallelæ, & deorsum tendentes; ideo in sequentibus aliis quoque hypothesebus locus est, tractatu difficilioribus. Itaque in *Propositione 21* generaliter ostenditur, quæ ratione determinandus sit corporis motus in curva aliqua, curvæque pressio, posito, corpus vi quacunque trahi ad centrum virium fixum; nec non in sequenti *Propositione* definitur motus oscillatorius in hac hypothese. Porro, quæ ratione definiendus sit motus corporis & pressio, quam curva data sustinet, ubi corpus a duabus quibuscunque potentiis sollicitatur, quarum directiones sint ad se invicem rectæ, verticalis una, altera horizontalis, ex *Propositione 23* intelligitur, quæ latissime patet, & omnes illos casus complectitur, in quibus potentia sollicitantes quævis & quotcunque sint, modo earum directiones sint in eo plano, in quo est curva; omnes enim hæc potentia constari possunt in duas alias, quarum directiones sint ad se invicem normales, uti diximus. Quando autem directio potentia non est in eodem plano cum curva, super qua corpus movetur, problema est aliud, cujus solutionem exhibet *Propositio 24*, & quidem in hypothese potentia uniformis, cujus directio recta deorsum tendit. Hæc quæstiones cum expedivisset Noster, ad alias provehitur, in quibus alia sumuntur pro datis, unde reliqua sunt inveniendæ. Et pri-

mo quidem data esse jubet pressionem, quam curva patitur, & potentiam sollicitantem, unde invenienda sit ipsa curva, & motus corporis super ea lati. Hæc pertractantur a *Propositione* 25 ad 27. Comparet hic inprimis curva pressionis æquabilis, quæ, a *Jo. Bernoullio* proposita, geminam jam nacta erat solutionem, primam ab *Ill. Marchione Hospitalio* in *Commentar. Paris. Anni 1700*, alteram a *Cel. Hermanno* in *Phoronomia*. Noster inversum quoque hujus problematis non solum tractat, sed monstrat etiam, quomodo ejusmodi curva invenienda sit, ut pressio totalis, quam a corpore moto sustinet, habeat rationem ad pressionem, a vi normali ortam. Quæcunque fuerit potentia deorsum sollicitans = P , si requirantur curvæ ejusmodi, ut pressio totalis sit duplo major, quam sola vis normalis, dictis, abscissa curvæ quæsitæ = x , applicata = y , & constante quadam = a , erit æquatio curvæ quæsitæ talis: $dy = dx \sqrt{f.Pdx}$ vel, posito

$$\frac{f.Pdx = X, \text{ erit } dy = \frac{Xdx}{\sqrt{aX - X^2}} \quad \text{Hoc exemplum}$$

est notatu dignissimum; in sequentibus enim *Cel. Autor* demonstrat, curvas, hac proprietate gaudentes, simul esse brachystochronas. Jam vero ad alias problematum species transit *Autor*, in quibus pro datis assumit alias motus proprietates, missis tamen facilioribus, e. g. scala temporum, vel celeritatum. Itaque in *Propositione* 28 & seq. occupatur circa Problema de curvis recessus & accessus æquabilis, tam ad lineam horizontalem, quam (quod novum est) versus plagam aliquam datam, vel ad punctum quoddam fixum, quæ quidem curvæ inter principes Geometras sub finem superioris Seculi jam celebres exsisterunt sub nomine isochronarum paracentricarum. *Propositio* 31 hæc est: Potentia sollicitante existente uniformi & deorsum tendente, invenire curvam, super qua corpus datæ cum celeritate initiali ita moveatur, ut æqualibus temporibus æquales angulos circa datum

tum punctum fixum absolvat. *Propositione 32 & seq.* varia evolvuntur Problemata nova, quæ tantum habent elegantia; quantum difficultatis. Investigantur scilicet curvæ, super quibus corpus æquabiliter ad centrum virium accedit, idque in quavis sollicitationum centralium hypothefi; investigantur porro eæ, super quibus motum corpus motu angulari circa centrum virium æquabiliter movetur, quas inter præcipue continetur circulus, qui in generali Problematis solutione latet. Deinceps quam diligentissime explicatur Problema, in sequentibus maximo usui futurum, quo quaeritur curva, super qua corpus ita descendat, ut tempus per arcum quemcunque proportionale sit radici quadratæ ex applicata respondente alterius cujusdam curvæ datæ. Exinde enim pendet solutio Problematum difficillimorum, a Cel. Autore feliciter suscepta. Illa autem sunt quaestiones ejusmodi, quæ sunt indeterminatæ, ita, ut tempus descensus non per arcum aliquem curvæ, sed per integram curvam, detur, & exinde curvarum indoles investigetur; quæ quantum difficultatis habeant, nemo non videt. Indeterminatæ autem sunt quaestiones, cum infinitæ curvæ iis satisfaciant. Igitur in *Propositione 35 & seq.* ostenditur, quomodo, posita potentia sollicitante uniformi, & deorsum directæ, inveniri queant omnes curvæ, super quibus corpus ex quiete descensum incipiens dato tempore perveniat ad rectam horizontalem, vel ad aliam, ad horizontem utcunque inclinatam, vel ad verticalem, vel adhuc ad curvam quancunque datam, vel denique ad punctum quoddam datum. Hasce quaestiones cum enodasset Cel. Autor, pedem profert ad pertractandam de curvis brachystochronis materiam, quam prius in scenam produxit & evolvit incomparabilis Vir, Jo. Bernoullius, in *Actis* hisce *Anni 1697*, & post eum primarii totius Europæ Geometræ. Noster autem Problemati celeberrimo tantam dedit universalitatem, quantam nemo ante eum quisquam. Quoniam curva brachystochrona, ceu constat, eam habere debet proprietatem, ut corpus, super ea descendens, citissime perveniat ab uno ejus puncto ad aliud quodvis; ideo in *Propositione 40* eruitur lex generalis, secundum

dum quam curva disposita esse debet, ut corpus, super ea descendens, ea, quam diximus, ratione feratur. Formula, quæ legem hancce exprimit, longe est generalissima, ita quidem, ut extendi ad potentias quascunque sollicitantes possit, etiam resistentia non excepta. In omni enim potentiarum hypothese ex curvæ per demonstrationem Autoris erunt brachystochronæ, in quibus pressio, quam exercet corpus, super is motum, duplo major est ea pressione, quæ resultat ex sola vi normali, quæ in hoc casu ei æqualis erit. Quod inventum certe unum est ex nobilissimis, quæ continentur in toto Opere. Exinde errores quosdam correxit Noster, quos commiserat Hermannus, ubi curvas brachystochronas pro mediis resistentibus dare conatus est in *Commentar. Petrop. Tom. II.* Quodsi itaque potentia sollicitans deorsum tendat, brachystochronarum æquatio illa erit, quam superius attulimus, cum de linea pressionis æquabilis verba faceremus. In aliis quoque potentiarum sollicitantium suppositionibus, dici vix potest, quanta facilitate ex Theoremate hoc generali æquationes differentiales pro brachystochronis obtineantur. Existente vi centripeta directe ut distantia corporis a centro, invenit Cel. Autor, brachystochronarum proprietate gaudere omnes hypocycloides, genitas rotatione circuli, cujus diameter est $= \frac{ar(b + 2f) - ar^2b}{r(b + 2f)}$, super concava parte peripheriæ,

$$r(b + 2f)$$

ex centro virium radio a descriptæ. Significant autem a rectam, quæ ab initio motus ad centrum virium ducitur, f distantiam a centro, in qua vis centripeta æqualis est gravitati, & b constantem arbitrariam. Hisce Problematibus confectis, determinandam sibi Cel. Eulerus proponit curvam illam, super qua corpus motum brevissimo tempore perveniat non ad punctum, sed lineam datam; demonstratque *Propositione 44*, in omni potentiarum sollicitantium hypothese corpus a dato puncto ad datam lineam citissime pertingere super ea linea brachystochrona, quæ datæ lineæ occurrit orthogonaliter. Problema, in *Propositione 45* exhibitum, ad isoperimetras simul spectat,

ſpectat, eſſique tale : Inter omnes curvas, data duo puncta jungentes, eaſque æqualis longitudinis, eam determinare, ſuper qua corpus celerrime ab uno puncto ad aliud moveatur, in hypothefi potentix ſollicitantis uniformis, & deorſum tendentis. Hujus quæſtionis primus autor & ſolutor exſtitit Jo. Bernoullius in *Actis* hiſce *Anni 1718.* Poſita abſciſſa curvæ quæſitæ = x , ordinata = y , arcu reſpondente = s ; a & m duabus quantitatibus arbitrariis, invenit Noſter æquationem, quæ curvæ naturam exprimit, ſequentem, & a *Bernoulliana* non multum diverſam : $dy = m dx \sqrt{x}$

$$\sqrt{(a - 2ax + (1 - m^2)x)}$$

vel etiam, $ds = \frac{dx (\sqrt{a} - \sqrt{x})}{\sqrt{(a - 2\sqrt{a}x + (1 - m^2)x)}}$. Quo-

niam a & m ſunt arbitrariæ, effici poterit, ut hæc curva per datum punctum tranſeat, ſitque datæ longitudinis. Si a & m ponantur infinitæ magnitudinis, prodibit æquatio pro cycloide, quæ adeo non ſolum inter iſoperimétras, ſed omnes omnino alias, curvas eſt brachyſtochrone, prout repertum fuit a Cel. Bernoullio. Si $m = 1$, erit $dy = dx \sqrt{x}$

$$\sqrt{(a - 2\sqrt{a}x)}$$

enjus integralis eſt, $y = - \frac{(4a + 4\sqrt{a}x + 6x) \sqrt{(a - 2\sqrt{a}x)}}{15\sqrt{a}}$

+ $\frac{4a}{15}$, quæ eſt æquatio ad curvam algebraicam, ad quin-

tum ordinem, ſublata aſymmetria, adſcendens, cumque illa conſpirans, quam dedit Vir modo laudatus *l. c. pag. 76.* Eſt vero hæc curva rectificabilis quoque; erit enim $s = \frac{2a}{5} -$

$$\frac{(2a + 2\sqrt{a}x - 2x) \sqrt{(a - 2\sqrt{a}x)}}{5\sqrt{a}}; \text{ imo \& tem-}$$

pus per quemlibet ejus arcum algebraice poterit exhiberi.

Hæc

Hæc de brachystochronis; quibus misis, Autor progreditur ad eas curvas considerandas, super quibus plures descensus inter se comparati datam habent relationem. Huc maxime pertinet quæstio de curvis tautochronis, super quibus vel omnes descensus ad punctum infimum usque curvæ fiunt eodem tempore, vel integræ oscillationes, ex descensu & adscensu constantes. Itaque in *Propositione 46 seq.* in legem generalem tautochronarum inquiritur, super quibus omnes descensus absolvantur temporibus æqualibus, ubicunque motus initium sumatur, idque in omni unius, vel plurium, ut libuerit, sollicitationum hypothefi. In casu vis centripetæ distantis a centro proportionalis *Newtonus & Hermannus* pro tautochronis in vacuo solas dederunt hypocycloides. Noster autem ostendit, in hac hypothefi virium tautochronismo gaudere primo omnes hypocycloides, deinde omnes lineas rectas utcunque ductas, tertio omnes spirales logarithmicas, & quarto infinitas curvas alias, hac æquatione contentas, $p^2 = \frac{(2a - f)y^2 + c^2 f}{2a}$, siquidem fuerit $2a > f$,

& $c \neq 0$. Significant autem, p perpendiculum ex centro virium in tangentem curvæ demissum, c rectam ex centro virium ad punctum curvæ infimum ductam, f idem, quod supra, y rectam ex centro ad curvæ quodvis punctum ductam, a constantem aliquam. Quanta sit vis methodi, qua Vir ingeniosissimus in investigatione tautochronarum utitur, ex eo problemate cognosci potest, quod ipsi quondam, ut longe difficillimum, proposuerat Cl. *Daniel Bernoullius*, cuiusque solutionem & constructionem prorsus singularem videre est in *Propositione 50*. Ita autem habet: *In hypothefi gravitatis uniformis, & deorsum tendentis, si detur curva aliqua, invenire aliam ei adjungendam, ut omnes descensus super hac curva composita ad punctum infimum usque sint æquidistanti, in quocunque curvæ adjunctæ puncto sumatur initium descensus. Tandem Caput hocce secundum clauditur solutione quæstionis, qua, posita gravitate constante & deorsum tendente,* quæ-

quæritur curva, alteri datæ adjungenda, ut oscillationes, super curva composita confectæ, sint isochronæ. De illa integram Dissertationem inferuit Noster *Tomo IV Commentariorum Academiæ Scientiarum Petropolitana*, quam in *Actis Anni 1737* recensuimus, ut adeo, plura eo pertinentia hic addi, non sit necesse.

Capite tertio Cel. Autor versatur circa motum corporis vel puncti super data linea in medio resistente. Cum difficilis sit & intricata hæc tractatio, eam raro accommodat ad plures vis sollicitantis hypotheses, sed ad eam duntaxat, quæ vim statuit uniformem & deorsum directam. Ex quo consequitur, ut medium quoque resistens uniforme ponere debuerit. Porro curvam, in qua corpus movetur, assumit totam in eodem plano positam, ut plurimæ difficultates, exque parum fructuosæ, præcidantur. Igitur *Propositione 53 seq.* in eo est, ut formulas eruat universales, ad motum corporum in hac hypothesi spectantes, nec non pressionem, quam curva a corpore moto sustinet. Formula, ex qua motus corporis determinatur, ita est comparata, ut separationem indeterminatarum non nisi in quibusdam casibus admittat, quos Autor ad tres generaliter reducit, & secundum eos tam descensum, quam adscensum, corporum primo loco pertractat, si scilicet detur curva, super qua motus fieri ponitur. Cum vero breviores jam esse nos oporteat, singula non enumerabimus, nobiliora quædam, & nova, attigisse contenti. Sciendum autem, eam resistentiæ hypothesin, quæ sequitur duplicatam rationem velocitatis, præsertim a Cel. Autore pertractari, utpote naturæ quam maxime consentaneam, & calculo quoque accommodatissimam. Non tamen alias negligit, quæ calculo tractari queunt. Igitur a *Propositione 55* ad *59* occurrunt Problemata quædam, quæ calculo patent, posito, resistentiam sequi quamcunque multiplicatam celeritatum rationem. At vero a *Propositione 59* ad *63* occurrunt ea, quæ spectant ad resistentiam quadratis celeritatum proportionalem, & ad motum in eâ hypothesi determinandum. In *Propositione 61* comparantur adscensus & descensus corporis in curvis

Mm diver-

diversis, sed in puncto infimo conjunctis. *Propositione 63* determinatur motus oscillatorius super cycloide, in ea resistentiæ ratione. Quando oscillationes sunt infinitæ parvæ, congruent oscillationes in pleno cum oscillationibus in vacuo. In majoribus autem excursibus cyclois tautochronismi proprietate destituitur. Præterea, cum resistentiæ ratio ea, quæ est duplicata celeritatum, in oscillationibus perexiguis non amplius observetur, sed alia locum habeat, quam *Cel. Newtonus* in ultima *Principiorum* editione ostendit esse illam, quæ partim ex duplicata celeritatum, partim ex constante aliqua, conjungitur, hanc quoque hypothesin *Cel. Autor* examinat *Propositione 64*. Quoniam resistentia constans non immutat tempora oscillationum, cyclois quoque tautochrona erit in medio resistentiæ constantis. In *Propositione 65 & 66* examinatur motus oscillatorius super cycloide, posita resistentia in simplici celeritatum ratione, quo in casu cycloidi adhuc competere tautochronismum, primus invenit *Newtonus*. Notabile vero existit, quamvis tempora omnium adscensuum & descensuum in cycloide inveniantur æqualia, eorum tamen absolutam quantitatem non posse determinari, quippe latentem in formula quadam complicatissima. *Propositione 68 seq.* alia adhuc consideratur resistentiæ ratio, quæ scilicet est quadruplicata celeritatum. Hanc in calculo multis gaudere prærogativis, observat *Cel. Autor*, ea præcipue, ut ex dato unico descensu vel adscensu reliqui omnes possint determinari. At vero unicus hic descensus adscensusve erutu longe est difficillimus. In hac autem resistentiæ hypothesi multa Problemata inversa solvi possunt, quæ in aliis sunt insuperabilia. Quodsi resistentia sit perexigua respectu potentiæ sollicitantis absolutæ, & proportionalis celeritatum potestati cuicunque, determinari potest motus corporis super qualibet curva, ceu monstrat *Cel. Autor*. *Propositione 70*, progressurus jam ad quæstiones inversas, quas evolvit *Propositione 71 seq.* ex quibus nos delibabimus paucissimas. Scilicet *Propositione 74* continetur Problematis de curva accessus & recessus æquabilis ad horizontem, pro quavis resistentiæ.

sislentia hypothefi, cujus solutionem in *Commentar. Paris. ad A. 1730* dedit Cel. de *Maupertuis*, alia ufus methodo. Quæstiones autem de ifochronis paracentricis, quas in vacuo tractaverat, hic omittit Nofter, cum nihil concinni exinde deducere potuerit. Novum prorfus, idque non parum curiofum, aſt difficile etiam, Problema ſolutum compareret in *Propoſitione 75*, quod in ſolis mediis reſiſtentibus locum habet. Inter omnes enim curvas, quæ in plano verticali duo puncta data jungunt, ea quaeritur determinanda, ſuper qua corpus deſcendens ab uno punctorum datorum *A* ad aliud *C* maximam acquirat celeritatem. Curva igitur *AMC*, optatam proprietatem habens, debet ita eſſe diſpoſita, ut etiam per duo quævis elementa, *Mm*, *mμ*, corpus deſcendendo maximam acquirat celeritatem, exiſtente reſiſtentia in quacunque multiplicata celeritatum ratione, & potentia uniformi deorſum tendente. Igitur, ſi elementis *Mm*, *mμ*, proxima ſint elementa *Mn*, *nμ*, augmentum celeritatis per *Mmμ* debet æquari augmento celeritatis per *Mnμ* vi methodi de maximis & minimis. Poſitis ergo *AP* = *x*, *Pp* = *pπ* = *dx*, *PM* = *y*, *mF* = *dy*, potentia ſollicitante = *g*, exponento reſiſtentia = *k*, altitudine celeritati in *M* debita = *v*, indice dignitatis celeritatis, cui reſiſtentia proportionalis eſt, = *zm*; hujus ratioſcinii veſtigia & calculum dextre ſequendo, Cel. Autor pervenit ad æqua-

TAB. IN
Fig. 2.

tiones ſequentes: *A.*) $mgds = - (kdp\sqrt{g}) : p(1 - pp)^{\frac{1}{2}}$
 $\sqrt{(\alpha p + r(1 - pp))}$, *B.*) $mgdx = - kdp\sqrt{g} : p\sqrt{(\alpha p + r(1 - pp))}$, atque *C.*) $mgdy = - kdp\sqrt{g} :$
 $(1 - pp)^{\frac{1}{2}} \sqrt{(\alpha p + r(1 - pp))}$, ex quibus facile eſt, curvam quaſitam conſtruere. Notandum adhuc, eſſe *dy* = *pds*, & α conſtantiem in integratione introductam, cum quaereretur *v*, quæ reperta fuit = $k\sqrt{g} : \sqrt{(\alpha p + r(1 - pp))}$.

Mm 2

Nota-

Notari meretur, in omnibus hisce curvis celeritatem corporis nusquam esse æqualem nihilo; adeoque corpus in *A* non ex quiete descensum incipere debet, sed cum aliquo velocitatis gradu. Noster hæc suas æquationes ad duo exempla applicat, ubi $m = \frac{1}{2}$, & ubi $m = 1$. Quo facto, transit in *Propositione 76 seq.* ad brachystochronarum in medio resistente inventionem, statimque demonstrat, proprietatem illam generalem, quam pro curvis hisce in vacuo repperat, quamque in *Capite secundo* recensuimus, adhuc obtinere in pleno. Exinde Problema brachystochronarum in summa generalitate solvit, posito medio resistente quocunque, & potentiis sollicitantibus quibuscunque. Attamen, si sollicitationes sint centripetæ, æquationes nec concinnas, nec ad constructionem redigendas, emergere observavit, quæ causa est, cur casus istos persecutus haud fuerit. Missis igitur iis, ad alias quæstiones provehitur, in quibus curvæ requiruntur, quæ a corpore super iis moto datam sustineant pressionem. Itaque *Propositione 79* solvit Problema de invenienda curva æquabilis pressionis in medio, quod resistit in ratione quacunque velocitatum. Quod cum expedivisset, ad illas transit curvas eruendas, super quibus plures diversi descensus vel ascensus datam inter se teneant legem; quæ res est altissimè indaginis. Ad eam autem feliciter absolvendam opus est, ut celeritas corporis in singulis locis possit exprimi per quantitates, quibus curvæ natura determinatur. Quod cum in omni resistentiæ hypothese non succedat, restringendæ sunt quæstiones ad hypotheses particulares, quas inter inprimis eminent duplicata & quadruplicata ratio celeritatum, quas sequi ponitur resistentia. Inter Problemata hic soluta dignum admiratione inprimis est illud de tautochronis, in medio, quod resistit ut quadratum celeritatis, cujus solutionem peculiari Dissertatione Cel. Autor exhibuit in *Tomo IV Commentar. Petropol.* de quo Anno superiori a nobis est dictum. Vir quoque ingenio maximus, *Jo. Bernoullius*, Nostri quondam in re mathematica magister, plenam ejusdem enodationem dedit in *Commentar. Paris. A. 1730.* In aliis autem resi-

stentiz

stentiz hypothesibus, excepta ea, quæ simplicem celeritatum rationem sequitur, nemo adhuc curvas tautochronas in lucem produxit. Quodsi tamen medium sit rarissimum, inodum tautochronas quam proxime inveniendi proposuit Autor *Propositione 82*, existente resistentia in quavis multiplicata celeritatis ratione. Has quæstiones excipiunt aliæ, spectantes ad motum oscillatorium. E. g. *Propositio 85* hæc est: Posita resistentia quadrato celeritatis proportionali, & potentia sollicitante uniformi, si data curva sit MA , super qua descensus absolvantur, invenire pro adscensibus curvam AN , hujus proprietatis, ut adscensus cujusque tempus sit æquale tempori descensus præcedentis. Quare, si curva MA fuerit tautochrona descensuum; erit curva AN tautochrona adscensuum. Notatu dignum existit, quod quidem superius monere debueramus, in hac resistentiæ hypothesi curvam tautochronam & brachystochronam unam eandemque esse, perinde ac in vacuo. Vid. *Scholion 1 Propositionis 77*. In *Corollario 5 Propositionis 83* ostenditur, in medio rarissimo fieri posse, ut ellipsis sit tautochrona, adeoque magis satisfaciat ac cyclois. In ultima denique hujus *Capitis Propositione*, manente eadem gravitatis & resistentiæ lege, ostenditur, quomodo, data curva quacunque am pro descensibus in vacuo, inveniri possit in pleno curva AM , ejus indolis, ut omnes descensus super MA sint isochroni respectu omnibus descensibus super ma , si celeritates in punctis imis a & A fuerint æquales. Exinde in medio resistente pendet solutio Problematis, quod Autori tanquam difficillimum in vacuo proposuerat Cl. *Daniel Bernoullius*, de quo supra. Vid. *Scholion 3* hujus *Propositionis*, ubi traditur solvendi modus.

Superest *Caput quartum*, de motu puncti super data superficie; quæ materia, uti nova prorsus est, & a nemine adhuc tractata, ita quoque tractatu est difficillima, ob naturam & proprietates solidorum nondum satis perspectas, neque ad calculum revocatas. Fundamenta quidem hujus tractationis Autor jam posuit in *Capite primo*, uti monuimus. Primum itaque, quod in *quarto* hoc *Capite* enodandum aggreditur, in eo consistit,

Mm 3

ut,

TAB. III

Fig. 3.

Fig. 4.

ut, data via in superficie quacunq; inveniatur ejus positio respectu plani dati, radiique osculi in quovis viæ puncto tam positio, quam longitudo, nec non situs lineæ normalis in superficie. Methodus eadem est ac illa, qua Vir laudatissimus usus est pro determinanda linea brevissima in superficiebus, in *Commentar. Petropol. Tom. III.* & cujus fundamenta data opera exposuit *Clairaultius* in Tractatu de Curvis duplicis curvaturæ. Pendet nimirum ex æquationibus, tres variabiles involventibus, quibus definiuntur superficies. Deinde progreditur ad investigationem linearum, quæ a corpore a potentiis quibuscunque sollicitato in superficiebus describuntur; quem in finem ante omnia in effectum cujusque potentiae curatius inquirat. In sequentibus igitur vim prementem vocat eam vim normalem, cujus directio est normalis ad ipsam superficiem, in qua corpus movetur; quæ adeo augeat minuitve vim centrifugam, prout ejus directio directioni radii osculi lineæ brevissimæ vel contraria est, vel in eam incidit. Vim desectentem vocat eam vim normalem, cujus directio est in plano superficiem tangente, & perpendicularis in viam a corpore descriptam. Hæc itaque vis corpus a via brevissima, quam a nullis potentiis sollicitatum describeret in superficie, deturbat, & abstrahit. Quocirca in *Propositione 92* determinatur effectus vis prementis; in *Propositione 93* vis tangentialis, & in *Propositione 94* vis normalis desectentis. Tandem *Propositione 95* rem simul complectitur. Ostendit enim, si corpus super superficie motum a quocunque potentiis sollicitetur, quomodo definiendæ sint vires, premeas, desectens, & tangentialis, ex resolutione omnium orta. Hisce præstructis, in *Propositione 96* determinatur linea, quam corpus super superficie quacunq; projectum describit in vacuo, & hypothesi gravitatis uniformis, deorsum directæ. Ab omni enim resistantia, & aliis sollicitationum hypothesebus, consulto animum abstraxit Cel. Autor, cum calculas, quamdiu subsistit in generalibus, alias evaderet prolixissimus, & tractatu perdifficilis. Et sane in simplicissima, quam sequitur, hypothesi, formulæ, ex quibus symptomata motus inve-

inveniuntur, satis adhuc longæ sunt & complicatæ. Earum usus ostenditur in sequentibus, ubi determinatur motus corporis in superficie cujuscunque cylindri, cujus axis sit verticalis, vel etiam horizontalis; item in superficie solidi rotundi cujuscunque, hoc est, talis, quod generatur revolutione curvæ cujuscunque circa suum axem; id quod illustratur exemplo, ubi solidum rotundum est conicum. Finem denique *Capitis*, totiusque Voluminis, facit brevis, sed nova, tractatio de motu illo, quem Cel. *Jo. Bernoullius* primus in *Actis* hisce *Anni 1715* exposuit sub titulo motus turbinatorii; qui nihil est aliud, nisi motus penduli, non in plano verticali impulsus. Cum Vir modo laudatus eum solummodo casum enucleaverit, quo pendulum absolvit circulos; Noster animadvertit, præter circulos motu turbinatorio describi posse alias curvas haud parum elegantes, quæ omnes sunt, ut facile patet, in superficie sphaeræ, cujus centrum est punctum suspensionis, & radius æqualis longitudini penduli. Igitur coronidis loco *Propositione 99* solvit *Problema* sequens: *Penduli, ad motum turbinatorium incitati, determinare motum, & curvam, quam in superficie spherica describit; & ex eo copiosam Corollariorum, æque novorum, ac elegantium, segetem obtinet.* Præcipuum est, quod diligenter admodum versatus fuerit in determinando progressu absidum, qui in hoc motus genere locum habet. Et hic quidem præstantissimi Operis finis est; finis quoque recensitionis nostræ, quam par fuit paulo copiosorem efficere, cum nostrum sit, præcipua in *Actis* hisce inventa commemorare & conservare. Absolutis itaque iis, quæ ad motus puncti pertinent, operam se daturum pollicetur Autor. Clarissimus, ut corporum quoque finitorum, & primo quidem rigidorum, sive inflexilium, motus in ordinem reducat, atque eadem methodo exponat, quamprimum licuerit. Observavimus cetera, Virum acutissimum aliquoties provocasse ad methodos suas, quas exhibuerit in iis *Commentartorum Petropol. Tomis*, qui lucem publicam nondum adspexerunt, adeoque in *MStis* adhuc latent; quos adeo nobiscum tota respublica mathematica avidissime expectabit, cum præcipue *novum* jam citari viderimus.

CON.

CONGRESSUS MERCURII CUM SOLE,
in Astronomica specula Bononiensis Scientiarum Institu-
ti observatus die 11 Novembris Anni 1736 mane, refe-
rente EUSTACHIO MANFREDIO, ejus-
dem Instituti Astronomo.

Cum mihi ob adversam valetudinem transitum hunc Mercurii sub Sole non nisi per intervalla spectare, neque in eo mihi ipsi satisfacere, licuerit; referam paucis, quæ in hac specula non tam a me, quam a Viris doctissimis, qui frequentes huc adventare consueverunt, observata fuerint, præsertim vero ab egregio Juvene, *Eustachio Zanotto*, Philof. Doct. qui meas in Astronomica Professione vices gerit; deinde ea subjungam, quæ postmodum ex Observationibus in typum relatis, atque ad calculos expensis, una cum illo definivi.

In supremo speculæ conclavi, unde majores tubi optici promi aptarique possunt, intenderat *Zanottus* in Solem optimæ notæ telescopium, a *Campano* elaboratum, pedes 22 Bononienses longum, quo ipsum, si fieri posset, Mercurii in marginem Solis incursum notaret; ac, quando incursum illum quorundam Astronomorum calculi maturius, aliorum serius, complurium scrupulorum dissidio, pollicebantur, cum *Josepbo Roverfio* condixerat, si quando ipse cessasset, ut is confestim eidem telescopio succederet. Alii interea aliunde brevioribus tubis in idem intendebamus. Cælum erat nitidissimum, aer nullo ventorum flatu perturbatus. Obtigit *Roverfio*, ut omnium primus Planetam ad Solis marginem deprehenderet hora post meridiem 22. 8. 37, ac mox interiorum ejus cum Sole contactum definiret hora 22. 11. 12. Horologiis utebamur ad meridianam lineam per eosdem dies expensis, quam ipsam lineam *Zanottus* per æquales altitudines matutinas ac vespertinas pluries ad Solem exegit.

Observatoribus aliis paulo serius Planeta in Solis limbo est animadversus. Mihi, ex inferiori conclavi collimanti telescopio *Campani* pedum 11, non ante horam 22. 9. 5 est conspectus, cum jam sat notabili sui parte Solem delibaret, conta-

contactus autem interior eodem tubo æstimatus hor. 22. 10. 53. Sed longe certior est prior illa observatio, quippe quæ præstantiori instrumeto est habita. Quoniam tamen ex temporibus egressus Planetæ mox afferendis constitit ejus corpusculum in excessu impendisse min. 3. 16, si tantundem ex tempore contactus interioris, a *Reversio* notati, subduxerimus, fiet contactus exterior, sive primus Mercurii ad Solem appulsus adhuc certior hor. 22. 7. 56.

Deinceps observationes eo spectarunt, ut puncta aliquot invenirentur ejus semitæ, quam Planeta in Sole describere videbatur. Ea puncta singula ad circulum horarium, nec non ad parallelum per centrum Solis ductum, retulimus, *Cassiniæ* methodo, notatis ex horologio temporibus, quibus & limbi Solis, & Mercurius filum horarium micrometri, hic vero præterea etiam obliqua pertransiret, interea dum Sol boreo sui margine filum ipsum parallelum perraderet. Multa ejusmodi puncta nactus est *Zanottus* telescopio pedum 8; unum ego vel alterum tubo pedum 6, cui tubo micrometrum aptatum erat exquisiti operis, a Viro Cl. *Jo. Jacobo Marini*, Mathematico Cæsareo, excogitatum, atque huic observatorio dono missum. Eodem & *Roversius*, & *Thomas Perrellus*, Med. Doct. nonnulla puncta alia determinarunt. Huc etiam pertinet observatio, a *Perello* in ipso meridiano habita, murali semicirculo, qua observatione inventa est Planetæ adscensio recta secundis $11\frac{1}{2}$ temporariis major, declinatio autem secundis $58\frac{1}{2}$ temporariis minor, quam centri Solis. Illud præterea *Zanottus* sibi sumsit, ut insigniorum macularum, quæ plures eo die in Sole cernebantur, positus describeret. Ab iis maculis facile erat Planetam internoscere, & quod exacte rotundus, & quod nigerrimus, & quod nulla areola esset obseptus.

Ad Mercurii egressum quod attinet, *Franciscus Algarottus*, qui nuper ex Gallia & Britannia in Italiam rediit hujusce phaenomeni spectandi gratia Bononiam se contulerat, tubo pedum 8 usus, initium notavit hora a meridie o. 50. 1, finem hor. o. 53. 6; ego vero telescopio illo 11 pedum initium hor. o. 51. 7, finem hor. o. 53. 44; *Roversius* tele-

scopio pedum 14 finem tantum advertit hor. o. 54. 1; verum hæ observationes minus certæ, cum ob mediocrem tuborum præstantiam, tum quod ventus id temporis coortus, tubos ipsos nonnihil agitare. Præferenda ergo hisce omnibus observatio, telescopio illo pedum 22 habita, quo *Franciscus Vandellius*, in hoc Scientiarum Instituto militaris Architecturæ Professor, interiorem contactum definivit hor. o. 50. 50, exteriorem hor. o. 54. 6, unde mora planetæ in limbo min. 3. 16, & tempus egressus centri hor. o. 52. 28, quod ex mea observatione foret hor. o. 52. 25.

Hactenus observationes ipsæ; nunc, quæ ex earum inter se collatione una cum *Zanotto* deduxerim, persequar. Assumpta Solis diametro min. 32. 34, ac tempore ejus transitus per circulos horarios min. 2. 17, (quos numeros & recentiorum Astronomorum tabulæ exhibent, & observationes ipsæ comprobarunt,) puncta illa planetariæ semitæ observando definita in typum retulimus; ac, cum ob exiguas observationum fallacias minime omnia examissum in eandem rectam lineam inciderent, nullam eorum conciliandorum rationem aptiorem invenimus, quam si statueremus, perpendicularem lineam, ex centro Solis ad planetæ semitam ductam, angulum cum horario circulo comprehendere grad. 23. 40 ad ortum: ejus vero perpendicularis longitudinem a centro ad ipsam semitam poneremus min. 13. 58 ad boream. Ex his reliqua omnia calculo deduximus in hunc modum:

Initium ingressus Mercurii in Solis discum	hor. 22. 7. 56
Ingressus centri	hor. 22. 9. 34
Totalis ingressus	hor. 22. 11. 12
Initium egressus	hor. o. 50. 50
Egressus centri	hor. o. 52. 28
Totalis egressus	hor. o. 54. 6
Mora centri Mercurii in disco Solis	hor. 2. 42. 54
Semimora	hor. 1. 21. 27
Tempus medii transitus	hor. 23. 31. 1

An-

Angulus lineæ perpendicularis ad semitam planetæ cum circ. horario ab observationibus definitus, ad ortum	gr. 23.40
Angulus eclipticæ cum horario ex tabulis Astronomicis ad ortum	gr. 105.48
Inde angulus eclipticæ cum perpendiculari ad Mercurii semitam apparentem	gr. 82. 8
Et angulus semitæ apparens cum ecliptica	gr. 7.52
Distantia semitæ a centro Solis ab observationibus inventa ad bor.	gr. 0.13.58
Semidiameter Solis	gr. 0.16.17
Longitudo semitæ intra Solis discum	gr. 0.16.45
Ejus longitudinis dimidium	gr. 0. 8.22
Ex his motus horarius Mercurii in semita apparenti	gr. 0. 6.10
Motus horarius apparens in ecliptica	gr. 0. 6. 6
Inde portio semitæ inter medium transitus & conjunctionem	gr. 0. 1.58
Portio semitæ ab ingressu ad conjunctionem	gr. 0.10.20
Portio ejusdem a conjunctione ad egressum	gr. 0. 6.24
Differentia longitudinis Mercurii & Solis in ingressu	gr. 0.10.15
Differentia longitudinis in egressu	gr. 0. 6.21
Tempus a medio transitus ad conjunctionem	hor. 0.19. 2
Tempus ipsum conjunctionis Bononiæ t. ver.	hor. 23.50. 3
t. med.	hor. 23.34.25
Longitudo Solis & Mercurii in ipsa conjunctione e <i>Cassianis</i> tabulis <i>Scorpii</i>	gr. 19.23.30
Huic longitudini respondet intra sec. 4. observatio a <i>Petro Lilio</i> , J. U. D. eodem die habita gnomone meridiano ad Divi Petronii.	
Latitudo Mercurii in ingressu bor.	gr. 0.12.37
Latitudo in egressu bor.	gr. 0.14.54
Inde motus horarius in latitudinem	gr. 0.0.50½
Et latitudo in ipsa conjunctione bor.	gr. 0.14. 1

N n 2

Ex

Ex his intervallum temporis a transitu Mercurii per nodum adscendentem ad conjunctionem	hor.	16. 39
Et tempus ipsum transitus per nodum t. ver.	hor.	7. 11
t. med.	hor.	6. 55
Ex tabulis <i>Cassinianis</i> motus Mercurii in orbita e Sole visus intervallo horarum 16. 39 circa hoc tempus, seu argumentum latitudinis in conjunctione	gr.	4. 15. 47
Idem motus ad eclipticam reductus	gr.	4. 13. 56
Inde locus nodi adscendentis Mercurii e Sole visus	<i>Tauri</i> gr.	15. 9. 34
Distantia Mercurii a Sole ad tempus conjunctionis et tabulis <i>Cassinianis</i>	Log.	449301
Distantia Telluris a Sole ex iisdem tabulis	Log.	499503
Inde latitudo Mercurii in conjunctione, e Sole visa bor.	gr.	0. 30. 31
Unde inclinatio orbitæ Mercurii ad eclipticam	gr.	6. 51
Tempus a contactu interiori Mercurii ad anteriorem in egressu ex obs.	bor.	0. 3. 16
Portio semitæ hoc tempore a Mercurio peragrata	gr.	0. 0. 20
Angulus semitæ ipsius cum semidiametro Solis in egressu	gr.	58. 50
Inde diameter apparens Mercurii quam proximè.	gr.	0. 0. 10

TAB. III Schema ipsum Congressus Mercurii cum Sole exhibetur Lectori in *Tab. III Fig. 5.*

M. JO. GOTTFR. HERMANNI, ECCLES. PEGAVIENS. Ministri, Historia Concertationum de pane azymo & fermentato in Cæna Domini, variis Commentationibus explanata. Subjuncta est Græci Theologi de Christo Pascha suum præmature atque in pane fermentato

*tato celebrante Dissertatio, a Theologo Latino censoriis
notis dispuncta, primum Patavii A. 1730, nunc iterum,
evissa, novisque animadversionibus aucta.*

Lipsiæ, apud Jo. Frid. Gleditschii B. Fil. 1737, 8.

Alph. 1 plag. 13.

Argumentum nobile & doctorum virorum studio dignum
Pl. Rev. Autor elegit, idque, stilo elegantiori exornatum,
argumentisque partium historicis, partim dogmaticis, confir-
matum, solide pertractavit. In *Partes* hunc laborem divisit
quatuor. *Prima* antiquissimas, si quæ exstiterunt, de panibus
vel fermentatis, vel sine fermento consecrandis, quæstiones
evolvit. *Secunda* celeberrimam, & ad annum prope septingen-
tesimum ea de re agitatam, controversiam Græcorum cum
Latinis edisserit, adjectis partium argumentis. *Tertia* in enar-
randis recentioribus Christianorum occidentalium eadem de
causa dissensionibus, & in explicandis, quibus usi fuerunt, ra-
tionibus, versatur. *Quarta* denique momentum controversiæ
ad præcepta & instituta præcipuarum Christi ecclesiarum
examinatum ponderat. Seculo I ea de re fuisse litem ab
Apostolis, a doctoribus Judæo-Christianis, vel ab Ebionitis, Pag. 16 seq.
excitatam, graviter negatur. *Alexander I* Pontifex Romanus le-
gem de azymo non tulit, quicquid tandem in contrarium tra-
diderint nonnulli. Seculo IV Apollinaristas pro azymo decer-
tasse, dubio est plenum. In Concilio Nicæno, vel Seculo proxi-
mo quinto, quæstionem de azymo subortam esse, in incerto po-
nitur. Nec liquet, an Seculis VI & VII vel in Armenia, vel in
Synodo Trullana, vel in Concilio Toletano XVI, ea de re sit ac-
tum. Ut verbo dicamus, ante Seculum XI controversia illa
quievit, quæ tandem auspice & duce *Michael Cerulario* susci-
tata est, homine sacri ordinis inter Græcos antistite summo,
qui præsulis Romani principatum ac imperium quam mole-
stissime ferebat. Ipse itaque non suo tantum, sed etiam *Leo-
nis*, Præsulis Acridani, nomine literas ad *Joannem*, Tranensem
in Apulia Episcopum, dedit, exhibitæ a *Canisio* in *Leff. Antiq.*
Tom. III pag. 281, omnibus ecclesiæ Romanæ filiis aperiendas.
Quo ipso volumine Græci Latinos antistites & audacter & ve-
hementer, tum propter alios errores, tum vero omnium acer-

26.

40.

46.

- biffine ob panis azymi ufum in facra cœna, objurgarunt. Perlectam *Humbertus* Cardinalis de Græcis Latine factam Epistolam, Trani cum effet, *Leonis IX*, Pontificis Romani, oculis subjecit. Respondit irritatus Epistola illa *Leo & Michaeli & Leoni* longis ac copiosis literis, Græcosque tanquam degeneres filios imperiofe magis, quam paterne, reprehendit. Hifce adjungit deinde fingularem Epistolam, qua defenfionem panis sine fermento offerendi complexus fuit, & quam per Legatos suos ad *Cerularium* mifit. *Humbertus* etiam *Cerularii* argumenta Dialogo cuidam inferuit, notans fingula, preffo pede infecutus, virgula cenforia. *Dominicus*, Venetorum Patriarcha, leniffime ad *Petrum*, Antiochiæ Patriarcham, fcripfit, demonftrans, magna ufus lenitate, panem vel fermentatum, vel fermento expertem, æque habilem ad confecrandam facram euchariftiani. *Petrus Antiochenus* ei refpondit, fignificans, Græcos ab azymo abhorrere. Utraque Epistola habetur in *Cotelerii Mon. Eccl. Græc. Tom. II pag. 108 feq. & pag. 112 feq.* Enata tum fuerunt invidiofa nomina Azymitarum & Fermentariorum.
54. *Leo* Papa deinceps in Concilio, Romæ A. 1053 indifto, Græcos azymi detrectatores ab omni Chriftianorum communionem ejectionis diris devovit. Exeunte autem anno Legatos mifit Constantinopolin, qui de fœdere inter utramque ecclefiam faciendo laborarent. Legatorum primus erat *Humbertus* Cardinalis, Silvæ candidæ Epifcopus; fecundum locum obtinuit *Petrus*, Amalfitanorum Archiepifcopus; tertius erat *Fridericus*, Romanæ ecclefie Archidiaconus & Cancellarius, *Stephanus X* in numero Pontificum poftlea dictus. In mutuis difceptationibus Latini Constantinopoli importunitate, Græci modeltia, feffe reddiderunt infignes. Quantuscunque vero exifteret Imperatoris Græci favor, opera tamen Legatorum erat irrita. Jactabantur a Legatis femel iterumque in Græcos minæ diræque cœleftes, nec non in ipfa æde S. Sophiæ Constantinopolitana *Cerularium* & *Leonem* Acridanum horribili minarum fulmine percutiebant. *Cerularius*, profectis Legatis, binas ad *Petrum*, antiftitem Antiochenum, dedit literas, quibus imperiofam Legatorum perversamque agendi rationem expofuit, fuamque fententiam corroborare ftuduit. Edidit præterea in vulgus com-
- 82 feq. me-

memorationem, qua edisseruit modum, quo ipse a Legatis Constantinopoli publice a communione ecclesiæ fuerit scriptus. *Petrus Antiochenus* de discrimine panis fermentati ac fermento carentis mitius sentiebat. Græci paulo post par pari retulerunt, & publice in Azymitas execrationem dixerunt, nomen Pontificis Romani ex diptychis ejecerunt, ac litigatio illa in causis discessionis præcipuis inter utramque ecclesiam numerata. Infedit illud vulnus pertinax in ecclesia ad Concilium usque Florentinum, quo conjunctio diligentissime, licet nequicquam, fuit tentata. Inanis fuit consensionis illius apud Latinos ostentatio. Ex eo tempore ad ætatem nostram persistit illa controversia. Sectæ in orientali ecclesia inter hæc non defuerunt, aliis enzymum, aliis azymum, consecrantibus. Argumenta deinde percensentur, quibus pro pane fermentato contra Latinos depugnant. Græci, Christum pascha uno die antevertisse, contendunt. Provocant ad consuetudinem ab ultimis temporibus deductam. Azymum esse panis nomine indignum, perhibent. Fermentati panis magnam esse præstantiam, & aptam tanto mysterio significationem, existimant. Azymi esum ab hæreticis ortum, credunt. Provocant eo nomine quoque ad præcepta & typos Scripturæ divinæ, ad auctoritatem Canonum ecclesiæ, & Pontificum Latinorum consensionem. Subjunguntur argumenta Latinorum pro pane azymo contra Græcos, additis suo quoque loco horum responsionibus. Præcipuum argumentum Latini desumunt ex exemplo Christi, die azymis proprio pascha comedentis, ex exemplo Apostolorum, & consuetudine ab omni antiquitate accepta, ex natura & significatione optima, at fermentati mala, ex testimoniis Scripturæ Græcæ, & ex una unius Romanæ ecclesiæ auctoritate. Cum vero Latini rem ipsam cœpissent subtilius investigare, dissidiis intestinis cœperunt collidi. *Claudius Espenæus* & *Latinus Latinius* subdubitarunt. *Jacobus Sirmondus*, ecclesiam per multa Secula a morte Christi non nisi fermentato pane etiam inter Latinos eucharistiam celebrasse, docuit, cui *Joannes Bona* Cardinalis accessit, rationibus novis in supplementum adjunctis, quamvis postea sententiam suam emolliverit. *Joannes Mabillonius Sirmondi* argumenta evertere sustinuit

cum

Pag. 85.
86 seq.

94.

135.
146.

172 seq.

195.
202.

234.

249.

254.

- Pag. 264. cum *Joanne Campiano*, & *Luca Holstenio*. *Sirmondo* & *Bona* applauserunt Reformatæ ecclesiæ Doctores, *Joannes Dallaus*, *Samuel Basnagius*, *Jacobus Basnagius*, *Matthæus Larroquanus*, & *Fridericus Spanheimius*. Promiscue certe olim in ecclesia Latina usus panis tum fermento imbuti, tum eo expertis. Subjunxit Autor Pl. Rev. argumentorum seriem, quæ in sacrificio Latinorum usque ad Seculum IX & ultra panem fermentatum regnasse docent. Palmarium est illud, ex panibus vulgo oblatis eucharisticum panem fuisse delectum. *Jo. Franc. Buddæi* error quidam insignis detegitur. In decretis Pontificum eucharistia nonnunquam vocatur *fermentum*, e. g. *Melechiadis*, *Siricii*, *Innocentii I.* Multi summi Viri sunt, qui negare id haud audent. Urgent præterea silentium vetustatis, & adeo ipsius *Photii* de azymio. Alii e contrario perpetuum azymi usum propugnant, provocantes ad Servatoris & Apostolorum exempla, ad consuetudinem diuturnam, ad testimonium *Epiphaniæ*, perquam tamen controversum, ad suffragia Concillorum veterumque doctorum ecclesiæ, ad pronuntiatum *Leonis IX.*, & ad silentium antiquitatis de azymi origine, ad formam & conditionem panis eucharistici Latinorum. Addit Autor argumenta, inprimis 323. *Bona* Cardinalis, pro usu panis utriusque ante *Photium* promiscuo. Descendit porro ad dissensionem Reformatum ab iis, qui azymum consecrant, licet Angli & Tigurini azymum adhibeant. Pugnant iidem adversus placetulas eucharisticas orbiculares. Afferuntur argumenta Reformatum pro usu panis fermentati. Consecrationem panis vulgaris vetustate esse robustissimam, Noster ostendit solidissime, isque mysterio optime respondet, addens, quomodo Lutherani causam suam dicant. Ex omnibus vero sub unum conspectum revocatis patet, rem omnem ecclesiæ Christianæ esse reservatam, nec ideo concursiones ac dissensiones molientes. In calce suffixa est Græci Theologi de Christo pascha suum præmature atque in pane fermentato celebrante Dissertatio, a Theologo Græco, *Sosimo Perafiano*, Cephalonensi, paucis ante annis in Academia Patavina studiorum causa commorato, elaborata, ad quam Theologus celeberrimus in Academia Patavina, *Jacobus Hyacinthus Serry*, responsionem edidit, qui omni nisi contendit, ut, quam possit, certissime det probatum, a Christo una cum Judæis, aut omnibus, aut certe plerisque, quod posterius ipsi sit verosimillimum, agnum paschalem comedente, & diem legis fixum, & azymi esum, sine ulla dubitatione in cœna extrema fuisse observatum. Quis fuerit dies parasceves paschæ & profabbatum, animadversionum Autor doctissime expedit, ratus, per sabbatum intelligi dies festos. Hebræi pascha ita appellaverunt, teste *Abarbanel* in *Leg. pag. 162*. Conf. *Jo. XX, 1, 9*. Præluxisset Autori doctissimus, & *C. Harenbergius*, cujus Dissertatio *Tom. II* Thesauri Philologico-Theologici *pag. 338 seq.* exstat, si ea ipsi fuisset ad manus. In eam enim ostenditur, Christum eadem die naturali Judaica, qua Judæi agnum paschalem ederunt, comedisse. Eadem felicitate dictionisque venustate ex toto Autor causam suam peroravit, qua telam cœperat. Nostrium est, Viro Illustri, Academix Lipsiensis ornameto maximo, *Joanni Jacobo Masco-vio*, gratias habere & agere, qui Autorem ad Opus tam egregium digne elaborandum inflammavit & permovit. Cum vero publicæ literarum rei intersit, plures ejusmodi labores, tam eleganter perfectos, ab Autore expectari, non possumus, quin cum ad consimiles perpoliendas tractationes excitemus, unde & ecclesiæ rebusque divinis robur ac honorem maximum, & famæ doctissimi Autoris insigne incrementum, certissime ominamur.

NOVA ACTA ERUDITORUM,

publicata Lipsiæ

Calendis Junii Anno MDCCXXXVIII.

Pars I.

ΤΟΤ ΕΝ ΑΓΙΟΙΣ ΠΑΤΡΟΣ ΗΜΩΝ ΕΦΡΑΙΜ

τῷ Σύγρ τὰ εὐρισκόμενα πάντα.

h. c.

SANCTI PATRIS NOSTRI EPHRAEM SY-

RI Opera omnia, quæ exstant, Græce, Syriace, Latine,

in sex Tomos distributa, ad MSos Codices Va-
ticanos castigata.

Tomus I.

Romæ, ex typographia Vaticana, 1732, fol.

Alph. 4 plag. 6.

Splendidissimam hanc ac præstantissimam *Ephraem Syri* editionem debemus Cel. *Josepho Simonio Assemano*, qui eam jussu suaſuque *Angeli Mariae Quirini*, S. R. E. Cardinalis Bibliothecarii, adornavit. *Tomo I*, præter Dedicationem laudati modo Cardinalis *Quirini* ad *Clementem XII*, Pontificem, apparent duæ Præfationes Doctiss. *Assemani*, quarum altera paucis exponit de universo instituto in evulgandis *Ephraem Syri* Operibus tenendo, altera vero ad hunc ipsum *primum Tomum* sigillatim pertinet, in qua brevissimis docet Editor, qua ratione versatus sit in perpoliando hoc *Tomo primo*. Has Præfationes excipiunt Prolegomena ejusdem *Assemani*, in quibus agit *Cap. I* de iis, qui res gestas *Ephraem Syri* scriptis

Oo

tra-

- tradiderunt, vel ejus encomium, aut lucubrationum catalogum, texnerunt; *Cap. II* de Latinis antiquis versionibus, tum manu exaratis, tum impressis; *Cap. III* de editione *Ambrosii Camaldulensis*; *Cap. IV* de editione *Zini*, Canonici Veronensis; *Cap. V* de editionibus *Julii Clementis*, *Lipomani*, *Surii*, *Bollandianorum*, *Chantelou*, *Combesii*, & *Corderii*; *Cap. VI* de Latinis editionibus e Syriaco adornatis a *Guidone Fabricio Boderiano*, *Gerardo Vossio*, *Joanne Cardinali Bona*, & *Abrahamo Ecchellensi*; *Cap. VII* de Latina editione *Gerardi Vossii*; *Cap. VIII* de editionibus Græco-Latinis *Gretseri*, *Bollandianorum*, *Cotelerii*, *Corderii*, & *Junii*; *Cap. IX* de Græca editione *Oxonienſi*; *Cap. X* de Græcis MStis *Ephraem* Operibus, quæ in Bibliothecis exstant. Ex quo *Capite* apparet, *Barberinum* Codicem, qui A. 892 exaratus est, omnium esse antiquissimum, eique antiquitate proxime accedere *Basilianum* A. 1020, *Clementinum* A. 1039, *Coislinianum* A. 1056, & *Vaticanum* A. 1073, descriptos. Atque hæc quidem omnia ita præmittuntur iplis *Ephraem Syri* monumentis, ut & ipsa verba Autorum, tam antiquorum, quam recentiorum, qui vel vitam Patris illustrarunt, vel de ipsius scriptis mentionem fecerunt ac judicium tulerunt, copiosius exhibeantur, & ex Codicibus MStis indicetur, quot & quos singuli Sermones *Ephraem* contineant. Sermones, qui in hoc *Tomo I* leguntur, eodem ordine sunt expressi, quo conspiciuntur in editione Græca, quæ prodiit *Oxonii* A. 1759. Primus autem eorum est *de virtutibus & vitiis*, atque agmen claudunt centum *Capita de humilitate*. Neque tamen ordinem solum Sermonum, verum etiam ipsa Græca verba, seu vulgo dictum textum, ejusdem editionis *Oxonienſis*, servandum sibi duxit *Cel. Assemanus*. Hinc factum est, ut plerumque lectio retineretur, quam dedit illa editio, licet in margine interdum alia fuerit subministrata. Sic *pag. 6* cum textu *Oxonienſi* exhibetur: *Χρηστὸς ἐστὶ Κύριος*, &, ἀλλ' ἐν πολλαῖς ἀρεταῖς ζητεῖται, cum tamen in margine pro *Χρηστὸς* referatur *Χριστὸς*, & pro *ζητεῖται* conjiciatur legendum *ζυγεται*. *Pag. 8* in Sermone *de mansuetudine* ex editione *Oxonienſi* fitur,

ἵκνται, τὸ ὑπερβάλλον μέτρον τῆ πλάτῃ τῆς ἐπαγγελίας
 ζητώσατε ἐπιχθῆναι, tamenli per conjecturam asseratur in
 margine ἐπιθῆναι. Pag. 10 cum Oxoniensibus legit & exscri-
 bendum curavit *Asserianus*, Μακάριος, ὅς ἐν ἀληθείᾳ τὸν
 βίον αὐτῷ ἐρύθμισε, ubi tamen alii, annotante margine, præ-
 ferunt ἡρῖθμισε. Pag. 19 textus Oxoniensis habet, Πεπώ-
 ρωταί με ἡ καρδία, ἡλλόιωταί με ὁ εὐσεβὴς λογισμὸς &c.
 quem sequi maluit Doctiss. Editor, quam quæ margo monet,
 ubi alii pro πεπώρωται habent πεπύρωται, & pro εὐσεβὴς
 ex conjectura traditur εὐτελής, & eadem pagina retentum
 ψύχω, quamvis iterum in margine doceatur, ψύχω scriben-
 dum esse. Pag. 28 in *Sermone compunctorio*, marginali lectio-
 ne posita, λάβωμεν ἔννοιαν καλὴν, ipse textus ab Editō-
 ribus Anglis exhibitus fuit servatus, λάβωμεν ἔννοιαν καλὴν.
 Pag. 40 hæc nova editio refert, præeunte Oxoniensi, ποῖος
 πόρος ἢ βίβηλος; marginalis autem lectio præfert, ποῖος
 πονηρός. Sed, quamvis in his aliisque plerisque locis, ubi
 lectionum deprehenditur varietas, Cel. *Asserianus* secutus sit
 ipsum textum Græcum, quem Oxonienses nobis dederunt,
 tamen etiam hinc inde cernere nobis datum fuit, margina-
 lem lectionem editionis Oxoniensis in hac nova editione
 prælatam lectioni in ipso textu exhibitæ. Pag. 2 in *Sermone*
de timore Dei textus Oxoniensis refert, μὴ πᾶς ἐξαίφνης
 ἤξει. Cum vero in margine, ex conjectura licet, legatur ἤξη,
 id sibi in ipsum textum recipiendum existimavit *Asserianus*,
 qui etiam pag. 3 pro ἐέργει, quod est lectio Oxoniensis edi-
 tionis textualis, maluit ex margine exhibere εἶγει. Pag.
 112 in *Sermone ad correctionem eorum, qui vitiose vivunt, &*
honores appetunt, ex conjectura marginali Oxoniensium pro
 νοῦμεν in ipso textu expressum jam legitur hic in textum
 receptum νοῦμεν. Pag. 120 in *Sermone de reprehensione sui*
ipsius & confessione exscribendum curavit Editor αὐριον ὀψέ-
 σθε καὶ τὰς ὑφ' ὑμῶν ἀδικημένους, cum in Oxoniensi legatur,
 αὐριον ὀψει καὶ τὰς ὑφ' ἡμῶν ἀδικημένους. Atque hæc
 quidem satis jam demonstrant, Oxoniensi cumprimis editio-
 ni Cel. *Asseriani* in adornanda hac nova editione inhæsisse.

Qua tamen in re ita se gessit, ut, licet maximam partem vel ipsam Oxoniensem editionem, vel ejus lectionem in margine repræsentatam, exhibuerit, tamen minime raro ab utraque discesserit. Fidem huic rei facient, quæ brevissimis indicabimus, exempla, pluribus pro instituti ratione jam præterminissis. Pag. 8 in Sermone *de iracundia*, ex monito fortasse Editorum Anglicanorum, in verbis ἀκρότη τῆ ἀγνῆς Αποστόλης Παύλος λέγοντος, omiſſa est vox Παύλος; nam in margine Oxoniensis editionis annotatum est per errorem interpretis, nomen *Pauli* hoc loco conspici, cum *Jacobi* Apostoli asſeratur oraculum. Pag. 230 Cap. I in illud, attende tibi ipsi, eleganter omnino per interrogationem restituit Cel. *Assermanus* Τοιγαρὲν νομίμως ἤρξα; νομίμως καὶ ἐπιτέλεσον; nam Oxoniensis habet sine interrogatione, τοιγαρὲν νομίμως ἤρξα, νομίμως καὶ ἐπιτέλεσον, ubi simul in margine monetur, alios hic legere, εἰάν νομίμως ἤρξα &c. Ceterum, quemadmodum in editione sæpius laudata Oxoniensi non adjecta est Græcis interpretatio Latina, sic e contrario Doctiss. *Assermanus* eam ubique Græcis e regione posuit, quam *Gerardus Vossius* adornavit, propterea quod & plura, quam aliorum, *Ephraem Syri* Opera comprehendat, & sæpius typis exscripta manibus eruditorum teratur. Quam ipsam interpretationem *Vossii* Latinam in iis locis non dubitavit vel relinquere, vel emendare, in quibus sensum a Græcis diversum repræsentat. Nos certe non possumus, pro nostro in rem literariam studio, ex animo non optare, ut, qui supersunt, & promittuntur a Doctiss. Editore, *Tomi V* eodem apparatu, eodemque splendore, proxime in lucem prodeant adſpectumque eruditorum.

ANNALES MINORUM, SEU TRIUM ORDINUM a S. Francisco institutorum; Autore A. R. P. LUCA WADDINGO, Hiberno, S. T. Lectore Jubilato, & Ordinis Chronologo. Editio secunda, locupletior & accuratior, opera & studio R. P. JOSEPHI MARIE FONSECA AB EBORA, S. T. Lect. Jubilati,

*lati, S. & V. Inquisitionis Consultoris, S. C. Confessor.
Votantis, Episcop. Examinatoris, Ord. Discreti
& in Rom. Curia Commiss. Generalis.*

Tomus V -- VIII.

Romæ, typis Rochi Bernabo, 1733, fol.

Tom. V Alph. 7 plag. 2, Tom. VI Alph. 7, Tom. VII
Alph. 7, Tom. VIII Alph. 7 plag. 5.

Operis præstantissimi, de cujus nuper instituto copiose diximus, *Tomus V* ab A. 1276 usque ad A. 1300 tradit, *Philippum* Pag. 8 seq.
Bonaccorsium in Marchia Travisina institutum fuisse Inquisi- 29 seq.
torem, Minoritas ad *Palaologum* de profectu unionis & ne-
gotiis imperii acturos, ad magnum Cham Tartarorum Im-
peratorem, ejusque nepotem, *Abagham*, Regem, fidem propa-
gatu- & ad Romanos, missos fuisse; pacem inter Prædicato-
res & Minores reformatam fuisse; *Bonagrati* fratrem, in- 62 seq.
dictis Assisii Comitibus, Ministrum generalem factum, plures-
que a Pontifice, qui Protectorem Ordinis dedit nepotem
Mattheum Rubrum Ursinum, Cardinalem, ex Minoritis Epi- 90.
scopos creatos, Legatosque ex iisdem ad res graviore institutos fuisse; Mediolani Comitibus generalia celebrata, & Mini- 139.
strum generalem creatum *Arlottum a Prato*, & in Sardicensi
insula inquisitionis officium institutum fuisse; Minoritas ad
Tartaros, Armenos, Æthiopes, & universas Orientis nationes 194.
fide Catholica imbuendas, missos fuisse Legatos, & in Comitibus
generalibus, quibus interfuit Pontifex, *Carolus Rex*, & *Maria*
Regina, factum esse Ministrum generalem *Raymundum Gau-* 252.
fridi; *Nicolaum* Pontificem Minoritas misisse, qui orienta-
lium Principum auxilium implorarent contra Soldanum Æ-
gypti, qui, capta Ptolemaide, Minoritas & Clarissas trucidave-
rat; Regem Armeniæ Minoritas Legatos misisse ad Pontificem 291 seq.
& Reges Europæ, ad auxilium contra Saracenos petendum;
Jacobum, Regem Aragonum, misso Legato Minorita, Romam 345.
vocatam fuisse; Generales Præfectos Minorum & Prædica- 397.
torum

torum ad compescendos bellorum tumultus, inter Gallum, Anglum, aliosque Principes, exortos, legatos Gandavum missos, & in partibus Serviz, Russiz, Dalmatiz, Inquisitores institutos fuisse. Adjungitur pariter Regestum Pontificium, in quo leguntur Bullæ Pontificum, res in hoc *Tomo* memoratas calculo suo comprobantes.

Tomus VI, ab A. 1301 usque ad A. 1322, memorabilis cum primis est descriptione vitæ *Joannis Dunsii Scoti*, nobilissimi inter Scholasticos magistri, & Fratricellorum historia, quorum origo, dogmata, mores, vitæque instituta, clarissime exponuntur. Præterea vero hic *Tomus* docet, Festum sacrorum stigmatum S. *Francisci* institutum fuisse; *Artanifsum* Minoritam cum aliis ad Regem Russiz missum fuisse, ad fidem in iis regionibus propagandam; Pontificem, exorta gravi controversia in religione circa gradum observandæ Paupertatis, præcipuos Ordinis Patres ad se vocasse; Minoritas in Livonia a Theutonicis multa perpeffos fuisse; Imperatorem Tartarorum simul cum matre ad fidem per Minoritas conversos fuisse; *Raymundum Lullum* mortuum fuisse, de cujus vita & doctrina disquiritur; Pontificem ex Prædicatorum & Minorum Ordinibus nuntios ad tollenda schismata & bella, in Italia, Flandria, & Francia, exorta, misisse; *Ludovicum*, Episcopum Tolosanum, in Sanctorum numerum solenni ritu relatum fuisse; Inquisitores in Poloniz & Bohemiz regnis institutos, atque eos condemnatos fuisse hæreseos, qui ab Ordine recesserunt sub specie majoris observantiz; nuntios ex Minoritis a Pontifice ad Regem Georgianorum & Tartaros missos fuisse; adjecto ad calcem simili modo Regesto Pontificio, Pontificum Bullas, huc facientes, complectente.

Tomus VII ab A. 1323 usque ad A. 1346 recenset, gravissimas turbas circa controversiam de paupertate Christi a Pontifice *Joanne XXII*, edita Constitutione, sopitas fuisse; Minoritas ac Prædicates inter Lithuanos fidem amplificasse, & ex iis Inquisitores multam operam posuisse ad infringendam hæreticorum & hostium Ecclesiæ audaciam; *Fabianum* Minoritam in principatu Borsnensi Inquisitorem institutum, & *E-*
lisæ

Isabellam, conjugem *Dionysii*, Regis Lusitanæ, Franciscanæ factam fuisse, multoque virtutum incremento claruisse; solis Minoritis, rejectis aliis, inquisitionem pravitatis hæreticæ in Principatu Bosnenfi & adjunctis provinciis commissam fuisse; in Persiam & Indiam interiorem Minoritas ad fidem propagandam, & in Armeniam majorem, missos fuisse, & Ministrum generalem, adhibito socio ex Prædicatoribus, ablegatum, ut Reges Angliæ & Scotiæ pacificaret, ex eodemque sodalitia alium amandatum ad Regem Majoricarum; Legatos Minoritas inter Castellæ & Aragoniæ Reges pacem conciliasse, & Caturci Comitibus generalia celebrasse; Regem Armenorum *Danielem* Minoritam Legatum ad *Clementem VI* Pontificem misisse de fidei puritate in illis partibus restituenda, & ex eodem Ordine *Ludovicum*, Pannoniæ Regem, misisse Legatum Avenionem pro impetrando *Andree* fratri regni Neapolitani dominio; quibus pro more subiungitur Regestum Pontificium, Bullis Pontificum, Annales adjuvantibus, repletum.

Pag. 77.
131.

203.

310.

345.

L

29.

40.

50.

107.

Pa.

Tomo VIII, ab A. 1347 usque ad A. 1376, memoratur in primis: *Gerardum* ex Minoritis, Patriarcham Antiochenum, ad Siculos amandatum, & ex eodem sodalitia *Laudolphum*, Archiepiscopum Amalphitanum, sequestum pacis ineundæ inter Reges Siculos cum aliis delegatum; Legatos ex Minoritis & Prædicatoribus ad *Cantacuzenum*, Imperatorem Constantinopolitanum, missos fuisse pro uniendis ecclesiis Græcæ & Latine, Minorumque opera *Clementem VI* Pontificem in variis functionibus usum; nonnullos Prædicatorum & Minoritarum destinatos pacificatores in Aragoniam & Cataloniam, & a Pontifice domesticis obsequiis destinatos; *Fortanerium Vassallum*, ex Minorita Archiepiscopum Ravennatem, & Patriarcham Gradensem, amandatos fuisse ad pacificandos Venetos & Genueenses, & *Antonio*, Archiepiscopo Dyrrachino, curam procedendi contra hæreticos Albanæ, Sclavoniæ, aliarumque partium, demandatam, *Vesianum*que, ejusdem Ordinis sodalem, rectorem Campaniæ & Maritimiæ constitutum fuisse; nuntios Constantinopolin ablegatos fuisse, ut *Joannem*

- Pag. 155. & prius agerent cum *Ludovico*, Hungariæ Rege, de conversione Rastianorum; *Marcum* Viterbiensem, Ministrum Minoritarum generalem, multos pacificasse Principes in Italia, & in
 170. pacificandis Florentinis & Pisanis laborasse, Principesque Italiæ contra iniquas societates Anglorum convocasse; *Joannem Palæologum*, Græcorum Imperatorem, Minorum suasionibus, abjurato schismate, Romanam fidem in urbe ad Basilicani Principis Apostolorum professum fuisse; *Urbanum V* Pontificem Minoritas in Orientem, Corsicæ insulam, & Principatum Bosnensem, misisse; *Thomam*, Ministrum generalem, ad pacificandos Genuenses amandatum; *Petrum* Aragonium Minoritam Cyprum abiisse filiam Reginam consolaturum, & rebus fluctuantibus regni consulturum; *Franciscum Godiensem* cum aliquot sociis in Tartariam ablegatum fuisse;
 212. Viros doctos Ordinis Prædicatorum & Minorum ad Græcos missos fuisse, de unionem utriusque ecclesiæ acturos; Minoritas in partibus Hungariæ & Tartariæ diligenter incubuisse
 234. ad Schismaticorum conversionem. His accedit pro more Regestum Pontificum, quod Bullas Pontificum, res Minorum stabilientes, complectitur.
 289.
 343.

**THEOPHRASTI CHARACTERES ETHICI, Græce, cum versione Latina ISAACI CASAU-
 BONI, & Notis JOANNIS CORNELII
 DE PAUW.**

Trajecti ad Rhenum, apud Joannem Evelt, 1737, 8.

Plag. 16½.

Pergit hic in Græcis literis, laudabili conatu, illustrandis Vir eruditus, cujus operam, in *Aristaneto* collocatam, nuper demum indicare meminimus. Unum saltem iterum optaremus, ut confidentiam minorem, majorem vero modestiam, præ se ferret. Interea magis sibi temperasse, & ad illustres eximii Critici virtutes propius hic accessisse, videtur.
 Secu-

Secutus est potissimum optimam huc usque *Needhami* editionem, Cantabrigiæ anno hujus Seculi duodecimo perfectam. Inde quanquam varias lectiones derivavit Noster, nihil tamen in ipso, qui dicitur, contextu novavit, quod quidem *Needhamum* nonnunquam ausum fuisse, serio detestatur. Nec minorem adversus *Theophrasti* verba religionem in ipsis deinde, quas singulis paginis subjectas habemus, animadversionibus declaravit, licet in Præfatione postremorum quinque Characterum *γνησιότητα* in dubium vocasset. Exempla curiosæ, quam præstitit, diligentiz reperimus *pag. 87 seq.* atque alibi passim. Adjunxit etiam accommodatas plerumque illustrationes & conjecturas, ingeniosas satis, neque omnino contemnendas. Ita *pag. 34 τὰ γυμνά αὐτοῦ* per obscurioris nominis honestam ἀποσιώπῃσιν appellari, non sine causa, animadvertit, quando magnus ille *Casaubonus* de Hebraismo nescio quid cogitarat. Ita *pag. 120* pro *τόμον, τόκον* reposuit, non ἀκκυρον ratus, ab epulantibus frustum petere, maxime contra, usuram, inter convivia atque lætities, flagitare. Ita denique loco *θύεν*, præeuntibus aliis, legendum esse arbitratur *ἐδίεν*. Neque minus circumspicte, quibus succedit, interpretes tractare videtur, illosque, suo plerumque jure usus, reprehendit, e. g. *Stephanum pag. 160*, quando *μάλις αὖ μὲν κ. τ. λ.* quæ verba sanum omnino sensum præferunt, in numero habuit mutilorum; *Sylburgium pag. 57*, quando, Græcismum non agnoscens, alterum verborum, *χρᾶν ἐπιδείκνυσθαι*, abesse debere, putavit. *Casaubonum* sexcenties, e. g. in Præfatione statim *Theophrasti*, ubi pro *τῆς ἑλλάδος, τῆς πόλεως* legerat. Et, ut verum fateamur, Noster accommodatius haud semel conjicere videtur, quam ipse ille *Casaubonus*, e. g. *pag. 35 seq.* quem locum, paulo longiorem, ipsis Lectoribus consulendum relinquemus; ut pateat indidem, Criticam, quam divam ibi nuncupavit, religiosius ab ipso cultam. Castigavit præterea magnum Criticorum heroa, *Petrum Burmannum pag. 77—83*, verba *ἐπιβαλὼν ἐρωτᾶν* ad *Petronii Cap. 7* minus accurate interpretatum: *Ἐ caput involvens veste rogare &c.* Qua vero surrepta occasione, de

aliis etiam erroribus, huc non pertinentibus, acrius Virum Celeberrimum postulavit. At enim non carpendo solum valet Cl. *de Pauw*, sed laudes etiam atque assensionem declarare novit. Sic, cum *Sylburgio* faciens pag. 148, σκύλη pro σκύλη legendum esse ostendit, cum *Casaubono* pag. 28 pro καὶ ὁ ἀγρὸς ἰς γέωτα γεωργήσας legit: καὶ ἐπὶ ἀγρὸν κ. τ. λ. quemadmodum etiam pag. 10 seq. *Dupontii* de vocabulo συσσιτῶν explicationem laudat non leviter, atque confirmat. Ita vero, celebratis eruditissimi Viri virtutibus, vitiorum pariter, quæ sub initium appellavimus, indicem subungere deberemus. At enim, ut taceamus, facile isthæc occurrere quærenti, res ejusmodi odiosas, postquam emendationis spes affulget, silentio involvisse licebit. Duo tantum, quæ dictionem spectant, elegantem satis, sed haud raro peculiarem, pace Cl. *de Pauw*, modeste atque amice monebimus. *Hercule* nimirum jurantis vocabulum & *fors* pro *fortassis* frequentissime reperimus, quorum alterum non satis pinum, alterum in puriore Latinitate poeticum esse, veremur.

GLOSSARIUM GRÆCUM IN SACROS N.
Fæderis Libros. Ex MSS. primus edidit, notisque illustravit, JOANNES ALBERTI, Ecclesiastes Harlemensis. Accedunt ejusdem Miscellanea critica in Glossas Nomicas, Suidam, Hesychium, & Index Autorum ex Photii Lexico inedito.

Lugduni Batavorum, apud Samuelem Luchtmans, 1735, 8 maj.
Alph. 1 plag. 3.

Jam ex multis annis in eo fuit S. Rev. Autor, ut *Hesychii* Lexicon Glossographorum, pro votis eruditorum, cum Notis literatissimorum virorum, ederet. Præter subsidia ex Anglia expectata, notas *Jani Viti Pergeri* Cel. J. A. *Fabricium*, vñ ἐν ἀγίοις, expertissimum ejusdem literaturæ Virum, rogaverat, quarum mentio fit *Biblioth. Græc. Vol. IV* pag. 553, & specimen Cel. *Wolffius* in *Anecd. Græc. Tomo IV* emisit. His facile im-

petra-

petratis ex humanitate inexpectata illius quidem duo Glossaria nondum edita accessere, quæ etiam *Biblioth. Græc. Vol. X pag. 52 & 62* indicata constat. In his cum Autor Rev. Glossas ad IV Evangelia, Actus Apostolorum, & Epistolas *Paulinas*, non sine delectatione offendisset, consilium subnatum est, Glossarium istud sacrum, quod jam olim in usum privatum conscripserat, his locupletandi augmentis. Consilio a Cl. *Fabricio* possessore probato, haud gravatim nova impetravit subsidia, a Cel. *Burmanno* quidem *Vossianor* Codices, ab *Hemsterhusio* vero varia ejusdem generis scripta, quæ nondum literatæ profutisse reipublicæ, noverat. Quibus & aliis sedulo inter se collatis, hanc demum Glossarii formam ad interpretandum N. F. apta, eaque felicissima, contexit opera. Glossæ satis sunt antiquæ, ab *Origene*, *Cyrillo*, aliisque Ecclesiæ præcæ doctoribus, profectæ, & ab aliis subinde adjectæ, quæ mentem veterum non solum proponant, sed & lectiones hodie ab illis forsitan diversas uberrime fistant. Scinditur Opus literatissimum in *duas* præcipue *Sectiones*, quarum prior Glossas nomicas sive veteres verborum juris, quæ passim in Basilicis reperiuntur, illustrare conatur; altera vero, ut ad modicum efficeretur volumen, Miscellanea critica complectitur, quam ob causam animadversiones in *Suida* Lexicon tum ex ingenio, tum ex *Photii* Lexico inedito, & in Bibliotheca Oxoniensi asservato, succedunt. Denique ad exemplum *Præci* accuratissimum Indicem addidit Autorum, qui usquam in *Photii* Lexico citantur; sub finem vero tabelam abbreviationum adiecit, quibus ad lectionem antiquæ scriptioris inprimis junioribus quam maxime opus est. Non dubium est, quin iusti rerum æstimatores tantum gratiæ sint habituri operæ Rev. Autoris, quantum emolumenti studiis in eritenda integritatē sensus accessisse apparet. Maxima ubique elucet cura in inspiciendis MStis, quæ quidem unquam fando superesse quis audierit; maxima in conferendo eorundem qua consensu, qua dissensione; maxima in emendandis, quæ vel dubia, vel minus apta, vel ob antiquitatem temporum ferme oblitterata, obvenerunt. Quantum lu-

minis vocum singularum explicationi hac opera sit affusum, ipse quemvis utentem usus edocurus est. Præter ordinem accuratissime digestum præsertim cognitio & mentio rarissimorum MStorum Opus hoc commendat. Nec sibi ipsi satis videtur fecisse Autor versatissimus, cum aliorum fragmentorum sibi non copiam potuisse fieri conqueratur, quæ quidem, ut ipse subodoratur, vel quoad nomina ob aliis citantibus perperam confusa fuerint, vel ob arctiorem custodiam altius adhuc latent in pulvere Bibliothecarum. Certe pro ardore desiderii nihil gratius sibi obtingere posse profitetur, quam si de Codice *Hefychii* MSto, a *Thoma Brunone* laudato, item de ejusdem editione Basileensi, a *Vectio* & *Morhoso* forsitan leviuscule memorata, certiora quis attulerit.

Eigentliche Vorstellung der vortreflichen und kostbaren Kaiserlichen Bibliothek, 1c.

h. e.

DILUCIDA REPRÆSENTATIO BIBLIOTHECÆ Cæsareæ Viennensis.

Viennæ, sumtibus Autorum, apud Jo. Petr. de Ghelen, 1737, fol. expanso.

Plag. 6, Tab. 21. 13.

Nulla est ætas, quæ Augustissimos Austriacæ domus *Augustor*, Nillos sago invictos, verendos toga, Heroas, Musagetæ non exhibeat egregios, quorum auspiciis per omnem Germaniam lætissime floreat literarum studia, & laborum suorum exquisitis præmiis homines eruditi fruantur. Nec ullum unquam Viennæ tam infaustum sidus affulsit, ut aut literas contentas, aut neglectos Musarum alumnos, aut abjectos libros, aut denique emotas sacrariis suis doctrinarum elegantias, legamus. Non certe obscurum est, quantis semper, quæquæ patet orbis eruditus, laudibus augusta effulserit libraria, quantos nobis ostenderit *Sambucos*, *Tengnagelios*, *Lambecios*, *Nesselios*, *Gentiliot*, *Garellios*, quanta etiam hinc rei literariæ, suas hic divitias, tan-

tanquam in splendidissimo quodam sacrario, reconditas habenti, decora accefferint. Sint, qui *Attalos* suos laudent, qui *Prolemaeos* celebrent, qui *Ludovicos* extollant, Germaniz nostræ quis lætandi causam manibus extorqueat? cum, æterna otia præbente Augustissimo *Carolo*, quæ incerto antea loco vagabantur, nec satis se a sordido squalore defendebant, sapientiz præsidia, collecta nunc, habituque augustiore induta, quin splendidis locata sedibus, ac æterna pace munita, amplectatur. Nec lituorum clangor, aut bellorum tumultus, aut sumtuum magnitudo, aut curarum, quas civium salus deposcit, amplitudo, avocare augustum pectus a placidissimis consiliis, nova, venusta, magnifica, Musis domicilia parandi, potuerunt. A. 1723, moderante Illustrissimo Comite *Gundakero ab Althan*, construere hoc cœpit ædificium *Joseph Emanuel L. B. de Fischer*, idque A. 1735 pulcherrima coronide ornavit. Jam vero etiam, ne privatis conclusa parietibus Imperialis magnificentia delitesceret, prudenter curatum est. Latino enim & Germanico sermone tredecim illæ Tabulæ illustrantur, quæ vel structuræ partes omnes, vel picturæ admirandas, exhibent. Illas, numero octo, diuensus est, delineavit, ac æri incidit, *Salomon Kleiner*, Archiepiscopalis Moguntinus Mathematicus; has, quinque numero, simili arte expressit *Jeremias Jacobus Sedelmeyer*. Prima, faciem Bibliothecæ primariam, id est, septentrionalem; secunda eam, quam meridianus sol collustrat; tertia ichnographiam contignationis primæ; quarta superiorem ac primariam; quinta supremam ostendit, in qua umbulacra habentur & fores, quibus ad conclavia Bibliothecarii itur; sexta orthographiam internam secundum longitudinem, & cum Imperatoris, tum veterum Græcæ ac Latii sapientum, imagines, *Seneca* puta, *Horatii*, *Antisthenis*, *Euclidis*, *Socratis*, *Pythagoræ*, *Hippocratis*, *Platonis*, *Architæ*, *Ciceronis*, *Homeri*, & *Aristippi*, spectandas affert; septima sectionem secundum latitudinem per medium tholi; octava vero sectionem secundum latitudinem extra tholum, habet. In his deprehendimus, quæ ad mirandam tan-

æ molis structuram pertinent. Transítur postea ad picturas egregias, in quibus excogitandis jam ante iacta ædificii fundamenta *Conradus Adolphus de Albrecht*, S. R. I. Eques, & Consiliarius Cæsareus, vires suas exercuit. In Tabula enim nona magnifica quædam pompa, in supremæ tholi regionis teatro picta, compareret, qua virtutes Imperatoris, tanto nomine dignissimæ, bellorum pacisque administrandæ peritia, fortitudo, prudentia, liberalitas, & generosum pectus, eleganter exprimuntur, gaudiumque publicum annuntiatur, quo Germania, quo Vienna, quo quatuor sic dictæ Facultates, quo Historia, quo Minerva, quæ Mercurius, exsultant; usus tandem demonstratur, quem tam splendida & instructa suppeditant armaria, ignorantiam omnem, barbariem, ac superstitionem, profligando. Ingeniosum Architectonicæ opus, quod pompam hanc cingit, & reliquas Tabulas complet, dum literarum quodcunque genus in scenam producit, sive ex Martis studiis, sive forensibus negotiis, sive eruditæ recessibus, sive metiendis Solis Lunæque viis, sive compescendis marium fluctibus, interserviant, commune scientiarum concilium adunbrat, ut ad celeberrimi illius Athenæi splendorem proxime accedere videatur. Erit forte tempus, cum *altera Parte* prisca æque illa, ac recens ex Illyrico advecta, vetustatis monumenta, cum aliis spectatu dignis, ari incisa conspiciamus. Felix nimirum *Carolus*, qui non literas tantum vindicare a contemptu, & optimis artibus illustrissimum splendorem conciliare, sapienter novit, sed eruditos etiam, recluso sapientiæ ærario, ad proferendas ex suis tenebris Græciæ Latineque opes invitat, allicit, cohortatur.

FRIDERICI HOFFMANNI, MEDICINÆ rationalis systematicæ Tomi quarti, quo specialis morborum Pathologia, & huic superstructa solida Therapia, cum medendi methodo, cautelis clinicis, & morbo-

rum

*rum enarrationibus, adjuncta epicrifi, exhibentur,
Pars quarta, doctrinam morborum ex viscerum la-
be, partiumque solidarum atonia, perspicua &
demonstrativa methodo, tradens.*

Halz, in officina Rengeriana, 1737, 4.

Alph. 3 plag. 3.

Illustris Autor, nulla adhuc ætatis vacatione usus, nec senii
gravitate a laboribus absterritus, optime de humano gene-
re, cum difficiliorum morborum curationibus, tum doctrina
medica, & viva voce, & literarum monumentis tradenda, et-
iam nunc meretur. Cumque inter libros ipsius ætatem latu-
ros, quos exteri quoque amant, & enixe cupiunt, certatim-
que in suis provinciis recidunt, imo quos Genevenses nunc in
unum corpus redactos conjunctim edere moliantur, Medici-
cinæ systematicæ Opus primas jure suo teneat, nobis qui-
dem nunc eo magis lætandum est, postquam novus hic
Tomus in publicam lucem prodit, qui impatientius quo-
dammodo expectatus fuit, sed nunc argumenti sui docta,
accurataque, & ad rectum rationis pariter atque experientia
usum exacta, tractatione, rerumque ad cognoscendos & cu-
randos morbos comparatarum copia, boni ordinis selectu,
dictionis perspicuitate, & nativa tersaque facilitate, omnibus-
que, ut summam cuncta complectamur, iis decoribus & or-
namentis, quibus priores *Tomi* excelluerunt, spem & deside-
rium omnium cumulate nunc esse expleturus videtur. Morbos
chronicos, ad quos pertractandos Cel. Autor nunc progreditur,
duplicis esse generis observat, quorum alii a solidarum mo-
tu nimis adaucto nascuntur, quorsum morbi spastico-con-
vulsivi pertinent, alii contra a solidarum partium motri-
cium imbecillitate, tonoque ac robore dejecto, & ab hinc
pendente languidiori fluidorum motu, oriuntur. Cumque
de illis in præcedenti *Tomo* copiose egerit, horum indolem
& effectus medelamque in præsentem exponere aggreditur. Hi
&

& ipsi vero in duo denuo genera cōmūde dividuntur, quorum alii, qui mentem ac sensus afficere solent, in suprema corporis parte sedem suam ac domicilium constituunt, alii ex viscerum medii & infimi ventris, quibus humores vitales cum elaborantur, tum repurgantur, atonia ortum trahunt. Illis itaque *priora* hujus *Voluminis Capita*, his *posteriora*, destinavit. Ut vero in limine statim pateat, quam viam in iis explanandis fuerit ingressus, quamque medendi rationem Medicis præcipue commendandam putet, multa de his morbis generatim præclare in Præfatione disputat. Ubi quidem observat, horum morborum sanationem summam medentis prudentiam, & accuratorem idoneorum summeque efficacium remedium cognitionem, requirere, & in nullo morborum genere artis medicæ vim magis apparere, quam in horum curatione, quoniam sub iis parum potens natura haud facile vitium, quod altas egit radices, suis viribus excutiat: e contrario autem artem in acutis parum valere, in quorum scilicet medela sibi plus natura vindicet, ibique Medicus sæpenumero spectatorem tantum agat. Id quod egregie ex natura corporis humani, quo nomine autem non sapiens quidam in corpore animali spiritus, qui pro domiciliū sui salute excubias agat, functionesque naturales gubernet, sed jugis ac perennis sanguinis & humorum per compagem corporis mœre vasculosam in orbem motus, a cordis & vasorum omnis generis systaltica vi pendens, intelligitur, commode illustratur, planumque redditur. Ut vero peritia Medici, ita & ignorantia ejus atque imperitia, hisce in morbis se prædere solet, paucosque horum morborum indolem, causas, sedes, efficacemque medendi rationem, perspectas habere, Noster contendit. Exempli loco eos notat, qui nostra ætate ex plethora atque sanguinis excretionibus deficientibus & suppressis omnem passionum chronicarum originem derivant, hincque omnis fere generis chronicos morbos per venæsectionem in pede crebrius instituendam, & per medicamenta, quæ fluxum sanguinis præcipue in viris hæmorrhoidalem

lem proliciunt, & avertere & perſanare ſummo ſtudio elaborant, effectū tamen minus auſpicato. Quæ vero exinde redundare ſolent, damna Autor pluribus perſequitur. Multi etiam propterea in chronicis morbis rectam medendi rationem non tenent, quod remediis fortioribus, chemico igne excoctis, & ex minerali regno petitis, utantur. Illuſtris vero Autor, qui per ſex & quinquaginta annos artem exercuit, & præ multis aliis in vincendis chronicis malis felix fuit, candide teſtatur, maximi in iis uſus eſſe exquisitam victus rationem, moderatum vitæ regimen, & remedia leniora, temperata, diætetica, & paregorica, e. g. convenientem aeris & locorum mutationem, corporis variam exercitationem, aquæ puræ & aquarum mineralium, tam frigidarum, quam therma-
 lium, lactis, ejusque ſeri dulcis & aciduli, piſanæ, inſuſorum, ſpecierumque convenientium ex aqua, potum, interne remedia valde temperata, corrigentia, & temperantia, item baſamica, nervina, balnea, inſeſſus, pedilavia, fomenta, & demum quoque abſtinentiam & tenuem victum, ſi modo patientia, ægrotantiumque obedientia, & ſufficiens ad medendum tempus, acceſſerint. Inter cauſas denique difficilioris chronicorum morborum ſanationis reſertur crebra medicamentorum mutatio & copia, quibus & Medici & ægrotantes, quorum multi, imprimis malo hypochondriaco affecti, quadam pharſiacomania interdum laborare videntur, indulgent. Nunc ad Opus ipſum convertimus oculos, eadem via, quam in recensendis ſuperioribus *Tomis* iniimus, inceſſuri, ut ſcilicet breviffime exponamus, qua in re Celeb. Aſtor veram genuinamque cujuſlibet morbi rationem pariter atque præcipua curationis momenta collocet. Orditur autem ille a nervorum reſolutionibus, eoque nomine morbos apoplecticos, hemiplecticos, & paralyticos, complectitur, ex quibus de exiſtentia hemiplexiæ, ſive paralyſis univerſalis, quæ totum corpus tenet, dubitat, niſi forſan ea ſub ipſa apoplexiâ acciderit. Nec credit, eſſe paraplexiam, qua totum corpus, ſalvo manente capite, reſolveretur; ſaltem ſibi nunquam ejusmodi morbum obveniſſe reſert. Ut vero inter ſe diſcrepent

Cap. I.

Qq

hæc

hæc morborum genera, eorum tamen ratio proxima eadem est, & in plus minusve intercepto fluidi nervei influxu consistit. Influxum vero eum interceptare solent, non obstructio quædam nervorum, sed vel solutio continui nervorum, vel compressio eorundem, aut principii illorum, a quacunque re, ipsis præter naturam incumbente, facta. Quod vero unica hæc causa diversos pariat effectus, ejus rei fundamentum unice in loci, qui fovet mali causam, diversitate quaerendum esse, observationes Anatomicæ testantur. Unde facile colligitur, in omni apoplexia causam, nervos comprimentem, intra cerebrum, in paralyti vero intra spinalem medullam, & speciatim in hemiplexia circa alterutrum medullæ principium, consistere. Medendi rationes eo redeunt, ut causæ, quæ tam proxime, quam remotius, ad interceptiendum fluidi nervei in nervos influxum quidquam tribuerunt, removeantur, & deinde pars affecta, totumque nervorum genus, ita roboretur, ut pristinum ac naturalem recuperet tonum. In distinguendis affectibus soporosis, qui confusissime alias tractantur, III. Autor quam maxime vestigiis *Bartholomæi de Meir* insistit, cujus doctrinam cum natura maxime convenire vidit. Quapropter & ipsius nomina retinet. Coma igitur vigil denotat maximam in somnum propensionem, sine somno tamen omni, vel saltem non continuo, sed interrupto, ita, ut, postquam vix obdormiverunt, mox parum levati expergiscantur, ab omni adhuc immunes delirio. Symptomatically semper obtingit. Coma somnolentum est, quando ægroti languentes perpetua somnolentia vexantur, &, postquam brevi vigilarunt, illico rursus somnolenti obdormiscunt. Idiopathice semper evenit. Carus denotat soporem profundissimum, ex quo ægrotantes nec per clamores, nec agitationes, nec acus irrationes, similesque causas, excitantur, idque nunc idiopathicum, nunc symptomaticum, malum esse solet. Lethargus denotat gravem assiduamque soporem, quo ægroti perpetuo fere, sine vigiliarum intervallis, minimum vero non tam longis, ut in comate somnolento sit, obruuntur, & a caro distinguitur febre

sym-

Cap. II.

symptomatice superveniente mitiori, magisque pulsum frequentia, & spiratione rara febrilique, cognoscenda. Carus vero ut symptoma febribus accedere, vel easdem consequi, observatur, & sentiendi quoque impotentiam habet comitem. Causam proximam horum affectuum soporosorum in valde languido & imminuto fluidi nervei ex cortice cerebri in hujus medullam, & inde in nervos sensui motuique dicatos, influxu collocat. Causæ, hunc influxum præter naturam impediētes, tres potissimum esse videntur, nimirum vel nimia ipsius fluidi penuria, vel tubulorum, illud vehentium, laxitas, vel denique compressio cerebri corticalis, eaque vel per sanguinem, tardius per cerebrum, & ejus involucra, procedentem, vel plane stagnantem, vel aliam peregrinam, dicto cortici incumbentem, materiam, effecta. Unde medulla, undique cortici annexa, comprimitur simul, nec ideo satis fluidi recipere valet. In comate vigili causa mixta esse videtur, qua in uno cerebri loco fluidi nervei influxus languidior, in altero auctior, est. In comate somnolento transitus fluidi nervei ex cortice in medullam non in uno loco, sed per totum impeditur cerebrum, idque vel ex nimia relaxatione vasorum sanguiferorum, vel sanguinis, præsertim spissi ac impuri, difficiliore per caput circuitu. Carus nunc fit propter nimiam sanguinis abundantiam & ebullitionem, qua cerebri, & ejus membranarum, vasa adeo expanduntur, ut comprimant mollem cerebri substantiam, & nervosi succi introitum in medullam per totum impediāt caput; nunc fit ex vasorum debilitate, nervei succi penuria, cerebrique compressione, a sanguine, difficilius per illud progrediente, profecta. Lethargus easdem, quas coma somnolentum, causas habet, sed graviores tantum, ac profundius corticalem cerebri substantiam penetrantes. In comate enim perinde ac caro nulla adhuc existit sanguinis vel feri extra vasa sua profusio, ut demum tanquam effectus prodeat, & in iisdem speciebus adsit potius circulus sanguinis per vasa meningum & cerebri corticalis valde debilitata difficilis, ejusdemque plus minus serosi stagnatio. Lethargus vero

Qq 2

causam

Cap. III.

causam habet vel feri tenuioris per arteriarum poros factam secessionem, vel plane effusionem. Medicus, morbum curaturus, id agat, ut ægrotum ex sopore excitet; deinde ut sanguinis & humorum difficilem per caput circuitum, stagnationem, & effusionem, removeat; denique ut robur membranarum vasorumque cerebri deperditum instauret. Vertiginis ratio in fluidi tenuissimi influxu in nervos opticos per eorum compressionem imminuto consistit. Nervi autem comprimuntur a partibus vicinis, præter naturam se habentibus, plexu scilicet choroideo, arteria carotide, & ventriculo cerebri tertio, quod sectiones testantur. Huic itaque imminuto fluxui fluidi nervei in nervos opticos præter varias visus læsiones debetur in vertigine sensus circumgyrationis. Sed, quomodo idæ in mente exeitentur, & quantum influentis fluidi ad singularem excitandam requiratur, determinatu & difficillimum & inutile esse, monet Noster. Quoniam vero circumgyrationis sensum comitatur idea casus, eaque cum metu conjuncta, a metus autem idea sit pedum vacillatio, quæ confuso fluidi nervei in musculos, situm erectum efficientes, influxu absolvitur, satis constat, quare sensum circumgyrationis subsequatur pedum vacillatio. In curando morbo Medicus eo respiciat, ut sanguinis & humorum in capite stagnationem discutiat, eorumque raptum ad inferiora derivet, & deinceps, ut systema partium nervosarum, a tono suo dejectarum, roboret, causarumque, quæ majorem sanguinis ad caput compellunt quantitatem, rationem habeat. Quando cum vertigine consociantur affectus arthritici, Autor usum duorum remedium efficacissimorum & veluti specificorum perquam extollit. Guttam serenam efficit paralysis nervi optici, & quod inde consequitur, tunicae retinae, uveæ, ac processus ciliarium. Unde patet, partes has nec tenfas satis esse, nec recipere posse radios luminosos, sed pupillam ampliata, atque ob relaxatos processus ciliares dilatata, apparere. In curatione humor stagnans, & nervos comprimens, discutiat, partesque affectæ roorentur. In gutta serena, inveterata discussionis causa,

fa, Antor aliquam laudem sulphuri antimonii, sua methodo præparato, tribuendam esse profitetur, formulamque pulveris exhibet. Quando excretoria glandularum ocularium, ex nervis & fibrosis tunicis conflata organa a sero subtili acri, vel etiam ab acribus effluviis, arroduntur, nervæ glandularum membranulæ crispari, & spasmodice contrahi, solent, ut sanguinis per arteriolas advecti refluxus ob venas contractas minus libere fieri queat, sed tubuli glandulosi a secedente sub mora hac sero plus justo amplientur, & hac ratione ingens oriatur feri falsi lachrymalis effusio, visusque adeo imbecillitas ex lippitudine. Suffusio, quam vulgo pro cataracta incipiente & spuria habent, quando scilicet de variis variarum rerum simulacris, de nigris punctis, muscis, oculis obversantibus, de nebula, araneorum telis, &c. conqueruntur, inde fit, quando aqueus pellucidus humor ab admixtis corpusculis & moleculis opacis, propter nimis dilatata vasculorum adducentium oscula, pelluciditatem ex parte amittit, atque varix & obscuræ, præsertim in chartis atque parietibus candidis, visui imagines sistuntur, adeo, ut pro majori hujus humoris opacitate major etiam obtingat objectorum obscuratio. In lippitudine serum falsum edulcoretur, ab oculo ad alia loca derivetur, & glandularum nimis remissarum robur restituatur. In suffusione humorum impetus a capite & oculis ad alia loca revocetur, & humores crassi impuri per convenientia remedia educantur, ut hac ratione per adducentia vascula, quæ *Hovius* nervoso-lymphatica vocat, impuri succi absorbeantur, & per adducentia puri advehantur, atque sic pristina humoribus claritas reddatur. Varia quoque auditus vitia ex atonia oriuntur, tinnitus scilicet & surdus aurium, auditus gravitas, & surditas. Ea vero nunc malæ constitutioni partium, nunc spasmico & siccitati auris, nunc laxitati partium ad audiendum necessariarum, debentur, de qua posteriori causa hic potissimum agitur. Et sigillatim quidem tinnitus excitatur, si causæ intra aurem internam adsint, quæ nervos acusticos in tremulum ac undulatorium, externis campanarum, aut alijs corporis sonori, sonis similem,

Cap. V.

VI.

Qq 3

motum

motum abripere valent. Tales in malo recentiori, corporibusque sanguine plenis, non aliz sunt, quam rapidiores ac fortiores arteriolarum, membranas aurium perreptantium, nervosque earum comitantium, pulsationes, quæ majorem sanguinis ad caput auresque congestionem, & in iis factam stagnationem, subsequuntur. Hæ vero stagnationes, si diutius persistunt, distendunt vasa, relaxant membranas, subsistensque sanguis naturali majorem tenuioris seri quantitatem per poros vasorum dimittit, quod intra meatus internos in vapores resolvitur, & sic, accedente præsertim ductus *Eustachiani* obstructione, indeque impedito tam aeris, quam vaporum, exitu, augeat tumultus, murmura, ac tonitrua aurium. Eadem quoque ratione stagnatio sanguinis, pariter ac copiosa seri tenuioris exhalatio, comprimendo nervos, sufficientem liquidi tenuissimi influxum remoratur, inducitque membranarum laxitatem. Unde soni externi debilius percipiuntur, & generatur auditus difficultas, quæ, compressis penitus nervis, cessanteque omni fluidi nervei influxu, in perfectam omnino mutatur surditatem. Ut adeo tria illa auditus vitia eandem originem, easdemque causas, licet gradu diversas, agnoscant, quæ generatim in humorum ad aures decubitu, & inde pendente relaxatione partium dictarum, consistit. In curatione rationali impetus ruentium ad caput humorum derivetur, stagnantes in aure succi diseutiantur, & obstructions referentur, influxusque fluidi nervei sufficiens restituatur, adeoque robur membranarum instauretur. Aphoniæ sedem in quinto nervorum pari querendam, ejusque causam proximam in plus minusve imminuto fluidi nervei in illum nervum influxu positam esse, existimat. Quapropter in morbi medicatione causæ, influxum fluidi nervei in nervos linguales, hos comprimendo remorantes, tollantur, roburque affectarum partium confirmetur. Delirium melancholicum atque maniacum, ab aliis quam maxime disjuncta, hic consociantur, quoniam ex una eademque origine & causa continentur, videlicet nimio sanguinis ad imbecille cerebrum appulsa, suboriuntur, ac non nisi gradu, & invasionis

tem.

Cap. VII.

VIII.

tempore, variant. Causa itaque continens melancholiz in sanguinis crassioris nimio ad imbecille & flaccescens cerebrum impulsu, stagnatione, ac difficillimo progressu; furoris autem maniaci origo & fundamentum in sanguinis crassioris ac melancholici vehementiori & impetuosâ per cerebri vascula & fibrillas motu, collocatur. Ad felicem igitur morborum sanationem pertinet, ut sanguis, in cerebro nimia copia congestus, ad interiora derivetur, æquabilisque ac liber per caput & universum corpus progressus procuretur; causæ materiales & occasionales, quæ naturalem sanguinis temperiem pervertunt, ejusque metastasin efficiunt, removeantur, & consuetæ naturales & salutare excretiones in ordinem redigantur. Vasis denique cerebri ac membranæ vis naturalis systaltica, quæ nimis dejecta est, restituatur. Ubi de virum

Cap. IX.

lapsu, & animi deliquiis, agitur, syncope pariter atque lipothymia in considerationem venit. Illius ratio ab impedito vel minus sufficienti liquidi spirituosâ per nervos, & sanguinis probe temperati per vasa coronaria, in musculolam cordis substantiam influxu arcessitur. Lipothymia vero tantum gradu diversa est, atque sit a non prorsus quidem sublato, sed tantum nimis debilitato, cordis motu. In utriusque mali paroxysmo motus cordis per idonea & efficacissima remedia citissime restituatur. Extra paroxysmum causæ tollantur, ne redeat malum. Subitam mortem morbosque varios insanabiles efficiunt polypi, vitali sanguinis in suis vasis circuitu intercepto. Materiam horum polyporum suggerunt particulæ chyli & lymphæ graviores viscidioresque & fixiores, utpote quæ motu facile coeunt, & in unam coagulantur massam, quæ fibroso-membraceum corpus constituit. Polypus itaque est concretum solidum fibrosum, ex viscidiori lymphæ parte, ope fortioris motus seu impulsus, coagmentatum. Ut vero per dictam idoneamque medicationem corpus a polypo immune conservare licet; ita eundem jam præsentem tollere difficilior est. In polypo tamen incipiente & pituitoso non omnis spes est abjicienda, cui salia alcalina & duplicata, dicta tenuis, potus

X.

suffi-

Cap. XI.

sufficiens, & aquæ Carolinæ, aliquam opem ferunt. Quando autem fibrosa jam fuit & durior substantia, nimia tantum sanguinis abundantia impediatur, & fluiditas conservetur. Phthisis debetur insigni pulmonum læsioni, per scirrhosam vel ulcerosam corruptionem aut abscessum inductæ. Medicatio in curativam, mitigativam, & præservativam, dividitur. In curativa acrimonia temperetur & mitigetur, visceri & crassi humores detergantur, ulcus repurgetur, affluxus humorum a partibus affectis divertatur, & post hæc partes læsiatæ consolidentur & conglutinentur, viresque deperditæ reparentur. Quibus ex caulis reliquis remediis anteferri meretur lac, sive lac ipsum solum, sive serum lactis, sive lac aliis medicamentis, aquis salubribus, infusis, & decoctis pectoralibus laxantibus, anodynis, & diureticis, admixtum. Imo cum lacte & balsami pectorales commode assumuntur. In mitigativa methodo acrimonia humorum temperetur, acris salsaque eorum dyscrasia repurgetur, ulterior pulmonum exulceratio avertatur, & tonus pulmonum conservetur. In præservatoria causæ tempestive avertantur, vel, si jam adsit quædam in pulmonibus læsio, ea convenienti remediorum usu vel plane tollatur, vel, ne ulterius progrediatur, impediatur. In enarrationibus morborum notabile præ ceteris est exemplum tussis phthisicæ, cum corporis tæbe conjunctæ, & irritis remediis aliis ope fragorum hortensium, magna copia comestorum, feliciter sanatæ. Icteri causam proximam constituit regurgitatio bilis ad vasa lymphatica, ipsumque sanguinem, ab impedito vel prorsus intercepto ejus ad intestina itinere, sive a spasmis, sive obstructione ductuum hepaticorum & vesiculæ felleæ, proficiscatur. In ictero, qui a vehementiori ductuum biliariorum per hepar disperforum strictura oritur, tensæ & contractæ partes relaxentur, adeoque bilis tam secretio suspensa, quam ad intestina descensus impeditus, naturali restituatur libertati, & demum bilis acrimonia, quæ spasmodorum genitrix est, mitigetur ac contemperetur. In contumaciori autem vasorum biliariorum obstructione, ea bilio-

XII.

biliosa viscida & terrestri cretacea amurca invicem concreta proveniens, dissolvatur, atque hac ratione liberior bilis ad duodenum cursus restituatur, vasa quoque bilis secretoria, a sanguine tenaci viscido infarcta, convenientibus remediis referentur, ut succum biliosum ad ductus biliarios libere transmittant, denique valde retardatus & impeditus sanguinis circuitus, qui obstructionum concretionumque constituit fundamentum, per totam vasculosam hepatis substantiam naturalis reddatur & æquabilis. Cachexiæ & chloroseos causa proxima residet in sanguinis impuri & humorum viscidorum minusque spirituosorum abundantia, ob vehementer labefactum tonum, vigorem, & robur partium solidarum, maximeque viscerum, quibus chylus præparatur, & sanguis conficitur ac repurgatur, in corpore collecta. Ad persananda hæc mala sanguis & humores crudi, spissi, & impuri, corrigantur, & per congrua emunctoria e corpore ejiciantur; horum vero loco subtilis chyli sanguinis & humorum procuretur generatio; deinde, reſeratis viscerum, minimorumque vasorum, oppilationibus, liber & æquabilis sanguinis per omnes corporis tam externas, quam internas, partes restituatur circuitus, & denique nimis dejectus ventriculi & intestinorum viscerumque tonus roboretur. Ceterum singularis est observatio de peculiari urinæ vaccarum in cachexia virtute. Hydropis vera ratio continetur in circulari sanguinis per venas motu & progressu valde difficili, tardo, & variis ex causis præpedito, quo fit, ut serum a sanguine separetur, atque intra cavitatum interstitia subsistat. Si medicationi locus adhuc superest, primo aqua, intra cutim & cavitates collecta, evacuetur, & deinde causa, ob quam accumulata fuit, & quotidie adhuc accumulatur, tollatur. Flatulentix ventriculi & intestinorum causam materialem suppeditant cibi consilientix tenacis, nuncidæ, & ad gignendos flatus admodum proclivis. Proxima autem causa debetur insigni motus peristaltici debilitati, ab impedito fluidi nervei & sanguinis arteriosi in intestina influxu exortæ. Tympanifici vero affectus causa in spasmodica tunicarum intestinalium strictura collocatur,

Cap. XIII.

XIV.

XV.

Rr

catur,

Cap. XVI.

cat, utpote qua diutius inhzrente, pori & meatus intestino-
rum, per quos vapores transpirant, angustiantur & obsiruun-
tur, ut pollea intus retenti, vi sua elastica propter admixtum
aerem expandente, tam violentam intestinorum distensionem
efficiant. His itaque statibus in curatione exitus paretur,
materia tenax viscida attenuetur, & per alvum leniter educa-
tur, intestinorumque robur confirmetur. Cachexia uterina, seu
fluor albus, oritur ob infarctum & stagnationem sanguinis &
feri in matrice, ob tonum motumque ejus facile lzxsum & de-
jectum, tardumque admodum per circumflexa & in serpenti-
nos ductus porrecta vasa sanguinis & humorum cursum, len-
tiores etiam sanguinis per venulas valvulis destitutas regres-
sum. A stagnatione tandem ipse lymphaticus & serosus hu-
mor segniori progressu lentescens, exitum sibi parat,
ac per orificia, passim in utero & vagina obvia, profunditur.
Quare ante omnia prima regio & universum corpus a nimia
feri colluvie per congruas evacuationes liberetur; deinde to-
nus ac robur uteri deperditum restituatur, quo facilius & ex-
pediatur sanguinis & humorum per ejus vasa fiat progressus,
& inde molestæ pravorum humorum stagnationes ac secessio-
nes, pororumque & glandularum relaxationes, tollantur, &
ulteriores avertantur. Posthæc ventriculi habeatur ratio, ut
boni succi ad sanguinem ferantur, qui vitiosos corrigant, &
bonos corporique salutare amissos restituant. Denique in ma-
lo graviore, & simul cachectico, tota sanguinis & humorum
massa in meliorem reducatur temperiem, excretiones natu-
rales adjuventur, & visceribus pristinum suum robur ac na-
turalis reddatur functio. Gonorrhææ malignæ causa est mi-
asma, ex impuro coitu cum fœmina, vel gonorrhœa maligna,
vel lue venerea, infecta, ad viri genitalia, & deinceps per po-
ros ad lympham, vel liquorem seminalem, translatus, cujus
crasin mixtionemque naturalem plane destruit & dissolvit,
partim causticam & erodentem, partim putredinosam, indo-
lem inducendo, unde dolores, ardores, tumores, inflamma-
tiones, & exulcerationes genitalium, suam habent originem.
Gonorrhœa benigna autem fit ex seminis nunc abundantia,

nunc

nunc acrimonia, & a tabefactato organorum genitalium tono. In hac igitur benigna idoneis remediis laxantibus copia impuri feri, si in corpore abundat, evacuetur, & a parte affecta derivetur, partesque nimis relaxatæ & flaccidæ accommodata roborante medicina confirmentur. In maligna susceptum in genitalia virus venereum celerime e corpore expellatur; deinde, si a virium lenta materia relaxatæ jamjam, erosæ, vel ulceratæ fuerint, semini tam conservando, quam excernendo, dicatæ partes mudentur, consolidentur, & roborescant, adeoque uberiorum humorum affluxus antevertat. Satis nunc de libri præstantissimi summa dixisse videmur, ex qua prudens Lector facile intelliget, quorundam adhuc restare morborum expositionem. Ut itaque *ostendatur*, quem Illustris Autor pollicetur, *Tomus* eo maturius in lucem exeat, atque adeo Opus hoc integrum, nec ulla sui parte mutilum, prorsus ad umbilicum deducatur, iterum conceptis verbis Celeberrimo Viro vitam longam, senectutem vegetam & tranquillam, viresque semper sibi constantes, publice commendamus.

OBSERVATIONES QUÆDAM MEDICOPRÆCTICÆ & physiologicæ, inter quas aliquanto fufius agit de Asthmate & Hydrophobia; quarum etiam decem ultimis subjiciuntur administrationes totidem corporum, morbis, quorum tituli Observationibus iis præfiguntur, affectuum, Anatomicæ, cum particulari & non ante observata de cordis in embryone vasorum structura, & sanguinis juxta eam circuitu, Dissertatione, Autore
HUM. RIDLEY, Med. Doct. Coll. Reg.

Med. Lond. Soc.

Lugduni Batavorum, apud Gysbertum Langerak & Theodorum Lucht, 1738, 8.

Plag. 14½, cum Tab. 22. 1.

Et si selectissimæ hæ Observationes, varii ad Pathologiam & Therapiam spectantis argumenti, singulæ mererentur exponi,

Rr 2

poni, quo ipso Lector habiturus esset rerum uberrimarum ex materia medica per Britannias usitata farraginem, malum tamen Observationis, quæ tertia & trigesima est, contenta integra ob materię dignitatem Annalibus nostris inferere, quam tantillum decerpere ex omnibus. Cor Embryonis cum valis & annexis pulmonibus ad examen revocatum fuit. Pulmones aqua submersi fundum petebant. Foramen ovale eo in loco repertum fuit, quo a *Lovero*, *Lanciso*, aliisque, indicatur, nempe citra tuberculum *Lovero*, quod cum valvula *Eustachii* coincidit, hoc truncus adscendentis venæ cavæ in venæ pulmonalis finem patet. Prætenso foramini valvula, & post nativitatem embryonis ob novos pulmonum usus obliterata, aliam respirantis animalis sanguini directionem conciliat, quam quæ antea fuit. Quem in finem, prout in vitulino corde nitide apparet, chordæ fibræque musculares illi, qua venam pulmonalem respicit, regioni annectuntur. Ipsum prædictum *Loveri* circa foramen ovale tuberculum haud parum ad aperturam foraminis servandam contulit, cujus nexu nunc soluto, in se rediit valvula, & stabilis ante ostium permanet. Examinatur Cl. *Merry*, Chirurgi Parisiensis, de usu istius foraminis sententia, quæ habetur in Commentariis Academiæ Regiæ Parisiensis. Argumentatur Clarissimus ille Vir, contra receptam sententiam de sanguinis a cava in pulmonalem transitu, sequentem in modum: *Arteria aorta deberet amplior esse pulmonali, si verum esset, omnem sanguinem in sinistrum ventriculum effundi, sed contrarium apparet ex autopsia, siquidem pulmonalis duplo capacior est.* Hinc novam sibi excogitavit de circuitu sanguinis sententiam, nempe, sanguinis columnam, quæ est in vena cava, opinatur, omnino præterfluere foramen ovale, & in ventriculo dextro constitutum, tripartito dividi, unam tertiam majorem per canalem arteriosum, qui communicationis dicitur, in arteriæ truncum descendentem ferri, reliquas intrare pulmones, inibi circulum peragere, postea redire ad venam pulmonalem, hinc per foramen ovale regurgitare ad cor dextrum, &

priora

priora repetere. Inde *Merryus* sinistrum cor & aortæ truncum otiari putat in embryone. Oppugnarunt hancce sententiam, post *Verheyonium* & *Cl. Bufferium*, omnium recentissime *Clariss. Vir, Treuius*. *Verheynius* opponit valvulam foraminis, quam *Merryus* negat, itidemque foraminis diametrum, pro tantillo, quod ex pulmone reflueret sanguinis, majorem. *Bufferius* inæqualitatem diametrorum in utraque arteria cordis, tanquam princeps argumentum, negat. *Ridleyus* ab utraque sententia tantisper discedit, & probe pensitans, in eo recte sentire *Merryum*, quod canalem arteriosum aortæ diametro fere æqualem judicaverit, hinc accurate considerans utriusque rami arteriæ pulmonalis declivem situm, valvularumque semilunarium renitendi robur, opinatur, minus, quam hactenus creditum fuit, sanguinis, non tamen omnino nihil, in quo a *Merryo* dissentit, ad cor sinistrum ferri, interea majorem sanguinis partem per communicationis canalem ad aortam transire, nonnihil tamen ad pulmones evadere, quandoquidem sanguinem ex pulmone vitulino (abortivo sine dubio) præcisissimis arteriis expresserit. Opinatur adeoque, sanguinis aliquem, sed lentum, per pulmones esse transitum. Adduntur alia, differentiam partium adulti & embryonis attinentia, momenta; habentque haud leve meritum Editores, quod novam hujus elegantis libelli nobis procuraverint editionem.

DE OBSERVATIONIBUS, PRO FIGURA
Telluris determinanda in Gallia habitis, Disquisitio, Auctore ANDREA CELSIO, in Acad. Upsal. Astronom. Prof. Regio, Christianiss. Franc. Regis Pensionario, Soc. Reg. Lit. & Scient. Suec. Secretario, Societatum Reg. Lond. & Berol. atque Academiæ Nat. Curios. & Inst. Scient. Bonon. Membro.

I. Figuram Telluris sphæroidicam, ex gradu meridiani ad circulum polarem arcticum, Christianissimi Galliarum Re-

gis jussu, nuper mensurato, demonstrari, notissimum jam est. Scilicet planetæ globus, quem incolimus, haud aliter ac Jovis stella, circa axem revolvitur, diametro Equatoris minorem, prout olim divinaverat Vir immortalis, *Isaacus Newtonus*, suis principiis merito fides. Hæc autem figura e diametro opponitur hypothese, quam, observationibus in Gallia a se factis inducti, asserere non dubitarunt Astronomi famigeratissimi, *Cassini*, Pater & Filius. Unde *Jacobus Cassini* coram Academia Regia Scientiarum in observationes Tornenses diligentius inquisivit, probationem dioptrarum telescopicarum per conversionem Sectoris neglectam esse, maxime urgens. At huic objectioni argumentis adeo validis respondit Cel. *Maupertuis*, ut tandem a parte contraria nihil plane regeri potuerit. Quare *Cassinum*, & ratione *Newtoniana*, & experientia Tornensi, convictum, sententiam suam, ut Philosophum decet, dudum mutasse, nullus dubito. Interim tamen hæc disputationes, in Academia agitata, locum dedere vel imperitis, vel invidis, rumore de observationibus Tornensibus, ob probationem instrumenti omissam incertis, non modo per urbem, sed per universum orbem, spargendi. Nova enim publica, & amicorum meorum ex diversis Europæ partibus literæ, eandem cecinere cantilenam. Proinde me, cui honori fuit, hisce observationibus sociam commodare operam, rem bonis omnibus haud ingratam facturum spero, si originem & falsitatem rumoris publice ostendero.

II. Non miror, hanc instrumenti rectificationem necessariam censerî a Cl. *Cassino* & aliis, qui justam ideam Sectoris, a nemine adhuc descripti, ab organis tamen in Gallia usitatis toto cælo differentis, sibi formare non possunt. Etenim *Cassinus* instrumentis usus est, quæ aut per partes, aut integra transportata, curruum vehementi quassatione facile luxari poterant. Unde ipsi, ut de se fatetur in *Opere de Fig. Tell.* pag. 275 edit. *Holl.* in arcu cœlesti determinando distantias stellarum a vertice veras quæsiuro, e re omnino fuit, Sectorem suum convertere, hoc est, limbi facie divisa ad orientem.

rientem primum exposita, & deinde eadem facie ad occidentem conversa. Hac sane methodo error, ex mutata dioptrarum positione ortus, semper detegitur. Nobis vero, de differentia tantum inter distantias stellæ a Zenith, in utroque gradus termino observatas, sollicitis, minime opus fuit, dioptrarum situm, utpote eundem semper & invariaturum, examini subicere. Nulla certe suspicio nobis suboriri potuit de mutatione dioptrarum in hoc instrumento, exquisitissime adornato cura & sagacitate Cl. *Grabami*, cui Astronomia practica subtilior suum debet fastigium. Præcipuam Sectoris partem constituit tubus, ex orichalco solide compactus, & 9 ped. Lond. longus, cui firmiter annexum est medium limbi, 5 gradus cum dimidio continentis. In hoc telescopio vitrum objectivum nullo modo e situ suo divelli potest; fila autem argentea dioptræ ocularis, ne calore vel frigore laxari aut prorsus rumpi queant, ab elateribus semper tensa tenentur. Præterea, ne ulla externa vi dioptræ telescopicæ in perfectionibus læderentur, tubus, cui limbus adhæret, in cista bene clausa firmiter reconditus, navigii ope per fluvium transferebatur Tornensem; hieme vero multo sæno circumvolutus, traharum lento motu super nives vehebatur. Imo hæc arca tanta cura & attentione a nobis fuit custodita, ut Lappones, in illa idolum quoddam servari, facile sibi persuaderent. Quare etiam, Cl. *Picardum* hanc probationem nunquam instituisse, Cl. *Cassinus* nobis persuadet pag. 274; licet *Picardo* multo major fuerit difficultas, magnum suum instrumentum *Malvoisina Ambianum* sine dioptrarum læsione transportandi. *Picardianas* tamen observationes ut accuratissimas multis laudibus ubique merito extollit *Cassinus*. Conf. pag. 2, 243, 275, 310; & *Commentar. Acad. A. 1718 pag. 315*. Ceterum minime credendum est, in climate Tornensi, ubi cælum raro serenum fuit, ubi unica tantum stella certo anni tempore observationibus est idonea, ubi denique, ut cetera taceam incommoda, non semper trahis vel navigiis iter institui potuit, tempus, quod vix observationibus necessariis superpeteret, in operationes supervacaneas impendere nobis licuisse.

se. Verum argumentum omni exceptione majus nobis sup-
 peditant ipsæ observationes. Mense enim Septembri per
 stellam δ *Draconis* arcus cœlestis Torneam inter & montem
 Kitis primo inventus est. Deinde mense Martio anni se-
 quentis eundem arcum per stellam α *Draconis* investigavi-
 mus, non nisi tribus secundis cum dimidio a priori differen-
 tem; quamvis instrumentum ab uno gradus termino in al-
 terum bis fuerit transportatum. Qua quidem accuratione
 in simili negotio antea neminem verlatum fuisse, vel ipse fa-
 tebitur Cl. *Cassinus*, cujus observationes, diversis stellis institu-
 tæ, si non duobus minutis primis, certe quadraginta secundis,
 in arcu cœlesti determinando inter se discrepant; licet or-
 gana sua per conversionem probare nunquam neglexerit.
 Sed omnia hæc fusius dilucidantur in ipso *Observationum*
Tornensium Commentario, qui Parisiis jam sub prelo sudat.

III. Stabilita sic figura Telluris vera, merito quæritur,
 quid de operationibus *Cassinianis* sentiendum sit? Ingenue
 fateor, me viribus meis, utut exiguis, magis fidere in obser-
 vationibus Tornensibus defendendis, quam in judicio meo
 qualicunque ferendo de laboribus Viri Celeberrimi, quem ob
 multa in rem Astronomicam merita veneror, & cui pro sin-
 gulari in me, Parisiis degentem, benevolentia & humanitate
 sum obstrictissimus. Pace itaque tanti Viri, pauca in me-
 dium proferre liceat momenta, quæ observationes ejus du-
 bias reddere videntur. Mensuræ graduum, in boreali Galliæ
 parte Lutetiam inter & Dunkerkam institutæ, a veritate mul-
 tum aberrare non possunt. Triangulis enim exquisitis Cl.
Picardi viginti adhuc alia adjecit Cl. *Cassinus*, ipsum præeun-
 te *de la Hirio*, qui A 1683 triangula *Picardiana* confirma-
 vit, & hæc operationes usque ad Montem Cassellum so-
 lita sua continuavit diligentia. Conf. *du Hamelii Hist. Acad.*
pag. 222. Præterea Cl. *Cassinus* suas dimensiones, per duos
 tantum gradus productas, basi, in planitie litoris arenosi pro-
 pe Dunkerkam mensurata, stabilivit. Trium tamen pedum
 discrepantia inter mensuras baseos bis repetitas justo major
 nobis apparet, qui in linea multo longiori duplici vice hexa-
 pedis

pedis æstimata non nisi quatuor digitorum differentiam invenimus. Quod vero ad observationes Astronomicas spectat, Sectoris radius 9 pedes habuit, ejusque limbus 12 gradus, in vigesimum quodvis minutum secundum divisos. Positionem centri, & divisionem limbi, diversis modis Parisiis examinavit Cl. *Cassinus*, Dunkerka reversus. Ut tamen correctio illa, mutationi centri conveniens, observationibus Dunkerkanis tuto applicari posset, examen centri Dunkerkæ quoque instituendum fuisset. Siquidem incertum est, num instrumentum vel in itinere Parisiis Dunkerkam, vel in reditu, luxatum aut incurvatum sit. In arcu cœlesti determinando inter diversarum stellarum observationes 41 secundorum differentia enormis videtur. Credibile quidem est, stellas plerasque minus lucidas tubo 3 ped. non sat bene visas fuisse. Cui tamen incommodo obviam ire potuit Cl. *Cassinus*, Sectori suo telescopium applicando, 9 vel 10 pedes longum, idque circa centrum & medium limbi, ut a Cl. *Picardo* & omnibus aliis factum est. Observationes posteriores anni 1719 prioribus, statim post reditum Parisiis habitis, præferendas esse, arbitror: quippe quæ, eodem fere anni tempore cum Dunkerkanis institutæ, correctione Bradleyana fixarum non indigent. Quæ tamen cautio minus forte necessaria censeri potest, ubi errores in observandis stellis commissi hac correctione sæpe sunt majores. Arcus itaque erit per observationem stellæ

β Draconis	—	—	2.	12.	17½
γ	—	—	2.	12.	4
κ Cygni	—	—	2.	12.	9½
ι	—	—	2.	12.	18½
θ	—	—	2.	11.	48
α	—	—	2.	12.	38½
Medius	—	—	2.	12.	11

Sed, omissis duabus ultimis, quæ a ceteris & inter se nimis differunt, medius ex quatuor prioribus erit 2. 12. 12½

Si per hunc arcum distantia parallelorum inter Dunkerkam & Lutetiam 125454 hexap. Paris. dividatur, gradus unus

S:

terræ

terræ evadit 56935 hexap. a *Picardiano* niinium abludens. Verum inter observationes *Malvoisina* & *Ambiani* factas mensuræ intercessit spatium, quo stella δ *Cassiopeæ* polo mundi ex theoria *Bradleyana* appropinquavit $8\frac{1}{2}$ secundis, & præterea sec. 12, propter æquinoctiorum præcessionem. Quare arcus celestis Cl. *Picardi*, refractione etiam, ut monet Cl. *Cassinus*, correctus erit $1^{\circ} 23' 6''\frac{1}{2}$. Si jam distantia parallelorum 78850 hexap. per hunc arcum dividatur, gradui uni 56926 hexap. respondent. Unde 135 hexapedarum differentia inter gradum *Picardianum* oritur & illum, qui ex distantia per totam Galliam mensurata colligitur; quorum tamen mira congruentia argumento fuit Cl. *Cassino* suis mensuris magis fidendi. Vid. pag. 302.

IV. Pergo ad operationes in Gallia meridionali sub ductu Cl. *Joannis Dominici Cassini* peractas. Limbum in singula tantum minuta prima divisum in itinere secum portavit *Cassinus*, cui postea *Perpiniani* ceteras instrumenti partes adiecit. Huic autem limbo centrum invenire, a præstantissimis hodierno tempore artificibus operatio censetur valde difficilis. Nec ulla fit mentio, vel *Caucolibere* (*Collignon*) vel *Parisiis* positionem hujus centri & divisionem limbi probatam fuisse. Et valde mirum mihi videtur hoc instrumentum, per viam adeo longam & asperam currentibus equis agitatum, *Caucolibere* *Parisiis*, sine centri aberratione, vel ulla alia mutatione, advehi potuisse. Compages sane hujus organi ita debilis apparet, ut, eam, in ipsis observationibus fulcro parum firmo ianixam, multum vacillasse, credere par sit. Fateor quidem, distantiam Capellæ a vertice, quam hoc instrumentum *Parisiis* captavit Cl. *Cassinus*, alio ejusdem generis organo, eandem distantiam prodente, comprobata esse. Quæ etiam cum Capellæ observationibus, *Tornez* factis, aliorumque, congruit. Sed inde non satis tuto concluditur, veram quoque Capellæ a Zenith distantiam *Caucolibere* observatam fuisse. Punctum enim divisionis, huic distantie in limbo respondens, nunquam examinatum est. Centrum insuper male collocatum, in uno divisionis puncto verum arcum monstrare.

strare potest; nempe quando centrum verum & erroneum sunt in eadem linea ad horizontem perpendiculari. Ipse denique limbus incurvari potuit. Ceterum quinque stellarum distantia a vertice Caucolibere determinatae sunt, quas etiam Parisiis observatas esse, Cl. *Cassinus* affirmat pag. 9. In arcu tamen caelesti indagando harum non nisi unica usus est. Certe uterque *Cassinorum* pag. 174 & *Commentar. Acad. A. 1701* pag. 236 scribunt, se instrumento decempedali Caucolibere observasse plurimas stellas vertici vicinas, eo fine, ut eas postea comparare possent cum observationibus earundem stellarum Parisiis instituendis. Præcipue miror, cur distantia Lyræ a vertice Parisiensi nulla fiat commemoratio; cum tamen hæc stella, quæ telescopio 3 ped. optime semper observatur, quantitatem arcus caelestis, per Capellam stabilitam, egregie confirmare potuisset. Verum in Tabulis Astronomicis MS. Cl. *Cassini* reperi declinationem Lyræ initio anni 1710 applicatam 38°. 32'. 50", quæ hoc Sectore decempedali sine dubio Parisiis observata est. Non enim supponere licet, Cl. *Cassinum* catalogo suo fixarum inserere voluisse declinationes, minoribus instrumentis captas, cum ipsi præsto esset observatio Lyræ organo majori habita. Quicquid sit, ex hac declinatione deducitur, Cl. *Cassinum* distantiam Lyræ a vertice Parisiensi observare debuisse anno 1701 10°. 17'. 41". quæ per aliorum quoque observationes confirmatur, & secundum

<i>Flamstedium</i> erit	—	—	10.	18.	12
<i>Observationes Tornenses</i>	—	—	10.	18.	0
<i>Hevelium</i>	—	—	10.	17.	45
<i>De La Hire</i>	—	—	10.	17.	39

Hæc ultima, cum *Cassiniana* conspirans, satis exacta videtur. Affirmat enim Cl. *De la Hire* in *Tab. Astron.* se viginti annis summa sedulitate ac diligentia meridianam altitudinem Lucidæ Lyræ exquisitis quadrantibus Astronomicis indagasse. Distantia vero Lyræ a Zenith Caucolibere a Cl. *Cassino* accurate, ut pag. 77 memorat, observata est 4°. 0'. 34".

Distantia Parisiensis	—	—	10.	17.	41.
Ergo differentia distantiarum	—	—	6.	17.	7.

Cl. *Cassinus*, in corrigendis observationibus *Riccioli* occupatus, dicit *pag.* 375, se mense Februario A. 1702 observationibus multoties repetitis, & organo decempedali, determinasse distantiam apparentem *dextri humeri Aurigæ* a vertice *Parisiensi*

quæ debite correctæ erit	—	—	3°. 58'. 35".
--------------------------	---	---	---------------

Cauloliberi autem fuit	—	—	3. 58. 41.
------------------------	---	---	------------

Ergo summa distantiarum	—	—	2. 20. 44.
-------------------------	---	---	------------

Arcus per Capellam determinatus	—	—	6. 19. 25.
---------------------------------	---	---	------------

Rejecta observatione <i>Lyræ</i> , nimum ab hisce duobus recedente, erit arcus medius	—	—	6. 19. 11.
--	---	---	------------

Ceteris stellis Caulolibere visis nullas observationes *Parisienses* respondentes invenire potui. Patet vero, hæc observationes nimum quantum incertas 2 minutis & 18 secundis inter se differre. Unde non miror, Cl. *Jo. Dom. Cassinum* ex observationibus fixarum instrumentis ordinariis *Parisiis* & *Caulolibere* factis hunc arcum determinasse in *Commentar. Acad. A. 1701* 6°. 18'. 0", qui 57 secundis ab arcu per *Capellam* invento discrepat. Quam quidem differentiam observationi *Capellæ* organis ordinariis *Parisiis* habitæ imputare conatur *Cassinus pag.* 178. Sed *Cassinus*, Pater, non modo per *Capellam*, verum etiam per reliquas stellas, arcum suum stabilivit. Profecto non facile percipitur, in omnibus istis stellis, instrumento, cujus semidiameter est 3 ped. observatis, uno minuto primo semper errari posse. Constat enim, Cl. *Jo. Cassinum* ejusdem generis instrumentis observasse *Ambianensis Póli* altitudinem intra aliquot secunda eandem prorsus cum illa, quam Cl. *Picardus* magno & exquisito suo Sæctore antea invenerat. Conf. *Du Hamel Hist. Acad. pag.* 257.

V. Dimensiones triangulorum, quas usque *Biturigem (Bourges)* A. 1683 Cl. *Jo. Dom. Cassinus* produxit, satis accuratæ videntur. Anguli enim, teste *Du Hamel pag.* 233, instrumento huic consimili, quod Cl. *Picard* olim adhibuerat, & eadem diligentia sumti: adeo, ut sæpe tres anguli summam 180 gr. efficerent; interdum 10 aut 15 sec. decrant, &c. Ceterum parvi

parvi errores, si qui in angulis capiendis irrepererint, lineam meridianam duobus gradibus vix a basi mensurata distantem parum efficere valent. Biturige Cl. *Cassinus* in observationes Solis, fixarum, quibus eodem tempore diligenter invigilabat Cl. *De la Hire* in Observatorio Regio, duas omnino septimanas impendit. Differentia itaque inter latitudines Lutetiz & Biturigis inventa est, ex altitudinibus meridianis

<i>Solis</i> cum ejus declinatione	—	—	1.	45.	24
<i>Præced. trium Aquila</i>	—	—	1.	45.	25
<i>Sequ. trium Aquila</i>	—	—	1.	45.	35
<i>Aldebaran</i>	—	—	1.	45.	35
<i>Solis</i>	—	—	1.	45.	40
<i>Lucida Aquila</i>	—	—	1.	45.	40
<i>Capella</i>	—	—	1.	46.	5
<i>Media</i>	—	—	1.	45.	38

Unde gradus medius Lutetiam inter & Biturigem provenit 56850 hexap. posita parallelorum distantia 100087 hexap. Cum vero moneat Cl. *Cassinus* pag. 203, se observationes præcipue Solis & fixarum in Aquila pluribus vicibus diligenter iterasse; observatio Capellæ, quæ a ceteris quoque longius abit, rejicienda videtur. Et sic hæc latitudinum differentia melius inter se cohærebunt, quam quæ instrumentis decempedalibus æstimatæ sunt. Medius vero arcus ex sex prioribus erit 1°. 45'. 33", & gradus medius 56894½ hexap. qui, cum gradu *Picardiano* collatus, figuram terræ, ex observationibus ad *Circulum arcticum* factis deductam, mirum in modum confirmat.

VI. Venio jam ad Triangulorum observationes, quas Cl. *Jo. Dom. Cassinus* A. 1700, quinque & septuaginta annorum senio confectus, & solita oculorum acie, qua novos olim in cælo detexerat orbes, non amplius utens, aggredi non dubitavit. In hoc opere difficultates novæ sese offerebant. Vid. *Hist. A. 1700*. Etenim montosæ Marchiz, Arverniz, Rutinensis Provinciæ, & Occitaniz, regiones superandæ erant. Ubi vel in montibus asperis & incultis signa erigenda, vel ad ipsos mon-

montium apices collineandum: ubi incommoda stationum loca, observationes rite peragi, & sæpius, ut oportet, repeti, non sinebant: ubi sæpe Octante utendum, magis quidem tractabili, in quo tamen positionem telescopiorum, quæ ad angulum rectum sibi invicem applicantur, probare non semper, ut opinor, licebat: ubi denique natura soli triangulis melius formandis forte obstat. Quare in multis triangulis occurrunt anguli nimium acuti, & præterea duo tantum anguli observati. Unde errores maximos gigni posse, Cl. *Cassinus* in observationibus *Snellii* & *Riccioli* examinandis pag. 355 & 368 merito judicat. Imo censet Cl. *Picard*, angulos 20 gradibus minores omnino vitandos esse. Conf. *Du Hamel Hist. Acad.* pag. 200. Accedit, quod non pauca triangulorum latera nimis longa videantur. Latera enim optima nec longitudinem, nec breviteratem, nimiam volunt. In distantibus brevioribus error, in medio signi, vel apice anguli, citè observando commissus, magis sensibilis est; in distantius vero longioribus, si objecta non satis distincte apparent, facile errari potest. Sed datur pro certa telescopii organo geometrico applicati longitudine & bonitate, distantia media, ubi hi duo errores simul conjuncti minimi sunt.

En itaque exempla!

Triang.	XX.	LHM.	10.	13.	50.		
		HM.	30110.	2.	hexap.		
—	—	XXI.	ADB.	17.	34.	25.	non observatus.
—	—	XXIV.	EFD.	17.	23.	40.	non observatus.
—	—	XXVI.	HGF.	17.	24.	10.	
—	—	Duo anguli observati.					
—	—	XXVII.	Duo anguli observati.				
—	—	XXVIII.	Duo anguli observati.				
—	—	XXXII.	Duo anguli observati.				
—	—	EI.	39952.	2.			
—	—	XXXIII.	FH.	33291.	4.		
—	—	XXXVI.	DBE.	18.	2.	20.	
—	—	XXXVII.	EBF.	17.	26.	55.	
—	—	BF.	33518.				

XXXVIII.

Triang.	XXXVIII.	BG.	41750.
—	XLII.	KIL.	20. 15. 15.
—	XLIII.	Duo anguli observati.	
—	XLV.	QRL.	13. 24. 45. non observatus.
—	—	LR.	30344.
—	XLVI.	Duo anguli observati.	
—	XLVII.	Duo anguli observati, e quibus tertius angulus ad Montem Candidum. (<i>Canigou</i>) conclusus est. Mi- rum sane, in termino triangulorum primario, & ex novem stationibus viso, nullum angulum captum esse.	
—	—	QsR.	Qf. 35936.
—	—	Qae.	sQa. 4. 16. 40.
—	—	—	Qa. 34292.
—	—	asc.	sac. 12. 37. 0.

VII. Quod autem ad triangula attinet, quæ tantum ceteris
probandis inserviunt, illa certe vitii supra nominatis non ra-
ro laborant. Inprimis hic noto, sola montium cacumina,
sine sigais ibidem exstructis, observata fuisse. Qui sane mo-
dus non tuto adhibetur in montibus, qui pro diverso oculi
situ, instar *Protei*, in varias sese vertunt formas; adeo, ut val-
de dubitari posset, num in diversis stationibus ad idem apicis
punctum visus fuerit directus. Quare sæpiissime ex hisce tri-
angulis latera primaria aliquot hexapedis vel minuuntur vel
augentur.

Ex. Gr.

Triang.	XXIV.	EE.	11386.	<i>Differ.</i>
—	TEF.		11380.	6.
—	XXXII.	FI.	29976.	
—	FGI.		29984.	8.
—	XXXIII.	HI.	14428.	
—	GHI.		14235.	7.
—	XXXV.	BD.	17710.	
—	BDm.		17704.	6.
—	XLVIII.	basis	7246.	
—	RSV.		7242.	4.
—	HIβ.	Hβ.	36378.	
—	HLβ.		36342.	36.

Vide

Videri quidem posset, non parum roboris mensuris *Cassini*-*nis* accedere ex basi illa satis longa, in planitie Ruscinonenſi meſurata, quæ primo tribus hexapedis ab eadem linea, per triangulorum calculum inventa, diſcrepans, correctionibus deinde neceſſariis adhibitis ex aſſe cum computo congruit. Vid. pag. 125. Sed, ſi correctiones illæ adeo neceſſariæ fuiſſent, miror, cur in primis triangulorum calculis, ut fieri ſolet, earum non habita fuerit ratio. Equidem hac occasione, ut alias ſæpe, optavi, ut Cl. *Cassinus* magis ſpecialem cum publico communicaret obſervationum ſuarum hiſtoriam; v. g. unde exiſterit ille error instrumenti, hic correctus? quanti fuerint anguli non correcti? an eorum obſervatio ſæpius repetita? an ſimul ſumti a 180 gradibus multum maſſerint diſcrepantes? At vero longitudo huius lineæ fundamentalis ſatis dubia inde redditur, quod ejus meſuratio nunquam fuerit repetita, ut a Cl. *Picardo* ſemper, & a Cl. *Cassino* *Dunkerckæ*, factum eſt. Et id quidem multo majori jure in hac baſi, quam mare, arenas cumulando, reddidit inæqualem, & quæ, variis in locis rivis & paludibus impedita, triangulis meſuranda fuit. Ceterum in tanta triangulorum multitudine, & obſervationum continua congerie, angulorum errores diſtantiam parallelorum juſto longius producere, deinde vero, contrario modo agendo, ultimi trianguli latus ſeu baſin vera longitudine aſſequi, poſſunt; præſertim ſi accedat infelix caſus, errores ſine ulla compenſatione multiplicans. Vid. pag. 118. Certe fatetur Cl. *Cassinus* pag. 127, ejusmodi errores in angulis fieri poſſe, ut latera, quæ baſium loco triangulis ſequentibus inſerviunt, vera tamen & exacta maneat. Nec eadem locorum poſitio, reſpectu meridiani Pariſienſis, per triangulorum calculos & obſervationes *Aſtronomicas* inventa, angulos omnis erroris expertes eſſe, ſemper indigitat. Errores enim angulorum ita temperari poſſunt, ut loca, ſaltem ubi obſervationes habitæ ſunt, veram conſervent a linea meridiana longitudinem, mutata licet parallelorum diſtantia. Proinde, ubi trianguſa ſunt nume-
roſa,

rosa, & male quoque formata, nulla obtineri potest certitudo, nisi subinde, hoc est, minimum secundo quovis gradu, si singulis non licet, triangulorum latera basibus summa diligentia bis mensuratis confirmantur. Quod quidem in dimensionibus *Cassinianis* fieri omnino potuit. Non enim facile mihi persuadeo, Galliam adeo montosam esse ubique & inæqualem, ut in tanto Lutetiam inter & Montes Pyrenæos spatio nulla reperiat planities, ex triangulorum signis jam factis, vel novis, si opus fuisset, exstruendis, spectanda. Indicat ipse Cl. *Cassinus* pag. 118, prope Biturigem & Rebelum planities inveniri basibus mensurandis idoneas.

VIII. Ut eo luculentius pateat errorum in triangulis observandis effectus, Cl. *Olavus Hiorter*, pro singulari, qua pollet in calculis Astronomicis instituendis, diligentia, triangula ab oppido Biturigis usque ad Caucoliberem ita adornavit, ut distantia parallelorum insigniter, ut oportet, minuat; basis vero Ruscinonensis computata, cum ejus dimensione hexapedis facta, coincidat; & denique distantia locorum a meridiano Parisiensi non multum ab observationibus aberrent. Et id quidem, correctionibus factis necessariis, errores angulorum supponendo 30, 40, vel 45 secund. eorumque duplum in angulis majoribus 100 grad. Quam sane suppositionem nemo non admittet, qui rationes, supra a me allatas, æqualance perpenderit.

Calculi autem hi sunt:

XX. Triang. HLM.

HL. 21075. 1.

LHM. 10. 13. 50 — 30

HLM. 147. 59. 40

HLM. 21. 46. 30 + 30.

XXI. Triang. ABD.

AB. 10078. 3.

BAD. 31. 11. 15 — 45

ABD. 131. 14. 20 + 2 x 45

BD. 17243. 5.

XXII. Triang. BCD.

BD. 17243. 5.

CBD. 23. 4. 0 — 40.

BCD. 116. 5. 50.

BDC. 40. 50. 10 + 40

BC. 12558. 4.

CD. 7519. 4.

XXIII. Triang. CED.

CD. 7519 4.

DCE. 72. 3. 20.

CDE. 86. 29. 40 — 45

CED. 21. 27. 0 + 45.

CE. 20513.

DE. 19552.

Tt

XXIV.

XXIV. Triang. DFE.

DE. 19552.

DEF. 131. 33. 35 + 2 x 45

DFE. 31. 2. 45 + 45

EF. 11306.

XXV. Triang. FEG.

EF. 11306.

FEG. 50. 19. 0 — 45

EFG. 107. 52. 0.

EGF. 21. 49. 0 + 45

EG. 28939.

FG. 23395. 1.

XXVI. Triang. FHG.

FG. 23395.

HFG. 27. 12. 30 — 45

HGF. 17. 24. 10 + 45

HG. 15225.

XXVII. Triang. HGK.

GH. 15225.

HGK. 87. 33. 40

GKH. 47. 34. 40 + 45

GK. 14542. 2.

XXVIII. Triang. ABC

AB. 14542. 2.

ABC. 131. 36. 15 + 45

ACB. 23. 45. 55 + 45

AC. 26959. 4.

BC. 25010. 3.

XXIX. Triang. BCD.

BC. 15010. 3.

CBD. 96. 18. 35.

BCD. 84. 51. 30.

BDC. 58. 49. 35.

CD. 10387. 4.

XXX. Triang. CDF.

CD. 10387. 4.

DCF. 75. 17. 0.

CDF. 74. 55. 35.

CFD. 29. 47. 25.

CF. 20189. 3.

XXXI. Triang. CEF.

CF. 20189. 3.

ECF. 58. 29. 55.

CEF. 93. 21. 45.

CFE. 28. 8. 20.

CE. 9538.

EF. 17243. 5.

XXXII. Triang. EFI.

EF. 17243. 5.

FEI. 44. 1. 20 + 40.

EFI. 112. 9. 0.

EI. 39551. 2.

FI. 29681. 4.

XXXIII. Triang. FIH.

FI. 29681.

HFI. 25. 18. 0 + 45

FIH. 90. 29. 25.

FHI. 64. 12. 35 — 45

HI. 14096.

XXXIV. Triang. HIO.

HI. 14096.

HIO. 32. 48. 5 — 45

IHO. 114. 28. 10.

HOI. 32. 43. 45 + 45

IO. 23737. 4.

XXXV. Triang. BCD.

BC. 23737. 4.

CBD. 59. 10. 30.

BCD. 45. 37. 50 + 40

BDC. 75. 11. 40 — 40

BD. 17555. 5.

XXXVI. Triang. BDE.

BD. 17555. 5.

DBE. 18. 2. 20 + 40

BDE.

BDE. 127. 13. 40.	IK. 15765. 2.
BED. 34. 44. 0 — 40.	XLII. Triang. IKL.
BE. 24541.	IK. 15765. 2.
XXXVII. Triang. BEF.	KIL. 20. 15. 15 + 45
BE. 24541.	IKL. 132. 1. 30
EBF. 17. 26. 55 + 45	ILK. 27. 43. 15 — 45.
BEF. 125. 42. 55.	IL. 25187. 2.
BFE. 36. 50. 10 — 45	KL. 11744. 4.
BF. 33245.	XLIII. Triang. KLN.
XXXVIII. Triang. BFG.	KL. 11744. 4.
BF. 33245.	KNL. 51. 29. 30 — 45
FBG. 23. 3. 25 + 45	KLN. 61. 43. 55 — 45
BFG. 106. 40. 20.	LN. 13797. 4.
BGF. 50. 16. 15 — 45	XLIV. Triang. LNQ.
FG. 16941. 4.	LN. 13797. 4.
XXXIX. Triang. FGH.	LNQ. 35. 15. 40 + 40
FG. 16941. 4.	NLQ. 102. 23. 30.
GFH. 20. 52. 50 + 45.	LQN. 42. 20. 50 — 40
FGH. 121. 20. 35	LQ. 11830. 3.
EHG. 37. 46. 35 — 45	XLV. Triang. LQR.
GH. 9865. 4.	LQ. 11830. 3.
XL. Triang. GHI.	QLR. 22. 55. 30 + 45.
GH. 9865. 4.	LQR. 143. 39. 45 + 2x45
HGI. 53. 4. 55 + 45	QR. 19932.
GHI. 80. 10. 40	LR. 30286. 3.
GIH. 46. 44. 25 — 45	XLVI. Triang. QRT.
HI. 10834. 4.	QR. 19932.
Triang. FMI.	RQT. 69. 3. 45 + 45.
HI. 10834. 4.	QTR. 63. 31. 45 — 45
FHI. 42. 24. 5 — 40	RT. 20800.
FIH. 112. 34. 0 — 2x40	XLVII. Triang. RTS.
FI. 17241. 5.	RT. 20800.
XLI. Triang. HIK.	RTS. 93. 41. 40.
HI. 10834. 4.	RST. 53. 54. 45 — 45
HIK. 71. 23. 30.	TS. 13795. 5.
IHK. 68. 45. 30 + 45	XLVIII. Triang. TVS.
HKI. 39. 51. 0 — 45	

TS. 13795. 5.	Triang. Qae.
STV. 31. 34. 40 + 20	Qe. 35898.
TVS. 94. 21. 50 — 20	eQa. 4. 16. 15 + 25
TSV. 54. 3. 30.	Qea. 55. 49. 50.
Basis SV. 7246. 2.	ea. 3088. 4.
Mensurata 7246. 2.	Triang. aec.
Triang. QRe.	ea. 3088. 4.
QR. 19932.	pac - 12. 37. 0 + 30.
RQe. 47. 41. 10.	aec - 80. 14. 0.
ReQ. 33. 14. 15 + 45	acs - 87. 9. 0 — 30
Qe. 35898. 4.	ec - 676.

Ex hisce triangulis, sic correctis, deducitur distantia inter Observatorium Regium & perpendiculararem in lineam meridianam Caucolibere ductam, 358866 hexap. quæ correctâ, prout pag. 180 & 182 indicatur, erit 358980 hexap. Quodsi hæc distantia per arcum supra inventum 6°. 19'. 11. dividatur, gradus medius Lutetiam inter & Caucoliberem habebitur 56803 hexap. qui gradu *Picardiano* minor, vero, ut arbitror, propius accedet. Parallelorum autem distantia a Cl. *Cassino* computata per hunc calculum 1634 hexap. diminuitur. Nec mensuræ *Cassinianæ* diminutionis adeo impatientes videntur. Ipse enim Cl. *Cassinus* dimensiones, a Patre in *Commentar. Acad. A. 1701* publicatas 325½ hexapedis decurtavit. Scilicet ex suis triangulorum calculis Cl. *Jo. Dom. Cassinus* gradum medium inter Lutetiam & Caucoliberem invenit 57292 hexap. unde differentia parallelorum evadit 360939½ hexap. Hujus autem rei rationem in novis illis angulorum correctionibus, pro mensura baseos Ruscinonensis cum computo triangulorum concilianda postea factis, consistere suspicor. Spero itaque, me jam æquo & candido Lectori satis superque ostendisse, observationes *Cassinianæ*, tam cœlestes, quam terrestres, in Gallia præcipue meridionali habitas, adeo incertas esse, ut inde figura telluris nullo modo deduci queat.

D. CHRIST. GOTTL. BUDERI, JUR. ET HISTOR. PROFESS. ORDIN. FACULTATISQUE JURIDICÆ ASSESSORIS
in

in Academ. Jen. Diatriba Juris feudalis & publici, de Feudis Officialium hereditariorum Procerum & Provinciarum regni Germanici, ex Diplomatis, literis clientelaribus, Actis publicis, monumentisque fide dignis, eruta.

Jenz, apud Christ. Henr. Cunonem, 1736, 4.

Plag. 14, cum Fig. 22. 1.

Cum illi eruditissimorum hominum Commentarii, qui de S. R. G. Imperii Officialibus summis & sub-officialibus hereditariis exponunt, benevolis fuerint animis accepti, Celeberrimus Autor operæ se facturum putavit pretium, si de Officialium hereditariorum in provinciis singularibus Germanici regni originibus, statu, feudis, servitiis, juribusque, quæ cursim legerat, Commentatione Academica conjuncta, patriarum rerum juriumque cultoribus exhiberet. Nec hæc sine laude concessit, ordine eo, quem jam indicabimus. *Capite I* de origine Officialium hereditariorum procerum Germaniæ, hisque datorum feudorum, disquirens, Carolingis primis imperantibus, Episcopos, Duces, ad similitudinem Domus Augustæ & regiæ officia ordinata, cum primis Dapiferos, Pincernos, Mareschallos, & Camerarios, habuisse, affirmare vix audet. Saxoniorum certe Regum & Imperatorum Diplomata condocere, asserit, Ecclesiasticos Proceres ad splendorem curiæ suæ adhibuisse Officiales, inprimis quatuor illos communes, quos, regnum tenentibus Francis & Suevis, curias procerum Germaniæ ornasse, Constitutio de expeditione Romana satis comprobat. Nec solum *Conradi III*, Regis Romanorum, & *Friderici I*, Imperatoris, ævo frequentes jam Officiales fuisse, permulta loquuntur Diplomata, sed Augustos quoque Comitibus vel Abbatibus, in Ducum vel Principum ordinem imperiali gratia erectis, certos attribuisse quosdam Officiales, vel, ut hi novi Principes, quos sibi fidos gratosque haberent, hoc honore ornarent, benigne permisisse, ex Diplomatis constat. His Officialibus ad morem ævi mediæ successu temporis a dominis quædam stipendiaria data sunt. Hinc *Capite II* de constitutione & natura feudorum, Officialibus hereditariis datorum, locuturus Clar. Autor,

Cap. I.

§. 3.

5.

6.

10.

Cap. II.

- illa ita definit, quod sint officia, & dignitates, hisque conjuncta prædia & jura, a Dominis personis habilibus sub lege beneficiaria, & fidei vasalliticæ, ac servitiorum, data, optime tamen monens, officia hæc in primis incunabulis saltem sub jure curiæ concessa, successu autem temporis naturam feudorum consecuta esse. Pergit *Capite III* ad personas, feuda Officialium concedentes, & acquirentes, docetque, Imperatores Augustos, Regesque Germanorum, ab initio concedendi jus & constituendi habuisse, eandem tamen facultatem sacri secularisque ordinis Principes & Proceres vel Augustorum munere, vel usu ac observantia, adeptos esse, nec cum illustri Fridericianæ Academiæ Cancellario, *de Ludewig*, differentiam inter septem Archi-Principes regni Germaniæ aliosque Proceres admittit. Comites quoque S. R. I. Officiales curiæ constituendæ habuisse facultatem, contra dissentientes asserit. Officiales autem ipsos Ministeriales fuisse, nec civilis ordinis viros unquam has ad dignitates admissos esse, monstrat. De rebus, Officialibus hæreditariis in feudum dari solitis, *Capite IV* agens, & corporales & incorporales, nec primum adeo amplas & optimas, datas fuisse, dein prædia, cum & sine castris, annuos redditus, ut & jura varia utilia & honorifica, ad quæ tamen jus res morientium Episcoporum capiendi perperam olim trahi voluit, in feuda Officialibus hæreditariis concessisse, recentiori autem ævo officia hæreditaria saltem quoad honores collata, & quædam certis in solennitatibus emolumenta, loco dominiî utilis, assignata esse, variis probat exemplis, quæ ex Diplomatis & investiturarum literis eruta sunt. *Capite V* de Officialium hæreditariorum servitiis sollicitus, primum officii legem hanc fuisse censet, ut dominorum suorum gloriam tenerent, iisque honesto loco, gradu, & ordine, deservirent, quam primam omnium vasallorum legem semper fuisse, nulli dubitamus. Inprimis Palatina servitia Officialibus hæreditariis incumbunt, militaria tamen quoque servitia, quin & judicialia, a quibusdam præstita esse, constat. In Comitibus provincialibus munia servitiæ quædam ab illis observantur, nec non ad oblagium pro dominis quondam se obligabant, eorumque pacta sacramentis

con-

confirmabant. Ordo, secundum quem vel senior, vel alius gentis, de officio hæreditario & feudo officiali investitæ, servitia consuetæ præstat, non ubivis idem est, per substitutum autem idoneum servire jussu impeditum potuisse, constat. Addit Cel. Autor *Capite sexto* observationes varias, ad argumentum hoc pertinentes. Tandem designatio Archi- & officialium hæreditariorum, procerum, & provinciarum Germaniæ, finem Opusculo imponit, additis ubique testibus, quos enumerationi Officialium hæreditariorum, insertæ *dem Europaischen Staats- Titular- Buch Cap. VIII pag. 892*, non adjecit *Jo. Christian. Lünigius*. Laudem meretur haud exiguan præstantissimi Autoris diligentia in conquirendis subsidiis, hoc argumentum illustrantibus. Sed, cum omnia nondum ad lucem provenierint documenta, quæ de Officialibus hæreditariis agunt, non deerunt adhuc plurima addenda. Sic nobis constat, Principatus Verdensis esse Mareschallos *Behrior*, Ducatus Luneburgensis Mareschallos *Medingior*, Pincernas *Behrior*, officiumque, quod vocatur *Putker- Ambt*, a *Sparckis* administrari, quorum omnium nulla apud diligentissimum Autorem mentio facta est. De successione illustrium in officiis hæreditariis familiarum disquisituris, magna quoque seges relicta est, cum pauciores a prima feudorum officialium origine ad nostra usque tempora has dignitates sua in gente continuaverint. Dubitandum igitur non est, Autorem eruditissimum, si copiosiora ipsi subministrata fuerint subsidia, ditiores aliquando instructioresque libellum hunc, sic satis comtum & politum, nobis daturum.

NOVA LITERARIA.

Nobilissimum *Jani Gruteri* Opus, *Fax seu Lampas bonarum Nartium* inscriptum, quo tam selectæ doctissimorum Viro- rum in veteres Autores Animadversiones criticæ continentur, ut vere dici eo nomine omnis eruditionis thesaurus possit, cum rarius hoc ipso tempore quærentibus obveniat; hinc, novam ejus, in commodum rei literariæ, editionem parari, non pauci ab aliquo inde tempore serio vehementerque optarunt. Quorum ne in irritum caderent desideria, providit jam
demum

demum optimus Panormitanæ urbis civis, *Joannes Felix Pale-
sius*, cujus cura operaque laudabili *prius* illius *Lampadis*, bipar-
tito prodituræ, *Volumen* denuo, forma majori, habituque sat
splendido, in lucem exiit. Ejusdem studio sub exitum hu-
jus anni *alterum* sequetur, cui feliciter perficiendo com-
modam Editori doctissimo valetudinem, & rerum omnium
prosperrimos successus, comprecamur. Nihil editio hæc no-
va, si ordinem & copiam Scriptorum spectes, a priori dif-
fert. At præcipua ei quædam decora ab accurato Autorum,
quorum loca obscuriora explicantur, Indice, eorundemque Vi-
tis luculentis, & novis nonnullis Annotationibus criticis, de-
nique ab elegantia typorum, accesserunt. Præterea subjunget
Editor Clarissimus universo huic Operi Supplementum bonæ
frugis plenum, quo, quicquid ad augendum & perficiendum
hunc thesaurum ulla ex parte videri possit pertinere, abunde
repositum invenient Lectores. Si qui mature comparare sibi
Opus hoc egregium voluerint, his utendum est opera *Antonii
Panto*, Juris Canon. & Publ. in Regio Bourboniensi Collegio
Professoris, qui, ne quis frustra illud expetat, per humanita-
tem suam curabit.

Genævæ fratres *Turnesii*, non ignobiles Typographi, lauda-
bile consilium ceperunt, denuo edendi, & in justum quoddam
corpus redigendi, quæcunque exstant scripta Celeberrimi Halensium
doctoris, *Friderici Hoffmanni*, immortalis sanæ Viri, & inter Medi-
cos ætatis nostræ principes summo jure connumerandi. Ferent illi
eo nomine a bonis omnibus hoc certiore plausum, quod magnam
hoc & nostra dignum ætate Opus Autore ipso non solum non renuen-
te, sed suadente etiam, & manus præbente adjutrices, sint daturi. Ab
hujus enim facile humanitate impetratum est, ut scripta ipse sua o-
mnia, partim jam olim edita, eademque sua manu emendata passim,
copiosisque accessionibus ditata, partim nova, & nunc primum lucem
publicam visura, liberaliter Genævam transmitteret. Omnia hæc *To-
mos* sex implebunt, in quorum fronte Lectores alliciet Ill. Autoris
elegantissima imago, Parisiis in æs incisa, & ad numum, quo olim po-
tentissima Prussorum Regina venerandum hunc ætate meritisque Se-
nem donavit, feliciter expressa. Præfationem, & Conspectum totius
Operis, ipse Autor præmittet, qui & Dissertationes suas seu Opuscula
minora, variis in locis edita, in concinnum & argumentis conveni-
entem ordinem rediget, novisque nonnullis, magno usui futuris, locu-
pletabit. Curabunt Editores, ut omnia nitidissime excudantur, & sub
initium anni proximi Opus integrum in lucem exeat.

NOVA ACTA ERUDITORUM,

publicata Lipsiæ

Calendis Junii Anno MDCCXXXVIII.

Pars II.

CEREMONIES ET COUTUMES RELIGIEU.
ses de tous les Peuples du monde, &c.

h. e.

RITUS SACRI OMNIUM TOTIUS ORBIS
gentium, representati Figuris splendidis, in æs incisus
manu BERNARDI PICARDI. *Accesserunt ha-*
rum Figurarum explicatio historica, & Differ-
tationes aliquot lectu dignæ.

Tomus I & II.

Amstelodami, apud Jo. Frid. Bernardum, 1723, fol. reg.

Tom. I P. I Alph. 1 plag. 16, Tab. æn. 13, P. II Alph. 2
plag. 6, Tab. æn. 22, Tom. II Alph. 3 plag. 7½,

Tab. æn. 27.

Initium dicendi facimus de Opere, si formam varîque ge-
neris ornatum spectes, magnifico & splendido, si argu-
mentum rerumque optimarum apparatus, illustri & egre-
gio, ante complures annos incepto, sed nuper demum,
nemine non plaudente, ad finem optatissimum perducto.
Anno hujus Seculi vigesimo Vir optime de arte sua merens,
Bernardus, publicas instituti hujus vere nobilis & prorsus
Uu lau-

laudandi tabulas emisit, quibus, in *quatuor Volumina* totius orbis ceremonias, cum sacras, quæ vel casu, vel studio, fuerant invecæ, tum civiles, quæ in eligendis & coronandis Regibus, in ludis gymnasticis ac theatralibus, triumphis & ovationibus celebrandis, creandis equitibus, mutuo hominum commercio, vestituque vulgari aut elegantiori, adhiberi consueverunt, redacturum se, recepit. Verum per se patet, & suscepto ipso opere apparuit, ampliorem esse hunc campum, quam qui tam angustis concludi posset limitibus. Itaque, mutato aliquantulum consilio, *quatuor Voluminibus* solos ritus sacros complecti destinarunt Autores. Sed nec illa exhauriendæ dignissimarum rerum copix suffecerunt. Exstant enim nunc *septem* integra *Volumina*, doctissimis Dissertationibus ornata. Fieri itaque potest, ut totidem pluresve *Tomis*, qui ritus civiles tradant, subsequantur. Præmissa est Operi universo copiosa Præfatio, varia scitu digna, quæ pertinent ad institutum hoc perficiendum, sed quæ postea ex parte immutata sunt, exponens. Sequitur hanc Dissertatio præliminaris de cultu religioso, quæ, omnes fere gentes in præcipuis Numinis colendi ritibus, si eos exceperis, quos divinum nobis mandatum injunxit, convenire, & eundem omnes finem sibi propositum habere, docet. Adducuntur hic antiqua nonnulla Græcorum Romanorumque monumenta, quæ unde sint desumpta, nec docemur ab Autoribus, nec est solum, divinando assequi. Sunt autem templum Pomonæ, aspergilla, quibus lustrabantur veteres, magnum *Herculis* sacrificium; Pietatis cultus, quem formina velata perficit, Anubis sacra, mithra Phrygia, *Severus* Imperator, qui velatus sacris operatur, & numi quidam nonnulli, qui varios supplicantium gestus exprimunt. Hæc in limine Autores eum in finem attulerunt, ut; ostensa generatim religionis facie, vel rudioribus, in quorum gratiam hoc Opus prodiit, faciem præferrent, cujus ope dispellere tenebras, & cognoscere ea, quæ in cujusque gentis fide videntur horrida ac salebrosa, possent. Accedunt jam ad rem ipsam propius, & Judæorum sa-
cra

cra primo nobis loco exhibent, ejus quippe gentis, quam satis constat inter omnes primam divina gratia, quin & alloquio, donatam, præceptisque cœlestibus imbutam. R. *Leonis Modenensis*, Archisynagogi Veneti, libellus favere visus est Autoris consilio, qui communem eruditorum applausum meruit, & plurium gentium sermone, habituque vario, vestitus prodiit. Elegantissime hunc ex Italico vertit gentis suæ insigne ornamentum, doctissimus P. *Simon*, cujus potissimum versionem, quæ hic legitur integra, ceteri interpretes secuti sunt. Sequuntur tum ejusdem *Simonis* in *Leonis Libros V* Dissertationes. Utrumque Opus merito doctissimum habetur, sed in quo ea omnia, quæ pertinent ad Judæorum sacra, frustra requiras. *Leonis* quippe libri, si molem spectes, breves sunt, & parum copiosi; *Simon* vero nil aliud in Supplementis suis, quam Judæorum sacra conferre cum Ecclesiæ suæ institutis, voluit. Non itaque defuit Autoribus, quod Dissertatione tertia de Judæis, e *Basnagio* præsertim, *Buxtorfo*, *Pridæauxio*, & aliis, exponerent. Eum vero in quavis gente ordinem tenent, prorsus commodum ac laude dignissimum, ut primo fidei ortum, progressumque, ac dogmata, deinde ipsos ritus, describant, quibus divinus generatim cultus conficitur. Idem faciunt in Judæis. Prima enim parte hujus Dissertationis de Judæorum dispersione, & decem illis tribubus, olim notissimis, de variis eorum post *Vespasianum* afflictionibus & fatiis in utroque orbe miserrimis, disserunt, nominantes etiam crimina, quorum, sive jure, sive injuria, postulati sunt Judæi; quo pertinet, quod cæcos Christianos infantes cruci affixerint, cruces ac imagines flagellis dehonestarint, hostias infamibus ac execrandis adhibuerint usibus, sortilegiisque ac incantationibus & veneficiis civitatum rerumque publicarum interitum moliti fuerint. Postea ad imposturas deveniunt, quibus eminenti Messia, ut *Flakem*, *Zedekias*, *Shabbtai Sebi*, *Daniel*, alique, delusos contribules suos exagitarunt. Sanctos quoque Judæorum, eorumque miracula post destructum templum, enumerant, ut *Josephum Gorionidem*, *Maimonidem*, *Judam Sanctum*, &

Iſuacum Caſtro de Tartar. Tum ſectas Judæorum perſequentur, ut Karaitas, & Samaritanos, quos e *Moriſoni* Itinere Sinaitico & Hieroſolymitano deſcribunt. Veri fontes, *Celſarius*, *Wolſius*, *Triglandus*, *Schupartus*, non comparent, quos an ignoraverint Autores, incertum eſt, certum eſt, non conſuluiſſe. Idem & aliis in locis obſervamus, ubi, neglectis genuinis fontibus, ſubleſtam dubiamque Itinerarium fidem exoſculantur. Raro hic Latinum ſcriptorem, raro Anglum, raro Italum, niſi Gallice verſum, nunquam fere Germanum, offendas. Adeo tamen iniqui iudices non erimus, ut Autores noſtros iis adjungamus, qui parum inſtructi librorum apparatu, aut imperiti linguarum, aut veris deſtituti ſapientię præſidiis, eminere tamen in doctõrum ſubſelliis, & celebrari inter pocula, geſtunt. Delicatę ſcilicet & ſaſtidioſę genti erat inſerviendum, cui operam ſuam Autor addixerat. Galliam, quis ignorat, eorum abundare proventu, qui, cum ultra vernaculam vix ſapiant, cetera omnia, e Græcia, e Latio, aut aliunde, alata, contemnunt, & indigna putant ſuę gentis elegantia, quę adſcito carere ſuco poſſit, ſuiſque ſola radiis exſplendeſcat. Sed ulterius progrediendum eſt. Sadducęi ſuccedunt, & Pharifęi, &, qui ſuperiore ſeculo, duce quodam *Scidelio*, Siſleſiam turbabant, Semijudęi, nec non Angli quidam Chriſtiani, ob inſigne Sabbati ſtudioſum Sabbatarii dicti, Chinenſes etiam Judęi, & duplex, quod alit Belgium, horum genus, Luſitano-Hiſpanorum, & Germano-Polonorum, qui, ut ritibus nonnihil diſſident, ita inteſtinalibus ſimultatibus odioque internecino divelluntur. Parte ſecunda tertię Diſſertationis triplici opera cerimonię Judæorum pertractantur; & primo quidem loco illę, quę conſilia, & loca, miniſtrosque ſacros ſpectant, ut Sanhedrin, quod revixiſſe Anglus quidam ait in Synodo, ſuperiore ſeculo in Hungaria circa Budam habita, ad quam plus quam trecenti Judæorum doctores confluxerint, omnes iudubiis genealogiis, & Hebręi ſermonis peritia inſtructi, ut inter ſe de Meſſia diſputarent; quę res eo tandem devenerit, ut non cœtu tantum ſuo ejicerentur, qui af-

firma-

firmarent, Messiam jam venisse, sed Jesus Christus etiam diris publice devoveretur. Sed merito Autores nostri relationem hanc in dubium vocant, & compluribus argumentis refellunt. Synedrium vicinitate tangunt Synagogæ. Illarum ut notitia daretur, structura Chinenfis cujusdam, ductu *P. Gozzani e Collect. VII Liter. adific. & dedicata A. M. 5435*, id est, A. Ch. 1675, Amstelodami Synagoga Lusitanorum magnifica, describuntur. Neque etiam Academiæ & Scholæ, & in his docentium electio & tituli, ministrique Ecclesiæ, ut *Chazan, Scitamas, Popam, Cohen, &c.* negliguntur. Tum vestes sacræ, *Tallid, Zizith, Tephillin*, nominantur; &, quæ sint benedictiones, preces, elemosynæ, vota, confessiones, pœnitentia, continentia, jejunia, pœnæ, a communione publica segregatio, copiose exponitur. Explicantur deinde festi dies, publicæ & privata religionis exercitia, ut Sabbatum, novilunium, anni auspicia, dies expiationis, pascha, pentecoste, tabernaculorum & legis gaudia, Chanuccah, lectiones legis, die Martis ac Jovis sancitæ, quibus melius tenendis apprime inservit Calendarium, e *Basnagio* adjectum. Tandem ritus aliquot sacri pœrcepsentur, ut receptio proselytorum, circumcisio, redemptio primogenitorum, infantum educatio, sponsalia, divortia, luctus, leges vitæ bene ac honeste instituendæ, denique, jusjurandum, quo ex avitis castris Judæi in nostras partes transeunt.

Alterâ prioris hujus Tomi Parte Ecclesiæ Judaicæ e vestigio succedit Christiano-Romana. Nec immerito. Ea enim illa est, quæ de vetustate cum aliis certat, pollet autoritate, asseclarum numero alias antecellit. Quorum e numero esse Autorem sive Autores nostros, (nam, unusne, an plures, sint, haud satis constat,) nemo dubitabit, qui legerit statim in Præfatione generali, modo Lololitas immensis laudibus extolli, modo famosam inquisitionem magnopere defendi, aliis vero in locis nunc illibatam doctrinæ catholicæ veritatem summopere commendari, nunc spreta nostris temporibus ac elusa deseri Vaticani Jovis fulmina, quæ totum olim orbem quassaverint. Alia, quæ

fidem nobis faciant, documenta *tertius Tomus* sat larga copia subministrabit. Jam, quomodo Ecclesię suę primum dogmata, deinde ritus, tradant Autores, dicemus. Hic ad voces quasdam barbaras nolimus exhorrescat Lector, quas necessario intrusimus, vitium obscurę dictionis evitaturi. *Dissertatione igitur prima* Christianę doctrinę compendium, & Pontificię quoque e *Bossucto*, exhibent, breviterque de Jansenistis & Quietistis disputant, quos huc jure suo retulisse sibi videntur, cum, e Romanę sedis sinu enatos, omnes prouuntient. *Dissertatio secunda* Cerimonias Romanas e *Pontificali, Cerimoniali Romano, Rituali Aleti, Casalio, Bauldrio, Pescara, le Vert*, Cardinale *Bona*, & *P. Bonani*, delineat. Agit scilicet de capite Ecclesię universali, Christo, ejusque vicario, id est, Papa, hujus potestate, & eminentia, Conciliis, Synodo provinciali, Pontificis jurisdictione & electione per Cardinales, in conclavi instituta, Consistorii celebratione, processu ad *S. Petri*, ædícula Papę, prout descripsit eam *P. Bonani*, missa, & triginta quinque ejus peragendę modis, præsertim missa magna & mortuorum, crucis cultu & consecratione, festis, imaginibus, benedictione vestium sacrarum, homiliis, aris, calicibus, patellis, sole, in quo Eucharistia (*Monstranz*) asservatur, thuribulis, mappis, fasciis, thecis linteorum, velis, Ecclesię fundatione; structura, dedicatione, rituque reliquias Sanctorum in aris deponendi. *Dissertatio tertia* devotiones Ecclesię Romanę producit, ut agnos Dei, canonizationes, quibus illustrandis affertur illa solennis processio, qua A. 1712 d. 22 Maji quatuor Sancti declarati fuerunt, *Pius* scilicet *V*, *Andreas Avellinus*, *Felix de Cantalice*, *Catharina Bononiensis*, porro Sanctorum, præsertim B. Virginis, cultus & vis in humanas res, aperta clavo aureo Porta sancta, peregrinorum concursus ad loca celebrata, indulgentię, confraternitates, preces, pœnitentię, reliquiarum cultus, translatio, potestas, & criteria.

Quę Tomo secundo sequitur, *Dissertatio quarta* festos dies, & Sacramenta septem, describit, exhibitoque integri anni

Ca-

Calendario, solenniorum feriarum originem ac ritus peculi-
 res latius enarrat, Sacramentorum autem nomine omnia
 commodè complectitur, quæ ad sacrum fontem, Euchari-
 stiam, unguenta, funera, nuptias, ordinem sacrum, Monachos,
 Episcopos, Cardinales, ipsumque maximum Pontificem,
 spectant, cujus curia tanta est amplitudine, ut, copioso
 quodam Supplemento ejus singula membra, ordinem, mun-
 cia, redditus, dignitatem, e *Lunadoro* describi, necesse fue-
 rit. Succeedunt Anonymi Commentarii historici de Inqui-
 sitione, stipati Dissertatione Autorum nostrorum, qua vel
 omiſſa ſupplentur, vel errores caſtigantur. Finem facit *Aſſe*
de Foy, ſeu index nominum, quæ inquisitionis codicillis fue-
 runt inſcripta, & poenarum inſictarum, promulgatus Ulyſ-
 ſipone d. 6 Nov. A. 1707 ſub Inquiſitore generali, *Dom Nun-*
no de Cunha d'Ataide. Commentariorum horum cuique
 quaternioni ſubſcriptum eſt: *Tom. I.* & in fine hæc legun-
 tur: *Finit ſecunda Partis Tomi I.* E quibus apparet, aut
 editoris fuiſſe mentem, ut, quæ *Tonium ſecundum* nunc
 conſtituunt, *Tomo primo* adderet, aut Commentarios ſaltem
 de Inquiſitione fuiſſe impreſſos ante *Differtationem quar-*
tam & Supplementum de Curia Romana. Quod ipſum ta-
 men nobis minime ſit verifiſimile. Videtur potius Librarius,
 cum excreſcere videret libri molem, diſcuſſiſſe, quæ cohæ-
 rebant, & in *Tomos* ſeparatos diſtribuiſſe. Tanti erat, in-
 videndam Romæ ambitionem celebrare. Quis neget jam,
 vitam animamque Pontificæ religionis in externis cerimo-
 niis conſiſtere? Nulla fane alia tanto ſplendore, tam exquisita
 pompa, tam magnifico habitu, ſpectatorum præſtringit ocu-
 los, mentes ſuſpenderit attonitas, allicit ignaros, hebetes
 obtundit.

ANNALES MINORUM, SEU TRIUM OR-
 dinum a S. Francisco inſtitutorum, Autore A. R. P. LUCA
 WADDINGO, Hiberno, S. T. Lectore, Jubilato, & Or-
 dinis Chronologo. Editio ſecunda, locupletior & accura-
 tior, opera & ſtudio R. P. JOSEPHI Mariæ FON-
 SECA

SECA AB EBORA, S. T. Le&. Jubilati, S. & V. Inquisitionis Consultoris, S. C. Confistor. Vorantis, Episcop. Examinatoris, Ord. Discreti & in Rom. Curia Commiss. Generalis.

Tomus IX = XII.

Romæ, typis Rochi Bernabo, 1734, fol.

Tom. IX Alph. 7, Tom. X Alph. 6 plag. 18, Tom. XI

Alph. 6 plag. 9, Tom. XII Alph. 7 plag. 8.

- Pag. 4. **O**peris Waddingiani, non semel nobis laudati, *Tomus IX*, ab A. 1377 usque ad A. 1417, præter cetera enarrat, *Fridericum III*, Trinacriæ Regem, & filium, Messanæ apud Minoritas tumultuosus fuisse; *Ludovicum Donatum*, Cardinalem, ex Minoribus fratrem, cum duobus collegis ad *Carolum Dyrachium*, Siciliæ Regem, legatum, & *Ludovicum*, hoc tempore mortuum, in Ordinem Minorum propensissimum fuisse; gentem Lithuanicam ad sacra Ecclesiæ Romanæ conversam, & primum in ea Episcopum *Andream* Minoritam constitutum fuisse; aucta familia regularis observantiz, auctam quoque fuisse fratris *Pauluti* Rectoris potestatem, qui sibi assumpsit coadjutores regiminis *Franciscum Fabrianum*, *Joannem Straticum*, & alios; regularis observantiz institutum in Lusitania introductum fuisse, & in eodem regno inquisitionis officium peregrisse Minoritas; societatem fratrum peregrinantium in fidei obsequium institutam fuisse; S. *Bernardinum*, suscepto Minorum instituto, mire profecisse, & egregium sanctitatis exemplum præbuisse; Minoritas in regno Daciæ institutos Inquisitores; *Bernardinum* Senensem, admissio concionandi munere, miro animarum profectu per Italiam discursisse; *Alexandrum V*, ex ordine Minorum, depositis *Gregorio* & *Benedicto*, in Concilio Pisano legitime factum fuisse Pontificem, & in aliquot Galliz provinciis Franciscanum Inquisitorem constitutum; *Joannem XXIII* Pontificem Minoritas in Bosniam, Russiam, aliosque locos, fidem disseminatos misisse, & ex iisdem in Portugallia & Algarbiis Inquisitorem instituisse; *Jacobum Pice-*
49.
71.
91.
105.
124.
149.
252.
258.
267.
323.
354.
385.

Picenum, ad Ordinem receptum, multis floruisse virtutibus; in Concilio Constantiensi *Hieronymum Pragensem* condemnatum. In fine ex præscripto apparet Regellum Pontificium, quod habet Bullas, Pontificum rei inservientes.

Pag. 390.

401.

In *Tomo X*, qui est ab A. 1418 usque ad A. 1436, ea maxime sunt commemorabilia, quæ *Joannes ac Bernardinus*, ex familia Observantium, hic quidem in Italia, ille vero in universa Europa, gesserunt. Interim in hoc ipso *Tomo* cum primis explicatur, *Martinum V* Pontificem in plerisque partibus Galliarum Minoritam, in hoc officio diu versatum, Inquisitorem instituisse; possessionem locorum terræ sanctæ Minoritis confirmatam; in regnis Daniarum, Norwegiarum, & Sueciarum, Inquisitorem Minoritam constitutum; societatem peregrinantium in partibus Russiarum, Godoliarum, Walachiarum, profecisse; *Petrum de Fuxo*, Cardinalem Minoritam, missum fuisse Legatum in Arragoniam ad reliquias schismatis exstinguendas; multos Minoritas ad varias Græcorum regiones abiisse, fidem propagaturos; *Petrum de Fuxo*, Cardinalem, secunda functum legatione ad Arragonios, reliquias perniciosi inveteratique schismatis sustulisse, Concilium indixisse, mores Cleri reformasse, Regesque Hispanos reconciliasse; solennissima totius Ordinis Comitia Assisii habita, in iisque *Antonium de Massa*, Ministrum generalem, ab officio remotum, & in ejus locum *Guilielmum de Casale* substitutum; multa pro universi Ordinis potiore regimine & integra unione ordinata; *Eugenium IV*, Pontificem, impensius Fratribus observantiæ favisse, eisque in pristinam libertatem restitutis, sacrum Alvernæ montem confirmasse; Minoritis, in principatu Bosnenſi laudabiliter operantibus, privilegia concessa; Minoritas missos, orientales ad Concilium generale invitatos, & perpetuam pacem inter quatuor Ordines mendicantes decretam fuisse; *Sigismundum* Imperatorem, adjutore *Jacobo Piceno*, finem imposuisse rebellionibus & tumultibus Bohemorum. Agmen in hoc, ut in reliquis *Tomis*, claudit Regellum Pontificium, in quo repræsentantur Pontificum Bullæ, Minoritis datæ. Sunt etiam singulis *Tomis* duo In-

1.

33.

47.

86.

139.

147.

177.

208.

231.

268.

285.

dices additi, quorum unus initia Bullarum; in unoquoque Volumine allatarum, refert, alter vero res memorabiles significat.

Pag. 1 seq.

- Tomus XI*, ab A. 1437 usque ad A. 1447, commemorat Synodum, quam *Eugenius IV* Pontifex pro stabilienda unione Latinæ & Græcæ ecclesiæ, Basileensibus valde obnitentibus, Ferrariæ habendam indixit, sed quæ ex Ferrariâ in Florentiam, grassante pestilentia, translata fuit, & præsentibus *Eugenio* Pontifice, & Græcorum Imperatore, multisque ex ordine Minorum, celebrata, ac tandem, reductis Græcis & Armenis ad unionem ecclesiæ Latinæ, absoluta est; hinc *Albertum* Sarbianensem amandatum, ut ad eandem unionem alliceret Æthiopas, aliasque nationes; *Guilielmum*, generalem Ministrum, *Joannem Capistranum*, & *Petrum*, Cardinalem Fuxensem, impigre pro *Eugenio* Pontifice contra *Felicem* Anti-Papam apud Principes laborasse; *Jacobum de Primaditiis* & *Ansonium Trojanum* Commissarios sedis Apostolicæ ad diversas nationes Orientales amandatos; 119 seq. *Albertum* Sartianensem Jacobinos ad Romanæ ecclesiæ unionem perduxisse, ac *Bernardinum* Senensem sibi assumisse coadjutorem *Joannem Capistranum*; mortuo *Guilielmo*, Generali Ministro, Vicarium institutum esse a Pontifice *Albertum* Sartianensem, controversiamque Parisiensem circa promovendos decreto Pontificio directam; *Eugenium*, Florentia Romam reversum, suasoribus Minoritis, exercitum contra Turcas coegisse, & in plenis Comitibus Conventualium & Observantium Ministrum Generalem electum esse *Antonium a Rusconibus*, constitutis Vicariis Observantium *Joanne Capistranensi* & *Joanne Mauberto*; plurimos Minoritas missos esse ad colligendas contra Turcas copias auxiliares & ad partes Orientis de terra sancta recuperanda; duo gravissima exempla divinæ vindictæ in Minoritam unum, de sua virtute superbientem, & in alterum, gulæ indulgentem, apparuisse; defuncto *Juliano*, Cardinali, Ordinis Protectori, substitutum *Dominicum Capranicum*, Cardinalem; *Eugenium* gravi constituto

sepa-

separasse Observantes a Conventualibus, & Minoritas in principatu Bosnæ, aliisque provinciis, & inter Ruthenos, fidei tuendæ & amplificandæ solerter invigilasse; *Eugenio* Pontifici fatis functo successisse *Nicolaum V*, eique *Joannem Capistranum* prædixisse dignitatem, ac Fratribus Vicariæ Bosneasis, in negotio fidei laborantibus, multa a Pontifice concessa.

Pag. 269.

Tomus XII, ab A. 1443 usque ad A. 1456, recenset *Petri Regulati* gesta; *Philippi Norreyr*, Mendicantium Ordinum infestissimi hostis, contumaciam infregisse Pontificem, & causam canonizationis *Bernardini* promovisse; Schisma *Felicianum*, redeunte *Amadeo* Sabaudico ad eremum Ripaliæ, extinctum esse, Patresque Conventuales sua celebrasse Comitia, & Observantes sub suam potestatem redigere tentasse; in solennissimum Jubilæi & Pentecostes celebratione canonizatum esse *Bernardinum*, atque ingenti Fratrum concursu habita Ordinis Comitia, in iisque electum Generalem Ministrum *Angelum Serpetrium*, Perusinum; *Joannem Capistranum*, *Friedrico* Imperatore deprecante, in Germaniam missum, patris miraculis in Bohemiam profectum, & conversis multis Hussitis, hostem acerrimum expertum esse *Joannem Rochyzanam*, & Cardinalem Cusanum sedis Apostolicæ Legatum monuisse, ut caute agat cum *Rochyzana*, (cujus vita & dogmata explicantur,) atque Vratislaviæ & Olomutii fructuose concionatum esse, tertiumque a Rege & Cardinale Cracoviensi vocatum in Poloniam, multa populis præstitisse beneficia; *Jacobum* autem *Picenum*, impeditum, ne in Bosnam pergeret, honorifice in Italia habitum esse, magnamque contra Observantes conspirationem constatam; *Joannem Capistranum* Principes Germaniæ ad Christiana sædera contra Turcas excitasse, cum Rege *Ladisla* de aditu in Boemiam constanter egisse, atque ad longinquas partes a Regibus vocatum, negotio fidei totum invigilasse; ad conventum in civitate nova habendum vocatum fuisse, atque a multis rogatum, in Hungariam profectum esse, ibique dejectos Principum animos in meliorem spem contra Turcas erexisse, & laboranti Observantium insti-

1 seq.

20.

51.

78.

121.

162.

194.

239.

Pag. 315. tuto succurrisse; Valachos ad ecclesiæ unionem reduxisse, fraudes Boemorum circa confirmanda compactata detexisse, Legato Apostolico multa contra Turcas, tandem profligatos, cooperatum esse, ac denique mortuum sacros honores ex decreto consecutum; componendis Conventualium & Observantium controversiis *Calixtum* grave scripsisse constitutum. Singulis *Tomis* subiiciuntur primo Regestum Pontificium, in quo exhibentur Pontificum Bullæ, Minoritis datæ; deinde Index, qui initia Bullarum, in unoquoque Volumine allatarum, refert, denique rerum memorabilium Index.

Johann David Köhlers, P. P. im Jahr 1729 wöchentlich herausgegebener Historischer Münz-Belustigung erster Theil, x.

h. e.

JO. DAVIDIS KOELERI, P. P. HISTORICARUM Amænitatum, ex numis perceptarum, A. 1729 per hebdomadas singulas editarum, Pars I; in quibus varii memorabiles & rariores thaleri, ducati, numismata majora, quadrata ac angulosa, nec non alii singulares ex auro & argento numi, ætatis multiplicis, summam LXIV numero, in æs incisi, describuntur, & ex Historia fusus exponuntur, una cum Præfatione de JO. FACOBII LUCKII Sylloge Numismatum, Supplementis nonnullis, ac gemino Indice.

Norimbergæ, typis viduæ B. Christophori Weigeli, senioris, 1729, 4.

Alph. 2 plag. 6.

Quotquot Cel. *Kaleri* exquisitam norunt in rebus historicis, Juris publici, bibliothecaria, & numismaticis, peritiam, eis jam ex titulo libri apparet, nihil nisi egregium in hac Collectione, quæ *Frobenio Ferdinando*, Principi Furstenbergico, fuit inscripta, reperiri. Arrisit Viro Cel. institutum hebdomada-

domadarii, quo singulis hebdomadibus unum numum memoratu digniorem illustrandum & exponendum suscepit, quem nitide æri incidendum curavit primo, deinde descripsit, ac tandem commentario historico illuminavit, adjectis Historicorum in calce testimoniis summam indicatis. Index librum reddit usui accommodatum. Præfatio exhibet tractationem de *Joannis Jacobi Luckii Sylloge Numismatum elegantiorum ab A. 1500 usque ad annum 1600*. Luckius enim fuit primus, qui de numis ac numismatibus novis scripsit historice, ac, hujus quoque instituti origines Germanis deberi, exemplo suo docuit. Fuerat *Reimannus*, Luckium in Introductione ad Historiam Germanorum literariam non prætermisisse. Luckius, Argentorati natus, exstitit senior præfectus seu ambactus, *Eberhardi*, Domini Rappolsteinio-Stauffenbergensis, filius, quem obiisse A. 1653 anno ætatis suæ 79, *Wittius* in *Diario biographico* commemoravit. In grammatophylacio Argentoratenfi latent Annales Rupispolitani, quos, ab ipso inchoatos, filius *Fridericus Gallus Luckius* continuavit. Luckianum numophylacium Regina Sueciæ *Christina* pretio acquisivit, Romanque jussit transferri, a qua illud transiit ad Cardinalem *Azolini*, ab hoc ad Principem *Livium Odescabaki*, ab eo ad Cardinalem *Ottoboni*, & ab hoc ad Ducem Aurelianensem *Philippum*. Luckius A. 1606 d. 6 Aug. instituit illud colligere 6 baiocis (*batzen*), ac id vocavit *antiquitates suas*. Ipse edidit *Sylogem Numismatum elegantiorum, quæ diversi Imperatores, Reges, Principes, Comites, Republicæ, diversas ob causas, ab anno 1500 ad annum usque 1600 cudi fecerunt, concinnatam, & historica, sed brevi, narratione illustratam, cum gratia & privilegio sacræ Cæsareæ Majestatis, Argentina, typis Reppianis, 1620*, sumptibus ipsius Autoris, in folio, Alph. 4 plag. 6½. Editionem alteram A. 1650 in folio fuisse adornatam, editamque Francofurti ad Moenum, sunt, qui tradiderunt. Editionum A. 1620 procuratarum duæ inter sese differunt. Differentias enumeravit Autor. Luckius sumptibus suis librum excudendum curavit,

ac ex eo sese ad paupertatem fere præcipitavit. Numos exhibuit ordine chronologico 408, chalcographo *Petro Aubry. Biais* ac *Strada* numerorum typos nonnunquam finxit. *Tentzelius* id vitii quoque tribuerat *Luckio*, quem tamen & *Autor*, & *Heræus*, defenderunt, licet *Luckius* omiserit indicare, ex quonam metallo quivis numus percussus aut fusus fuerit. Numi nomine species quaslibet designat, non ostendens, an thalerus, an numus alius, sit intelligendus. Expositiones historicas numismatum direxit Professor Argentinenfis, *Matthias Berneggerus*, non adornavit, licet ita visum fuerit *Placcius de Scriptoribus pseudonymis* mm. 1628 pag. 427. Paravit *Luckius* quoque edere seriem numerorum inde ab A. 1400 usque ad 1500, sed ille labor intra spei cancellos subsistit. Hæc præfatus est Cel. *Kælerus*, qui ad Chronologiam ipse haud adeo attendit, ac, licet numophylacio haud sit instructus, egregium tamen ex amicorum subsidiis apparatus exhibuit.

TAB. IV

Fig. 1.

Fasciculus primus conspiciendum præbet Ducatum Regi-
næ Hungarorum, *Maria*, A. 1382 percussum, cujus in antica
apparet imago S. *Ladislai*, quondam Regis Hungariæ, stantis,
coronati, nimbo sancto circa caput cincti, dextra prehenden-
tis asciam bellicosam (*Streitbeil*), sinistra vero malum, im-
perii insigne, cum epigraphe in orbem adjecta: S. LADIS-
LAUS REX. In postica apparet scutum bisectum, exhibens
conjuncta Hungariæ & Neapolitani regni insignia, cum pe-
rigraphe: MARIA DEL. Gratia Rex. VNGARIE. *Mariam*
illam æque ac *Hedewigem* Rex *Ludovicus* primus ac magnus,
dominans Hungariæ & Poloniæ, A. 1382 d. 13 Sept. defunctus,
reliquit, ex altera uxore *Elisabetta*, Regia Bosniæ Principe, na-
tas. Juniorem Poloniæ eligebant A. 1386 Reginam suam,
eamque cum Duce Lithuanie *Jagellone*, Christianam doctri-
nam amplexo, matrimonio copulabant. Majorem natu Hun-
gariæ diademate regali ornabant, licet *Elisabetta* mater guber-
nationem ipsam ob filie ætatem adhuc teneriorem procura-
ret, opera inprimis Palatini *Nicolai Garæ*, cujus ob ambitio-
nem proceres reliqui consilia clandestina inierant, deiciendi


Mariam

TAB. IV. ad N

Fig. I.



Fig. IV.



1844

1845

1846

1847

Mariam de solio, ac *Carolus*, Regem Neapolis, reponendā *Maria* inter hæc cum *Sigismundo*, Marchione Brandenburgi, celebravit nuptias. *Carolus* vero, in regnum invitatus & allectus, arte occupavit animos & sceptrum, ac inauspicato diadema usurpare cœpit. Eodem anno 1386, die Rosarum, *Reginz*, *Elisabetta* & *Maria*, nec non *Nicolaus Gara*, instituerunt *Caroli* eadem, ac hic, dum in conclavi *Maria* legeret *Sigismundi* literas, a *Blasio Forgatsch*, acinace in caput graviter inflicto, fuit occisus. *Joannes*, Croatia præfectus, d. 23 Julii insidias hæc necis autoribus struxit, *Garam* & *Forgatschium* telorum nimbo exstinxit, *Elisabetham* demersit in æmne Boszut, *Mariam* in arcem Croatia Crupam deduxit captivam. Accesserat, dum hæc fierent, *Sigismundus*, *Maria* sponsus, in regnum Hungariz, ac Budæ suscipiebat regnum; quare ipsam dimittebat *Joannes* inviolatam. *Sigismundus Joannem* inopinantem intercept, ac Quinqueecclesiis intervenitu forcipum ignitarum interimi jussit. Obiit *Maria* tranquille A. 1392, ac *Sigismundus* regno præesse posthæc haud destitit. Sed quid *Maria* fuit rei cum *Ladislao* Rege? Ipse *Ladislans* erat secundus *Bela* Regis filius, qui fratri suo *Gaysæ*, defuncto A. 1077 d. 25 April. successit in regno Hungariz, ipse defunctus variis bellis cum confinibus, ac turbis a deposito Rege *Salomone* excitatis, ac vita A. 1095 d. 29 Jul. Ipse ob famam sanctitatis & miraculorum ab obitu editorum A. 1198 cœlitum ac eximie Beatorum, seu Sanctorum, ordinibus fuit adscriptus. In numo gestat manū altera securem bipennem (*Strcitaxi*), signum supremæ quondam apud Hungaros potestatis, ac altera *globum*, regni indicem. Hungari imaginem hujus *Ladislai*, & equestrem & pedestrem, numis suis, præcipue Ducatis, impressam, amarunt, & morem illum, venerationis erga patrōnum terræ suæ documentum, retinere usque ad annum 1611, quo *Matthias II* imaginem suam in *Ladislai* locum substituit. In scuto apparent insignia Hungariz, conjuncta cum regni Neapolitani insignibus. Conjunctionis illius origo arcessenda est a *Carolo Martello*, filio Regis *Caroli II*, Neapolitani, ex gente Ande-

Pag. 3.

6.

11

12

13

14

15

Pag. 8. Andegavensium orti, quem Papa post obitum ultimi Regis intestini Hungariæ, *Ladislai IV*, A. 1291 Regem Hungariæ, imposito diademate, renuntiavit, siquidem *Caroli Martelli* mater, *Maria*, *Ladislai IV* soror, & Regis *Stephani V* filia, exstiterat. Area illa cærulea, aureis liliis numero incerto conspersa, ad insignia gentis regiæ Andegavensis est referenda, ex qua *Carolus*, Dux Andegavi, filius Regis Galliarum, *Ludovici VIII*, procreatus erat, cui regnum Neapolitanum A. 1266 obtigerat. Ex hac ratione insignia Andegavensia inde ab A. 1266 ad annum 1406 simul regno Neapolitano exstiterunt propria. Ducatus ille, quem descripsimus, *Maria* alibi haud facile occurrit. Amœnitati cuique numismaticæ tandem Autor Cel. subjunxit Autorum nomina & loca, e quibus descriptiones suas depromsit. In *Figura secunda* repræ-

TAB. IV.
Fig. 2. sentatur numisma *Sigismundi Pandulfi Malatesta*, Domini Ariminensis, qui erat filius *Pandulfi*, ac exstruxerat templum S. *Francisci* splendidum in Arimini oppido A. 1450 ex voto, uti ex poslica patescit. Ipse fuit spurius inelytissimi Mediolanensis ac Venetorum Ducis bellici, *Pandulfi Malatesta*, Domini Ariminensis, Bergami, ac Bresciæ, natus A. 1416, patris vero ex desiderio pro legitimo per *Martinum VI* declaratus, ac interjecto tempore a *Sigismundo* Imperatore creatus eques Sacri Romani Imperii. Res ab eo gestas omittimus, illud addentes, literatis eum præstitisse favores summos & patrocinia, licet Dux bellicus esset exercitatusissimus. Obiit A.

14. 1468 d. 9 Oct. sepultus in templo illo S. *Francisci*. Ter
16. uxorem duxerat eventu infelici, & tres reliquerat filios, ex concubinis natos, *Robertum*, *Valerium*, & *Salustium*. In *Figura tertia* exhibetur numus S. *Petri*, seu denarius, quem

TAB. IV.
Fig. 3. Angli Romano Pontifici pendere solebant, satis rarus. In antica legitur epigraphe: SANCTI PETRI MONETA; in pos-

Pag. 18. tica: EBORACE CIVITAS, in qua denarius fuit percussus. *Inas*, Rex Visifaxonum, A. 726, nono & trigésimo regni sui anno, Romæ condendum curavit pro natione sua hospitium, scholam, & templum, ac pro eorum conservatione hominumque in eis

ali

ali solitorum edixit, ut quævis domus regni sui quotannis denarium exsolveret. Rex Merciar, *Offa*, A. 794 idem edictum sanxit. Rex *Ethelwulfus* A. 854 eum morem universæ Angliæ indixit, quem Rex *Edgarus* A. 964 confirmavit, ac *Eduardus Confessor* renovavit, *Henricus* autem VIII A. 1534 sustulit. Primum Archidiaconi cujusque diocæsis Episcopalis denarium illum colligebant. Postea Pontifex quæstiores eo sine singulares in Anglia habuit, e quorum numero floruerunt *Joannes Derlington* & *Polydorus Virgilius*. Præterea insignes ex Anglia reditus Pontifices ex Anglia acceperunt, ad 6000 usque marcas argenti quotannis excurrentes. Denarius *Petri* ab Hibernis anno demum 1159 *Henrici II* jussu fuit exsolutus. Ipse erat ex puro argento factus, cujus libra olim continebat 48 solidos, solidus vero 5 denarios, libra autem 240 denarios, æquavit pondere. Regnante *Henrico VIII* 45 denarii Petrini æquarunt pondus uncie seu 2 lothorum argenti, libra vera 540 denarios. In quibusvis urbibus episcopalibus numi illi fuerunt cusi, Romæ deinde in alios numos transfusi. *Gregorius VII* in id incubuit, ut reliqua ecclesiæ occidentalis regna consimili ratione redderet tributaria. Lusitanæ Reges & Poloniæ Rex *Casimirus*, nonnullos ejusmodi reditus Pontifici e suis regnis expensuros se, promissere. *Robertus Guiscardus*, Dux Apuliæ & Calabriæ, A. 1059 *Nicolaus II* Papæ a singulis boum jugis terrarum suarum quotannis Papæ 12 denarios Papiensis monete solvi jussit. In *Figura quarta* occurrit *Alfredi*, Regis Angliæ, numus, A. 879 percussus. In antica exhibetur epigraphe: AELFRED REX; in poslica: CVDBERHT. Regum imagines tum nondum numis imprimebantur. *Alfredus* iste sextus fuit ex West-Saxonica stirpe Rex, *Ethelwulfi* & *Orburgæ* filius quartus, natus in regia sede Wenadique, nunc Wantage, in Barcheria, duodecennis didicit prima literarum elementa, uxorem duxit A. 868 *Alswitham*, *Ethelredi*, Comitis Gainorum in Mercia, filiam, A. 871 fratri *Ethelredo* successit, bello cum Danis flagrante, A. 878 Regi Danorum Ost-Angliam & Northumbriam feudi loco donavit, A. 886 Londinum recepit, obiitque A. 900 d. 28 Oct.

Pag. 19.

21.

22,

23.

24.

TAB. IV

Fig. 4.

Pag. 25.

26.

28.

Y y

sepul.

- Pag. 29. sepultus in cœnobio Winchestriæ, seu Vintoniæ, dominus Britannicæ totius, Scotiæ quippe Regibus imperitans. Regnum divisit primus in Comitatus, seu Shires, regnique descriptionem condidit, vulgo vocatam Codicem Vintoniensem. *Cuthbertus* fuit pius sacerdos in insula Lindisfarnia prope Berewicum, cui nunc nomen Holy-Island. Cœnobii Mailros A. 670 constitutus fuit Abbas, & A. 684 Episcopus Lindisfarniæ.
31. Abdicavit sese hac dignitate A. 687, cœnobiumque repetiit, in
32. quo d. 20 Martii decessit. Pro Sancto deinde & tutelari Anglorum patrono fuit reputatus, apparuitque A. 878, uti ferunt, Regi *Ælfredo*, periculis implicato. Non possumus, quin addamus ex Chronico Saxonico, quod *Edmundus Gibson* A. 1692 Oxonii edidit, ad A. 685 pag. 45, *Cudbertum* A. 685 jussu Regis *Egferthi* primo Paschatis die Eboraci consecratum esse in Episcopum Hagustaldeshamensem. Locus *Hagustalderham* hodie vocatur Hexham, situsque est in provincia Northumbriensi, fortassis *Alexodunum* antiquorum. Originatio loco adhæsit ex rivulo præterlabente *Hestild*. Differt ab hoc loco Lindisfarnia insula, seu Haligealand, seu Holy-Island. Omittimus numisma *Ferdinandi Gonzaga*, qui *Carolo V* Imperatori munia præstitit bellica. *Figura quinta* proprius est numus *Canuti Magni*, Regis Angliæ, Daniæ, & Norwegiæ, prius, A. 1017 percussus. In antica conspicitur Regis, diademate ornati, imago, cum epigraphe: + CNVT REX ANGLORUM. In postica apparet crux, cum epigraphe:
41. + DVREFERD. Monetarius NORvicensis. *Canutus*, e summis Monarchis haud postremus, filius Regis *Suenonis*, *Tingek* cognominati, & *Sigrithe*, viduæ *Erici*, Suecorum Regis, A. 995 in lucem editus. Patri aderat A. 1014 d. 3 Febr. in Anglia defuncto. A. 1016 in Anglia *Ethelredo* successit, A. 1017 ab Archiepiscopo Cantuariensi inauguratus. Nasus aquilinus seu accipitris, quem in numo præfert, in Islandica historia, *Knylinga Saga*, ei tribuitur. Corona, qua est ornatus, a *Matthæo Parisio* vocatur *Girlandia*. Subiectum ei conspicitur sudariolum seu velamen sericum, quale Annales Fuldenfes ad A. 876 Cæsari *Carolo Calvo* assignant. Germani inter vetera imperii insignia simile
- TAB. IV
Fig. 5.
- Pag. 45.
- 47.

simile rubri coloris ac sericum velamen, quo caput fuit-
 ctum infra coronam, custodiunt, quod vocatur in veteri ad-
 jecto catalogo *Gugel*. Penes Saxones inferiores remansit
 vox *gügelke*, id est, mitra infantum, eaque subtilis,
 corrupte *ene üлке*. *Lutherus* adhibuit vocem *Kogel* in
 versione Bibliorum Germanica, quæ fortassis non discrepat a
Gugel. Crux in postica, quam Angli adhuc *the krosside* vo-
 cant, est signum religionis Christianæ, ac inservit usui pe-
 culiari, quo Angli penningum in quatuor partes æquales dif-
 fringere solebant, teste *Hovedeno*. Unde tales penningi, An-
 glis *pennegar*, vocabantur *Brokemmony*, *Brecbmüntze*. No-
 men monetarii, ne adulterati vel minus genuini introduce-
 rentur numi, per iussu Regis exprimendum erat in ipsis nu-
 mis. Omittimus ejusdem *Canuti* numum secundum, A. 1030
 percussum, in quo caput ejus apparet galea contextum, quam
 Anglo-Saxones vocarunt *Kynhelma*. Infra galeam promi-
 nent capilli, in duos cincinnos distributi. Mos ille, capillos
 alendi promissos, varieque colligandi, familiaris fuit Regibus
 populisque ad Septentrionem habitantibus. Suevis nomen
 fuit ex longis & complicatis capillis, qui similes erant cau-
 dis equorum convolutis ac complicatis, quæ vocantur
Schweiffe. *Tacitus de M. G. Cap. 38: In commune Suevi vo-*
santur. Insigne gentis, obliquare crinem, nodoque substringere.
Canuti imago præfert præterea regii pallii gestamen. Præ-
 terimus numum fufum unilateralem, in *Carolum II de Mansfre-*
dis, Dominum Faenzæ, fabricatum. In *Figura* autem *septima*
 conspicimus numum *Davidis II*, Regis Scotiæ, ad annum 1342
 referendum. Imago cubitalis in antica satis oculos incur-
 rit. Epigraphen habemus hanc: + DAVID + DEI + GRA-
 TIA + REX + SCOTORVM. In postica extima legun-
 tur hæc: DomiNuS + ProTECTOR MeuS + Idem +
 LIBerATOR + MeuS. In intima autem: VILLA EDIN-
 BVRGH. *Davides II*, *Roberti Bryce* filius, natus A. 1323 d.
 5 Mart. successor A. 1329, coronatus regio more A. 1331 d.
 24 Novembris, ab *Eduardo Balliolo* ximulo infestatus Anglis-
 que, profugus ad novem annos in Gallias, A. 1342 redux, A.

Pag. 48.

TAB. IV

Fig. 6.

Pag. 49 seq.

55.

57 seq.

TAB. IV

Fig. 7.

Pag. 65.

TAB. IV

Fig. 8.

Pag. 37.

81 seq.

89 seq.

TAB. IV

Fig. 9.

Pag. 98.

1345 ab Anglis victus, & in captivitatem abreptus, A. 1357, Papæ opera, interposito 100000 marcarum argenti pretio, restitutus, ac defunctus A. 1371 d. 22 Febr. non adeo fugit communem notitiam. Quare ad alia nunc properandum. In *Figura octava* oculis spectatorum subijcitur numus *Eugenii IV* Papæ mnemonicus & aureus, in memoriam unionis Romanæ, Græcæ, & Armeniorum, ecclesiæ A. 1439 percussus. Ipse fuit primus, qui insigne gentis familiæque suæ numis exprimendum curavit. Natione Venetus erat ex familia *Condolmeri*, cujus insignia constant scuto argenteo, quod lænia dextrorsum oblique protensa vel jacente est conspicuum. Epigraphe satis in propatulo est, ita efficta: SVB EVGENIO PAPA IV ANNO CHRISTI MCCCCXII VNITI SVNT. In postica duo viri manibus allevatis in genua coram *Petro* provoluti apparent, scilicet ad dextram Græcus Imperator, *Joannes VII Palæologus*, acuminata mitra, coronam referente, tectus, ac ad sinistram ecclesiæ Armenicæ Patriarcha, cujus in capite pileus patriarchalis eminet. Epigraphe adjecta est: GRÆCI ARMENIQVE IN SINODO FLORENTINA CVM SEDE APOSTOLICA. *Claudius Molinet* ex numophylacio Regis Galliarum hunc produxit numum, eumque pro *numo elegantissimo, & fere unico* habuit. Omittimus tres numos *Rogarii II*, primi Siciliæ Regis, ad annos 1121, 1128, & 1146, referendos. In tertio antica præfert literas Arabicas, quas Autor legendas esse putat: *Malech scharir*, id est, Regis thronus. Nobis vero, pace Autoris, legendæ ita videntur: *Melcheta scharira*, id est, regina certa, seu Maria, quæ in antica duorum reliquorum æque est obvia. Præterimus etiam aureum numisma, quo *Elconora, Friderici III* Imperatoris uxor, illustratur: ac gradum ad numum *Berengarii II*, postremi Italiæ Regis, promovemus. Ad annum 948 is videtur rejiciendus. In antica circum crucem legitur epigraphe: BERENGARIVS REX. In postica spectatur figura templi, circa quam adscriptum: CHRISTIANA RELIGIO. *Berengarius* hic *II* primi cognominis ex filia *Gisla* erat nepos, & Marchionis *Iporedæ Adalberti* filius.

filius. *Adalberti* altera conjux erat *Irmengarda*, ex *Adalberto*, Marchione Thufcorum, & *Berta* generata, quæ ipsum, *Anfcario* genito, fecit parentem. *Berengarii* ac *Anfscarii*, fratrum germanorum; *Hugo*, Italiæ Imperator, studiose expetiit amicitiam, ac *Berengario* nuptum dedit *Willam*, fratris sui, *Bosonis*, Marchionis Thufciæ, filiam; *Anfscarium* vero constituit Marchionem Camerini atque Spoleti. Nihilo secius uterque fratrum dolos in *Hugonem* moliebantur. Ut eos infringeret *Hugo*, *Anfscarium* A. 939 interemit; *Berengarium* vero in aulam pellicere tentavit, oculis eum privaturus. Cum *Lotharius*, *Hugonis* filius, sceleris instantis consilia proderet, *Berengarius* A. 940 ad Ducem Alemanniæ *Hermannum*, ac per eum ad *Ottonis I* opem, confugit. *Berengarius* A. 945 astu in Italiam rediit, munitissimasque urbes occupavit. *Hugo* rediit in Provinciam, *Lothariumque* filium *Hugonis* fidei permisit. *Henricus*, Dux Baviaræ, inter hæc A. 948 divexit ac deprædatus est Longobardiam. *Lotharius* Augustæ Taurinorum A. 950 d. 22 Nov. obiit ex ægitudine, inde ab A. 920 cum imperio versatus. Quo facto, *Berengarius*, ejusque filius, *Adelbertus*, a populo Reges salutati, ac eodem anno d. 15 Dec. Papæ inaugurati fuerunt. *Adelbeida* autem, *Lotharii* vidua, variis calamitatibus ab *Adelberto* proco & patre pressa, porro liberata, & Canossam deducta, *Ottonem I* de omnibus reddidit certiolem, eum illexit in Italiam, & ad nuptias ipsa perduxit. *Joannes XII* A. 960 de *Berengario* conquestus est una cum aliis apud *Ottonem*, qui A. 961 in Italiam venit, ac Mediolani diadema regium sumisit. *Berengarius* A. 964 Montem seltrinum ac sese *Ottonis* potestati submisit, ac, *Bavenbergam* perductus, obiit A. 966 d. 4 Aug. Numus *Berengarii* profluxit ratione figuræ ex numis Regum Franciæ, *Ludovici Pii*, *Lotharii*, ac aliorum. *Luitprandus*, ejus olim a secretis, elogiis admodum parsit in *Berengario* delineando. Ex eo tempore Italia nunquam non Germanicis Regibus fuit obnoxia. Posthæc disserit Autor de numo, in infelicem Danicæ Cancellarium magnum, *Petrum Schumacherum*, Comitem in *Greiffensfeld*, anno circiter 1674, percussio, ac

Pag. 100.

103.

104.

105 seq.

- Pag. 113 seq. de fatiſ ejus tragicis: de numo *Hadriani VI* Papæ, ad annum 121 seq. 1523 referendo, alioque, quem alius quidam in ejus memoriam cudi curavit: ac de raro Joachimico, a *Philippo Reinhardo*, Comite Solmenſi, Produce Regis Danorum in Wolferbuttelæ urbe ac regione circumjeſta, percuti juſſo, quem repetivimus, ac denuo incidi curavimus in *Figura decima*. Calanum deinde ac mentem Autor ad ſeptem Ducis *Auguſti*, Brunſuico - Luneburgenſis Domini, numos, a campanis dictos, & A. 1643 factos, convertit, quos egregio illuſtrat commentario. Numiſma *Franciſci*, Comitſ Valeſiorum & Engoliſmenſis, A. 1504 conſectum, induſtriam ejus tum provocavit, quam in Impreſarum origine & progreſſu perſequendo egregie oſtendit. Hinc animum ad Joachimicum *Henrici Hermanni*, Baronis de Burchinilchling & Wilhermsdorf, A. 1608 productum, appulit: cujus illuſtrationi numiſma, in Proregem Neapolitanum *Andream Carraſam* percuſum, ſuccedit, qui A. 1526 exſpiravit. Quod excipit typus egregii numiſmatis, a *Dominico Veneto* in *Sigifmundum Auguſtum*, Regem Poloniæ, A. 1548 excogitatum & aſſabreſactum: nec non numus ſepulcralis, *Caroli Guſtavi*, Regis Suecorum, præco, ad annum 1660 referendus: eodemque ſine in *Maximilianum I* Imperatorem percuſſus numus. Exhibemus in *Figura undecima* numum *Wilhelmi* Imperatoris, e Comitibus Hollandiæ procreati. In antica crux, quatuor ad angulos crucis quatuor roſæ, ac epigraphe: *WILHELMUS ROMANORUM REX COMES*, occurrunt. In poſtica clypeus triangularis ad dextram unicipitem aquilam imperialem, ad ſiniſtrum leonem Batavicum, oſtendit, adjecta epigraphe: *HOLLANDIE. Fridericus II* Imperator jam antea numiſ aquilam unicipitem exprimendam curaverat. In ſigillis aquila nondum ea ætate fuit adhibita. Biceps aquila hiſce temporibus haudquaquam reſpondet. Sequuntur delineationes & hſtoricæ deſcriptiones aliorum æque ſpectabilium numorum, Principis Anhaltino-Cotheni, *Ludovici* junioris, pag. 201 ſeq. *Chriſtophori Franciſci*, Epſcopi Wirceburgenſis, ad A. 1725, pag. 209 ſeq. *Leonhardi*, Archiepiſcopi Salisburgenſis.

sis, ad A. 1513, pag. 217 seq. *Bernhardi Gustavi*, Marchionis Badeno-Durlacenſis, Abbatis Fuldenſis, ac Coadjutoris Campidunenſis, ad A. 1672, pag. 225 seq. affictus *Philippo Magnanimo* numus, cujus in poſtica legitur rhythmus: *Besser land und leut verlobn Als einen falschen Eyd geschworn*, pag. 233 seq. ac numus *Georgii*, Landgravii Leuchtenbergæ, Joachimicus ac rarissimus, ad A. 1547, cujus ectypon exhibemus in *Figura duodecima*. Ante *Fridericum Barbarossam* de hiſce Landgraviis multa injicitur mentio, quorum succincta hic ediſſeritur enarratio. Pergit Autor ad numos elegantissimos complures, videlicet eum, qui in magnum coronæ Cancellarium & Ducem bellicum, *Joannem Zamoyski*, fuit cuſus, defunctum A. 1605 d. 3 Jun. pag. 249 seq. aureum Colonix urbis, in cujus averſa parte navis virginum repræſentatur, pag. 257 seq. Joachimicum Ducis ultimi Brunſuico-Grubenhagenſis, *Philippi II*, ad A. 1595, in cujus poſtica legitur: *Gott gibt, Gott nimbt*, pag. 265 seq. & ducatum, A. 1474 factum, in Ducem *Galeacium Mariam Sfortiam*, cujus typum cum Lectore communicamus. Epigraphe anticæ ſic eſt legenda: *Galeacius Maria Sfortia Vicecomes Dux Mediolani quintus*. Inſcriptionem poſticæ hanc habe: *Papienſis, Angleria, Tricarici Comes ac Januæ Dominus & cetera*. Dux ipſe, A. 1444 d. 14 Jan. natus, crudelitatis nota teter, periit inſidiis ac vi a percufforibus illata A. 1475 d. 26 Dec. Omittimus numum *Henrici Junioris*, Ducis Brunſuico-Luneburgenſis, A. 1561 concinne elaboratum, cujus in poſtica eminet epigraphe: *In Gots Gewalt hab ichs geſtalt Der hats geſügt das mirs genügt*. Addimus numum Briſacenſem, A. 1633 in obſidione duriffima urbi inſeſta excuſum. In antica clypei eminent *Auſtriæ, Alſatiæ, & Briſaci*. In poſtica legitur inſcriptio: *MONETA NOVA VA-STATæ ALſATæ ET BRISIACÆ INDEX*. Suecorum arma victricia tum Briſaco erant admodum moleſta. Inferit Autor Cel. typum ducati *Sophiæ*, Electori Saxonix nuptæ, perigraphæ conſpiciui: *Wohl dem der Freude an ſeinen Kindern erlebet*. Rarus eſt numus, quem ordines Bohemorum ſub utraque A. 1619 tumultuantes feriri curarunt. Merito

huic

TAB. IV
Fig. 12.
Pag. 242.

TAB. IV
Fig. 13.
Pag. 273
ſeq.

277.

281 ſeq.
TAB. IV
Fig. 14.

Fig. 5.

- huic numus mnemonicus junctus, quem *Ferdinandus II* occasione fundati templi ac cœnobii in albo ad Pragam monte, Pag. 313 seq. memoriam felicis ibi commissi prælii renovaturus, A. 1628 fieri jussit. Succedunt duò numismata *Christiani Augusti*, Comit. 321 seq. Palatini Sulzbacensis: aliud in commentitii Regis Galliarum Cardinalis Bourbonii arrogantiam A. 1590 excusum: 337 seq. numus A. 1648 in obsidione Pontfracti castelli, in Anglia siti, cusus; Joachimæus rarior, a *Friderico Wilhelmo*, Electore Brandenburgi, in signum obtentæ supremæ potestatis per Prussiam, percussus A. 1657; numus *Friderici Wilhelmi*, ad 345 seq. prædicandam victoriam Fehrbellinensem A. 1675 cusus: 353 seq. rarum numisma *Bernhardi & Ernestorum*, fratrum germanorum, Marchionum Badensium, A. 1533. Succedit rarissimus TAB. IV aureus florenus Ducis Geldriæ ac Juliaci, *Caroli* scilicet, ad Fig. 16. annum 1492 spectans. Ipse sese vocavit simul Zutphaniæ Comitem. Addimus huic in *Figura 17* pulchrum urbis Bernæ thalerum, non ubique obvium, pag. 377 seq. Diuidium *Julii* Ducis redemptorem, *Julius Læser*, præstantissime Fig. 17. Autor descripsit, ac in fine adjunxit rarum *Gerlaci*, Archiepiscopi ac Electoris Moguntini, ducatum, A. 1354 elaboratum, Pag. 393 seq. quem *Figura 18* repræsentat. Subjunxit Supplementi 409. loco Autor, elogiis nostris major, unum alterumque numum, TAB. IV Fig. 18. ac nonnullas accessiones ad superiora, & emendationes. Fui- mus copiosiores, ut Lector veluti in speculo eruditionem, se- lectum, apparatus, & diligentiam incomparabilem, intueri possit, justumque de Opere ipso, in quo recensendo posthæc vela contrahemus, expromere possit judicium.

RECUEIL DE PIECES CURIEUSES SUR LES
matieres les plus interessantes, &c.

h. e.

COLLECTIO LIBELLORUM CURIOSO-
rum de rebus maximi momenti, adornata ab
ALBERTO RADICATI, Comi-
te PASSERANI.

Rote-

Roterodami, sumptibus viduæ Thomæ Johsoni ac filii, 1736, 8.
 Alph. 1 plag. 2.

Fasciculus hic complectitur Libellos quinque. Primus exhibet duodecim Sermōnes morales, historicos, & politicos. Secundo continetur historia professionis sacerdotalis, antiquæ & recentioris. Tertio profertur tractatio miri tituli & cognominis: *Nazarenus & Lycurgus inter sese comparati, per modum epistolæ scripti ad Imperatorem Trajanum.* Additur: *conversum ex Latino.* Excipit eam Narratio fidelis & comica de religione Cannibalorum hodiernæ ætatis. Additur: *versa ex Arabico.* Adjungitur hinc quatuor Libellis Consilium ingeniosum (*Projet*) facile, æquum, & modestum, quo possunt numerosissimi infantes inopes & mendicantes reddi utiles nationi, qui jam illi sunt exitiosi. Additur: *Ex Anglico conversum.* Consilium hoc est & satyricum & insulsum. Autor enim suadet, ut infantes pauperiores in cibum adhibeantur, ne desint anthropophagi inter Christianos. Scopus satyræ non est ei comprehensu difficilis, qui totum attente perlegit fasciculum. Miramur merito, fortum Deisticum Serenissimo & Potentissimo Regi utriusque Siciliæ *Carolo* fuisse dedicatum. Autor sese Italum ortu vel fingit vel refert, ominatus, Italiam omnem ab eodem Celsissimo Domino ac Rege *Carolo* subactum iri. Ipse ab instituto suo non alienum credidit, fateri, XII Sermones a sese jussu defuncti gloriosissimi-que *Victoris Amadei*, Regis Sardinie, esse compositos, ac præmisit rationem rei gestæ, qua ad eos conscribendos fuerit impulsus, sed eo nomine in Pontificis odia ac inquisitionis sacræ minas inciderit. Bona sua fisco addicta, & sese supplicio, quo vivus erat comburendus, dignum fuisse judicatum, refert, Regemque scripta ipsius pro impiis & heterodoxis reputasse commemorat, qui tamen quinque articulos ex numero eorum, quos instillaverit ei, duodecim in effectum legisque decreta deduxerit. In Sermone primo defendit *Deistæ*, quos Atheos vocari perhibet, & inter eos ipsum *Spinozam & Vaninium.* Christum pro legislatore habet, qui

Pag. 24 seq.

- pag. 33. paupertatem, humilitatem, amorem, & vindictæ horrorem, docuerit, & vita sua expresserit. Consilia Christi a præceptis ejus distinguit. Apostolos & primos Christianos ad quartum usque Seculum semitam a Christo ostensam & calcatam instituisse, addit. Existere putat nationes plurimas, quæ vestigia Christi sanctissima sequantur, in statu innocentiz constitutas, & sanctissimis legibus naturæ obsequentes. Ut hoc ostendat comprobetque, provocat ad illud Christi *Matth. IX, 12, 13: Sani non indigent medici, sed agrotantes.* Sed quis ignorat, omnes mortales per naturam suam labe infectam peccare? Quis nescit, sententiam Christi illam sensu diversissimo esse præditam? Addit idem præterea, existere nationes, vulgo feras existimatas, quæ sequantur suavissimas naturæ leges, & sint genuini infantes innocentis *Adami*. Ne hoc videatur pronuntiati durum, ipse ad *Justini Martyris* confugit consensum. Christum docuisse communionem bonorum, quæ in Ecclesia Hierosolymitana brevi tempore persisterit, affirmat. Et cur non eadem sentiendi libidine pronuntiaret, divitias cætuum Christianorum fuisse in causa, cur ipsi ab Imperatoribus prius Romanis, eorumque præfectis, fuerint persecutionibus & calamitatibus infestati, qui pecuniam illam voverint in usus publicos convertere? It illud exemplo *Laurentii Martyris* comprobatum. Imperatorum & Regum jure in homines ecclesiasticos & in Concilia egregie videtur delineare. Sed, data quavis occasione, omnes Christianæ rei pravitates & calamitates a sacerdotibus & hominibus ecclesiasticis deducit. Laudat Præsidis *de Mont* literas, dictas *Lettres Persanes*. Haud obscure commercium *Mosis* cum Deo, in monte Sinai celebratum, cum *Visnovvii*, legislatoris Indorum, itinere solitario in montem factum comparat, quem in finem excitat *Partem secundam*, ejusque *Sectionem 19*, ex *Vedamo*. An hunc librum inspexerit unquam, admodum dubitamus, quem nuper demum Parisios allatum Jesuitæ retulerunt. *Constantinus Magnus* ab eo appellatur *sacerdotum amator usque ad superstitionem*. Historiam incrementorum Pontificatus & Episcopatus Romani sollicite recenset, sed

sed ut omnia in pejorem partem interpretetur. Pontificem *Hildebrandum* appellat *Cromwellium* Romanum. Ubique celebrat summisque laudibus evehit statum legesque regni Anglorum. Vitia & crimina sacerdotum, & fundi politici calamitatem, inde derivandam, nunquam non coloribus perquam vivis delineat. *Machiavelli* politicam defendit & approbat. Omittimus reliqua. Sequitur Epitome historica de professione sacerdotali antiqua & recentiori, dedicata illustrissimæ & celeberrimæ sectæ libere cogitantium, addito symbolo ex *Horatii Sat. II Lib. II: Hac urget lupus, hac canis*. Præmittitur introductio, continens examen omnium sic dictarum revelationum. *Evam* libere peccantem collocat in numero libere cogitantium (*Esprits forts*), quæ origo est omnino flebilis. *Collins* laudatur, & *Socrates* inter heroas *fortesque spiritus* refertur. Deinde annotationes & judicia expromuntur de professione sacerdotali inter Græcos, Romanos, Indos, Judæos, ac Pontificios, præcipue eos, qui sunt in Anglia. Scopus Epitomæ in eo vertitur, ut nemini non persuadeatur, omnia mala esse a formis religionum exorta. Hac quasi promulsæ Autor credit lectorem satis fuisse alleclum. Quare ad insulsiore evomenda procedit. Epistolam *Lucii Sempronii Neophyti* de *Nazareno* & *Lycurgo* in comparationem adductis, ad Imperatorem *Trajanum* Augustum directam, ornat in fronte hac clausula: *Ad majorem Dei Opt. Max. gloriam Societatisque beneficium*. Manuscriptum in Bibliotheca Vaticana latere, significat in Præfatione. *Joſum* & *Joannem* in *Egypto* magiam, philosophiam, & reliquas artes, didicisse, & deinde ex composito egisse, Autor impie somniat ac delirat. Prædicat libros *Wollſtoni* per fugam *Parthis* familiarem, & perstringit *Gibſonum*, Ven. Episcopum *Londinensem*, aliosque. Superstitiosos comparat cum *Pharisæis*, & *Deiſtas* seu *Spiritus fortes* cum *Sadduceis*. Episcopale regimen reprehendit pag 277 seq. Narratio fidelis & comica de religione *Cannibalarum nostræ ætatis* complectitur parallelismum *Muhammedanæ* & *Pontificiæ* religionis, in quo & errores & veritates naso aduncò suspenduntur. Non est ne-

Pag. 107.
170 seq.

181 seq.
217.

243.

249 seq.

295 seq.

287 seq.
273 seq.

cessum, ut *Democrito* Britannico propius noscendo immoremur. Valeat ille, suasque res sibi habeat.

REGES FRANCORUM MEROVINGICI,
Documentorum auctoritate asserti a JO. LUD.
LEV. GEBHARDI.

Luneburgi, impensis Jo. Georgii Abt, 1736, 4.

Alph. 1 plag. 2 1/2.

Felicitatem seculi nostri haud minimam in eo collocantes, quod studium historicum ad maximum fere culmen pervenerit, apud eos veniam nos adepturos esse confidimus, qui factorum recensitionem tunc demum & utilitatem & voluptatem proferre norunt, quando de eorum veritate satis constat. Nunquam fabulae tutius explodi, nunquam imposturae curatius detegi, potuerunt, quam hoc nostro tempore, quod Documentorum, quorum de fide nullum superesse potest dubium, ubertate & Scriptorum coeuvorum multitudine ad indagandam veritatem necessaria subministrat adminicula. Sed, cum pauci inter eruditos eo abundant otio, ut perscrutandis temporis praeteriti rerumque gestarum monumentis debitam adhibere queant diligentiam, sane eorum haud satis collaudari poterit industria, qui spartam docendae historiae sibi collatam summo studio ornant. Clarissimus *Gebhardi* horum cum intersit numero, altera jam vice occasionem nobis praebet, ipsius ut laudes publico eruditorum orbi praedicemus. Cum enim A. 1730 Tabulas *Lobmeieri* genealogicas, emendatas, auctas, & ad nostra usque tempora continuatas, ederet, quarum recensio his in *Actis Mens. Jul. A. 1730* habetur, simul Electorum & Ducum Germaniae illustres domos promisit documentis & coevis testibus comprobatas, in sinum eorum, quibus haec ardent studia, se effusurum. Prelo eas jam paratas habet, & ut innotescat, quam legem sibi in elaborandis gentibus imposuerit, progeniem *Merovingicam* ea defudatam eruditus offert in exemplum. Ut eo uberius hac de lege Cl. Autoris constet,

constet, paucis illam exponemus. Tabulis quinque totum absolvitur Opusculum; unicuique autem Tabulæ statim annexæ sunt assertiones. Prima Tabula Reges continet Francorum ante *Merovæum*, quorum priores, *Faramundum* antecedentes, inter duces potius collocandos, Cl. Autor in assertionibus monet, qui simul, ut eo tutius evitaret quævis vel fabulosa, vel saltem incerta, de origine tam gentis, quam vocis, Francorum, legumque Salicarum natali solo atque epocha, nulli sententiæ accedens, omnia in medio relinquit. Sic quoque ortum & cognationem Regum *Sigismeris* & *Sigeberti Claudi*, ejusque filii, *Chlodericus*, definire noluit. Tabula secunda *Merovæum*, ejusque patrem, cognatos, & posteros, ex *Chlodovei I* liberis, *Theodorico*, *Chlodomere*, & *Childeberto*, exhibet. In Tabula tertia *Chlotarius I*, *Chlodovei I* filius, qui monarcha omnium Francorum, extinctis fratribus, eorumque filiis, evasit, ejusque posteris, excepto *Chilperico* filio, conspiciuntur. Ipse *Chilpericus I*, & qui ex illius provenerunt stirpe, in quarta continentur Tabula, præter abnepotem *Chlodoveum II*, cujus progenies quinta in Tabula agmen claudit. Autoris præstantissimi diligentia in coacervandis testibus fide dignis, acumen in dignoscenda veritate a fabulis, & modestia in dissentiendo ab aliis, præsertim *Eccardo*, qui ipsi sæpius vapulat, omne removet dubium, quin Electorum & Ducum Germaniæ familiæ, iisdem legibus elaboratæ, cunctis veræ historiæ amatoribus acceptæ, cultoribus autem utiles, futuræ sint, præsertim si laterculus chronologicus, & catalogus Scriptorum, qui Opusculo nostro annexi sunt, iis etiam addentur. Nihil ergo magis in votis habemus, quam ut vita satis longa, valetudo semper optima, & otium nunquam interruptum, Clarissimo *Gebhardi* abundet, ad exhibendos, quos prelo paratos habet, Germaniæ superiores Principes Comitesque, in Ducatibus quondam conspicuos.

L'AVOCATO, &c.

h. e.

ADVOCATUS, DISSERTATIONIBUS IL-
lustratus a DOMINICO MICHELIO, Veronensi.

Lz 3

Vero-

Pag. I.

3.

19.

50.

92.

Veronæ, apud Dionysium Ramanzini, 1735, 4.

Plag. 10½.

- Pag. I.** **D**issertationibus quinque Clarissimus Autor de Advocato, ejusque tam dignitate, quam officio, observationes qualdam affert. In prima illarum de nobilitate Advocati agens, nobilem generaliter illum appellat, cujus mens virtutibus imbuta est; ex quo concludit, Advocatos ideo nobiles vocandos esse, quia officii illorum nobilitas in scientiis animique virtutibus, ad utilitatem publicam accommodatis, fundata sit. Hinc a nobilitate Advocatis competente eos excludit, qui virtutum scientiarumque expertes, strepitum solummodo fori in deliciis habent; quæstusque cupiditatem nobilitati huic adversari docet. De scientiis Advocati in *secunda Dissertatione* sollicitus, maximopere Scripturæ sacræ lectionem Advocato commendat, cum ex illa non solum honorem majestati divinæ debitum cognoscere, sed præcepta quoque discere, possit, quæ utilitatem maximi momenti in vita tam Christiana, quam civili, afferunt; decisiones enim in sanctis inveniri literis innumerabiles, quibus justum ab injusto discernatur. Reliquas juris utriusque scientias & studia, quæ illis opem ferunt, dein uberius annectit. Ab Advocato consulente prudentiam, fidelitatem, & justitiam, adhiberi; ac vitia his virtutibus opposita evitari, debere, *Dissertatio tertia* graviter monet. Quæ sequitur *quarta Dissertatio*, copiosius præcipit, quid fugiendum, quidve sectandum sit Advocato, causas in foris oranti, cui ultima id, quod de moribus Advocati observari meretur, adjungit. Veritates ubique Lectori suo propinat Consultissimus Autor, de quibus dubitare haud licet; hinc, ut ab omnibus causarum patronis studiose diligenterque observentur, maximopere optamus.

JURIS FEUDALIS PRIMÆ LINEÆ, EX Germanicis & Longobardicis fontibus deductæ, ac usui bodierno forensi accommodatæ, cum Appendice Monumentorum & Formularum, nec non Indice locupletissimo,
in

in usum Collegiorum HENRICI CHRISTIANI
SENCKENBERGII, J. U. D. S. R. M. Brit.

Consilarii, P. P. Ord. & Syndici in

Georgia Augusta.

Gottingæ, sumptibus Christiani Henrici Cuno, 1736, 8.

Alph. 2 plag. 4.

Nihil difficilius, quam Compendia scribere. Namque hæc est negotii illius indoles, ut non solum exactam ejus, quam quis examinandam proposuit, disciplinæ notitiam, sed judicium acre, usuque limatum diuturno, requirat. Qui omnem eruditionis suæ apparatus uno expromi libello, & in Compendio vel minutissima rei objectæ capita cum accurate tractari posse sperat, is, ni fallimur, ab instituto suo & meta propolita aberrat quam longissime. Ex quo consequitur, disciplinam ejusmodi non parum juvari, si ad tradendam eam accedat Vir ad Compendium scribendum aptus, id est, & rerum instructus copia, & judicii acuminē. Nos in præsentis Juris feudalis disciplinæ merito gratulamur, quippe ad quam *Senckenbergius* accessit, doctrinæ Vir satis exultæ, & multis speciminibus probatæ. Non heri demum aut nudius tertius huic argumento horas quasdam subsecivas dare incepit Vir Clarissimus, sed a pluribus annis dies noctesque in hac arena desudavit. Nunc post tot labores specimen edit, admodum politum, & omnium plausu dignissimum, Compendium Juris feudalis naturali, ut ipse ait, ordine conscriptum. De quo cum copiose dicere non sit instituti nostri, summa tantum *Capita* indicabimus, adjunctis hinc inde rarioribus quibusdam observationibus. Prolegomena, quæ de re beneficiaria in universum agunt, eo Vir Cl. præmisit consilio, ut & ab allodiis, & a juribus cognatis, feuda dignosci queant. *Pars I* viam ad Jus feudale instruit, a nemine ferme antehac tentatam. *Cap. I* tradit *Præcepta generalia de feudali Jurisprudentia cum fructu pertractanda*. Inversum ordinem sequi eos putat *Senckenbergius*, qui sub ipsa studiorum initia animum Jure feudali imbunt; quod.

§. 2.

4.

- quod post Civilia demum & Canonica scita debebant aggredi, cum variz doctrinz de iuribus in re & ad rem, de contractibus & testamentis, de Clericis, Abbatibus, Episcopis, & Ordinibus equestribus, de beneficiis ecclesiasticis, de computatione graduum, de præscriptionibus, inde non raro sint arcessendæ. De Jure Germanico nemo dubitat, quippe ex quo instituta non pauca suam trahere originem, constat inter omnes. *Cap. II* agit de *Scriptoribus Juris feudalibus cognoscendis & dijudicandis*, & eorum aliquos recenset, observato temporis ordine. Dividit enim illos in *antiquissimos*, qui ante Sec. XIV vixerunt; *antiquos*, qui Seculum XIV & XV doctrina sua illustrarunt; *recentes*, qui Sec. XVI & sequenti innotuerunt; & *novissimos*, qui in finem superioris Seculi & nostra tempora incidunt. Boni scriptoris notam ei inprimis tribuit, qui 1) scopo sibi proposito satisfacit, 2) materiam non ultra, quam par est, diducit, 3) aliena a proposito non immiscet, 4) Germanica cum Langobardicis connectit, 5) singula ex fontibus suis, non aliunde, explicat, 6) theoriam cum praxi conjungit, 7) usum curiarum hodiernum ubique monstrat, 8) cuncta a se dicta satis probat, 9) probationes aptas seligit, 10) ordinem longe quæsitum respuit, 11) historiam, 12) Jus civile, 13) Canonum placita, 14) Germanorum scita, adhibet, 15) perspicuo dicendi genere utitur, 16) antiqua præjudicia damnat, 17) a principiis semel receptis sine ratione non discedit, 18) ex propria praxi res ejusmodi proponit, quæ non propositæ sunt prius. *Cap. III* *Juris feudalibus historiam*, serie temporum adhibita, delineat. *Cap. IV* *fontes Juris feudalibus* limpidissimos aperit, quos ipsa suppeditat Historia. Beneficiorum militarium origines ex antiquissimis Germanorum moribus derivandæ sunt. Tum advocandæ in consilium gentium Germanicarum leges. Tales in Capitulis *Ottonis I* & sanctionibus *Conradi II* reperiuntur. *Varia Philibertus* seu *Fulbertus Carnotensis* contulit. *Henricus III* Constitutionem de Feudis in Roncaliis campis publicavit. *Henricus IV* secundum Palatinas leges decidi causas feudales jussit. Exstant *Henrici V* concordata, cum *Papæali II* Pont. Rom.

de

de investituris Episcoporum inita. *Caput V* tractat de *praesidiis, fontium interpretationi & applicationi inservientibus*. Nunc ipsam rem *Parte secunda* aggreditur, loquiturque *Cap. VI* de voce *Feodi*, ejusque varia acceptione, homonymia, & synonymia, quod argumentum Ill. Gebauerus pridem ita tractavit, ut addi nihil queat. *Cap. VII* in *Feudorum originem, definitionem, naturam, & affinitatem*, inquit. Derivant feuda alii a Romanis, alii a Francis, alii a Germanis. *Senckenbergius*, in singulis hisce opinionibus veritatis aliquid latere abditum, concedit, cum gentes singulæ contractum feudali similem inierint sæpius. Definitiones celeberrimorum hominum profert in medium, & doctè corrigit, ipse vero hanc substituit: *Feudum est contractus, vi cujus vassallus domino operas suas militares pro certa mercede elocat*. En *Feudi essentialia*. His *naturalia* opponuntur, quæ omnibus conveniunt militibus; & *accidentalibus*, quæ pro libera pacifcentium voluntate possunt adjici. *Caput VIII* sistit *personas & dantes, & accipientes*. De jure dandi, utrum Nobilibus competat, dubitatum aliquando. Certe ad jura Baronum retulit *Carolus IV* in *Diplomate* de A. 1360 apud *Glasfeyum* in *Anecd. Tom. I pag. 352*. Nunc affirmativam innumeris corroboratam exemplis videmus. *Caput IX* inscribitur *de rebus in feudum dandis, earumque pertinentiis*; *Caput X* de *titulis ac modis*, quibus feudum ab initio queritur & continuatur; *Caput XI* de *feudorum perpetuitate, & translatione in alios*; *Caput XII* de *juribus & obligationibus domini ex hoc contractu*; *Caput XIII* de *juribus & obligationibus vassalli, agnatorum, & simultaneæ investorum*; *Caput XIV* de *nuptiis, tutela feudali, & jure minorum*; *Caput XV* de *dissolutione hujus contractus pro parte vel in totum*; *Caput XVI* de *jure heredum allodialium, & debitis feudorum*; *Caput XVII* de *judicio feudali, actionibus, & processu*; *Caput XVIII* de *Cancellaria feudali, & sporulis*. Cancellaria feudalis, sive regimini terrarum provincialium juncta sit, sive Cameræ computorum adjecta, ut in Gallia & Lotharingia, sive denique peculiari curiæ feudali commissa, absolvitur. *Consiliario*, qui *Cancellarii* nomine

§. 135.

136.

153.

161.

449.

Pag. 451.

splendet, 2) *Secretariis*, qui omnia expediunt, & protocolli habent rationem, atque 3) *Archista, eiuem Lchns-Registratore. Archiva feudalia* sero coeperunt instrui. Sic in Episcopatu Ultrajectino A. 1021 demum vasallorum consignatus est numerus. *Cap. XIX, de differentiis feudorum generalibus, & Germania provinciarum specialibus*, finem imponit Operi. *Caput* hoc in gratiam eorum, qui in divisionibus acumen quaerunt, adjecit Cl. *Senckenbergius*, inutilem ceteroquin iudicans laborem, si quis divisiones feudorum generales confingere velit, cum omnis res ex pacto speciali formam acceperit. Illud miramur, Virum doctissimum divisionem domini in directum & utile ex erudita proscribere republica, vasalloque nihil praeter usumfructum qualificatum assignare. Auro cariora sunt, quae adiunxit, LXXVII Documenta. His enim, nec decimam octavam, quam supra adduxerat, boni Scriptoris notam sibi deesse, satis superque demonstravit. Quodsi in eodem, in quo jam decurrit, stadio perget Vir eruditissimus, non dubitamus, maxima olim optimis literis ab industria *Senckenbergiana* incrementa ventura.

ANATOMEN SCROTI, ENTERO-SARCOCELE tumidi, tradit AUGUSTINUS FRIDERICUS WALTHER, Regis Pol. & Elect. Sax. Archiater & Pathologiae Prof. Publ. Lipsiensis.

Cum in sexagenarii viri, & ex capitis vulnere demortui, cadavere utrumque scrotum intestinis & abundante cellulosa substantia tumidum ante aliquod tempus inveniremus, ipsis nobis objecimus, quare in veteri hoc herniae morbo scrotum tantum majus duobus pugnis esset, nec ad multo majorem molem & magnitudinem accessisset. Quod ut inter plura dilucidius pateret, ejus scroti anatome primum obliqui externi musculi tendinis anulum vel hiatum duorum pollicum mensuram cum semisse utrinque vidimus retulisse; ut etiam tres digiti, qui inter pollicem & auricularem medii sunt, cum abdomen postea apertum esset, juxta intestinum, quod descen-

descenderat, permitterentur. Firmum, atque valde compactum, ligamentum, quantum neque illi inguinali subjectoque vinculo crassitudine cedit, superiorem dicere annuli oram quis maluisset, quam continuatam, aponevrosin vocare; quod ita quidem pristinam formam, & omnem annuli modum naturalem, ea annuisset, crassitudine insueta superasset, & excessisset. At inferior annuli pars, quanta, in statu quidem naturali, cognoscitur, contra ab inguinali ligamento ægre discernebatur, cum adeo subsedisset, ut tantum id inguinale ligamentum hac parte posteriore herniæ superesse, & tumorem sustinere, videretur. Disparuerunt arcuatæ illæ fibræ, quales ab externo annuli latere ceteroquin visuntur, & quas, liberaliore quidem naturæ beneficio, procedentibus obliqui tendinis externi fibris intextas esse, constat; quod annuli quoque exterior pars vehementius diducta esset, ut etiam omnis morbosus hiatus, obliqui inguinalis, & propinqui ligamenti, tractum sequeretur. Tendinosum illum, valdeque mutatum, ac superiorem hiatus marginem anatome in partes distinximus, cum unum quidem amplissimum abdominis musculum post alterum separaremus; quod singulus quisque tendo inter separandum monstraret, quantum sibi quidem deberet, id, ita ex triplici tendine, quasi compactum, & robustum herniæ, ac transversum, licet morbosum vinculum. Parum absuit, quin decideremus: huic, ita subnato, paria incrementa dedisse obliqui utriusque musculi, & transversalis, morbo quidem auctos, tendines; scilicet, ubi nutritæ præter modum, aut aliter ad annuli pristini superiorem oram accumulatæ, tendinosæ fibræ, hoc diuturno morbo fuerunt. Quare omnes tendines, quicumque hoc convenere loco, quasi funiculum effecerunt, cum crassitudine calami scriptorii omnino comparandum, albidumque. Neque vero id nobis mirum jam erat, quod obliqui externi musculi tendo, ab externo tumoris latere, & quidem sub ligamenti inguinalis loco, quodammodo progredi, & cum crassiore hoc loco visa membrana cellulosa scroti, herniaque, connecti videretur; quandoquidem aliquam ejus partem super inguinales glandulas

dulas diffundi fibris solere, quin in sanis quoque corporibus ita pergere, & membranæ scroti, superioribus quidem locis, implicari, id ita constat, & patet §. 85 *Doctrina musculorum* Cl. Winslow. Verum ab annuli ora, cum præcisâ ablataque pars esset, quæ obliqui externique musculi tendini competebat, jam quoque interni musculi tendini tribuebatur altera pars ipsius tendinosæ oræ, quæ pariter accessione substantiæ crassæ, ac cellulosa, inde coherens, veluti continuaretur, in scroti herniæque tunicam desinebat; & inter alia tumorem ita confirmabat. Quod herniæ involucrum utrinque dimidiam crassitudinem minimi digiti habuit, totumque latus disenti peritonæi tumoris usque ad fundum ipsius investivit, & quidem a parte externa laxum, & consuetæ scroti internæ substantiæ magis simile visum fuit, quam ubi, a parte interna, multo spissius erat, & ad ipsam peritonæi firmiorem membranam adhaerebat. Nam, hoc rerum singulari nexu, omne latus tumoris, veluti cum beneficio quodam, in vivo suspendi, & firmari, potuit. Supererat autem, & accedebat transversarii musculi tendo, cui quidem reliquum, quod in tendinosa annuli ora supererat, jam adscribebatur; similemque substantiam, qualem vidimus a parte obliqui interni musculi tendinis, sed alia quodammodo ratione, nos inde continuari observavimus. Verum, ne quid fortassis fictum, & ita tantum cultro, noviterque, divisum esse videretur, hinc utriusque hujus ultimæ ligamentosæ, ac novæ, utut morbosæ, productionis plantationem diligenter investigavimus. Nam ex his altera, palmam cum progressa esset, sensim versus herniæ tumoris fundum extenuabatur, cujus latus tum ita obduxit, tum in imo tumore finem habuit: altera vero productio, quantam a transversii musculi tendine nos ante deduximus, hæc nondum medium tumorem consecuta erat, cum esse in ejus habitu desineret; ut, sine vulnere peritonæi, eandem cultro persequi, nobis haud concederetur. Igitur utramque ultimam partem nos cellulosa & externæ peritonæi parti adscripsimus; atque, magis ex morbofi corporis, quam sani, anatome, ita conjecimus: duplicem, vel triplicem, ejus contextus laminam, his inguinum locis,

locis, ceteroquin haberi, & cum obliqui utriusque, & transversi, musculorum tendinibus, unam post alteram, scilicet in herniæ morbo, paulatim, & magis, subsidere, deinde cum seroti membrana coire, ac postea luxuriari; sicut observatum in exemplo fuit.

Nisi animus nos fallat, duplicem hæc tñsum fert experientia, & meditatio. Nam ita demum, quid ponderosum tumorem perinde sustineat, atque omnimodum intestinelorum, scilicet quorumcunque ad cedendum aptorum, descensum, in seros quoque annos, nec raro, prohibeat, id inde rectius explicatur, aut liquet: alterum vero est, quod ita circiter & experiamur habitum, & crassitudinem, & omnium situm, quæ subinde, & præcipue quidem in hernia incarcerata, incidere necessum est. Sed ad absolvendum sectionis historiam modo progrediamur. Nam, hæc licet ita visa essent, nihilo minus spermaticorum vasorum fasciculus, juxta ipsum internum peritonæum, quod ex imo ventre jam deductum distentumque erat, inde seorsim quoque, ac posteriori loco, egrediebatur; quippe consueto peritonæi processu, neque morbofo, & porro cremastere musculo vestitus, atque cellulosis productionibus, quas ante diximus, & ab herniæ principio aliquo usque intextus ille erat, donec inde desllecteret, ut testiculum adiret. A sinistris portio ilei intestini, quæ pedem longa, ac prolapsa erat, hujus lateris faciem peritonæi cum parte conveniente mesenterii implevit; sed tumorem seroti, etiam hujus intestini crassitudo, quippe naturali vel triplo major facta, adauxit, cum quidem ejus habitus, & color, erysipelacei essent; nihilo minus, intra serotum, trium digitorum transversorum spatium, & ab intestinis vacuum, supererat, quo testiculus residebat. At a dextris, per similem distentumque anulum, cæcum intestinum, deinde duarum spithamarum pars colli intestini, cum majore parte omenti, jam quidem scirrhis obfessi, quin etiam cum mesocoli parte, olim delapsa erant; ut dextram hanc seroti cameram fere totam illa occuparent, & quarta circiter parte hunc tumorem præ sinistro seroto majorem efficerent. Intentiones ab

hoc latere procul dubio graviore, tantæque in vivo homine fuerunt, ut neque coli intestini, neque adiposi renis sacci, pluriumque rerum, naturalis nexu impeditisset, quo minus ipse ren dexter ad sedem novam, ac duobus transversis digitis præ naturali inferiorem, deductus esset. Exemplum ita suppedatur vis tolerabilis visæ, scilicet paulatim illatæ; quanta, si subito inferretur, nunquam vitæ periculo careret. Igitur nos vidimus & fellis folliculum, & stomachi dexterio-rem partem, præter modum declivem quoque obtinuisse pos- situm; hinc alia quævis vicina ad illam tensionem, ac de- scensum, paulatim a dextris fuere accommodata; ut, inter plura, ureteris, ex rene jam egressi, valde fluxuosam viam pa- riter animadverteremus. Sed, hæc ita absque intolerabilibus molestiis fieri, quis facile mirari desinet, cum is porro cogi- taverit, sicut alvus, in hernia scrotali, præsertim in multo grandiori tumore, aperta maneat: ut nec lapsi intestini spi- rarum numerus, nec omnis annuli distentionem, atque angustia, ex- cernendorum itum per hæc intestina, reditumque, impedire, plerumque observetur.

Verum de impedimentis jam agere opportunum erit, quæ quidem ejus generis morbosum saccum, perinde ac intestina, quin restituantur, in vivis prohibent. Atque, præsentis ex- emplo, repositionis obices, & quævis impedimenta, quot in clinica praxi quidem occurrere solent, fere conspicua fue- runt. Aut enim, ob majorem annuli distentionem, & am- plitudinem, retinendorum intestinatorum spe Chirurgos fru- strari se ipsos, nos cogitabimus; & ita in utroque latere rei exemplum hoc cadavere allatum fuit: aut aliter & ad fun- dum scroti, vel saltem ad ejus internum ambitum, adnasci peritonæum, & irritato conatu restitui, censebimus: aut deni- que intestinum potius cum interno sacco cohærere, vel utrumque, & peritonæum, & intestinum, ita figi existima- bimus; tum istam observationem in utroque scroto, hanc ve- ro tantum in dexteriore, fecimus; quo loco cæcum quoque intestinum ad sacci peritonæi fundum firmiter adhæserat. Quæ ita vulgo etiam innotuere reponendi tumoris impedi-
menta;

menta; sed nos modo unum alterumque adjiciemus. Ex his primum statim in scroto obvium, illaque moles est, ad quam, in veteri morbo, increvit cellulosa omnis substantia, sigillatim, quæ utcumque deducitur externa peritonæi pars; quam nos cum tendinibus obliqui utriusque & transversî musculi paulatim deferri, sed in morbo augeri, & continuari, hinc in ligamentum tumoris, juxta longitudinem suam, abire, conjecimus. Verum in exemplo accidit, quod inter plures quoque observationes fieri intelleximus, quas in hoc genere fecimus, ut ab iliaci musculi decliviori loco peritonæum, cum id vincula alia laxiora, & alia strictiora, præbet, scilicet quibus intervenientibus, cum ossæ sacro intestinum, aut saltem mesocolon, in statu corporis sano, ceteroquin jungitur, jam ad annuli, ex morbo quidem dissentienti, posteriorem partem paulatim detraheretur, hinc ad inguinale ligamentum, ut porro subsideret, & figeretur, ac tantum ad permittendum intestina se accommodaret, quantum restitutioni lapsorum, & quidem ad modum arcuatæ valvulæ, jam plurimum obstaret. Ejus vero generis valvula, & quæ pollicem lata erat, annulo ab sinistris prætendebatur: sicut alia, & quodammodo minor, a dextris erat, quæ neque ad angulum usque internum ipsius annuli, sive ad os pubis, penitus accessit; hinc liberiores quodammodo vias, transitumque lapsis, vel per artem quoque restituendis, intestinis hoc loco relictum esse, videbatur. Igitur ex his patet, quid in vivis, ac præsertim in incidendi tumoris, & herniæ incarcerationæ, exemplo, quamquam aperto peritonæi sacco, imo vero subinde inciso licet annulo, nihilo minus in veteri & obstinato morbo obflet, quo minus ex voto hæc manualis operatio aliquando cedat; nisi digito illato valvulam deprimere, deinde paulatim intestinum intra abdomen referre, magnopere juvet. Neque vero inter ea, quæ restitutionem intestini impediunt, jam reticenda hoc quoque exemplo, & quidem ab una parte obvia visa inflammatio erit. Nam sinistri, & intra scrotum delapsi, crassitudinem intestini, triplo majorem naturali factam esse, id supra dictum a nobis fuit; roseumque colorem, tanquam morbi clariorem notam, tum quoque adjecimus. De

exem-

exemplo conjicere licebit, ob herniam, quam modo incarceratæ ex parte similem ceasemus, & quidem ob graviorem dolorem, illum aurigam, miserumque, continere se ipsum haud potuisse, cum quidem equo, lapsuque fatali, rueret, & concitatæ rotæ motu, hinc illata capiti multiplici fractura, periret. Tantum, nec ita penitus turgidum flatu, nec aliter excrementis nimium oppletum, aut usquam convolutum cadaveris intestinum anatome visum fuit; ut ita nihilo minus in exemplo, & in omnium restituendi intestini obstaculorum numero, hæc saltem deessent, quæ quidem inguinalis & scrotalis herniæ, præcipue vero incarceratæ, morbum frequenter asperant, & cum aliis, quæ modo diximus, accipitem herniotomizæ successum faciunt.

Ausführlicher Bericht v.

h. e.

CHRISTIANI SCHLEGELII, DUCALIS GOTHANI Antiquarii & Secretarii, itemque Historiographi Saxonici, Vita Casparis Aquilæ, primi Superintendentis Salfeldensis, cum Præfatione D. ERNESTI SALOMONIS CYPRIANI. Adjecta est Vita Autoris a JOANNE ZEITSCHELIO, Pastore Rublano Gothanæ diæceseos.

Lipsiæ & Francofurti, apud M. G. Giesbachium, 1737, 4.

Alph. 3 plag. 6.

Jam dudum fuerunt, quos inter eminet *Jacobus Thomasius*, Professor Academiæ nostræ celebratissimus, qui *Casparis Aquilæ*, Theologi haud postremi inter primos *Lutheri* asselas, vitam literis mandare constituerent. Tandem serio ad exsequendum hoc negotium se accinxit Vir historiæ Reformationis inprimis peritus, *Christianus Schlegelius*: qui tamen cum elaborationem non profus absolvisset, Rev. *Zeitscheli*us relicta ab eo materia justum redegit in ordinem, totumque Opus publicæ luci exposuit. Quin id gratissimo excepturi sint animo Historiæ cultores ecclesiasticæ, non dubitamus, cum inaserat hoc scriptum multum lucis historiæ repurgato-

rum

rum sacrorum. Nostrum est, inde excerpere, quæ Lectores ad cetera hic investiganda incitare posse videantur. Natus erat hic *Aquila*, cujus & effigies præfixa, A. 1488 familia nobili & patricia *Adlerorum* Augustæ vindelicorum. Literarum colendarum causa in Italiam se contulit adolescens: unde Bernam venit in Helvetiam, ubi A. 1509 in ipsius conspectu comburebantur quatuor illi Dominicani monachi, quorum sacra fraus Historiæ studiosis est notissima. Hac in urbe cum Theologiam coluisset sedulo, sacerdos ibi factus est. Sed, cum majores in Theologia progressus faciendi cupidus esset, A. 1514 Lipsiam abiit. Non ita multo post clarus ille Germaniæ Eques, *Franciscus Sickingius*, eum militibus suis dedit sacerdotem: altero vero anno post sacerdotium accepit Jengæ, quod oppidulum in vicinia jacet Augustæ Vindelicæ. Ibi inter primos agnovit veritatem doctrinæ Lutheraniæ, quam professus, & simul uxorem ducens, in carcerem conjectus fuit A. 1521. Ex eo mirabiliter liberatus, Wittebergam profectus est, ibique & *Lutheri* & *Melanchthonis* scholis interfuit. Accepto postea *Magistri* titulo, doctorem & Græcæ & Hebraicæ linguæ se præbuit Studiosis. Accidit vero, ut rursus reciperetur in familiam *Sickingii*: quo extincto, cum exiguo tempore moratus esset Isenaci, Wittebergam reversus, ibi & doctor fuit literarum Hebraicarum, & Ecclesiastes in arce Wittebergenfi, imo & adjutor *Lutheri* sacrum codicem patriam transferentis in linguam. Ac *Lutherus* eum quoque A. 1525 in suis nuptiis convivam habere dignatus est. A. 1527, suadente *Luthero*, creatus est primus Pastor Lutheranus Ecclesiæ Salfeldenfis, posteaque primus Superintendens. Ac illo statim anno *Catechismus* scripsit in usum populi sibi commissi. Ex eo tempore sæpenumero per literas consuluit *Lutherum*, cujus & aliquot Epistolæ ad ipsum hic exhibentur. A. 1530 profectus est Augustam Vindelicorum, cum ibi exhiberetur Cæsari Protestantium Confessio: quo anno etiam *Joannes Agricola* dedicavit *Aquila* sua in *Paulinam* ad *Titum* Epistolam *Scholia*, A. 1533 Commentarium edidit in *Psalum XXXIV*, & libellum de *Eleemosynis*: quibus ipse *Lutherus* Præfationem affixit. Utriusque libelli hic recitantur nonnulla, ut zelus *Aquila* religiosus appareat. Plures hinc exhibentur

bentur ejus Epistolæ, gravibus de causis exaratz: quas inter
 duæ eminent, quibus captivum Saxoniz Electorem A. 1547
 consolatus est. Ac exstat hic etiam Electoris responsoria. Qui
 postea copiose recensentur libelli *Aquila*, eorum mentione om-
 missa, illud tantum animadvertimus, *Aquilam* nostrum vel
 primum fuisse libri *Interim* antagonistam publicum, vel inter
 primos. Quæ sancta audacia pæne exitium, certe exilium, ei
 attulit. Ne enim victima fieret iræ Czfareæ, discessit Salsfelda,
 & aliquo tempore in Patmo quadam latuit. Ex his tenebris
 ipsum extraxit Princeps Hennebergiz, & A. 1550 constituit An-
 tistitem Smalcaldienfis Ecclesiæ. Inde autem A. 1552 repetiit
 suam Salsfeldam, & ad finem usque mortalis vitæ functus ibi
 est priori munere. Interfuit etiam jussu Principis sui inaugura-
 tioni Jenensis Academiæ: qui & ipsum creavit Consiliarium
 suum Consistorialem & Ecclesiasticum. A. 1560 d. 12 Nov. diem
 obiit supremum. Quæ deinceps traduntur de liberis *Aquila* ne-
 potibusque, (inter quos Cel. *Heumannus*, quem prope triginta an-
 nos in his *Actis* conscribendis *συγγρον* habemus diligentissi-
 mum, tritavum suum agnoscit hunc *Aquilam*,) ea prætermitti-
 mus, id unum commemorantes, concludi hunc librum catalogo
 librorum, a *Caspere* hoc *Aquila* editorum. Nec illud tacendum,
 pluribus hic illustrari multas partes historiæ Reformationis,
 prætereaque doctas passim digressiones insertas esse, e. g. pag.
 12 seq. de viris clarissimis, Augustæ Vindelicorum natis; pag.
 26 seq. de viris doctis, qui decimo sexto Seculo Germanica sua
 nomina Latinis mutarunt vel Græcis; (ubi tamen erratur,
 cum pag. 27 *Cochlea* Germanicum nomen *Lassel* tribuitur; ita
 enim dici voluit a *cochlea*, quia natali ipsius loco nomen erat
Wendelslein;) pag. 30 seq. de claris *Aquilis*; pag. 157 seq. de nu-
 ptiis *Lutheri*. Annexa est *Vita Schlegelii*, cui hoc Opus debe-
 mus. Natus is Salsfeldæ A. 1667, postquam Arnstadiensi thesauro
 summario inde ab anno 1700 præfuisse, una cum isto thesauro
 A. 1712 delatus Gotham est, eodemque munere functus per
 vitæ reliquum, ibi decessit A. 1722 d. 17 Octobris, multis edi-
 tis egregiis libris, quorum majori in parte veteres Germaniæ
 numi illustrantur eruditissime. Sed liceat nobis retorquere oc-
 culos ad *Aquilam*, ex ejusque *Vita* obscuritatem aliquam tol-
 lere,

lere, quæ B. *Schlegelium* ita offendit, ut novam nos inducat in obscuritatem. Scilicet, cum *pag. 65 & 68* docuisset, *Aquilam* A. 1516 duxisse uxorem, ex eaque A. 1517 suscepisse filium, id quomodo fieri potuerit, non videns, inde *pag. 66* concludit, *Aquilam* nostrum primum omnium *Luthero* addictorum sacerdotum duxisse uxorem, non *Bernhardum* illum, sacerdotem *Keimbergensem*, cujus nomen jam olim nobilitavit pia hæc audacia: qua de re etiam in his *Actis* dictum A. 1703 *pag. 335*. At ipse annus 1516 indicare debebat *Schlegelio*, id ab *Aquila* antea factum, quam *Lutherus* oppugnare cœpit Romam sacram, adeoque tum, cum adhuc esset (*Aquila*) sacerdos Pontificius. Usitata nimirum tum erant clandestina sacerdotum conjugia non solum in Helvetia, ubi aliquandiu vixerat *Aquila*, sed etiam alibi locorum. Apud *Sleidanum Lib. III fol. 59* *Zuinglius* ait, prudenter quondam (hoc est, ante Reformationem,) lege sancitum fuisse ab Helvetiis, ut quisque sacerdos habeat concubinam, ne alienam tentet pudicitiam. Ac *Sarpus Hist. Conc. Trid. Lib. VI pag. 592* testatur, concubinatum in Clero adeo fuisse frequentem, ut e centum sacerdotibus vix tres quatuorve reperti sint, qui non clam vel palam contraxerint matrimonium. Jam id ab *Aquila* etiam factum fuisse, eo minus mirandum, quod ipse noster *Schlegelius pag. 73* & *Gassaro* docet, in diœcesi Augustani Episcopi, cui tum suberat *Aquila*, concubinatum, sive, uti vocat *Sarpus*, conjugium clandestinum, fuisse sacerdotibus & licitum & frequentatum. Fecit itaque noster *Aquila*, quod fieri solebat, quodque antea paulo fecerat *Leonis Juda*, Theologi Helvetii, pater, de quo in ejus *Vita* ita scribit *Melchior Adamus pag. 44*: *Joannes Juda, plebanus Gemerensis, concubinam sibi de more illorum temporum adscivit, honesto loco natam, Elisabetham, quam unicam conjugali fide domi sue a-luit. Ex hac suscepit sub annum Christi 1482 filium hunc, Leonem Juda*. Addimus, *Aquilam* id non temere, sed pie, & in timore Dei, fecisse. Vidimus enim hisce nostris oculis preces ab *Aquila* hoc, matrimonium inituro, ad Deum effusas, ac versibus Germanicis illigatas: quas postea adscripsit primæ editioni *Postilla Lutheri Ecclesiasticæ*. Ut appareat pia viri simplicitas, adscribemus initium:

O Herr, bescher mir ein Weib,
Dass ich vertreib mein Brunst,
Und nicht verlier dein Gunst.

NOVA LITERARIA.

Prodiit haud ita pridem Mediolani expectatus diu, omniumque votis expetitus, *Operum Caroli Sigonii Tomus sextus*, isque ultimus, quo inspecto, exiguum temporis moram, scriptorum selectissimorum, maximamque partem non solum non editorum nunquam, sed vix cognitorum Viris doctis, copia largissime compensatam dices. Debemus & hunc ipsum, ut priores omnes, laudabili curæ præstantissimi Viri, *Philippi Argelati*, Societati Palatinæ, quæ Mediolani floret, a Secretis, cujus cum prodierint hoc ipso tempore *ad Viros eruditores Literæ publicæ*, præcipua hujus Voluminis decora commemorantes, non abs re futurum judicamus, si eas hoc in loco omnibus harum rerum curiosis legendas dederimus. Sunt vero hæc :

Si singulas mora causas ad excusationem proferre vellem, ne dilatam in hanc usque diem Sigonii Operum complementum vitio mihi vertendum sit, plura sane dicenda mihi essent, quæ tedium augerent potius, quam imminuerent, commemoratione minimarum rerum, unde nihil utilitatis, plurimumque fastidii tandem esset expectandum; quamobrem in summa scias velim, Vir erudite, non ante me debitum solvere potuisse, quam universa nostri Autoris opera in meam potestatem venirent, ut fidem liberarem. Neque parcendum labori fuit & sumptibus, non tantum in comparandis iis, quæ typis tradita per manus literatorum hominum circumferuntur, sed expiscandis, ut ita dicam, iis, quæ hæctenus inedita in vasto celebratissimarum Bibliothecarum pelago longius ab oculis & memoria plurimorum abscondita delitescabant. Propositum namque mihi fuerat, ne minimum quidem prætermittere, quod alibi esset inquirendum, tantaque usus diligentia Operi absolvendo incubui, quantam nemo alias profecto adhibuisset, si quaestui potius, quam nomini ornando, studuisset. De illustrationibus verò, quibus aucta pariter sunt plurima Sigonii Opera meo quidem bortatu, & literatorum

rum hominum studio, nihil mihi sane tribuendum ultra cura qualecumque pretium; commodi namque plurimum atque utilitatis allaturas esse, non dubito. Ceterum hac ita per me gesta sunt, ut animus eo semper intenderit, quo referenda gratia debitum vocat, ad Augustissimum nempe Imperatorem Carolum VI, cui me, familiam, & quicquid est industria, dicatum volui, ne indigna Numine Majestateque ipse editio a me repetita censeretur, & postquam in tanta mole negotiorum ad literas & opellas meas respicere non dedignatur, re ipsa palam facerem, munificentia sue liberalitatem in eas versam a me fuisse causas, quæ bonorum omnium calculo sint probanda, imo boni aliquid sapiant severioribus Criticis, qui serulis Pratorianorum fascium exemplo publicitus elatis, edictum de libris edendis hoc tempore proponunt. Quandoquidem, si ad gravissimam difficultatem respexeris, quæ fuit in colligendis iis omnibus, quæ Sigonium auctorem habent, inter quæ plurima, quod paucis foliis olim tradita, & in vulgus emissa, fortasse ob raritatem exemplorum erant peritura, atque Orationes potissimum, illico dices nos operam non luisse, ac tedium moræ diligentia compensasse. Nos Orationes undecim hoc Tomo damus, & in editione Hannoviana septem numero tantum invenies. Fragmenta Ciceronis, quæ innumeris fere mendis in prima editione scatebant, quantum potuimus, repurgavimus, & quoniam in iis prelo tradendis cognovimus, Fragmenta nonnulla in ea prima editione desiderari, ad quæ Sigonius suis scholiis animadverterat, ea opportuno loco restituta volui, qualia in Patriciana editione leguntur, collata etiam Hollandica cum notis variorum, unde plura excerptimus ad nostram hanc editionem concinnandam. Neque minus adhibitum diligentia in edendo libro, cui titulus: Consolatio, vel de Luctu minuendo, Ciceronis nomine primum vulgato, de quo tanta non sine acerbitate a literatis viris prolata sunt, eique Dissertationem doctissimi Scharffii præposui, vulgatam olim in libro, cui titulus: Miscellanea Lipfientia, Lipsiæ A. 1717, ibique invenies pag. 119, ut rei acta seriem facilius quisque cognoscat, & loco suo binas Orationes ipsius Autoris nostri subjunxi, & librum, cui titulus: Accusator. Et, quoniam optime noveram, Cla-

rissimum Muratorium in Vita Sigonii tradidisse, tertiam Orationem typis Bononiensibus A. 1603 ea de re fuisse vulgatam, nullum lapidem non movi, tam Bononiæ, quam Romæ, Venetiis; Patavii, Neapoli, ac celebratioribus quibusque Italicis urbibus, amicosque omnes sollicitavi, si uspiam inveniri posset, atque ab omnibus rescriptum est, nemini unquam tertiam Orationem apparuisse; quamobrem necessario dicendum, Accusatoris librum in Orationum numero habitum ab eo Scriptore, qui etate Sigonii vixerat, & a quo notitiam hauserat laudatus Muratorius, vel ob raritatem exemplorum intercidiſſe, uti sane intercidiſſe puto Orationem Demosthenis, quam Sigonius e Græca in Latinam linguam verterat, Vitæ Egidii Foscararii, & Onuphrii Zarabбини, Latine scriptas, quæ omnes Autori nostro ab ipso Muratorio tribuuntur, & per summam diligentiam longoque tempore a me quesitæ, hætenus desiderantur. Jacturam tamen Vita Zarabбини reparatam volui versione Italica Borgarucii, quæ præposita legitur editioni sacrarum Orationum dicti Zarabбини; atque in universum, si quid mæroris fuit ob eas deperditas, longe plus gaudii obortum est ab ineditis aliis Operibus, quæ mihi, priora querenti, emerſerunt, Opuscula nempe duo, & Epistolæ, quæ in hac amplissima Ambrosiana Bibliotheca servantur, quarum 53 datæ sunt ad celebratissimum Onuphrium Panvinium, 8 ad Aldum Manutium, 3 ad Vincentium Pinellum, una vero ad Camillum Bosium, atque ad eas accessit Præfatio doctissimi Josephi Antonii Saxii, eidem Bibliothecæ præfecti, unde utilitatem earum Epistolarum facile cognosces. Historiarum Bononiensium Libros etiam in hac editione suppletos habebis beneficio eruditi Viri, Abbatis Alexandri Branchettæ, præfecti publicæ Instituti Scientiarum Bibliothecæ, quæ patrii Senatus liberalitate atque amore in literas novum in dies habet librorum augmentum. In eo MSto Codice Sigoniana Bononiensis Historia legitur ordine temporum continuata per eos decem annos, per quos in editis hiat lacuna, & ad annum usque MCCLXXIV producit, & nisi oscitantia typographorum id tribuere velim, ingenie fætor, me causas investigare minime potuisse, ob quas hæte-

hactenus inediti latuerint, Præterea in eo MSto Codice Historia Bononiensis aliud habet initium, quam quod legitur in impres-
sis, & illud etiam propono, ne quidquam videar prætermis-
isse, Quod vero desiderium certe meum implevit, & eruditioni tuæ
placiturum scio, illud est pretiosissimum, quod opera Patroni &
Mecænatæ mei, cujus nomen ut in honore, sic in silentio, habend-
um, e Vaticana Bibliotheca nuper accepi; Censuras dico, in
Sigonianos Libros de Imperio Occidentali, de Regno Italie, in
Notas ad Sulpicium Severum, & Librum de Republica Hebræo-
rum. Anonymus est earum Autor, adversus quem reposuerat Si-
gonius, adeoque mihi arrisit fortuna, ut Bononiæ apud Ami-
cum exemplum alterum Vaticanum Censuræ cum Sigonii Re-
sponsis invenerim. Quod sane pertinet ad responsa in Censorem
libri, qui Notas habet ad Sulpicium Severum, cum propria Si-
gonii manu scripta sint, ne minimum quidem de Autore dubi-
tandum: cetera vero, quæ, a me comparata cum Epistolis, alic-
na manu scripta illico apparent, aliquid hactenus incerti re-
linquere possent in forensi potius judicio, quam in literario, cui
stilus & rationum gravitas est observanda. Tu, cum ea leges,
Vir erudite, plurimum sane delectationis eris habiturus ob
eximiam eruditionem, & acutioris Criticæ examen, quibus u-
sus Autor noster, de doctrinæ suæ amulis profecto triumphavit,
Glareano, Robortello, ceterisque invidis, frustra blateranti-
bus. Censuris iis & Responsis præmissi etiam libellum de utili-
tate capienda ex Historia Caroli Sigonii de Regno Italie, a
Viro doctrina & dignitate eminentissimo scriptum, nempe ab
Augustino Valerio, S. R. E. Cardinali, & Episcopo Veronensi,
ne laudator laudatissimus ipse Sigonio deesset. Quæcunque ve-
ro hoc Volumine complexi sumus, isto quidem ordine leguntur:
Caroli Sigonii Emendationum Libri II; Ej. Disputationum Patavina ad-
versus Franciscum Robortellum Libri II; Ej. de binis Comitibus, & Lege
curiata, posterior cum Nicolao Gruchio disputatio; Ej. de Nominibus
Romanorum Liber; Ej. de Dialogo Liber, in quo de Personis, de locis, ac
tempore scribendi Dialogi, vocatis ad examen antiquorum Philosophorum
autoritatibus, elegantissime disserit; Ej. Orationes variae, nempe pro Elo-
quentia quatuor; de Latine Linguae usu retinendo; de laudibus Historiæ;
de laudibus studiorum humanitatis; Oratio habita in Gymnasio Patavino
idus

8 Idus Novembris anni 1560; de ingenio excolendo; & de laudibus Bononiae Oratio, habita in Academia Bononiensi 7 Idus Novembris anni 1563; cum D. Rodericus de Pazos Figueroa a Pontevedra, Hispanus insignia Scholae Rectoratus acciperet, Oratio habita Bononia 5 Novas Octobris A. 1575; Aristotelis de Arte Rhetorica Libri III, Carolo Sigonio interprete, in hac editione a pluribus mendis expurgati; Fragmenta Ciceronis, passim dispersa, Caroli Sigonii diligentia collecta, & Scholiis illustrata, Philippus Argelatus, Bononiensis, recensuit, & Scholia suis locis apposuit; M. Tullii Ciceronis Consolatio, vel de Luctu minuendo, cui nunc praefigitur Antonii Riccobonii Judicium de eadem: atque M. Godofredi Balthassaris Scharfii de vero Autore Consolationis Ciceronianae Dissertatio; Caroli Sigonii Orationes II, nec non Accusator pro Ciceronis Libro de Consolatione, omnia a nonnullis mendis expurgata; Ej. de rei Romanae Scripturibus Judicium; Vita Onuphrii Zaccabini, Cotineolensis, Canonici Regularis e Congregatione Salvatoris, Carolo Sigonio Autore; Ej. Opuscula II, adhuc inedita, nempe de Donatione Constantini M., & de Scholis Bononiensibus, nec non ejusdem Epistole, omnia nunc primum prodeunt e MStis Codicibus Bibliothecae Ambrosianae, cum praevia Praefatione Clarissimi Viri, Josephi Antonii Saxii, eidem Bibliothecae Praefecti; Continuatio ad Historiam Bononiensem ab anno 1258 ad 1274, Autore Carolo Sigonio, nunc primum prodit ex MSto Codice Bononiensi; Anonymi Censura in varia Caroli Sigonii Opera, nempe in Occidentale Imperium, in Regnum Italiae, in Notas ad Historiam Sacram B. Sulpicii Severi, & in Rempublicam Hebraeorum, cum Responsionibus ad easdem Censuras, quibus praevistitur Opusculum Clarissimi Viri, Augustini Valerii, S. R. E. Cardinalis, & Veronensis Episcopi, de utilitate capiendi ex Historiis Caroli Sigonii de Regno Italiae; omnia nunc primum in lucem prodeunt ex MStis Codicibus Bibliothecae Vaticanae, & ab altero Bononiensi; Julii Signii ad Carolum Sigonium de M. T. Ciceronis Consolatione, vel de Luctu minuendo, Epigramma: nec non Epicedium in funere Caroli Sigonii, Autore Anonymo: ex MSto Codice Bibliothecae Ambrosianae. Haec sunt, quae rescire te volui, Vir erudite, unde labores hosce meos aestimare possis, & si grati futuri sint, ad alia brevi copossenda humanitate, qua soles, animum addas. Dabo etenim quamprimum literas, in quibus consilium meum de nova editione Operum alterius Autoris, qui Sigonio celebritate nominis & doctrina par esse possit, & eruditioni sua novum etiam offerat emolumentum. Ex iis omnia cognosces, & liquido constare poteris, eos nos esse, ut pluribus nullam ob injuriam graves, sicuti manus ab alienis operibus cohibemus, ita & aliorum molestiam haecenus patientissime toleramus. Vale.

Dabam Mediolani 9 Calendas Martii A. 1738.

NOVA ACTA ERUDITORUM,

publicata Lipsiæ

Calendis Julii Anno MDCCXXXVIII.

ACTA COMITIALIA RATISBONENSIA PUBLICA, oder Regensburgische Reichs-Tags-Handlungen, zc.
h. e.

RATISBONENSIIUM COMITIORUM ACTA
& Historia, qua ea, quæ A. 1653 & 1654 gesta sunt, describuntur, Autore JOANNE GOTHO-
FREDO DE MEIERN.

Lipsiæ, apud Mich. Turpium, 1738, fol.

Alph. 12 plag. 22.

Generosissimus hujus Operis Autor, cum intelligeret, connexissima esse cum *Pace Westphalica*, quæ paucis annis post deliberata & acta fuerunt in Comitii Imperii, ut & integritatem conciliaret suo *Actorum Pacis Westphalicae* Operi, & nihil desiderii relinqueret tam splendidi tamque elaborati Operis possessoribus, hoc quoque Opus, de quo nunc verba sumus facturi, composuit tanquam justam ac necessariam prioris Operis appendicem. Scilicet in *Westphalica* illa pacificatione cura justitiæ in Romano Imperio ad certam perpetuamque normam conformandæ propter aliorum negotiorum multitudinem & moram dilata fuerat in proxima Comitia. In his igitur A. 1653 & 1654 tractata fuit & pertractata hæc gravissimi momenti materia, ad ultimumque in lucem prodiiit Decretum Imperiale de modo administrandæ posthac justitiæ. Apparet jam statim, quanti sit facienda lex hæc publica, quamque magno & suo & clientium suorum

Ccc incom-

incommodo clara solidaque ejus cognitione careant cum Indices, tum Advocati, patriæ nostræ, hoc est, Germaniæ: quam contra utrisque sit necesse, perspectam habere & legem illam sapientissimam, & sine qua satis interpretari eam nemo valet, ejus historiam. Habemus igitur hoc in Opere non solum Decretum, quod diximus, Imperiale, sed universas de eo habitas deliberationes, & justissimis & simul uberrimis monumentis (quæ unde acceperit Ill. Autor, Præfatio docet,) luculentissime expositas. Exstat quidem jam *Pfanneri Historia Comitiorum Imperii, A. 1652, 1653, & 1654, celebratorum*, quam Illustris noster Autor non fraudat laude debita; at, præterquam quod stilus *Pfannerianus* multum habet caliginis, longe abest illa Historia a iusta perfectione. Noster autem Autor non tantum consummatam exhibet historiam, verum etiam, ut major lux affulgeat isti negotio, adjecit, quæ jam A. 1643 & 1644 acta fuerant Francofurti de certa justitiæ Germanicæ norma: nec aut summi aut operæ pepercit, ut produceret, & conspicienda hic exhiberet, quæ in scriniis inaccessis, imo & incognitis, tam diu latuerant.

Perlustrandi nunc nobis sunt *Tomi hujus prioris (posterior brevi subsequetur.) Libri*, in quorum *primo*, posteaquam causas attulit, cur ad annum 1652 dilata fuerint Comititia, exponit toto, quid Ratisbonæ A. 1652 actum sit ante Comitiorum exordium. Occurrunt hic plures controversiæ, quarum pars magna fuit composita, e. g. de præcedentia, de admissione Legatorum Suevicorum ad hæc Comititia. Describitur etiam §. 29 & 30 electio Regis Romanorum, Augustæ Vindelicorum facta, ejusque coronatio, cujus universæ ceremoniæ recensentur. Præcipue legi digna est, quæ §. 21 pag. 144 — 152 exhibetur, Principum Protestantium Epistola ad Imperatorem, qua ipsum rogant, ut in regionibus suis hæreditariis liberam permittat religionem iis civibus, qui Augustanæ Confessioni sunt addicti. Apparet, Autorem hujus Epistolæ fuisse pium, & de iniquitate juris in conscientias affectati solide edoctum, Politicum. In *secundo Libro* commemorantur controversiæ, quæ, cum mense anni 1653 Junio Comititia cœpissent initium,

initium, ortæ sunt plures. Aichstadiensis enim Episcopus locum sibi asseribat contra Spirensem: Civitates Imperii, se votum in Comitibus habere decisivum, contendebant: antiqui Principes non simpliciter, sed certis sub conditionibus, in Senatum Imperii cooptari volebant novitios Principes: querelarum non nihil proferebatur contra Pontificios, suam ibi exercentes religionem, ubi jus non habebant. *Tertio* in *Libro* exhibentur Protocolla Sessionum, secularum usque ad finem mensis Augusti. Hoc temporis tractu adhuc disceptabatur de materiis hoc in conventu tractandis, deque Deputatis ad plenam Pacis Westphalicæ executionem constituendis, denique de majoritate votorum in materia Collectarum. Tum quoque Monasteriensis Episcopus ab Imperatore petebat singulare suffragium (*votum* vulgo vocant,) nomine Comitatus Strombergici: eique assentiebatur Imperator. Consilia Comitum Imperii arctam inter se societatem ineundi in communem utilitatem, ejusque confirmationem ab Imperatore petendi, §. 6 pag. 384 seq. describuntur; ostendunturque difficultates, huic consilio objectæ. Qua occasione similis Comitum Wetteravix conjunctio, A. 1602 facta, describitur pag. 398 seq. Judicii Imperialis Rothwilensis Epistola ad Senatum Imperii, in qua ostenditur, Judicium illud (quod quidam suaferant,) jure abrogari non posse, profertur §. 15. In *quarto Libro* exhibentur Protocolla Sessionum usque ad diem quartum Novembris. Hic rursus Civitates Imperii urgent suum jus, quo adesse debeant relationibus & correlationibus publicis cum voto decisivo. Comites item denuo deliberant de arctiori inter se ineunda societate, cujus novum *Projectum* hic exhibetur. Disputatur quoque de loco in sessionibus Comitibus assignando illis Principibus, quorum Principatus olim fuerant Episcopatus, e. g. Principi Halberstadiensis, Mindenensis. Deliberatur adhuc de conservando jure primogenituræ in Principatibus Germaniæ. Rex Sveciæ per literas ad Cæsarem contendit, Bremam non oportere haberi pro civitate Imperiali, sed suæ ditioni subjectam esse. Tamen Procancellarius Imperii hoc ipso tempore Bremensibus promittit patrocinium Cæsaris ad

retinendam dignitatem urbis Imperialis. Exhibetur hic etiam Assertio Bremensis juris sui immediati. Multa postea disputantur de purificatione Deputatorum Imperii, deque pluralitate votorum in materia Collectarum. Scilicet urgebatur, totidem Deputatos Protestantes esse debere, quot Catholicos. Porro controversia exhibetur inter Electorem Brandenburgicum & urbem Magdeburgum, quæ libera haberi volebat Imperii civitas. In *Libro quinto* narratur longa lis Legatorum Principum cum Electoralibus, illis contendentibus, inferi conclusio publico debere rationes ab Evangelicis prolatas, his, id faciendum esse, negantibus. Legitur deinde Brema accepisse Protectorium Cæsareum contra Suecos: idque hic produci-
tur. Tum Electores asserunt, separatim se facere in Imperio collegium, nec pari cum Principibus ambulare passu. Exhibentur item literæ Electoris Brandenburgici, graviter suadentis, ut approbetur pacificatio in deputationibus publicis, eaque re satis fiat voluntati Principum Imperii. Cui cum nec Cæsar assentiretur, nec Electores ceteri, idem is rursus urget §. 15 *pag. 765 seq.* datis ad Imperatorem literis, itemque ad Electores ceteros. Principibus conquerentibus de Abbate Corbejensi, indebita injungente onera oppido Hoexterz, Cæsar ei mandat, ut iudicio se submittat Cameræ Spirensis. Componuntur tandem lites cum Duce Lotharingæ, datis ipsi trecentis Imperialium nummorum millibus. Hinc §. 11 *pag. 731 seq.* novas legere licet literas Legatorum Protestantium, Cæsari ipsi a quatuor Deputatis redditas, quibus denuo precantur, ut civibus suis Augstanz Confessioni addictis permittat religionis libertatem, ne, quod illo ipso tempore in Silesia fiebat, Pastores eorum violenter ejiciantur. Potissimum his utuntur argumentis: coactionem civium ad religionem, quam non agnoscant esse veram, naturam injustam, & Scripturæ sacræ adversam, esse: hoc pactolImperatorem suas regiones privare civium magna multitudine & commerciis, sequæ maximis redditibus: antecessores Imperatoris civibus suis Protestantibus indulgisse libertatem religionis: Imperatorem sibi conciliaturum esse amorem & fiduciam Principum Protestantium, si non persequatur

quatur ipsorum religionem suis in terris: cogitandum esse, lachrymas Protestantium, quos persequatur, in cælum adscendere, nec sua virtute carituras esse. Refertur §. 17 pag. 788 seq. conatus plerorumque Imperii Statuum, efficiendi, ut Brema admittatur ad votum & sessionem in Comitibus: & pag. 796 seq. exhibetur sententia Imperii de Brema ad id admittenda, d. 10 Januarii A. 1654 edita. In *sexto Libro* multa disputantur de Lotharingici Ducis invasione in terras Leodientes, itemque de admissione novorum Principum in Senatum Imperii. In §. 19 relatum legimus, Legatum Bremensem A. 1654 d. 8 Febr. admissum fuisse in Imperii Senatum. Longam vero hic *Liber* habet appendicem pag. 977 — 1001, in qua exhibentur Suecicæ Legatorum scripta contra libertatem & *αὐτονομίαν* civitatis Bremensis. *Liber septimus* docet, cum tandem abitum meditaretur e Comitibus Imperator, multa venisse sub aciem deliberationis. Sed, ea sigillatim recenserem, prohibet nostra brevis. Illud observatu præ ceteris dignum, Imperatorem, a Statibus Imperii semel iterumque rogatum, ut vel remaneat adhuc duos trefve menses, vel filium suum aut alios Commissarios relinquat, tandem (pag. 1075) prorogasse hæc Comitibus, & Ordines Imperii post biennium huc loci reverti jussisse ad componendas controversias residuas. Habita super hoc Imperatoris Rescripto deliberatione, Legatus Guelficus pag. 1081 copiosius ceteris sua exponit monita: inprimis urgens, ut Decreto sive Recessui Imperiali inferatur mentio Capitulationis, utque Imperator desinat subditos suos Augustanæ Confessioni addictos ob hoc ipsum tractare hostiliter. Ac pag. 1109 seq. altera prodit & severior Legatorum Suecicorum ad Imperatorem Epistola, de concedenda Lutheranis libertate religionis in terris Austriacis. Etiam Epistola Statuum Imperii Protestantium ad Imperatorem, idem rogantium, sistitur pag. 1120 seq. Recessum Imperii d. 7 Maji A. 1654 publicatum fuisse, §. 21 pag. 1133 legimus: qui quidem *Recessus* hic non exhibetur a Generosissimo Autore nostro, sed *posteriori* hujus Operis *Tomo* reservatur. Ceterum

proximo statim die Protestantes Imperii Principes exhibebant sua monita contra illum Recessum, quæ potissimum *pag. 1136 – 1146* legi possunt. Coronidis instar exhibet *Notæ pag. 1147 – 1153* ejusdem Politici Protestantis (cui nomen esse *Schwarzkopff*, e *Præfatiuncula* facile colligent Lectores: qui & e *pag. 1158* clarius cognoscent hunc Criticum,) judicium de his Comitibus, innexa habens plura consilia libera &, ut uisitate loquamur, patriotica. Ultimo loco *pag. 1155 seq.* profertur Decretum Principum Protestantium, d. 1 Maji A. 1654, durantibus hisce Comitibus, factum, de abolendo in suis Academiis *Pœnalismo*, qui mos superioris ævi inveteratus hic vocatur *barbara & crudelis licentia*.

EMANUELIS MARTINI, ECCLESIAE A-
lonensis Decani, Epistolarum Libri duodecim.

Tomi II.

Mantuz Carpetanorum, apud Joannem Stunicam, 1735, 8.
Tom. I Alph. 1 plag. 13, Tom. II Alph. 1 plag. 4.

EMANUELIS MARTINI, ECCLESIAE A-
lonensis Decani, περί Παθών, sive de Animi
affectionibus, Liber.

Mantuz Carpetanorum, apud Joannem Stunicam, 1735, 8.
Plag. 43.

EMANUELIS MARTINI, ECCLESIAE A-
lonensis Decani, Vita, scriptore GREGORIO MA-
JANSIO, Generoso, & Antecessore Valentino,
Hispaniarum Regi a Bibliotheca.

Mantuz Carpetanorum, apud Joannem Stunicam, 1735, 8.
Plag. 11.

Cum aliæ omnes Europæ cultioris gentes amplissimam nobis de suis in elegantiore doctrinam meritis dicendi materiam præbeant; una fere Hispania, illa imperio, potentia,

ria, civium nobilitate, florentissima regio, suarum laudum nos rarissimos præcones habet. Neque vero hæc nostra, sed ipsius culpa est Hispaniæ, non eam literarum, quam armorum forte, gloriam sectantis, & inveteratam quandam barbariem tanquam in sinu suo fovens. Ita enim ex iis ipsis, quibus datum est in illa gente ultra vulgus sapere, haud pauci judicant, vix usquam alibi a veris literarum amatoribus majorem solitudinem esse, & si quid in Hispania novi operis excudatur, id veteris scholæ spinas horridas, & ineptias majorum, redolere. Qui ipsi, multum descivisse ab antiqua virtute patriam, queruntur, & inculta nunc jacere illa studia, quæ *Vivem* olim, *Augustinum*, *Goveanum*, *Marianam*, alios, nobilitarunt, vehementer dolent. Quanto vero id bonarum artium incommodo & detrimento accadat, vel hinc existimari potest, quod nulli genti ad tractandum nobile Musarum opus paratiora a natura ipsa sint subsidia, quibus si recte illa uteretur, quanta tunc ab illa etiam Europæ parte, quam tristes huc usque tenebræ obtexerant, melioribus scientiis speranda incrementa forent! Ducit nos in hanc sententiam posita ob oculos nostros præstantissimorum, etsi numero paucissimorum, quibus hoc ipso tempore, non dicam superbit, sed potest superbire, Hispania, ingeniorum imago, quam intuentibus nobis, omnia illa artis & naturæ decora, aliarum gentium nobilissimis civibus singulatiim data, conjuncta & consociata obveniunt. Est ex illis unus, aut, quod verius dicemus, illorum princeps est & gloria præcipua, *Emanuel Martinus*, Alonensis in Valentia Ecclesiæ Decanus, Vir *Tulliano*, quam hoc nostro, ævo dignior, & cujus unius discere exemplo liceat, quam feliciter exprimere incomparabilem ævi veteris elegantiam nostra, si velit, ætas possit. Videntur enim ad fingendum hunc hominem, & divinis ingenii dotibus instruendum, Gratia omnes Veneresque convenisse, nec quemquam facile alienæ virtutis spectatorem tam frigidum putamus, quem non publica illa, aut olim jam data, aut nuper demum nostris manibus oblata, *Martiniana* monumenta doctrinæ, in admirationem solita majorem rapiant. Diu est, quod spectatissima hæc virtus inter eruditos emicuit,

&

& quisquis excellentis hujus Viri *Ἀποστέγων* *Arca sua*, *Ovidiana* *venæ carmen*, & *Montefalconianum Antiquitatum* Opus, cui ab erudita *Martini de Theatro Saguntino* Dissertatione plurimum accessit ornamenti, porro *Aguirrianam Conciliorum Hispaniæ* Collectionem, & *Nic. Antonii Bibliothecam Hispanam veterem*, utramque præstabili *Martini* partim opera collectam, partim cura editam, inspexit, satis ei, quam præclara *Martini* in omne literarum genus existent merita, constare arbitramur. Illa vero, quanticunque æstimentur, certe gratiæ & dignitatis parum habebunt, si cum nitidissimis *Epistolarum* Libris, jam deinum a sene plus quam septuagenario vulgatis, comparentur, omnis quippe eruditionis instructissimo thesauro, in quo uno, quicquid venustum & elaboratum humana potest industria producere, repositum videtur. Est enim, quod legenti unicuique patet, horum genus scribendi a vulgari remotissimum, exulanteque hic inanes illæ laudum & blanditiarum formulæ, aut rerum domesticarum inutiles narratiunculæ, quibus aliæ aliorum *Epistolæ*, ab illustri nomine scribentium omne mutantes decus suam, repletæ sunt cum maximo legentium fastidio. Dictione *Martinus* tali utitur, quæ proximè accedat ad *Terentii* & *Plauti* suavitatem; ex quorum quippe lectione tantum ab ipsa inde pueritia oblectamenti cepit, ut nullius æque Scriptoris exprimendam sibi orationem duxerit. Facit tamen ingenii, quod præ multis aliis *Martino* datum est excellens & egregium, ignis ille atque virtus vivida, ut cum servili imitatorum genere habeat commune nihil, & cum maxime imitari veteres videtur, tum propria quadam ac pæne inimitabili orationis structura placeat. Verbo dicemus: ea *Martiniana* dictionis castitas & venustas est, quam nostra ætate assequi aut nulli, aut paucissimis, contingit; & si quis eam dici potest assecutus, nihil illi ad Romanæ in dicendo majestatis deesse gloriam putandum est. Ipsa vero *Epistolarum* argumenta si spectentur, ea non solum vulgare nihil habent, sed tanta etiam bonarum rerum copia redundant, ut vel hoc nominæ *Epistolæ Martini* locupletissimum eruditionis omnis

armarium vocari possint. Habent hic, quod in rem suam vertant, omnium ordinum ac ætatum eruditi, quorum nullus est futurus, qui non ex horto hoc amœno suavissimi odoris flores, lectissimosque fructus, domum referat. Nam, quod gratiam insignem parit his Epistolis, jucunda rerum est varietas, non ea quidem, quæ levia a gravioribus, sed quæ merces nobiles ab æque bonis, distinguit. Fieri tamen non potuit, quin ad ea maxime studia, quibus se præ ceteris addixerat, ad rem scilicet grammaticam & antiquariam, ingenii se quodam trahi Noster impetu sentiret. In quibus ille agris cum per omnem vitam desudaverit colendis; non est mirum adeo, a domestica hac doctrinæ elegantioris parte plurimam ipsi scribendi materiam venisse. Quantas igitur habendas gratias putemus Viro in Hispanis præstantissimo, *Gregorio Majansio*, Antecessori Valentino, & Hispaniarum Regi a Bibliothecæ custodia, magno illi Musarum in Hispania defensori, qui, suo nuper exemplo expertus, quantum famæ acquiri possit Epistolis non negligenter & ignave, sed cum cura, scriptis, & arte pulchra dedolatis, frequenti sua admonitione, assiduisque precibus, eo tandem, reluctantem diu, & suis quasi diffidentem meritis, *Martinum* adduxit, ne formosos hos labores, in tabula suspendi publica dignissimos, latitare diutius in tenebris inauspicatis pateretur. Nimirum, quod literæ *Interiani de Ayala* & *Martini* mutæ nos docent, jam ante quinque & viginti annos forte in mentem venerat *Martino*, quicquid Epistolarum tunc in scriniis habebat, (nam, quæ nunc versantur nostris manibus, partem magnam scriptæ sunt post illud tempus,) publicare; quin eo res processerat, ut jam videret *Martinus* opus suum immortalitati consecratum elegantissimis *Interiani* Phaleucis, in ipsa Epistolarum, si ita videretur *Martino*, fronte collocandis. Sed abiecit postea, nescimus, qua de causa, hoc consilium; nisi forte effectum id gratiæ ab Hispanis ineundæ spe valde dubia existimes. Ita enim non sine indignatione Noster: *Quodsi quid in Epistolis Latini candoris ac venustatis, ut tibi videtur; quid id tandem ad birta & insonsa Hispanorum studia, eorumque mucidas qua-*

Ddd

siones

Tom. I
pag. 74.

480.

stiones atque σαφείς? Quibus una literarum via: quæ ducit
 πρὸς τὰ ἀλφειά? Nonne igitur pro quantula illa cunq̃ue
 gloria, fama, existimatione, summum dedecus referam, cum
 maxima ignominia conjunctum atque ludibrio? Et (quod so-
 ricibus accidere solet) meo ipsius indicio peribo? Quod extrema
 profecto esset amentia. Quod vero se nunc demum passus sit
 ad curas pristinas reduci, debemus id, ut diximus, *Gregorio*
Majansio, aut, si mavis, Generosissimo in Saxonibus Equiti,
Joanni Theodorico de Schæmberg, qui, certior olim factus in
 Hispanico itinere de politissima *Martini* musa, nobiles quos-
 que fœtus quotidiano fere partu excludente, cum postea in
 patriam redux cives suos magna noscendi propius præclari
 Viri egregias virtutes cupiditate incendisset, rem gratam his
 facturum, cum *Martino* non ipse tantum per literas, sed inter-
 prete etiam *Majansio*, de mittendis ad se, ut omnibus ipsius
 scriptis, ita *Epistolis* inprimis, & horum editione suæ curæ
 permittenda, agere amice cœpit. Cujus, & *Majansii*, hone-
 stissimæ petitioni, multum & frequenter iteratæ, cum ille, plu-
 rima primum causatus impedimenta, annuisset tandem, jam-
 que prela Lipsiensium excudendo Operi pulcherrimo parata
 essent, præter spem & expectationem interverterunt omne
 hoc negotium inauspicatæ, quibus afflictam ante aliquot an-
 nos Europam constat, bellorum turbæ, hac etiam ex parte bo-
 nis literis perniciosæ. Sed, quæ Lipsiæ negata videbatur, ipsi
 scilicet Hispaniæ fuerat insignis gloria reservata. Nam,
 cum eodem tempore Bibliothecæ regis, quæ Mantuæ Car-
 petanorum est, *Majansius* præficeretur, hic, familiarior in il-
 la urbe factus *Josepho Octavio Bustanzio*, in aula Regis Hi-
 spaniarum Reipublicæ Genuensi a Secretis, conciliante opti-
 mo hoc Viro, ad colloquium admissus est illustrissimi An-
 glorum apud Hispanos Oratoris, *Benjamini Keene*, qui,
 valde se delectari illis *Martini* *Epistolis*, quas legisset o-
 lim inter *Majansianas*, affirmavit, &, si ceteræ omnes
 impetrari ab Autore possent, suis illas prodituras sumti-
 bus, recepit. Qua viri summi liberalitate, opportune sibi
 oblata, utendum ille in rem suam arbitratus, omnem statim
 Epi-

Epistolarum suppellectilem, sua scriptam manu, eidem Anglorum ornamento transmisit; sicque honestissimis impensis *Keenii*, & insigni *Majan sii* cura, qui omnia diligenter recognovit, ejusdemque *Martini* πρεβ' παθών, sive de animi affectionibus, libellum affectum, & *Vitam Martini* amplissimam, adjecit, factum est, ut, quicquid hujus est præclari & vix satis admirandi operis, nostrum tandem nitidissimo hoc habitu conspectum subierit. Continentur igitur duobus Voluminibus Epistolarum Libri XII, earum partim, quas *Martinus* ipse scripsit, partim aliarum etiam, quas ab eruditissimis ætatis suæ viris accepit. De quarum pretio facile existimaverit, qui scribentium ipsa tantum nomina cognoverit. Habes enim hic literas *Joannis Interiani de Ayala*, Canariensis, Doctoris Theologi Salmanticensis, *Cæsaris Laurentii Buliphonis*, Neapolitani, *Philippi Buliphonis*, JCI Neapolitani, *Josephi Borrullii*, Valentini, in Granatensi curia Senatoris, *Josephi Octavii Bustanzii*, Patricii Genuensis, *Jo. Basilii Castelvini*, Valentini, Cervillonis Comititis, Imperatori *Carolo VI* a Cubiculo & sanctioribus Consiliis, *Joannis Conductii*, Angli, *Jani Vincentii Gravina*, *Clementi XI* a Bibliotheca, *Josephi Joach. Lorge*, Latinæ linguæ in Academia Valentina Professoris, Marchionis *Scipionis Massai*, Veronensis, *Gregorii Majan sii*, Olivenfis, Antecessoris Valentini, *Josephi Eman. Mignana*, Valentini, *Bernardi Montefalconii*, Monachi Benedictinæ Congregationis S. Mauri, *Emanuelis Navarronis*, Doctoris Theologi Salmanticensis, *Cæsaris Portolani*, *Gabrielis Jo. Reginerii*, Galli, & *Jo. Theodorici de Schæmberg*, Equitis Misnenfis. Singulorum elegans scribendi genus est; habent tamen præcipuum quoddam decus *Interiani*, *Philippi Buliphonis*, *Castelvini*, *Gravina*, *Massai*, *Mignana*, & *Majan sii*, Epistolæ. Omnes vero in amore atque studio *Martini* amicissime conspirant, ut, quantum hujus Viri inter suos æque ac inter externos omni tempore nomen fuerit, vel his constare testibus possit. Quis enim non valde sibi gloriosum ducat, ab eruditissimis ætatis nostræ Viris vocari cum *Martino Musarum antistitem*, *mystam*, & parentem, *Virum πολυμαθέστατον*.

alterum Latinitatis Varronem, eruditorum principem, Hispanae gloria vindicem, elegantioris literaturae & omnis antiquitatis ararium, nostri seculi decus & ornamentum, gentisque suae rarissimam gloriam; quibus si condecorari nominibus magnum est, certe, his dignum judicari ab omnibus, longe majus videtur. Ipsis Epistolis admixtae sunt passim Dissertationes integræ, privata industria a Martino conscriptæ, & nisi hic comparuissent, vix unquam lucem publicam visuræ; nec non felicissimæ venæ Carmina, in quibus vix satis admirari possis splendidissimam illam *Arca consecrationem*, anno jam 1727 seorsim publicatam, & loco satis commodo nunc repetitam. Carent & novitatis pretio Epistolæ nonnullæ, illæ nempe *Philippi Buliphonis & Martini*, quæ cum *Consecratione Arca* dudum prodierunt, & *Majansii ad Martinum*, hujusque ad illum, omnes, quas suarum *Epistolarum* Volumini olim *Majansius* adjecerat, denique & *Castelvinii ad Martinum* una, aliaque hujus ad *Castelvinium*, quæ, cum *Martini ad Hispanam juventutem*, & ad *Lectores*, literis, præmissæ sunt *Ferdinandi Ruizii Villegatis Carminibus*, Venetiis A. 1735 publicatis. Splendet in fronte Operis, & Dedicationis locum sustinet, Epistola *Martini ad Benjaminum Keene*, qua omnem ei Epistolarum suppellectilem submisit, ejusdemque arbitrio editionem harum omnium permittit. Hanc sequitur duplex Operis *Censura*, altera *Blasii Antonii Nassarre & Ferriz*, Bibliothecæ regiae Præfecti, altera *Joannis Iriarte*, Regiæ Bibliothecæ Quinqueviri, per septem paginas decurrens, in qua tanquam in tabula depictum, quicquid habent elegantiz & venustatis hæ Epistolæ, videmus. Jam in rem nostram utemur instructissimis *Martinianæ* eruditionis divitiis, & ex insigni rerum optimarum, quæ legentibus nobis obvenerunt, apparatu hic paucula tantum, sed ea selecta maxime & scitu digna, annotabimus. Alliciunt nos autem ea præ ceteris, quæ pertinent ad Criticam, scientiarum partem nobilissimam & plane principem, in qua *Martinus* tanquam in suo fundo dominatur. Nam, cum vocum ac dictionum Latinarum potestatem castitatemque expendit, vivi instar Lexici est, omnia

omnia omnium Scriptorum loca in numero habens. Particulam *equidem* personæ tantum primæ aptari posse, scimus eorum multis, qui non ultimum inter Grammaticos locum occupant, persuasum. At, personæ etiam secundæ & tertiæ jungi recte posse, & contractius pro *et quidem*, non, quod videtur aliis, pro *ego quidem*, dici, Noller, adductis veterum Scriptorum locis bene multis, ostendit. Quid sit *signum septem pedes altum* apud *Livium Lib. VIII Cap. 10*, ita planum facit, ut nihil amplius supersit dubii; ibidemque, pro *piaculum hostia cadi* legendum *piaculo hostium*, acute vidit; nisi forte præferendam putes Codicum quorundam lectionem, *piaculum hostium cadi*. Formula *vale et salve* non aliter, si audias *Martinum*, veteres sunt usi, quam cum ab iis recessere, in quorum nunquam erant amplexum ac congressum redditori. In versu *Virgiliano*:

Vela dabant lati, et spumas salis ære ruebant,
invenisse sibi, quod mireris, figuras decem & tres videtur, quas ita enumerat, ut singularum simul rationem reddat. De *gæso*, teli genere, ad *Livii Lib. VIII Cap. 8* tam erudite, tamque copiose, commentatur, ut vix ante eum quisquam alius. In loco ejusdem *Livii*: *Ne sacra regia vicis deferrentur, Flaminem, Jovi assiduum sacerdotem, creavit*, defendit vulgarem lectionem *regia vicis* contra *Vinc. Turresum*, qui *regia vitiis* scribendum conjecerat. Plenæ inprimis sunt ejusmodi deliciarum Epistolæ *Martini* ad *Minianam*, in cujus epistolari dictione cum labeculas nonnullas notat, multa minime vulgaria, nec adultioribus negligenda, profert. Est in his una, præ ceteris cultissima, & integri libelli formam habens, qua *Miniana de Bello Valentino* Opus, destinatum tunc luci publicæ, sed nunquam editum, sub critico examene vocat, &, quæ legenti ipsi parum caste, nec satis eleganter, dicta obvenerant, tam indicat amice, quam docte emendat. Sed hic, ut verum fateamur, in terdnu justo se rigidiorē præbet, reprehendens ea, quæ bona erant, aut saltem quæ tolerari poterant. Nam, quod vocem *quassatio* haud esse Latinam ait, meliora doceri poterat ex *Livii Lib. XXII Cap. 17*, ut taceamus aliorum loca; quod *vacuefactus*

Tom. I
pag. 69.

91.

112.

147.

92 seq.

312.

196 — 218.

Tom. I
pag. 322
seq.

73. 215. 256.
302.
23. 74.

Tom. II
pag. 346
seq.

Hæc apud idoneum Autorem vix reperiri perhibet, in eo injuriam facit *Nepoti*, ea voce bis utenti, *V*, 2, 5, & *XX*, 3, 2, quin ipsi *Ciceroni*, habenti id vocabuli in *Orat. in Catil. I*, 7, nisi illis potius credendum putes, qui *vacua facta* legunt. Sunt & alia nimis religiose notata, sed quibus docte satis ipse *Miniana* respondet. Per longam Epistolarum seriem extenditur amica hæc disceptatio, cui nemo non lubens spectator adsit. Dolendum autem maxime, Historiam hanc *Miniana*, qua ingressum Austriacorum Fœderatorumque in Valentiam descripsit, opus, si illi alteri, quod *Mariana* Historiæ Hispaniæ nuper attextum est, simile existimetur, egregium & expolitum, nondum suis tenebris egressam, nec his egressuram unquam, si vera retulit *Don Hyacinthus Jover* & *Valdenoches*, qui, extincto *Mariana*, abiisse hanc opellam in manus furaces hominis ignoti, nec, quorsum pervenerit, nunc satis constare, nos docet in Præfatione, novæ editioni *Mariana* præmissa. Sed redeamus ad *Martinum*, qui, cum in alienis scriptis omnium minutiarum observator fuerit, minus religiosus in suis fuit, usus subinde vocabulis & dictionibus non optimis, quin plane barbaris, quales sunt *elucescit, ab eo amplector*, (quod uni *Plauto* placuit,) *veritate perscrutata, & ita mei oblitus es, ut Saguntinis delinquitur ac inescatus deliciis, Emanuelis tui nomen fastidio jam tibi fuerit & ludibrio*. Sed facile hæc condonabimus, & tanquam nescienti excidisse putabimus, Viro in his literis vix parem habenti, qui, si ipse interfuisset sui operis editioni, forsitan emendaturus ea omnia fuisset. Veræ eloquentiæ studiosis semel iterumque legendas commendamus illas *Martini* ad *Majanum* literas, quibus imitationis oratoriæ non vulgaria præcepta tradidit, & quis præ ceteris imitandus, quæ imitandi sit tenenda ratio, diserte exposuit. *Ciceroni* inter veteres Scriptores principatum desert, sed, male acturum, putat, qui ceteros contemnat, sua quippe singulos & dicendi arte, & suavitatem, commendabiles. Inprimis multum tribuit *Terentio*, cujus castam & vere Latinam dictionem si quis effingere imitando

tando possit, nihil ei ad Romanæ laudem eloquentiæ amplius deesse judicat. *Quisquis*, ait, *Terentium e schola ejicit, is profecto Latino sermoni vitam aufert.* Quod dum rationibus minime spernendis probat, exprobrat simul Hispanis suis stultum veteris barbariæ amorem, & doctrinæ elegantioris rusticum fastidium. Quam enim nunc in illa gente torpeant humaniores literæ, vel teste hoc domestico constare potest. *Latine loqui*, inquit, *insanire est.* Si admirationi esse cupis, famaue vigere; tertio quoque verbo solacismi & stribiligines effutienda sunt. Hac via itur ad immortalitatem. Cetera omnia quisquilia, ac mera nuge. Quo fit, ut, si aliquando in eas angustias devenerint, ut vel tria verba Latine proferre debeant, huc illuc incassum se versent tanquam mus in matella. Culpam communis hujus ignaviz in illud maxime genus hominum conjicit, quos nudis pedibus incedere, & nobiles quosque labores spernere, & in otio ætatem consumere, lex & usus suæ sectæ jubet. De his, nûeris, hominem in media Hispania viventem, quin eorum unum, quibus sacrorum in illa gente cura est commissa, scribere tam contemnunt & abjecte ausum: *Terentium convictis & maledictis proscindunt.* Illi præsertim, qui obstipo capite, cervice in latus devexa, pando petaso & fluitante, calceisque impolitæ, soleaque repanda, incedunt. Genus hominum ad perniciem natum bonarum artium. Quibus multo acerbiora illa putes: Ea est Hispanorum natura atque indoles, ut, ethnicorum (ita Romanos appellant) monumenta evertere, pietatem appellent, sequæ eo officio Deum maxime sibi propitiare arbitrentur. Hem praposteram pietatem! Sed qui aliter accidere potest in regno stolidæ atque inertis C. nationi obnoxio? A M. monitis vel latum unguem discedere nefas ducunt. Quicquid illi effutiunt, tanquam ex Apollinis tripode edita oracula venerantur. Quo infami obsequio ignavissimi homines turgent, inferorum supplicia iis minitantur, si vel ad aliquod vetustum simulacrum oculos vertant. His plura alia addit, parum illi sectæ honorifica, impudentiam illorum hominum & in præstantissima antiqui-

56.

52.

288.

tatis

tatis monumenta stūpidum rigorem reprehendens. Quæ
quam aperte sint omnia & libere prolata, vel ex istis disce:
Tu interim harum pecudum stupiditatem mirare, &

— — — — crimine ab uno

Disce omnes.

Pag. 83.

Sane, quotiescunque castigandi turpem suæ patriæ ignaviā
occasio se obtulit, nunquam eam manibus demisit; si forte
efficere hoc inodo posset, ut tandem puderet Hispaniam tor-
poris sui, & tanquam expugnata his opprobriis, reduci se ad
meliorem sensum pateretur. Ex multis pauca transtulisse huc
sufficiat. *Præstat, inquit, abesse patria, quam in ea furtim*
litteras colore, non tantum absque ulla præmii vel honoris
illecebra, (quod esset tolerabilius,) sed cum summo dedeco-
re, ac nominis famæque jactura. Quod profecto Scythicum
est. Regnat enim in ea pestiferum quoddam blateronum
morionumque genus, garrulitate ac petulantia insigne, quos
ignavissima nationis inscitia supra ceteros mortales ita eve-
xit, ut ille tantum sapere videatur, qui cum illis insigniter
despiciat. Vere autem ac sobrie sapere, insanire vocant. Cu-
jus generis & illa sunt: Hæc omnia lucubrata a me sunt lan-
guidius, quod apud eam gentem versarer, quæ hoc studio-
rum genus non solum inutile ducit atque iners, sed cum de-
decere quodam ac contumelia conjunctum: blaterones nem-
pe, scholastica crepitacula, merique dionysii περὸν πύρρος.
Sed mittamus ea monstra ac propudia. Quid vero exteri de
Hispanis dicent in posterum, si ita dicere impune videant &
civem & alumnū gentis? In numerum veterum cognitio-
ne, & omnis generis antiquitatibus, tantum valet Martinius,
quantum Augustinus olim, magna Hispanorum gloria Ju-
cundum est, ex literis ad Castellvinum cognoscere, si qui
inde a Caligula ætate Imperiales numi, in Hispaniarum co-
loniis ac municipiis percussi, reperiantur, omnes adulterinos
esse; exiguam mereri fidem numos illos Hispanienses, quos
Harduinus olim publicavit, quippe ingenio confictos Goltzia-
no, & ab Harduino, nova omnia amante, lubenter adoptatos;
sus cudendæ monetæ Coloniis ac Municipiis Hispaniæ non a

Clau.

Tom. I
pag. 300.

Claudio, sed a *Cajo Caligula*, incertum vero, qua de causa, ademitur: non nisi æreos exflare nummos, *Augustorum* tempore in Hispania excusos, præter *Tiberianos*, ex ære Corinthio conflatos: aureorum, & argenteorum, nusquam vestigium occurrere. Idem *Martinus* geminam veterem, inscriptam: *ΕΥΜΕΡΕΩΣ ΣΕΒ.* & aliam, qua Minotauri cædes exprimitur, scite & ingeniose explicat. Alia multa prætermittimus, quæ mutuis *Martini* & *Joannis Conduisb* Epistolis continentur, his, qui veterum numorum studio tenentur, non minori cum fructu, quam voluptate, legenda. Integra illa *Martini de Theatro Saguntino* Dissertatio, cui jam olim locus datus in *Montesalconii* Opere *Antiquitatum Tom. III P. II*, denuo hic, cum ipsius ad *Anton. Felicem Zondadarium*, & aliis ad *Quatuorviros Saguntinos*, horumque ad *Martinum*, Epistolis, comparet. At nullius pretii est, si *Martini* standum sit iudicio, quem Romæ A. 1716 de *Theatro Saguntino* edidit *Joach. Alcarazius*, libellus, quippe *Martino* ab homine, ut vocatur hic, invido, alienæ laudis obtrectatore, plurimum sibi arrogante, suorum studiorum doctrinaque ventoso buccinatore, alienis scriptis inbiente, quaque aliunde expilavit, pro suis venditante, callide subductus, sed, ne nihil alienum habere videretur, pessime corruptus, misereque laceratus. Quæ cum diu occultari non posset malitia improbitasque *Alcarazii*, late per Italiam spargentibus hunc rumorem amicis *Martini*, & in his maxime *Jano Vinc. Gravina*, brevi eo se redactum ille vidit, ut oculis hominum subtraheret opellam, & a se editam dissimularet. *Gasparem Mendozam*, Marchionem Mondexarensem, exstare Inscriptionem illam Saguntinam, quam primus in lucem produxit *Moses Ben-Schem-Tob*, negantem, meliora docet testis ipse *ΑΥΤΟΠΤΗΣ* *Martinus*, in lapide hæc verba legens: *Puig. Vespinus Decanus Oscha reduxit hunc tumulum in locum suum 1599*. Inter rariores ævi veteris Inscriptiones illa maxime meretur locum, quam exhibet Museum *Ant. Felicis Judicis*, hunc in modum exscripta:

Tom. II
pag. 251.
254.

Tom. I
pag. 166.
170. 389.

21.

29.

444.

Ecc

D. M. S.

D. M. S.

Petilia Q. F. Secundina

Sacerdoti. Minerva VIX

Ann. VIII. M. VII. D. XVIII. ob. infatigabilem. piet.

Ejus ~~se~~ A. Doi. Caf. Mar. infel. Fil. B. M. F.Tom. II
pag. 305.

59 — 119.

104. II.
260. 297.Tom. I
pag. 61.

In qua, cum singulare sit, expressum videre sacerdotium puellæ impuberis & castitatem matris, duo hæc luculento quodam velut Cominentario illustrantur a Martino. Ejusdem præclara sunt in *Montefalconianum Opus Antiquitatum* merita, cui ornando plurima antiquitatum Hispanarum fragmenta, inscriptiones, numos, statuarum bases, & similia, contulit; quæ omnia ex mutuis horum literis plenius cognosci possunt. Nec minus liberalem *Fabretto* se præbuit, cui multas, antea non cognitæ, Inscriptiones antiquas transmisit, sed quas parum ille accurate in suo *Inscriptionum Opere* exhibendas curavit, ut specimine insigni ostendit Noster. At vix a quoquam majores ei gratiæ debentur, quam a clarissimo illo urbis Veronensis, quin omnis Italiæ, lumine, *Scipione Maffeo*, cujus cum prodierit magnum *Inscriptionum* corpus, in quo totus est Vir ille maximus parando, tum, quam solers fuerit antiquitatis patriæ investigator hic *Martinus*, omnium optime cognoscent eruditi. Ornabant enim illustrissimum hoc Opus Inscriptiones numero 514, post *Gruterianos* labores effossæ, quas partim ex idoneis Autoribus excerpsit, partim ex ipsis avtoglyphis exscripsit Noster; numi item 160, veterem Hispaniam illustrantes, roganti *Maffeo*, ad id, ut per eum fierent juris publici, a Martino liberaliter concessi. Neque vero præter Criticam & Antiquitates eximium nihil habent hæ Epistolæ, instructissimæ nentis similes, unde promere sibi quisque, quæ sint maxime ad palatum, possit. De *Ferdin. Ruizii Villegatis*, Hispanorum nobilissimi, *Carminibus* ita magnifice sentit, ut magis vix possit, *Martinus* in Epistola ad *Reginerium*, quæ si nuper horum *Carminum* editioni Venetæ accessisset, *Ruiziana* fatæ non male prospectum fuisset. Quid enim effusissime laudatum dices, si illud non est: De hoc Opere equidem universe ita sentio:

sentio, nihil esse prorsus, quod magis referat divinum illud Maronis ἀεϋέρον. Ita enim exprimit imaginem prisci avi, ut, nisi Autoris nomen prohiberet, ætatis aureæ prolem quam meritissimo judicarem. Dictio in eo tersa, pura, elegans, castigata. Numeri sonori, teretes. Sententia perspicua, nova, vivida, torosa. Inventio mirabilis. Fluit sane Poeta magnificus sine tumore, elatus sine fastu, sine abjectione verecundus, diligens sine morosa περὶ ἐργεία. Denique (nisi ego insano) a Virgilio secundus; propior tamen primo, quam ceteris, ut verbis utar Afri Domitii. Tres illos, qui vulgo tribuuntur Hirtio, de Bello Alexandrino, de Africano, & Hispaniensi, Libros non ejusdem Autoris esse, diversitas stili docuit Martinum, qui, longa idem argumentum Dissertatione persecuturum se, promittit. De Fulicis, avium edulium genere, vix delicatius differere Nonnus aut Apicius potuisset. Abditi, quod mireris, passim in Hispania latent Scriptorum veterum MSti Codices, quorum si usum Germanis nostris aut finitimis Belgis bona fata concederent, non leve inde amœnioribus literis commodum sperandum esset. Ipse sibi Martinus zte modico comparatas refert Aristophanis Comœdias cum Scholiis, nondum editis, Demosthenis & Aristidis Orationes, Philostrati Vitas Sophistarum, Excerpta ex Philostrati Vita Tyanci, ex Himerii Sophistæ Declamationibus, ex Libanio, Hyperide, Plutarchi Parallelis, Plutarchi Gorgiam, sive de Rhetorica, Aretæ Capadocis Libros περὶ ἐξέτων λόγων, Ruffi Ephesii ἐνομοκλασίας τῶν τῶ ἀνδρῶν νόμων, Manuelis Atramyttæni librum Θεοοφίας, denique Festum Pompejum de Verborum significatione. Si nihil bonum & laude nostra dignum haberent hæc Epistolæ, certe copiosa illa de Autore Anthologia Græcæ Dissertatio, quam literæ ad Alexandrum Zondadarium nobis exhibent, & in aliis ad Marchionem Mondexarensem tanquam in compendium redactam legimus, una nobis legendi molestiam compensaret. Ita enim hic, quæcumque de variis Epigrammatum veterum Collectionibus, harumque Autoribus, commemorari poterant, docte Noster & accurate

pag. 76.

124.

330.

362 - 381.

424.

edidit, ut ab ejus industria nihil possit amplius desiderari; cumque ad manus ipsi fuerit Codex Anthologiae Mstus, quem Vaticana servat, omnibus aliis praeferendus, hinc varia, alibi non obvia, Graeca Epigrammata depromsit, unde, qui fuerint Collectionis hujus Autores primi, optime cognosci potest. Nec hæc attulit tantum, sed oculo etiam critico lustravit, & passim non infeliciter emendavit, ut, quam Graece etiam doctus, & artis interpretandi peritus sit *Martinus*, vel hinc existimari possit. Cum mortem Principis doctissimi, *Gasparis Mendoza & Segovia*, Marchionis Mondexaren- sis & Agropolitani, postridie Cal. Sept. A. 1708, ætatis anno primo & octogesimo, defuncti, acerbè luget, simul scripta ejus memorat, in magno pretio habenda, sed partem maximam suis adhuc tenebris inclusa, quorum editionem pergratam viris doctis fore, vel ipsa eorum argumenta, admodum selecta, spondent. Sunt vero hæc: *De Mose*, scriptore omnium vetustissimo; *Carthago Africana*; *Patronatus S. Fru-cti*; *Dissertationum Ecclesiasticarum Tomi duo*; *de Predicatione S. Jacobi in Hispania*, adversus Natalem Alexandrum; *de Deo Carmelo*; *de vera origine Ordinis Carmelitarum*; *Fabula de equabus Lusitanis zephyro gravidatis explosa*; *Monumenta genealogica*, propria familia de Segovia; *de vera epocha occupata a Sarracenis Hispania*; *de prima migratione gentium in Hispaniam*; *Gades Phenicia*; *de Æra Hispanica*; *de origine & praxi impedimenti consanguinitatis & affinitatis*; *Monumenta Historica Alphonso VIII, & Alphonso, cognomento Sapientis, Regum Hispania*; *historia familiae Mondexaren- sis*; *historia familiae Montecatenarum*; *historia familiae Pontiorum de Leon*; *Notæ & observationes in Homeri Batrachomyomachiam*; *Notæ in Satyram nonam Juvenalis, cum adjuncto Opusculo de annis, diebus, & horis Romanorum*; *Scholia in Artem poeticam Horatii*; *de Phalange, seu testudine Macedonica*; *Hercules Gaditanus*; *de Etymologia militis*; *ad l. Miles ff. de Testam. militis*; *de Judiciis Arcopagi*; *Epilogus Ordinum militarium*; *de Conceptione Virginis matris*; *Historia Comitum Barchinonensium*; *Miscellanea*. De horum plu-

Pag. 382.

plurimis magnifice Noster sentit, ut maxime nobis eorum, quæ lucem nondum publicam viderunt, expetenda sit editio. Sam. Bochartum omnium, qui unquam usquamve fuerint, Criticorum facile principem dicit. De Flavii Dextri *Chronico Hispaniæ* indicat, esse totum splendidissimis mendaciis anilibusque fabellis refertum; ab impostore quodam confectum, qui eo conjecerit male sani capitis deliramenta; monstrum, non librum. At Antonium Pagium, ob editam in *Annales Baronii* Criticam, vocat summum *Chronologum*, egregium *Historicum*, & *Criticorum* omnium longe principem. Gravine *Origines Juris Civilis* in eorum librorum numero ponit, quibus carere elegantioris Juris prudentiæ studiosus plane nequeat. Ita enim de his: *Nihil in lucem prodiit neque doctius, neque nitidius — In iis enim Juris civilis primordia & scaturigines detectæ, abditissimi Romanarum antiquitatum explorati recessus, Latini sermonis referata divitiæ; tanta verborum concinnitate, tam apto & congruenti ordine, tam naturali rerum causarumque nexu, ut, si cujus animum non statim mira quadam voluptate pelliciant, ne ille plumbeus sit & stupidior lapide molari.* Repetitæ hic leguntur elegantes illæ & festivæ Martini leges Bibliothecales, quas ex *Epistolis Majansianis* excerptas olim dedimus in *Actis A. 1734 Mens. Sept. pag. 400*. Neque vero metaphysicas subtilitates in Martino desideres, quarum plena est *Epistola ad Janum Serresium*, Gallum, ubi sensuum velut patrociniū ab eo suscipi, idque demonstrari, videas, nec fallacem illorum usum esse, nec carere his in vestiganda veritate quemquam posse. Tractat & subinde controversias, ubi acutus est & vehemens, nec falsi expertus, ut vel ex acutissimis illis telis discas, quibus *Martineum Egyptium* petiit, in explicanda *Inscriptione antiqua* occupatum. In describendis locorum antenitibus, si quem alium, felicissimum dicas. *Popilianam villam* ita nobis depingit, ut vix locum invenire possis, cui tantas naturæ divitiæ concesserit. In jocis vero quam facetus & urbanus sit, doceant *Lectorem* illæ epulæ, quas, omnium deliciarum apparatu instructas, amico suo *Turrezio* paravit. Exstat inter *Epistolas Martini* una ad *Franc. Aquavivam & Aragonium*,

Tom. I
pag. 440.
Tom. II
pag. 34.

198.

336.

401.

Tom. I
pag. 407.

Tom. II
pag. 179.

231.

Tom. I
pag. 124.

Tom. II

pag. 257

272.

S. R. E. Cardinalem, *Jacobi Pizei* nomine a *Martino* scripta, qua huic Principi dedicatur Pars una magnæ *Decisionum Rotæ Romanæ* Collectionis, in complura Volumina a *Pizeo* redactæ. Non exiguo honori cedit *Martino*, noluisse *Aquavivam* a quoquam alio commemorari laudes suas, quam a *Martino* nostro, qui munere hoc ita dextre & feliciter defunctus est, ut non *Francisci* tantum virtutes eleganti oratione explicaret, sed universæ simul *Aquavivæ* gentis, ab ultima memoria repetitam, historiam describeret. Gallis Noster, sive inveterato quodam gentis odio, sive maledicendi libidine, quæ minime decebat virtutis tam spectatæ senem, parum favet. Nam, cum belli Valentini, extincto Rege *Carolo* inter Hispanos & Austriacos gessi, mentionem facit, in eo totus est, ut Gallis exprobbret ignaviam suam, rapinas, scelera, idque tam vehementer & acerbe, ut sine indignatione hæc legere nemo vir bonus possit. Quid enim truculentius illis: Gallos, quibus nihil fuit in eo prælio ignavius, calo effers. Per eos stetit, actum profecto esset de *Philippi* regno. Ita illi gregatim more pecorum, trepidantes ac pene exanimati, relictis ordinibus *Almansam* confugerant. Quod quidem oppidum terrore compleverant, dum muliebriter ejulantes, ac rimabundi, latebras querunt, abjectis extra murum sclopis, ut expeditius per macerías creperent. — Nec ea animi consternatio fuit impedimento, quo minus ad diripiendum templum se converterent, quo specie querenda salutis confugerant. Ea est gentis prædandi libido, & sacerorum contemptus. Nobis nihil minus ferendum videtur, quam cum homines privati, inprimis vero in munere sacro constituti, injuriis & contumeliis gentes integras lacessendi, jus & audaciam sibi sumunt. Sunt & inter aliorum Epistolas, *Martinianis* admixtas, tales passim obvix, quas neminem pœniteat legisse. Tersissima est, & ex ipsis sapientiz fontibus hausta, quam de vera Poëtica ratione, deque venustis *Martini*, & mire ineptis aliorum Poetarum, Carniibus *Reginerius*, Gallus, scripsit. Nec minus *Mignane* omnes placent, hominis, qui se, præter ea, quæ a *Martino* acce-

Tom. I

pag. 217 seq.

84 = 60.

218.

ceperit, *avrodidax* lev profitetur. A *Castelvino* vero, *Gravina*, *Massæo*, *Montesalconio*, quis vulgaria & indigna plausu publico expectet? Ex *Philippi Buliphonis* literis apponemus judicium de *Aug. Calmest* in sacra Biblia Commentariis, quos ille *Opus* dicit *egregium*, *ingens*, *eximium*, & *superius omni laude*. Addit: *Hos qui viginti tres Tomos habeat, baud ille ad pleniorum sacrorum Codicum intellectum, uberioresque divini sermonis doctrinam, quidquam desiderabit.* Mirum etiam decus accedit Epistolis *Martini* ab adjunctis hinc atque illinc felicissimæ venæ Carminibus, quibus lectis, nemo non *Martino* Poetæ excellentis laudem tribuat. Suavissimi sunt & *Catullianis* similes Hendecasyllabi, quibus *Mignanam* ad se visendum invitat, & alii, quibus amanter rogatur *Interianus*, ut sua præsentia levare ipsi velit acerbos podagræ dolores. Inprimis vero, cum libris suis, Bibliopolæ Londinensi venditis, ultimum vale dicit, nihil potest phaleucis illis mollius politiusque fingi. Nec minorem gratiam habent Epigrammata ejus, in recens natum filiolum *Philippi Buliphonis*, & in *Museum Strozianam*, quorum æquat elegantiam duplex illud, tam Græce, quam Latine, scriptum, in *Polycarpi Gazini* versionem Hispanam Syntagmatis de Diis satidicis apud præfatos illustribus, olim a Petro Mussardo editi. Nec Græcis numeris nihil potuisse *Martinum*, periti harum rerum Lectores judicabunt. Nam, cum Græce reddit Epigrammata *Martialis* breviora XXVIII, nihil invenias in hoc labore, quod non referat ingenium Poetæ veteris, & Venerum Græcarum melleam dulcedinem; nec laudem nullam a Lectore feret Imitatio illa *Ode I Anacreontice*, qua *Lusus convivalis* describitur. Insignem hanc *Martini* in cantando artem æmulatus est civis ejus, *Interianus de Ayala*, cujus bonum est Epigramma in *Podagram*, *Martino insultantem*, & *Flacco* digna *Ode* illa, ad ingenium *Horatianæ*: *Beatus ille &c.* feliciter expressa, qua viri sapientis bonum & honestum otium decantatur. Applaudimus eidem, *Lusum convivalem* *Martini*, Carmen Græcum, numeris totidem Latinis, iisque optinis, reddenti.

Epistolis *Martinianis* ejusdem Auctoris περί παθῶν, five

Tom. II
pag. 210.

Tom. I
pag. 242.
508.

Tom. II
pag. 413.

227.
253.
15 seq.

503.

Tom. I
pag. 489.
496.
510.

460 seq.

503.

sive de *Animi affectionibus*, libellus, seu libelli potius particula, accessit, cui ultimam manum adhibere *Martinus* causæ varix, maxime domesticæ, prohibuerunt. At sic satis dignam, quam ab interitu vindicaret, opellam hanc duxit *Majanfus*, quippe a vulgari philosophandi ratione, & a scholasticis ineptiis, quas, nemo nescit, satis adhuc regnare in illa gente, adeo remotam, ut, ejusne generis liber unquam in Hispania prodierit, nos quidem valde dubitemus. Commentarium dicere possis in *Librum quartum Questionum Tusculanarum Ciceronis*, cujus lectione ad suscipiendum id laboris *Martinus* exstimulatum se sensit. Sunt hic omnium perturbationum ac commotionum genera ad quatuor classes revocata, *libidinem, voluptatem, metum, agridudinem*. Inde, tanquam ex stirpe sua, derivatur, quicquid extra se rapit animum humanum, & tranquillitatem ejus turbat. Ea vero, quæcunque sunt, suo ordine & accurate Noster explicat, vera singulorum origine & hominem afficiendi modo indicatis, aptis etiam atque rei prorsus congruis nominibus prolatis. Inprimis vero solers & subtilis est in definitionibus, quarum plurimæ hic novæ sunt, & Autoris ingenio excogitatæ, quod veterum Philosophorum, ipsius etiam *Ciceronis*, nonnullæ admitti nullo modo possent. Sed, ut suum *Martinus* in his omnibus ingenium & sensum sequitur, aliis aliorum aut rejectis, aut saltem non consultis, opinionibus, ita facile, futurum, prævidemus, ut, quæ desiderent & carpant in hoc Opere, ii inprimis nostri temporis Philosophi, qui omnis sapientiæ quendam velut principatum affectant, satis multa inveniant.

Jam dicendum etiam de vita *Martini*, quæ, copiose diligenterque descriptam, & nitidissimæ orationis floribus conspersam, inscriptamque *Josepho Octavio Buzanzio*, cujus inprimis consilio hoc, quicquid est, laboris susceptum est, ita cum *Epistolis Martini* conjunxit *Majanfus*, ut ab iis etiam, nullo laboris utriusque detrimento, commode separari possit. Nos vero, memores eorum, quæ jam olim in *Supplementis Novæ Actarum Tom. I pag. 402 ex Casaris Bulipbonis Præfatione, Apasterosi Martini præmissa*, de vita & meritis præstantissimi

Hispa-

Hispanorum breviter commemoravimus, jam, si qua tunc reliquimus intacta, de illis maxime supplendis laborabimus. Natus est *Martinus* d. 14 Cal. Aug. A. 1663 Oropeſæ, parvo Valentiz oppidulo, patre *Joſepho Martino*, cive Oropeſano, matre *Maria Zaragoza*, Turralbina, honeſto parentum pari, rei agreſſi & pecuariz dedito, & laude optime geſtorum inter ſuos conſpicuo. Gremio parentum egreſſus anno ætatis ſexto, Turrim albam migravit ad avunculum & materteram, qui primis literarum elementis hunc feliciffimæ indolis puerum erudiendum curarunt. Inde decennis Caſtalonem abiit, Latinæ linguæ tirocinia poſiturus in ſchola *Michaelis Falconis*, nobiliſſimi illius urbis Grammatici. Jactis his intra trium annorum ſpatium omnis doctrinæ fundamentis, Valentiam ſe contulit, & in illuſtri hac Muſarum ſede per triennium bonis literis operam navavit duce *Vincentio Stephano*, Theologiæ vero Scholaſticæ annos quatuor ex ore *Marcelli Marone*, *Jo. Bapt. Scuderii*, *Franc. Milani*, & *Antonii Pratenſis*, hauſit. Nec inter ſeveriora hæc ſtudia amœniores literas neglexit, ita Poeticæ inprimis deditus, ut in tenerriima ætate, nobiliſſimæ *Parnaſſi* Academiæ, quæ cum altera, *Arcis* dicta, laudabili induſtria artem poeticam vernaculam Valentiz exerceat, ſocius adſcriptus, partim elegantiffima Carmina complura ſcripſerit, quorum præcipua habentur *Gigantomachia*, Poema heroicum, *Comædia quatuor*, in publicis theatris actæ, & *Sylva* quædam, ex antiquiſſimis vocabulis compoſita, ſed quæ omnia poſtea ab Autore ipſo flammis ſunt mandata, partim ex tempore magna ſæpius verſuum tanquam flumina effuderit. Nec minus Latinæ Poſeos ſuavitate captus, annos vix duodeviginti natus Elegias viginti compoſuit, quibus, poſtea A. 1686 Romæ editis, non inconcinnum *Amalthææ Geographiæ* nomen impoſuit. Græcam linguam Valentiz primum, poſtea & Romæ, quam in urbem ſe contulit A. 1686, ſine magiſtro didicit, nec penitus abſtinuit ab Hebraicæ & Gallicæ deliciis. Romæ in album Academicorum, qui vocantur *Inſecundi*, receptus, poeſi adeo Etruſca excelluit, ut vix cuiquam eo nomine palmam concederet. Sed & Latina Carmina ſecefſus ille Romanus bene multa tulit, quorum nonnulla integro *Amorum* libro,

Fff

ſed

sed nunquam edito, complexus est. *Ovidianis* etiam *Fastis* Libros novos duodecim supplementi instar adjunxit, & de *Tiberis alluvione* Silvam effudit, A. 1688 Romæ publicatam. His politissimi ingenii speciminibus aditum sibi paravit ad gratiam eruditissimi Romanæ Ecclesiæ purpurati, *Jos. Sænzii Aguirrii*, cui a Bibliotheca esse jussus, magnæ *Conciliorum* Collectionis, quam auspiciis *Aguirrianis* prodiisse constat, editionem curavit. Præterea de *Poculis veterum* tunc eruditissimum libellum scripsit, Alonæ postea ab ipso flammis commissum, Notisque non vulgaribus *Theocritum* illustravit, & ex *Martiale* Epigrammata nonnulla in Græcum transtulit. Recens institutæ *Arcadum* Academiæ non solum ipse nomen dedit, adoptato *Eumeli Olenii* nomine, sed & ad condendas ejus leges cum aliis consilia contulit. At nulla re majorem Italorum plausum tulit, quam limatissimis in *Q. Sæstani*, *Pseudonymi Senensis*, decem priores Satyras Notis criticis, *Satyrormastyx* inscriptis, quibus multorum ex Italici, maxime vero *J. V. Gravinae*, famam a turpissimi hominis obrectationibus vindicavit. Quem laborem remuneraturus *Gravina*, inscripsit ei *Dialogum de Lingua Latina*, ubi *Martinum* de illa omnium linguarum regina jucundius, quam subtilius, disputantem inducit. In Academiam dogmaticam eodem tempore receptus, aliquot Disputationes, succi plenas, & ingenio illo dignas, recitavit. Frequens etiam Bibliothecarum spectator fuit, quas ingressus, superstites inprimis veterum Scriptorum reliquias curioso oculo lustravit, & selecta quæque in codicillos retulit. Epigrammata Græca 150, nondum edita, sed *Anthologia Græca* suo merito adjungenda, ex vetustissimis Scriptoribus descripsit; & cum optimæ notæ Codicibus Mæstis multos, tam Græcos, quam Latinos, Autores veteres contulit, unde prægrande ipsi variantium lectionum Volumen enatum est, postea, tædio patriæ, nihil hæc curantis, discerptum. Dixit enim sæpissime, patriam sibi obstitisse, quo minus aliquam sui memoriam posteris relinqueret. A. 1696, suafu & autoritate Cardinalis *Aguirrii*, edidit Romæ *Nicolai Antonii*, civis sui, *Bibliothecam Hispanam veterem*, suis

fuis passim ad marginem Notis non inutilibus adscriptis. Meditatus est præterea Linguz Latinæ Etymologicon magnum, opus diu desideratum, sed a quo deinde, amplitudine instituti deterritus, abstinendum duxit, satius futurum ratus, si, quæ eam in rem diligenter collegerat, aliquando per partes publicaret. Præcipue vero omnibus admirationi fuit eloquentia *Martini*, cujus tum maxime illustria dedit specimina, cum publice dixit coram *Innocentio XI & Alexandro VIII*, Pont. Max. qui Oratorem hunc gratia & honore omni dignissimum judicarunt. Decennio Romæ exacto, A. 1696, *Martinus*, impetrata prius utriusque Juris laurea, Romæ valedixit, rediturus in Hispaniam, ubi Decani Alonensis munus a Pontifice Max. ipsi fuerat collatum. Provinciam hanc dextre administravit per biennium, quo elapso, Vicarium sibi petiit obtinuitque *Joseph. Anastas. Martinum*, A. 1731 demortuum. Ipse vero, fatis impeditus, quominus Romani repeteret, studiorum causa Valentiam se contulit, ubi, præter alios, familiarissime usus est *Jo. Basilio Caselvinio*, Cervillionis Comite, eruditissimo Viro; ex cujus Bibliotheca, omnibus rei literaræ divitiis & ornamentis instructissima, protraxit *Ferdinandi Ruizii Villegatis*, Poetæ Hispanorum vetustioris, aurea prorsus Carmina, indignissimis tenebris adhuc sepulta, sed tunc a *Martino* diligenter recognita, & ita studiose expolita, ut, nisi *Calvinio* visum fuisset, differre hoc negotium, tunc exire in lucem publicam potuissent. Totus etiam fuit in vertendis *Eustachii* in *Homerum* Commentariis, urgentibus hoc institutum Italorum doctissimis, maxime vero Marchione Villanovano, qui, Parisiis curaturum se ejus Operis editionem, receperat. In tractum vero Saguntinum excurrens, primus nobilissima Theatri, ad hunc diem prorsus incogniti, rudera detexit. Valentia Mantuam Carpetanorum invitatus a *Ludovico Cerda*, Ecclesæ Principe, transtulit huc penates suos A. 1704, ibidemque, curæ & custodiæ præfectus Musei numarii, quod Neapoli secum advexerat Illustrissimus ille Princeps, redigendis in concinnum ordinem præstantissimis numis, quantam potuit, industriam adhibuit, tantam continuo hoc studio rei nu-

misimaticæ peritiam consecutus, ut, quadam fiducia sui, haud
 semel dixerit, *se, si Imperator aliquis imperii alti, quod in
 Gallienum desinit, revivisceret, designaturum illum, manuque
 comprehensurum, vel si occultare se vellet inter multa ho-
 minum millia.* Collegit & ipse suis sumptibus rarissimorum
 numorum suppellectilem, adeo pecuniæ prodigus, ut mallet
 parcus esse in victu, quam his cimeliis carere. Inter has
 curas A. 1705 de Autore *Anthologia Græcæ* doctam æque ac
 copiosam Dissertationem scripsit, muneris loco oblatam *Anto-
 nio Felici Zondadario*, Archiepiscopo Damasceno: eodemque
 tempore manibus ejus exiit *Descriptio theatri Saguntini*, po-
 stea in Opere *Antiquitatum Montefalconiano*, & inter *Epistolas
 Majansianas*, publicata. Vertit etiam Historiam *Olympiadum
 Phlegontis Tralliani*, additurus huic operi Annotationes criti-
 cas, nisi librorum penuria intervertisset nobile consilium. In
 lectione *Libri quarti Questionum Tusculanarum Ciceronis* A.
 1706 occupato, dignum visum est de *Animi affectionibus* argu-
 mentum, quod integro libello explicaret. Itaque magnam ejus
 partem intra breve tempus absolvit, cui ne reliqua tunc ad-
 deret, eum domesticæ calamitates variæ prohibuerunt. Anno
 sequenti, præclare meriturus de *Josepho Emanuele Mignana*,
 amico suo, hujus *Historiam belli rustici Valentini*, secum;
 ut erat literis consignata, ab Autore communicatam, sua ex-
 poliendam lima suscepit, monuitque *Mignanum* non nullius
 momenti varia, sed de quibus non eam, quam merebatur, ab
 illo gratiam tulit. Hinc plurimis *Martinus*, publicis partim,
 partim domesticis, malis, inprimis vero amicorum & Mecæ-
 natum quorundam jactura, graviter afflictus, hypochondriacis
 etiam insultibus misere vexatus, A. 1711 Madrito valetudinis
 causa Hispalim se recepit. Hic, recuperata aliquantulum
 valetudine, totum se dedit antiquitatibus Hispaniæ scrutan-
 dis, felix in eo, quod Amphitheatrum Italicense, nobilissi-
 mum olim, primus ex ruderibus suis protraxit; cujus descri-
 ptionem postea cum *Bern. Montefalconio* communicavit, il-
 lius *Thesauro Antiquitatum* inferendam. Præterea deman-
 datam sibi a *Nicolao Corduba*, Marchione *Priegi*, provinciam,
 dispo-

disponendi librariam ipsius suppellectilem, valde copiosam atque splendidam, numisque & ornamentis antiquariis ditissimam, dextre & expedite administravit, effecitque cura sua, ne quidquam sive in ordine, sive in externo ornatu, librorum jure desiderari posset. Suis etiam usibus impigre collegit numeros veteres, quorum, intra annos quatuor & sex menses, congestit mille & sexcentos; nec minori studio MStos Codices vetustiores inspexit, quorum nonnullos diligenter cum libris editis contulit, mendisque liberavit. Hispali reversus est Madritum A. 1715, quo tempore decesserat *Gabriel Alvarezius*, Bibliothecæ regiz præfectus, cui dignior dari successor non potuisset *Martino*, nisi, commendatione *Guil. Dubantonis*, Regi a Confessionibus sacris, prælatus ei fuisset *Joannes Ferreras*, *Annalium de rebus Hispaniæ* Scriptor ferreus. Madriti consistendum fuit *Martino* cum morbo gravi, cujus dolores levaturus aliquantum, in Græcum convertit *Martialis* quædam Epigrammata, & amicos suos donavit Hendecasyllabis, ad elegantiam veterum compositis. Restitutus sanitati pristinz, amicitiam contraxit cum *Bern. Montefalconio*, Gallorum ornamento, cui lectissima multa antiquitatis monumenta transmissit, splendidissimum *Antiquitatum* Opus ornatura. Quæ qualia sint, quamque diligenter a *Martino* descripta, jam cuilibet ex ipso illo *Antiquitatum* thesauro, in omnium manibus versante, integrum est cognoscere. A. 1716, cum libellum *Martini*, quo descriptio theatri Saguntini continetur, levi tantum Autoris mentione facta, paucis etiam mutatis verbis, pro suo ederet Romæ *Joach. Alcarazius*, *Valentinus*, injuriam hanc *Martino* illatam graviter ultus est *Jan. Vinc. Gravina*, qui fraudem *Alcarazii* per omnem Italiam brevi tempore divulgavit, eoque deduxit lepidum caput, ut Autorem se dicere pulchri adeo laboris non amplius auderet. Madrito petiit Alonam *Martinus*, ubi aliquantisper commoratus, & jucunde conversatus cum *Philippo Buliphone*, denuo navigavit Romam A. 1717, nunquam, si fieri posset, in Hispaniam rediturus. Hic, veteres colendo amicitias, Musea tam libraria, quam numaria, frequentando, doctrinam suam com-

ram nobilissimis Itatorum explicando, otium suum suaviter fefellit, omniumque sibi gratiam conciliavit. Jam etiam serio meditari cœpit *Eustathii* sui in Latinum translati, nec non *Epistolarum*, quas dederat ad eruditos, & ab his vicissim acceperat, editionem; sed mire eum delusit fiducia in *Montefalconio* posita, qui, cum sæpius, curaturum se, promississet, ut typis Parisiensibus excriberentur hi libri, tandem istius rei nihil præstitit. Aliquot mensibus Romæ transactis, Edictum publicatum fuit *Philippi V*, Hispanorum Regis, quo celeriter redire in patriam, quoscunque Roma tunc alebat, Hispani jubebantur, additis gravissimis pœnis, si quis obanti jussis, aut necere moras, auderet. Itaque, peragrato prius *Prænestino* & Albano Montisque Tusculani agro, numarii thesauri, quem prorsus sibi in patria inutilem futurum noverat, magna parte vendita, A. 1718 difficili itinere Noster in Hispaniam contendit. Alona salutata, ad Musæ suæ otium privatum rediit, scripsitque *Observationes* aliquas in *Aristophanis Comedias*, cujus Poetæ incredibili amore ferebatur. Numismata vero consularia, quorum insignem copiam collegerat, *Andrea Bonito*, Neapolitano, & alia Græciæ, Siciliz, & Hispaniæ vetustioris, Anglo cuidam, pertæsus patriz, has prisce ævi reliquias contemptui habentis, vendidit. Anno sequenti 1719, *Jacobi Pizei* nomine, *Francisco Aquaviva* Cardinali, id serio expetenti, *Volumen quartum Decisionum Rotæ Romanæ* dedicavit Epistola pereleganti, & laudem gentis *Aquavivæ* plena, qua lecta, Cardinalis dixit: *Se æque æstimare Prosphefin illam, ac purpuram, qua induebatur.* Circa idem tempus perfecit *Ἀπαγγελωτιν* suam, seu *Arca consecrationem*, olim inchoatam, Poëma nulli ex veteribus secundum, postea A. 1722 a *Cesare Laur. Buliphone*, cum Epistolis nonnullis *Martini* & *Buliphonis*, & Cœmine jucundo *Jani Interamnenfis Ajala*, publicatum. Haud ita multo post A. 1720 in amicitiam *Martini* venit *Gregorius Majansius*, tunc adhuc juvenis, sed, ut ipse de se ait, ingenio satis acuto, studio erga literas ardenti, & judicio pro ætate acri; qui ab illo tempore diligens virtutum *Martini* admirator fuit, eodemque non
tara

tam amico, quam magistro, usus est. Amicos etiam tunc nactus est *Martinus Joseph. Octavium Bustanzium*, ortu Genuensensem, *Antonium Judicem*, Juvenatii Principem, & *Marcellionem Scipionem Maffaum*, cui, magnum *Inscriptionum* corpus paranti, insignem copiam Inscriptionum Hispanarum, nemini ad hunc diem cognitarum, transmisit. Ingravescente jam ætate, oculorum acies deficere *Martinum* cœpit, ut nec legere libros, nec rebus suis præesse, sat commode posset. Itaque pertæsus, si non studiorum, librorum tamen, omnem Bibliothecam suam, non tam numerosam, quam libris rarissimis, & nitidissime excusis, spectabilem, A. 1726 vendidit Bibliothecæ Londinensi, qui eam postea longe majori pretio venum exposuit civibus suis. Sic velut altero oculo, aut dimidia parte animæ, orbatus, omnem abiecit studiorum curam, nec commercium amplius cum Viris doctis, nisi cum *Gregorio Majansio*, habuit, qui Epistolas ejus complures, vernaculo sermone scriptas, diligenter in scriniis servat. Quæ post illud tempus acta sint de præstantissima *Epistolarum* Collectione Lipsiæ publicanda, & quibus modis effectum sit, ut illa tandem Mantuæ Carpetanorum lucem adspexerit, jam supra copiose dictum est. Nunc vero in extrema senectute Alonx *Martinus* placide, tranquille, sapienter, vivit, paratus mortem, quando-cunque venerit, forti animo excipere. Figuram corporis ita nobis depingit *Majansius*: Emanuelis Martini *statura justa est; capilli suberispi, canis nigrisque commixtis; frons ampla; supercilium canum sublatumque; oculi cassi, quales Minervæ dixit esse Poetarum princeps; nasus & os justa magnitudinis; color rubicundus; facies liberalis; incessus gravis; voluntas ad executionem prompta; ut facile agnoscas, in ejus corpore regnare bilem.* Corpus ei natura robustum dedit, sed vexatum subinde capitis doloribus, nec non podagræ & morbi, quem Latini incubum dicunt, insultibus. Frequens ei in villa Popiliana, situ amœnissima, secessus est, ubi, terrestria omnia magno animo contemnens, ad cœlestia se præparat. Ingenium in eo omnes mirantur acutissimum & prorsus sublime; memoriam rerum omnium capacissimam; judi-

judicium acerrimum & severissimum. Veram eruditionem & ipse colit, & in aliis magni facit, libertatis inprimis amans, qua sine frustra ad supremum scientiarum adspirari fastidium intelligit. Amœnus est in familiari colloquio, seriis adnūscens jocos, eosque salibus conditos. Linguas Etruscā, Latinā, Græcāque, egregie callet, prosa æque ac versa oratione excellens, ut eximiis speciminibus ostendit. Inter Græcos *Aristophanis*, inter Latinos *Ciceronis*, *Terentii*, inprimis vero *Plauti*, non maximus solum sectator est, sed imitator etiam felicissimus. Sophisticas Philosophorum disputatiunculas nihili ducit, in deliciis habens Philosophiam veram, sobriam, veritatis studiosam. Antiquitatum & rei numismaticæ vix eo peritorem tulit ætas nostra. Quod alii frustra conati sunt, ipse magno animo ad condendum Alphabetum Hispanum se convertit, longius ea in re, quam ante eum quisquam, progressus. Abiecit tamen postea hoc consilium, innumerabiles, quibus ea res premitur, difficultates agnoscens, etsi satis in eo felix, quod tenebras multas, veteri Hispanorum linguæ circumfusas, primus dispulerit. In animo aliquando habuit, *Hispaniam antiquam* edere, opus, si in lucem prodiiisset, omni certe posteritate dignissimum, eique condigne exornanda selectissima quæque antiquitatum Hispanarum monumenta collegit; sed vidit postea, nihil ejusmodi tentandum in Hispania, cui sordent elegantiora studia, & vix terenciū æstimantur. Quæ scripsit *Martinus*, numero multa sunt, sed quorum magna pars adhuc latet in tenebris, aut. victima Vulcani facta est. Quæ lucem adspexerunt, hæc sunt: *Solidad*, Carmen vernaculum, Valentix, 1682, 4; *Amalibæa geographica*, sive de rerum copia, *Opus viginti Elegiis divisum*, Romæ, 1686, 8; *Sylvæ de Tiberis alluvione*, Romæ, 1688, 4; *Ἀναστροφῆς*, sive in Astrum conversio, *Elegia*, Madriti, 1722, 4; *πρὸς πατριὸν* liber affectus, & quæ cum illo nunc in lucem exeunt, *Epistolarum Libri XII*. Addimus his cetera, eodem prorsus ingenio & doctrina composita, sed quorum alia jam dudum exenta sunt commercio humano, alia prodeundi in conspectum eruditi orbis dubiam spem habent: *Comædia* qua-

quatuor vernacule, in publicis theatris actæ; Ammonii Hermetis Versio de similibus & differentibus vocabulis, Notis & Commentariis illustrata; Phlegontis Tralliani Historia Olympiadum; Tractatus de Veterum poculis; Etymologicon magnum Latina lingue; Elegiarum Decas ad Camillam; Fasti Romani veteres, elegiacis carminibus descripti; Odarum Liber; Hendecasyllabi; Phrimorum Anthologia Epigrammatum verso; Nota in Theocriti Idyllia; Observationes in Aristophanis Comedias; Satyromastix, sive Nota critica in Q. Sectani decem priores Satyras; Observationes politica in Homerum; Volumen prægrande variantium lectionum, ex vetustis Codd. MSis collectarum; denique Eustathii Commentariorum in Homerum duo priora Volumina, in linguam Latinam conversa.

I TALI ED ALTRI STRUMENTI LUSORI

degli antichi Romani, &c.

h. e.

DE TALIS ET ALIIS INSTRUMENTIS

*lusoriis antiquorum Romanorum Commentatio; Autore**FRANCISCO FICORONIO, Academiæ Regiæ**Parisiensis Socio.*

Romæ, ex typographia Antonii de' Rossi, 1734; 4 maj.

Alph. 1, Tabb. æn. 2.

Clarissimus Autor, antiquitatum, si quis alius, felicissimus in Italia investigator, Commentationem hanc, Illustrissimo ac Eminentissimo Principi ac Cardinali Lercario dicatam, occasione talorum, ex terra effossorum, qui in manus ipsius inciderant, edidit, horumque talorum formam hic omnium oculis publice exposuit. Cognatum quoque ei argumentum de tessera, pessi, & calculis, qui cum talis sæpe confundi solent, ut in Præfatione ait, adjecit. Ac primo quidem de origine ludi talorum disquirat, eos refutans, qui, *Palamedem* ejus autorem esse, perhibent, ac *Pausaniam* aliosque Scriptores, ex quibus probare opinionem suam annuntiantur, de cubis

Pag. 6 seq.

8. 11. 12.

16.

Ggg

vel

- vel tesseriſ, Italice *dadi* dictis, loqui, easque diſſerre a taliſ, oſtendens. Dein alioſ, qui ad *Theuten*, *Ægyptiorum* Deum, illiuſ inventionem, *Platonem* alleganteſ, referunt, in verbis ejuſ exponendiſ falli, eaque de peſſiſ ſeu calculiſ agere, cenſet, ac eorum uſum, formam, & ſignificationem, explicanſ,
- Pag. 18. ex vocabulo Græco *πεσσο* Italicum *pezzo* derivat. Græcoſ, ait, illoſ calculoſ etiam caneſ appellaiſſe, & Latinoſ latrunculoſ, quia latronum, hoc eſt, militum, ſeu lateronum, ut *Varro* vult, vice in ludo erant, eoſque ordine ſuo repræſentabant. Numerum autem horum calculorum, & cellarum tabularii, incertum eſſe opinatur, & de ludo, ab *Hefychio* diagrammiſino dicto, conjecturaſ ſuaſ proferit, ac ludum aſtragalorum, *Homero* ac *Herodoto* memoratorum, talorumque, antiquiſſimum, ex Alia per Lydioſ forſan in Italiam, ubi ſedem fixerant, tranſlatum putat. Porro talorum formam & parteſ, & jactuſ, eorumque nomina, ut *ſupini*, *convexi*, *Chii*, *Coi*, *Canis*, *Veneriſ*, *Vulturii*, *ſenarii*, deſcribit, ac de iis contra aliorum mentem judicium ſuum interponit. Veneriſ qui dicebatur jactuſ, ac omneſ continebat talorum numeroſ,
61. ejuſ prærogativam præ aliis exponit, peſſimum vero canum, ſeu jactum quatuor unitatum, fuiſſe monſtrat. Ad obſcura alia nomina & numeroſ, ut *Stefichori*, *gruiſ*, *come Bereniciſ*, *Dariiſ*, *Alexandriſ*, *Antigoniſ*, *Dicentroniſ*, *Midaſ*, *Euripidiſ*, progreſſuſ, nihil certi de iis aſſeri poſſe arbitratuſ. *Pliſtoboliam*, ludum Græcorum, cum *Euripidiſ* valore ac numero comparat, iſque qualis fuerit, declarat, & alia nomina, an a figuris, taliſ inſculptiſ, orta fuerint, ut quidam conjiciunt, in dubium vocat. De materia etiam talorum, ex qua formati fuerint, varia, ac de talorum uſu apud Græcoſ & Romanos diverſo, tabulæque talariz & teſſerariæ figura, diſſerentia, & materia, & cellarum numero, diſſerit. Hanc alveum quoque appellatam fuiſſe dicit, ac tabulam, a *Grutero* adductam, illuſtrat. Teſſeraſ per fritillum ſæpe, ad evitandas fraudeſ, eſſe jactaſ, oſtendit, non manu ſemper, & varia veterum Autorum loca de iis interpretatur, deque vocis tabulæ ſenſu copioſe diſputat. Simul de inſtrumento, per quod teſſe-
- 19 ſeq.
22 ſeq.
33. 34.
38 ſeq.
41 ſeq.
57.
61.
64.
76 ſeq.
79.
91. 93.
97.
98.
102.
111 ſeq.
120 ſeq.
130.

tesseræ aut tali in alveum ceciderint, differit, ac pyrgum etiam, seu turriculam, dictum esse probat, nec minus in fritilli etymon inquirat. Et hoc instrumentum idem cum vocabulis *Psephoboli, Irimi, Cami, Phimi*, a iudicibus Græcis usitatorum, esse docet, easque voces exponit. Tandem de lucro & damno jactus cujuslibet talorum, præter Veneris jactum, qui omnia lucrabatur, nihil certi constare ait, ac in nummi alicujus latere culis talis inscripta verba: *qui ludit, arram det, quod satis est*, allegat & illustrat, eumque *Augusti* tempore, qui ludo talorum deditus fuerit, excusum fuisse conjectat.

Pag. 133

seq.

137.

147.

149 seq.

ANACREONTE, &c.

h. e.

ANACREON NUMERIS ITALICIS RED-
ditus a variis, addita textus Græci Latina, quæ
JOSUÆ BARNESIO debetur,
Versione.

Venetis, apud Franciscum Piacentini, 1736, 4.

Alph. 1 plag. 3.

Floridissimi Carminis autor, *Anacreon*, postquam Latina civitate haud semel donatus fuit, mereri etiam visus est pluribus, ut numeris Etruscis redderetur. Favet instituto lingue genius, & mollis illa luxuries, qua reliquis per Europam linguis dubiam facere palmam solet. Hinc *Anacreon* idiomaticis Hellenici haud imperitis, itidemque Italici gnaris, sibi jam per omnia similis & verborum selectu, & schemate, & miris terininorum revolutionibus, apparebit. Ab omnibus cum gratiam inire studeret Editor, Latinam Græco, quem vocant, textui ad latus posuit versionem; cumque *Henrici Stephani* versionem elegantiore, quam curatiorem, intellexisset, præoptavit *Barnesianam*. Floruit *Anacreon* tempore *Cyri & Cambyfis*, natus Teo, Ioniz oppido, quingentis ante Christum natum annis. Strenuus fuit divitiarum contentor, qui, cum a *Polycrate*, Sami tyranno, quinque talentorum donum cepisset, prom-

G g 2

te

te remississe legitur numos, eo quod infomnem noctem fecerant. A *Platone* sapientis nomen retulit, quantumvis carminis luxuries a sapientia abesse videatur, sive quod vini & amoris, quibus carmina resonant, temperantior fuerit, sive quod, genio suo indulgisse, nec *Platoni* visa fuerit res bono viro adeo indigna. Senex mortuus est, nec facile intelligitur, quomodo, referente *Valerio Maximo*, dici potuerit *his tantum humana vita modum supergressus*. Qui inter pocula vitam duxerat, hæc mortis suæ tanquam instrumenta habuisse narratur a *Valerio & Plinio*. Nam, cum viribus prostratus uvam ore sugeret, acino præfocatis faucibus interiit. Eodem fato ex uvæ grano gutturi illapso periisse *Sophoclem*, narrat *Lucianus*, unde vel prioris historia suspecta est, vel, eundem vitæ exitum disparis ingenii Poetas celebrasse, reputandum. Exstat, præter *Henrici Stephani*, cui restituti *Anacreontis* gloria unice debetur, versionem Latinam, carmine plerumque factam, *Elia Andrea* labor similis, qui Odas, quas *Stephanus* non attigerat, carmine supplevit. Gallicis etiam versibus Poetam hunc extulerunt ille ipse *Henricus Stephanus*, *Ronsardus*, & *Bellavivus*, itidemque erudita fœmina, *Anna Fabra*, *Tanaquilli Fabri*, qui in *Anacreontem* jam antea commentatus fuerat, filia. Omnibus fere præripiunt palmam Itali, quod linguae volubilitas ad Græcæ nicum sermonem reliquis propius accedat. Longum esset, omnium commendare labores, qui bene de *Anacreonte* sunt promeriti. Qui hoc Volumine continentur, sunt *Bartolomæus Corsini*, Abbas *Regnierius Marefius*, *Alexander Marchetti*, Abbas *Anton. Maria Salvini*, & *Anonymi*, quorum laboribus subjectæ sunt variorum compositiones *Anacreontica*.

JOANNIS GEORGII MICHAELIS, S. THEOL.
Prof. Halensis, Observationes sacræ.

Trajecti ad Rhenum, apud Hermannum Besseling, 1738, 8.
 Alph. 1 plag. 12.

Exhibet hic S. Reverendus Autor Dissertationes quasdam selectas, uno fasciculo comprehensas, quæ maxima ex parte olim

olim in Academia Francofurtensi publico examini fuerunt subjectæ. Ex his *primum* locum occupat Exercitatio ampla *de Sacrificio cordis & cerebri*, cujus priorem partem Orationi, qua Philosophiæ Professoris munus, extra ordinem sibi in Academia illa demandatum, A. 1730 auspiciatus est, præmisit, &, ab aliis sacrificiis cor & cerebrum abfuisse, aliis adfuisse, multis rationibus nos docet. Cum vero postea *Albertus de Traven* peculiari scripto, *de corde & cerebro victimarum*, hoc negasset, &, ab omnibus plane sacrificiis illa abfuisse, contendisset, singularibus observationibus, de hoc argumento A. 1732 editis, sententiam suam tueri studuit, easdemque iteratæ huic editioni cum luculentis accessionibus inseruit. Huic proxima est 2) *Dissertatio de Incisura propter mortuos*, ad Lev. XIX, 28, XXI, 5, Deut. XIV, 1, ubi, in significationem vocum שרט & נגר, quæ *incisionem* notant, inquirir, ac, litteram ל, vocibus מר & נפש præfixam, commodum designare, & respici ad sanguinem, quo manes in inferiis placari posse, profanæ gentes sibi persuadebant, ostendit, ea vero impia consuetudine quare Deus populum suum interdixerit, rationes nonnullas affert. Hanc excipit 3) *de Eliseo a probro puerorum Bethelensium justo Dei judicio vindicato*, ad 2 Reg. II, 23, 24, *Dissertatio*, qua gravitatem convicii illius demonstrat, Deique justitiam vindicatricem considerat, & simul de vario usu vocis נער, quæ *puerum*, ac de differentia inter נכחור & קרחור, quæ *calvitium* significat, disserit, eamque hoc loco non ad naturale referendam esse, nec a pueris eo sensu prolatam, erudite demonstrat. Hanc sequitur 4) *de Canc. symbolo Prophetæ*, ad Jes LVI, 10, 11, *Dissertatio*, in qua notionem hanc ex symbolica veterum Ægyptiorum sapientia illustrat, & veram originem vocis *Anubis* non Hebraicam, sed Ægyptiacam, ex doctissimi Viri, *Jablonskii*, meliore sententia, declarat; quo fine integram ejus Epistolam in Præfatione adjecit. Huic subjungitur 5) *de Spiritu sancto sub externo linguarum ignearum symbolo Apostolis communicato*, ad Act. II, 3 seq. Exercitatio, qua Pseudonymi cujusdam, *Soleichitii*, & *Lakemacheri*, novæ explicationes dicti illius examinat, nec locum eas habere

posse, ex phrasibus ostendit. Ordine *sexta* est, de *Crustulis quotidianis Pontificis Maximi*, quæ ille singulis diebus mane & vesperi in ara igne cremare, & sacrificio jugi præmittere, debebat. In hac, post etyma vocum סִנְחָה & חֵבֶר explanata, & post observationes nonnullas de crustulorum materia, loco & modo conficiendi, divisione, combustionem, disquirat, num figura crucis illis placentulis fuerit impressa, eamque opinionem non satis demonstratam, attamen magis probabilem esse, hic, & in Præfatione prolixius, censet; altera illa, a Viro quodam doctissimo defensa, in Dissertatione, nuper edita, de *Panibus facierum*, ubi, hos quoque signo crucis notatos fuisse, asseruit, ac tandem varias rationes sensus typici illorum allegat. Claudii illius latus *septima*, de *Sacerdote ex ministerio suffitus non divite*, in qua, suffitum vim divitias augendi non habuisse, contra Judæorum magistros probat, & præter alia, argumentum, ex *Deut. XXXIII, 10, 11*, voce חֵרֶץ depromptum, refellit. Coronidem imponit Exercitatio *octava*, de *Tetracty Pythagorica*, qua, *Pythagoram* forsan aliquid de mysterio S. Trinitatis, per traditionem accepisse, ac cum sententia sua, de emanatione rerum omnium ex Deo ac divina natura confudisse, putat, atque hanc opinionem ex Valentinianorum etiam Tetracty illustrare annititur. Adhæc Scriptores, qui de *Tetracty Pythagorica* commentati sunt, recensentur, quibus nuper *Weismüllerus*, infelicitissimus ejus interpres, accessit.

AUGUSTINI LEYSERI, IN REGIS POL. & Principis Electoris Saxonis Aula Consilarii, in Academia Vitembergensi Ordinarii, Consistorii Ecclesiastici Directoris, in Tribunali & Scabinatu primi Assessoris, Meditationes ad Pandectas, quibus præcipua Juris Capita ex antiquitate explicantur, cum Juribus recentioribus conferuntur, atque variis celeberrimorum Collegiorum Responsis & rebus judicatis illustrantur.

Volumen VII & VIII.

Lipsiæ

Lipsiæ & Guelpherbyti, apud Jo. Christoph. Meifnerum,
1731 & 1735, 4.

Vol. VII Alph. 5 plag. 17, Vol. VIII Alph. 5 plag. 14.

Promissi sui olim dati adeo non oblitus est Illustris Celeberrimusque *Leyserus*, ut præstantissimas suas *Meditationes Juris*, quarum *Volumen I & II* in *Actis* nostris *A. 1723 Mens. Oct. pag. 444*, & *Volumina III – VI A. 1727 Mens. Jul. pag. 316*, suo merito laudavimus, adauxerit *Volumine VII & VIII*, utroque novam famæ *Leyseriana*, in pulcherrimo jam flore constitutæ, materiam habente. Horum alterum nonnulla Juris capita ex *Libris π. XLI – XLVI*, alterum ex *Libro XLVII & XLVIII* usque ad *tit. 4*, desumpta, continet. Ubique Ill. Auctor, universi, quæquæ patet, Jureconsultorum ordinis ornamentum maximum, satis superque docet, se autoritates nulla ratione fundatas contemnere, &, qui Jurisprudentiæ civilis, justitiæque, actiones hominum moderantis, veri sint fontes, aliis multis longe rectius tenere. Ut dictorum veritatem quilibet intelligere possit, utrumque *Volumen*, sed strictim, prout solemus, percurramus. *Voluminis VII Spec. 439*, ad occupationem neque animum, neque visionem, neque verba, neque signa, sufficere, existimat, &, imperium in res immobiles nondum cultas Principi competere, luculenter docet. *Spec. 442*, thesaurum prisco Jure Germanico a Principe vindicatum, ostendit. *Spec. 445* ostendit, rem aliquam fiste tradi, si tradantur instrumenta, ad eam pertinentia, nec de præsentis contractu confecta. *Spec. 446* contra *Titium, Franzkium, & Bergerum*, disputans, resignatione judiciali adhuc hodie multis in locis opus esse, & varias alienationes sine illa non consistere, contendit. *Spec. 454* discrimen rei vindicationis & actionis finium regundorum ei evictum, idque præjudicio minime contemnendo illustrat. *Spec. 455* inter alia asserit, Patres & Pontifices non errasse, cum, nullam præscriptionem sine bona fide subsistere, probaturi, ad dictum *Paulinum Rom XIV, 23*, provocaverint. *Spec. 462* probat, possessionem in rebus meræ facultatis neque per usum solitarium acquiri, neque solo non usu extinguui, si vel maxime longissimum tempus ei accesserit. *Corollar. 2 Schwendenderferi*

feri Summariam actionum forensium expositionem nominat *librum ineptiarum plenum, equis multisque scriptum. Spec. 468* communem opinionem de necessaria sententiæ cum libello conformitate habet popularem errorem, taleinque prorsus, qui pugnet cum Jure naturæ, divino, Romano, Germanico, speciatim Recessibus Imperii & Jure Saxonico Electorali, cum singula hæc Jura libelli rationem non aliter haberi velint, quam requirant indoles negotii, acta, & probata.

Jam etiam ex *Volumine VIII*, pro instituti nostri ratione, paucula addemus. *Spec. 532* Celeberrimus Autor ad quæstionem: num ordinaria laquei aliave ignominiosa pœna maneat studiosum, gravioris criminis reum, affirmando respondet, recitans criminale negotium *Castricianum. Spec. 537* demonstrat, Germanico quidem Jure furem haberi, qui apes & favos ex alieno fundo & arbore abstulerit, non tamen puniri hodie, nisi, apes & favos nondum occupatos eximendo, læserit arborem. *Spec. 539*, rapinæ, quam neque religio Christiana, neque leges *Maximiliani*, penitus extinxerint, adhuc post *Caroli V* obitum exempla exstare, clarum facit. *Spec. 541* vocabulum in legibus Romanis frequens, *hamam*, interpretatur *Feuer-Eymer*. *Specimine 542*, cui adjuncta est Ill. Autoris ad *Frid Ottonem Menckenium*, Socium nostrum, Epistola perelegans & amoris plena, qualis sit differentia vindictæ & ultionis injurarum, ostendit, atque, causam suppetere, negat, cur injuriis accenseantur eruditorum vividæ inter se disputationes, *Spec. 543*, communi quidem, non tamen Saxonico, Jure in deprecationibus admitti procuratorem a parte rei, non sine ratione affirmat. *Spec. 545* septem describit sannarum genera, scilicet ciconiam, aures asininas, linguam exsertam, oris depravationem, imitationem, cornua protensa, & porrectionem digiti. *Spec. 557*, stellionatum a falso differre, negat. *Spec. 562*, postquam testatus est, se aliquot millia defensionum legisse, & duas tantum singulari artificio confectas, brevibus tradit methodum defensiones conscribendi. His annectit ea, quæ jam olim titulo *Ministri delinquentis* ediderat. Ubi describit crimen fidei, disquirat, in quantum Ministrissimatus crimen dici queat, nec ne, investigans simul, num & quando virtutis, mi-
seri-

Sericordiz, fortitudinis, religionis & pietatis, magnanimitatis, magnificentiz & liberalitatis, parsimoniz itidem, fidei, exsuperantia delictis annumerari queat, quibus etiam modis ministri Principis delinquere possint. Denique *Spec. 574* vindicat *Joannis Parvi* de cæde perduellium privatis licita doctrinam contra aliorum calumnias. Recensitioni finem imponimus, novis Ill. Autoris in Jurisprudentiam meritis applaudentes, & firman ei constantemque valetudinem, ad alia multa, quæ sunt literis & harum studiosis salutaria, porro perficienda, ex animo comprecantes.

ACCURATA MEDENDI METHODUS;
quantum fieri potest, ab omni hypothesei abstracta: in tres Partes divisa, Pathologiam universalem, particularem, & Therapeiam; per Aphorismos proposita ab
HENRICO JOSEPHO REGA, in Universitate Lovanienſi Medicinæ Doctore & Professore primario.

Lovanii, typis Martini van Oberbeke, 1737, 4.

Alph. 2 plag. 20.

Cum methodus medendi sit ea scientia, quæ docet, quid sit faciendum, ut valetudo prospera conservetur, adversæ vero idoneis remediis obviam eatur, atque adeo hæc ultimus scopus, ad quem omnes reliquæ artis salutaris partes referendæ sunt, jure habeatur Cl. Autori, cui munus eam docendi in Academia Lovanienſi impositum est; potiora ejusdem capita, aphoristica brevitate, additis tamen, ubi res postulare videbatur, scholiis prolixioribus, exponere, ipse secum constituit. In tres totum Opus *Partes* dispescuit, quarum *prima* Pathologiz generali dicata est, *altera* Pathologiam specialem, seu Semioticen, complectitur, *tertia* denique remedium fontes, & operandi modum, explicat. Cum vero naturalia potiora sint præternaturalibus, præmissis notionibus vitæ, sanitatis, morbi, & mortis, primo loco statum naturalem partium solidarum, & requisita illarum ad functiones suas rite perficiendas, ut & fluidorum naturalem constitutionem, exponit, quo eo feliciter varias inde declinationes in statu morboſo ostendere possit. Cum a plerisque humorum vitia in omni

Hhh

mor;

morborum genere accusari, & omnis medela ad illa emendanda dirigi, soleat, neglecta fere solidorum consideratione, id potissimum in toto Opere sibi demonstrandum censuit, sæpius primam morborum originem a partium solidarum præternaturali affectione repetendam, utpote a quibus postmodum fluida corrumpantur, & pleraque remedia primario in solidas partes agere, hinc demum effectum in fluida etiam redundare. Unde primo de solidarum partium variis affectionibus agit, cumque ab harum justo tono fluidorum motus æquabilis dependeat, illum vel intendi, vel minui, atque sic motus nunc vehementiores reddi, nunc segniores esse, ostendit, quorum vitiorum causas & effectus fusius persequitur: inde demum ad fluidorum præternaturalem constitutionem, tanquam promptum priorum effectum, explicandam accedit; atque, indicatis morborum divisionibus & differentiis, generali Pathologiæ finem imponit. *Altera Parte*, quam specialem Pathologiam appellat, potissimum accuratæ morborum historię studium commendat, ut vel singula morborum phænomena a principio usque ad exitum nota sint, vel minimum signa essentialia & pathognomonica cujusque morbi perspecta, ne in diagnosi fallatur Medicus; neque minor labor in serutinio causarum collocandus, cum his potissimum remedia sint opponenda. Cum vero causam morbificam & morbi genium non parum declarent principalium actionum vitalium læsiones, linguæ etiam, oculorum, ac totius habitus corporis, constitutiones, ea denique, quæ pendente morbo excernuntur; de pulsu arteriæ, de respiratione, de lingua, ejusque vario in morbis habitu, de urina, de cruore e vena extracta, tanquam potioribus signis, unde Medicus morbum, ejusque causas, cognoscat, ex instituto agit, adductis ubique *Hippocratis* & reliquorum medicinarum patrum, quorum in diagnosi & prognosi morborum sagacitatem merito admiramur, testimoniis, collatis simul recentiorum, qui horum vestigia cum laude præferunt, observationibus. In *tertia Parte*, sive Therapeia generali, explicata indicantis, indicationis, & indicati, significatione, de modo inveniendi remedia, eademque debite applicandi, agit, post in summas clas-

ses

ses digerit omnia auxiliorum genera, quæ vel sunt evacuantia, vel alterantia. Inter evacuantia de venæsectione & purgantibus, sive alvum solventibus, ex instituto agit, & de eorundem operandi ratione, ac effectu, quem in solidas primario partes exerant, erudite disserit; reliquas evacuantium species, cum ex dictis facilis de illarum virtutibus sit conjectura, brevitatis causa omittit. Inter alterantia alia solidis partibus dicata ostendit, quorsum strictum sic dicta solventia seu relaxantia, sedativa, anodyna, & opiata, solidum stringentia, tonica, nervina & cardiaca, ut & derivantia & revellentia, quæ motum illarum mutant, refert, alia immediate afficere & alterare fluida docet, quorsum resolventia, incrassantia, balsamica, acré corrigentia, motum intestinum moderantia, vel excitantia, spectant. Singularia ex Opere, in quo cuncta inter se connexa & aphoristica brevitate proposita sunt, excerpere, superfluum ducimus, cum ex declarato Autoris scopo, & totius Systematis dispositione, satis appareat, quid ab illo expectandum sit, atque ad curatius evolvendum ipsum Opus excitari possint ii, quibus nuda empiria non sufficit, sed qui cum ratione omnia in morborum medela suscipere amant, quos impensæ hujus libri lectioni operæ non pœnitebit.

URANOSCOPIA: OR THE CONTEMPLATION
of the heavens, &c.

h. e.

URANOSCOPIA, SIVE COELORUM CON-
templatio, quæ continet demonstrationem equationis
temporis, una cum methodo observandi ingressus sola-
res in quodlibet eclipticæ punctum, & investigatione
apbeliorum ac excentricitatum Planetarum; item de-
terminationem maximæ elongationis Veneris & Mercu-
rii a Sole, nec minus medii motus Telluris, ejus apbelii,
& præcessionis æquinotiorum, locorum Solis & Lunæ
verorum, per calculos & observationes; inventionem
horæ veræ tempore nocturno, ope Stellarum, & novi cu-

Hhh 2

jusdam

jusdam *Quadrantis*; nec non explanationem demonstrationemque methodorum *Keplerianæ* & *Flamsteedianæ* pro calculo temporum & phaſium *Eclipsium ſolarium*, quibus adduntur novæ *Tabulæ nonageſſimi gradus*, ejusque altitudinis, *Parallaxeos*. *Lunæ tam in altitudinem, quam in longitudinem & latitudinem*, multaque alia, quorum in tali Opere aliqua eſt utilitas. Autore CAROLO LEAD-BETTER, *Mathematici Magiſtro*.

Londini, typis J. Wilcox, 1735, 8 maj.

Alph. 2 plag. 9, cum Figuris nonnullis, textui inſertis.

Cum ipſa tituli ratio ſatis indicet, quidnam operæ in hoc Tractatu ſibi ſumſerit Cl. Autor; nihil aliud agendum nobis eſt recenſionem conſecturis, quam ut de nonnullis ejus *Capitibus* pauca quædam & notatu ceteris digniora Lectoribus noſtris propinemus. Sûnt autem *Capita* numero *tria & viginti*. In primo comparèt demonſtratio æquationis temporis, notaturque inprimis error *Streetii*, æquationem addere jubentis, cum ſubtrahi deberet, & contra; quæ res in diverſas opiniones pertraxit Aſtronomos, donec controverſiam decideret *Flamſteedius* peculiari Diſſertatione, Operibus *Horroccii* poſthumis annexa. Exponitur deinceps, quomodo inæqualitas dierum ſolarium oriatur ex duplici cauſa, ſcilicet obliquitate *Eclipticæ*, & reali motus Solis (vel *Telluris*) acceleratione & remiſſione in orbita. Quo factò, docetur, quomodo motus pendulorum ad medium Solis motum revocandus ſit. *Capite II* monſtratur, quomodo obſervandus ſit Solis ingreſſus in notabiliora *Eclipticæ* puncta. Res exemplis declaratur. *Caput III* exhibet investigationem aphelii Terræ & inæqualitatis annuæ. Ubi notandum, Autorem non ſequi veram hypotheſin ellipticam, qualem adſtruxit *Keplerus*, in qua radius vector, e Sole cen foco ad Ellipſin ductus, areas vel ſectores deſcribit temporibus proportionales, ſed illam, quam olim excoluit *Seſhus Wardus*, ubi motus Terræ (vel Planetæ

netæ alius cujusvis) ex altero Ellipseos foco tanquam æquabilis spectari supponitur. Adhibet tamen correctionem, ab *Ismaele Bullialdo* pro solvenda hac hypothese excogitam. Idem dicendum de *Capitibus quarto & quinto*, ubi anomalie mediæ, excentricitates, & aphelia, tam superiorum, quam inferiorum, Planetarum, indagantur. *Capite VII* determinatur maxima elongatio Veneris & Mercurii a Sole; Invenitur maxima elong. Mercur. = $28^{\circ}, 21', 8''$, Veneris = $47^{\circ} 38' 35''$. *Capite IX* exhibetur calculus loci veri Lunæ, exactior, quam huc usque fuit inventus. Superstruitur scilicet theoriæ lunari *Newtoni*. Cum motus Lunæ juxta theoriam modo dictam æquationes quamplurimas requirat, ut tandem habeatur verus Lunæ locus; Noster, rem gratam Astrophilis factururus, a pag. 88 — 116 inseruit Tabulas lunares, quarum quatuor priores totidem æquationes exhibent, a *Newtono* indicatas. Eas excipiunt Tabula secundæ æquationis Apogæi lunaris, cum Logarithmo excentricitatis ejus orbitæ; Tabula variationis; Tabula septimæ æquationis Lunæ; Tabula secundæ æquationis nodi Lunæ, cum Logarithmo sinus inclinationis ejus orbitæ; Tabula latitudinis primæ in Syzygiis, item motus horarii, semidiametri, parallaxeos, horizontalis, tandemque Tabula æquationis ellipticæ Lunæ, cum logarithmis distantie ejus a Terra. *Capite X* exponitur modus inveniendi horam veram tempore nocturno ope fixarum. *Capite XI*, ubi agitur de observando vero Solis loco, mentio injicitur novi istius Quadrantis, de quo in titulo libri jam fuit dictum, quemque construxit *Jo. Barston*, horologiopæus Chelsejenfis. Noster tantis laudibus organon hocce effert, ut omnia id alia sui generis antecellere dicat. Insignis ejus est utilitas in navigationibus, a Viris rei nauticæ & astronomicæ peritis dudum cognita. Notatu præcipue dignum, Quadrantem hac ratione constructum, (referente ita Cl. Autore,) cujus diameter sit unius pollicis Anglicani (*Inch*), respondere radio 15 pedum, juxta quem constructus est Quadrans ordinarius. Quodsi ejus diameter fiat 18 pollicum, respondebit Quadranti ordinario, cujus radius sit 270 pedum.

H h h 3

Capite

Capite XII & XIII exponitur, qua ratione locus Lunæ tam verus, qualis ex centro terræ spectaretur, quam visibilis, qualis nimirum ob parallaxium rationes apparet, inveniri debeat. *Capite XV* fuse explicatur methodus computandi eclipses solares, qualem primus excogitavit *Keplerus*, excoluit *Flamsteedius* & alii. Omnia illustrantur exemplis, magno tyronibus usui futuris. Quomodo eclipses solaris præcipua momenta exquiri possint ope globi terrestres, ostenditur *Cap. XVIII. Capite XIX* docetur modus observandi phases Veneris & Mercurii. Reliqua *Capita* nihil offerunt, quod admodum notari mereatur, si ab eo discesseris, quod usum Tabularum, Operi subjunctarum, declarent, de quibus statim plura. Videre igitur ad finem libri præcipue est 1) Tabulam gradus nonagesimi, pro obliquitate Eclipticæ 23° 29', inde ab æquatore ad latitudinem usque 60 grad. tam borealem, quam australem, computatam; 2) Tabulam anguli orientis, sive altitudinis nonagesimi, qualem etiam exhibuit *Keplerus* in *Rudolphinis*; 3) Tabulam refractionum *Newtonianam*, quæ refractionem horizontalem 47" majorem statuit, quam *Flamsteedius*; 4) Tabulam Parallaxeos altitudinis Lunæ; 5) Tabulam Parallaxeos Lunæ in longitudinem & latitudinem. Constat, in calculo eclipsium solarium & occultationum fixarum inventionem loci visibilis Lunæ per parallaxes rem esse difficultatis, & tædiorum plenam. Pergratam itaque Astronomiz cultoribus operam præstitisse dicendus est Cl. Autor, quod, hæc Parallaxium Tabulas construendo, onere tam gravi ipsos liberaverit.

A MISCELLANY OF MATHEMATIKS IN

two Parts, &c.

h. e.

MISCELLANEA MATHEMATICA, DUABUS Partibus comprehensa, Autore RICHARDO LOCKE.

Londini, sumtibus Innys & Manby, 1736, 8.

Plag. 21, Tabb. æn. 4.

Septem annorum studia & observationes in eo a se collocatas, Autor in Præfatione fatetur, Tractatulum hunc ut conscri-

scriberet. Scire igitur avebunt sine dubio Lectores nostri, quznam ille argumenta contineat. Indicabimus ea paucis. *Parti prima* absolvitur *Capitibus duodecim*. Primum exhibet definitiones Astronomicas, introductionis loco in doctrinam Astronomiz præcipue sphericam futuras. Igitur, quid magnopere hic sit notandum, non apparet. Quod Tellus motu tam diurno circa axem, quam annuo in orbita, feratur, opinionem esse *maxime probabilem*, ait *pag. 5.* *Capitis secundi* titulus valde est magnificus; inscribitur enim: *Quadratura Circuli*. En! quam confidenter de hac sua quadratura Autor loquatur in Præfatione: *Si verum est*, inquit, *quod Batavi statuerint præmium 10000 librarum ei, qui circulum quadraturus esset, ego quidem spero, eos aut pecuniam numeraturos, aut fore aliquem, qui demonstret, rem non esse confectam*. Batavorum itaque est, hanc circuli quadraturam ad examen revocare. Quantum tamen nobis festinantibus perspicere licuit, quadratura circuli absoluta, qualis desideratur, non datur ab Autore, sed aliquis forsan approximandi modus, cujus veritatem explorare jam non vacat. *Caput tertium* rursus Astronomicum est, Autoris cogitata de Anomaliis exhibens. Improbantur orbitæ Planetarum ellipticæ, quales hodie statuuntur ab Astronomis tantum non omnibus. Quodsi Autorem audias, perfectioni machinæ cœlestis non parum derogatur, si, motus in ea dari, defendas, qui non plane sint circulares. Quod iis omnibus accidit, qui quadraturam circuli reperisse sibi videntur, ut nescio quæ mysteria ex circulo depromi posse sibi persuadeant, idem Nostro quoque contigisse, haud obscure apparet. Subjunguntur huic *Capiti* Tabulæ æquationum pro Sole & Luna. *Capite quarto* exhibetur schema generale gnomonicum; addita explicatione. *Caput quintum* tractat de potentiis mechanicis, quarum mysterium (ita loquitur Autor,) etiam ex circulo demonstrari potest. *Caput sextum* exhibet divisionem Monochordii, ex circulo derivatam; *septimum & octavum* doctrinam refractionum, & radiorum convergentium; *nonum* quadraturam Ellipseos, ex sine circuli quadratura deductam; *decimum & undecimum* varias de usibus Circuli & Ellipseos meditatio-

meditationes. Denique *Capite duodecimo* proponitur geometrica (ut ait Autor) Cubi duplicatio, per solas lineas rectas, quæ vero, ut paucis dicamus, est purus putus parallogismus, in eo positus, quod loco duarum mediarum *geometricæ* proportionalium inter duas lineas extremas, quærantur duæ medix *arithmetice* proportionales, adeoque confusio sit proportionis arithmeticæ & geometricæ. Quæ falsa Cubi duplicatio, primò nobis obtutu deprehensa, nec de Circuli quadratura, ab Autore excogitata, admodum bene sperare nos patitur.

Pars secunda libelli, *duodecim* & ipsa *Capitibus* constans, continet tam Trigonometrica, quam Hydrographica, & Astro-nomica. Et quidem Trigonometrica habentur a *Capite I ad V.* Contendit Autor, se aliam invenisse viam, triangula tam plana, quam sphærica, absque canone Sinuum & Tangentium, expedite resolvendi, quæ fundetur in proportionem laterum ad angulos. Rem novam hic præstitisset Autor, si demonstrasset legitime. At vero dolendum, demonstrationes & hic meram esse parallogismorum farraginem, qui statim in oculos incurrunt intelligenti. Dum *Euclidem* citat Autor, manifestissime prodit, se *Euclidem* non intelligere. Nostrium non est, atro carbone scripta notare, quæ recensemus; sed ubique tamen dicendum, quod res est, & veritati pretium suum statuendum. Si hac ratione triangula solvantur, quot & quanti errores orientur! E. g. si detur hypothenusa trianguli rectanguli = 37, latus unum = 31, & quærat angulus huic lateri oppositus; juxta analogiam Autoris erit ille = 64° , cum tamen per veram Trigonometricæ methodum inveniatur = $55^\circ, 55'$, differentia proflus haud ferenda. Reliqua *Capita* quod attinet, ea respiciunt potissimum Problema longitudinis. Cum ibi Trigonometricæ suæ applicationem faciat Autor, facile animo præcipient Lectores nostri, quid de iis sit statuendum. Tandem adduntur Tabulæ, ad aliquot Solis & Lunæ motus pertinentes. Sed de his satis.

In hoc ipso Mense pag. 394 lin. 16 pro *horum* lege *harum*; pag. 397 lin. 7 pro *Scriptorum* lege *Scriptorum*; ead. pag. lin. 14 pro *redditori* l. *redituri*; ead. pag. lin. 32 pro *in l. in;* pag. 416 lin. 21 pro *exornanda* l. *exornando*.

NOVA ACTA ERUDITORUM,

publicata Lipsiæ

Calendis Augusti Anno MDCCXXXVIII.

HISTOIRE DES SEQUANOIS ET DE LA PROVINCE Sequanoise, des Bourgignons, &c.

h. e.

HISTORIA SEQUANORUM, PROVINCIAE Sequanensis, & Burgundorum, duobus Voluminibus exposita, quorum altero primum regnum Burgundiae, & Ecclesia Vesontina, usque ad Seculum sextum, Abbatiae item Comitatus Burgundici, inde ab earum fundatione usque ad praesens tempus, altero secundum regnum Burgundiae, Comitatus Burgundiae sub Regibus Carolingicis, tertium & quartum regnum Burgundiae, describuntur. Autore F. JO. DUNODO, Semiore Advocato Parlamentii, & in Academia Vesontina Professore Regio.

Divione & Parisiis, apud Briassonum, 1735 & 1737, 4.

Vol. I Alph. 3 plag. 10, Vol. II Alph. 4 plag. 15.

Ea semper fuit Burgundorum regio, quae sive soli fertilitate, sive incolarum virtute, sive maiestate regni, sive fortium factorum gloria, sive denique multiplici rerum gestarum varietate, nulli alii palmam concederet. Mirum itaque est, non a pluribus, quam duobus, nec maiori diligentia, illustris illius provinciae historiam fuisse illustratam.

lil

tam.

tam. Sunt illi duo *Ludovicus Golutus*, Advocatus Parlamenti Dolensis, cujus sub finem Seculi XVI *Commentarii de rebus Burgundorum* (*Memoires de Bourguignons*) forma majori prodierunt, & *Jo. Jac. Chiffletius*, Medicus Vefontinus, qui Seculo superiore *Historiam Burgundorum Ecclesiasticam & Civilem* in 4 edidit. Neuter horum suis carere vitiis videtur. *Golutus*, cum librum suum amplè fabularum farragine impleverit, id magis egisse videtur, ut ingenium ostenderet, quam ut veritatem ex tenebris erueret. *Chiffletius* Opus dedit doctissimum, sed in quo Romanas tantum antiquitates sectatus est, Celticarum fere nihil habet. Ejusdem *Chiffletii* habemus *Historiam Ecclesiæ Vefontinæ*, felicioribus auspiciis ab Autore, quippe pluribus hic ac certioribus instructo documentis, compositam, ita quidem, ut, rejectis fabellis, quas Secula portentorum plena invexerant, omnia hic testibus ac monumentis fide dignis munita compareant. Hæc erant, quæ bonum & patriæ amantem civem impellere poterant ad rimanda majorum monumenta. Inter varias turbas, quæ a studiis humanioribus Autorem nostrum per aliquod tempus detinuerunt, varix ipsi enatæ sunt observationes, vel plane novæ, vel multo commendatiores, quam illæ, quas superior ætas dederat. Nobilis autem quidam Burgundus, quem patriæ amor ad eadem studia compellebat, effecit literis ac monitis frequentioribus, ut, quæ sparsim antea, nullo ordine, in adversaria Noster conjecerat, elaboratiora in manus eruditorum traderet. *Duobus Tomis* dispescitur præsens Opus; de cujus instituto & argumentis breviter præmissæ *Tomis* singulis Præfationes exponunt. *Prior Tomus duabus Partibus* civiles & sacras antiquitates pertractat. A civilibus auspiciam cum Autore faciamus. Primum historia Sequanorum & Provinciæ Sequanensis legitur, commemorans ortum Sequanorum, adventum in Galliam, potestatem in vicinos, bellorum cum Germanis Romanisque fata, submissas Latino jugo cervices, reportatos a *Cæsare* triumphos, obedientiam subsequens Imperatori-

toribus prælitam, calamitatesque tristissimas, quas, post *Constantini Magni* tempora, furor Alanorum, Gothorum, Francorum, Burgundorumque, rebus Sequanorum olim florentissimis attulit. Campus hic est amplissimus, in quo laxis quasi frænis omnis generis Scriptores excurrere, urbium vetustarum ruderibus fixam suam sedem vindicare, obscurorum nominum tenebras admoto vel historię, vel conjecturarum, lumine discutere, contemplari priscę ætatis stupenda miracula, aquæductus artificiosos, ædificia splendida, marmora insignia, & qui maximus est fructus, historicos errores priorum Seculorum notare atque emendare, possint. Ista vero a Nostro, tantum abest, ut neglecta censeamus, ut, qua fieri potuit cura & eruditionis copia, explicantem ea omnia legamus, quę Romani imperii majestatem & splendorem ostendunt. Orationis autem filum ne divelleret, amplio rem dicendorum apparatus *sex Dissertationibus* completus est. Non ingratus facturos nos Romanarum rerum curiosos speramus, si, quę doctè hic traduntur, curatius, pro rerum dignitate, exponamus, in ceteris eo simus breviores. Ita vero in singulis *Dissertationibus* partes suas agit doctissimus Autor, ut literas præmittat Nobilis illius Burgundi, quem paulo ante diximus, quę dubia nonnulla movent ex Historico Veson-tino, quo nomine *Golutum* indicari opinamur, aut, veris Autoris narrationibus rejectis, meras fabulas venditant, suas his deinde responsiones subjungat, in quibus inscitiam superiorum temporum reprehendit, novisque argumentis sententiam suam corroborat. *Prima Dissertatio* ad Geographiam spectat, & in figendis Sequanorum limitibus versatur. *Secunda Dissertatio* de vetustate Veson-tionis, de nominis hujus origine, de fundatione Dolę, de loco, ubi Amagetobria sita fuit, & de vetusta Metropoli Sequanorum, disseritur. Juvat hinc decerpere nonnulla, quę scitu maxime utilia videntur. Sunt, qui Veson-tionem ipsa Roma vetustiore dicant. Quibus non solum assensum præbet Autor, sed & ulterius progressus, Veson-tionis origi-

nem in illa prima & antiquissima, ante *Trojam* expugnatam, tempora rejicit, quibus Celtæ, non, quod putant alii, navibus, sed continente terra, litora Danubii legentes, ex Armenia & Tauri jugis in Galliam proruperunt. In statuenda vocis Vefontionis etymologia ab Historico Vefontino Noster, ut in aliis omnibus, discedit. Derivarat ille vocem a nomine *Bifon*, originis Græcæ, quod generi cuidum taurorum sylvestrium proprium fuit. At Noster, Græcam linguam penitus ignotam fuisse Sequanis, nec hos alia locutos lingua, contendit, quam quæ Germanis fuit patria, quippe partem Germaniæ fortunæ suæ sedem habentes. Affirmat potius, a Celtica voce *Vesen*, id est, *arce*, sive a Germanico *Wesen*, (voluit dicere *Weisen*,) id est, *viam ducere, instruere*, unde *Vestung*, castellum, vocis originem petendam. Amagetobriam, ubi Sequani, cum *Cæsare* juncti, Germanos devicerunt, non ad Bingium trans Navam, (quod *Samsonio*, in Mappa vetustæ Galliæ, visum est, *Ausonium* perperam in partes suas trahenti,) nec ad Rheni ripas, sed ad Araris & Ognoni confluentes, collocat, eo scilicet loco, quo Broia (*Broye des Pesmes*) sita est hodie, quam antiquitus pro *Moigte de Broie* Amagetobriam dictam suspicatur. De Dolæ vetustate & excellentia, qua Vefontione olim potior fuit habita, *tertia Dissertatione* diligenter actum est. Nobilis ille, cum sciret, Dolam ante *Julii Cæsaris* tempora Vefontioni prælatam fuisse, neque tamen in *Ptolemao*, curatissimo antiquæ Geographiæ Scriptore, ullum ejus vestigium inveniret; eam in *Dittacio* seu *Didattio* deprehendere sibi visus est, quod *Ptolemaeus* cum aliis tribus Sequanorum oppidis primo statim loco nominat. Notare illud nomen ait *Ditis stationem*, in aliorum etiam locorum nominibus extricandis ingeniosus valde, ut, si legas Nobilem illum, *Noachi* arcam in Gallia confedissee, aut omnem memoriam Chaldææ gentis hic conservatam, aut totum fere Græcorum Deorum concilium huc commigrasse, arbitreris. Addit tandem, Dolam, *FridERICI I* Imp. præsentia, superboque palatio, honestatam, posterioribus

bus maxime Seculis inclaruisse. Autor vero noster ita sententiz illius Nobilis est contrarius, ut antiquorum Scriptorum tempore penitus neget exstitisse Dolam, medio autem ævo mediocre satis fuisse prædium existimet. Quod in *Ptolemaeo* quæritur fundamentum dignitatis, qua Dola superbit, cum primo loco nominetur, corrui statim, si *Ptolemeum* meminerimus non pro meritis, sed pro mensura longitudinum, urbes disposuisse. Neque splendor ille, quo Vefontio enituit, verbis *Cæsaris* obscuratur, oppidum illud, non urbem, dicentis, quippe alio loco ideam *maximum Sequanorum oppidum* appellantis. Nec minorem *Augusti* tempore, & post eum, urbis Vefontinæ inter Sequanos fuisse dignitatem constat. In tota vero Scriptorum antiquorum turba haud unus est, qui *Dittacii* vel semel tantum meminerit. Neque ullum unquam marmor vetustum apparuit, unde vel levissima veri specie exsculpere Dolam possis. Ipsum *Ptolemeum*, ejusque Codices MStos, si inspicimus, apertam erroris originem habebimus. Doctissimus *de Campis*, Abbas *Signiensis*, qui optimos *Ptolemai* Codices manu exaratos in Regia æque ac aliis Parisiensibus Bibliothecis evoluit, testatus fuit per literas, exstare quosdam, qui *ΟυσΑΥΤΙΟΝ* legant. Et Cel. *Boubierius* Autori nostro affirmavit, apud se esse exemplar *Ptolemai*, cujus margini Cl. *Salmasius* variantes lectiones adscripserit, e præstantissimis Palatinæ, nunc Vaticanæ, Codicibus depromptas, quæ legant *διττάσιον*, quod Autor legendum conjicit *διςάσιον*, *binā statio*, putatque adeo, aut rescandum plane *διττάσιον*, aut *διςάσιον* legendum, hocque ipso notari loca *le Grand & le Petit Noire*, quæ melius, quam Dola, situi & gradibus *Ptolemaicis* conveniant; propterea autem *binam stationem* dici, quia in via Romana urbs fuerit utraque, & utraque sibi vicina, adeoque vel in hac, vel in illa, pro arbitrio potuerit subsist, quod antiquitatis manifestum sit indicium. Eodem in loco multos erui numos & reliquias illorum temporum, e *P. Dunodi Notitia Provincia (Notice de la Province)* refert. Ceterum miram Historici Vefon-

tini in explicandis, & e Tatarica barbarie protrahendis, nominibus Gallicis imaginandi vim pro merito exagitat, urgens imprimis, vetustatis nullum nec *Friderici* Ixtate vestigium superesse Dolæ, nec fuisse Dolam, hanc nisi castellum, quod *Otto* filius, & sequentes Comites, translata illuc sede, nobilitarint. *Quarta Dissertatione* quærit amicus Autoris, an, quod asserit *Gollutus*, & quando, Vefontio ab auro illic invento fuerit *Cbrysopolis* denominata; porro, quis aqueductum, ab Arcerio Vefontionem pertingentem, construxerit, & cui arcus triumphalis fuerit erectus. Respondet Noster, constare ex illis, qui res istius tractus naturales æque ac civiles exposuerunt, aurum illic non inveniri. Aliud contra nomen, quod verum est & genuinum, ficto huic & corrupto substituendum suadet. Hausit illud e notitia quadam, quam e Bibliotheca Tigurina transcripsit *Jac. Simlerus*, & *Jos. Scaliger* magni fecit, qua expresse legitur *civitas Crispolinorum*. Est igitur *Crispopolis*, quod hominum ignorantia & linguæ volubilitas in *Crispolis* mutavit. Originem autem ducere id nominis putat a *Crispo*, filio *Constantini M.* quem ob repressas Germanorum incursiones, aliaque merita in Sequanos & omnem Galliam, insigni honore cives Vefontini persecuti sunt, eodem nempe, quo patrem ipsius Byzantini affecerant. Eidem etiam, non vero *Aurelio*, arcum triumphalem erectum asserit, & ex inscriptionibus ac figuris illi impressis, quas singulas curate & distincte exponit, demonstrat, non nisi juveni illum convenire, quem, innata virtute ad magna quævis & ingenua connitentem, invida fors oppresserit. Neque etiam *Julium Casarem*, bellis Gallicis distinctum, neque *Agrippam*, aqueductus ingentis ac mirandi auctores agnoscit. Tribuit hunc potius *Antonina* gentis cuidam, quam e Gallis oriundam nonnulla maximi momenti testimonia produnt. Cum etiam *Aurelius* Romæ fissis faxis aquam dederit, & exslet adhuc Inscriptio, qua Vefontini præstitis sibi ab *Aurelio* beneficiis gratam mentem testantur, non videtur sibi errare Autor, si ad illum referat aqueductus ex-

structi

structi gloriam. *Quinta Dissertatione* Eques ille Burgundus refert, detecta fuisse circa Maurianam (*Moirans*) monumenta antiqua, numos, inscriptiones, rudera templorum, aqueductuum, pontis, amphitheatri, balnei publici, ergastuli, & propugnaculorum; testari illa de civitate quadam vetusta, quam fortunarum casus destruxerit. Sed, dissentire, addit, de nomine duos Autores; alterum nominare Aventicum, a *Ptolemao* inter Sequanorum civitates relatum; alteri *Ifernodorum* dici, *Romani* & *Lupicini*, Sanctorum Seculi quinti, natalibus clarum, & magni factum a priscis Gothorum Regibus, qui ibi numos suos cudendos curarint. Autor contra, qui omnia inspexit ipse, & attente exploravit, utrumque convellit; hunc, quod *Ifernodorum* adhuc sub nomine *Ifernore* exstet, sex fere milliaribus a Mauriana dissitum, & templum *Ifernodori Mercurio*, hujus vero urbis sacraria *Pani* & *Marti Augusto*, dedicata fuerint; illum ex eo, quod nec e *Gregorio Turonensi Vitar. Patr. Cap. 1.* nec e *Ptolemao*, hauriri possit suspicio, ac si dux urbes fuerint Aventicum dictæ, una Helvetiæ, altera Sequanorum; omniaque, quæ de Aventico leguntur, de una accipi, non de pluribus, possint. *Maurianam* itaque urbem illam nominat; in cujus confinia *S. Marimum*, a Saracenis A. 731 interfectum, confugisse, nos docent Acta Sanctorum. Refert, destructæ hostili furore civitatis incolæ, in montium rimas & cacumina dispersos, evanescente metu, rediisse, & aliquanto post aliam urbem condidisse ejusdem nominis, quod temporum cursus in *Moirans*, paululum flexa pronuntiatione, commutaverit. Commemoraverat autem antea, ut modo diximus, Inscriptiones quasdam, in quibus dedicatum *Mercurio* templum *Ifernodori*, itemque *Mars Augustus* & *Milites Niliaci* leguntur; quas attulit & explanavit, quo constaret simul, *Maurianam* civitatem dici a colonis militibus, quos ex *Ægypto* & *Mauritania* Imperatores huc pertraxerant. Occasione hac data, in alias Inscriptiones antiquas excurrit, ex quibus memorabilis est *Lugdunensis* quædam, in qua *Mars Segemon* appellatur; quam vocem ex lingua Celtica interpretan-

tandam conjicit. *Plinius & S. Augustinus*, vocem *Seg* originem Latinæ *Seget* dedisse, docent. Concludit ergo, *Siken* esse *metere*, & *Sikman* *messor*. E Celtico quoque aut Germanico *ziehen* derivat cognomen *Apollinis Siant*, quia arcum tendere fingatur. Ad *Ifernorum* tandem devenit, quod idem esse ac *Eisern Thor*, cum veterum testimonia, tum res ipsa, loquuntur. Locum hoc dedit singulari Epistolæ Amici inferendæ, qua facies antiqua hujus loci describitur. *Dissertatio sexta* narrat, quæ Vefontionem ornementa monumenta vetustatis, & qualis hic literarum curique ratio olim fuerit. Illustrandis & confirmandis illis apprime inserviunt Inscriptiones, vel editæ, vel adhuc nunquam inspectæ, quæ ipsæ explicantur, & illustriores, præsertim Sequanorum, familias in clarissima luce ponunt. A. 1752 inventum fuit in fundamentis Ecclesiæ Vefontinæ fragmentum, quod ad vivum expressis & ligno incisis characteribus exhibetur. Occurrit in illo vox *Diachera*, de qua, cum crucem figat viris doctis, varias nonnullorum sententias profert. Inscriptiones observata nonnulla sequuntur, quæ vel *Mabillonium*, vel *Chisletium*, vel *Duchefnium*, castigant, aut novis ponderibus ante dicta confirmant. Relictis illis temporibus, quibus lætorem Romanæ urbis faciem vidimus, in ea incidit Autor, quæ, luctuosa & exitiosa Romano Imperio, initia dederunt constituendo novo regno Burgundico, Visigothis sub *Arcadio* A. 416 ejectis, Burgundisque ad sacra Christi conversis. Facta & seriem Regum Burgundicorum incredibili fere labore ex obscura barbarorum temporum ignorantia eruit & illustravit.

Ita emensi *priorem* Libri elegantissimi *Partem*, ad *alteram* convertimur, cujus vel ipsa limina studiosis Historiæ sacræ non minora commoda, quam delectationem, spondent. Preliminaris *Dissertatio* monumenta MStæ, in Ecclesiæ Vefontinæ adytis asservata, enumerat ac describit, ordinemque indicat & modum, quo confusas in illis libris hominum temporumque rationes correxit. In speciali Ecclesiæ Vefontinæ

nz recensione Episcopos, eorumque adjuutores, enumerat, ac peculiari Dissertatione contra *Quesnellium* ostendit, *Celidonium* Episcopum Vefontinum fuisse, non Viennensem, aut Subjectum Metropolitæ Arelatenſi. Inde historiam Abbatiz S. *Claudii*, a S. *Romano* institutz, Abbatiz *Palmensis*, & Prioratus *Gignienſis*, Abbatiarum *Luriensſis*, *Castri Cabillonensſis*, *Palmensis*, sceminis destinatz, *Favernienſis*, S. *Clare*, *Lons-le-Saunier* dictæ, *Migettienſis*, & *Montignienſis*, in Additionibus certam ætatem fundatz Abbatiz *Castri Cabillonensſis* dubiis omnibus liberans e picturis, quas A. 1734 ibidem inspexerat. Documentorum, quæ historiz merito animam & nervum dixeris, ea copia hic exstat, ut integras 14 plagulas missilibus, catalogis Episcoporum, privilegiis, &c. impletas videamus.

Dicendum jam de *Tomo* Operis præstantissimi *secundo*, in cuius Præfatione occasio ejus elaborandi enarratur, & summa argumentorum capita breviter traduntur. Dederat ante aliquod tempus R. P. *Planchetus*, Ordinis Benedictini, edendæ majoris Historiz Burgundicæ Prospectum; quo viso, Autor noster, doctissimi Viri labores patriæ suæ gratulatus, ab opere dudum cæpto prorsus duxit abstinendum. *Planchetus* autem, Vir non magis doctus, quam modestus, moribusque expolitus, non concessit, ut omnis spes, quam de *Dunodo* Gallia conceperat, penitus concideret. Permovit potius & compulit Autorem, ut vel ad ea tantum tempora continuaret opus, quibus utraque Burgundia sub ultimis Ducibus in unum corpus coaluit. Id enim affirmabat ab homine, qui provinciz ejusdæ fata sibi exponenda sumserit, maxime requiri, ut iisdem moribus ac institutis innutritus, probe calleat regionem, atque loca omnia inspexerit, sciatque morosius ab aliis occultata tabularum & chartarum promtuarum recludere. Atque sic factum est, ut *septem Libris* non ea tantum exposita legamus, quæ secundi Reges Burgundici, scilicet e stirpe *Chlodovæi*, per 226 annos gesserint (*Libro I*), quæ *Carolingicorum* in Burgundos fuerit potestas, postquam Provincia illa a *Pipino* sub specie Ducatus reliquo regni corpori fuit innexa (*Libro II*), quæ fuerit

Kkk

tertii

tertii regni Burgundici facies, quod Arelatenſe quoque & Provinciale dicitur, poſt *Ludovici* autem *Balbi* fata in *Boſone*, ejusque filio, *Ludovico*, vix per novem annos ſtetit, cum ſub *Rudolpho I* quartum regnum Burgundicum inſtauraretur A. 888, quod in *Rudolpho III* A. 1032 deſiit, (*Libro III*,) quæ tandem de Comitum Ducumque Burgundicorum poſteriorum, vel ex *Hugonis Capeti*, vel e *Valeſiana* gente, ſerie vitæque ratione tradi poſſunt, (*Libro IV*,) ſed illa etiam docentem Autorem videamus, quæ nexum habent cum antecedentibus, cumque Comites Burgundici ea ſemper fuerint autoritate & potentia, quæ vicinos tueri ac fulcire potuerit, & adverſus aliorum vim defendere, non immerito (*Libro V*) hiftoriam Comitatus *Montis Bellicardi* & *Neocomenſis* ejusque ſucceſſionis jura deſcripſiſſe cenſeatur. Pauca huc uſque Autor dixerat de natura terræ Burgundicæ, moribus incolarum, legibus, viribus, virisque illuſtribus nonnullis, quos toga vel ſagum illuſtres fecerat. Ea *Libro VI* pertractat. *Septimus* nobilium familiarum ſumofas tabulas ſuſpenderit; quo tamen in loco pauca Autori obvenere nova, quæ dici mererentur, poſt *Guichenoni* & *Duchefnii* induſtriam, ſi quatuor Genealogias plane novas excipias. Documenta ita multa, ut in ſuperiore *Tomo*, hic non exſtant. Illud addimus, poſt Præfationem legi Diſſertationem elegantem, in qua, præter alia, jura Præfecti Romæ & prætextæ diligenter explicantur. Figuras æneas addere conſtituerat Autor, ad quas ſæpius etiam Lectores ablegat, ſed typographi monitis abſtineri ſe a deſtinatis paſſus eſt. Ceteras hujus Hiſtoriæ ætates ſitne idem Autor aliquando deſcripturus, an provinciam hanc aliis relicturus, nemo facile, Autore ipſo tacente, dixerit.

ERASMI FROELICH, E SOCIETATE JEſu, Quatuor Tentamina in re numaria veteri.

Editio altera, multis locis numiſque locupletata.

Vien-

Viennæ Austriz, typis Mariæ Theresiæ Voigtiz, 1737. 4.

Alph. 2 plag. 13.

Posteaquam eruditissimus Autor sub nomine R. P. Ludovici de Biel, amici sui, aliquantisper latuerat, evulgatoque Viennæ ante quadriennium, & quod excurrit, forma octopartita de *Utilitate rei numaria veteris* libello, a nobis etiam in *Nov. Act. Supplem. Tom. I Sect. IV pag. 190* laudato, famam sibi plausumque minime vulgarem acquisiverat, nunc, detracta persona, ipse se nobis admirandum proponit, eundemque, quem diximus, librum, omnibus antiquitatum divitiis, & doctrinis cultissimis, auctum, prodire denuo in lucem & conspectum eruditi orbis jubet. In priore quidem editione rei numariæ eximios fructus, Illustris quondam *Spanhemii* more, ineditis quibusdam typis illustraverat, sed, *Grællianis* opibus, quas propius intueri datum ipsi fuit, in dies mirum in modum locupletatis, duplicatus etiam labor ejus fuit, accessionesque signorum speciosæ adeo ejus diligentiam acuerunt, ut ex duobus ingenii sætibus quatuor felicissimi partus emitterentur. *Prima enim Dissertatio, de utilitate rei numaria*, si non nova, plura tamen rectius excogitata, profert, *octo distincta Capitibus*, quorum *I* de numerorum veterum ordine & utilitate ad historiam; *II* de numerorum Consularium seu familiarum Romanarum ad Historiam Romanam utilitate; *III* de Augustorum numismatibus, ad historiam eorundem quid faciant; *IV* de numis Regum & urbium atque aliis, quid Chronologiæ serviant; *V* de Geographiæ emolumentis ex numis; *VI* de numismatum usu ad scientiam naturalem; *VII* de vestibus, armis, religionibus, ritibus, ædificiis, in numis expressis, Pictoribus, Poetis, Architectis, quid prosint; *VIII* de numerorum veterum utilitate ad virtutum amorem conciliandum, erudite Noster fuseque commentatur. Nobilissimum in his *Caput* sine dubio est, quo Cl. Autor in æras & epochas Regum Asiaticorum majori cura, quam *Harduinus*, *Norisius*, *Vaillantius*, inquit. Reliqua enim omnia *Antonio Augustino*, *Noriso*, *Spanhemio*, *Vaillantio*, *Harduino*, *Joberto*, in

Pag. 5.

14.

24.

45.

56. 61.

71.

33 seq.

acceptis se ferre, lubens fatetur, videlicet, ut tironum captui accommodatius esset perarduum & inexplicabile nonnunquam Chronologicæ studium. Catalogum Epocharum, quibus utebantur in computandis anni notis civitates, texuit, & sicubi aliquid a trium Virorum, *Norisi, Vaillantii, Harduini*, opera profectum erat, eorum nomen bona fide addens, Epochas quamplurimas ex numis Græcis *Adramnorum, Aegæorum, Alexandrinorum, Gabenorum, Dorienfium, Canothæorum, Decapolitanæ Palæstinæ, Lydorum, Orthosienfium, Rhabbathamenorum, Flaviorum, Samosatænorum, Smailtarum*, detexit. Ex *Capite VI*, videtur nobis operæ pretium, repetere, quæ de numo fertilitatem Ægypti indicante observat. Ait enim, in quodam *Hadriani* numo comparere 15, *sedecim*, qui numerus sine dubio tantum cubitorum denotet, quantum aliquando Nili fluvio excreverit, quod exinde possit colligi, quoniam Cornucopiæ, maximæ vilitatis annonæ symbolum, fuerit adjectum. *Altera Dissertatio Appendiculam ad numos Coloniarum Romanarum, per Cl. Vaillantium editos*, exhibet. Princeps est, quem exhibet, numus *Corinthiacus*, procul dubio cusus, cum *Agrippa, Germanicus, & Tiberius*, A. U. C. 757 adoptarentur, contra *Vaillantium*, qui falso numum hunc ad A. 770 retulit, quo *Tiberius & Germanicus* Consulatum adierunt. Postea rarissimus *Sinopensis* sequitur, cujus adversa pars *Neronem* laureatum sistit, cum inscriptione: *Nero. Claud. Caf. Aug. Anni CII*, aversa *Octaviam*, uxorem *Neronis*, repræsentat cum verbis: *Octavia. Aug. C. I. F. S.* quæ primordia vocum ita interpretatur doctissimus *Fraulichius*: *Colonia Julia Felix Sinope*. Inferit præterea, explicatione hujus numi facta, Epistolæ partem, quam Vir quidam eruditus ad Autorem Belgrado dederat, qui & A. 1733 plures *Sinopenfes* numos, ulteriori perveſtigatione & acutiori ingenio dignos, cum ipſo communicaverat, v. g. numum ex ære magno, ita signatum:

TAB. V
Fig. 1
pag. 88.
89.

IMP. SEV. ALEXAND.
C. I. F. S. A. CCXCIIII.

Caput laureatum.
Figura cum hasta,
cōſidens in lecto.
Num.

Fig. I.



Fig. IV.




Fig. II.



Fig. III.



Fig. V.





Fig. VI.



Num. 12 exscriptus est numus *Philippensis* in honorem *Commodi* Imperatoris, qui sc̃minam post Imperatorem stantem, ipsique coronam laureatam imponentem, ostendit, unde error *Vaillantii* patet, in omnibus numis *Philippensium* hunc inveniri typum sibi persuadentis, excepto Imperatore *Commodo*. *Num. 14* conspicitur numus *Julia Augusta* cum capite *Juliae Pia*, in altera parte *Col. Caf. Antioch. S. R.* Deus *Lunus* dextra hastam tenet, sinistra *Victoriolam*, quæ tropæum humeris impositum fert, columna etiam sinistram fulcit, *Galus* humi adstat, & *Lunus* caput bovis pede premit. Ibi invenisse sibi videtur triformem *Hecaten*, quæ, uti ex *Mythologia* constat, in cœlo *Luna*, in terra *Diana*, & apud inferos *Proserpina*, fuisse creditur. *Num. 21* numum *Corinthiacum* profert, in quo apparet *Leo*, posterioribus pedibus subsidens. Arbitratus ante Autorem nostrum *Vaillantius* fuerat, hic sepulcræ monumentum *Laidis* designari, sed opinionem illam Noster refellit, primo, quia hic & in altero *Vaillantii* numo non *leona*, sed *leo*, dein, quia bene jubatus sit, quibus tamen jubis carere *leonas Aristoteles* prodat; adhæc, clarum *Pausania* testimonium conjecturas ejus diluere, existimat, qui *leznam*, anterioribus tenentem manibus arietem, monumento *Laidis* impositam fuisse autor est, quod tamen nec in *Vaillantii*, nec in suo, numo fieri, fidem facit. Potius *Caracallæ* symbolum esse conjicit, qui assimulaverit *Alexandrum M.* ideoque leonem in annulo, teste *Spartiano*, gesserit. *Num. 27* in numi *Tyriorum* una parte *Julia Aquilia Severa Augusta* cum capite *Aquilie*, uxoris *Elagabali*, & signo incuso, caput *Elagabali* referente, sistitur, in altera parte *Dea Astarte*, inter duas columnas prominens, doctissimo interpreti suspicionem præbet, *Tyrios* allusisse ad id *Elagabali* factum; quo Deo suo *Elagabalo*, repudiata *Pallade*, *Astartes* simulacrum Romam deferri, atque idcirco ludos festos tota in Italia celebrari, jussit. *Num. 28* eorundem *Tyriorum* alius prodit, in cujus antica parte imago *Julie Aquilie*, & in postica urna, reperitur, qua exit ramus, latente infra conchylio, & inscriptis eidem urnæ, inverso literarum ordine, verbis:

97.

105.

112.

113.

ΑΙΑΛΑΨΗ, id est, Heraclia,

ΑΙΠΜΥΔΟ, id est, Olympia,

Pag. 118.

TAB. V

Fig. 2.

- obludos olympicos Tyri celebratos. Num. 34 eximii pretii, medizque formæ, numus Coloniz Augustæ Troadis, in honorem *Maximi*, ex ære factus, obvenit, ea de causa memorabilis, quia *Vaillantius* omnes *Maximi* numos rarissimis accenset. Paucis interjectis, excipit eum, quem janjam memoravimus, elegantissima numorum cohors, quæ nos in liberiore orationis campum alliceret, & vehementi quodam impetu in laudes tam pretiosarum antiquitatis reliquiarum canendas ferret, nisi animo semper inhæreret justæ brevitatis ratio. Hinc in pauca nobis contrahere liceat, quæ sunt maximo eruditonis apparatu exornata, & ingenii omnigena priscarum rerum cognitione abundantibus pro integro opere esse possunt.
122. Egregia raritate pretiosi, & majore contemplatione digni, sunt *Viminacienses* omnes numi, aversæ partis typis hactenus
124. non prolatis, & vel muliebri figura expansis inanibus inter
125. taurum & leonem stante, vel muliere utraque manu vexillum tenente, vel demum muliere dextra posteriores cervi pedes stringente, vexillumque in terram figente, insigniti: *Dacici*, totidem annorum singularibus notis inferius exornati: *Philippi Bostrensis* senioris, in quo ΔΟΥΣΑΡΙΑ, seu, ex mente Autoris, Bacchanalia, quæ nullus adhuc Antiquarius vel scivit, vel interpretatus est: *P. Licii Gallieni, Iconiensis* typus, eximius profecto & bene conservatus, cujus urbis nulla apud *Vaillantium* mentio: singuli *Antiocheni* numi,
148. cum in *Cornelii Gallieni*, tum *Claudii Gothici*, honorem cusi, qui plurimum profecto lucis Historiæ, Geographiæ, Chronologiæ, scenerantur, & apud *Vaillantium* & alios numorum collectores frustra quæruntur. In tertio Tentamine, quod est *Appendicula ad numos Augustorum*, ab urbibus *Græce loquentibus cufos*, & a *Vaillantio* vulgatos, multa tenebris ante involuta felicissime evolvuntur, plurimisque locorum sitibus, urbium nominibus, magistratibus, epochis, lux affunditur. Ita numus *Nysiensis Tiberium Cæsarem* per illud monogramma ΕΡ γεαμματεια appellat, ex quo conficitur,
- 155.

ficitur, quantæ fuerit dignitatis scribarum apud Græcos munus. Non enim, ut apud Romanos, minister magistratus fuit, sed summus ipse magistratus, qui idem est ac caput civitatis aut præfectus urbi. Ne autem quidquam dissimulet elegantissimus Autor, ingenue fatetur, se in postica numi parte, cum obtrita adeo fuissent priores literæ, ante *Καίσαρ* ex ingenio addidisse *TIB.* Eundem in modum docte ex numo *Gabenorum* tandem definit, cuinam urbi Gabenorum numi videantur adscribendi. Arbitratur enim, Gabæ illos procudi in Iturza vel Trachonitide, quia adjectum in numo appareat verbum *Φιλιππεων*, ex quo suspicatur, compellationem hanc in honorem *Philippi*, Tetrarchæ Iturzenfis, assumptam fuisse. Porro ex *Philippotarum* numo *Πρεσβευτου* titulum clariorem reddit, & cur non perpetuum hoc nomen honoris fuerit, felici industria anquirat. Solet enim in omnibus Thraciæ numis nullum aliud magistratus nomen occurrere, quam *Ηγεμόνας*, seu Præsidis provinciæ, in hoc autem præter solitum *Ζηνῆτες Πρεσβευτῆ Σεβαστῆ Αυτοκράτορος, Φιλιπποπολεωῶν* legitur. Pag. 199 novam *Lydorum* epocham ex numo *M. Aurelii Augusti* eruit, ubi in adversa parte insoliti visuntur numeri *Ππχ*, anno 686; quare ab eo anno 914, quo imperare cœperat *Aurelius*, subducens illos, quos diximus, annos, delapsus est ad A. U. C. 228, quo tempore *Darius* inter septem Magos, quorum ipse unus erat, principatum adeptus, totam Persiam in septem præfecturas divisit. Pag. 220 ex numo *Byzantium* duo notatu digna adducit Clar. Autor: 1) *Marci* nomen cuidam familix proprium fuisse contendit, numum asserens, cui inscriptum *M. ΜΑΡΚΟΥ*, huncque erudite illustrans; 2) *Vaillantium* & *Harduinum* refellit, qui, in *Byzantino* quodam numo, cujus epigraphe: *ΕΠΙ. ΑΙ. ΠΟΝΤΙΚΟΥ. Η. ΒΥΖΑΝΤΙΩΝ*, putarunt, *H* significare octavum, sed ex præsentis numo, cujus averfa pars legenda offert verba: *ΒΥΖΑΝΤΙΩΝ. ΕΠΙ. Μ. ΜΑΡΚΟΥ. Η. ΤΟ. Β.* conjicit, in hoc, uti in aliis, *H* nihil aliud denotare, quam

Pag. 157.

169.

196.

221.

- Pag. 243. quam *Ἡγεμὼνα*, quia β , hoc est, iterum, adjectum eleganter, & non sine causa, appareat. Nondum, si recte recordamur, antea *Παγαιῶν* nomen satis explicatum dederunt Antiquarii, sed opera & vigiliis Cl. Autoris, Pagas Megaridis oppidum fuisse, jam scimus. Signa quoque exhibet cultissimus Autor, ex quibus fere omnes *Herculis* labores addiscimus. Nunc enim equos *Diomedis* abripientem, nunc Cervam domantem, nunc leonem Cleonæum discerpentem, nunc tria poma ex Hesperidum hortis fraude acquirentem, cernimus. Inprimis *Hercules* ille arrisit nobis, *Symphalidas* aves occidens, quem *Patinus* & *Spanbemi*us se reperisse, sed frustra, crediderunt. Depingitur enim in Nicæensium numo *Hercules* gradiens, sinistra sublata arcum tenens, dextra sagittam e pharetra humeris pendente eximens, & sollicite in altum suspiciens, pone ipsum vero aves, telo transfixæ, decedentes. In ultimo *Tentamine*, quod *Numos monetariorum culpa vitiosos* expendit, & ob argumenti novitatem tam omnibus, qui harum literarum dapes amant, acceptum esse debet, quam nobis insipientibus oblectamento fuit, *Capite I* se locuturum promittit tum de iis numis, qui procul omni dubio rævos & errores prodant, tum de aliis, qui suspensionem saltem haud inutilem erroris commissi injiciant. Per Monetarios non intelligit Triumviros aut Quatuorviros monetales, qui auro, argento, ære flando feriundo præpositi erant, sed secundum *Suidam* τὸς περὶ τὸ νόμισμα τεχνίτας, qui circa numismata fabrilem operam exercent, quales sunt, qui metallum flant, feriunt, signant, malleatores, suppositoires, & signatores. Lapsus eorum ex eo inprimis derivat Autor doctissimus, quia nonnunquam in typeria chalybea inciderant, epigraphen vitiantia, & depravata plerumque per oblivionem incertamque inscriptio fuerat, dein, quia falsæ monetæ auctores, in eremis antra sibi parantes, nonnunquam a publicis abhorrentes typos fecerint. *Capite II de Sculptorum erroribus certis, in formis numorum sincerorum*, disserit, quorum illustriora duo exempla producit, alterum in numo *Trajani* exstantem, ubi pro *optimo optimo*

timo & Consenautio pro Consecratio legitur; alterum in nummo *Aurelii Caesaris* obvientem, ubi pro HONOS conspicitur DESNOS. Minutos vero *μικροχαρακτῶν* errores committi vel *transpositione*, vel *adjectione*, vel *omissione* literarum, aliave *substituta*, docet. Transpositione literarum peccatum esse, ex notissimis *Severi & Nerontis* numis probat. Ille enim pro hoc literarum ordine P. M. TR. P. COS. h. e. *Pontifex Maximus Tribunitia Potestatis Consul*, exhibet, turbato vocum nexu: P. T. M. R. P. COS. hic vero JANUM CLUSTI pro JANUM CLUSIT offert. *Adjectionis* fieri mendosum ait Cl. Autor, si v. g. exsculptum sit SAECULLUM pro SAECULUM, ΗΡΗΚΛΕΟΥΣ pro ΗΡΑΚΛΕΟΥΣ. *Subductione* laborare numum ostendit, qui CONSTATINUS pro CONSTANTINUS, VERITAS pro VBERITAS, ΤΡΑΠΕΖΟΥΝΤΙΩΝ pro ΤΡΑΠΕΖΟΥΝΤΙΩΝ præbeat. *Substitutione* vitari numos putat, si legatur *Fortuna Reduca* pro *Reducti, Apollini Solutari* pro *Salutari*. Cautionem tamen omnibus rei numariz studiosis suppeditat; ne temere & sine ulteriori literarum perveligatione numum, forte imposturis & edaci tempore absumtum, vitiosum statim esse clament, sed observandum ante omnia esse ait, sitne numus adhuc sincerus, an secus, nihil hic suspicionibus dandum, sed integros simul esse inspiciendos. Ne tirones quoque inscriptiones, quæ ipsis præter solitum insertæ numis videntur, ut suspectas & priscae ætati absonas damnent, *Capite III de Inscriptionibus inusitata forma insculptis, quæ vitiosæ non sunt*, Cl. Autor agit, atque in hac causa decidenda suasor nobis est autorque, literarum antiquitatem in numis ne unquam credamus vitium redolere, sed ut Archaismum in scribendo adhiberi cogitemus. Sic addi verbis VAALA, VIIRTUS, FEELIX, ΗΙΜΕΡΑ, Α, Ε, Ι, & Græcum Ι, dein vero haud raro in nomine SULLA τὸ Λ omitti, ita, ut sæpissime SULA sinxerint monetarii, aut pro *Crausus Crausus* fieri, aut arctari quandoque voces, fortassis ob soni similitudinem, ut FOSTLUS pro FAUSTULUS, censet. Præterea annum *Geta* nobiscum communicat, cujus adversa facies caput laureatum Ge-

Pag. 386.

ta cum inscriptione offert: P. SEPT. GETA. PIUS. AVG. BRIT. in averſa mulier velata ſtans, utraq; manu ſignum militare gerit, tertium ſignum ad ſiniſtrum latus hūmi deſixum cernitur cum epigraphe: FED. EXERC. TR. P. III. COS. II. Excusat ibi quidem Clariff. Autor permutationem vocum I & E. ex verbis *Genitrix* & *Genetrix*, & ex Italico idiomate, ubi adhuc *Fedo* pronuntiatur, ſed pace doctiff. Vici mallems E in FEDE. inter vitioſas ſcriptiones connumerare, quia *Fides* a verbo *ſio* derivanda videtur, nec huc facere quidquam videtur Itolorum barbara pronuntiatio. Sequimur enim *Ciceronem*, in *Offic. Lib. I. Cap. 7* ita dicentem: *Fundamentum juſtitie eſt Fides, id eſt, dictorum conventorumque conſtantia & veritas, credamusque appellatam fidem, quia fiat, quod dictum eſt.*

391.

397.

401.

405.

410.

Capite IV de vitioſa formarum combinatione in ſuberatis numis rationibus egregie conquiſitis diſputat. Maniſeſta enim typorum falſo ſignatorum errata proſert, e. g. cum *Geta* ſilio adjecta eſt inſcriptio P. M. TR. P. XII. COS. III. P. P. quæ tamen averſæ partis imago ad caput *Severi*, patris *Getae*, pertinet: porro cum *Philipporum* forma *Gordiano* adjungitur: inprimis cum *Apotholeos* ſymbolum *Auguſto* *Auguſtæ*que incongruum inepte collocatur. Nimirum *Gordianus* a S. P. Q. R. inter Deos relatus eſt *Capitolino* teſte, cujus ut conſecrationis memoriam aſſervaret monetarius, *pavonem*, qui proprium tantum muliebri conſecrationi ſignum habetur, ingenti cum errore effinxit: contra in *Fauſtina* numo *Aquila*, *Auguſtorum* inter Deos relatorum ſignificatio, ſumma oſcitantia a numorum quodam conditore incifa fuit. *Capite V*, nonnulli ſuberati numi, qui, formis præter ſolitum compoſitis ſignati, dubium de vitio movent, expenduntur. Primo Cl. Autor quoddam in *Haymii* pererudito Opere, *Teſoro Britannico*, occurrentes numos ſub examen vocat, atque falſitatis arguit, deinde ex ſuo, h. e. *Granelliano*, cimelio nonnullos dubii pretii & incertæ ſinceritatis aſſert; v. g. *Venerem* cœleſtem in numo *Auguſti* collocatam, quæ in *Auguſtarum* alias apud *Mediobarbum* imaginibus ſolum exſtat. Reſtat tamen dubitatio aliqua, hæcne figura *Venus* mafcula denotetur, quia ſimula-

simulacrum *Veneris barbata* sat lepidum repræsentatur. — *Capite VI de erronea consignatione in numis sinceris* scite perquam & enucleate commentatur. Ineptam formarum compositionem non solis falsariis, sed etiam publicæ autoritatis monetariis, tribuit. Ita enim duo ejusdem formæ capita unius Imperatoris simul excuduntur: in priori alteraque numi effigie S. C. pōnitur: in uno eodemque *Trajan* numo diversi Consulatus afferuntur, qui negligentiam sculptoris luculentissime evincunt. *Capite VII de quibusdam numis sinceris, qui vitii suspicionem injiciunt, neque tamen certo daminari possunt*, copiosum instituit sermonem, cum *Pagis* contentiones elegantes ingressus, atque *Capite VIII, de aliis Monetariorum erratis, rei liberarie minus obnoxii*, Operi suo, meliori splendente metallo, colophonem imponit. Nam, etsi *Auctarium numerum* in calce voluminis accedat, Appendicula tamen potius ad numos Augustorum, ab urbibus Græce loquentibus, percussos, nominari debet, quam singularis quædam numerum collectio. In tantum ergo laudari Cl. Autoris ingenium industriamque fas est, in quantum numi ejus, quos ab oblivione & squalore fordido liberavit, priscæ literaturæ exoptatissimum præbent lumen, & doctrina ejus nitidissime exsplendescit, quam ut illustrioribus & huic similibus monumentis porro celebriorem reddat, votis omnibus precamur.

Pag. 412.

423.

446.

JACOBI CUFACII, JCTI CLARISSIMI,
Observationum & Emendationum Libri XXVIII. Accessere Autorum citationes, locorum Græcorum interpretationes, & novi Indices. Præfationem de CUFACII adversariis & obtreſſatoribus præmisit JO. GOTTL. HEINECCIUS, Jctus.

Halz, impensis Orphanotrophei, 1737, 4 maj.

Alph. 4 plag. 18.

Dudum notissimæ sunt, & humanioris Jurisprudentiæ studiosis commendatissimæ, quæ solæ Autorem suum immor-

Lll 2

mor.

mortalem reddunt, *Jac. Cujacti Observationum & Emendationum Libri*. Quam ob rem nunc ea tantum commemorabimus, quæ hanc editionem ornant præcipue atque commendant. Omnibus profecto aliis, quæ in Germania unquam prodierunt, hæc suo merito præferenda est, siue chartæ & typorum nitorem, siue industriam in imprimendo Opere adhibitam, respicias, quæ tanta fuit, ut non solum Autorum veterum pleraque loca, quibus frequenter usus est *Cujacius*, quam accuratissime indicata, verum etiam Græca, passim obvia, in sermonem Latinum sint conversa. Hisce accedit novus rerum Index satis amplus. Debet autem respublica literaria nitidissimam hanc editionem cumprimis Illustri *Heineccio*, qui, ut volumen majori radiaret luce, Præfationem ei præmisit bene longam, & more suo conscriptam, id est, erudite, terse, eleganter. Multa hic non vulgaria protulit de adversariis & obrectatoribus *Cujacti*, unde jam, eorum causa, qui literaræ Historiæ studio tenentur, potiora decerpemus. Et initio quidem vasta laudantur *Cujacti* opera, in quibus tamen nullum est, cui non palmam præcipiant illi *Observationum & Emendationum libri*. Impendit iis consiciendis plus quam triginta annos. In animo fuerat *Cujacio*, Opus hoc ad XL usque Libros perducere, sed perfecit tantum octo & viginti, quorum quatuor extremi post Autoris demum mortem in lucem exierunt. Eam Galliæ destinaverant fata felicitatem, ut multos JCos aleret, qui, dispulsis barbariei tenebris, pristinam lucem Juris disciplinæ, cultiorum artium præsidio suffulti, restituerent. Celeberrimus inter eos *Cujacius* est, qui in patria *Arnaldum Ferrerium* præceptorem sibi delegerat. Ipse tamen plurima suo Marte didicit. Nova Jurisprudentiam addiscendi methodo multorum odium contraxit, & æquales suos, si a paucis discesseris, tantum non omnes hostes expertus est acerrimos. Quod ipsum sane multo eum cautiorem in scriptis suis reddidit, quam antea fuerat; unde dicere sæpenumero consuevit, se adversariorum odio exacui, &, quicquid in Jurisprudentia profecerit, id omne se obrectatori *Franc. Duareno* acceptum referre. Passus vero etiam est suos manes bonus *Cujacius*, & sibi nonnunquam plus justo indulgit. Egrediebatur,

Pag. 1.

2.

3.

4.

5.

bat, alios ab ipso diffidere, & commotioris animi stimulis incitatus, illos conviciis, viro gravi haud satis dignis, cumulabat. Nimia etiam ingenii fiducia, nulla plane cogente necessitate, plures veteres ac probatas lectiones loco movere conatus est. Quod ipsum ne amicis quidem placuit, neque discipuli ejus omnes hac in re præceptoris vestigia premenda esse judicarunt. Denique hæc etiam tanti odii causa exstitit, quod *Cujacius*, tam multa quotidie scribens, parum sibi constabat, & interdum sua ipse vineta cædebat. Hinc quodammodo illæ lachrymæ! hinc tot adversarii, tot obtruncatores! Agmen eorum sine dubio ducit *Jo. Bodinus*, qui & divina & humana filo liberrimo lacerare solēbat. Is, amore *Steph. Forcatuli*, quem in cathedra Tolosana anteferebatur *Cujacio* suadebat, implacabiles adversus eum concepit inimicitias. Sæpius postea huic civitati exprobratum est, quod viro restituendæ Jurisprudentiæ nato factoque hominem ineptissimum prætulit, quam licet ignominiam Autor vitæ *Guil. Marani* a Tolosatibus remove conatus sit, frustra tamen eum egisse, facile probatur. Aucta fuit deinceps *Jo. Bodini Cujacium* traducendi libido, nec destitit eum scriptis laceßere. Enimvero ostendit *Cujacius* adversarii sui & inscitiam in Juris historia, & in Græcis literis infantiam, quod variis illustratur exemplis. Doctior fortiorque *Cujacii* adversarius fuit *Franc. Duarenus*, quem ipse egregiis passim elogiis ornavit. Ea erat *Duareni* indoles, ut nec parem, nec superiorem, imo ne inferiorem quidem, ferre posset. Rediisse tamen videtur aliquando in præcordia virtus, cum *Eguinarii Baronis*, quem multis affecerat injuriis, manes erecto suis impensis monumento splendidissimo placavit. Neminem magni fecit, præter *Hug. Donellum*, quem etiam morti proximus bonorum suorum heredem scripsit, forte quod moribus ipsi erat simillimus. Uterque enim, *Cujacio* Avaricum Biturigum ad Jura docenda evocato, vel eum dejicere penitus, vel saltem vitam ei reddere acerbissimam, studuit: uterque, ne *Cujacius* in Collegium Jctorum cooptaretur, operam dedit, & cum consilium hoc suo careret sine, illi pro loco, quod vulgo ajunt,

Pag. 14.

15.

16.

17 seq.

21.

22.

23.

24.

25.

publice disputanti objecerunt homines loquaces & garrulos, qui Virum doctissimum, morte nec nostris temporibus plane abrogato, omnium risui ludibrioque exponerent, Sed, eos tale quid non potuisse efficere, probabile est, & *Robertus*, alia referens, pro teste minus idoneo declaratur. Studuerunt etiam *Duarenus* atque *Donellus*, ut *Cujacio* invidiam apud studiosos juvenes conflarent, quod cum vitæ pæne periculum eidem afferret, oborto seditiosorum tumultu, fuga sibi prospexit, & Valentiam contigit. Sed, extincto mox *Duareno*, Avaricum rediit *Cujacius*, & facile pertulit *Donelli* iras, ob lanienam illam Parisiensem in Germaniam & Belgium concedentis. Fuit ille *Duareno* paulo modestior, & raro, adjecto nomine, perstrinxit *Cujacium*, raro conviciis eum dilaceravit. Uterque vero adversariorum emendationes Juris textuum, quæ profectæ erant ex *Cujacii* ingenio, non facile admisit, nec id interdum sine ratione, quandoquidem, si verum fateri velinus, aliquæ ejus correctiones plus redolent ingenii, quam soliditatis. Paulo post in arenam descendit *Hotomannus* cum *Cujacio*, majori tamen modestia, quam priores, conspicuus. Maximi & hunc fecit *Cujacius*, & aliquando Virum ingenii probi & recti appellavit. Specimina affert Ill. *Heineccius* earum controversiarum, quæ *Cujacium* inter & *Hotomannum* intercesserunt. Sed sæpe *Hotomannus* sine justa causa dicam *Cujacio* scribit; sæpe justam causam tam frigide tuetur, ut in ipsis *Cujacii* erroribus plus eruditionis reperiatur, quam in ejus stricturis: sæpe conjecturam probabilem opponit longe probabiliori. Non tamen plane abstinet acerbo scribendi genere, quin potius passim miscet jocos mordacissimos. Dissentit Cel. Autor a *Scaligero*, qui judicavit de *Hotomanno*, eum linguæ Romanæ elegantia & eloquentiæ vi sese commendare. Habuit & plures adversarios *Cujacius*, parum tamen eruditos, uno excepto *Guil. Fornerio*, viro certe eleganter docto. De eo plura jam dixit *Ev. Otto* in *Prefat. ad T. II Theſ. Jur. Civil.* quo Lectores remittuntur. Similis *Hotomanno Jo. Robertus* est, antecessor *Aurelianensis*, qui multas *Cujacii* conjecturas audacius, quam doctius, rejicit.

cit. Respondit illi *Cujacius*, nec id sine bile, cum v. g. per anagramma *fero in orbe natum* vocavit. Quod sane ita inomordit *Robertum*, ut par pari referret, & aliud anagramma, maxime tamen absurdum, illi opponeret. Alius *Cujacii* adversarius, *Franc. Marfus Gordonius*, contra hunc & *Anton. Fabrum* libellum prætermittentium edidit, *Robertum* fere imitatus, & leonem jam mortuum inspectatus. Nec silentio præteriri debet *Eman. Zoares*, qui, evulgato *Observationum* opusculo, ipse quoque in *Cujacium* impetum fecit, infelici tamen, quod addendum, successu. Liber ejus rarissimus est, & Autor, Judaico cretus sanguine, postea, deserta religione Christiana, in Judæorum castra transit, quod factum, dici non potest, quantopere abominatus fuerit *Cujacius*. Fuerunt quoque ex *Cujacii* discipulis, qui, a *Duareno* & *Donello* in partes suas pertracti, non modo ejus scholas deseruerunt, verum etiam præceptoris optimi exiliumationem studuerunt imminuere. Annumerat *Merillius* *Marquardum Freherum* *Cujacii* adversariis. Sed, parum hoc esse probabile, adductis rationibus variis, *Ill. Heineccius* ostendit. Majori jure huc pertinet *Anton. Faber*, cuius viri tam singulare erat ingenium, ut nihil fere probaret, nisi quod nemini probaretur. Quavis oblata occasione, calamum stringit in præceptorem. Inter omnes vero, quos nominavimus, *Cujacii* adversarios nemo fuit stolidior, nemo magis ineptus, *Claud. Gendreau*. Consecravit ridiculum suum libellum, *Cujacio* oppositum, *Jesu Christo*, quasi is patronus esset controversiarum contumeliarumque. Restant duo *Cujacii* inimici, quorum alter est *Jo. Steekius*, alter *Edm. Merillius*. Alterius vana fuit sine viribus ira; alter multo modestior & doctior est. Denique commensuratur, nullo prorsus jure inter *Cujacii* adversarios referri *Zachar. Furnestherum*.

Pag. 24.

25.

26.

28.

29.

30.

31.

32.

JANI VINC. GRAVINÆ, FCTI, OPERA,
seu Originum Juris Civilis Libri tres, quibus accedunt
de Romano imperio Liber singularis, ejusque Orationes

5

Et Opuscula Latina. Recensuit, Et Annotationibus auxit,
GOTHOFREDUS MASCOVIUS, Reg. Magn.
Brit. Consil. Aul. Et in Acad. Gætting.
Jur. Prof.

Lipsiæ, apud Jo. Fr. Gleditschii filium, 1737. 4.

Alph. 4 plag. 5.

Quæ jam in his *Actis A. 1708 pag. 459* locum invenerunt doctissimi *Gravina* Juris Civilis origines, illæ ut denuo hic laudatores nos habeant, jure merentur. Rem fecit gratissimam reipublicæ literariæ, & præcipue elegantioris Jurisprudentiæ, cultoribus Cel. *Mascovius*, quod egregium illud *Gravina* Opus, novo, eoque nitidissimo, indutum habitu, in lucem conspectumque eruditi orbis protulerit. Consecravit hoc, solenni ritu, Perillustri a *Munchhausen*, cui quantum Musæ Göttingenses debeant, satis est exploratum. His peractis, Cel. Editor de vita & scriptis *Gravina* sui doctæ ac diligenter præfatur. Natus ille fuerat in Calabria, haud procul ab oppido Cosentino, quod *Erminum* olim, aliosque viros eruditione præstantissimos, procreavit. Literis *Gravinam* Neapoli institutum, con-jicitur. Jurisprudentiam deinceps Romæ, sede quondam Themidos, publice professus est, ab *Innocentio XII* Pontifice ad obeundam hanc provinciam evocatus. Corpore fuit pro-cero, at macero eodem, oculis usus obliquis & distor-tis. Dum Augustam Taurinorum invitatur, & in eo est, ut vasa colligat, ex viscerum dolore A. 1717 in *Emanuelis Martini* amplexu fatis concedit. Scriptis, quæcunque reliquit, omnium eruditorum suffragio palmam præcipiunt hæ Juris Civilis origines, quibus succedit de Romano imperio Liber singularis. Nec sua fraudandum laude est Specimen præfci Juris, in quo tamen locos complures ex Originum Libro prio-re ad verbum esse decerptos, observat præstantissimus Editor. Ad Orationes *Gravina* quod attinet, principem inter omnes lo-quum tribuit illi de *Canone interiore*, quam sanctissimam & optimæ

optimæ frugis plenam appellare non dubitat pag. 594. Etrusca quoque lingua multos evulgavit libros, e. g. de Arte poetica, & Tragedias quinque, in quarum quarta, quæ *Papinianus* inscribitur, viri constantiam, mori malentis, quam *Geta* parricidium excusare, belle depingit. Acerrimum *Gravina* obtrētorem habuit *Q. Sestianum*, quippe qui eum in Satiris suis petulanter, sed iniquissime, perstrixit. A plagii crimine, quod ei vulgo obijcitur, *Gravina* absolvendus videtur, uti nec, quod volunt nonnulli, illorum, ex quibus profecerat, iusto rigidiorum iudicem se præbuit. Neque ideo, quod *Janum* se appellari, quam *Joannem*, maluit, & Deorum cultum *Orig. Jur. Civil. Lib. I Cap. 15* (non *Cap. 25*, quod ex typographi errore legitur,) commendavit, ad gentilium religionem accessisse propius dicendus est. Causam *Gravina* non minus dextre agit, quam feliciter, Illustis Editor. In Philosophia *Platonem* ille *Aristoteli* præfert, nonnunquam etiam *Cartesium* laudat, sæpe *Hobbesii* sententias amplectitur. Plus tamen ejus humeri valuerunt in Juris Romani antiquitatibus, quam in acumine dialectico. *Tribonianum* & *Justinianum* non, si quid minus accurate scripserint, acerbe, quod solent multi, vituperat, sed humaniter excusare studet. In Oppusculis suis JCtos principes & in antiquitatibus peritissimos, *Cujacium*, *Gothofredum*, *Hotomannum*, *Merillium*, *Manutium*, *Scaligeros*, &c. plerumque duces sequitur, & horum scripta in succum & sanguinem convertit. Linguam nostram Germanicam maximo opere abhorruit, quod commune ei cum plurimis exterorum fastidium fuit. Inedita adhuc exstant, quæ de Jurisdictione, & de variatione Romani imperii, scripsit, item Institutiones Juris Canonici, & Juris Civilis, quorum omnium passim in scriptis suis mentionem injicit. Observationes, quas Cel. Editor huic Operi adjecit, longe sunt utilissimæ, & omnibus iis, qui Juris Romani antiquitates in deliciis habent, sine dubio mirifice se commendabunt. Distinctæ sunt illæ, ne cum ipsis *Gravina* notis temere commisceantur, stellulæ signo. Accensorum nomen, rejectis & ipsis *Gravina*, & *Varronis*, sententiis, ab accensendo derivandum

Mmm

putat,

Pag. 169.

231.

246.

putat, tanquam illi fuerint lictores accensi, seu supernumerarii. In verbis XII Tabularum: *pellex aram Junonis ne tangito*, aram *Junonis*, ut legitimorum matrimoniorum, sic nuptiarum quoque, præsidiis, naturali ac proprio sensu esse accipiendam, contra *Revardum* & *Gravinam* suum, prorsus eleganter ostendit. Eidem *Gravinæ*, qui de violenta Romanorum in jus vocatione certissime persuasum sibi habuit, assensum præbet, & *Gundlingii* argumentum contrarium, quo, ritui illi nec apud Athenienses, nec apud Romanos, locum fuisse in causis civilibus, probare ille conabatur, fortissimis rationibus labefactare studet. Nimirum apud *Horatium* in notissimis verbis: *rapit in jus clamor utrinque*, nec fur, nec leno, in jus trahitur, sed defector vadimonii in causa civili. Lex deinde XII Tabularum, cum capi permittit ire detrectantem, & manus injici fugam molienti, nec abigendum, nec zonifectorem, indicat, sed ab obligationes ex contractu non minus, quam ex delicto, pertinet. Et cur, quæso, in *l. 18 D. de in jus voc.* domus unicuique tutissimum præsidium diceretur, si in jus vocatio sine vi & amice facta fuisset? Civibus honestis lex consulit verbis: *Si it;* honestiores enim in jus vocantem sequebantur, eoque vitabant, quicquid in manuum injectione turpe erat. Verba legis XII Tabularum, quæ sectionis debitorum mentionem faciunt, & gravissimas olim inter *Sabinasum* atque *Heraldum* controversias excitarunt, proprie accipienda esse, contra Ill. *Bynckersbachium* strenue fortiterque tuetur *Mascovius* noster, & *Gravina*, eandem fœventis sententiam, cum applausu causam agit. Provocat ad alias Romanorum leges, quæ non minus, ac illa de sectione debitorum, crudeles videntur. Damnum privatum ex interceptis addicti operis pensatum esse utilitate publica, contendit. Multorum, quæ a majoribus constituta sunt, rationem reddi posse, negat, quamvis & gravius videri poterit, plures fallere, quam unum. Pergit, *Gellii* verba: *Capite penas dabant*, ne figurate quidem posita videri posse pro usurarum præstatione, cum frustra a debitore, qui sortem solvere nequeat, usuræ exigantur; qua

in

in re consentientem habet *Cbrist. Godofr. Hoffmannum*, magnum olim Virum, in *Histor. Jur. Rom. Vol. II pag. 181*. Omnia egregia, & quæ a summo probabilitatis gradu abesse quam proxime videntur. Servorum, & viliorum civium, cadavera non combusta, more veterum, sed terræ mandata fuisse, ex eo conjicit *Cel. Mascovius*, quod lignis, quorum copia non abundabant, parcendum duxerint Romani. Sufficere hæc pauca, quæ speciminis loco attulimus, ad id possunt, ut Lectores insigni quadam, librum ipsum propius noscendi, &, quæ condimenti loco addidit Ill. Editor, in rem suam vertendi, cupiditate impleantur, simulque applaudentes novis præstantissimi *Mascovii* in humaniorem Jurisprudentiam meritis, in posterum etiam ab eleganti hac Musa nobilissimos quoque par-tus avide impatienterque expectent.

Pag. 256.

CAROLI LINNÆI, MED. DOCT. SÖC. A-cad. Imp. Nat. Cur. Genera Plantarum, eorumque Characteres naturales, secundum numerum, figuram, situm, & proportionem omnium fructificationis partium.

Lugduni Batavorum, apud Contr. Wishof, 1737. 8.

Alph. 2 plag. 3.

Postquam Tabulis suis synopticis, methodi suæ Botanicæ faciem illustrantibus, rei herbariæ studentium animos præparavit Clarissimus *Linnaeus*, pauci futuri sunt, qui de novitate terminorum conquerantur, cum certum sit, parum curanda esse nomina, dummodo conveniamus in re. Hinc famæ suæ nova subministrat pabula Doctiss. Autor, qui ea nunc, quorum primas lineas nuper duxerat, masculæ & plene exequitur. Supponendum est, *Andria* esse florum stamina, *Gynia* vaginas seu rudimenta fructuum designare. Hinc clarum est, quid sibi velint *monandria*, *monogynia*, *diandria*, *digynia*, & sic porro. Estimandus nobis est optimus *Linnaeus* suæ, quam proposuit, non aliorum, methodo. Libuit ipsi numerare stamina, sicut aliis volupe fuit petala computare, externam florum faciem ad certas & cognitæ satis figuras reducere,

Mmm 2

ca.

capsulas recensere, ad calycem attendere. Modestus est Noster in majorum sententiis perquirendis, nihil duri sonat, nihil conviciorum, quæ novis plerumque Autoribus sacrum solent palladium esse. Modestos esse decet omnes in rerum, quæ novæ videntur, disquisitione. Certum est, omniumque suffragiis comprobatum, in subtilium floris vel fructus rudimentorum enumeratione accuratiorem *Linneo* existisse neminem, tametsi non semper placeant, quæ nimium perpolitata. Res eadem novis indicatur notionibus. Dummodo assueverint nostri Græca audire & intelligere nomina, reliqua facile succedent. Adeoque *Linnei* methodus, staminum filamenta summo generi, pistillum subordinato, destinavit. Hinc *Classis prima* complectitur *monandria*, *monogynia*, plantas, quarum flos (petalodesne sit, an apetalos, quæstio non est, quia petala non nisi pro infuso genere collocando adoptavit,) unicum staminis filamentum, unicum pistilli stilum, gerit. Quo sensu plantas, illis, qui aliam methodum sequuntur, dispares visas, *Hippurim* & *Cannacorum*, conjungit. Duplici pistilli stilo gaudet *Corispermum*, nec quidquam obstat, aliquando hanc plantam femine sterilem esse, hermaphroditicam aliquando, capsulæ numerum variare, id quod aliorum methodos mire turbaret. Constans corniculorum pistilli numerus definit negotium. Quo seuvel intellecto, reliqua facile intelligentur. Id saltem nobis efficiendum est, quo utilis fiat libellus, ut terminorum uberior addatur explicatio. Quot stamina in flore sint, non semper curat *Linnaeus*, siquidem id inconstans est, daturque staminum luxuries in *Hypericone*, *Androsamo*, *Ficoide*, sed, singulo stamini quot filamenta insint, ea quidem primaria cura est. Hocce dividendi momento nunc eidem classi subsunt plantæ, quas nulla unquam methodus sic conjungit, raro congenere alii putat; quas *Morisonus*, *Rajus*, *Tournefortius*, *Rivinus*, eadem serie disposuerunt, nunc divelluntur. Sic *Veronica*, *Ecbolium*, *Clandestina*, *Pinguicula*, *Ros marinus*, *Salvia*, diandriis monogyniis subsunt, licet illis duplex capsula

psula, his semina quatuor, contingant. Nemo interim sibi persuadeat, *Linnaum* vel petalorum vel capsularum fructus & seminum rationem nullam habuisse. Non neglexit eadem, sed summis generibus constituendis saltem non admovit. An calyx simplex sit, an perianthium monophyllum, an polyphyllum, tubusne floris longus, an brevis, quale sub receptaculo floris getmen, aliaque, singulari cum cura expenduntur. Adduntur observationes de characteris inconstantia in quibusdam generibus, e. g. in *Valeriana*, cujus semen aliquando papposum, aliquando solidum, calyx quandoque integer, quandoque quinquifidus, dubios reddidit alios methodicos. Ast staminum ordo plerumque constans huic plantæ suum ordinem inter triandria vindicat, quanquam & id in quamplurimis vacillet. Sed vanum est, sperare velle methodum, quæ anomaliis destituatur. Potest tamen in quamplurimis *Linnei* methodus conciliari cum aliis. *Cruciata* flore unico quadrisido semine bino nudo, tetrandriæ monogyniæ fuit. Nostro *Rubia*, *Aparine*, *Gallium*. Offenditur quidem assuetus alienæ methodo animus *Scabiosa* & *Lychni scabiosa*, ast declaratum etiam nondum est, hos flores vere esse compositos, utpote laxius coherentes, & qui singuli suo perianthio gaudeant quinquifido. Referendæ sunt gratiæ modestissimo *Linneo*, quod, cum semel secum constituerit ad normam suæ methodi divellere plantas, novo dividendi fundamento novas visas, haud dedignatus fuerit quorundam e nostris nomina memoriæ futuri seculi commendare. Aliquando res in *Linnei* methodo sic evenit, id quod novæ commendationis loco esse potest, ut caractere convenientes plantæ virtutibus etiam convenient. Sic pentandria monogynia quædam purgandi virtutem habent, *Cyclamen*, *Soldanella*, *Convolvuli*, quædam stupefaciendi, *Datura*, *Hyoscyamus*, *Nicotiana*, refrigerandi, *Pulmonaria*, *Symphitum*, *Borrago*. Eadem analogia conjungit omnes umbellas, quibus quinque stamina, duplex pistillum, contingit, ut pentandria digynia sic jure meritoque dici possint. Quodsi placuisset Autori *Morisonum* tantisper

sequi, & pro ultimis generibus seminum conditionem, figuram, strias, adoptare, non male successisset negotium. Fecit id in singulæ plantæ expositione, quando & perianthii floris vel absentia, vel præsentia, qui character efficacissimus est, insimul indicatur. Hexandriorum monogyniorum nomine habentur plantæ radice bulbosa triangiospermæ, quibus flos est monopetalos, sex laciniis divisus, *Hyacinthus, Lilium, Fritillaria*. Heptandria non nisi duo deprehendit, *Tridentem & Hippocastanum*, siquidem plerumque septem stamina huic flori, quandoque plura, vel numero inferiora, insunt. Quod ad octandria monogynia, seu octo staminibus præditos flores, attinet, fere regulæ loco esse posset, tetrapetalos vel monopetalos quadrifidos, quibus fructus bacca est, hoc staminum numero incedere; hinc *Ruta, Chamænerion, Onagra, Laureola, Vaccinium*, hoc ordine continentur; sed excipiuntur ab hac regula *Melanthus, Acer*. Enneandria, seu novem staminibus, pauciora existunt, *Laurus, Rhabarbarum, Butomus*. Decem staminibus præditæ sunt plures plantarum, flore pentapetalo, *Phytolacca, Sedum, Ledum*, aliæ. Endecandria nulla dantur; Flora enim numero hoc impari gavisæ haud videtur. Dodecandria tamen habentur quædam, *Asarum, Rbizophora, Salicaria, Sempervivum*. Icosandria aut viginti stamina sunt in *Rosa, Pyro, Rubo, Fragaria, Anserine, Tormentilla*. Polyandria denique sunt, quibus incerti & variarium excedentes numerum sunt capilli, vel filamenta floris, *Ficoides, Apocynum, Aizoides, Clematis, Anemone, Pulsatilla*. Postquam sic accurate numeravit stamina, nunc & antheras adoptat, quæ cum gemellæ sint in omnibus irregularibus monopetalis *Rivini*, seu labiatis *Tournefortii*, hinc illas exprimit termino didynamiorum, tetragynmaospermorum, si semina quatuor insunt, prout omnibus verticillatis accidere solet. Angiosperma appellat, si semen fuerit in capsula, quod labiatis ex hac gente seu personatis potissimum accidere solet. Simili ratione conspirat amice cum reliquis *Linnaeus*, quod tetradynamias attinet plantas, quæ flore sunt tetrapetalo vel cruciato fructu

ctū in silicula, vel filiqua, quibus etiam eadem virtus est antiscorbutica, sicut variis exemplis illustrari potest, varias plantas, uti flore & fructu, ita & virtutibus medicamentosis, convenire. Idem sic evenire solet in monadelphis, seu staminibus ex una floris basi provenientibus quinque, seu pentandris, quo characterē genus malvaceum definitur, quibus virtus emolliendi communis est, sicut diadelphia sunt stamina duplicia diverso loco exeuntia, altero inferiori, altero superiore. Sic perbelle inter se conveniunt, & eodem ordine recensentur, decandria diadelphia, quæ clarius paulo leguminosæ, papilionaceæ, appellantur. Hactenus solitarii flores, eodem thalamo comprehensi, simplices exsisterunt, proprio perianthio contenti. Nunc plures eodem thalamo comprehensi, conjunctim unam exercent æconomiam. Hinc fructificatio isthæc syngenesia appellatur, florum connubium, synthalamia, verbo flores compositi, & æqualium quidem polygamia in floribus ejusdem conditionis stenosculosis, vel semistenosculosis, inæqualium in reliquis, superflua, necessaria in quibusdam. Gynandria sunt flores nullis staminibus præditi, in quorum locum succedunt antheræ, ut in *Aristolochia*, *Granadilla*, *Clusia*. Hinc pro numeri antherarum varietate sunt pentagynandria, hexagynandria. Cum in omni fructificatione facientes patientesque causæ per tropum & schema, nec proprio significato, mas & femina dicantur, proinde observantur masculi femineique flores aliquando in eodem plantæ loco esse, aliquando in diversis. Tunc monœcia dicuntur femininis in gemma sessilibus, masculinis in amentum digestis, prout in *Quercu*, *Juglande*, *Ambrosia*, ast diœcia sunt, quando fertilis flos in una specie est, sterilis in remota, sed nomine & habitu eadem, ut in *Populo*, *Mercuriale*, *Ribes*. Denique & quæ flore carere vulgo dicuntur plantæ, ideo cryptogamiæ dicuntur, quia flos intra fructum latitare perhibetur. Hæc omnia, nominibus & industria Autoris nova, forte etiam ab aliis, etsi minus accurate dicta, de ingenii amplitudine, & studii indefessi constantia, abunde testantur.

CLAVIS

NOVA ACTA ERUDITORUM

CLAVIS CLASSIUM.

Florescentia plantarum profert flores, vel

Visibiles culque; qui sunt vel

Hermaphroditi cum staminibus & pistillis in eodem flore, staminibus

nulla sui parte inter se connatis; quæ

proportionem longitudinis nullam accuratam inter se invicem habent, vel

- 1 MONANDRIA stamen unicum in flore hermaphrodito.
- 2 DIANDRIA stamina duo in flore hermaphrodito.
- 3 TRIANDRIA stamina tria in flore hermaphrodito.
- 4 TETRANDRIA stamina quatuor in flore hermaphrodito.
- 5 PENTANDRIA stamina quinque in flore hermaphrodito.
- 6 HEXANDRIA stamina sex æqualia, vel alterna breviora, in flore hermaphrodito.
- 7 HEPTANDRIA stamina septem in flore hermaphrodito.
- 8 OCTANDRIA stamina octo in flore hermaphrodito.
- 9 ENNEANDRIA stamina novem in flore hermaphrodito.
- 10 DECANDRIA stamina decem in flore hermaphrodito.
- 11 DODECANDRIA stamina duodecim in flore hermaphrodito.
- 12 ICOSANDRIA stamina viginti, calycis parieti interno, non receptaculo, insidentia in fl. herm.
- 13 POLYANDRIA stamina duodecim plura, receptaculo adnata, in flore hermaphrodito.

staminibus duobus reliquis brevioribus.

- 14 DIDYNAMIA stamina duo longiora.
 - 15 TETRADYNAMIA stamina quatuor longiora.
- coherentibus vel inter se invicem aliqua sui parte, vel cum pistillo.
- 16 MONADELPHIA stamina filamentis in unum corpus coalita.
 - 17 DIADELPHIA stamina filamentis in duo corpora coalita.
 - 18 POLYADELPHIA stamina filamentis in tria vel plura corpora coalita.
 - 19 SYNGENESIA stamina antheris in cylindrum coalita.
 - 20 GYNANDRIA stamina pistillo, non receptaculo, insidentia.

Masculini & feminini in eadem specie.

- 21 MONOECIA flores masculini & feminini in eadem planta.
- 22 DIOECIA flores masculini & feminini in distincta planta.
- 23 POLYGAMIA flores hermaphroditi & masculini vel feminini in eadem specie.

Oculis vix obvis:

- 24 CRYPTOGAMIA florescent vel intra fructum vulgo dictum, vel parvitate oculos nostros subterfugunt.

Ordines a feminis seu pistillis desumuntur.

MONOGYNIA, Digynia, Trigynia, &c. id est, pistillum unicum, duo, tria, &c.

Numerus staminum desumitur a basi styli: si stylus autem deficiat, a numero stigmatum calculus fit.

CAROLI

CAROLI LINNÆI, MED. DOCT. SOC. Acad. Imp. N. C. Corollarium Generum plantarum, exhibens genera plantarum sexaginta, addenda prioribus characteribus, expositis in generibus plantarum.
Accedit methodus sexualis.

Lugduni Batavorum, apud Conr. Wishoff, 1737. 8.
Plag. 4.

CAROLI LINNÆI, MEDICI, METHODUS
sexualis, sistens genera plantarum secundum mares
& fœminas in classes & ordines redacta.

Lugduni Batavorum, apud Conr. Wishoff, 1737. 8.
Plag. 3.

Prior libellus sistit genera, quorum mentionem Methodus generum, cum postea demum innotuerint, nondum fecerat. Eodem omnia digeruntur ordine; nec superesse post tantos labores videtur quidpiam, nisi ut in gratiam eorum, quibus durum est desuescere facilioribus methodis, conciliator differentiarum inter methodos concianetur, cum certum sit, omnes aliquantulum conspirare. Sicut enim siliquosæ, cruciatæ, verticillatæ, emollientes, alizque, etiam *Linneo* eadem serie, sicut *Morisono*, *Rajo*, *Rivino*, *Tournefortio*, collocantur; ita difficile haud esset, & reliqua tantisper componere. Injurii plerique sunt in diligentem Autorem, dum, quod eaptu difficile est, aversantur, nec legendum esse putant, qui non facile intelligitur. Ast nihil inde decedit gloriæ eorum, qui obscurius recte dixerunt. Interea tamen velificandum est pluribus, qui sine præceptore assequi mentem eruditissimorum quorumcunque Virorum interdum nequeunt. Methodum *Linnei* breviter repetitam, prout altero libello sistitur, sic dabimus:

I. MONANDRIA.

Floribus nudis.

I. MONOGYNIA.

Hippuris, Salicornia.

Floribus spathaceis.

2. DIGYNIA.

Canna, Anonum, Costus, &c.

Corispermum, Blitum.

Nnn

II. DIAN.

II. DIANDRIA.

I. MONOGYNIA.

Corollis nullis.

Piper.

Corollis aequalibus.

Nyctanthes, Jasminum, Ligustrum, &c.

Corollis inaequalibus.

Circæa, Veronica, Pæderta, &c.

2. DIGYNIA.

Anthoxanthum.

III. TRIANDRIA.

I. MONOGYNIA.

Spathis nullis.

Valeriana, Bærrhaavia, Chionanthus Roy, &c.

Spathis partialibus.

Crocus, Ixia, Gladiolus, &c.

2. DIGYNIA.

Calycibus unifloris.

Cornucopiz, Nardus, Saccharum, &c.

Calycibus multifloris.

Aira, Poa, Briza, &c.

3. TRIGYNIA.

Montia, Tillæa, Mollugo, &c.

IV. TETRANDRIA.

I. MONOGYNIA.

Perianthis communibus.

Protea, Cephalanthus, Globularia, &c.

Pericarpis didymis.

Sherardia, Asperula, Spermacoe, &c.

Fl. Monopetalis aliis.

Catesbæa Gron. Ixora, Avicennia, &c.

Fl. Tetrapetalis completis.

Epimedium, Cornus, Evonymus, &c.

Floribus incompletis.

Dorstenia, Ammannia, Isnar-da, &c.

2. DIGYNIA.

Aphanes, Cuscuta, Hypecoum.

3. TETRAGYNIA.

Ilex, Potamogeton.

V. PENTANDRIA.

I. MONOGYNIA.

Monopetala Tetrasperma.

Heliotropium, Myosotis, Lithospermum, &c.

Fl. Monopetalis, capsula supra receptaculum floris.

Androsace, Primula, Cortusa, &c.

Fl. Monopetalis, fructu infra receptaculum floris.

Campanula, Phyteuma, Trachelium, &c.

Staminibus declinatis.

Mirabilis, Plumbago, Datura, &c.

Fl. Monopetalis, bacca supra receptaculum floris

Rhamnus, Chrysophyllum, Sideroxylum, &c.

Fl. Polypetalis.

Gronovia, Hedera, Vitis, &c.

Fl. In-

Fl. Incompletis.

Achyranthes, Thesium, Glaux,
Ceratonia.

*Laciniis corollæ a sinistris
dextrorsum flexis.*

Thevetia, Cerbera, Rauvol-
fia, &c.

2. DIGYNIA.

Fructu bicapsulari.

Stapelia, Asclepias, Periplo-
ca, &c.

Fructu monospermo.

Herniaria, Illecebrum, Che-
nopodium, &c.

Fructu biloculari vel trupa.

Mitrea, Heuchera, Gentia-
na, &c.

*Gymnodisperma, involucri
duplici.*

Eryngium, Phyllis, Hydroco-
tyle, &c.

*Gymnodisperma, involucri
unico.*

Oenanthe, Phellandrium, Ci-
cuta, &c.

*Gymnodisperma, involucri
nullo.*

Thapsia, Pastinaca, Smyr-
nium, &c.

3. TRIGYNIA.

Rhus, Cotinus, Maurocena,
&c.

4. TETRAGYNIA.

Parnassia.

5. PENTAGYNIA.

Aralia, Statice, Linum, &c.

6. POLYGYNIA.

Myosurus.

VI. HEXANDRIA.

1. MONOGYNIA.

Corollis trifidis.

Bromelia, Tillandsia, Reneal-
mia, &c.

Corollis spathe exceptis.

Galanthus, Lencojum, Nar-
cissus, &c.

Corollis hexapetalis nudis.

Lilium, Petilium, Fritularia,
&c.

Corollis monopetalis nudis.

Convallaria, Hyacinthus, A-
loe, &c.

*Floribus involucri, perianthis
vel gluma.*

Acorus, Hymenanthus, Aphyll-
lanthes, &c.

2. DIGYNIA.

Oryza, Atraphaxis.

3. TRIGYNIA.

Rumex, Scheuchzeria, Tri-
glochin, &c.

4. TETRAGYNIA.

Petiveria.

5. HEXAGYNIA.

* Triglochin, * Alisma.

6. POLYGYNIA.

Alisma.

VII. HEPTANDRIA.

1. MONOGYNIA.

Trientalis, Esculus.

VIII. OCTANDRIA.

1. MONOGYNIA.

Pavia, Tropaeolum, Acer, &c.

Nnn 2

2. DI-

2. DIGYNIA.

Royena, Chrysosplenium, Galenia.

3. TRIGYNIA.

Perficaria, Bistorta, Polygonum, &c.

4. TETRAGYNIA.

Paris, Adoxa, Elatine, Sagina.

5. POLYGYNIA.

Michelia.

IX. ENNEANDRIA.

1. MONOGYNIA.

Laurus, Persea.

2. TRIGYNIA.

Rheum.

3. HEXAGYNIA.

Butomus.

X. DECANDRIA.

1. MONOGYNIA.

Staminibus declinatis.

Sophora, Cercis, Bauhinia, &c.

Staminibus erectis.

Adenantha Roy, Hæmatoxylum Gron. Melia, &c.

2. DIGYNIA.

Dianthus, Saponaria, Scleranthus, &c.

3. TRIGYNIA.

Malpighia, Bannisteria, Triopteris, &c.

4. PENTAGYNIA.

Spargula, Cerastrum, Agrostemma, &c.

5. DECAGYNIA.

Phytolacca.

XI. DODECANDRIA.

1. MONOGYNIA.

Gethyllis, Afarum, Rhizophora, &c.

2. DIGYNIA.

Agimonia.

3. POLYGYNIA.

Sempervivum.

XII. ICOSANDRIA.

1. MONOGYNIA.

Cactus, Pereskia, Eugenia, &c.

2. DIGYNIA.

Cratægus.

3. TRIGYNIA.

Sorbus.

4. TETRAGYNIA.

Philadelphus.

5. PENTAGYNIA.

Mespilus, Pyrus, Spiræa, &c.

6. POLYGYNIA.

Rosa, Rubus, Fragaria, &c.

XIII. POLYANDRIA.

1. MONOGYNIA.

Stylis stigmatè depresso brevioribus.

Sarracena, Nymphaea, Argemone, &c.

Stylis stigmatè longioribus.

Tilia, Thea, Caryophyllus, &c.

2. DIGYNIA.

Heliocarpos, Bixa, Pæonia, &c.

3. TRIGYNIA.

Reseda, Delphinium, Aconitum,

4. TE-

4. TETRAGYNIA.
Tetracera, Tetragonia.

5. PENTAGYNIA.
Aizoon, Mesembryanthemum, Aquilegia, &c.

6. HEXAGYNIA.
Stratiotes.

7. POLYGYNIA.
Dillenia, Liriodendrum, &c.

XIV. DIDYNAMIA.

1. GYMNOSPERMIA.
Corolla labio superiore plano.
Teucrium, Ajuga, Trichostema, &c.
Corolla labio superiore concavo.

Dracocephalum, Melittis, Cynila, &c.

2. ANGIOSPERMIA.
Corollis personatis.
Antirrhinum, Rhinanthus, Pedicularis, &c.

Corollis patensibus.
Craniolaria, Mattynia, Scrophularia, &c.

Corollis polypetalis.
Melianthus.

XV. TETRADYNAMIA.

1. SILICULOSA.
Myagrum, Anastatica, Subularia, &c.

2. SILIQUOSA.
Bunias, Cheiranthus, Hesperis, &c.

XVI. MONADELPHIA.

1. PENTANDRIA.
Hermannia, Waltheria, Melochia.

2. DECANDRIA.
Geranium.

3. POLYANDRIA.
Sida, Urena, Malva, &c.

XVII. DIADELPHIA.

1. HEXANDRIA.
Fumaria.

2. OCTANDRIA.
Heisteria, Polygala.

3. DECANDRIA.
Antberis omnibus connexis.
Amorpha, Spartium, Genista, &c.

Leguminibus regularibus.
Erythrina, Cytisus, Anagris, &c.

Leguminibus propria structura.

Astragalus, Biserrula, Tragacantha, &c.

XVIII. POLYADELPHIA.

1. PENTANDRIA.
Theobroma.

2. ICOSANDRIA.
Citrus.

3. POLYANDRIA.
Hypericum, Ascyrum.

XIX. SYNGENESIA.

1. POLYGAMIA
EQUALIS.

Nnn 3 *Corol.*

Corollis planipetalis.

Prenanthes, Lactuca, Chondrilla, &c.

Corollis radiatis.

Atractylis.

Corollis tubipetalis.

Gundelia, Echinops, Arctium, &c.

2. POLYGAMIA
SUPERFLUA.

Floribus tubipetalis.

Xeranthemum, Gnaphalium, Artemisia, &c.

Floribus radiatis.

Erigeron, Tussilago, Doronicum, &c.

3. POLYGAMIA
FRUSTRANEA.

Helianthus, Rudbeckia, Coreopsis, &c.

4. POLYGAMIA
NECESSARIA.

Calendula, Arctotis, Osteospermum, &c.

5. MONOGAMIA.

Corymbium Gron. Jaspione, Lobelia, &c.

XX. GYNANDRIA.

1. DIANDRIA.

Orchis, Satyrium, Serapias, &c.

2. TRIANDRIA.

Sisyrinchium.

3. TETRANDRIA.

Nepenthes.

4. PENTANDRIA.

Passiflora.

5. HEXANDRIA.

Aristolochia, Pistia.

6. DECANDRIA.

Helicteres.

7. POLYANDRIA.

Grewia, Galla, Arum, &c.

XXI. MONOECIA.

1. MONANDRIA.

Najas, Zannichellia, Cynomorium.

2. TRIANDRIA.

Zea, Coix, Carex, &c.

3. TETRANDRIA.

Urtica, Buxus, Viscum, &c.

4. PENTANDRIA.

Xanthium, Ambrosia, Parthenium, &c.

5. HEXANDRIA.

* *Rumex* 300.

6. POLYANDRIA.

Acalypha, Croton, Iatropha, &c.

7. MONADELPHIA.

Pinus, Abies, Cupressus, &c.

8. POLYADELPHIA.

Ricinus.

9. SYNGENESIA.

Trichosanthes, Momordica, Cucumis, &c.

XXII. DIOECIA.

1. DIANDRIA.

Vallisneria, Salix.

2. TRI-

2. TRIANDRIA.

Ofyris.

3. TETRANDRIA.

Hippophae, Anthospermum,
Myrica, &c.

4. PENTANDRIA.

Pisonia, Pistacia, Spinaea, &c.

5. HEXANDRIA.

Smilax, Tamus, Rajania, &c.

6. OCTANDRIA.

Populus.

7. ENNEANDRIA.

Mercurialis, Hydrocharis.

8. DECANDRIA.

Nyssa Gron. Carica, Kiggelaria, &c.

9. ICOSANDRIA.

Aruncus.

10. POLYANDRIA.

Cliffortia.

11. MONADELPHIA.

Juniperus, Taxus, Ephedra.

12. SYNGENESIA.

Ruscus.

13. GYNANDRIA.

Clusia.

XXIII. POLYGAMIA.

1. MONOECIA.

Musa, Veratrum, Celtis Dill.
&c.

2. DIOECIA.

Chamærops, Morus, Fraxinus, &c.

3. TRIPOECIA.

Empetrum.

XXIV. CRYPTOGRAMIA.

I. PLANTÆ.

Ficus.

2. FILICES.

Equisetum, Ophioglossum,
Osmunda, &c.

3. MUSCI.

Polytrichum, Bryum, Hypnum, &c.

4. ALGÆ.

Marchantia, Jungermannia,
Anthoceros, &c.

5. FUNGI.

Agaricus, Boletus, Hydnum,
&c.

6. LITHOPHYTA.

Spongia, Isis, Lithoxylum, &c.

VAGÆ.

Continet hæc classis fragmenta seu genera non perfecte nota, ut, ad quas amandari debeant classes recensenda genera, nondum innotuerit.

I. PALMÆ.

Phoenix, Corypha, Coccus, &c.

2. TOURNEFORTIANA.

Theligionum, Schinus, Trapa, &c.

3. PLUMERIANA.

Diclinia.

Hernandia, Hippomane, Cissampelos, &c.

Mono-

*Monoclinia perianthiis quin-
quesfidis.*

Hippocratea, Marcgravia,
Ochua, &c.

*Monoclinia absque perianthiis
quinquesfidis.*

Oldenlandia, Crateva, Xime-
nia, &c.

4. DILLENIANA.

Holosteum.

5. HOUSTONIANA.

Conocarpus, Randia.

6. NOSTRA.

Hura, Uragoga, Arctop-
us.

**DE MERCURII NOVISSIMO INFRA SO-
lem transitu Dissertatio, habita in Seminario Romano,
a GASPARE SERVANZI, Academico Re-
divuo, mense Junio A. 1737.**

Romæ, typis Antonii de Rubeis, 1737, 4.

Plag. 1½, Tab. xn. i.

Schediasma hoc Academicum, quod publice impugnandi
facultas cuique data fuit, distribuitur in *Propositiones sex*,
quarum argumenta Lectoribus nostris in compendio jam ex-
hibebimus. Igitur *Propositione I* exponitur ipsa observatio
Mercurii infra Solem transeuntis. Scilicet Romæ 3 id. Novem-
bris A. 1736, tribus ante meridiem horis, in loco undique
obumbrato in Solem directum fuit telescopium palm. 12, &
imago Solis excepta in charta axi illuminationis perpendicu-
lari, addito insuper pendulo, quo maculæ in Sole observatæ
ad verticalem circulum referuntur, atque inde ad Eclipticam
reducuntur. Aer utcunque nitidus trepidatione non modi-
ca laborabat. Plurium Observatorum ita divisæ curæ fue-
runt, unius, ut motum Solis telescopio sequeretur, alterius, ut
momentum averteret, quo imago Solis cum circulo in charta
descripto, & umbra penduli cum verticali diametro, congrue-
rent, tertii, ut Mercurii trepidantis centrum acu insectaretur,
& chartam interpungeret ad nutum secundi, quarti, ut certio-
res observationes describeret, habita ratione temporis, elata
voce

voce pronuntiati, quod ad verum tempus astronomicum, observato bis meridie, sedulo revocatum erat. Initio immersionis in conspicuo, Mercurius visus fuit satis sensibilibiter excavare limbum Solis orientalem $22^h. 13'. 39''$ temporis veri, computati a meridie 10 Novembris. Solarem marginem interius tetigit $22^h. 15'. 58''$, emersionis interior contactus celebratus est post meridiem 11 Novembr. $0^h. 54'. 48''$, exterior $0^h. 57'. 58''$. Mora $\frac{1}{2}$ in limbo solari fuit $3'. 10''$, mora centri in disco Solis $2^h. 42'$. Pro reliquis observationibus subiungitur Tabella, columnis aliquot interstincta, in quibus videre est 1) observata Mercurii loca, & maculas solares, eadem opera detectas; 2) tempus, quo singula notabantur; 3) arcus circulares, incipientes a summitate boreali diametri verticalis circuli, qui discum Solis refert, & desinentes in diametrum, per loca notata extensam; 4) eorum distantias a centro in partibus millesimis diametri. In Corollario hujus Propositionis ostenditur, qua ratione singula loca ad Eclipticam referenda sint. *Propositio secunda* hæc est: *Datis inclinatione Ecliptica ad aquatorem, & loco Solis, declinationem solarem, atque angulum circuli declinationis cum Ecliptica, construere.* Igitur Cl. Autor per constructionem geometricam Problema solvit, quæ ope Trigonometriæ sphaericæ alias expedienda essent Etenim eadem ratione in *Propositione tertia*, datis loco Solis, altitudine poli, ac tempore observationis, *construitur* angulus circuli horarii cum verticali. En constructionem *Propositionis secunda*: Centro C , radioque fati magno CA , describatur circulus, cujus arcus AB æquetur longitudini solari, quando semicirculo minor est, vel differentia a semicirculo, quando major; ductaque CB , atque ad illam perpendiculari AE , quæ bisariam dividitur in D , centro D , radio DA describatur, semicirculus ANE , abscindaturque arcus EF æqualis obliquitati Eclipticæ, $= 23^{\circ}. 29'$, ac demissa FG perpendiculari ad EA , per G ducatur GI , eique perpendicularis GH ; erit arcus $HI =$ declinationi quæsitæ. Porro, centro H , radioque $\approx BI$, notetur punctum L , ductaque LC , ex puncto M , quo

O o o rectæ

TAB. V
Fig. 4.

rectæ *EA* occurrit, excitetur perpendicularis *MN*, circulo *ANE* occurrens in *N*, erit angulus *EDN* = ei, quem facit Ecliptica cum circulo declinationis. *Q. E. F. Propositio quarta* in eo occupatur, ut Mercurii observati loca in typum Astronomicum referre doceat. Id ut obtineatur, in circulo, qui discum solarem repræsentat, singula puncta, quæ locum aliquem denotant, ita sunt disponenda, ut cum diametro difci, quæ est sectio Eclipticæ cum disco Solis, eandem relationem habeant, quam tempore observationis respectu Eclipticæ habuerunt. Quem in finem Cl. Autor dedit Tabulas pro elementis ad hanc constructionem necessariis. Cum vero aberrationes exiguæ sese immisceant, typus astronomicus correctione indiget, quæ exhibetur in *Propositione quinta*. Aberratio præcipua inde oritur, quia terminatio telescpii prope marginem non æque accurata est, ac prope axem, adeoque imago Solis circulo descripto congruens, non exacte repræsentat diametrum Solis apparentem, sed peccat in excessu, cum puncta Solis physica, in telescopium illabentia, eo magis amplientur, quo magis ab axe recedunt. Quodsi in typo emendato *Fig. 5* ducantur *IP*, *mR*, perpendiculares ad *AB*, quibus parallela sit *CN*, & *IQ* diametro *AB* parallela; assumpta *CA*, sive apparente Solis diametro, = 16', 17", dantur *PC*, differentia longitudinis in ingressu, = 9'. 38". *CR*, differentia longitudinis in egressu, = 6'. 2", unde *PR* = *IQ* = 35'. 40", inde geocentricus atque horarius in Sole longitudinis motus = 5'. 50". Dantur etiam *PI*, sive latitudo geocentrica in ingressu, = 13'. 2", *CN*, sive latitudo geocentrica in conjunctione = 14'. 21", *Rm*, sive latitudo geocentrica in egressu = 15'. 11", ergo *Qm*, sive apparens motus geocentricus in latitudinem = 2'. 9", unde geocentricus & horarius latitudinis motus = 48', *lm*, sive apparens ꝑri semita in disco ☉is = 15'. 48", minima centrorum distantia *CO* = 14'. 14", angulus *Qlm*, sive inclinatio semitæ ꝑri visæ ad Eclipticam = 7'. 53". Tempus conjunctionis cum Sole in *N* reperitur 23 hor. 54'. Diametrum vero ꝑri apparentem sic eruit Autor:
 Sit

TAB. V
Fig. 5.

Sit D punctum contactus exterioris, G interioris, ductisque per centrum Mercurii, & puncta contactus rectis CE , CG , ex centro C , rectangula erunt triangula CFO & CEO , cumque LO percurfa fuerit tempore $1^{\circ} . 21'$, atque EF tempore $3' . 10''$, atque punctum L bifariam dividat EF , ob exiguitatem arcus DG , erit tempus per $EL = 1^{\circ} . 35''$, unde ipsa $EL = 9''$. Ponatur jam $AC = a$, $CO = b$, $OL = c$, $EL = d$, $ED = GF = x$, erit $OE = c + d$, $OF = c - d$, $CE = a + x$, & $CF = a - x$, & per Pythagoricum erit $c^2 + 2cd + d^2 + b^2 = a^2 + 2ax + x^2$, & eandem ob causam, $c^2 - 2cd + d^2 + b^2 = a^2 - 2ax + x^2$, & subtrahendo ultimam æquationem a prima, erit $4cd = 4ax$, unde $x = \frac{cd}{a}$. Igitur, ut $a (= 16' . 17'')$ ad

$c (= 7' . 54'')$, ita $d (= 9'')$ ad quartam x : quæ invenitur $= 4' . 22''$ proxime, ut adeo apparens ξ i diameter sit $= 4' . 44''$, five proxime 9° . *Q. E. I.* Tandem *Propositione sexta* motus Mercurii geocentricus ad heliocentricum revocatur. Quod ut obtineatur, observandum, motum ξ i horarium in sua orbita, ex Sole visum æquari summæ motus ejus horarii heliocentrici a Terra, & insuper motus horarii telluris, seu, quod idem est, Solis. Igitur pro inveniendæ motu horario ξ i a Terra, si ex Sole spectetur, fiat analogia sequens: Ut distantia Solis a ξ io, ad distantiam ξ i a terra; ita motus ξ i a Sole horarius geocentricus, ad motum ξ i a terra heliocentricum; cui invento, si addatur motus horarius Solis vel terræ in Ecliptica, summa exhibebit motum ξ i horarium, eundemque heliocentricum in Ecliptica, ex quo deinde facile eruitur motus ejus horarius heliocentricus in sua orbita. Conf. *Whistonius in Praelect. Astronom. pag. 254.* Quomodo ex dato horario Solis & heliocentrico ξ i reliqua omnia, ad Planetam huncce spectantia, inveniri debeant, e.g. species Ellipseos, in qua movetur, inclinatio orbitæ ad Eclipticam, distantia Perihelii a conjunctione, & quæ plura sunt alia, con-

cinne satis explicatur in Corollaris, *Propositioni* annexis. Sed hæc sufficient.

JO. LAURENTII MOSHEMII INSTITUTIONES *Historiæ Christianæ antiquioris.*

Helmstadii, apud Christ. Frid. Weygandum, 1737, 8.

Alph. 2 plag. 6.

Decem, & quod excurrit, præterlapsi sunt anni, ex quo S. Ven. Autor *Institutiones* has *Historia Ecclesiastica* primum in lucem exire jussit. Tam faciles & benignos, ut par erat, elegantissimus hic liber invenit lectores, ut jam pridem in tabernis illorum, qui merces literatas vendunt, sit desideratus. Gravissima vero, quibus occupatur in amplissimo munere Cel. Autor, negotia ipsi tantum temporis denegare videbantur, quantum ad novam parandam editionem requirebatur. Precibus tandem aliorum defatigatus, horas nonnullas necessariis surripuit laboribus, easdemque expoliendo huic libro destinavit. Sed, cum propius ad hoc negotium accessisset, nec dictionem, nec rerum ordinem, nec habitum & colorem, primæ editionis satis probavit, alio loco verba rebus parum respondere, alio res cum verbis minus congruere, alia tolli posse, ex finitimis disciplinis temere huc traducta, alia addi debere, ne qua parte nervis & commissuris corpus careret, animadvertens. Hinc, totum Opus retexendum, aliumque plane librum componendum esse, statuit, tantoque successu prudentissimum hoc consilium est persecutus, ut eximie suæ, quam in orbe literario jam variis ingenii & doctrinæ excellentis monumentis acquisivit, famæ maximum addidisse pondus merito dicendus sit. Nunc more nostro ordinis, quem observavit Cel. Autor in conscribendis his Institutionibus, rationem paucis exponemus. Universam Historiam Ecclesiasticam Christianam *quatuor Libris* complexus est. In *primo* fata Ecclesiæ ab ipsis ejus initiis ad *Constantinum M.* usque, hoc est, a Seculo primo usque ad tertium, explicantur; in *secundo* ea, quæ rei Christianæ a *Constantini M.* æta-

te

te ad *Caroli M.* tempora, a Seculo nempe quarto usque ad septimum, evenerunt, exhibentur; in *tertio* res a *Caroli M.* temporibus ad instauratam a *Luthero* doctrinam puriorem, a Seculo octavo ad decimum quintum, inter Christianos gestæ enarrantur. Et hi tres Libri recens editi, sed multo auctiores, multo etiam ornatiores & limatiores, hic comparent. *Quarum* vero & *ultimum Librum*, qui res a *Luthero* gestas, quæque deinde contigerunt, ad nostra usque tempora, continebit, quam primum fieri poterit, ea, qua hic usus est, methodo elaboraturum se promisit. Et hæc generatim sufficiant. Paulo propius nunc ad ipsam methodum, quam S. Rev. Autor in præparatione copiose explicuit, describendam accedamus. Cæterum hominum, cui nomen a *Christo* est, tanquam civitatem quandam nobis ob oculos posuit. Huic civitati multa extrinsecus eveniunt, multa in ipso ejus sinu contingunt, quæ felicitati vel prosunt, vel obsunt; hinc historia ejus in *externam* & *interiorem* commode dividitur. Et hæc ex causa uniuscujusque Seculi historiam in duas divisam partes deprehendimus. In priori historia Ecclesiæ *externa*, in posteriori *interior*, describitur. In priori cujuslibet Seculi parte, quæ *externa* destinata est historiarum, recensentur *Cap. I* fata civitatis Christianæ *prospera*, & *Cap. II* *adversa*; in posteriore. verò legitur historia Ecclesiæ *interior* descripta, ubi *Cap. I* sistitur status literarum & eruditionis, *Cap. II* historia doctorum & formæ civitatis Christianæ, *Cap. III* historia doctrinæ, *Cap. IV* rituum & cerimoniarum, *Cap. V* seditionum sacrarum, seu hæresium. Hanc methodum per omnia, quorum res memoratu dignissimæ hic exhibentur, Secula videmus observatam. Utramque igitur historiam, tam *externam*, quam *interiorem*, ita pertractavit Cel. Autor, ut non solum, quid gestum sit in Ecclesia Christiana, sed etiam quare hoc vel illud evenerit, luculentissime declaraverit, id est, eventa cum causis suis prudentissime conjunxerit. Hinc eorum, quorum mentionem in his Institu-

tionibus fecit, ingenia, indoles, studia, cupiditates & con-
 motiones, affectuumque humanorum vis & impotentia,
 nec non mores & opiniones, sedulo & sincere indicantur,
 accurateque sine omni partium studio dijudicantur. Con-
 stat, alios, qui eundem in se suscipere laborem, pressos
 præcipuorum factorum & eventorum saltem indices dedisse;
 alios vero ampliorem iis, qui semet ipsos absque magistro vi-
 vo erudire coguntur, suppeditasse materiam; sed utrum-
 que Autor noster Venerandus, prudentissimo certe consi-
 lio, animo & cogitatione comprehendit. Satis enim,
 ut ipse ait, reliquit illis, quod narrent & explicent,
 qui rudes & teneras mentes doctrina imbuunt, & illis
 tamen simul consuluit, qui brevem, sed aptam inter se ac
 cohærentem, Historiæ Christianæ summam privato studio
 memoriæ mandare cupiunt. Inutilia & superflua frustra
 hic quæres, utilia vero & necessaria ubique invenies, sum-
 ma cautione ex variis huc pertinentibus scriptis colle-
 cta. Hinc ad Scriptores omnis ævi, qui rerum Christiana-
 rum meminerunt, ad eos præcipue, qui rebus ætate æquales
 fuerunt, & in his ad eos potissimum, qui copiosius ac dili-
 gentius partem quandam Historiæ Ecclesiasticæ enodarunt,
 & quos ipse inspexerat & tractaverat Autor, semper lectores
 ablegantur. Summa adeoque dexteritate hanc copiosissimam,
 & per varios scriptores, barbaros plerumque, ignavos, & lu-
 tulentos, divisam, rem non solum rite primum mente
 complexus est Cel. Autor, sed apte quoque ac scite dispo-
 suit, sermoneque mundo & illustri expressit, ut nihil deesse,
 nihilque redundare, videatur. Si qui vero sunt, qui librum
 nullum absque severiori censura dimittere possunt, hi illud
 inprimis reprehendent, quod Autori gravissimo haud pla-
 cuerit, res gestas cujusvis Seculi secundum annorum seriem
 describere, & lectori sæpius, quam par est, reliquerit in rebus
 dubiis iudicium, denique quod Indicem istiusmodi libro ad-
 modum necessarium non adjecerit. Ceterum Autori S. Vene-
 rando nos vitam & valetudinem commodam, ut quamprimum
 Librum

Librum quartum, qui recentiore Christianæ civitatis historiam exponet, in lucem proferre possit, comprecamur.

Dionysius Longini vom Erhabenen, &c.

h. e.

**DIONYSII LONGINI LIBER DE SUBLIM-
mitate, Græce & Germanice, cum Longini Vita, recen-
sione scriptorum ejus, & Dissertatione de Sublimitate
Longini, editus a CAROLO HENRI-
CO HEINEKENIO.**

Dresdæ, in officina Hekeliana, 1737, 8 maj.

Alph. 1 plag. 3.

Græcæ linguæ cum Germanica vetus affinitas intercedit, qua sese devinxit *Heinekenius* adeo, ut gratum utrique faceret. Cum enim Græcæ & Germanice sciret, *Dionysium Longinum*, Græcum illum excellentioris eloquentiæ magistrum, in patrium sermonem transfudit, ut novi oratores & poetæ, comparati priscis, intelligerent, quid admirationem sapientum haberet, quid reprehensionem. Nitidum Opus & varia doctrina ornatum præstantissimis filiis S. R. I. Comitibus a *Sulkowski*, qui in exercitatione dicendi non mediocriter versantur, dedicavit. Græca verba sequuntur fidem & industriam *Zach. Pearceii*, cui Codicis Parisiensis literas, sexcentos fere annos habentes, uni omnium Editorum contigit contemplari. Hac felicitate adjutus *Heinekenius*, quæ varie sunt a variis librariis exscripta, *Pearciana* sollicitudini reliquit: ab ipso tamen *Zacharia* dissenfit, si quid ille conjectura aberravit. Versionem non solum ad exprimendos animi *Dionysiani* sensus accommodatam confecit, sed etiam in eo elaboravit, ut concinnitas verborum collocationem illuminaret. Suis Musis aliquantum diffusus, ab amicis impetravit, ut Germanici metri rationem ducerent. Scriptores, quibus simile fuit institu-
tum,

tum; circumspēcte legit: censorii stili mucronem, quem *Sylvanius* quidam, Gallus, in *Longino* fixerat, multis remediis retudit, nec timide cum ceteris congressus est, qui *Longini* gloriam minuerunt. De vita *ἡρωικῶτα* Rhetoris diligenter exposuit, neque recentiores modo narratores, sed etiam *Trebell. Pollionem, Vopiscum, Zosimum*, alios veteres, studiose leclitavit. Fragmenta, quæ supersunt, pro viribus interpretatus est. Adjecit Dissertationem de Sublimitate, ut scirent lectores, quid esset, quod *Longinus* etiam atque etiam commendavit. In ea pag. 318 *Hermogenis* magnitudinem a *Longini* excelsio ita differre putat, ut eadem, quæ ille confudit, hic distinxisse credatur. Sed hæc opinio *Casp. Laurentii* fuit, refutata in *C. G. Clugii* Disputatione, quæ τὸ σμύκν in oratione *Taciti* ex *Hermogenis* disciplina expendit, Vitembergæ A. 1735 publice defensa, pag. 17 seq. Stilum magnificum & copiosum *Hermogenes*, admirabile dicendi genus & pulchrum *Longinus*, informat, iudice *Boilavio*, cujus perspicientia veri sufficit *J. G. Bergero de Naturali pulchritudine* pag. 43 - 46. Quid causæ impulerit Cl. Editorem, ut elegantissimum *Criticæ poeseos* scriptorem, Virum doctrinæ excellentis, & ob id inprimis, quod linguam patriam, si non unus, certe majori longe, quam ceteri omnes, dexteritate, suis sordibus liberavit, Germanorum omnium amore dignissimum, verbis durioribus exciperet, & in reprehendendis ejus præceptis poeticis vires ingenii experiretur, illi haud difficili conjectura assequuntur, qui officinam norunt, in qua formatus ille olim fuit, & unde prodit haud ita pridem. Naturale *Criticus* vocat humile, quod arte caret; *Heinekenius*, quod perspicuum est. Utinam faciles in verbis sint, qui sentiunt idem, & omnes, cupidi laudis *Longiniana*, *Longini* Sectionem XXXIII penitus animis suis mentibusque reponant.

Tomi tertii Supplementorum ad Nova nostra Acta ab aliquo inde tempore *Sectionem IV, V, & VI*, publicavimus.

NOVA ACTA ERUDITORUM,

publicata Lipsiæ

Calendis Septembris Anno MDCCXXXVIII.

Pars I.

T. LIVII PATAVINI HISTORIARUM AB
urbe condita Libri, qui supersunt, omnes, cum Notis in-
tegris LAUR. VALLÆ, SABELLICI, RHENA-
NI, GELENII, GLAREANI, SIGONII, UR-
SINI, SANCTII, JO. FR. GRONOVII, TAN-
FABRI, H. VALESII, PERIZONII, JAC.
GRONOVII, excerptis P. NANNII, LIPSII,
MODII, GRUTERI, nec non ineditis GEBHAR-
DI & DUKERI, & aliorum, curante ARN. DRA-
KENBORCH, qui & suas Annotationes adjecit.
Accedunt Supplementa FREINS-
HEMII.

Tomus I & II.

Amstelodami, apud J. Wetstenium & G. Smith, Lugduni Ba-
 tavorum, apud Sam. Luchtmanns, 1738, 4 maj.

Tom. I Alph. 6 plag. 3, Tom. II Alph. 5 plag. 15.

Ea est *Drakenborchiani* nominis fama, ut, cum percrebuis-
 set, in adornanda nova *Livii* editione ipsum occupatum
 esse, vehementer omnes latarentur; qui harum literarum stu-
 dio & amore ducuntur; quod ita existimarent, ex ejus mu-
 seo, tanquam ex *Phidie* cujusdam officina, omni parte cla-

Ppp bora-

boratum *Livium* ac perpolitum proditurum esse. Itaque, cum ante hunc annum, autoribus bibliopolis Batavis ipsis, rumor exstisset, a Cel. *Hemsterbusio* *Lucianum*, & a Cel. *Drakenborchio* *Livium*, esse depositum, non quod desperarent, se probare ingenium eruditionemque doctis hominibus posse, sed aliis de causis; ægre tulerunt omnes, de tanta se spe dejectos, tantamque discendi facultatem sibi ereptam esse. Sed ecce ad pristinam spem erigunt nos *duo* ista *Volumina*, ad quorum rationem explicandam nunc ingredimur. Quod dum facere instituimus, vehementer desideramus Præfationem, quam hujusmodi libris præmittere docti Viri solent; ut, quibus auxiliis instructi ad editionem libri novam accesserint, commemovent. Nunquam credidit Vir Celeberrimus fore, ut *Livium* per partes emitteret. Sed, cum, precibus Bibliopolarum victus, permitteret, *has duas* vulgari *Partes*, illa subsidiorum copiarumque suarum commemoratio ad finem Operis differenda fuit. Vidit etiam, ut ait, eum *Tomum*, cui Præfatio inferenda esset, in magnam molem excrevisse. Quare, ne eam insuper (duabus scilicet aut tribus plagulis) nimis augeret, eo delapsus est, ut, quicquid præfandum censeret, ad calcem Operis universi rejiceret. Quæ quidem omnia ejusmodi sunt, ut, si cum rumoribus superioris anni compares, atque illud etiam cogites, non integram Decadem Librorum *Livianorum*, sed novem tantum Libros, hæc comparere, facile de toto negotio judicare possis. Illud etiam apparet, perinvitum harum partium vulgandarum consilium cepisse Virum Celeberrimum, & in ea ipsa re maxima festinatione usum esse. Nam dedicandi formula ita vulgaris est, ut ingenio ejus, jam aliunde noto, non satis respondeat, & in ipsa dicendi ratione sunt quædam, quæ a *Drakenborchio* non maxime festinante proficisci non poterant. Ceterum, quando, Præfatione dilata, non possumus nunc de copiis, quibus instructus editionem hanc *Livii* Vir præstantissimus suscepit, commemorare, in recensendo hoc Opere eam rationem tenebimus, ut non modo locos nonnullos, difficiles aut nobis, aut aliis, visos, & in exemplo nostro notatos, qui primi in manus

nus venerint, afferamus, &, quid iis lucis accesserit a *Drakenborchiana* eruditione, commemoremus, sed integram etiam aliquam *ἥσιν Livianam* difficilem proponamus, & eodem modo, quæ nova in notis ad eam prolata sint, dicamus. Incipiamus a *ἥσιν* integra.

Libri primi Capite tertio & quadagesimo commemoratur longe maximum pacis opus, & saluberrimum tanto futuro imperio, descriptio populi in classes centuriasque e censu, a *Servio Tullio* suscepta & perfecta. In eo *Capite* multa sunt, ab Interpretibus superioribus non satis vel expedita, vel illustrata. §. 2: *Seniores ad urbis custodiam &c. juvenes ut &c.* Quod *seniores & juvenes* sibi non satis respondent, *Latinus* legendum conjiciebat: *juniores*. Sic *Hearnius* etiam in *Oxonienſi* Codice invenit. Sed *Drakenborchii* Codices omnes in vulgatam lectionem conspirant, nequæ legitimam causam vidit, quare eam mutaret. Et poterat Vir Cel., si libuisset, cum e Græcis, tum e Latinis, Scriptoribus afferre locos, in quibus sic comparativi & positivi junguntur, cum comparativus positivum vim ac potestatem habet. Ibidem: *Arma his imperata, galea, clipeus, ocreæ, lorica.* Jo. Fr. Gronovius & Florentino & Helmſtadienſi pro *clipeus* reposuit *clipeum*, qua sæpe forma *Livius* alibi utitur. Eandem jam invenerat in bonis Codicibus *Beatus Rhenanus*. Et, quoniam eam in melioribus suis, *Leidenſi* primo & *Harlemano* primo, invenerat *Drakenborchius*, servandam judicavit, licet reliqui Codices in alia omnia abeant. Testatur *Charisius Instit. Gramm. Lib. I pag. 59*, *Livium* sæpius neutraliter hoc verbo usum esse, idque, multis exemplis allatis, hic demonstratur. Ibidem: *Tela in hostem, hastaque & gladius.* Tò que vocabulo *hasta* junctum non concoxit librarius, qui Codicem *Haverkampianum* scripsit; itaque dedit: *hastaque & gladius addita.* Sed ea vox *addita* consensu reliquorum Codicum omnium damnatur. In margine *Livii Perizoniani* Vir Cel. invenit, delendum esse que. Sed, cum omnes Codices eam copulam exhibeant, expungendi nulla necessitas est. Pendet autem ab *imperata*. Sensus est: præter arma, quæ tegumenta corporis essent, militibus

bus ex prima classe lectis etiam arma, quæ tela in hostem ferrent, imperata fuisse duo hæc, *hastaque & gladius*. Illud hic restabat, ut ostenderet Vir Cel. hunc usum vocabulorum quæ atque & probatum esse profaïcis Scriptoribus, & Livio imprimis. Id ei placuit ad Lib. X Cap. 30 §. 2 differre. Ibi sic est: *Et in Etruria per eosdem dies ab Cn. Fulvio Propratore res ex sententia gesta; & præter ingentem illatam popularioribus agrorum hosti cladem, pugnatum etiam egregie est: Perusinorumque & Clusinarum caesa tria millia*. Sed, pace Viri doctissimi dictum sit, hic locus ad propositum non quadrat. Nam quæ hic manifeste conjungit illud *caesa tria millia Perusinorum & Clusinarum* cum superioribus: *pugnatum egregie est* &c. Itaque certioribus exemplis opus erit, quæ quare ad decimum potius, quam primum, Librum proferre voluerit, non assequimur. Nobis hujusmodi exemplum e profaïco Scriptorum non succurrit. §. 3: *Datum munus, ut machinas ferrent. Lipsio Polior. III, 6, suspecta vox ferrent, quod machinæ humeris ferri non possent, eique substituendum putat: facerent*. Confirmat Dionysii autoritas, qui in prima classe fuisse dicit duas centurias *ὀπλοποιῶν καὶ τεκτόνων*. Probat hanc conjecturam Cel. Dukerus. Et, ne quem offendant repetitio τὴν *facerent*, multas hujusmodi repetitiones in Livio ostendit, quod jam ad Cap. 3 §. 9 hujus primi docuerat ipse Cel. Drakenborchius. §. 5: *Tertia classis in quinquaginta millium censum esse voluit*. Quod librarii non caperent vim præpositionis in, mire hic variarunt. In quinquaginta millium est usque in quinquaginta millium summam. Ita enim in apud Livium aliosque sæpe occurrit, tanquam in id tempus, Lib. XLIV Cap. 11. Ceterum non dubitat, quin a vitio locus liber non sit, cum nullus Codicum receptam lectionem servet. Varias conjecturas menti obversari, qua ratione locus persanari possit. Earum unam hanc proponit, quæ facile omnibus in mentem venerit: *Tertia classis in quinquaginta millia censum esse voluit*. Sed quis credat, millia a librariis mutatum in millium? quis in millia hæreat? §. 6: *Arma mutata, nihil præter hastam & verutum datum, quod, manente vulgata distin-*

distinctione, *Livius & Dionysus* dissentiant. Sed Vir Cel. monet, sublato illo dissensu, novum ex nova distinctione oriri, quod *Dionysus* quartæ classi *ὁπῆται* (*hastæ*) tribuat, quas ei eripiat *Doujatiana* distinctio. Quod autem ad dissensum attinet, qui est inter *Dionysum & Livium*, potuerunt diversos Auctores secuti esse, præsertim cum & in aliis hujus descriptionis partibus non inter eos conveniat. §. 7: *In his accensi, cornicines tubicinesque*. Sigonius e veteri libro protulerat lectionem: *tubicinesque*; Gebhardus autem e *Pal. 2*. Et sic *Lib. II Cap. 64* *cornicines tubicinesque* junguntur, ubi in quibusdam Codicibus MStis eadem permutatio verborum deprehenditur. *Tubicines* est etiam in utraque *Ascenfiana* A. 1513 & 1516. *Jacobus* autem *Perizonius* legebat: *His accensi cornicines, tubicinesque*, expuncta *in*. Et hanc conjecturam probat Cel. *Drakenborchius*: non enim in *his*, id est, inter triginta centurias quintæ classis, fuerunt tres centuriæ destinatæ accensis, cornicinibus, tubicinibusque, sed *his accensi*, id est, adjectæ sunt aliæ centuriæ, in quas relati erant cornicines tubicinesque. Nam, *accensi* qui in re militari Romanorum dicti sunt, hic locum non habent. *Tubicinesque* autem adeo verum est, ut miremur, quare non in contextum receptum sit; quando nulla ratione probari potest, tibiæ in militia Romana usum fuisse. Sed non esse nobis videtur, quare pro *in his* necessario legatur *his*. Non enim dubitamus, quin dici possit, *his accensi sunt*, & *in his accensi sunt*, pro *in hos accensi sunt*, eisi alterum illud usitatius sit. Eodem modo in Oratore in *Sallustium*, quæ *Ciceroni* falso tribuitur, *Cap. 2: una cum illis annumeratus esses*, pro *his annumeratus esses*. *Luculentius* illud est pro *Rosc. Am. Cap. 32: Verum ego in grege annumerer*. Ibidem: *in tres centurias distributi*. Sigonius jam monuerat, rectius legi *duas*, ut *Dionysio* consentiat *Livius*. Cel. *Drakenborchius* autem non *Dionysii* modo auctoritatem postulare existimat, sed ipsum *Livium*, qui in omnibus classibus superioribus hoc a *Servio* servatum dicat, ut pares essent numero seniorum juniorumque centuriæ. Id fallere in hac quinta, si tres centuriæ statuuntur. In sexta quidem

classe unam centuriam tantum commemorari, sed eam classem fuisse militia immunem, adeoque ista distributione opus non fuisse. Quibus *accens* militum genus videbatur, facile poterunt induci, ut totidem centurias fuisse existimarent, quot ordines erant. §. 9: *Ad equos emendos dena millia aris ex publico data; & quibus equos alerent, ei due attributa, quae bina millia aris in singulos annos penderent.* Primo difficultas oritur e voce *dena*. Non enim verosimile est, tanti tum temporis equos constituisse. Itaque *Hotomannus* equorum nomine etiam ornamenta equestria contineri putabat, de re *numar. pag. 88.* *Salmasius* autem de *Milit. Cap. 21* legendum censet, *una millia*, ut *una mania* apud *Sallustium* in *Catil. Cap. 6.* Sed *Gronovius de Sest. III, 2,* & *Schelius in Dissert. ad Hygin. & Polyb. Cap. 4,* nihil mutandum esse docuerunt. *Budeus de Assē Lib. IV pag. 466,* quoniam *Livius* dicat equos, non equum, credebat, equitem quemque duos equos habuisse, & unicuique emendo quinque millia, alendo autem mille, aris attributa esse. Contra *Perizonius* in *marginē Livii* sui existimavit, ita haec verba accipienda esse, ut *dena millia* data sint in equos singulos; sed, quoniam ea summa immodica sit illis temporibus, *decem & duo* legendum, & hunc sensum esse, quem *Budeus* voluerit. Deinde de viduis quaeritur, equitumne viduarum intelligendae tantum sint, an praeter ea aliae; utrum singulae viduae bina millia solverint, an plures. *Cel. Drakenborchius* negat, solas equitum viduas intelligi, quod non dubium sit, quin plures equites fuerint, quam equitum viduarum. Sententiam ergo loci hanc esse censet, omnes viduas, quae in populo Romano fuerint, tributum in singulos annos solvisse, & ex summa tributi bina millia aris singulis equitibus attributa esse. Jam ad alios locos veniemus. *Lib. II Cap. 5* de *Bruto* Consule: *Cum inter omne tempus, scilicet supplicii, pater vultusque & ar ejus spectaculo esset, eminente animo patrio inter publica pena ministerium.* *Animus patrius* qui sit, quaeritur. Nam *Doujatius* & *Clericus* duplicem ejus verbi vim esse statuerunt, primam, ut *patrius animus* sit *paternus, patre dignus*, alteram, *bene in patriam*

triam affectus. Et *Doujatius* quidem non dubitat hoc loco alteram illam probare. Cel. autem *Drakenborchius* negat, illum probati Autoris locum afferri posse, in quo hæc sit patrii animi potestas. Sensus, ut putat, hic est: Animus patris eminebat supra spectaculum vultus & oris, hoc est, magis spectaculo erat, quam vultus & os. *Lib. III Cap. 38 §. 2: Contemni capti erant a finitimis populis: imperiumque ibi esse, ubi non esset libertas, indignabantur.* Quæ hic indignatio Romanis tribui videtur, ea vicinis potius, ut vidit *Jo. Fr. Gronovius*, tribuenda est. Itaque pro *indignabantur* malebat idem *indignantibus*. Hæc emendatio, quanquam haud dubie sensum meliorem efficit, tamen, quod nimis a vulgata recedebat, (nam & *que* delendum est,) neque MStorum Codicum auctoritate niteretur, minus probabatur *Lamb. Bosio* τὸ πᾶν, cui placebat minori mutatione legi: *imperium qui* &c. Relativi enim secundo loco positi & apud Comicos aliosque Poetas, & apud prosaicos, exempla esse. Apud hunc ipsum *Livium* in Præfatione *Libri primi* est: *meo qui nomines officiens*. Idem venerat in mentem *Perizonio* in margine ad *Lib. XXVIII, 12*, qui aliis etiam locis *Livii que* & *qui* permutatum dicit. Eandem medicinam adhibet *Jo. Fr. Gronovius Livio Lib. XXXVI Cap. 22*, & Cel. *Drakenborchius Lib. II Cap. 22 & 23*. Sed Cel. *Dukerus* negat, pro certo affirmari posse, hunc locum esse corruptum, quod *Livius* aliique eadem ratione dicendi aliis utantur locis, & post *indignabantur* intelligi possit *finitimi* &c. Sic *Livius* habet *Lib. II Cap. 56, Lib. XXXIII Cap. 28, Nepos Epamin. Cap. 10, Virgilius Æn. VI, 283, Suetonius Tiber. 63. Perizonius* etiam ad *Sanctii Min. Lib. III Cap. 4 not. 1* multis ostendit, copulam diversissimæ constructionis orationis conjungere. *Lib. III Cap. 55 L. Valerius & M. Horatius* legem fecisse dicuntur, qua sancitum sit, *ut, qui Tribuni plebis, Edilibus, Judicibus, Decemviris, nocuisset, ejus caput Jovi sacrum esset, &c.* *Judices & Decemviri* qui in hac lege dicantur, valde disputatum est, neque facile dici posse putabat *Ans. Augustinus* de lege Horatia. *Charonda* iudices videbantur, quibus jurisdictio mandata sit, *Verisimil. I. 3. Perizonius* autem de Pra-

Prætorio Diff. I §. 7 Ediles plebis intelligit, quos *Dionysius* διονυσίους vocet *Lib. VI Cap. 1*. Sed neutra sententia certa videtur *Cel. Dukero*. Nam, quod ad *Charonda* sententiam attinet, non erat Edilium & Tribunorum plebis proprie dicta iurisdic-tio; quod ad alteram attinet, Ediles plebis potuerunt for-tasse de mensura jus dicere, vasa minora frangere, sed de cau-sis pecuniariis, & litibus ceteris, eos iudicasse, ostendi non potest. *Decemviros* negabat se in veteribus libris reperisse *Sigonius*, ideoque ejiciendos putabat. *Gebhardus* non reperit in *Palatino secundo*, sed in melioribus reliquis, & editionibus primis. Asserunt etiam *Livio* verba illa, ut putat, *Cap. 53: De-cemviris quoque ab ira & impetu multitudinis præcavere ju-bentur*. Fuit etiam, ut hoc addamus, in *Codice Ferratii*. Vide ad *Cic. Phil. II Cap. 38*. Jam, qui sublato *Decemviros* vellent, tanquam *Sigonius*, hac causa impulsus volunt, quod, qui *Decemviri* sint, dicere non habent, negantque, quorum causa secessio facta sit, eos sacrosanctos lege fieri potuisse. Qui autem tam violenta medicina uti noluere, mire se torse-runt in explicando, quinam illi sint *Decemviri*. Longum esset, omnium sententias commemorare, neque Lectoribus uti-le, quando ipse *Cel. Drakenborchius*, commemoratis aliquot sententiis & rejectis, fatetur, sibi non liquere, qui hic *Judices* & *Decemviri* dicantur. Nobis non absurda videtur *Gebhar-di* opinio, qui de *Decemviris* legum scribendarum cepit, qui-bus Consules hac lege ex *ScTo* ab impetu & ira plebis cau-tum voluisse potuerunt, quæ eos vivos comburi volebat. Vid. *Cap. 53*. Ei opinioni prodest illud etiam, quod *Livius* addit, non *Decemviros sanctos* factos hac lege, sed eos, qui viola-rint. *Lib. IV Cap. 15: L. Minucius*, qui præfectus annonæ fue-rat, bove aurato extra portam trigeminam est donatus. *Lip-sio in Elect. I, 8*, suspecta verba: bove aurato, primum, quia *Plinius* duobus locis statuam commemorat, non bovem, dein-de quia non probabile, rudi illa ætate jam auratas statuas po-sitas esse; quando *Livius Lib. XL Cap. 34*, *Valerius Lib. II Cap. 5*, *Ammianus Lib. XIV Cap. 6*, statuam auratam negant in Italia visam prius, quam a *M' Acilio Glabrione* patri poneretur in æde

æde pietatis. Id fuit A. U. 561. Idem e vestigiis Codicis vetustissimi fui eruebat: *bove & agro*. Klockius censebat, aut *bovem auratum* dici, qui sit *auratis cornibus*, cujusmodi bove *Dectus Lib. VII Cap. 37* donatus sit, aut legendum *bove aratore* vel *aratorio*. Gruterus etiam sic legi posse putabat: *bove & auro*, vel *bove tauro*. Jo. Fr. Gronovius in *Vossiano Codice* in margine antiqua manu scriptum invenerat, *arvo*, unde suspicabatur, *bove & arvo* legendum esse. Cel. Drakenborchius, etsi pæne omnes Codices suos in vulgatam conspirare vidit, tamen vitiosam putat, & probat, donec melior proferatur, sententiam Jac. Gronovii, qui, cum olim discipulis *Livium* explicaret, *bovem auratum* nugatorium esse monebat, idque magis patere ex eo, quod eo donatus dicatur extra Portam Trigeminam. Itaque conjiciebat, legendum esse: *bove ac prato*, & eo modo docebat commemorari *prata Quintia Lib. III Cap. 26*, *prata Flaminia Lib. III Cap. 54, 63*, *Vacciprata Lib. VIII Cap. 19*. Lib. V Cap. 23: *Jovis Solisque equis equiparari Dictatorem*. Puero poterat in mentem venire, legendum *Jovi Solique*; & mirum esset profecto, nisi cuivis veniret. Quare non mirum, si *Scheffero*, *Cupero*, *Clerico*, idem in mentem venit sua sponte, neque mirandum, si *Clericus* non vidit, ita jam *Scheffero* visum esse; & si non miratus est Vir Cel., Jo. Fr. Gronovium, Regem Criticorum, non vidisse, conjecturam suam *Lib. I Cap. 43 §. 9* jam a *Doufa* occupatam esse, multo minus mirari debebat, si *Clericus*, mediocris Criticus, non vidit. Sed Jo. Alex. Roellius indicavit Viro Cel. sic legendum videri: *Jovis Solisque equis equiparari Dictatoris*, scilicet equos. Similis est ellipsis *Lib. II Cap. 30*: *Cura fuit Consulibus & senioribus Patrum, ut imperium, suo vehementer, mansueti permitteretur ingenio*, ad quem locum vide *Drakenborchii* notam. Jac. Gronovio placebat, vulgatam servari, & huic loco similem esse putabat illum *Lib. IX Cap. 10*: *Postumius in ore erat, cum laudibus ad calum ferebant: devotioni P. Decii Consulis, aliis claris facinoribus aequabant*. Vir Cel. nihil definit; sed negat tamen, sine causa fontica a MSto discedendum.

SYLLOGE SCRIPTORUM, QUI DE LIN-
 guæ Græcæ veræ & rectæ pronuntiatione Commentarios
 reliquerunt, videlicet ADOLPHI MEKERCHI,
 THEODORI BEZÆ, JACOBI CERATINI,
 & HENRICI STEPHANI; quibus accedunt
 SIGEBERTI HAVERCAMPI *Dissertatio de*
literarum Græcarum varia, in antiquis præsertim
nummis & marmoribus, scriptura & forma, & an-
tiquissima quedam Numismata Græca, numero qua-
draginta novem, magnam partem inedita.

Lugduni Batavorum, apud Gerardum Potuliet, 1736, 8 maj.
 Alph. 1 plag. 10, cum Tabb. æn. 10.

Rem Græcarum literarum studiosis pergratam & maxime
 fructuosam præstitit Cel. *Havercampus*, quod *Adolphi Me-*
kerchii libellum *de veteri & recta pronuntiatione linguae Græ-*
cæ, qui huc usque frustra quærebatur, iterum publici juris fecit,
 & cum eruditis alia similis argumenti communicavit. Non
 enim prodire tantum iussit *Mekerchianum* opus, sed huic sub-
 jecit etiam *Dissertationem suam de veteri & varia literarum*
apud Græcos scriptura & usu, in qua omnia ex monumentis
 antiquis, inprimis Numismatibus & Inscriptionibus, probavit,
 & in clariori luce posuit. Animus etiam erat doctissimo
 Viro initio, *Aristophanis* Comœdiam, quæ *Pluto* inscribitur,
 in privatæ scholæ usum, libello huic subungere; at muta-
 vit deinde consilium, atque in hujus locum alia doctorum
 Virorum scripta substituit, qui ante & post *Mekerchum* in eo-
 dem stadio decurrerant. Lectoribus itaque sese offert, post
Haverkampii *Dissertationem*, *Theodori Bezæ de Germana pro-*
nuntiatione Græcæ linguae liber, *Jacobi Ceratini de Sono litera-*
rum, præsertim Græcarum, libellus, & *Henr. Stephani Apolo-*
geticum pro veteri & germana linguae Græcæ pronuntiatione.
 Posset nonnemo Cel. Editori objicere, deproperatam hanc
 esse editionem; nec eum veterum secutum fuisse consilium,
 qui sedulo inculcabant, ne præcipitaretur librorum editio, sed

ut

ut nonum premeretur in annum, præsertim cum animadvertē-
rit, intersum in collocaatione fuisse ordinem, siquidem *Beza &
Ceratini* ante *Mekerchum* locus erat assignandus; at statim ita
cogitare desinet, ubi consideraverit, serius hoc consilium, de
ultimis adjungendis, cepisse Cel. Editorem, quod nisi factum
fuisset, alias insuper de hac re doctorum Virorum adjecisset
lucubrationes. *Jo. enim Cbecur*, *Britannus*, & *Thom. Smit-
thus*, de simili argumento scripserunt. Posterioris Opuscu-
lum invenire nondum licuit, prioris vero addidisset Editor,
si in tempore ad ipsum venisset. Quibus ex causis promit-
tit, in altero Volumine *Jo. Cbeci* labori locum se esse datu-
rum cum alijs nonnullis, quæ huc pertinere videntur. Nos,
ut lectores nostros paucis doceamus, quid in his contineat-
tur libellis, argumentum reliquorum jamjam impressorum
paucis indicabimus, Dissertationem vero *Haverkampianam* cum
cura perlustrabimus. Quod itaque ad *Mekerchi* attinet labo-
rem, in fronte illius vita, cum dedicatione ad *Franciscum ab
Helfaut*, & Præfatione, conspicitur. Ipsa tractatio *Capitibus
LIV* absolvitur. Illud sibi injunctum laboris credidit *Meker-
chus*, ut initio pronuntiationem rectam Oratori & Gramma-
tico necessariam esse probaret exemplis veterum, inprimis
Demesthenis, deinde demonstraret, dari ejusmodi rectam pro-
nuntiationem, eamque cuilibet linguæ esse necessariam. Post-
ea evincit, Græcorum pronuntiationem esse elegantissimam &
facillimam, illam vero barbarorum incursionibus, Gramma-
ticorum vitio, & corruptela vulgati sermonis, fuisse vitiatam.
Studium tamen omne eo collocandum esse suadet, ut corru-
pta restituatur, & a vitiis purgetur; qua in re sequendam ma-
gis putat auctoritatem antiquorum, quam usum præsentem, præ-
sertim cum vulgaris viribus, urbanitate, & euphonia, desitua-
tur, vetus contra pronuntiatio his sit plena. Pronuntiatio du-
plex est, Rhetorica, seu oratoria, & Grammatica, quæ Latine
literaria posset dici. Ut itaque vulgarem emendet *Mekerchus*
pronuntiationem, ex veteribus & novis Oratoribus, Poetis, &
aljs Scriptoribus, varia collegit, & ad ipsam rem progressurus,
de sono literarum, & de syllabis, agit. Proinde generatim de li-

Cap. I.

II III.
IV – VI.

VII – VIII.

IX.
XI.

XII –
XXXVII.

Cap.
XXXVIII.

XXXIX -
XLIX.

L - LII.
LIII.
LIV.

Pag. 171.
205.

206.

210.

219.

224.

teris, & speciatim de Græcis, differit, earum sonum & pronuntiationem describens, & exemplis probans, literarumque divisionem suppeditans. Syllabam vocat spiritus comprehensionem ad unam vocem exprimendam, eamque triplicem esse docet, vel ex una vocali, vel ex duabus vocalibus in mixtam unam vocem coeuntibus, vel ex consonante una, vel pluribus cum una vocali, aut duabus ad summum. Diphthongus ipsi est syllaba ex duabus vocalibus, in unam mixtam vocem coeuntibus, conflata. Ex omnibus solam syllabam *ov* hodie recte pronuntiari putat, ceteras omnes perperam. Propterea Diphthongorum sonum in genere, deinde uniuscujusque in specie, describit, antiquamque pronuntiationem variis exemplis & observationibus munit. Impropriis etiam habet diphthongos, quæ sunt α , η , & ω . Uberius demonstrat, τ post ν , ν ante β , π post μ , γ ante γ & similia, a nostris Grammaticis perperam pronuntiari. Omnia tandem circa finem in compendium redegit, & exemplis persecutus est. Appendix accedit, ab homine docto conscripta, scholiisque illustrata, de *Græcorum accentibus*. Pergimus ad *Sigeberti Havercampi de veteri & varia literarum apud Græcos scriptura & usu* Dissertationem, quæ nunc sequitur. Absolvitur ea *Capitibus XVII. Phænices* invenisse literas Græcas, earumque formam & usum excogitasse, constans est fama. Deinde ex Phœnicia in Græciam *Cadmus* illas literas portavit. *Æoles* longius *Cadmeia* scriptura utebantur, & colonias suas usque in Italiam & Siciliam propagarunt. Inde numi Siculi & alii *Æolum* more cusi, & a dextra versus sinistram scripti sunt. Hoc *Capite II* exemplis nonnullis numismatum illustratur atque probatur. *Capite III* in Asiam & Rhodon Autor procedit, & ex numo Rhodio rem eandem monstrat, observatque ex hoc numo, in voce *ισαασιους*, more notabili, literam σ literæ ν insertam esse. *Capite IV* Numum proponit, qui caput virile barbaturum ostendit, cui adscriptum est *Θαψος*; in altera parte apparet arcus & pharetra cum sagittis, & sub typo vox *οβολος*. Antiqua & recens scriptio in hoc uno numo deprehenditur; ad caput scilicet *Herculis* legitur hunc in modum: $\Sigma\Omega\psi\Lambda\Theta$,
in po-

in postica vero parte ΟΒΟΛΟΣ. Differentiæ hujus forte hæc causa est, quod Thaplii antiquitatem imitari affectaverint. Vox *obolus* pretium numi designat. *Numus 6 Neptunum*, penes equum stantem, læva collum equi jusbque perinulcentem, dextra tridentem erectum tenentem, repræsentat. Ab altera parte erecta cernitur ingentis tridentis figura, cum inscriptione, insolita literarum forma concepta, literisque, quæ ΠΑΥΚΙΟΙΝ, *Rauciis*, vel ΠΑΙΚΙΟΜ, *Rauciorum*, videntur legi debere. *Raucus* Cretæ insulæ urbs fuit, cujus maritima potentia *Neptuni* atque tridentis symbolo in moneta sine dubio significatur. Inscriptio adversæ partis scribendi genus repræsentat, quod Βερεφνδον appellant Græci, quod imitaretur boves arantes & sulcos. *Cap. V Numum 7, 8, 9, & 10*, explicat. Caput elegans *Minervæ* repræsentat *Numus 7*, galea insigni tectum, quam non solum *Nereis*, in piscem desinens, exornat, sed & emergens ad frontem canis figura. Ad sunt literæ ΗΡΚ, ex quibus duæ priores inter se connexæ sunt. Ab altera parte cernitur *Hercules*, nudis manibus, abjecta clava, leonem suffocans; inter divaricata ejus crura, sedet noctua, adjecta inscriptione: ΕΗΡΑΚΛΕΙΩΝ ΧΑΛΚ, *Heracleensium Chalcidensium*, quibus verbis conditorum nomen exprimitur. Plurima antiquitatis vestigia hunc Numum illustrant. Noctua Atheniensium, alterum nomen Chalcidensium, notat originem. Dimidiata pars literæ Η ante ΗΡΑΚΛΕΙΩΝ designat asperum in efferenda voce spiritum, altera pars vero ejusdem indicabat olim lenem. *Numus 8 & 9* caput elegans muliebre bene ornatum sinit; ab altera parte in primo vespertilio, in volatu alas expandens, cernitur, subscripto ΦΕΛΕΝΙΤΩΝ, *Helenitarum*, in secundo numo in parte posteriori inscriptio est eadem, sed pingitur vas utrinque anatum. De spiritu aspero & ejus figura dicta his duobus numis iterum confirmantur. *Numus 10* vas utrinque anatum cum inscriptione ΗΙΣΜΕΝ, id est, ΗΙΣΜΕΝΙΩΝ, *Hismeniorum*, sinit; ab altera parte ingens, sine ulla inscriptione, exprimitur clypeus. Antequam vocalis longa Η introduceretur, litera Η sonum hunc edebat, unde ΗΕ-

Pag. 226.

231.

233.

236.

- Pag. 237. HEKATON scribebant veteres. His in genere præmissis, ad ipsum Alphabetum se confert Cel. Autor, ex antiquaria numorum penu illustrandum. *Numus 11 Capite VI* geminum caput sistit, ex binis capitibus compositum, alterum virile est, alterum muliebre. Ab altera parte *Minerva* cernitur caput, galea tectum, cum epigraphe ΑΘΕναιων. In quo numo non solum peculiaris literæ A figura est, sed etiam litera E pro H ponitur. *Numus 12 & 13* caput muliebre fascia cinctum, sine inscriptione, exhibet; ab altera parte caput virile barbatum cernitur, miro capitis tegmine, cui literæ ΑΝΤΙΣΘΕνης adscriptæ sunt. Literæ A hic attendi debet figura, quæ est antiquissima, quam & Æoles in Italiam secum vexere. Conjecturam simul proponit Cel. Autor, an non hic numus una parte *Apollinem*, altera Lunam, possit repræsentare, adjecta vero inscriptio ad 238. Antissam, Lesbi insulæ urbem, sit referenda. *Numus 14* caput Jovis Ammonis arietino cornu noscendum, ab altera parte pentagonum, cernitur, in cujus medio circulus, sive litera O. Adscribuntur intra pentagoni angulos literæ ΠΙΤΑρειων. Non facilis est explicatio hujus nummi. An significet, literis humanam omnem includi sapientiam, illas vero omnes prima atque ultima? Nam pro Ω nonnunquam O scribebant. An inventam a cive pentagoni figuram usumque in 244. mathematica disciplina celebret? In *Numo 15* delphinus piscis est, adscriptis literis ZANKAE. Ab altera parte depressior figura quadrata, in octo divisa angulos, cernitur, & in meditullio eorundem concha. Omnes fore literæ a vulgata scriptione recedunt. Cusus fuit in Sicilia, antequam urbs Messana novum id nomen adipisceretur, & adhuc vocaretur 246. Zancle. Litera in antiquioribus monumentis minus rotundos, quam nunc, habebat orbes, verum magis angulares. Litera Γ in Monumento Sigæo plane illam obtinet figuram, quam secunda literæ Δ habuit, sed dein post primam figura secunda successisse videtur, ad amussim literæ C Latinorum. Litera Δ eandem quidem in initio figuram, sed alia angulorum collocatione, habuit. *Caput VIII*, triplicem literæ E scripturam fuisse, docet, sed figura parum a se invicem discrepante.

pante. Litera Z etiam triplici modo exprimebatur, ut ex *Numo 15 & 17* patet. Scribebatur etiam Ξ , ut probat *Numus 18*. *Cap. IX* proponit *Numum 19*, in quo est *Apollinis* caput laurea coronatum; in altera parte nomen urbis, quam divinando non assequi potest Cel. Autor. Literæ sunt $\text{AT}\Theta\text{O}$, quas putat Phœnicio ordine legendas $\text{O}\Theta\text{Y}\text{A}$. Sed nullam Othiam invenire potuit inter Græcas urbes, an $\text{O}\Theta\text{P}\text{Y}\text{A}$ sit legendum, nescit. Θ in hoc numo quadratam figuram habet, quod etiam conspicitur in *Numo 20 & 21*. Ut vera a litera O discernetur, lineola in medio transversa notabatur. Litera I nullam mutationem in pictura subiit, sed iniquiore fortuna exulare a recentioribus iussa est loco, cum apud antiquos tertium vel sextum casum designaret. In serie verborum cum aliis literis posita, recentioribus subscribitur. Litera K nullam mutationem passa est, nisi quod minus comite Phœnicibus scriberetur, ut ex *Numo 6* fit clarum. Adde *Numum 22 & 23* ex *Cap. X*. Pro litera K Corinthii antiquiores literam Hebræorum P adhibuerunt, superne clausam, ut vix a Latinorum Q differret, id quod etiam cernitur in *Numo 24 & 25*. Litera O sæpe apud veteres æquipollebat literæ T, quod eo probatur, quia semper in numis pro $\Sigma\upsilon\phi\alpha\kappa\alpha\sigma\iota\sigma\iota$ occurrat $\Sigma\upsilon\phi\alpha\kappa\alpha\sigma\iota\sigma\iota$. Eodem modo unicum antiquis erat temporibus O, gravem & tenuem habens tonum. In *Numo 26* *Cap. XI* scriptio literæ υ est notanda, quæ occurrit ut V Latinum. Litera Λ , superne longiori linea inflexa, sic eminet, ut hodie λ in minori literarum forma scribitur. Litera M apud Græcos pro temporum ratione dupliciter erat exarata; altera erat vulgata, ut nunc habemus, sed antiquior, ut, cruris posterioris dimidia parte sublata, reliqua in latus divaricaretur. Literæ N eadem fere olim accidebant. Litera O non circularem olim, sed quadratam, habebat figuram, ut est in *Numo 27* *Cap. XII*. M nonnunquam pro N positum fuisse, exemplis potest demonstrari. Digamma Æolicum Græcorum ad amussim nostrum F referebat, atque *Claudius* Imperator patrocínio suo nobilitavit. Apparet ejusmodi digamma *Numo 30* *Cap. XIII*, & aliis. Adspiratæ vicem, ut litera H dissecta, supple-

Pag. 251.

254.

256.

264.

266.

267.

272.

- Pag. 277. supplebat sæpius. Vid. *Numus 31 & 32*. Π in initio alterum crus breviusculum habuit, quod *Numus 33* testatur, deinde vero etiam alterum crus productum fuit. Litera P varias scriptio-
 nis mutationes habuit. Capite modo triangulari, modo ro-
 tundo, clauso vel aperto pingebatur circulo, erecta trunci, si-
 ve lineæ mediæ, figura, vel obliqua. Denique virgulam a par-
 te posteriori addiderunt, & ea forma, qua Latini scripserunt
 R. Videri hoc potest in *Numo 34 & 35 Cap. XIV*. Litera Σ tri-
 plici modo scripta fuit olim. Antiquissima videtur fuisse, in
 circuli modum inflexa, ut Latinorum C. Post receptam Ionum
 283. formam novam, & circulari hac & arcuata Σ sunt usi. Dein-
 de quadratam etiam habebat figuram. Vid. *Numus 36, 37, 38,*
 & 39. Mali apud veteres ominis famosa patibuli litera T erat,
 de qua plura infra dicuntur. Literæ Υ scriptura varia erat an-
 289. tiquitus, cornua ejus haud æqualiter divaricantur. Literæ γ
 formam haud raro præ se fert. Conf. *Numus 42 & 43 Cap.*
XV. Litera etiam Φ non uno modo antiquitus scribebatur.
 X rectangularem crucem exhibebat, imo cum K sæpe per-
 mutabatur. Litera Ψ perpetuo fere eandem scripturam ob-
 tinuit, nisi quod lineam rectam atque intermediam nonnun-
 295. quam una vel duæ breviores, sibi superpositæ, pertran-
 seant. Ultimæ literæ Ω non constans scriptio invenitur.
 Non sine ornatu aperire & projicere crura sua solet in vul-
 gari scriptura, sæpe in numis ab σ non differt, nisi sola li-
 nea transversa, subtus ducta, qualis scriptio occurrit in
Numo 40 Cap. XVII. Sæpe etiam figuram ω , quam passim in
 minuto literarum ordine possidet, in numis gerit, denique
 pro Ω sæpius O ponitur. Omnia hæc cum reliquis nonnullis
 numis illustrat Cel. *Haverkampus*, atque his ipsis insigne spe-
 cinien edidit, unde appareat, plurima ex antiquis monumen-
 tis pro veteri scriptione & vario literarum usu afferri pos-
 se iis, qui his rebus delectantur. Hanc Dissertationem excipit
 305. *Theodori Bezae de Germana pronuntiatione Græca lingua* liber.
 Paucis de literis Græcis generatim præmissis, ita exequitur
 Cel. Autor hoc negotium, ut de sedecim literis *Cadmeis* ini-
 tio, deinde de reliquis octo, a *Palamede & Simonide* reper-
 tis, tum de literis duplicibus, de tribus aspiratis, de diph-
 thon.

thongis & propriis, & impropriis, differat, eorum sonum genuinum nos doceat, & varias observationes adspargat. *Jacobi Ceratini* libellus, qui nunc sequitur, de sono literarum, præsertim Græcarum, *Desiderio Erasmo Roterodamo* inscriptus est, Græcas literas ordine considerans, earumque sonum brevissimis exponens. Claudit tandem agmen *H. Stephani Apologeticum pro veteri ac germana lingua Græca pronuntiatione, ex hodierna cacophonia in priscam euphoniā facile vindicanda*. Operam navat Autor in hac Dissertatione, ut, corruptam esse hodiernam pronuntiationem Græcarum literarum & vocalium, demonstraret, deinde variis exemplis probet, longe aliam olim fuisse pronuntiationem, eamque esse instaurandam, & ab orco quasi revocandam.

Sammlung Russischer Geschichte.

h. e.

COLLECTIO RERUM A RUSSIS GESTARUM.

Pars IV, V, & VI.

Petropoli, typis Academiæ Imperialis Scientiarum, 1734 & 1735. 8 maj.

Plag. 17.

Continuationem elegantis instituti, cujus tres priores *Partes A. 1735 Mens. Septembr. pag. 389 seq.* recensuimus & laudavimus, & quod iterum Lectoribus commendare supervacaneum foret, hæc tres primi Tomi Partes posteriores exhibent, ad quarum adeo recensitionem nos statim accingimus. *Partis quarta prima Sectio* vitam *S. Alexandri Newsky*, ex memoriis Russicis MStis congestam, & cum externorum Scriptorum testimoniis collatam, continet, ea de causa multis gratam dubio procul & acceptam, quod, instituto ab Imperatrice *Catharina* ordine equestri, nomen Ducis ex Ecclesiæ Russicæ sententia sanctissimi neminem Historiarum studiosum hac tempestate fugiat. Fuit ille Magni Ducis *Jaroslai*, qui priore

Pag. 282.

Rrr

Seculi

- Seculi XIII parte Russis imperavit, filius, &, quod vivo patre, cum Novogardiz præfesset, ab Ordine Teutonico, Suecicis auxiliis subnixo, insignem victoriam ad ripas *Newæ* reportavit, *Newii* vel *Newsky* nomen apud suos promeruit. Patri
- Pag. 296. A. 1244 in imperio successit, postquam frater natu major *Feodor* A. 1232 ipsa nuptiarum die repentina morte esset extinctus, & suam gentem cum virtute tum prudentia egregia est tutatus, donec a Tartaris Crimæensibus redux in gravem morbum incideret. Monachum tunc induit, *Alexandri* nomine in *Alexii* commutato, & paulo post A. 1261, vel, ut alii volunt, A. 1263, e vivis discessit. Post mortem miraculis claruisse dicitur, honorique ejus *Petrus I* splendidum monasterium ad *Newæ* ripas exstruxit. Majores posterosque e Tabula Genealogica adjecta, qui volet, discet. *Sectio secunda*
311. de Urbe Albasino, & controversiis circa eam inter Russos & Sinenfes ortis, agit. Urbs hæc ab exule quodam Polono fluminis ad Albasini & Amuri confluentes conflita, & Russico Imperio a conditore subjecta, quod Sinenfes istas terras ad suum imperium pertinere crederent, vi pacis a *Feodoro Alexide Gollowinio* A. 1689 cum Sinenfibus initæ, solo æquata, simul, ne unquam vel a Sinenfibus, vel a Russis, instauraretur, cautum est. *Tertia Seccione* Excerpta leguntur ex Sinenfi quadam descriptione itineris Pekingio per Siberiam versus Chalmyccos Astracanenses facti. Edidit illam, a *P. Gaubilio*, Missionario Gallo, Pekingio Parisios missam, *P. Soucierus* in Observationibus suis Mathematicis, Gallice scriptis, *Tom. I pag. 143.* Germanice verterunt nostri Collectores, & minus recte aut obscurius posita notis perpetuis illustrarunt & emendarunt. *Sectio quarta* est Russicarum Historiarum continuatio ad ductum Chronici *Theodosiani* Kioviensis. Magno Duci *Jaroslao*, A. 1056 defuncto, successit filius *Iffiaslaus*, inter quem & fratrem *Wfeslaum* intestina bella A. 1066 exorta sunt. *Wfeslaus*, post amissam Meneskiam, prælio etiam cruento ad Nemisam victus, facile audiit fratrem, ad colloquium, quo illa lis amice componeretur, vocantem, sed, violata sacramenti dati fide, captus & Kioviæ abductus est. Luit
- 315.
- 327.
- 349.
- 352.
- per-

perjurii poenam *Isfiaslaus* anno sequenti, quo Kiovienses, post preces pro *Joseslai* libertate frustra fusas, facta seditione, *Ioseslaum* liberarunt, & *Isfiaslaum* regno pepulerunt, in quod *Boleslai*, Polonorum Regis, ope restitutus est. A. 1078 gentis ethnicae, quam intestina dissidia sin Russiam adduxerant, & Polowziis junxerant, victor, cum locum, in quo praelium commissum erat, incautius lustraret, ab hoste moribundo jaculo humerum percussus interiit.

Pag. 357.

359.

363.

374.

384.

396.

398.

401.

407.

In *Partis quinta Sectione prima* Chronici *Theodosiani* Excerpta continuantur. *Isfiaslao* successit frater *Wsewolodus*, & ad A. 1093 regnavit. Hic successorem habuit *Svetopolcum*, cui *Wolodimerus*, *Isfiaslai* filius, intestinorum dissidiorum evitandorum causa, sponte cessit. Multa cum Polowziis bella & praelia, vario eventu, gessit, sed erant quoque domesticæ inter Principes Russos contentiones, quæ ut sopirentur, tollerenturque funditus, conventionione omnium Russici sanguinis procerum, *Svetopolci* ipsius, *Wolodimeri*, *Davidis Igoritzi*, *Wafilkonis*, *Davidis Swetoslawitzi*, & *Olegi*, A. 1097 effectum videbatur. Displicebat hoc nonnullis hominibus sanguinariis, qui, ut fœdus rumpere, *Davidi Igoritzi* persuadebant, *Wolodimerum* dolo malo agere, *Wafilkonem* suam & Magni Ducis perniciem meditari. Cum *David* idem *Svetopolco* persuasisset, & *Wafilko*, periculi ignarus, paulo post Kioviâ, venisset, captus, & crudelitate inter Russos non audita, oculis privatus est. *Wolodimerus*, *David* *Swetoslawitzius*, & *Olegus*, injuriam *Wafilkoni* illatam ulturi, bellum inferebant Magni Duci, sed, matre *Wolodimeri* deprecante, ab armis discessum. *Davidem*, facinoris autorem, *Wolodarus*, *Wafilkonis* frater, in urbem *Buschkam* compulit, & ut *Wafilkonem* libertati restitueret, coegit; sed & postea *David*, aliquoties Russiâ ejectus, exilio poenas dedit. Post varia cum Polowziis, æternis hostibus, praelia, *Svetopolcus* A. 1114 fato suo functus est, regnumque vacuum *Wolodimero* reliquit, qui eo ad A. 1125 potitus est. *Mstislaus*, filius natu major, postquam per septennium rebus Russicis præfuisse, A. 1132 *Jaropolco* fratri sedem vacuam reliquit, qui, post imperium fraterno brevius, A. 1138 eandem mortis semitam calcavit. *Secunda Sectione Olegi & Igori*, Magnorum

Rrr 2

Du.

- Ducum, res pace belloque cum Græcorum imperio gestæ per epitomen ex veteri Chronico Russico Anonymo exhibentur. Ad Seculi IX finem, & X partem priorem illustrandam hæc Epitome facit, qua tempestate Magni Russiæ Duces Christo nomen nondum dederant. *Tertia Sectione ex Wiseniano* Opere refertur, quantas res *Caldanus*, sive *Buschtuchanus*, Chalmeycorum Princeps, adversus Mungalos A. 1085 & sequentibus gesserit, *Bogdorbani* tamen potentiz tandem impar, a quo A. 1096 ad fluvium Kerlonum prælio victus, vel ex mæore, vel sumto veneno, interiit. *Quarta Sectione* bella & res gestæ magni Ducis *Svetoslai*, qui Seculo X, sub *Nicephoro Phoca* & *Joanne Tzimisce* Russis imperavit, ex Græcis Scriptoribus, *Scylitze*, *Cedreno*, & *Zonara*, collectæ, leguntur, quam operam ideo in se suscepit doctissimus Autor, ut ea, quæ in *Parte II* hujus Collectionis de *Suetoslai* expeditione Bulgari- ca leguntur, magis illustrentur.
438. *Partis sexta prima Sectione* de rebus Russicis, quæ restabant, ex Chronico *Theodosiano* Kioviensi subsequuntur: *Jaropolco* A. 1138 mortuo, *Watscheslaus*, *Wolodimeri* filius, vacuum sedem occupavit, mox eandem *Wsewolodo Olgez- wizio*, armis jus suum vindicaturus, ut humano sanguini parceretur, cessit. Varia pro more inter Principes Russicos dissidia & bella suborta, inter quæ *Wsewolodus* A. 1146 decessit. Frater *Igorus* Kioviā occupabat, sed Kiovienses in *Isjaslaum*, Perejaslaviensem Dynastam, inclinabant. Huic cum copiis appropinquant *Igorus* occurrit, sed victus, captus, monasterio inclusus, nec multo post sponte sua sacrorum causa confusus est, quod tamen nihil impedit, quo minus, novis turbis contra Magnum Ducem *Isjaslaum* obortis, a seditiosa Kioviensium plebe raperetur e monasterio, & trucidaretur. *Isjaslaus*, a suis A. 1146 persuasus, *Rostislaum Jurjewizium*, quomodo regno Magnum Ducem pelleret, meditari, eum vinctum ligatumque patri *Georgio*, Suldaliensi Principi, remisit; qua re offensus *Georgius*, ingens & diuturnum bellum civile excitavit, vario Marte gestum, in quo *Isjaslaus*, plus simplici vice Kiovia pulsus, Russia ejectus est, Polonica tamen & Hungarica ope restitutus, in pri-
stina
- 455.
- 459.
- 460.

flina dignitate A. 1154 obiit. Audita Magni Ducis morte, *If- jiaslaus Davidowizius* advolabat, sed, quod *Rostislaus Smo- lenskins* nondum adeflet, a *Watscheslao* in urbem non est admissus. *Rostisla*o enim Kiovienses Imperium destinarent, quod etiam paulo post rite suscepit. Sed recrudescabant mox intestina dissidia, Magnus Dux, ob animum tantis turbis imparem, Kiovia aufugiebat, Kiovienses *Ifjiaslao Davidowizio* imperium deferebant, redux ex Russia *Georgius* regnum ab *Ifjiaslao* repetebat, &, quod hic esset inferior co- piis, obtinebat. Obiit hic Princeps, magnis rebus gestis incly- tus, A. 1157. Kioviain occupabat *Ifjiaslaus Davidowizius*, hunc pellebat *Mstislaus Ifjiaslawizius*, qui A. 1158 urbem *Rostis- la*o tradebat, qui A. 1167 obiit. Sub hoc Principe *Leonina* hæresis orta, a *Leone*, Episcopo Sufdaliensi, nomen sortita, qui non solum Mercurii & Veneris diebus, sed etiam omnibus dominicis & festis, ipsis feriis natalitiis & baptismalibus Chri- sti, carne abstinendum esse, erronee, ut reliquis Episcopis vi- debatur, docebat. Kioviain occuparat *Wlodimir Mstislawi- zius*, hunc ejiciebat *Mstislaus Ifjiaslawizius*, hunc *Mstislaus Andrewizius*, qui A. 1165 filium *Glebium* Kioviæ præfecit, qui A. 1172 decessit. *Andreas* Kioviain *Romano Rostislawizio* com- mendavit, anno tamen 1175 *Jaroslaus Ifjiaslawizius* Kioviæ re- rum est potitus. *Andreas*, magni nominis inter suos Princeps, A. 1175 a sicariis occisus est. *Sectione secunda* acta Pacis A. 1689 inter Russos & Sinenfes prope Nerfchinskoam initæ tra- duntur. Scilicet hæc est illa pax, qua bellum, super *Albasino* or- tum, fuit sopitum. *Sectionem tertiam* tria Rescripta occupant, primum Augustissimi Cæsaris *Caroli VI* ad rei libraræ Com- missarium Francofurtanum, ut libros Petropoli impressos, sed in Germania recusos, indaget, & fisco addicat, alterum ejusdem Cæsaris ad Rempubliacam Norimbergensem, ut li- brum Petropolitæ, a Bibliopola Norimbergenfi recusum, in fiscum redigat, & similibus facinoribus suos interdicat, ter- tium Potentissimi Poloniarum Regis *Augusti III* ad Consilium Saxonici Electoratus intimum, quo similes ausus in ditioni- bus suis Germanicis vetat. Ultimo loco Index in hunc pri- mum Operis Tomum comparat.

Pag. 478.

483.

486.

488.

492.

493.

CLAVIS DIPLOMATICA, TRADENS SPECIMINA veterum Scripturarum, nimirum Alphabeta varia, compendia scribendi medii ævi, Notariorum veterum signa nonnulla curiosa, una cum Alphabeto Instrumenti & Abbreviaturis, singula Tabulis æneis exhibita; quibus præmittuntur Introductiones necessarie, subjunguntur Scriptores rei diplomaticæ, aliaque ad lectionem & intelligentiam veterum Codicum, Chartarum, & Diplomatum, facientia, variis Annotationibus historico-literariis hinc inde additis, studio & opera DANIELIS EBERHARDI BARINGII.

Hanoveræ, sumptibus hæredum B. Nic. Fœrsteri & Filii,

1737, 4 maj.

Alph. 1, cum Tabb. æn. 17.

Si vero convenit, quod *Livius* de Historiæ amœnitatibus læta sermone ubertate disseruit, in cognitione rerum salubre ac frugiferum esse, omnis nos exempli documenta in illustri posita monumento intueri; non sane illaudabile horum aut irritum censendum est studium, qui non antiquiorum modo temporum, sed nostri etiam ævi, res memoratu dignas altius vestigant, & sicut veterem Historiam luculentis numerorum, lapidum, marmorumque, inscriptionibus & signis corroborare, ita recentiorum Chartarum publicarum, Diplomatumque, Regum jussu conscriptorum, autoritate validius firmare, student. Eo quidem plurimi gentis nostræ summa ope annisi sunt, ut salebrosam & difficilem medii ævi Historiam, Diplomatum eruendo sensum, expeditiorem redderent; verum, licet Gallorum eximium quondam decus, *J. Mabillonius*, in immortalis de arte Diplomatica libro eruditæ faciem prætulit, novarum tamen literarum & in semet ipsas implicitarum species inusitata legentibus crucem sedit, quæ nisi *Clar. Baringii* ingenio, depictis omnium fere a Seculo VI annorum scripturis, explicatæ, & in ordinem suum digestæ fuissent, plures fortassis a conatu perquirendi tabularia deterruissent. Converterat se olim *Nicolaus Staphorsius* ad scribendum opus de *Abbreviaturis veterum Germanorum*, & in pri-

inprimis Saxonum, sed nunquam absolutum, certe non publicatum; at bene se habet, quod, defuncto non ignobilis memoriz Viro, Cl. Autor abunde sitim & desideria patriz nostrz explevit, atque librum suum *de Compendiis scribendi medii ævi*, seu *Abbreviationibus*, A. 1735 prelo subjectum, jam vero dimidia ex parte, saltem figurarum numero, adductum, *Clavis Diplomatica* sub titulo evulgavit. Clavis vocabulo eo lubentius inscripsit librum, quo firmitus statuerat, non integra Diplomatum exempla orbi literato tradere, sed instar Theologorum, Jureconsultorum, Historicorum, eandem viam in scientiis sectantium, clavem seu indicem scripturarum componere. Integram libri faciem si accuratius paulo spectemus, ad sex potissimum momenta elegantem ingenii fœtum redigi posse deprehendimus. Constat enim 1) Præfatione, diffusiore paululum, at non inerudita; 2) *Mabillonii* Comimentatione de variis scripturarum medii ævi modis; 3) *Sruruii* Dissertatione de criteriis MStorum; 4) Observatione de literæ C, in Diplomatribus genuina significatione; 5) Tabulis, signa medii ævi, & scripturarum figuras, referentibus; 6) Bibliotheca Diplomatica; quibus capitibus paulisper inhærere, e re nostra esse ducimus. Præfatio multum a perverso quorundam ritu, in limine operis sui auram eruditorum popularein captantium, aut inani verborum strepitu, assentionibusque, plausus ambientium, recedit, & cum fructu Lectoris multa, Autoris ingenio haud indigna, profert de scripturæ & literarum origine, quæ profecto disquisitio felicissima plerumque ingenia exercuit. Prædicata postmodum Regis *Augustissimi Georgii II*, cujus & nomini sacrauit librum, munificentia, & prolixa in se Hamburgensis Brementisq; Senatus voluntate, dividit Abbreviaturas in *generales*, quæ omnibus conveniunt vocibus, & *speciales*, quæ in Autore tantum certo nobis obvenire solent. Originem Abbreviationum Tachygraphis tribuit, illasque a *Tirone*, *Ciceronis* liberto, *Tironis notas* fuisse nuncupatas, optime monet. Ex præcipiti festinataque scribendi ratione ingentes nasci hallucinationes posterorum, lectionesque Criticorum varias, ostendit, plerorumque eruditorum, male le-

Pag. 12.

15.

gen.

- Pag. 18. gentium, errores detegens. Hac inprimis ignorantia *Fridericum Ernestum Kettnerum* laborasse, variis Diplomatum avto-graphis nos docet, quæ ne lecta quidem probe, nedum intel-lecta, ab Autore Historiæ Reformationis & Antiquitatum Quedlinburgensium fuerunt. Eodem pacto falli lectores contendit, qui, *Christiani Schlapkensis* in *Historia Bardewiciensi* excussa, & *Nicolai Schatenii* excitata ubique, Diplomata perlustrantes, exemplis manu delineatis ex assè ea respondere, sibi persuadeant. Aliquoties enim verba desiderat Cl. Autor, per sæpe inte-gras periisse lineas monet, quæ tamen rei historiciæ clarissi-mam affundere lucem potuissent. Emendavit præterea *Schatenii*
32. Diploma quoddam ex MSto Codice Corbejensi, & peccata plu-rimorum circa orthographiam obelo censoriaque virgula no-tavit. Excurrit, hoc facto, in Autorum præconia, qui post *Mabil-lonium* veterum scripturarum specimina dederunt. Refert huc *Papebrochium*, *Hiccesium*, *Donium*, *Gorium*, *Fontaninum*, *Cas-leym*, *Elstobiam*, eruditam Britannorum foeminam, *Bütnerum*,
41. & alios. Discernit dein sollicitè *figla* a *monogrammatibus*, & cum supra, præeunte *du Cangio*, definiverit *figla* tanquam *li-teras singulares*, ita dictas, quod *singula verbum componant*, monogrammatum descriptionem addit, quæ stilo Cl. Autoris
42. *nomina sunt compendio descripta, ac certis literarum implexio-nibus concinnata.* Non dissimulat demum fontes, ex quibus rivos suos, amœnos satis & dulcedine amabiles, hauserit. Vi-delicet primus fuit *Othonis Murena*, & *Acerbi*, *Othonis filii*, *li-ber gestorum Friderici Aenobarbi Imperatoris*, Codex multis abbreviaturis refertissimus, qui voces & syllabas lectû diffi-cillimas Cl. Autori suppeditavit, primamque ad conficiendum hoc Opusculum ansam præbuit. Hactenus *Conradi Halber-stadiensis Chronographia summorum Pontificum & Imperato-ram*, Codice, ut ipse profitetur, sat spisso & inedito, usus, figu-ras inde & notas decerpit, quibus tuto fidere poterit Lector, nec unquam, talibus innutritus, a veri Historici sensu desilectet. Absoluta Præfatione, *Mabillonii* Commentationem, de variis scripturarum modis, in *Libri de arte Diplomatica primi Capi-tis XI* exstantem, adjungit, cujus vel solo nomine ingens Operi decus
50. 57.

decus conciliatum iri credit; at, quanquam omne magni facimus, quicquid *Mabillonii* Musa ore fecundissimo protulit, merito tamen eruditissimis ejus doctrinis abstinemus, ne vel cramben bis coctam Lectori, dictorum sine dubio a nobis in *Actis A. 1682 Mense Majo*, & *A. 1710 Mense Julio*, probe memoriam, apponamus, vel interius admissos rerum præstantia ad Asiaticum quoddam, & ambagibus suis tortuosum, avocet dicendi genus. Neque *Struvii* Dissertatio de *Criteriis Manuscriptorum*, erudita satis, & critico sale conspersa, nos moretur, quippe *Collectaneis MStorum*, A. 1713 Jenæ publicatis, dudum attexta; sed Observationem Cl *Baringii* de significatione literæ C., quæ in ipsa Diplomatum antiquorum fronte cernitur, qualiscunque oratio nostra illustret. Notum enim est, & iis facile innotescet, qui animum ad ipsam monumentorum perlustrationem applicant, ab initio plerumque Diplomatis aut C. nudum apparere, aut huic C. oblongam literam J. cum A. & Ω. insertam legi, quæ nota, cum Cl. Autori altioris esse indaginis videretur, nec a *Mabillonio* quidem, diligentissimo alioquin figurarum scrutatore, explicata sit, non infelici successu, nec minori acumine, protrahitur in lucem & extricatur. Per C. enim *Caput chartæ* seu initium intelligit J. vero & H. cum C. connexæ, sententia Cl. Autoris boni omnis felicisque auspicii causa adjectæ, *Jesum Christum* designant, cui bene A. & Ω. convenire videntur. Hinc literas majores *Capitalium* traxisse nomen putat, & *Capitulum*, seu *Capitulare*, apud medii ævi Scriptores haud inepte dici harricatur, quod, si quis velit bonum ex Diplomate sensum enotare, necesse sit, ut ab initio scriptio legatur, nec cum prioribus temere confundatur. Hujus rei penitus contemplandæ gratia Diploma non solum *Wicmanni*, Antistitis Magdeburgici, exscripsit, sed in peculiari etiam Tabula varias, tum sinuosiore, tum longius fluenti, curvamine expressas olim, literæ C. figuras satis operose & diligenter in æs incidi jussit. Succedunt Tabulæ numero XXXIII, quarum singulæ non oculos modo, sed animum etiam, pascunt, & ad lectionem monumentorum celeri faciliq; compendio ducunt. Qua-

Pag. 76.

102.

104.

105.

110.

Sss

tuor.

tuordecim priores Alphabeta varia & specimina medii ævi scripturarum explent, adjectis hinc & inde annis, quibus exaratum fuit vetus quodque monumentum. Hæc excipiunt abbreviaturæ Germanicæ, ordine Alphabetico dispositæ, quibus accesserunt compendia vocum, in MStis Seculi XIV, XV, & XVI, occurrentia, Tabulisque V oculis nostris subjecta. Tertium occupant locum Notariorum veterum signa nonnulla, contemplatione digna, una cum Alphabetis instrumenti & abbreviationibus annorum 1377, 1389, 1394, 1435, 1471, & 1521, Tabulis VII representata. Primo *Everardi Kerckhoffii* signum exstat, alterum *Heydeckini de Brunswick*, tertium *Joannis Reymberti*, quartum *Joannis de Overenkerken*, est, septimum *Joanni Calvisio* debetur. Ulterius progredientibus nobis offerunt se Tabulæ Alphabeticæ VI, quarum *princeps* 1) alphabetum majus veterrimi Codicis apud Herbipolenses, Epistolæ D. *Pauli* cum Præfationibus completentis, 2) alphabetum ex libris Dialogorum & Homiliarum Divi *Gregorii*, cum vocabulis aliquot notabilioribus, 3) Gallicum vetus ex *Mabillonii* re diplomatica, 4) Gothicum, exhibet: *secunda* 1) alphabetum Seculi VI; 2) Franco-Gallicum & Merovingicum, 3) alphabetum Psalterii, 4) Saxonicum vetustissimum, 5) Longobardicum Seculi VIII, 6) Carolinum, seu Francicum, monstrat: *tertia & quarta* diversarum medii ævi scripturarum, & quidem literarum Latinarum majuscularum, quales in pervetustis Diplomatis & chartis obveniunt, specimina ostendit: *quinta* literarum Latinarum minorum, in priscais Diplomatis, Chartis, & Codicibus medii ævi occurrentium, formas, adsculptis annis, quibus unumquodque monumentum vetus exaratum fuit, præbet: *sexta* denique alphabetum Seculi X, ex authentico Diplomatum *Henrici Aucupis*, *Ottonis I*, & *Henrici*, Regis, Codice, neque minus ex oraculorum divinatorum libris, depromptum, adducit. Harum vero insignem chorum Tabula, Observationi de litera initiali C. unice sacrata, & Scriptorum rei diplomaticæ index, claudunt. Fuerunt enim nonnulli, quibus par-

tim

tim de rei diplomaticæ natura & constitutione, partim de monumentorum vetustate autoritateque, disputandi opportunitas enata est. Hinc Cl. Autor, naturali ordine de omnium fere scriptis acturus, a rei diplomaticæ, generatim spectatæ, scrutatoribus primordia cepit, inde ad litium diplomaticarum in Germania autores progressus. In utramque vero partem disceptatum fuit de *Magdeburgica civitatis Diplomatus*; de *Trevirensibus atque Cænobii S. Maximini*; de nonnullis *Bremensibus*; de *Scholis Episcopatus Osnabrugiensis*; de exemptione *Cænobiorum Cisterciensium in S. R. I.*; de *Monasteriorum Würtzbergicorum Diplomatus*; de *Diplomate Caroli M. sive de Frisia consulari*; de *Lindaviensis Cænobii Diplomatus*; de *jurè Antistitis in Argentoratum*; de *Cænobii Reichenavensis jurè in Ulmam*; de *Ottēnburensis Cænobii libertatē*; de *Diplomatibus Caroli M. circa præsulatum Compidunensem*; de *Franconia dominatione inter Wirtzburgenses & Bambergenses*; de *Diplomatibus Erfurtensis Cænobii S. Petri*; de *expeditione Caroli Crassi*; de *formula Ducatus Brandenburgici*; de *Horreenis Cænobii originibus*; de *suppositio Diplomate Comitibus de Gleichen scripto*; de *Pseudo-Diplomate Carolino Aquisgranensibus dato*; de *Austriacis privilegiis, quæ Julio Cæsari, Neroni, aliisque largitoribus, tribuuntur*; de *federe inter Carolum, Regem Gallia, & Duces Saxonie, Fridericum atque Guilielmum*; de *Ottonis M. Diplomate foundationis Bergensis ad Albim Cænobii*; de *immunitate & exemptione Abbatie Fuldenis*; de *Diplomate Ottonis III, Monasterio S. Mariæ Gandershemensi concessio*; de *Henrici VII, Romanorum Regis, Diplomate, A. 1226 in gratiam Præpositi Hil-desheimensis concessio*, quarum contentionum & causas rimari, & scriptores nosse, multum interest. Neque in hoc pertinax Cl. Autoris industria sublitit, sed *Diplomatum quoque Collectores, Historicos, qui res a se consignatas Diplomatus illustraverē, & XIV Diplomatum ac Documentorum hæcenus ineditorum Appendicem*, subjunxit. Ceterum, multa de scriptis illis hic loci excerpte, nil attinet, seu quod nimis longum foret, seu quod, hæc delicias cujusque Lectoris studio relinquere, magis consultum videatur. Ubi vero Cl. Autor ardentissimum erga Hi-

Pag. 9.

10.

14.

16.

17.

18. 20.

22.

26.

25.

27.

28.

31.

36.

43.

66.

67. 69.

storiā mediū xvi amorem significat, *Notitiāque Scriptorum rerum Brunsvicensium & Lunenburgensium, Provinciarumque annexarum, quia & Corpus historicum Scriptorum Brunsvicensium & Lunenburgensium Latinorum a Reformationis tempore, ininatur, læta mente divinamus, fore, ut, si pondere conceptæ sponſionis se exoneraverit, plaustum ei orbis eruditus perhonorificum decernat.*

**NICOLAI AVERANII, J. C. ET MATHEMATICI Florentini, Dissertatio de Mensibus Ægyptiorum, in gratiam ANTONII Mariæ SALVINII, adjec-
tis Notis P. HENRICI NORIS, curante AN-
TONIO FRANCISCO GORIO, nunc
primum edita.**

Florentiæ, excudebat Cajetanus Albizinius, 1737. 4.
Plag. 10½.

Nemo, quod scimus, tam barbarus, tamque morosus, mansuetiorum literarum osor existit, quin cultissimum *Gorii Muscum*, & insigniores vetustatis, quæ Florentiæ sunt, reliquias, colat, miretur, suspiciat, &, si quis forte tanti literarum vindicis in Italia famæ turpiter invideat, caveat ille sibi, ne literati orbis commodo, ex præstantissimi hujus Viri institutis largissime provenienti, succenseat. Opus enim incomparabile, ut suas Veneres, & quicquid demum sacræ Musarum cohorti arridere potest, secum affert, sic plura etiam cimelia, auro omni cariora, pulveri suo & sordibus eximit. Latuerat quippe diu doctissimi, dum viveret, *Nicolai Averanii* elaboratissima de *Mensibus Ægyptiorum* Dissertatio in illustris Viri, *Josephi Averanii*, scriniis, e quibus ut exiret, volitaretque per ora virum, *Gorius* noster, quo est in optimas literas ardore & in eximia patriæ suæ ingenia pietate, effecit. Acciderat enim, ut, cum ad illustranda maximi moduli Numismata, quæ in *Volumine IV Musci Florentini* e Mediceo thesauro tradet, se comparaturus,

rus, cum illustri *Josepbo Averanio* de numis Imperatorum *Cæsarum*, in *Ægypto* percussis, atque epocha signatis, disserteret, liberalis ille *Vir ingenii* statim fratris sui, *Nicolai Averanii*, *Commentationem de Mensibus Ægyptiorum*, brevibus notulis a præclarissimo Viro, *Henrico Norisio*, tanquam nitidissimis gemmis, exornatam, non promeret modo, sed *Gorio* etiam dono daret. Accepit Noster lubentissime munus, sed ita accepit, ut gratiam se haud proletariam a Viris doctis initurum esse speraret, si opellam hanc omni doctrina cultissimam e tenebris in lucem proferret. Prelo igitur liber exiit, nosque fas & æquum esse judicamus, tam excellentis libelli formam, levi penicillo adumbrare. Primum Dissertationis Caput monstrat, singulos Ægyptiorum menses triginta dies habuisse. Illud probat ex loco *Ptolemai* & aliorum, quorum ille dixerat, se maximam distantiam *Mercurii* a Sole, quæ fieri solebat die 30 mensis *Φαμενώθ*, die primo subsequents mensis observasse, ex quo evincere conatur Autor, dari non nisi triginta dies mensis. Caput II de ordine, ac serie, & nominibus, mensium agit. Hunc mensium Ægyptiorum ordinem fuisse putat Autor quondam Celeberrimus, ut *Θωθ* initium caperet, *Φαωφι* sequeretur, tertium occuparet locum *Λθυε*, quartum *Χοϊάκ*, quintum *Τυβι*, sextum *Μεχίε*, septimum *Φαμενώθ*, octavum *Φαρμουθι*, nonum *Παχών*, decimum *Παύνι*, undecimum *Επιφι*, duodecimum tandem *Μεσοεῖν*. Quia superius probaverat, tricenis constare diebus mensē quemlibet, sequitur inde, ut, cum Ægyptii duodecim menses numeraverint, dies exinde conficiantur CCCLX, non, ut multi existimant, CCCLV. Interim *Ptolemaus* diserte scribit, conflari Ægyptiorum annum ex diebus CCCLV. Quo pacto igitur hæc conciliantur? At vero his XII mensibus adungebant quotannis dies quinque, quos *ἐπαγομένας*, hoc est, intercalares, vocabant. Capite igitur IV de diebus superadditis & intercalariis sermonem instituit Autor, & quinque dies additos fuisse, exinde colligit, quod *Ptolemaus Lib. IV Cap. IX* tradat, a die 16 mensis ultimi *Μεσοεῖν* usque ad 9 diem mensis sexti

- Pag. 17. Μεχίε præteriisse dies 178, ex quo deducitur, usque ad primum diem mensis Θωθ præteriisse dies 19, & proinde dies
18. superadditos esse quinque. *Capite V* exquisitius *seriem & mensuram mensum* ex ipsa intercalarium dierum natura & calculo subducto confirmat. *Caput VI*, quod princeps & pulcherrimum nobis videtur, *collationem mensum Ægyptiorum & Romanorum inexplicabilem* nobis sistit. Disputatis enim in utramque partem sat multis, & singulorum Scriptorum eruditis argumentis ad Iydium lapidem exactis, qui primumensem Θωθ modo Novembri, modo Decembri, modo Martio, vindicant, tandem in propatulo esse profitetur, nulli certo mensi respondere Ægyptiorum menses, nec operæ pretium esse, de singulis idem probare. Nam, si appareret, mensem Θωθ convenire Novembri, sequi inde arbitratur, ut Φαωφι Decembri, Αθϋρ Januario, Χοιάκ Feb-
 31. bruario, Τυβι Martio, Μεχίε Aprili, Φαμενώθ Majo, Φαε-
 47. μεθι Junio, Παχών Julio, Παύνι Augusto, Έπιφι Septem-
 64. bri, Μεσορῃ Octobri, respondeat. Sin Θωθ cum Decembri potius comparari posse dictum fuisset, etiam Φαωφι cum Januario, Αθϋρ cum Febuario, Χοιάκ cum Martio, Τυβι cum Aprili, Μεχίε cum Majo, Φαμενώθ cum Junio, Φαε-
 μεθι cum Julio, Παχών cum Augusto, Παύνι cum Septem-
 47. bri, Έπιφι cum Octobri, & denique Μεσορῃ cum Novembri, eo ordine, quem supra posuerat, convenire putat. Ita denique reliqui a sede mutandi essent, si probatum fuerit, Θωθ Martio, aut Augusto, aut Junio, convenire. Interea, ne quid sua culpa inexpertum relinquat, anxie solliciteque horum inter se mensium similitudinem non in hoc tantum *Capite* inve-
 47. stigat, sed in *septimo* quoque opinionem suam corrobora-
 64. rat, ad concordandas *expositas varietates*, ubi profecto Autoris acumen & dexteritatem in difficultatibus tollendis veneramur. Neque hac contentus expositione est, sed multis observationibus, a Solis defectu arcessitis, sententiam suam fortius tuetur, & sub finem doctissimi libelli *de annis & mensibus Alexandrinis* aliqua non injucunda subjicit, nosque aperto docet, juxta Alexandrinos pariter ac Ægyptios die octavo mensis

sis ~~Xoia~~ annum incepisse, & utrorumque menses in ceteris omnibus eadem ratione procedere.

THESAURUS ZEYLANICUS, EXHIBENS
Plantas in Insula Zeylana nascentes, inter quas plurimæ novæ species & genera inveniuntur. Omnia Iconibus illustrata, ac descripta; cura & studio JOANNIS BURMANNI, Med. Doct & Botanices Professoris in Horto Medico Amsteladamenfi.

Amstelædami, apud Janßonio-Waesbergios, & Salomonem Schouten, 1737, 4 maj.

Alph. 1 plag. 15, Tabb. æn. 110.

Elegantissimum Opus Plantas continet rariores, quas vel Autores rerum Zeylanensium declararunt, vel Herbariorum vivorum supellex suppeditavit. Laudatur ante omnia immortalis memoriz Vir, *Paulus Hermannus*, qui rei herbariz Zeylaniczæ unicus autor existere poterat, quandoquidem vitam in Insula egit aliquot annos, sed fati præventus, etsi Paradisus Batavus, a *Sherardo* editus, nonnulla commemoret, imperfecta reliquit omnia. Supplentur hæc omnia Cel. *Burmanni* studio, qui *Herbarii vivi Hermanniani*, postquam illud per trium *Commelinorum*, avi, patris, filii, manus transisset, nunc felix possessor, interire rerum istarum memoriam passus haud fuit. Neque vero exsuccas saltem, in quibus aliquando legitimi characteris definitio perquam difficilis existit, sed & vividas, plantas exprimit, quarum copiam eidem *Gronovius* & *Clyffortius*, rei herbariz statores, fecerant. Fidelis existit etiam earum plantarum, quæ in nostris aluntur hortis, commendator, quæ nunc, postquam doctissimorum & pro bono publico feliciter audacium Belgarum itineribus vulgatiores factæ sunt, prout *Abutilon* & *Adbatoda* cum speciebus, locum meruisse visæ sunt. Harum omnium, quotquot jam ante descriptæ habentur, synonymiz adducuntur copiose, licet.

cetque omni pagina *Sloani* Historiam Jamaicensem, *Dillenii* Hortum Elthamensem, *Pluckenetii* Almagestum, antiquiores etiam rerum utriusque Indix medicarum Historicos, *Pontium* & *Pisonem*, legere, quorum & plurimorum aliorum testimonio fidem Autoris corroborant. Si quæ plantæ specie vel genere rariores, imo prorsus novæ, visæ fuerunt, cum characteribus ab habitu externo flore fructuque desumptis definituntur, suisque classibus attribuuntur, correctæ insinuat onomatologia, quam *Hermannus* hinc inde reliquerat imperfectam. Quales illæ sint plantæ, quas elegantissimis Iconibus artificiosa manus exsculpsit, breviter allegabimus:

Acacia spinosa ex alis spicata, foliis pennas avium referentibus. Hanc florum habitus reliquis congeneribus ferè dissimilem efficeret, nisi ceteroquin character conveniret.

Acacia aculeata, multiflora, foliis pennas avium referentibus.
Adhatoda spicata, flosculos ex foliolis membranaceis producens.

Adhatoda flore solitario ex singula folii ala proveniente.
Adhatoda spica longissima, flore reflexo. Has flos monopetalos personatus capsula bipartita legitime collocatas esse abunde declarat.

Adiantum caule reflexo, pinnulis alternis, striatis.

Amaranthus spicatus Zeylanicus, foliis obtusis.

Amaranthoides Indicum, nodiflorum.

Asine hirta minor, foliis alternis.

Asine lutea, ramosissima, pentaphylla, polyantha.

Asine erecta pentaphylla, flore albo.

Asine foliis ad radicem positis.

Asine ramosa, procumbens, quadrifolia, ad radicem polyphylla.

Anagallis hirsuta, foliis solitariis alternis, floribus caeruleis.

Antidesma spicis geminis. Novum hoc genus ab ævri & *deorua*, venenum, dictum fuit Burmanno, quia contra morsus serpentis venenatissimi *cobra de capello* dicti specificum est. Ceteroquin Berberi funilis & flore & fructu arbuscula *Sloano* declaratur.

Antir-

Antirrhinum humile, angustifolium, flosculo gemello, ex alis feriorum producto.

Apocynum flosculis fasciculatis.

Apocynum arborefcens, Nerii flore, minus.

Asparagus foliis falcatis, ex uno puncto numerofis.

Aro-orchis tuberoſa, platyphyllos. Hanc plantam, eo quod flos cucullo, qualis *Ari* eſt, circumdatus ſit, ambiguo nomine declarat Noſter, quam tamen *Kampferus*, & Horti Malabarici Antores, itidemque *Petiverius*, ſed ruditer, depinxerant.

Aſtragalus ſpicatus, ſiliquis pendulis hirsutis, foliis ſericis.

Azedarach foliis falcato-ferratis.

Balsamina latifolia ſloris calcari longiſſimo.

Balsamina anguſtifolia ſloribus ternis.

Bandura Zeylanica, in extremo foliorum ſolliculum peniſiformem expanſum habens.

Baubinia foliis ſubrotundis, flore flaveſcente ſtriato. Arbor Divi *Thomæ*, Flos Divi *Thomæ* *Commelino* dicta, eo quod ſanguineas in alto flore ſtrias ferat, ex ſanguine *Thomæ*, qui Malabarorum & Zeylanenſium Apoſtolus perhibetur, enata credita.

Bryonia folio anguloſo, acuto, glabro.

Bryonia foliis ſubrotundis, anguloſis, Momordica facie.

Burmantia ſpica gemina Linnæi. Hanc eruditi Sueci, *Linnaei*, induſtria, & gratus erga *Burmannum* animus, novo, cum ex *Ephemerorum* claſſe viſa ſit aliis, titulo ornavit.

Cacalia foliis auriculatis, ferratis, ſupra nigricantibus, infra lanugine alba obductis.

Chryſanthemoides hirsutum, foliis ſcabris, oblongis, acutis.

Caltha flore ſolitario, ex alis foliorum longiſſimo pedunculo predeunte.

Carpinus viſcoſa, ſalicis folio integro, oblongo.

Ckamalea trifolia, aculeata, ſloribus ſpicatis.

Ckamalea foliis linearibus, flosculis ſpicatis, echinato fruſtu.

Chenopodium incanum, racemoſum, folio majore, minori oppoſito.

Chenopodium viride, vulgare, Alſines folio.

Cinnamomum, foliis latis, ovatis, frugiſerum. Optimam hanc & præ reliquis eminentem *Cinnamomi* ſpeciem declarat, cum

- novem, unam altera præstantiorem, corticum Canelæ diversitates recensuerint *Acta Cesar. Leopold. Volum. I Anni 1727.*
- Cinnamomum perpetuo florens, folio tenuiore, acuto.*
- Clerodendron folio lato & acuminato.* Viburnis congener & flore & fructu, sed ob tubi staminum vel pistilli conditionem diversa, hoc nomen meruit, quæ, cum Fortunata, seu Pinna, Zeylanensibus dicatur, Clerodendron, quæ vox Græca est, nunc audit, characterem fufius exponente *Linnaeo.*
- Cornus sylvestris, foliis croceum colorem tingentibus, flosculis ad foliorum alas globosis.*
- Cornus Zeylanica, sylvestris, altera Korakaba dicta.*
- Coronilla Zeylanica, herbacea, flore purpurascens.*
- Coronilla Zeylanica, siliquis fuscis, hirsutis, pilosis, flore albo.*
- Crotalaria foliis solitariis, ovato-acutis, caule sulcato.*
- Crotalaria arborescens, trifoliata, glabra, & viridis.*
- Cyticystus, foliis inferioribus confertis, superioribus oppositis.*
Cum Cytisi species ceteroquin sit, eo, quod tumidam ferat, & vesicæ inflar inflatam, siliquam, sic audit.
- Cytisus folio molli, incano, siliquis Orobi contortis, & acutis.*
- Digitalis Zeylanica, hirsuta, foliis Sefami angustioribus.*
- Elæachnus foliis oblongis, acuminatis, maculatis.*
- Elaiocarpus Lauri folio serrato, floribus spicatis.* Laurum equidem habitu præ se fert urba, nec flos tetrapetalos male convenit; novum tamen nomen a fructu, qui oleæ & figura, & usu apud incolas, convenit, meruisse visa est.
- Emerus siliquis geminatis longissimis.*
- Eupatoriophalacron Scrophulariæ aquaticæ foliis oppositis.* *Vailantio Act. Reg. Paris. A. 1720 pag. 421* hoc novum genus & triplicem ejus speciem debemus. Quod nostris etiam in hortis feliciter succrescant, debemus *Jussaviis* fratribus, horti Regii Parisiensis luminibus.
- Filix non ramosa Zeylanica, foliis Adiantbi in modum serratis.*
- Filix Zeylanica, denticulata, non ramosa.*
- Filix Zeylanica, arborescens, pinnis alternis, longis, integris, in apice bifidis, caule membranis aucto.*
- Filix non ramosa, altissima, palustris, pinnis integris, alternis, serratis, acutis.*
- Gramen panniculatum, locustis tenuissimis, subrotundis.*

Gra-

Gramen Dactyloides spicis deorsum aristatis.

Gramen pusillum junci capitulis minimis, ad basin foliis binis auctis.

Grossularia spinis vidua, baccis in racemo congestis spadiceis, foliis crenatis ovato-acuminatis.

Genista articulata, repens, foliis crassiusculis, planis, acutis.

Hedysarum monophyllum, latifolium, siliculis plurimis spica longa digestis

Hedysarum bifolium foliis ovatis siliculis asperis geminis articulatis.

Hedysarum trifoliatum, arborescens, floribus ex alis foliorum, siliquis copiosis, glabris.

Hedysarum trifoliatum frutescens, flore ac fructu inter duo foliola rotunda absconditis.

Hedysarum trifoliatum, spicatum, foliis oblongis, glabris, siliquis asperis, articulatis.

Hedysarum trifoliatum, siliculis inferioribus solitariis, superioribus articulatis.

Hedysarum trifoliatum repens, folio ovali glabro, caule hirsuto, siliqua plana, articulata.

Hedysarum trifoliatum repens, Acetofella folio glabro, caule hirsuto, siliqua plana, articulata.

Jacobaea perfoliata, folio longo, acuto, auriculato.

Hottonia flore solitario ex foliorum alis proveniente. Plukenetio saxifraga Zeylanica millefolii folio dicta.

Jaborapita Cinnamomi folio, floribus spicatis.

Jasminum flore tetrapetalo, Ixora Linnæi, Schetti Hort. Malab.

Jasminum sylvestre triphyllum, floribus rubellis umbellatis.

Jasminum Limonii folio conjugato, flore odorato, pleno, vario.

Jasminum Zeylanicum, folio oblongo, flore albo pleno, odoratissimo.

Inophyllum flore quadrifido. Hoc genus ita appellatum, quod

fibrarum in tendinibus musculorum instar, foliorum nervi

componantur, quo habitu mirum in modum placuit

Vaillantio, qui Calophyllodendrum ab elegantia folio-

rum appellaverat.

Jujuba aculeata, nervosis foliis, infra sericeis, flavis.

Laurus serrata, floribus spicatis, ex foliorum alis convenientibus.
Leucas foliis rotundis, serratis, flore albo. Lanium esse passus
 haud fuit ob calicem tubulatum.

Lyfimachia erecta, caule ter tripartito.

Ligustrum foliis ad singula intermedia ternis: Lignum colubrinum officinis creditum.

Paronychia foliis ad genicula confertis, acutis, floribus umbellatis.
Limones pumili Zeylanici, sylvestres.

Lycopodium Zeylanicum, erectum, ramosissimum.

Lyfimachia folio sinuato, acuminato, trinervio, flore caruleo, amplo, calice carinato, alato.

Malvinda ulmifolia, flosculis pusillis, muscosis, constipatis.

Malvinda foliis inferioribus multifidis, superioribus incis, flore solitario.

Malvinda altissima, Betonica folio, floribus ad genicula gemellis.

Manghar lactescens, foliis Nervii crassis, venosis, Jasmini flore, fructu Persica simili venenato. Planta suam cum apocynis & flore, & lacte, & urendi potentia, affinitatem prodit.

Mentha Zeylanica, pusilla, angustissimo folio dentato.

Mollugo Zeylanica, sylvestris, angustifolia, flore albo.

Marrubium odoratissimum, Betonica folio.

Melaetoma scabra trinervia, eademque quinquenervia. Ex Cistorum gente planta a colore nigrae pulpae, cui semina inclusa sunt, sic dicitur, quod pueri os hac ipsa commaculare soleant.

Micrococcos foliis alternis, oblongis, acuminatis.

Moringa Zeylanica, foliorum pinnis pinnatis, flore majore, fructu anguloso. Moringeros hæc est Christophori Acoetæ, quam nucis Been Zeylanica feracem officinae autumant.

Mussaenda Zeylanica, flore rubro, fructu oblongo, polyspermo folio ex florum thyrso prodeunte albo.

Nerium Indicum, siliquis angustis, erectis, longis, geminis.

Nux Moschata, spuria, sylvestris, Caryophylli arboris foliis, oppositis.

Onobrychis Zeylanica, monophyllor, caule triangulo, petiolis foliorum alatis.

Ornithopodium Zeylanicum, arborecens, Lavandula foliis, flosculis rubellis.

Piper

- Piper*, qui *Saururus* foliis septinerviis, oblongo-acuminatis.
Polypodia tria, 1) vario modo divifum, 2) caule fimpli, & 3) foliis longis ferratis.
Rhamnus Zeylanicus, folio subrotundo, glabro, caulibus hirsutis, spinis exiguis.
Rhus Zeylanicus trifoliatus, *Phaseoli facie*, floribus copiofis, spicatis.
Ricinoides Indica, folio lucido, fructu glabro, grana *Tiglia officinis* dicta.
Ricinoides aromatica, arbor, *Circaea* foliis hirsutis, floribus spicatis, major.
Ricinocarpus Zeylanica, hirsuta, foliis lanceolatis, ferratis.
Ricinocarpus Zeylanica, urens, *Mercurialis* folio, floribus ex alis spicatis.
Urinaria Indica, erecta vulgaris.
Sphaeranthus purpurea, alata, serrata.
Scabiosa Conyzoides, foliis latis, dentatis, semine amaro, lumbricis enccante.
Senna quadrifolia, filiqua plana, hirsuta, flore aureo, sanguinea.
Senna vigintifolia, filiquis teretibus.
Sinapistrum Zeylanicum, pentaphyllum, viscosum, flore flavo, folio solitario, & triphyllum.
Smilax foliis peltatis, cordato-oblongis, floribus minutissimis & copiosissimis.
Tinus humilis Zeylanica, foliis crassis, venosis.
Tithymalus quidam *Betryoides Zeylanicus*, cauliculis villosis, floribus rarioribus, capitulis florum conjugatis, & foliis *Thymi* ferratis.
Tribulus terrestris, *Zeylanicus*, cauliculis villosis, fructu acuminato.
Valerianella foliis nervosis, acutis, flosculis in caulium summa quasi umbellatis.
Vitex trifolia, floribus per ramos sparsis.
Urtica satua, foliis floribusque petiolis longissimā, donatis.
Urtica pilulifera, foliis majoribus longissimis pediculis, minoribus brevibus pediculis donatis.

His omnibus doctissimus *Burmmanus* vel genera cum sufficienti ratione adjudicavit, vel specifica dedit nomina, terminis

nis dominantem differentiam luculenter declarantibus. In votis habendum id unice, ut suo tempore elegantissimæ istæ plantæ natalem in Europa locum invenire possint, de quo desperandum nequam erit. Accesserunt sub finem doctissimi Operis *Catalogi plantarum Africanarum* duo, quorum prior complectitur plantas ab Hermanno observatas, posterior vero illas continet, quas Oldenlandus & Hartogius indagarunt. Ex Capite bonæ spei pleræque siccæ ad Batavos delatæ, locupletissimis Herbariis absconditæ, nunc demum lucem adspiciunt. Imagines habituri sumus propediem, si nostra omnium vota implere non dedignetur Batavæ Floræ sacerdos.

PHYTANTHOZAICONOGRAPHIA, SIVE CON-
spectus aliquot millium, tam indigenarum, quam exoticarum ex quatuor mundi partibus, longa annorum serie indefessoque studio a JOANNE GUILIELMO WEIN-
MANNNO, Dicastæris Ratisbonensis Assessore, & Phar-
macopola Seniore, collectarum, Plantarum, Arborum, Fruticum, Florum, Fructuum, Fungorum, &c. quæ nitidissime æri incisa, & simul diu desiderata ac recens inventa arte, vivis coloribus, & iconibus, naturæ æmulis, excusa & representata sunt a BARTHOLOMÆO SEUTERO, JOANNE ELIA RIDINGERO, & JOANNE JACOBO HAIDIO, Piætoribus & Chalcographis Augustanis; quorum denominationes, characteres, genera, species, & descriptiones, ex optimis, tam priscis, quam neotericis, Autoribus, ordine ac serie Alphabetica, cum probatissimo usu medico, pharmaceutico, chirurgico, ac æconomico, Latino & Germanico idiomate, sincere explicantur, a D. JOANNE GEORGIO NICOLAO DIETERICO, S. Cæsareæ ac Catholicæ Majestatis Consiliario, Sereniss. Principis Furslenberg. Stublingensis Medico ordinario, ac Reipublicæ Ratisbonensis Physico. Voluminis secundi. Missus primus.

Ratis-

Ratisbonæ, per Hieron. Leurium, 1738, fol.

Plag. 19, Tabb. æn. 50.

Diligentiſſime proſequuntur, & politum magis in dies efficiunt, nobilem laborem ſuum Botanophili artifices, & majorem hoc ipſo majoreinque ab omnibus gratiam in eunt. Plantas, quæ litera C inchoant, recenset novus iſte *Miſſus*, habenturque oppido raræ, & partim exoticæ, ex optimis quibuſcunque rei herbariæ Autoribus ſollicite deſcriptæ. *Cacaliaſtri*, quod *Tithymaloides Nerii folio*, hiftoriam breviter deſcriptam habemus. Hanc enim erudiſſimus *Klein*ius primam ſui generis plantam eſſe deprehendit, expoſuit, & icone deſcripſit. Hinc Pariſienſibus herbarum doctoribus æque ac noſtris *Kleinia* paſſim audit. *Cacaos cacaviſera*, frutex Peruvianus, *Cacao* dictus, eleganter admodum & pingitur, & deſcribitur, flore roſaceo, quinque petalis conſtante, cujus piſtillum mutatur in fructum cucumerinum quinquagulum, oris criſpis ſumbriatum, & quinque ſegmentis diviſum, quibus reconduntur nuclei Cacao, ſingulis membranis incluſi. Non calidis tantum in regionibus, ſed paſſim in Germania, naſcitur *Cacubalus*, aliis *Cucubalus*, *Alſine baccifera* aliis. *Caffeæ* arboris fructus, &, qui exinde coctura efficitur, potus, ampliſſima eſt recensio. *Jasminum* eſſe, ſlos infundibiliſormis, bacca dipyrenos, indicat; hinc *Brey*nio dicitur *Jasminum Arabicum caſtanæ folio*. *Calamint*hæ octo enumerantur ſpecies, omittuntur tamen quædam vulgatiores; *præalta bocconis*, & quæ foliis eſt inauratis. *Calami* nomen vindicatur acoro, qui eſt calamus aromaticus officinarum, quamvis, calamum veterum diverſum quid innuiſſe, conſtet. *Cal*thæ terminus, qui jam communi Botanicorum ſuffragio prædicatur, de calendularum ſpeciebus, relinquitur populagini, id quod cur ſic factum ſit, monetur: nempe loquendum eſt cum vulgo, ſentiendum cum eruditis. *Campanularum* plurimæ enumerantur ſpecies, ſed, quod inter ſynonyma numeratur, *Trachelium* genus nunc eſt, & ſecceſſum fecit a *Campanulis*. *Cancamum*, ex quo gummi *kikekunemalo*, arborem Arabicam myrti folio, prout a *Meryo* deſcribitur, ex ingenio ſupplevit Collector. *Cannacori* omnes

omnes, quas horti alunt, species non habentur. Desideratur *Glaucophyllus* angustifolius, & latifolius, & qui folio est variegato. *Chaquerilla* descriptio cum ea, quæ habetur apud *Catesby*, solertissimum Ichthyographum & Botanographum, qui, ricinoidis speciem esse, pro certo affirmat, non convenit, multo minus cortex *Winteranus*, vera lauri species, cum *Chaquerilla* coincidit, quamvis verum sit, hæc inter se confundi, & unum pro altero accipi. In describendo *Cardamomo* operosi fuerunt Collectores, & triplicis, quod in officinis proflat, majoris, longi, & minoris, historiam accurate recensent. *Cardiaca* cum lycopo confundi neutriquam debet, nec *Carduo benedicto* *Carduorum* character per omnia convenit, cum *Cnicus* sit communi Botanicorum suffragio, sicut & a *Carduorum* classe merito expungitur sic dictas *Sphærocephalos*, qui *Echinopi* semper titulum tulit. *Carlina* plures novimus species; *Carlina* sylvestris, quæ *Heracantha*, vulgatissima est. *Carvi* species accurate recensentur, sed & *Caryophyllata* quædam in hortis est foliis pictis. Arbor *caryophyllifera* ex rei medicæ utriusque Indiæ Autoribus, itidemque Itinerariis præstantioribus, delineatur & describitur, Habituri sunt eo majus laudis & famæ incrementum Collectores, si, quandoquidem *Linnei* ubique cum honore mentionem faciunt, juxta ejus methodum semisflosculorum, vel flosculorum ex compositis, segmenta, cornicula, vaginulas, aliaque, accurate delineare, capsulas insimul cum seminum figuris describere, voluerint. Ajunt enim, quod semel fit, id splendide fieri debere.

THEOPHILI SIGEFRIDI BAYERI, REGIOMONTANI, de Horis Sinicis, & Cyclo horario, Commentationes. Accedit ejusdem Autoris Parergon Sinicum de Calendariis Sinicis: ubi etiam quedam in Doctrina temporum Sinica emendantur.

Petropoli, typis Academiæ Scientiarum, 1735, 4.

Plag. 5, cum Tabb. æn. 8.

Scriptæ sunt hæc Commentationes ad Virum Clarissimum, *Asphonsum Vignolsum*, Astronomum Regium & Chronologum
exi.

eximium, qui in *Miscellancorum Berolinensium Tomo IV* egregia quædam contulit ad illustrandam Chronologiam Sinicam. Is vero, a Cel. *Bayero* ad illam operam excitatus, nunc eum vicissim incendit, ut nova quædam in illam obscurissimam doctrinæ partem contribueret. Dicit igitur hoc loco de Cyclo horario Sinico, quem, a se olim tenuit & mendose propositum, a *Vignolio* prætermisum esse vidit. Adjungit de 11 annorum Ephemeridibus Sinicis Parergon, *Vignolii* de cyclis mensium dierumque rationes confirmandas & perficiens. Errores etiam quosdam, qui in doctrina temporum Sinica exstant, tollendos, & nonnulla, ad illustrandam Chronologiam Orientalium populorum, admiscenda, judicavit. Unaquæque hora Sinica æqualis est duabus Europæis, dividiturque in duas semihoras, quarum una uni horæ Europææ respondet. Prior semihora dicitur *inien*s, posterior *re-cta*, seu *vera*. Porroque singulæ semihoræ in quatuor quadrantes, & quadrans in 15 minuta, secatur. Minuta secunda Sineses non curant. Incipit autem prima hora Sinica ante mediam noctem, ita, ut punctum mediæ noctis, & initium diei civilis Sinici, in mediâ horam primam, meridies vero in mediam septimam, incidat. Nam, hoc fere perpetuum habere Sinas, docet Cel. *Bayerus*, ut media in divisionibus suis sectentur, ipsamque Eclipticam in medio signo incipiant. Itaque, cum hora Sinica postrema, quæ *Hai* dicitur, illud temporum spatium complectatur, quod inter nostram nonam & undecimam nocturnam intercedit, ubi nos, exempli causa, feribimus: 9 hor. 51 min. Sini ad hunc modum: horæ *Hai* ineuntis quadr. 3 min. 6. Ubi nos: hor. 10 min. 16, Sini ita: horæ *Hai* parte posteriori, quadr. 1 min. 1. Quæ ut simul cum cyclo 12 animalium, quorum nominibus non Sineses modo, sed etiam gentes vicinæ, & Zodiacum, & menses, & horas, appellant, eo facilius cognosci queant, satis extensam Tabulam Vir Celeberrimus adjunxit, in qua & nomina horarum Sinicarum, & semihoras singulas, & quadrantes 15 minutorum, cum nostris horis & minutis comparata, cyclumque animalium, de quo diximus, uno obtutu adspicere licet. Addidit etiam alias quasdam Tabulas, in quibus Sciatericum

Uuu

Sini-

Sinicum, ex museo Illustriss. Comitis *de Biron*, & numum Sinicum maximi moduli, ex museo Illustriss. Comitis *de Ostermann*, (in quo numo & nomina horaria, & imagines 12 animalium, & alia quædam, cernuntur,) itemque nomina & characteres signorum Zodiaci, Calmucice, Mungalice, & Mandgiurice, expressa, ante oculos posuit. Restat, ut de Parergo Sinico, quod Vir Clariss. sub finem harum Commentationum adjecit, pauca dicamus. Exhibentur in eo XI annorum Ephemerides, quas Rev. Viri, *Ignatius Kægler*, Mathematici tribunalis Præses, *Andr. Pereyra*, & *Car. Slavicek*, S. J. Missionarii, Pequino ad Autorem transmissit, Afferemus ex his Ephemeridibus, exempli gratia, duas priores, quæ ita se habent: Cycli sexagenarii septuagesimi quarti anno 40, Epochæ XIX annorum, anno 13, a die 5 Febr. Gregor. A. 1723, ad d. 25 Jan. A. 1724, primus mensis *Kia yn*, itemque menses 3, 6, 7, 9, 10, 12, fuerunt dierum 30, ceteri dierum 29. Ab undecimo mense incepit epocha quinquennalis sequens. Primo hujus anni die, *sin su*, Sol in Aquario fuit, gr. 15 min. 29, constellationis *nien* gr. 7 min. 33. Ejusdem cycli anno 41, Epochæ XIX annorum, anno 14, a die 26 Jan. A. 1724, ad d. 12 Febr. A. 1725, primus mensis *pim yn*, ceterique, præter 2, 4, 6, 8, 9, 10, 12, dies habuerunt 29: mensis etiam intercalaris post quartum, totidem constitit diebus. Primo hujus anni die, *pim su*, Sol in Aquario fuit, gr. 5 min. 5, constellationis *nieu* gr. 4 min. 49. Est autem ea apud Sinenses intercalandi ratio, ut ille intercalatur mensis, in quo Sol nullum Zodiaci signum ingreditur, quod quidem his temporibus contingit, anni tertii mense 5, anni sexti mense 3, anni 8 mense 8, anni 11 mense 6, anni 14 mense 4, anni 17 mense 3, anni 19 mense 7. Ceterum de mensibus Sinis alio tempore, cum continuatam XIXlis Epochæ calendariorum seriem nactus fuerit, plura se dicturum, doctissimus Autor pollicetur.

NOVA LITERARIA.

Quas haud ita pridem Mediolano ad nos transmissit Nobilissimus *Philippus Argelatus*, Augustissimo Imperatori *Carolo VI* a Secretis, publicas ad *Eruditor* literas, annuntiantes

tes nobis felicissime absolutum magnum rerum *Italicarum* Opus *Muratorianum*, inchoatumque similis fere instituti novum, eas integras Lectori, multa inde cum voluptate cognituro, & *Muratorii* æque ac *Argelati* de erudita civitate optime merendi studium iustissimis plausibus prosecuturo, hic legendas damus:

Divino tandem juvante presidio, editionem Rerum Italicarum, a Clarissimo Viro, Ludovico Antonio Muratorio, collectarum, absolvimus, preloque dimissimus Tomum XXVII, qui Scriptorum nostrorum chorum claudit. Longa sane temporis diuturnitate ad implementi expectationem propemodum fatigavimus Antiquitatum Italicarum studiosos; at fortune potius tribuendum, quam desidia nostræ. Ita enim adversus infortuniorum repetitam acerbiter pugnâvimus, omnique conatu contendimus, ut ab opere incepto in hanc usque diem anni quindecim nobis, licet ad calcem properantibus, effluerint. In causa namque fuit in ipso laborum nostrorum initio sædum incendium, quo Regia Curia pars magna conflagravit, eo præcipue loco, e quo facta ingenti strage, flammæ ac cemeniæ semistulata in typographicam officinam nostram corruebant, qua ruina, & incendio, factum est, ut primorum quatuor Tomorum suppositus cumulus vel flammis, vel aqua, vel improborum hominum rapinis, fuerit absortus, eosque iterum duplicatis frustra impensis ediderimus. Bellorum deinde strepitus, qui tres integros ferme annos Langobardiam præcipue nostram concussit, quantum nobis impeditenti ac jactura intulerit, æstimare vix possumus. Sed juvat hæc utcumque dolenda meminisse post liberatam fidem nostram, datumque posteris insigne monumentum, quod nullo deinde tempore perituro esse, jure merito speramus. Ex his enim, Lector humanissime, cognosces, liberali, quem decebat Patricios Viros, animo Palatinos hosce Socios Operi vastitate sua magno manum admovisse, bonarum literarum emolumento, non lucro, studentes. Quem enim alterum repetita jactura vel in ultimam paupertatem non deturbassent, vel ab infelici opere non deflexissent? At insederat adeo in eorum pectoribus, cum primum Operis specimen inspexerant, necum a præstantissimo Muratorio communicatum, & in

hanc urbem delatum, utilitas maxima literarum, quæ ab evulgandis tot Historicorum nostrorum libris manare poterit aliquando in universos, ut, sicuti ne momento quidem temporis hastaverant in paranda editione, ac deinde ferme certaverint in ea expolienda & ornanda, ita existimationi suæ necessarium reputaverint, quibuscunque conditionibus inceptum semel Opus absolvere, potissimum ne Augustissimi Imperatoris nostri patrocinio deesse videremur, postquam tanta in Operis edendi commodum munificentie suæ dona contulerat, sacroque Augustissimo nomine suo illustrandum clementissime concesserat. Deo itaque primum debitas gratias rependimus ob superatos feliciter innumeros prope labores, & Augustissimo Casari ob eximia beneficia, ceterisque Principibus, quibus etiam singulos hujus Operis Tomos dedicavimus, vel ad rependendum officium debitum ob communicatos Codices, in eorum Bibliothecis latentes, vel ad paranda nobis undecunque desiderata patrocinia, ut acceptiores omnibus labores nostri in vulgus exirent. Debebit sane in posterum Italia, cum ceteris nationibus, Clariss. Muratorio clariorem rerum gestarum notitiam per ea tempora, quæ majoribus erant tenebris obruta, ejusque consilium de colligendis antiquitatum earum ruderibus, nulla satis ætas in posterum commendaverit; neque decrunt laudes & iis omnibus, qui celebratissimo Autori cultissima in hac urbe opitulatrice manus præbuerunt. Et, quoniam hoc unum ad absolutum Operis implementum desiderari adhuc posse cognovimus, Indicem nempe rerum universarum, quæ nostris in Tomis continentur, ne singulos evolvere studiosi cum longa temporis jactura, multoque incommodo, cogantur, cum accuratis peritisque Viris in eam formam componendum curavimus, ut omnia ordine alphabetico disposita repræsentet, primo scilicet Autorum omnium nomina, qui nostris in Tomis congesti sunt, & paginas Tomi ejus, ubi singulorum historiæ initium habent. Triplici autem ordine Autorum nostrorum nomina recensentur. In primo sunt juxta sectiones Tomorum nostrorum, ita, ut cujusque Tomi Autores enarrentur. Secundus eorundem Autorum habet nomina, ordine alphabetico dispositorum. In tertio locorum potius, quam nominum, ratio est habita, ita, ut in-
scri.

scriptis Provinciarum aut Urbium nominibus, catalogus Autorum nostrorum, qui ejus Provincia, vel Urbis, historias conscripserunt, ordine Chronologico subnectatur. Quartus Index erit Chorographicus urbium, pagorum, & locorum, fluminum, montium, & similium, ad Geographiam Italiae spectantium, omnium, quorum est in Collectione nostra, singulisque in Autoribus, memoria. Quintus erit rerum universalium, quem materiarum appellant, & nominum, tantaque copia redundabit, ut breviarium potius universorum Autorum appellare possis. Postremum Familiarum Italicarum omnium faciemus, ut legentibus quibusque hac etiam in parte sit commodissimus. Facili sane negotio haec omnia recitantur. Sed bone Deus! in tanta rerum & Scriptorum copia, quem improbum assiduumque laborem inire oportuit non unum, sed plures, eosque patientissimos, literatos Viros, quantumque fuit eris impendendum, ut commoditati legentium consulatur! Erit propediem usui tuo, Lector humanissime, novum hoc instrumentum, ut ita dicam, studiis expoliendis opportunum, & fortasse necessarium. Ex collatis enim variorum Historicorum testimoniis non exigua lux apparebit, qua bonae criseos exercitamenta facillime proponat. Sed ad postremum hunc Tomum redeamus, ut, servato more, leviter, quae in eo continentur, attingamus. Et primum de nostra Dedicatione sit sermo, qua sacro, unde inceperamus, auspicio, ab Austriaco nempe Imperiali Numine, feliciter omnia persolvimus. Ita enim propitiam fortunam experti sumus, ut, quam veniam impetravimus ab Augustissimo Imperatore nostro Carolo VI, dicandi Majestati ejus labores nostros, eandem simili benignitate concesserint Serenissimus Princeps Franciscus Stephanus, Dux Lotharingiae, ac Maria Theresia, Archidux Austriae, Magni Etruriae Duces, paternae munificentiae in bonas literas exemplum imitati, unde gaudebis perennatum communibus studiis eximium patrocinium a Principibus iis, a quibus propagandam impofterum Austriacam Familiam ad perpetuum Orbis terrarum imperium, ut a Superis instantissime petimus, & speramus. Omnia, quae in hoc Tomo continentur, nunc primum in publicam lucem efferuntur, nec unicum tantum est eis pretium a novitate, sed a nomine gravissimorum Autorum. Bisariam

vero dividitur Tomus: una namque pars continuationem præcedentium Tomorum habet, servata Chronologia temporum; altera vero prætermissa quedam continet, quæ sero nimis ad nos allata sunt, suisque opportunis in locis collocare non potuimus post impressos priores Tomos. Satiùs tamen duximus, ea omnia tanquam appendicem subnectere, quam temporis edacitati relinquere, cum facile possis lectione tua in suam debitam sedem revocare. Illustratam sane Italicam Historiam tot Scriptorum numero nemo negaverit. Sed nondum satis visum est præstantissimo Muratorio. Quamobrem novo ingenti labore ad novam lucem aperiendam manum convertit, excussis aliis antiquitatum ruderibus, unde plurimum eruditionis ad barbara potissimum tempora conferendum habemus. Hanc ipse alteram Collectionem Palatinis obtulit, eamque ambabus ulnis accepimus. Hoc est novum insigne ipsius Opus, cui titulus: Antiquitates Italicæ mediæ ævi, sive Dissertationes de moribus, ritibus, religione, regimine, magistratibus, legibus, studiis literarum, artibus, lingua, militia, nummis, principibus, libertate, servitute, fœderibus, aliisque, faciem & mores Italici populi referentibus, post declinationem Romani Imperii ad annum usque 1500. Omnia illustrantur & confirmantur ingenti copia Diplomatum & Chartarum veterum, nunc primum ex Archivis Italiæ depromptarum, additis etiam Nummis, Chronicis, aliisque monumentis, nunquam antea editis. Videbis igitur ingentem copiam Diplomatum & chartarum veterum nunc primum ex Archivis Italiæ in vulgus emissam, quantam nemo sane cogitare poterit adhuc in maxima priorum temporum perturbatione superesse. Dantur suis etiam locis & Inscriptiones, & Monogrammata, Numorum Sigillorumque figuræ, & quicquid tandem illustrandæ Antiquitati nostræ conducere poterit, sub oculis exhibentur; tantaque diligentia renovatis characteribus editionem incepimus, ut alterum hoc monumentum Italicum elegantia numeros omnes impleturum esse credamus. Erunt sane, qui gaudeant opus illud elevatum, quod in arena signaverant, suone, an alieno, ex ingenio, incertum: sed fecisse potius juvabit, quam proposuisse, imo, quod est in adagio, ex facto cognoscent, vix aliquid excogitari posse, quod ab altero

non

non fuerit ante cogitatum. Hoc unum tamen dolere cogor, quod par cum ceteris Palatinis meis non sit mihi fortuna, cui levanda utcumque digna Casare liberalitas non semel accurrerit, ea tamen est temporum difficultas, ut beneficium sentire vix possim. At erit Imperialis clementia praesidium etiam adversus malignitatem temporum praesentissimum, sufficietque vires ad haec etiam absolvenda, ut orbe aliquando pacato meliora sperare possim, ut, qui labori non parco, senescente jam serme atate in otio conquiescam. Tu interim, Lector humanissime, libenter haec accipe, ad studiorum tuorum incrementum parata, & vale. Dabam Mediolani 4 Non. April. A. 1738.

His ipsis Nobilissimus Argelatus Tomi XXVII Scriptores Italiae, nuperrime editi, Elenchum subjecit, quem & ipsum huc transferendum judicamus. Continentur vero hoc Tomo Scriptores sequentes: 1) de Bello Gallico, sive de rebus in Italia gestis a Carolo VIII & Ludovico XII, Gallie Regibus, ab anno 1494 usque ad annum 1500, Autore Marino Sanuto, Leonardi filio; Commentarius Italice scriptus, & nunc primum e Codice MSto Bibliothecae Estensis in lucem editus. 2) Diarium Ferrariense, ab anno 1409 usque ad annum 1502, Anonymo Autore synchro- no Italice scriptum, & continuatum; nunc primum in lucem prodit ex MSto Codice Bibliothecae Estensis. 3) Petri Cyrenzi, Clerici Aleriensis, de rebus Corsicis Libri IV, a temporibus Romanorum usque ad annum 1506; nunc primum prodeunt ex MSto Codice Bibliothecae Christianissimi Regis. 4) Bartholomaei Senaregzi, Genuensis, de rebus Genuensibus Commentaria, ab anno 1488 usque ad annum 1514; nunc primum publici juris fiunt e MSto Codice Bibliothecae Vaticanae. Accedit huic Tomo Appendix, haec Lectori exhibens: 1) de Constantio Chlora, Constantino Magno, & aliis Imperatoribus, excerpta Autoris ignoti, ab Henrico Valesio jam edita, cum Notis Hadriani Valesii, Historiographi Regii, ad commune commodum denuo nunc recusa. 2) Fragmenta Historiae Pisanae, Pisana dialecto conscripta, ab anno 1191 usque ad A. 1337, Autore Anonymo. Accedunt alia Latinis literis consignata, ab anno vulgari 1270 usque ad annum 1280, Autore Guidone de Corvaria, sive de Vallecchia, Judice, & demum Canonico Regulari. Omnia
nunc

nunc primum prodeunt e MSto Codice Antonii Nicolini, Patri-
 cii Florentini, atque ex altero Bibliotheca Stroziana. 3) Poly-
 historia Fratris Bartholomæi, Ferrariensis, Ordinis Prædicator-
 um, ab anno 1288 usque ad annum 1367, Italice conscripta, &
 nunc primum edita e MSto Codice Marchionis Bonifacii Ran-
 gonii, Mutinensis. 4) Annales urbis Aretinae, ab anno 1192 usque
 ad annum 1343, Autore Anonymo, nunc primum luce donati ex
 MSto Codice Clariff. Viri, Francisci Redii, Equitis S. Step-
 hani. 5) Chronicon Neritinum, sive brevis Historia Monasterii
 Neritini, ab anno 1090 usque ad annum 1368, Autore Stephano,
 Monacho Benedictino, Abbate Montis-Alti, ab altero Scri-
 ptore continuatum usque ad annum 1412; nec non Descriptio
 Belli a Venetis A. 1484 illati Provinciae Hydruntinae, An-
 gelo Tafuro Autore. Omnia nunc primum in lucem educun-
 tur e MSto Codice Clariff. Viri, Joannis Bernardini Tafuri,
 Neritini, cum Notis ejusdem. 6) Chronicon Sublacense, sive
 Catalogus Abbatum Monasterii Sublacensis, ab anno circiter
 595 usque ad annum 1390, Autore Monacho Sublacensi An-
 onymo. Nunc primum prodit ex MSto Codice Romano. 7) Dia-
 rium Romanum ab anno 1404 usque ad annum 1417, Autore
 Antonio Petri, nunc primum editum e MSto Codice Biblio-
 theca Estensis. 8) Antonii Nerlii, Abbatis, Breve Chronicon
 Monasterii Mantuani S. Andreæ, Ordinis Benedictini, ab anno
 1017 ad annum 1418, nunc primum editum e MSto Codice Mo-
 nasterii Padolironensis. 9) Fragmentum Siculae Historiæ, ab
 anno 1287 usque ad annum 1434, Autore Anonymo, nunc pri-
 mum publici juris factum e MSto Codice D. Innocentii Ro-
 chaforte Bonadies. 10) Miscellanea Historica Pauli Filii Lælii
 Petroni, Romani, ab anno 1433 usque ad annum 1446, nunc pri-
 mum edita ex MSto Codice Bibliotheca Vaticana. 11) Michae-
 lis Savonarolæ Commentariolus de laudibus Patavii, A.
 1440 compositus, & nunc primum in lucem perductus ex MSto
 Codice Comitit Sertorii Ursati. 12) Fragmenta Chronici Foro-
 julienfis, Autore Juliano, Canonico Civitatenfi, cum addita-
 mentis ab anno Christi 1252 usque ad annum 1364; nunc
 primum prodeunt ex MSto Codice Biniano.

NOVA ACTA ERUDITORUM,

publicata Lipsiæ

Calendis Septembris Anno MDCCXXXVIII.

Pars II.

CEREMONIES ET COUTUMES RELIGIEU-
ses des peuples idolâtres, &c.

h. e.

CERIMONIÆ ET RITUS SACRI GEN-
tium idololatricarum, *representati Figuris splendidis,*
in æs incisæ manu BERNARDI PICARDI;
cum harum explicatione historica, & Dissertationibus
aliquot lectu dignis. Tomus primus, Partibus duabus
distinctus, quarum prior continet ritus sacros populo-
rum Indiæ Occidentalis, posterior exhibet Differ-
tationes in sacra Indorum Orientalium.

Amstelodami, apud Jo. Fr. Bernardum, 1723, fol. maj.

Pars I Alph. 2 plag. 8, Tabb. æn. 34, Pars II

Alph. 2 plag. 3, Tabb. æn. 11.

De splendidissimi hujus Operis, satis hominum doctorum
studiis inservientis, at otiosorum inprimis oculos pa-
scentis, instituto, ordine tractandi, pretio, & dignitate,
satis dictum est nuper *Menfis Junii hujus Anni Parte II,*
cum priora *duo Volumina* ejus Sectionis, quæ ritus sacros po-
pulorum omnium, quicunque alieni sunt ab idololatria pa-

Xxx

gano-

ganorum, exhibet, in compendium redigeremus. Jam, cum eum Operis sui ordinem fecerint Editores, ut separatim aliquot *Voluminibus* gentium idololatricarum ceremonias complecterentur, horum argumenta eodem, quo ceterorum, studio commemorabimus, a *primo* initium dicendi facturi, ad cetera suo tempore progressuri. Est hic *Tomus Partibus duabus* distinctus, quarum *prior* gentes Indix Occidentalis in scenam producit; *posterior* Indos Orientales communi spectaculo risuique politi orbis exponit. Ita vero res suas Autor, cujus nomen ignoramus, in hoc pariter ac ceteris *Voluminibus* peregit, ut primo loco generatim ritus populi alicujus describeret, tum ritus singulos ordine satis concinno exponeret, aut integros libros, qui instituto huic favent, suis illustratos annotationibus, infereret. *Prior Tomi* hujus *Parti* initium sumit a Dissertatione, quæ ceremonias Americanorum describit, & quantum cum priscis aut recentioribus populis conveniant, accurate docet. *Capitibus* hæc XIX absolvitur, quibus de origine Americanorum, idololatria, de supremo Numine sententiis, sacrificiis & vaticiniis, puerperio, nominum impositione, matrimonio multiplici, linguis, habitu corporis, vario ornatu, pulchritudine formæ, exercitiis corporis, utriusque sexus commercio, victus cultusque ratione, morbis ac medelis, humanitate ceterisque virtutibus, agricultura, bellis, amore in patriam, mercatura, judiciis, mancipiis, funeribus, Annales condendi, & suam ad feros posteros memoriam propagandi, consuetudine, disseritur. Autores sunt varii, e quibus sua desumpsit Autor, quo pertinent *Lescarbot, Coreal, Hennepin, la Mothe le Vayer*, Collectores Itinerariorum in partes Septentrionales, *la Poterie*, & Baro *Hontanus* Hos laudat, sed *Gueudevillium* malæ fidei accusat, hominemque ait, ut aliis suis scriptis, ita & *Hontani*, relationibus, quo lectores demulceret, multa adpersisse, quæ rerum gestarum veritati contradicant, Nostri officii esse non putamus, neque etiam chartæ angustia patitur, optimarum rerum, lectuque dignissimarum, ex ingenti Volumine compendium exhiberi. Ad sequentia igitur progredimur hujus Dissertationis Supple-

plementa, quæ ipsam Dissertationem triplo fere superant, & quæ dicta sunt de omnibus, strictius, quæ de singulis gentibus, latius, exequitur, adjectisque figuris illustrat. Eodem autem, quo incepit, ordine Americanorum de Deo, & mundi creatione, opiniones, divinum cultum, templa, pompas, magos, artes ac disciplinæ modum, festos dies, sacrificia, belli aut pacis ineundæ sanctiones, Medicos, quorum plerique sacrorum curam gerunt, exequias, pollincturam Regum, quæ apud Virginienſes præſertim in ulu eſt, nuptias, divortia, venationem, annorum (ut plurimum lunarium) intercalationem, hieroglyphica, & modos, rerum geſtarum memoriam conſervandi, deſcribit. Primi ſunt pag. 77 Hudſonienſes, quos pag. 80 Miſſiſſipienſes, Terræque novæ incolæ, ac Iroquani, pag. 85 Canadenſes, pag. 108 Californienſes, Novoalbionenſes, & Novomeſſicani, pag. 110 Virginienſes, pag. 124 Floridani, pag. 134 Inſularum Caribænſium incolæ, pag. 142 Hiſpaniolenſes, pag. 144 Mexicani, eorumque vicini, pag. 165 populi Campechiz, Jucataniz, Tabasſci, Cozumeliz, Venezuelæ, pag. 166 Nicaraguenſes, pag. 168 cives Dariæ, Panamæ, Novæ Granadæ, Cumanæ, pag. 175 Cubaguenſes, Caribænſes, & Novæ Andaluſiæ cives, pag. 177 Orenoquiani & Guianenſes, pag. 179, qui ad Amazonum fluvium habitant, & qui interiorem Americam Meridionalem, uſque ad Peru, poſſident, pag. 180 Braſiliani, pag. 184 Platenſes, & feri illi homines, longius remoti, tandem pag. 186 Peruviani, ſequentur. Sub ſinem hujus *Partis* comparat Index errorum, & omiſſorum Supplementa quædam.

Pars poſterior, uti jam dictum, ritus ſacros Indorum Orientalium tradit. Summa hujus *Partis* argumenta Præſatio præmiſſa docet. Primo quidem loco comparat Anonymi Tractatus de eo, in quo Indiæ orientales cum Judæis & aliis vetuſtis gentibus conveniant. Editus eſt ille A. 1704, 12, & præter ſacros ritus, multa, quæ curiam & rem publicam tangunt, pertractat. Excipit hunc Diſſertatio de religione Banianenſium, non Banjanenſium, ut habet Pariſienſis editio. Eſt hæc Anglice primum a *Lordo* conſignata, poſtea Gallice converſa. Verum nec Autor, nec interpres, Editori noſtro

fatis probavit industriam suam. Ille enim partim obscœnis narrationibus, partim variis & justo amplioribus excursionibus, ita libri molem auxit, ut non docere homines, sed male locatam ac intempestivam ostentare eruditionem, videatur; quo factum, ut multa omiſſa hic & neglecta sint, quæ nec utilia Editori, nec adeo necessaria, visa sunt, e. g. longa nimis ac diffusa refutatio sententiæ Braminorum, qua transvolutionem animarum ex uno corpore in aliud asserunt, quæ per se satis est ridicula, & refutari vix meretur. Interpres autem, Gallicæ linguæ ignarus, tam rudi & agresti sermone usus est, ut expoliendum hunc, ac delicato seculo accommodandum, Editor duxerit. Sic etiam *Pagodas* Indorum fat incondite vertit *Ecclesias*, & lavacrum, quo liberos imbuunt, Baptismum, quorum loco Editor voces aptas & ad rem accommodatas substituit. Legitur posthæc *Abrahami Rogerii* Dissertatio de ritibus Brachmanorum, quæ, licet non adeo prope institutum Editoris attingat, digna tamen visa est, quæ ob egregiam rerum, quas tractat, copiam denuo edatur. Verum eodem hæc, quo præcedens, vitio laborare dicitur. Multa affert inutilia, vana, superflua. Ex Belgico quoque sermone, quo Autor scripsit, tam imperite, tam barbare, conversa est, ut nec intelligi, nec legi, nisi ab illis forte, potuerit, qui certis de causis penitus res illas cognoscere & rimari voluerint. Interpres est *Thomas la Grue*, Artium & Medicinæ Doctor, qui edidit libellum Amstelodami A. 1670, 4, idem ille, qui ex Anglico tranſtulit *Alex. Rosi* librum de Ritibus sacris totius orbis, quem Editor omnium, qui lucem viderunt, luce publica judicat indignissimum. Hi sunt Auctores, quos Præfatio commemorat. Sed in ipſo libro plures habentur. Sequitur enim Dissertatio historica de Diis Orientalium Indorum, *Capitibus XIX* distincta, quibus Autor metamorphosin Deorum, fideni Indorum, opinionem, qua Trinitatem sub idolis suis *Bruma*, *Vixnu*, & *Rutrem*, effingunt, horum Numinum facta, sententiam Indorum de inferno, de anima, de mundo, ejusque perduratione, de Eclipsibus, temporum vicissitudinibus, &c. exponit, & demonstrat, in mul-

tis

tis Christianorum sacra cum Indicis convenire. Inde legitur Epistola P. *Boucheti*, Soc. Jesu, Missionarii Madurensis, & Superioris novæ Missionis Carnatensis, ad Episcopum, cujus finis est, ut ostendat, religionem Indorum totam e libris Mo-
 sis & Prophetarum esse desumptam. Tandem Supplementum Tractatum præcedentium coronidem huic *Tomo* imponit, in quo ceremoniæ Indorum sacræ figuris æque ac scripto sermone illustrantur, & de Brama, Ixora, Puda, Pexaios, Pés, Quenyvada, Wisnou, ejusque decem mutationibus, agitur. Sed, cum plurimum differant Autores, qui illas recensent, & alio modo mysteria illa interpretentur: aliter enim hæc *Rogerus*, aliter *Baldeus* in Descriptione Coromandelix, aliter Lusitanus quidam Autor in Descriptione Deorum Indicorum, aliter *Kircherus* in China illustrata, referunt; Autori duplici modo depingere & exponere, quicquid est nugarum, & *Kircheri* verba Gallice versa inserere, visum est. His dimissis, ulteriorem *Wisnou* cultum sub nomine Jagarnat, & *Ixora* sub nomine Mahaden & Lingam, Indorum processiones, Kamaetzmam Deum, pœnitendi modos, festa, choreas, adorationes, cultum serpentum, incantationes, oracula, pagodas, terræque, cui pagodæ superstruuntur, consecrandæ modum, lotiones Malabarorum, sacros cineres, & studia Braminorum, enarrat.

POETRIARUM OCTO, ERINNÆ, MYRUS, MYRTIDIS, CORINNÆ, TELESILLÆ, NOSSIDIS, ANYTÆ, *Fragmenta & Elogia, Græce & Latine, cum Virorum doctorum Notis. Accedit* GOTHOFREDI OLEARII *Dissertatio de Poetriis Græcis, Autorum veterum testimoniis & Supplementis variis aucta, cura & studio* JO. CHRISTIANI WOLFII, in Gymnas. Hamburg.

P. P. qui Notas & Indices adjecit.

Hamburgi, apud Abrahamum Vandenhoeck, 1734, 4 maj.

Alph. 1 plag. 6.

Xxx 3

Votis

Votis igitur eruditorum & Græcæ literaturæ amantium egregie satisfecit Cl. *Wolfius*, quod promissis olim datis se exsolvit, & *Sapphoni*, Poetrix Lesbicæ, etiam reliquarum octo Fœminarum adjecit. Carmina, Fragmenta, & Elogia, quæ in *Fulvii Ursini* editione continebantur. Nullum dubium est, Græcarum literarum studiosos hunc *Tomum secundum* (de *priore* diximus in *Actis Anni 1735 Mens. Jun. pag. 250*) Poetiarum Græcæ eodem applausu & favore esse suscepturos, quo *Sapphonem* dignati sunt, præsertim cum nitore, elegantia, accuratione, & diligentia, priori nihil cedat. Eadem enim ratione harum Fœminarum Carmina recenset Cl. Editor, qua in *Sapphone* edenda fuerat usus. *Ursini* editionem maxime sequendam sibi duxit, ita tamen, ut non solum eam emendaret, sed etiam sæpius adderet, quæ in ea prætermissa erant, & tamen ad Fragmenta harum Fœminarum pertinebant. Interpretatio Latina e regione singulis paginis posita est, ut in *priori Tomo*. *Thomas* quidem *Thomajus Vargas*, Hispanus, in Animadversionibus suis ad *Garcilassi de la Vega*, Poetæ Hispani, Carmina, quæ prodierunt Madriti A. 1622, 12, Latinam suam versionem Græcarum Poetiarum, notis instructam, *pag. 27* commemorat. Et *Nicolaus Antonius* in Bibliotheca Hispanica *Nova Tom. II pag. 253* refert, *Vargam* privilegio Regio ad Collectionem hanc edendam jam ab A. 1621 munum fuisse. At vero, hanc versionem non vidisse lucem, ex eo patet, quod *Antonius* illud A. 1672, postquam *Vargas* A. 1641 fati functus fuerat, tanquam *avêxderov* afferat. Comparet itaque hic interpretatio Latina horum Fragmentorum, quam alii jamjam dederant in illis Autoribus, unde transumpta sunt, quanquam etiam nonnunquam nova fuit addita, ubi id postulabat necessitas. Sunt autem harum Fœminarum, quæ in hac Parte sistuntur, numero octo. Primum tenet locum *Erinna*, patria Lesbia, quæ æqualis *Sapphonis* fuisse dicitur, in quam *Antipatri*, *Leonida*, *Asclepiadis*, *Antiphanis*, & aliorum, Carmina, cum nonnullis ipsius *Erinnæ* Epigrammatibus & Fragmentis, sistuntur. Altera Fœmina *Myro* est, By-

Pag. 2 - 24.

26 - 27.

Byzantia, *Homeri* Tragici vel mater, vel filia, cujus Carmina & Fragmenta hic Lectoribus exhibentur. *Tertio* leguntur *Myrtidis*, Anthedoniæ, -cujus inprimis *Plutarchus* ineminit, Carmina, *quarto Corinna*, Tanagrææ, quæ *Pindari* temporibus vixisse dicitur, illumque quinquies superasse, *quinto Telephila*, Argivæ, quæ temporibus *Cleomenis*, Spartanorum Regis, floruit, *sexto Praxilla*, Sicyoniæ, cujus inprimis Ode *Achilles* laudatur ab antiquis, *septimo Nossidis*, Locrensis, cujus maxime Epigramma in *Rhithonem* celebratur, quod etiam solum de ea habet *Ursinus* in sua Poetriarum editione, cui tamen plura ejusdem Carmina ex aliis adjecit Cl. Editor; *octavo* & ultimo loco *Anya*, Tegeatidis, Epigrammata comparent. Plura omnino habet Carmina hæc editio, quam *Ursiniana*, quæ diligentix & curæ Cl. *Wolfii* debentur, cum ea ex variis Autoribus collegerit, & insuper in notis subiectis sollicitè indicaverit, unde singula aut Carmina, aut Fragmenta, aut Elogia, sumta sint. Præterea doctissimorum Virorum Annotationes & Observationes omnes ex variis Autorum editionibus, ex quibus hæc Fragmenta sumta sunt, textui subiectas deprehendere licet. Itaque habes in hac editione non solum *Ursini*, *Obfopæi*, *Brodæi*, *Syllburgii*, *Jungermanni*, *Holstenii*, *de Pinedo*, sed etiam ex recentioribus *Kusteri*, *Harduini*, *Worthi*, *Kuhnii*, *Perizonii*, *Berkelii*, *Hæschelii*, *Brouckhusii*, *Bentleji*, *Spanhemii*, *Olearii*, *Pauw*, & aliorum, observationes, quibus verba Poetriarum vel emendantur, vel illustrantur. Accedunt his, quæ Ill. *Steinheilii* ad Cl. Editorem miserat. Tandem & suas observationes & animadversiones non inconcinnas adjecit Cl. *Wolfius*, in quibus non solum, ut jam indicavimus, lectorem, unde Elogia & Fragmenta istarum Fœminarum sint sumta, docet, sed etiam textum sæpe corrigit, sæpius explicat, & verum sensum demonstrat, alios Autores in consilium vocat, Græcamque phrasin illustrat. Studium suum hac in re iterum non denegavit Cl. *Phil. Jac. D'Orville*, quem nonnullas emendationes & eruditas observationes Cl. Editori transmisisse, vel ex *pag. 11 & 84* patet. Græcum sermonem multis in locis expli-

Pag. 38 -

41.

42 - 61.

62 - 75.

76 - 81.

82 - 92.

92 - 115.

- Pag. 56. 85. explicavit, & quæ velit Poeta, enarravit, atque ex Geographia, ubi necesse est, illa affert, unde dicta Poetiarum lucem accipiunt. Inde etiam factum est, ut multos Autores contulerit, ex quibus nominatim varios producit, v. g. *Eustathium, Scholia Homeri, Etymologicum M. Hesychium, Scholia Tzetzi, Anthologias*, & multos alios ex Autoribus, qui vel rem eandem narrant, vel etiam dicta confirmant.
4. 26. 43. Voces & phrasæ varias, imprimis Græcas, explicat, v. g.
44. 63. 82. *θρέος, κρώζειν, εὐπέεια & εὐπέια, γέρατα & γέρα, λυγρή, κωτίλος, δῆνος, κάλυξ, σάπην & ἀκάλλειν, οἴχεσθαι*, &c. At, aliorum, & potissimum recentiorum, interpretationes quod attinet, nec has neglexit, sed data occasione adduxit. Sic
84. 113. in *Erinna* Carminibus *Hug. Grotii* interpretatio Latina occurrit, & in eadem Poetria ejusdem *Grotii, H. Stephani, Justii Lipsii, & Casp. Barthii*, ut de aliis locis nihil addamus. Tandem & illud silentio prætereundum non est, hanc editionem eo nomine sese mirum in modum commendare, quod multa habeantur in animadversionibus inedita. Non enim solum Lexicon aliquod *Photii* manu exaratum sæpe adhibuit, sed etiam ex Bibliotheca *Uffenbachiana* nonnulla Epigrammata nondum edita variis in locis protulit Cl. Editor. Ad
18. 20 seq. calcem omnium horum Carminum adjecta est *Gothofredi Olearii*, olim nostri, Dissertatio de Poetris Græcis, observationes historicas & criticas continens, quam hic habuit Lipsiæ anno hujus Seculi octavo. Neque tamen nude adjecta est, sed variis observationibus & animadversionibus aucta & condecorata. Ingens augmentum cepit hæc Dissertatio
95. 102. 105. statim ab initio in Præfatione, ubi pleniorẽ & accuratiorẽ Scriptorum de fœminis doctis ordine literarum indicem exhibet. In ipsa Dissertatione Cl. Editoris opera eo potissimum respexit, ut locos veterum Græcorum imprimis, quos *Olearius* quidem indicaverat, non autem accurate apposuerat, adjungeret, & ex Autoribus uberius recitaret. Deinde varia profert, quibus dicta ab Autore poterant illustrari, confirmari, & certiora reddi. Multas præterea
117. Poet-
- 119 seq.

Poetrias addidit, quæ Autori, ut in ejusmodi rebus fieri solet, ignotæ fuerant. Itaque in earum numero, quas in scenam produxerat *Olearius*,prehenduntur *Arignote*, Pythagorica, *Aristomacha*, *Aristoclea*, sacerdos Delphica, *Cassia*, sive *Cassiana*, sive *Icassa*, virgo, *Eurydice*, *Irene*, *Marsesia*, *Martiba*, *Olympiar*, Thebana, *Pantenis*, Poetria Latina, *Perialla*, *Phantasia*, *Salpe*, Lesbia. Totum Opus tandem claudunt Indices, & prius quidem Autorum veterum, apud quos Fragmenta & Elogia Poetiarum Græcarum reperiuntur, alter vocum Græcarum, tertius rerum notabiliorum. Ceterum hos superatos labores Cl. Editori ex animo gratulamur, & reliquis ejus institutis, quibus de literatura Græca optime merebitur, in prius Fragmentis mulierum Græcarum profaiciis, in quibus colligendis jam versatur, bene precamur.

Pag. 130.
141.
161. 163.
164. 165.
170. 173.
180.

INTRODUCTIO IN LECTIONEM NOVI Testamenti, in qua, quæ ad rem Criticam, Historiam, Chronologiam, Geographiam, varias Antiquitates, tam sacras, quam profanas, pertinent, breviter & perspicue exponuntur: cujus primas lineas olim duxit D. JO. GEORG. PRITIUS, Rev. Francof. ad Mœnum Ministerii Evangelici Senior meritissimus, beate defunctus; nunc autem uberius eam digessit, singulis fere paginis auxit, novasque Dissertationes passim adjecit, M. CAROLUS GOTTLOB HOFMANN, S. S. Theol. Baccal. & Eccles. Lips. ad Ædem S. Petri.

Lipsiæ, apud Jo. Frid. Gleditschii B. Filium, 1737, 8 maj.
Alph. 1 plag. 16, cum Fig. æn. 6.

Cum sacri Codicis & oraculorum divinorum jussa interpretatio sine mediis necessariis fieri nullo modo possit; facile intelligitur, omnibus, qui sacris literis operam navant, in eo maxime esse elaborandum, ut illa brevi & optima via possit obtineri. Ad ipsos vero legendos & explicandos

Yyy

Sacra

Sacræ Scripturæ libros nihil magis conducit, quam si Virorum doctorum, qui Introductiones in Libros Biblicos concinnarunt, laboribus recte utaris. Nos itaque piis manibus B. *Pritii* gratias debemus maximas, quod insigni studio Introductionem in libros Novi Testamenti conscripserit in usum studiosæ juventutis. Præstantiam hujus laboris tres ejus editiones, intra viginti annorum spatium publicatæ, satis loquuntur. Nostrium in præsentem erit, de hac nova, quæ quarta est, editione, haud ita pridem luce publica donata, paucis disserere, ut pateat, quid hæc præ reliquis habeat singulare. Rem fecit laude omni dignissimam Rev. *Hofmannus*, quod variis Opus hoc annotationibus, bonæ frugis plenissimis, per singulas fere paginas auxerit exornaveritque. Hic, cum doctissimum hunc *Pritii* libellum per aliquot annos Academicis prælectionibus illustrasset, & bibliopola *Gleditschius* de eo denuo edendo cogitaret, suas observationes cum illo eo libentius communicavit, quo minus *Pritiana* additamenta expectari poterant. Tertius, quæ anno hujus Seculi quinto & vigesimo in lucem prodiiit, editioni Cel. *Kappius* noster addiderat breves & succinctas annotationes, suppresso tamen suo nomine, propterea quod vivo Autore non liceret falcem in ejus inesset immittere, & copioso Commentario ejus observationes illustrare, lectionibus potissimum Academicis scriptas. In hac nova editione easdem annotationes additas videbis, hisque nomen *Kappii* adscriptum a Pl. Rev. Editore, quippe existimante, dapes, etsi rariores, ut Cel. *Reimannus* judicat, tamen amœniores & saniores, a Viro doctissimo esse appositas. Sed & suas subjecit annotationes breves, suo item nomine signatas, ne cum illis, quæ *Kappio* debentur, confundi possent. Illa vero, quæ *Pritiano* Operi inserta sunt, per diversas literarum notas distinguuntur, ita, ut, quæ majoribus literis sunt expressa, B. *Pritio*, quæ minoribus, *Hofmanno*, debeantur. Sed, ut plenius Lectores nostri intelligant, quæ Cl. Editoris studio huic acceperint editioni, paucis exponere id ipsum, nostrum judicamus. Statim in

Prole-

Prolegomenis plerosque illos Autores adducit *Hofmannus*, qui cum e Lutheranis, tum e Reformatis, Pontificiis, & Remonstrantibus, Criticam sacram in Novum Testamentum conscripserunt, eandemque suis observationibus illustrarunt. In horum exercitu levis quidam irrepsit typhotetarum vitio error, cum *Stephanorum* nomina Pontificiis annumerentur, quem jam Pl. Rev. Editor in Præfatione annotavit, Reformatis fuisse associanda, recte monens. Alius error, quamvis altero adhuc levior, eodem in loco huic addi posset, quando *Jacobi Lensant* Introductio in libros Novi Testamenti adducitur, & Germanica ejus interpretatio Cl. *Ernesti* nostro, Scholæ Thomanz Rectori, tribuitur, quæ ejus fratri, nunc in Thuringia verbi divini Ministro, adscribenda fuisset. In ipso Opere quæ debeantur Pl. Rev. *Hofmanno*, ita commemorabimus, ut initio, quæ ad verba *Pritii* annotavit, deinde illas Commemorationes, quas ipse integras adjecit, enarremus. *Cap. I*, ubi de Novi Testamenti inscriptione & nomine disserit *Pritius*, docte idem argumentum & plenius exequitur *Hofmannus*, eodemque in loco de Epistola *Abgari* ad Christum verba facit, rationes & affirmantium & negantium expendens. *Cap. III*, quando de iis locis Novi Testamenti, de quibus olim disputatum fuit, an genuini sint, est sermo, ad singula loca, de quibus dubitatum fuit, varia monet, &, non superesse causam de illis dubitandi, plenius demonstrat, *Toland* quoque errores considerans, dextreque refellens. Quando ad libros Novi Testamenti speciatim progreditur *Pritius*, in eo laudem omnino non exiguam mereri nobis visus est Pl. Rev. Editor, quod ubivis non solum canonicam auctoritatem argumentis, tum pædagogicis, tum externis, tum internis, confirmet, sed etiam dissentientium argumenta solerter & feliciter confutet, quo illud maxime pertinet, quando queritur, an huic vel illi Autori adscribendus sit liber, ut in tractatione de Epistola ad Hebræos, *Jacobi*, *Judæ*, & aliorum, factum est. Ubi *Pritius* de Apocryphis Novi Testamenti *Cap. XI* disseruerat, observationes nonnullas, *Tolandianis* aliisque Antiscripturariorum cavillationibus oppositas, adjecit *Hofmannus*.

Pag. 2.

6.

8 seq.

13.

17 seq.

23.

134.

- nus, & quæ generatim de omnibus Apocryphis dici poterant, in compendium misit. *Cap. XII* Autores potiores adducit, de vitis & munere Apostolorum exponentes. *Cap. XIII* de *Matthæo* disserit, & ex collatione & harmonia Evangelistarum demonstrat, per *Lebbaüm*, a *Matthæo* allatum, non intelligi nisi *Judam Thaddæum*, quem *Lucas* *Judam Jacobi* nominat. Porro, nomen *Lebbaï* & *Levi* non esse unum idemque, sed *Lebbaüm* *Judam Thaddæum*, *Levi* vero *Matthæum*, designare, adjectis nonnullis de *Matthæi* martyrio & scriptis spuris, ostendit. Eadem ratione ad *Marcum* pergit, & inprimis, an fuerit *Petri* discipulus, ejusque interpret, quærit. Ad *Lucam* progressus, de ejus nomine monet, eum nonnunquam *Lucium* & *Lucanum* dici, de ejus patria, familia, religione, num fuerit medicus aut pictor, non contemnenda observans. *Joannis* Evangelistæ vitam paucis quoque commemorat. Quando ad *Petrum* perventum est *Cap. XVI*, illam etiam quæstionem tangit, num *Petrus* Romæ fuerit, & negantes & affirmantes Autores adducens. Larga messis est *Cap. XVII* Autorum, qui vitam & fata *Pauli* Apostoli descripserunt; tum de jure civitatis Romanæ Tarfensis, de *Pauli* eruditione, ejus præceptore, *Gamaliel*e, artificio condendi aulæ, conjugio, itineribus, anno conversionis, pauca adducuntur, in quo ultimo investigando se multum temporis consumfisse fatetur Pl. Rev. *Hofmannus*, ut cognosceret, a cujus partibus stet veritas. De martyrio quoque ejusdem *Pauli* docte disserit. *Cap. XIX*, ubi de reliquis Apostolis in compendio exponitur, breviores etiam adpersit observationes, quibus vel ad Autores provocatur, vel res a *Prii*o allatz paucis illustrantur. *Cap. XXI* de lingua authentica Novi Testamenti agitur, ubi *Hofmannus* noster, cur Græca lingua Novum Testamentum scriptum sit, disquirat, argumenta, quæ pro Hebræo Evangelio *Matthæi* pugnant, expendit, eademque refellit, argumentis contrariæ sententiæ prolatis & vindicatis. Eandem diligentiam adhibuit in quæstionibus, num *Marc*i Evangelium Latine scriptum, & Epistola ad Hebræos Hebraice confecta fuerit, ubi inprimis *Josephi Halleti* argumen-

menta confutat, & pro Græco Codice pugnat. *Cap. XXII*, de lingua Hellenistica, illa adducit, quæ de Latinis, Hebraicis, Solæcis Novi Testamenti dici possunt, & causas aperit, cur in Novo Testamento non sit pure Græcus Stilus, ac, *Demosthenem* intelligere potuisse Novum Testamentum, contra *Cl. Schætzgenium* asserit. *Cap. XXIV* distinctionem versuum in Novo Testamento non a sacris Scripturis excogitatam, sed humanum inventum esse, demonstrat, causam & rationem harum distinctionum simul aperiens. De minoribus distinctionibus, punctis, &c. *Cap. XXVII* ita mentem suam exponit Pl. Rev. Editor, non ab Apostolis & Evangelistis hanc distinctionem esse profectam, sed recentiori ætate inventam, ubi nonnulla quoque contra *Rogallium* monet. *Cap. XXVIII*, de accentibus quando disserit, sine accentibus Græcos scripsisse olim, asserit, & ad marmora, lapides, & numos, provocat, variisque id ipsum argumentis munit, de quibus quidem non disputamus, recordamur tamen, a *Cl. Havercampo* nuper nonnullos numos & inscriptiones satis vetustas fuisse productas, ac explicatas, in quibus ejusmodi characteres occurrunt. *Cap. XXIX* variantes lectiones noster *Hofmannus* in tres classes dividit, ad primam falso ita dictas, ad secundam quorundam manu exaratorum Codicum, vel Patrum & versionum, monumentis innixas, ad tertiam, quæ vere variantes lectiones, & multi momenti, sunt, referens. Addit & causas variantium lectionum, Criticorum audaciam accusans, & nonnullos canones, huc spectantes, ex *Pfaffo*, *Bengelio*, & alijs, repetens. Qui de MStis Græcis & Græco-Latinis, & variis Novi Testamenti editionibus, scripsere, hos diligenter indicat. *Cap. XXX* pauca monet de Codice Cantabrigiensi, Alexandrino, Claramontano, Vaticano, Regio Parisiensi, *Sangermanensi*, *Barnersiano*, *Carpzoviano*, & Berolinensi; nec minorem diligentiam in annotandis Novi Testamenti editionibus adhibuit, quarum quæ sunt recens editæ, eas adjecit. *Cap. XXXII* de rebus gestis *Herodis* ulterius agit, imprimis de censu ab *Augusto* imperato *Luc. II*, simulque ad

Pag. 358.

364

368

373-

384.

416.

Yyy 3

dubia

- dubia hac de re mota respondet; adjectis nonnullis de infanticidio Bethlehemitico, de familia *Herodiadum*, & eorum genealogia. *Cap. XXXIV* Galilæam sanctam, & qui fuerint Zelotæ, describit, *Calmeti* de *Herodianis* novam conjecturam proponit, Samaritanos & eorum dogmata plenius recenset. *Cap. XXXVI*, de genealogia Novi Testamenti, quo *Herodis* & *Augusti* anno Christus natus fuerit, disquirat. *Cap. XXXVII*, ubi de Geographia Novi Testamenti sermo est, non solum in genere Scriptores Geographicos nominat, sed etiam Terram sanctam & nonnullas regiones speciatim describit, v. g. Galilæam, Cæsaream *Philippi*, & nonnullas urbes, earumque situs sigillatim recenset, quæ ipsa ad intelligendum Nov. Fœdus plurimum faciunt. In hoc *Capite* etiam duas Mappas Geographicas, unam Terræ sanctæ, alteram Asiæ minoris, invenies. *Cap. XXXVIII*, præter nonnullas breviores annotationes de urbe Hierosolyma, plenius eam describit, quantum ad intelligendum Novum Fœdus necesse erat, montes circa Hierosolymam sitos, fontes, aquas, & reliqua memorabilia, exponens. Nec minorem diligentiam adhibuit *Cap. XXXIX*. Cum enim in eo B. *Pritius* historice de templo disseruisset, non vero ipsum templum descripsisset, sola ichnographia ex *Fullero* & *Lightfooto* desumpta, hunc laborem in se suscepit Pl. Rev. *Hofmannus*, & secundum templum Hierosolymitanum uberius delineavit, ducem secutus potissimum *Relandum*, & templi conspectum, ut mente conceperat, æri incidendum curavit, qua in re suam diligentiam desiderari non passus est. *Cap. XL*, de numis Novi Testamenti, in genere observat, Romanos ab urbe condita per quinque fere Secula non nisi asses & semisses ex ære conflatos habuisse. Singulas deinde species numorum Judæorum exponit, & eorum valorem dilucidat. *Cap. XLII*, ubi de mensuris differitur, de chœnice, & ejus capacitate, varia disputari monet, reliquas mensuras etiam attingens, & tabulam mensuræ aridorum & fluidorum subjungens. *Cap. XLIII* mensuram intervallorum, stadium quippe, viam fabba-

sabbathi, & reliqua, sistit, &, quæ hic disputari solent, paucis exhibet. *Cap. XLIV* de naturali die nonnulla ponit, quid sint duæ vesperæ, quid vigiliæ noctis, quid gallicinium, & reliquas difficultates, quæ de tempore in S. Codice occurrunt, plenius commemorans. In tractatione de Synedrio *Cap. XLV* maxime explicat, qui fuerint scribæ, & pœnas Judæorum recenset majores & minores, arduam simul quæstionem tangens, num habuerint Judæi vitæ & necis jus, cum Christus morti addiceretur. *Cap. XLVI*, de Synagoga, Autorem Anonymum maxime confutat, qui, nullas Synagogas Hierosolymis fuisse, contenderat. Hæc sunt illa potiora momenta, quæ ad B. *Pritium* Rev. *Hofmannus* annotavit. Sed & singulis fere *Capitibus* observationes satis elegantes adjecit. At de Epistolis *Pauli* prorsus tacuit, quod longior hic esset labor, quam quem hic liber posset capere. Itaque constitutum est Pl. Rev. Editori, Volumen jussum, in quo Introductio in Epistolas S. *Pauli*, Apostoli, tam generalis, quam specialis, dabitur, evulgare, ad quod opus perficiendum nos ei divinum auxilium, viresque cum corporis, tum animi, comprecamur. Quod vero ad illa attinet, quæ ab *Hofmanno* in hoc libello addita fuerunt & disputata, de quibus antea prorsus nihil exsiterat in *Pritio*, paucis & hæc ipsa indicabimus. Præter Prolegomena de Autoribus huc spectantibus, huc pertinet *Historia Canonis Novi Testamenti*, in compendium missa, ubi per Secula exponit, qui libri Novi Testamenti fuerint olim in canonem relati, de quibus dubitatum, & qui semper admissi fuerint; ubi disseruerat *Pritius* de Epistola ad Hebræos, docet nos Cl. Editor, ad quos data fuerit hæc Epistola, unde & quo tempore missa, quem locum in canone obtineat. Singulis etiam libris, tum Evangeliiis, tum Epistolis, brevem analysin eorum subjecit, quæ harum rerum studiosis omnino sufficere possunt. Cum de prima Epistola *Petri* prorsus tacuisset *Pritius*, tractationem de hac inseruit Rev. Editor, qua auctoritatem ejus canonicam probat, & ulterius demonstrat, hanc Epistolam tam ad ex-gentiles, quam ad ex-Judæos, fuisse datam, examinata

Halleti

Pag. 548.

26.

53.

76.

Pag. 154.

169. 181.

200.

188.

Halleti sententiâ. Omnibus Evangelistis peculiarem adjecit introductionem, ubi partim de Autore, partim de tempore scripti Evangelii, de occasione, scopo, lingua, perfectione, autoritate canonica, agit, exceptionibusque adversariorum respondet. Idem dicendum est de introductione in Acta Apostolorum, ut reliqua brevitatis ergo taceamus. Satis ex his a nobis commemoratis poterit intelligi, quid hæc editio præ reliquis habeat singulare. Gratias vero habebit quilibet Pl. Rev. *Hofmanno*, quod studiosæ juventuti tam elegantem libellum tradiderit, ex quo certe multum proficere poterunt, qui ampliori Bibliotheca destituntur, siquidem optimos Autores ubique consuluit, nec tantum eorum sententias adduxit, sed etiam optimam elegit, & suam simul mentem explicavit, quod multi hodie omittere solent, lectores incertos relinquentes. Neque tamen ita in verba sui *Pritii* juravit, ut nunquam ab eo discesserit, quin sæpe potius ejus effata corrigat, v. g. pag. 352, ubi *Pritius* sententiam *Heideggero* adscripserat, quæ minime illius fuit, pag. 430, ubi *Pritium* accusat, quod nomina procuratorum tur baverit, pag. 549, quod asseruerat, Judæos consueisse diei ab ortu solis capere initium, cum potius, omnes dies ab occasu solis eos inchoasse, existimet *Hoffmannus*. In templi structura & loco prorsus ab eo dissentit, quod etiam in aliis locis observatur, e. g. pag. 583 & 586. Nos his nihil in præsentī addimus, Pl. Rev. Editori vitam viresque, ad reliqua, quæ orbi erudito promisit, opera perficienda, ex animo comprecantes.

Mit Anmerkungen erläuterte Nürnbergische Reformation vom
Jahr 1564, 1c.

h. e.

COMMENTATIO SUCCINCTA IN CODI-
cem Juris Statutarii Norici de A. 1564, multis annota-
tionibus, ac, ut vocant, præjudiciis, illustrata, variis-
que Ordinationibus, veluti Civitatis, Bancæ, Appella-
tionum, Judiciorum, Cambiorum, nec non Articulis bellicis, aucta & ornata.

Norici.

Partes III.

Noribergz, apud Jo. Andr. Endteri Hæredes, 1737, fol.

Pars I Alph. II plag. 8, Pars II Alph. 5 plag. 19,

Pars III Alph. 4 plag. 7.

Non est pæne ulla in Germania urbs, licet ignobilis & obscura, cui non sint singularia sua Statuta. Inter hæc autem Noribergensia, Reformationis titulo nota, jam dudum nominis quandam celebritatem obtinuerunt. Sæpius enim aucta, & publici juris facta, leguntur. Id quod abunde satis testatur Celeb. *Kæleri* Historia hujus Codicis statutarii. Nondum tamen Commentario adeo vasto, moleque sua fere laborante, ut præsentī, fuerunt illustrata. In Præfatione, quæ Operis hujus dedicationem, ad Noricum Senatum directam, & Figurarum quarundam znearum, in fronte statim comparientium, explicationem, excipit, suscepti laboris causam præcipuam proficitur Cl. Autor, *Mavii*, celeberrimi ad Jus Lubecense Commentatoris, & aliorum, exempla, nec non, qui publicis ejusmodi editionem expetiere votis, *Kæleri*, *Hoffmanni*, & *Pistorii*, monita. Proposuerat autem sibi ab initio Autor, ut ibidem testatur, *Partem I* separatim in lucem emittere, Historiamque Noricæ civitatis diplomaticam, ut & Dissertationes, ac varia scripta, jamjam edita, Operi annectere; sed mutavit consilium, hisque una cum Historia omīssis, integrum Commentarium jam cum erudito orbe communicat, promittens, data occasione memoratam Historiam diplomaticam separatim se daturum. Significandum hoc quidem ideo duxit, quoniam in ipso Opere ad ita dictam Appendicem Documentorum sæpius provocavit, his tamen in Voluminibus nusquam extantem. *Parte vero prima* hujus Commentarii, omnium primo occurrunt annotationes ad ipsum titulum, in quibus Autor ab antiquissimis Germaniæ temporibus laborum suorum initium sumere, & nobis ob oculos ponere, conatur, quo demum modo Germaniæ historia dividenda, quæ sit civitatum, pagorum, vicorum, Gau, Au, Burg, nominibus vera indoles ac natura, qua porro ratione vici & burgi pagi

Lzz

effecti

effecti sint, & hi in civitatum numerum venerint. Inde differentiam inter villam & oppidum, urbem & civitatem, pariter ac villas regias & legis, attingit. Et ab his ad antiquissimos Germaniæ incolas, eorumque linguam, deinde ad Gallos, si-
ve ad Francos, Alemannos, & Celtas, progreditur. Hi ipsi occasionem præbent deducendi primas omnium Germano-
rum origines, ac duorum præcipuorum Germaniæ sive Ale-
manniæ fluviorum, *Danubii & Rheni*. Quibus relictis, varias
Alemanniæ divisiones, & primos populos, ostendit. Sequitur
Noricæ civitatis veluti generalis origo, nec non pristina Nori-
ci & quatuor sylvarum facies. In tempus etiam inquiritur con-
ditæ Noribergæ, & orti nominis Nordgavii, demonstratur-
que, Noribergam *Caroli M.* ævo jamjam floruisse. Succe-
dunt prima Franconiæ initia & origines. Ex his itaque sup-
positis omnibus Autor conclusionem de Noricis legibus eli-
cere tentat, ab illisque rursus ad antiquissimas Germaniæ le-
ges, & quidem ante *Caroli M.* tempora, recedit, ostendens
differentiam inter Leges & Capitularia, horumque compilato-
res, quibus addit Legem Salicam, ceterasque Francorum, Ale-
mannorum, Bajoariorum, & Saxonum, leges, quas excipiunt
Noribergenium feudales, A. 1208 promulgatæ, Jura Ro-
mana & Pontificia, quæ, quomodo in Germania fuerint
recepta, ex antiquis quibusdam documentis Noricis clarum
redditur, Specula porro Saxonicum & Alemannicum, Lu-
becensia item, & Bavarica, & Angustana jura. Quibus qui-
dem expositis omnibus, ad antiquissimas etiam Noribergen-
ium leges accedit Autor, nexum docens, quo universalia
Germanici imperii & particularia jura moresque a *Carolo M.*
ad *Fridericum II.*, & inde ad annos 1484 ac 1564, Noriber-
gensibus Statutis sint innexa, hæcque corroborent ac illu-
strent, qua non minus ratione imperii civitates jus condendi
Statuta exercuerint, ac una ad exemplum alterius privilegia
desuper acceperit. Et quæstionem tangit denique, an sit ali-
qua, & qualis, differentia inter Civitates imperii & Civitates
imperii liberas. Ab his iterum Noribergam se confert Au-
tor, vindicans ipsi recentioribus etiam temporibus jus con-
dendi

dendi Statuta, sistensque primam & secundam Reformationis Noricæ editionem, prioris formam & indolem, nec non reliquas. Quibus denique subjungit Autor disquisitionem de origine hujus vocis, Reformationis scilicet, & indicem Commentatorum in illam, ubi imprimis de *Wurffbaini* differentiis Juris Civilis & Reformationis Noricæ agitur. Absolutis nunc demum in titulum annotationibus, Cæsaris *Ferdinandi I* privilegium de typis imprimendo hoc Codice statutorio, A. 1563 concessum, integrum inseruit Autor, redditus, quibus adductus id fecit, rationibus, simulque universam de ejusmodi privilegiis Cæsareis doctrinam, illamque de Statutorum confirmationibus, ac insinuationibus, Cameræ ipsius imperialis faciendis, persequitur, inter alia Statutorum confirmationem a superiori prudentiæ, non necessitatis, affirmans, nec non inter maxime singularia albo veluti calculo notans, *Ferdinandum I* mox post publicationem hujus Reformationis diem obiisse supremum, exequiasque illius ultra annum ob belli calamitates fuisse dilatas. Sequitur ipsius Reformationis Noricæ Præfatio, cum annotationibus, X momentis inclusis, quæ sequentibus *Sectionibus* pertractantur, earumque *prima* quæstionem continet: an & quatenus Statuta peregrinos quoque obligent; quæ ratione Noribergæ affirmatur, & quæ generatim circa hanc doctrinam a Doctoribus tradi solent, afferuntur & expenduntur, nec non præcipui casus & modi recensentur, quibus peregrini Statutis illigari soleant. Accedunt *Sectione secunda* quædam vocabula, in supra citata Præfatione contenta, veluti *Obrigkeit, gebietzen, Pflege, &c.* illustranda, quorum occasione Autor de variis nominibus judiciorum, magistratuumque, e. g. *Bürgermeister, Rath, &c.* nec non subditorum, veluti civium Pfal- & Usburgerorum, incolarum, & qui sub protectione tantum sunt, Vasallorum, Officialium, Censiticorum ita dictorum, Hinterlassiorum, Schriftlassiorum, Amtlassiorum, rusticorum, servorum, famulorum ita nominatorum, Ehehaltiorum, Aufspannigerorum, Wildfangiorum, Hagenstolziorum, Captivorum, Turcarum, Nobilium, Ministerialium, Doctorum, & ceterorum, qui in

Academiis gradum aliquem consecuti sunt, generatim agit. Inter alia quoque Noribergensibus superioritatem territorialem extra ipsius ambitum vindicare conatur, provocans ad Reformationis vocabula *Obrigkeiten & Gebietzen*, quæ verba in antiquioribus etiam Reformationis editionibus, veluti A. 1484 & 1498, continentur, in quibus Autor suæ assertionis argumentum gravissimum posuit, licet forsan aliis non æque grave videri queat. Sed nostrum non est, lites hic attingere toto præne orbe celeberrimas periculosissimasque. *Sectione tertia* Statutorum Noricorum fontes exhibentur. Desumpta scilicet sunt e Jure Civili, Communi, Canonico, Recensibus imperii, antiquo Jure Feudali Alemannico & Saxonico, ac particularibus denique Noricis consuetudinibus. Ex harum numero inprimis notari merentur, 1) finis tutelæ ac curæ anno ætatis decimo octavo completo; 2) per matrimonia & adhuc ante annum decimum octavum cessare curam; 3) masculos & fœminas, quibus sunt parentes, vel tutor aut curator fuere, sine illorum horumque consensu, & masculos ante annum vigesimum secundum, fœminas ante annum vigesimum quintum, matrimonia valide inire non posse; 4) fœminas contra curatorem destitutas post annum decimum octavum valide sese obligare; 5) perpetuam fœminarum tutelam, ut & exceptionem Senatûsconsulti Vellejani penitus hic cessare: ubi, quæ Autor e *Bayero*, ut profitetur, de Saxonia circa fœminarum curam adducit, praxi omnino repugnare videntur; 6) testamenta & alios majoris momenti contractus coram ita dictis *Genanten* confici debere; 7) juramenta propter sortitiones annuas magistratuum præstanda; ac 8) denique (*Section IV*) varia inprimis singularia circa matrimoniorum communionem. Modo datam regulam comitantur casus quidam excepti, quos *Sectione V* tradit ac explicat Autor, quæstionemque, in quantum leges ad præterita tempora extendenda, exponit, adductis, quæ a Doctoribus in hoc argumento tradi soleant, immixtis etiam, quæ vocantur, præjudiciis Doctorum. Eadem ratione *Seçf. VI, VII, VIII, IX*, doctrinas de legum promulgatione, Statutorum interpretatione, penis in legis transgressores statutis, necessitate magistratuum, le-

gum

gum & judiciorum, variaque illorum utilitate, persequitur Autor, notitiam tandem suppeditans *Seçf. X* antiquiorum Imper. privilegiorum, Noribergenſibus conceſſorum. Præſationem excipit *Partis I Tituli I, de variis Judiciis* inſcripti, ut ajunt, rubrum, cujus annotationes ſæpius memoratæ Reformationis Noribergenſis diſiſionem, & a Jure communi antiquioribusque Ordinationibus differentiam, inſperſis nonnullis monitis, recensent, & generatim loca indicant, in quibus Noribergæ jus dicitur. His ſubjungit Autor pleniorẽ, ut vocant, introductionem Reformationis; cujus *Pars I* varias item in *Seçtiones* eſt diſiſa. Senatus Noricus earum *primam* abſolvit, in qua Autor oſtendit ſocietatum humanarum, ut & urbium incolarumque, electionum ſenatoriarum, & Noribergenſis ſpeciatiim, origines, ac denique errores quosdam, circa ſtatum Noribergenſem, & Senatus inprimis rationem, commiſſos. Succedunt *Seçtione ſecunda* Senatus & Regininis perſonæ. De Conſulibus autem & Scabinis tantum hic quædam notare ſecum conſtituit Autor. Sunt ſcilicet 26 Conſules, 13 Seniores, & 13 Juniores, quorum omni ævo per menſem unus e Senioribus, & e Junioribus unus, partes imperii gerunt. Eodem tempore & modo duo alii Judiciis civitatis aſſident, poſtquam ſcilicet illud a Senatu ſeparatum fuit, ita tamen, ut Junior regens Seniori certa ratione ſit ſubjectus. Præterea 13 alii, 7 ſcilicet Seniores, & 6 Juniores, inquisitiones & cauſas criminales tractant. Ipſas etiam officii rationes Conſulum & Scabinorum ſuſe ſatis deſcribit Autor, ac quædam addit de indole nominum Conſulum & Scabinorum. Inde *Seçtione tertia* res perſequitur Autor ad Senatum deferendas, itidem tractandas, & decidendas. In harum cenſum, præter provocationis modum eo devolutæ, referuntur cauſæ per documenta omni exceptione majora liquidæ, porro quæ ad ſtatum civitatis publicum pertinent, vel ſunt majoris momenti, ac moram non patiuntur, eſtque & hic in uſu charta ſignata. *Pars II* Introductionis plenioris ſiſtit officia præcipua Civitatis Noricæ, ab uno vel pluribus Senatoribus adminiſtrata, qui cauſas eo pertinentes vel ſua autoritate cognitæ decidunt, vel ad Senatum referunt. Inter hæc vero primum *Seçf. I* occupat locum caſtri imperia-

rialis præfectura. Cujus quidem castri notatu maxime digna,
 indissolubilemque cum urbe nexum, & hodiernam custodia-
 di rationem, descriptam hic deprehendere licet. Huic jungitur
 Sculteti officium, cujus antiquam indolem & originem genera-
 tim, & Noribergensis speciatim, hujusque hodiernam ratio-
 nem, *Seß. II* exponit Autor, indeque *Seß. III* ad curam ærarii
 publici (*Loßung - Amt*) progreditur, illiusque in republica ne-
 cessitatem, Noribergensis inprimis indolem, ac causas eo per-
 tinentes, ostendit. Cum describit *Seß. IV* officium tutelæ
 Ecclesiasticæ (*Kirchen - Vormund - Amt*), & Scholarchatum,
 potissimum agit de Noribergensi Ordinatione Ecclesiasti-
 ca, libris, quos vocant, normalibus, nec non causis ad hoc
 officium spectantibus, modoque procedendi, ac denique de
 procuratoribus, ac Procancellario Academiz Altorfinæ. Ordo
 nunc tangit *Seß. V* officium Proto - Provincialis (*Land - Pfleg-
 Amt*), cujus hic jura præcipua, inprimis ad ordinem quod attinet
 professus, ac tempus instituti officii, annum nimirum 1545,
 nec non officium & consilium bellicum. Porro *Seß. VI* de jure
 armorum antiquo & recentiori, in causis bellicis procedendi
 modo, juribus hujus officii apud Noribergenses, legibus, &
 inprimis articulis bellicis Noribergensibus, quos Autor e
Lünigii Corp. Jur. Mil. Art. 19 desumptos integros inseruit,
 aliisque huc spectantibus, copiose satis agitur. Devenimus hinc
Seß. VII ad Ædilium officium, ubi, præter generalia, nunquam
 non ab Autore immixta, Ædiles Noricos, *Bau - Herren & Bau-
 meister* dictos, offendimus expositos, eorumque habitationem
 Noribergæ, nec non differentiam inter judicium & offi-
 cium Ædilitium, hujusque rationem, & aliorum denique of-
 ficiorum, cum hoc concurrentium. Præfectura, quæ sequitur
Seß. VIII, sylvarum differentiam inprimis monstrat jurisdictio-
 nis forestalis, juris venandi & foresti, nec non aucupii, & qua
 demum ratione hæc præfectura a *Forst & Zeidel - Gericht* diffe-
 rat. Scabinatus officium hinc *Seß. IX* sistitur, ejusque differentia
 a ceteris ejusmodi officiis Noricis, illius jura, nomina perso-
 narum, quæ pristinis temporibus illud constituere, indoles
 vocabuli Scabini, nec non Scabinorum scriba, officium, origo
 pro-

processus inquisitorii, & reliquorum processuum criminalem, & quæ præterea circa universam criminum doctrinam, modumque ibidem procedendi, secundum jus commune & Noricum obtinent. Agmen tandem hujus *Partis* claudit *Seçt. X* ita dictum *Frais & Frevel-Amt*; cujus est potissimum prospicere, ne circa casus jurisdictionis criminalis turbationes, ut ajunt, suscipiantur, ac ne quid in præjudicium reipublicæ in locis, quæ dicuntur *Aberkannte Orte*, circa hanc jurisdictionem accadat. Qua quidem occasione Autor nonnulla de indole vocum *Frais & Frevel*, ac quæ sub illis debeant intelligi, nec non de abductione cadaverum mortuorum, & ita dictorum *Freisr-Pfande*, & aliis quibusdam casibus fortuitis, & qui appellantur *Frevel-Falle*, disserit, adjectis in fine indice ac contentis Documentorum huc spectantium. *Par III* plenioris Introductionis de nonnullis agit deputationibus, ac Senatus membris, quæ vel specialibus funguntur muneribus, vel nomine Senatus aliis præsunt, & *Seçtione* quidem *prima* de Cancellariæ & Judiciî Dominis, ad quos spectat Archivi & Cancellariæ, hujusque sigilli, custodia, nec non suprema rerum cura, quæ ad Collegium generatim, & horum uniuscujusque officium speciatim, pertinent. Et, qui in judiciis aliquod obire munus, vel orandarum in foris causarum licentiam, desiderant, hos prius ambire necesse est. *Seçtio II* de Deputatis ad Collegium medicum & pharmaceuticum, quibus competit suprema Collegii medici inspectio, nec non pharmacopoliolorum; *Seçtio III* de deputatione ad telonia & libras (*Holl-und Waag-Amts-Deputation*), ubi de jure telonii Noribergenfi antiquo & hodierno, de judicio, quod *Pseiffer-Gericht* appellatur, & immunitate a telonio; *Seçtio IV* de monetæ dominis, & visitandi illam officio, & simul de jure monetæ civitatis Noricæ; *Seçtio V* de magistratu census dominici (*Herren Zins-Meister*), cujus potissimum est jurium fisci habere curam, & censuum annuorum, de quibusdam locis Noribergæ solvendorum; *Seçtio VI* de Dominis tributorum, quæ dicuntur *Umgeld, von den Herren zum Umgeld*, exponit. Moris scilicet est Noribergæ, ut & in multis aliis

aliis locis, de vino, cerevisia, &c. quendam solvere censum, *Umgeld* dictum, qui cum controversiis huc spectantibus ad hoc officium pertinet. *Sectione VII* de frumentorum, pistorum, molitorum, aquarum, ac fori, dominis (*Getreid-Becker-Müller-und Wasser - auch Marckt - Herren*), ubi simul tractatur de nundinis civitatis & terræ Noribergensis, & illarum cura; *Sectione VIII* de Dominis deputatis ad curam boum & sevi (*von den Herren Deputirten von Ochsen-und Unschlit - Amt*), quorum inprimis est munus, prospicere, ut omnis generis carne civitas abundet; *Sectione IX* de supremo Præfecto montis, ut ajunt, pietatis (*von Herren Ober - Pfleger des Leihhauses*), ubi de usuris, de progressu Judæorum Noribergæ, tempore, quo civitate pulsi sunt, origine montis pietatis, & quomodo res furto ablatæ vindicandæ sint, ac ratione denique, quam Judæi, Noribergæ commercia acturi, observare debent; *Sectione X* de officio circa ita dictas contributiones civium restantes, detractum, & testamenta, (*von Bürger - Lösung - Restanten - Nachsteuer - auch Testament - Amt*) curate Autor disserit. Modus hic petendæ civitatis Noricæ notatur, & de iis, qui sunt sub protectione Senatus Noribergensis, & aliis, nec non alienatione immobilium, quædam afferuntur. *Sectione XI* de officio circa literas, *Vehd - Pass - Brief* dictas, nec non circa pestem (*von Vehd - Pass - Brief und Contagion - Amt*); *Sectione XII* de ita dictis *Viertel - Herren*, & deputatis ad turrim, carceres, ergastulum, ac scholas Germanicas, agitur, in quorum duorum officiorum descriptione nihil prorsus notatu dignum occurrit. Sequitur *Part IV* Introductionis plenioris, in ejus *Sectione I* tractatur de jure feudorum, decimarum, & patronatus, (*von Lehn - Zehend - und Kirchen - Herrschafften*), ubi, præter origines feudorum Germanicæ & Noribergensium generales, horum feuda *Kuchel - Lehn* dicta describuntur, & quædam de decimis & jure patronatus notantur. *Section II* de legitimis *Vogteja*, sive ita dictis propriis dominiis, ut & universitatum dominiis ac jurisdictione, (*von den rechtmässigen Vogtey - oder Eigen - Herren auch Gemeind - Herrschafften*) nos docet. Hic autem inprimis Autor in origines *Vogteja*, seu ita dictorum jurium propriorum

rum inquit, ac e veterum Germanorum servitute repetit, nec non varium illorum usum & genera, ut & indolem Noribergenſium ac reliquarum Franconiz Vogtejarum, indeque fluentis jurisdictionis, & quæ ejusmodi dominis non, aut omnino, competant jura, persequitur, quædam addens de pagorum & universitatum statu & jurisdictione. *Seçtio III* de curis (*Pflegen*) & administrationibus ecclesiasticarum & secularium foundationum ac fideicommissorum (*Vorschickungen*) agit. Pactorum successoriorum apud veteres Germanos singularis ratio explicatur in hac *Seçtione*, simulque tractatur de ita dicta secularisatione bonorum ecclesiasticorum, foundationibus secularibus, ac in quantum fideicommissa perpetua in feudis locum habeant, & de Jure communi sint licita. *Seçtio IV* de cura (*Pflege*) & administratione communium civitatis eleemosinarum: ubi ex *Abasveri Fritschii* Tractatu de Mendicantibus validis, & aliis, generalia quædam de hac materia assertit Autor; *Seçtio V* de orphanotrophiis, ac liberorum expositorum cura (*von der Findel oder dem Wayſen-Hauſe*), agit; sed nec hic reperitur, quod notari mereatur. Accedimus potius ad *Partem V* Introductionis plenioris, quæ judicia exhibet, de quibus in Reformatione Norica peculiaris non exstat dispositio. Horum in numero sunt *Seçtione I* remissiones ad judiciorum instantias, hic expressæ, nec non *Seçtione II* momenta ita dicta appellabilitatis (*Appellabilitats-Puncte*), quorum natura, & in illis procedendi modus, describuntur. Succedunt *Seçtione III* in peregrinos judicia, *Gast-Gerichte* dicta. Licet enim per privilegium de A. 1440 Noriberga non teneatur peregrinis reddere jus contra peregrinos; inveniuntur tamen casus, qui horum judiciorum necessitatem postulant. In hac itaque *Seçtione* Autor jurium & judiciorum in peregrinos indolem, horumque ab aliis judiciis differentiam, monstrat, & quomodo Noribergæ habeantur, docet, causas simul eo pertinentes recensens. *Seçtione IV* Judicium *Wahrder-Gericht*, & *Pfleg-Amt Goſtenhoff* dictum explicatur. *Wahr* nimirum & *Goſtenhoff* duo sunt suburbia Noribergenſia, huic judicio subjecta, cujus antiquam & hodiernam indolem, causasque, quæ illius cognitioni subsunt, &

alia quædam singularia, hic Autor persequitur. Porro *Sectione V* Judicium *Inzicht-Gericht* dictum, e processu scilicet accusatorio, cujus indoles secundum prisca Germanorum jura hic exposita deprehenditur, solennia & publica judicia in causis homicidii, *Inzicht-Gericht* dicta, quæ Noribergæ & in aliis locis obtinent, repetit Autor, horumque rationem, modum procedendi generatim, nec non speciatim, vel absente, vel præsentem, vel ad citationem comparente reo, singularesque quosdam mores hic usitatos describit, nec non de salvo denique conductu dando agit. *Sectione VI* Judicium Bancæ publicæ (*Banco-Gericht*) describitur. Ubi quidem Autor Ordinationes ita dictas speciales, huc spectantes, integras, variisque observationibus illustratas, inseruit, & quidem primo loco ita dictam *Mercantil & Banco-Gerichts-Ordnung* de anno 1697, quæ *XVI Capitibus* absolvitur, postea Senatus Norici revisam & illustratam Bancæ & Cambiorum Ordinationem, (*revidirte und erlauterte Banco- und Wechsel-Ordnung*), de anno 1721, sub qua continentur 1) Ordinatio ipsa Bancæ (*Banco-Ordnung*), revisa, illustrata, & ab Autore aucta; 2) Decreta d. 6 Oct. A. 1722, d. 17 April. A. 1723, & d. 28 April. A. 1724, quæ circa claudendam Bancam publicam, & si ibidem non scribatur, observanda præscribunt; 3) Mandatum d. 28 Febr. A. 1713 de Judiciorum commerciis; 4) Mandatum d. 19 A. 1714, abusum Judiciorum circa cambia tollens, & 5) ipsa Cambiorum Ordinatio, d. 16 Febr. A. 1722, 11 constans *Capitibus*. Hanc Partem, & universam plenioram Introductionem, claudit matrimoniorum Judicium, cujus quidem *Membrum I* generatim causas matrimoniales, doctrinam scilicet sponsaliorum, nuptiarum verarum, stuprorum, divortiorum, jurium maritis competentium, donationum inter virum & uxorem, & quæ præterea huc spectare videntur, copiose persequitur. *Membrum* vero *II* patriam potestatem, adoptionem (*Anwunschung*), unionem prolium, legitimationemque, describit. *Membrum III* potestatem exponit conjugum in famulitium, inprimis ad castigationes quod attinet, & injurias, sive reales, sive verbales, secundum usum Noribergensem. *Membrum*

brum denique *IV* processum sistit in causis matrimonialibus, simul docens originem jurisdictionis Ecclesiasticæ inprimis circa matrimoniorum causas, & illius usum Noribergæ hodiernum, ac in quantum hæ causæ ad Judicium civitatis pertineant, quibus quædam de modo in illis procedendi addita sunt. Finita hoc pacto demum amplissima hac Introductione, quæ statum veluti publicum Noricæ civitatis per partes suas dispositum fusc satis persequitur, ipsa adeo sæpe memorata, quæ nunc sequitur, Reformatio Norica *III* absolvitur *Partibus*; quarum *prima* priores *Titulos XIII*, de judiciis & processibus agentes, exhibet. In annotationibus vero ad ita dictam Legem *I* de Judicio civitatis, & quod nemo coram aliis Judiciis conveniri debeat, Autor 1) de Judicio civitatis generatim agit, facta judiciorum pristinatorum Germaniæ, hujus historiam, dies juridicos, ita dictas audientias, sessiones, & deputationes, relationes, publicationes sententiarum, Prætoris urbani officium, explicans, ac in antecessum veluti procedendi modum in processu articulado, ordinario, summario, &c. attingens, deque causis matrimonialibus, supra jam expositis, nonnulla hic repetens. Deprehenduntur insuper ex *Ordinat. Process. Noriberg. VI* priora *Capita* de Prætore, &c. hic integra inserta. Differit Autor 2) de non trahendis ad peregrina Judicia, ubi evocationis, & inprimis juris de non evocando, doctrina fusc satis tractatur; 3) de foro competente, una cum exceptionibus, quæ sequenti *Sectione* sistuntur. Ad ita dictam Legem pertinet 4) Judicium rusticorum (*Bauren-Gericht*), quod unum esse solet e Noribergensium antiquissimis, ejusque copia die Saturni ab hora 1 ad 2 pomeridianam est, in gratiam rusticorum, feriis etiam ideo observatis, a diebus D. D. *Petro & Paulo* sacris ad diem *Bartholomæi*. Porro ad Legem *IV* Judicium *Ædilium* (*Bau-Gericht*), ad Legem *V* Judicium *Straff* - sive *Fünffer-Gericht* dictum, ad Legem *VI* Judicium *Ruggericht*, & ad Legem *VII* *Forst- & Zeidel-Gerichten* appellata, describuntur. Qui nunc sequuntur processus mere civiles, ab Autore pro more suo illustrati sunt. Sufficere autem hæc speciminis loco arbitramur, ut exinde Lector de universo

Opere, & reliqua illius materiarum expositione, judicium ferre queat. Justo enim prolixius omnino futurum fuisse credidimus, si omnium Titulorum contenta recensere, & quæ Autor in annotatis ex omni Jure & vastis doctorum voluminibus petita attulit, insitueremus explicare. Multæ quippe id agentibus non suffecturæ fuerant paginæ, tædiumque plurimis sine dubio non leve crearent protrita & alias centies jam dicta. Quare, quæ adhuc restant, summatim tantum attingemus. *Secunda* hujus Reformationis *Part* a *Tit. XIII* ad *XXVIII* progreditur, nec nisi privati juris doctrinas, veluti de mutuo, commodato, deposito, emtione, venditione, locato, continet. *Tertia* tandem a *Tit. XIX* ad *XXXIX* universam successionum & tutelarum materiam sistit. E quibus denique omnibus abunde satis, ut credimus, constabit, iis, qui Noribergæ causas orare, vel cujusdam in Judiciis muneris partes obire, sibi proposuerunt, instar Bibliothecæ juridicæ futurum hoc Opus. At ceteris non æque usum adeo singularem, nostro quidem judicio, præstare valebit, ob nimiam molem, ingentemque eorum copiam, quæ parum accurate dicta, & cognitionis sunt vulgaris, quæque adeo ad rem omnium pertinere non videntur. Nec sili rationem satis accuratam habuit Autor, eam secutus licentiores: secus atque id fieri solet his inprimis temporibus. Quamobrem non dictionem minus, quam res propositas, paucorum fore ad palatum, augurio haud vano auguramur.

REFLEXIONS SUR LES PLAYES, &c.

h. e.

*MEDITATIONES DE VULNERIBUS, SI-
ve Methodus agendi in illorum curatione, secundum
principia recentiora, structuram partium naturalem,
earumque motus mechanicos, certissima experientia ni-
xos, cum animadversionibus præstantissimorum artis
magistrorum, ipsorumque observationibus curiosissimis*

G

Utilissimis, quæ ad vulnera triplicis ventris pertinent; Autore F. C. FAUDACQ, Chirurgo Namurcensi.

Parisiis, apud viduam d' Houry, 1735, 8.

Alph. 1 plag. 2.

Occasionem componendi hujus libri perindustrio Autori dedit libellus quidam Gallicus, *Essai de Chirurgie* inscriptus, in quo multa se quidem satis bona reperisse, multa vero etiam notasse, quæ Chirurgis, præcipue recentioribus, placere, ipsorumque suffragiis comprobari, nequeant, contendit. Cumque hoc judicium nonnullis sui ordinis viris justo durius visum sit, ejus rationes reddere in se recepit, quibus palam fieret, multas in eo libello regulas atque encheireses exstare, quæ in ipsa artis exercitatione locum habeant plane nullum. Postquam vero suas in illum animadversiones mandavit literis, viditque, multa sibi de vulneribus disputanda fuisse, mutato aliquantum consilio & ordine, integram de vulneribus doctrinam, quantum ad theoriam & praxim attinet, a capite ad calcem copiosius, juniorum præcipue Chirurgorum gratia, persequi, atque animadversiones suo quavis loco intercalare, constituit. *Priora decem Capita* theoriæ potissimum destinantur, quibus de vulneris definitione, symptomatibus, causis, iis, quæ vulneribus a causis peregrinis accidere, vel supervenire, solent, variis eorum speciebus & differentiis, signis diagnosticis, communibus pariter atque propriis, indicationibus, suppuratione, ad quam ex mente *Petiti* requiruntur effusio diversis generis fluidorum, horumque inter se congrua proportionem facta commixtio, porro de suppressione & refluxu materiæ purulentæ, hujusque suppressionis variis causis, de indicationibus in vulnere medela generatim observandis, & de quatuor suppurationum temporibus, initio, incremento, statu, & termino, exponit. De indicationibus generatim consideratis nos hic notamus, duplicem ab Autore nostro constitui, reunionem scilicet atque maturationem. Per reunionem

nem fit, ut caro divisa archissime iterum coeat, & prorsus conglutinetur. Habet præcipue ea locum in vulneribus simplicibus, sine contusione factis. De ratione, qua hæc eveniunt, non eadem omnium est opinio. Celeberrimus *Barbavius* atque *Deidierius* existimant, sine interventu corporis cuiusdam intermediarii labia vulneris ita cogi inter se, & coalescere, ut fibræ & vascula utriusque lateris suis velut osculis & extremitatibus se jungant, unamque continuitatem efficiant. Clarissimus vero *Petirus*, aliique Chirurghi primi ordinis, sibi persuadent, non sanari vulnus, nisi per cicatricem, sive corpus intermedium, intra partes divisas interpositum, quod fibrarum vasorumque continuitatem interrumpat, ut se amplius contingere nequeant. Ad priorem sententiam, scilicet quod vulnera proxime & immediate conglutinari queant, Autor noster accedit, idque eo magis, si vasa flexilia atque tractabilia conserventur, nec motum naturalem mutant, & succus conglutinationi idoneus ad extremitates usque vasorum placide derivetur. Quod vero ad alteram indicationem attinet, suppurationem, ea locum habet fibris vasculisque contusis & conquassatis. Tum enim regeneratio & consolidatio sine suppuratione obtineri nequit, cujus suppurationis, ejusque ad consolidationem effectuum, rationes hic uberius a Nostro explanantur. Et, quamvis omne negotium carnis renascentis, & vulnere consolidationis, naturæ debeatur, explicatuque perquam sit difficile, Autor tamen commemorat, quomodo ars hic naturæ succurrere debeat. Ubi post hæc ad vulnere medelam processit, primo loco generatim de curatione omnium vulnere simplicium non minus, quam cum aliqua contusione junctorum, per quodcumque instrumentum illata fuerint, præcipit, ut juniores Chirurghi ad hanc veluti normam meditationes suas in quibuscunque vulneribus, quæ corpori accidere queunt, instituant, exigantque. Quo consilio & regimen generale adjunxit, quod facile ad quodlibet temperamentum, aut vulnus quodlibet particulare, applicare licet. Ex vulneribus singularibus, initio ea, quæ capiti infliguntur, tractat, sive obtingant partibus
exter-

externis, cuti atque pericranio, sive partibus interne in cranio contentis, meningibus, cerebro, cerebello, nervisque, quorum differentias, signa, symptomata, accidentia, prognosin, curationem, studiose exponit, & ubi de prognosi agit, sedecim Aphorismos *Hippocratis* repetit, explicationibus olim a *Petito* traditis illustratos. Neque cranii fracturas prætermittit, sed omnia earum genera, sive cum vulneribus, sive sine iisdem, contigerint, itemque trepanationem, explicat. Eadem ratione de vulneribus pectoris & abdominis, sive ad partes continentes, sive ad partes in qualibet cavitate contentas, pertineant, disquirat, ut scilicet varia eorum genera & differentias, signa communia & propria, symptomata accidentia, signa diagnostica & prognostica particularia, & curationes, edisserat. Quibus & hoc addendum est, quod cuivis horum *Capitum* de vulneribus particularibus vulnorum exempla, sive ut vocant, casus, subnectantur.

ASTROSOPHIA NUMERICA, SIVE A-
stronomica supputandi ratio. Autore ANGELO
CAPELLO, Canonico, & Astronomiæ
Professore Parmensi.

Partes II.

Venetis, 1733 & 1736, 4.

Pars I Alph. 1 plag. 14, cum Tabb. æn. 8, Pars II Alph. 1
plag. 16.

Opus hoc, insigne tam doctrinæ, quam industriæ, Cel. Auctoris specimen, in duas Partes dividitur, quarum *posterior* Tabulas Astronomicas continet, ad Meridianum Venetum supputatas, *prior* usui earum docendo inservit. Quæ ab Astronomis condi solent Tabulæ, eas omnes ad tres classes apte revocatas *Tomus posterior* sistit. Primum in eo locum tenent *Tabula planetaria*, quarum ope Solis, Lunæ, ceterorumque Planetarum, longitudo atque latitudo inveniuntur. Has sequuntur *Tabula pro Luna Terraque Eclipsibus*. Tertium

tium locum *Tabula pro Ephemeridibus motuum celestium condendis* occupant. His omnibus Tabulæ & artificialium, & naturalium, numerorum logarithmicæ adjectæ sunt. Ad secundam tamen classem harum Tabularum quod spectat; cum Autori methodus placeat calculi, a vulgari in nonnullis diversa: non mirum est, Tabulas pro Eclipsibus ipsi enatas fuisse, quæ a vulgatis aliorum Astronomorum, & *Cel. de la Hire* præsertim, Tabulis & forma, & numero, differunt. Scilicet Eclipsium Tabulæ, exceptis iis, quæ ad verum luminarium loca reperienda una faciunt, ad hæc octo fere *Capita* sunt reductæ. *Primo* Tabula Epactarum constructa fuit loco Tabulæ medii motus Lunæ a Sole, utpote quæ ad Autoris nostri calculos magis est idonea. Condita deinde sunt Tabula dierum collectorum totius anni, ut, ad quam mensis diem datum novilunium vel plenilunium pertineat, possit dijudicari; Tabula lunationum, quæ phasium lunarium thesaurus nuncupata fuit, & tempori medio novilunii vel plenilunii ad verum reducendo inservit; Tabula terminorum eclipticorum Solis ac Lunæ & necessariorum & possibilium; Tabula æquationis distantie Lunæ a \odot ; Tabula mensium lunarium; Tabula horarii motus Solis Lunæque cum eorundem semidiametris & parallaxi, ad singulos gradus anomalie medie extensa, & ad excentricitatem minimam, median, & maximam, reducta; Tabulæ denique anguli viz viz cum Ecliptica, pro Eclipsibus terræ, & reductionis temporariæ, ad 16 gradus productæ. Tabulas digitorum eclipticorum & scrupulorum incidentiæ Autor omisit, rem illam, in cujus gratiam ab aliis solent constructui, breviori calculo per logarithmos conficere docens.

Prior hujus Operis *Tomus* præcepta tradit de contentarum in *posteriori* Tabularum usu, & in *quatuor Libros* divisus est, quorum *primus* loca Planetarum investigare docet, *tertius* quinquaginta Problemata Astronomica solvit, *quartus* Ephemeridum constructionem explicat, *secundus* novam, ut titulus habet, Eclipsium doctrinam exhibet; in qua quid novi sit, paucis exponemus. Cum in Eclipsibus Solis supputandis parallaxium longitudinis ac latitudinis computus Astronomis haud

haud parum sit molestus; Cl. *Hallejus* methodum excogitavit, Eclipses terræ sine ullo paxallaxium calculo geometricè describendi, earumque quantitatem, initium, finem, atque durationem, sine calculi molestia definiendi; qualem nostro etiam *Keplero* jam notam fuisse, verosimile est, & quæ a *Flamsteedio*, de *la Hire*, *Whistonio*, & *Keillio*, fuit divulgata. Hæc eadem methodus in hoc Libro explicatur uberius, & ad lunares quoque Eclipses, in quibus ea ob faciliores calculos usque adhuc fere fuit neglecta, scite applicatur. Quæ Eclipsium doctrina, si cum veterum calculis comparetur, habet omnino, quod novum possit appellari. Neque tamen est diffidendum, Cl. *Capellum* methodum hancce suis quoque adauxisse inventis. Quæ enim de Eclipsibus, præsertim lunaribus, triangulorum trigonometrica resolutione ab aliis quæri solent, ea omnia, projectione orthographica ex datis per calculum locis luminarium, tempore Eclipsis vero, motu vero horario Lunæ a Sole, latitudinē Lunæ vera in medio Eclipsis, angulo viæ visæ cum Ecliptica, semidiametris denique luminarium ac umbræ, confecta, sine ullo calculo, circini & regulæ ope, definire docuit. Quem in finem duo excogitavit instrumenta, quorum alterum *Horarium lunarem* nuncupat, in quo, scrupulis dimidiæ durationis, quæ ex projecto typo circino capi possunt, cum horario Lunæ a Sole vero comparatis, adscripta reperiuntur minuta horaria, quæ tempus incidentiæ manifestant, alterum *diametræ* appellat, in quo, obscurata diametri parte ex typo accepta, numeri adscripti digitos Eclipticos indicant.

In *quarto Libro* Cl. Autor novam methodum per novas Tabulas Ephemerides cœlestium motuum condendi exhibuit, & hac quoque in re calculos breviores reddere annis est. Quo consilio duorum instrumentorum constructionem invenit; quæ nec prægrandia sunt, nec difficulter parantur. Horum alterum ab Autore *Quadrans horarius planetarius* appellatur. Soli nimirum & Planetis primariis servit, & duplex ejus est usus, ut in eo primum ex datis per calculum Planetæ motu diurno, & a dato signo cœlesti distantia, tempus ingressus Planetæ vel Solis in datum signum, & adspectus cu-

Bb bb

jufvis

jussu planetarii momentum ope circini definiantur, deinde Planetarum loca dato eorundem motu diurno ad datum tempus investigentur. Cui instrumento haud dissimile alterum est, quod *Quadrantem horarium Luna* Autor nuncupavit, & quo praesertim phasium lunarium tempus facillime potest definiri. Ceterum monemus, licet titulus & forma hujus Operis lectores admittant, qui neque Arithmeticam, neque Geometriam, multoque minus Astronomiae theoriam, calleant, cum tamen Autori placuerit a praxi sejungere theoriam, & praecipua tradere, quorum rationes perspicere, qui in Astronomia hospes est, non potest, nemini suadendum esse, ut harum scientiarum expertus ad hoc Opus accedat, nisi ei fortasse, qui puri puti supputatoris sorte velit esse contentus.

JO. ALBERTI FABRICII, S.S. THEOL. DOCT.
 & Prof. Publ. *Bibliotheca Latina mediae & infimae aetatis. Volumen quartum, Liber IX, X, & XI. Accedunt Supplementum Somnii moralis Pharaonis, & JO. SARISBERIENSIS Carmen de membris conspirantibus.*

Hamburgi, sumtu viduae Felginerix, 1735, 8.

Alph. 2 plag. 10.

EJUSDEM BIBLIOTHECAE VOLUMEN QUINTUM, Liber XII, XIII, XIV, & XV. Accedit NOTGERI BALBULI Libellus de illustribus Sacrarum Scripturarum expositoribus, ad SALOMONEM, postea ab A. 891 tertium hujus nominis Constantiensem Episcopum.

Hamburgi, sumtu viduae Felginerix, 1736, 8.

Alph. 2 plag. 13.

Cum de *Bibliotheca* hujus *Volumine II & III* in his *Actis* A. 1736 *Mens. Octobr. pag. 472 seq.* diximus, jam tum praematurum Cel. Autoris obitum, qui universae Reipublicae literariae luctuosissimus contigit, justo sumus dolore prosecuti. Ac vel ipsum illud, quod inde nobis reliquit Vir summus, ingens

gens sui desiderium in causa fuit, ut ab alacritate illa, qua & hunc & alios Viri præstantissimi labores commendare olim, & publice laudare, consuevimus, aliquantum remisisse videremur. Jam vero, restincto aliqua ex parte dolore nostro, haud amplius nobis committendum erit, ut, quæ ultima nunquam fatigatæ & non nisi per ipsius mortem fractæ industriæ suæ Vir incomparabilis monumenta posuit, a nobis indicta relinquantur. *Volumen* igitur *Bibliotheca* hujus *quartum*, quod *Libros* totius Operis IX, X, & XI, continet, atque ad seriem Alphabeti, uti priora, adornatum est, literas ejusdem I, K, & L, exhibet. Quæ in his prior est litera I, majorem *Voluminis* partem complet; siquidem, qui nominibus *Jacobi* & *Joannis* ex xvi medii Scriptoribus sunt insignes, tato numero hic adducuntur, ut priorum ultra centenos, posteriorum vero ultra mille, numerare liceat. Inter *Jacobos* autem illos nobis eminere visi sunt bini illi, alter de *Viragine*, seu *Voragine*, alter de *Vitriaco*, cognominatus; alter ex *Historia Lombardica*, seu *Legenda aurea*, alter ex *Libris III Historiæ Orientalis & Occidentalis*, haud incessebris: de quibus & aliis eorundem Auctorum scriptis Noster pag. 51 & 56 diligenter & curate differit. Ad eos vero, quibus *Joannis* prænomen fuit, Scriptores, quos multi doctrina insignes, & in his pag. 107 seq. *Joachimus*, Abbas ille Seculo XII vaticiniis suis potissimum clarus, præcedunt, Noster pag. 113 delatus, horum numerosam catervam usque ad pag. 501 persequitur. Ex ingenti autem horum turba, quorum multos ut accurate distingueret, plurimum operæ impendit Noster, haud sane multi sunt, de quibus adeo singularia afferri potuerint. Est in his forte *Joannes Lelandus*, Anglus, qui, cum Seculi XVI initio vixerit, vix citra injuriam xvi medii Scriptoribus a Nostro pag. 255 accensetur, de scriptis a se relictis, & nostra demum memoria ab *Ant. Halle* & *Thom. Hearne* in lucem protractis, aliquam differendi materiam suffecit. Est *Jo. Lemovicensis*, ille quidem antiquior, cujus Supplementum somnii moralis *Pharaonis*, quod cum Auctore nostro ab *Erico Benzelio*, Filio, e Bibliotheca Upsalieni

communicatum est, hic pag. 261 inseritur, sicque integrum nunc exhibetur hoc Opusculum, quod olim hac parte adhuc mutilum exhibuerat Noster in *Codice Pseudepigraph. Vet. Test. Tom. I pag. 441 seq.* Est Jo. Parvus, ille ex Seculo XV Parisiensium Doctor, quem ut exdis tyrannorum defensorem illa ætas nobilem fecit, atque hinc in hæreticorum censum retulit; ex quo nuper demum, publicato jam hoc *Volume*, eundem eximere conatus est illustris Wittebergenfium Jctus, *Augustinus Leyserus*, de cujus doctis hac de re cum Viris quibusdam celeberrimis concertationibus conferri merentur *Acta Eruditorum*, quæ, moderante Cel. *Jæchero*, Academix nostræ ornamento incomparabili, hic Lipsiæ vernaculo sermone eduntur, *Parte CC pag. 565 seq.* Est Jo. *Sarisberiensis*, & ipse a quibusdam *Parvus*, seu *Petitus*, dictus, cujus, quæ adhuc supersunt, ingenii monumenta pag. 381 seq. singulari cum cura recensentur, additurque pag. 387 — 394 Index eorum, ad quos *Joannis* hujus scriptæ sunt Epistolæ, Carmen denique ejusdem *de membris conspirantibus*, ex editione *Andr. Rivini*, rarius obvia, in calce *Volume* subjicitur. Est Jo. *Trithemius*, quem inter tot *Joannes* Noster pag. 451 super ceteros extollit, atque ut Historiæ literariæ ducem & coryphæum impense celebrat. Scripta ejusdem, quæ nunc edita, tum inedita, hic longe copiosius, quam usquam alibi id factum meminimus, afferuntur, cognoscere ex ipso *Fabricio* Lectorem volumus; quæ vero de magna ejus in æstimandis aliorum scriptis æquitate assert, non possumus, quin huc repetamus. Ita enim pag. 453 Noster: *Uno omnes calopodio calcare, hoc est, iisdem aquare laudibus, quos laudat, video moneri in Eponymologico critico Tob. Magiri: poteratque addi, semper laudare Trithemium libenter, & commendare studium Scriptorum, quos refert: id quod longe mihi videtur æquius & præstare ignavo ingratoque silentio, vel acerbis, & inhumanis, indignisque, aliorum censuris atque invektivis in eos, qui pro virili sua conati sunt aliquid conferre in communes usus lectorum, & prodesse altis sine cujusquam*

injuria. Huc usque *Fabricius*; qui in his veram suam ipsius imaginem vel potius characterem animi ita expressisse videtur, ut, an se ipsum, an vero *Tritbemium*, nobis hic depinxerit, qui eundem propius inspexerunt, jure ambigere queant. Post *Joannes* adhuc *Libro IX* occurrunt *Isidori*, quos itidem non unos probe distinguit Noster. *Hispalensis* illius pag. 539 seq. præcipuam curam habet, cujus Operum editiones, quas quatuor indicat, insignem quidem scriptorum farraginem complectuntur, non tamen omnia exhibent, quæ proinde pag. 556 seq. seorsim hic connotantur. De *Isidoro* autem *Mercatore*, seu *Peccatore*, qui vulgo Canonum & Decretalium Epistolarum collector habetur, cum pag. 561 differit, illas *Hispalensis* illius, cui a nonnullis adscriptæ sunt, eruditione indignas judicat; imo præstare, nomen Collectoris ignotum relinquere, quam *Isidorum Mercatorem*, Episcopum Setubensem, qui A. 805 diem obierit, fraudis architectum comminisci, pag. 562 contendit. Inter *Julianos* denique eminet ille *Pelagiana* hæreseos defensor, qui contra *S. Augustinum* potissimum acuit stilum, quo nomine & *Gennadius de S. E. Cap. 45* ejus mentionem facit, cujus locum Autor noster suo velut commentario pag. 573 illustrat, simulque de scriptis ejus maximam partem deperditis testes alios advocat.

In *Libro X*, cum Scriptores a litera *K* incipientes numero pauciores sint, unus tamen, qui maxime notari meretur, occurrit *Thomas*, cui patria nomen a *Kempis* dedit, licet alioquin a parentibus *Hamercken*, seu *Malleolus*, dicendus esset. Huic Seculi XIV Scriptori cum, præter alios, inprimis *Libri IV de imitatione Christi* nomen magnum pepererint; ut, quæ ad horum notitiam facerent, eo rectius pleniusque persequeretur Noster, præcipua hujus Operis capita distincte exponit, tum de Autore, & ejus Operum editionibus in universum, pag. 633, tum de editionibus *Librorum IV de imitatione Christi* seorsim pag. 636, tum de eorundem versionibus pag. 638, commemorans, tum denique de Autore *Librorum de imitatione Christi* varias eruditorum sententias pag. 647 —

655 expromens. Cumque in his omnia complexus sit, quæ eam in rem alii passim copiose disputarunt, nos de variis horum Librorum interpretationibus id tantum observamus, linguas omnino quinque & viginti, tum Occidentis, tum Orientis, distincte a *Fabricio* connumerari, in quas hi Libri translati sint; certasse autem hic inter se potissimum Gallos atque Germanos, cum illis ultra viginti diversi interpretes sint, qui eosdem vel soluto, vel ligato, sermone reddiderint. Habemus tamen & nos, quod locupletissimis illis *Fabricianis* in hanc rem animadversionibus addere possumus: nimirum *Poiretianam* illam versionem Gallicam titulo *Kempisti communis* gaudere, quam interpres ille eum potissimum in finem adornarit, ut liber iste pluribus, in quas Christiani & forte alii scinduntur, sectis aptus esset, ejusque editiones haberi A. 1683, 1701, & 1710, & recentissime Basileæ A. 1737, 12, excusas. Id etiam de *Jo. Hübneri* metaphrasi Germanica metrica addimus, & interpretationis Autorem, & Bibliopolam, sumtus editionis ferentem, eapropter in difficilem litem fuisse vocatum, quod Pontificii crederent, hunc Autorem, suæ quondam Ecclesiæ addictum, in hac versione metrica prorsus ad mentem Augustanæ Confessionis esse conversum, quod falsi crimen satis conspicuum arguat. Bibliopolæ partibus tum subvenit supremus Senatus Ecclesiasticus Saxonicus Electoralis, qui & libri titulum nonnihil immutari, & id significari, jussit, non nudam hic *Kempisti* interpretationem, sed Evangelicam simul metaphrasin, exhiberi; *Hübnerum* autem interpretem, in summo tribunali aulico imperiali in jus vocatum, ab intentata lite, dum magistratus Hamburgensis eidem intercessurus erat, non nisi mors beata, quæ eum A. 1731 bonis literis eripuit, demum liberavit. Acta insolitæ hujusmodi actionis, quæ ex parte nobis ad manum sunt, ut integra aliquando in lucem proferantur, digna videntur.

Sub *Libri XI*, Alphabeti literam *L* complexi, initium occurrit *L. C. Iaffantius*, Scriptor Ecclesiasticus, Sec. IV in eunte satis clarus; de cujus scriptis, eorundemque inde ab ipso

ipſo typographicæ artis ortu ſæpiſſime repetitis editionibus, ipſo alibi a *Fabricio* dictum ex inſtituto meminimus, in *Bibliotheca nempe Latina antiquioris ævi Tom. III pag. 394 ſeq.* & in *Delectu & Syllabo Scriptorum de veritate R. C. pag. 230 ſeq.* quæ, tertium hic repetita, inſigni Noſter obſervationum & acceſſionum copia adauxit. Quæ Cel. *Heumanni* olim conjecturis de *Lactantio Sympoſii* autore repoſuit in *Delectu* modo dicto pag. 239, iſdem verbis hic pag. 693 habentur. An iis acquieverit *Heumannus*, ex nova ejuſdem *Lactantii* editione, quæ Gottingæ A. 1736, 8, prodiit, & editionibus, a *Fabricio* nominatis, addenda eſt, intelligere licebit. Cum *Leones* plures hoc *Libro* producit Noſter, & in *Leonem* illum, quem *Benedictinæ* familiæ ex ſeculo XII monachum perhibent, incidit, quod illi locum fecit, de verſibus *Leonis* plura differendi: quorum an *Leo* iſte autor & inventor ſit, ex adductis pag. 775 variorum de hac re teſtimoniis nobis fere dubium evadit. Hujus verſificationis, melioribus Poetis ante parum probatæ, frequentioreſ uſum per hunc *Leonem* invaluiſſe, rectius forte creditur, quod & *Eberhardi Bethuniensis* luculentum de ea teſtimonium inprimis confirmat.

In *Libro XII*, qui *Voluminis V*, hoc eſt, ultimi, quod elaborare B. Autori licuit, primus eſt, pag. 8 *Magdeburgensis* Archi-Epiſcopatus mentio occurrit, quæ materiam ſuſcit Autori, de *Magdeburgensium* Chronicis, tam editis, quam ineditis, uberius commemorandi. *Malachiæ* illius, Hiberni, & *Armachani* ſec. XII Archi-Epiſcopi, notiſſimæ prophetiæ de futuris Pontificibus Romanis occaſionem ſuppeditarunt Noſtro, non modo alios hujusmodi vates nominandi, & 20 illa, quæ nondum impleta ſunt, hujus *Malachiæ* vaticinia pag. 22 proferendi, ſed & commemorandi, quænam eorundem paſſim editiones habeantur, quæque de iſdem doctorum Virorum judicia exſtent. Alius hujusmodi vates, *Manfredus Vercellensis*, pag. 38 producit, qui propinqui & A. 1433 iſtantis adventus Antichriſti nuntius exſtitit, cujus rei rationes ex S. Scripturis, & præcipue ex Apocalypſi,

ſub.

subduxit. *Marbodi*, natione Britanni, & Redonenfis Seculo XII ineunte Episcopi, Opuscula varia, a Cl. *Ant. Beaugendre* editioni *Hildeberti* Cenomanensis subjuncta, hic sigillatim percenfet Noster; Proverbia autem, quæ ipse *Marbodus* sub *Catonis* Philosophi nomine venditavit, integra exhibet pag. 50 seq. ut inde magis pateat, per similem fictionem, quod alibi monuit, *Catoni* ejusmodi Disticha ab aliis tribui. Atque sic quidem Proverbia hæc, quæ alioquin velut monosticha incerti cujusdam Autoris a *P. Pithæo* Lib. I Epigrammat. Vet. ex parte vulgata sunt, & hinc etiam quibusdam *Catonis* Distichorum editionibus, e. g. *Daumiana* A. 1672, 8, pag. 215, accesserunt, nunc vero suo Autori non modo vindicata sunt, sed & longe integriora, & versibus quibusdam, a fine potissimum, auctiora, comparent. *Merula* nomine insignes postquam Noster recensuit aliquot, iisdem pag. 216 adjungit *Paulum Merulam*, avo quidem suo longe juniorem, dum Seculi XVII initium vivendo attigit, quod eum in finem a se fieri monet, ut a prioribus tanto rectius distingueretur. Rerum *Moguntinarum* Scriptores habemus non unos, in quibus colligendis junctimque vulgandis præclaram nostro tempore operam posuerunt duumviri eximii, *Georg. Christ. Joannis & Valent. Ferd. Gudenus*: in quorum Voluminibus quicquid exhibetur, sigillatim percenfet Noster pag. 247 seq. &, licet in his occurrant, quæ recentioribus Scriptoris debeantur, iis ipsis tamen hic locum concedit.

Liber XIII, qui sequitur, Scriptores a litera *N* incipientes complectitur. Occurrit inter primos *Æl. Anton. Nebrissenfis*, qui, ut inter Hispanos suos eximius olim bonarum literarum stator & vindex exstitit, ita præstantissimis varii generis scriptis eam laudem promeruit, quam ei Noster pag. 285 seq. contulit. Succedit *Nicolaorum*, ex 2^{vo} medio clarorum, commemoratio, quæ majorem libri partem conficit. Quem hos inter *Nicolaum Kur*, apud Rostochienfes Seculo XVI ineunte veritatis testem, cum *Jo. Wolsfo* in *Leet Memorab.* Noster pag. 345 nominat, hunc ab aliis, & domesticis potissimum,

num, scriptoribus *Nicolaum Rus* rectius dici monemus, ut facile cognoscas ex *Petr. Lindenbergii Chronico Rostoch. Lib. III Cap. XVII, & Dav. Henr. Kapkenii Memoria Rostochiens. Prot-Evangelist. pag. 3 seq.* Inter reliquos *Nicolaus Lyra & Nicolaus Perottus* eminent, quorum Scriptorum plenior hic catalogus legitur, doctis & rarioribus *Fabricii* animadversionibus exornatus. *Notgeros*, quorum nonnullos Seculum X & XI tulit, non multum tempore & ratione generis vivendi a se distantes, eodem loco conjunctos hic reperire licet: ubi id operam potissimum dedit Noster, ut singulorum opera, facile confundenda, accurate distingueret, & suum cuique vindicaret. *Notgeri Balbuli* autem librum *de illustribus S. Scripturae expostitoribus*, licet jam a *Bernardo Pezio* Tomo I *Thesaur. Anecdor.* publicatum, integrum tamen in calce hujus *Voluminis* iterum exhibuit *Fabricius*, id forte in hac causa spectans, ut illum annotationibus suis, pauculis illis quidem, sed tamen selectis, illustratum daret.

In *Libro XIV & XV* literas Alphabeti *O & P* eadem ratione, qua ceteras, ab Autore pertractatas reperimus. Occurrunt *pag. 450 seq.* *Odoes* plures, sedulo disjuncti, quos maximam partem Anglia & Italia aluit. His cum Germanorum & Italarum *Othonibus* seu *Ottonibus* arctissima cognatio intercedit, quam diversa diversarum gentium pronuntiatio sustulisse videtur. *Onuphrium Panvinium*, recentioris & politioris ævi scriptorem, antiquiori cuidam *Onufrio* *pag. 485* jungit Noster, ut sibi de exquisitioribus ejusdem, & antiquitates Romanas cum maxime illustrantibus, scriptis dicendi locum faceret. *Orientios* binos, alterum Auxitanum, alterum Illiberitanum apud Hispanos, Episcopum, producit Noster, a quibus tamen *Orientium*, autorem *Commonitorii fidelium*, adhuc distinguendum censet, hanc suam sententiam contra aliorum doctorum virorum opiniones testimonio *Sigeberti* potissimum muniens. Inter *Paulos*, quorum *Libro XV* larga seges est, *Paulus* ille *Diaconus*, qui ævo *Caroli M.* æqualis fuit, ceteris præfulget; cujus cum monumenta ecclesiastici & historici potissimum argumenti præclara non una supersint, horum curatiorem enarra-

tionem pag. 620—634 invenire licet. In *Franc. Petrarca* scriptis, iisque Latinis, idem deprehendimus, ubi & id accedit, quod catalogus copiosus aliorum Auctorum pag. 675 exhibetur, qui data opera de *Petrarcha*, ejusque vita & scriptis, tradiderunt. *Petri* qui nomine insignes fuerunt, *Libri* hujus XV majorem partem complent, in quibus pag. 687 ducit agmen *Petrus Abalardus*, *Petrus* vero *Uxamenfis* demum pag. 842 claudit. Inter ceteros amplissima inprimis commemoratione dignos judicavit Noster *Petrum de Alliaco*, *de Apono*, *Blasenses* binos, *Casnensem*, *Cellensem*, *Cluniacensem*, *Dresdensensem*, *Durburgensem*, *Lombardum*, *Martyres* binos, licet paulo juniores, *Pictavienses* aliquot, *Ranzanum*, *de Riga*, & *de Vineis*. Ut *Baptistam*, seu *Bartholomæum*, *Platinam*, cujus scriptorum & biographorum index legitur plenissimus, prætermittamus, ultimus denique *Poggius Bracciolinus*, vulgo sub *Florentini* nomine notior, occurrit, cum quo B. Autor non modo *Volumen* hocce, sed & quoniam hoc ultimum ab eo editorum librorum est, telam cæpti hujus laboris literarii, abruptit potius, quam finivit. Ne enim dicamus de integris adhuc *Libris*, qui adjungendi sunt ceteris, antequam totum hoc Opus, juxta Alphabeti seriem adornatum, dici possit absolutum, nec hic quidem *Liber XV* integer apparet, siquidem post *Poggium* adhuc plures commemorandi Scriptores fuissent. Antequam vero bina hæc, de quibus diximus huc usque, *Volumina* linquamus, id, quod suo loco supra dicere omisimus, adhuc summam hic asserre juvat: nempe Pontificum etiam Romanorum, quemadmodum id in superioribus *Libris* factum, & alibi a nobis monitum est, rationem ab Autore fuisse habitam. Sic *Libro IX Innocentios XIII*, *Joannes XXIII*, *Julius III*, descriptos legimus. *Liber XI* nobis sistit *Leones XI*, & *Lucios III*. In *Libro XII Marcellus II*, *Martinos V*; in *Libro XIII Nicolaus V*; in *Libro XV* denique *Paschales III*, *Paulus V*, *Pelagius II*, & *Pius V*, suis quosque locis, habemus, ut mittamus nomina, quæ unum duntaxat Papam nobis dederunt. De illis autem omnibus, quicquid de eorum vita sive in generales, sive singulares, commentarios relatum est, quicquid scriptorum, Decretorum,

rum, Bullarum, Epistolarum, Breviumque, vel ab ipsis, vel ipsorum nomine, vulgatorum, ad posteritatis notitiam atque memoriam transmissum est, nos docuit, & in commune contulit, *Fabricius*. Tantum igitur opum literariorum apparatus cum ex speciminibus, sparsim tantum decerptis & collectis, cognoscant Lectores nostri; neminem futurum arbitramur, qui non votis omnibus id expetat, ut Operi huic egregio, cui inmortuus est *Fabricius*, quzunque adhuc defunt, assuere aliquis Vir doctus, sicque perficere destinata Celeberrimi Autoris, suscipiat. Sed valde ambiguum nobis ejus rei spem fecit *Fabricii* dignissimus Gener, *Herm. Sam. Reimarus*, qui in Commentario *de Vita & scriptis Jo. Alb. Fabricii*, anno superiori Hamburgi edito, de quo plenius dicemus Mense proximo, pag. 132 candide & aperte scribit: *Renovat hic ipse liber, (de Bibliotheca hac loquitur,) omnibus probatus, dolorem, ex Fabricii obitu conceptum, tanto magis, quod imperfectus in Poggio substitit, tela extrema alii, nescio cui; pertexenda relinquens. Nam, quod indice quodam eum usum esse dixi, (hunc impressum, & ex Caroli du Fresne Glossario ad Scriptores media & infima Latinitatis desumptum esse, infra in Addendis significat,) non ita intellectum velim, quasi huic collecta a se adscripserit, id quod spatii per se angustiam non pati, quilibet facile agnoscit. Nuda sunt nomina virorum, quæ adscripta reperio, adjecto interdum teste uno alterove. Cetera unde petenda essent, vel ubi congesisset, ipse memoria tenebat; unde, quantum ex ejus schedis subsidii sperandum sit, judicari potest. Difficile autem est homini in his rebus novo, in tam obscura tempora se immittere, & loca non satis calcata in tenebris pertentare sine gravi offensione. Sed hac Deo committenda sunt, qui forte Virum beatum non alia de causa ex medio labore, difficilius, aut certe deterius, continuando aliis, avocavit, quam ut majus ejus desiderium relinqueret, &c. Non posse, quin hujusmodi nuntium ægre ferant, qui nobiscum uti Opere hoc absoluto malint, quam molestissimum semper, citra tamen Autoris culpam, in eo reliquatorem desiderare, facile credimus. Doctissimum tamen *Reimarum*, speramus,*

quemadmodum in *Vita illa Fabriciana*, & nuper etiam in *Sylloge Opusculorum* ejusdem, procuranda, solertem se præsistit, ita nec curam illam prorsus abjecturum, quam factura hæce, parente suo orbata, adhuc requirit, ut, si non ipse, quod ipse subdubitare nos jubet, alius tamen Viri eruditi, nec huic negotio imparis, obstetricante manu plenissimus aliquando Liber iste nostris manibus tradatur: qua quidem opera non modo tot eruditorum desideriis, sed & Bibliopolæ, in Opus huc usque imperfectum sumtus suos impendentis, commodis egregie consultum iri, facile unusquisque intelligit.

DE ORIGINE S. P. DOMINICI, PRÆDICATORUM Ordinis Institutoris, atque Bononiæ Civis & Patroni, a splendida Guzmannorum familia Vindicæ, ex solis Bononiensibus monumentis adornatæ, Autore ALEXANDRO MACCHIAVELLIO, Viro Clar. Jcto, Collegiato, Philosopho Platónico, Publico Legum in Patrio Archi-Gymnasio Interprete, ac inter patrios Bononiæ Socios Conservatore auspiciatissimo.

Ferrariæ, typis Josephi Barberii, 1735, 4.

Plag. 9.

Recte omnino convenire partibus suis judicavit Cl. Autor, ut *Dominico* suo natalium gloriam, suæque Bononiæ pristinum splendorem, conservaret, quem Antwerpenses *Actorum Sanctorum* Editores detrahere utrique conati sunt. Civis est civitatis illius, quam dudum inter Italos miraculorum & sanctimoniz fama nobilitavit. Civis est, &, ut de se ipse ait pag. 67, *delicium* Ordinis, qui *Dominicum* fundatorem suum rectoremque primum exosculatur. Neque id vitio ei vertendum, quod *Prospero Laurentio S. R. E. Cardinali de Lambertinis*, Bononiensis Ecclesiæ Archiepiscopo, Opus hoc suum inscripserit, qui & ipse illud præcipue curæ habet, ut corpus, quo superbit patria, defendat a maledicorum injuriis. Publicis usibus

ab

ab Autore destinatum fuisse hoc Opusculum, nemo dubitabit, qui id vel per transfennam inspexerit. Præfatio tamen, cultior illa ac nitidior, quam quæ ab homine *Platonico* possit expectari, illud surreptum inscio Autori, & typis mandatum, ab amico docet. Scriptores, e quibus Opus hoc concinnavit Autor, sunt *Justinus* (seu *Augustinus*) pater, & *Amatus* filius, de *Annelle*, e Seculo XV, quorum *Chronicon* *MStum*, ad A. 1497 deductum, sæpius in partes suas vocat, ab omni fraudis suspitione ante omnia liberatum. *Egnatius* quoque, Commentator *Gherardacii*, interdum loquitur. Observamus præterea *Bononiense Calendarium perpetuum honorificum*, A. 1280 primum publici juris factum. Notæ tandem Autoris nostri in *Sigonii* Historias, Mediolani haud ita pridem editas, plurimis in locis supplentur. Cardo rei in eo vertitur, ut, quod Antwerpenses, non tamen illi primi, ut sibi videntur, negant, demonstraret Noster, *Dominicum* natum esse *Guzmannico* sanguine, Bononiamque merito de cultu Patroni sui gloriari. Neque desunt argumentorum pondera, quibus secus sentientes in suam opinionem pertrahat. Concilium Lateranense IV sub *Innocentio III* illum Transmontanum habuit, id est, Hispanum, Calaroga oriundum, quod est oppidum Oxomensis tractus. Paulo post, cum A. 1219 Bononiam concederet, ad confirmandam sedem, Sodalibus suis hic concessam, a tota civitate, & *Hugone* præsertim *Præto*, Equite, eo honore fuit exceptus, quem nobilissima gens merebatur. Exstant quoque apud *Annellum* literæ, in quibus Bononienses non illum tantum *Guzmannum* nominant, sed & Ordini suo recens instituto Magistrum Generalem præficiunt. Suppetunt porro monumenta, quæ eodem nomine hunc nova munitum auctoritate in tanto munere declarant, cujus onus humeris excutere tentabat. Membrana quoque hic legitur, sed quæ hodie disparuit, cryptæ ejus affixa, quæ Nostro pollicem premit. Adest præterea ingens turba doctissimorum hominum Italarum, qui *Machiavellio* suffragantur. Placuit ei præ ceteris *Lancia de Bruscolo* locus amplissimus in *Apologet. pro Script. Hist. Bonon. adversus calumn. pag. 33 – 48*, quem pro

asserenda sua sententia integrum inseruit. Superfunt quoque Acta, quibus *Dominicus A. 1234 a Gregorio IX* hoc ipso nomine relatus inter Sanctos fuit. Adeo autem Sanctus ille Pater Bononienses sibi obstrinxit insignibus meritis, ut civis quidem sui *Thoma Aquinatis* corpus Tolosam transferri concederent, nunquam tamen eripi sibi adventitium cadaver paterentur. Ita satis nervose convellere adversarios, & fidem conciliare suis dictis, Cl. Autor sibi visus est. *Calendarium*, quod supra diximus, brevi in lucem se editurum, pag. 13 pollicetur. Pag. 40, integram relationem ex *Annello* se daturum aliquando, spondet, conceptam verbis *Luminosi de Aposa*, Scriptoris incendio deperditi, ex eadem ætate, qua *Dominicus* vixit. Ultima tandem pagina docet, finita hac opella repertum fuisse, fatis ita concedentibus, perantiquum Bononiæ monumentum, quod inscribitur: *De peste A. S. 1347 minitata liberari satagentis urbis populique Bononiensis supplex ad Deum, Deiparam, Sanctosque Patronos, humili rithmo complexum*. In eo expresse legitur: *Nostri majores Dominicum, ampla stirpe editum Guzmanna, in civem allicuere suum*. Id edere totum constituit Cl. Autor, ut votis satisfaciat Antwerpiensium, qui vel unicum monumentum ante *Alani* tempora, qui obiit A. 1475, editum de institutione Rosarii per S. *Dominicum* desiderabant, hosque adeo ad *palinodiam suavissime concinendam* adigeret.

NOVA LITERARIA.

Cum in illustrandis varii generis antiquitatibus plurimum ætate nostra studii Viri doctissimi posuerint; qui veterum Lucernas accurate nobis delineatas daret, omnemque harum rationem explicaret, si *Bartolum & Bellorium* excipias, quorum alter paucissimas in ære expressit, alter easdem erudito Commentario exornavit, inventus est nemo. Dignissimum igitur plausu publico nemo non putet institutum nobilissimæ *Academia Pisaurensis*, cui fideles Musci *Passe-riani*, ejusmodi cimeliis instructissimi, & quæcunque non-
dum

dum publicatæ exstant, Lucernas colligere, hasque, in justum corpus redactas, doctis illustrare Dissertationibus, constitutum est. Eam in rem haud ita pridem publicas ille optimorum virorum Senatus ad Lectorem quemcunque Literas publicavit, consilii hujus pleniorē notitiā suppeditantes, quas ita, ut nobiscum communicatæ sunt a Vitis præstantissimis, hic civibus nostris & ipsis exteris legendas damus:

Cum primum scitilium Lucernarum Collectio a Petro Sancte Bartolo delineata, atque a Petro Bellorio notis illustrata, Roma prodit in lucem A. 1704, in spem maximam Literaria Respublica adducta fuit, fore, ut novum antiquariæ supellectilis genus produceretur, quod, si non materia dignitate, eruditionis certe fruge, quotquot ad eam diem literatis Viris commendabantur vetera monumenta, vel superaret, vel saltem æquaret. Vix enim ante illud Bartoli Opus, quid veterum Lucerna fuerint, cognosci liquido poterat, cum eruditissimus Vir, Fortunius Licetus, physicis quæstionibus implicatus, paucas admodum protulerit, atque ex iis quidem paucissimas, quæ genuinæ sint. Nam, Viro docto fucum fecisse illius avi impostores, nemo profecto, qui hæc studia vel a limine salutaverit, ibit inficiat. Verum post eam diem, quod nequaquam credibile erat, vel duodecim Lucerna, vel paulo plures, vulgatæ sunt, quæ eruditorum expectationi respondere possent. Gratias igitur Deo Opt. Max. & debemus, & agimus, quod seracissimus eruditionis campus reservatus nobis fuerit, in quo excolendo maximam gratiam ab universa Literaria Republica inire possumus. Id ut assequamur, scitiles Musæi Passerii Lucernas, quarum fama non Italiam modo, sed omnem ferme Europam, peragrat, edendas suscipimus, ex quibus profecto innotescet, quam tenuis fuerit P. Bartoli collectio, quam tennes item P. Bellorii explicationes. Pauca igitur crudita antiquitatis cultores, quos ad societatem nobiscum incundam invitamus, & hortamur, admonendos esse censemus, ut, quid propositum nobis sit in hac editione, plane intelligant. Ac primum quidem, quia non lucri cupiditate, sed vero eruditionis amore, tanta meri humeros supponimus, hanc nobis legem constituimus, ut nullam

nullam unquam Lucernam proferamus, quæ edita alias sit. Quid enim molestius iis, qui Societati nomen dederint, evenire potest, quam immodicis sumtibus nihil novi acquirere? Deinde illustriores duntaxat Lucernas producemus, eas nempe, quæ insignibus anaglypbis notatæ sunt (istoriate Italice appellamus); neque enim illas exhibere in animo est, quæ nihil aut parum eruditioni conducere possunt. Tum, ut Sociorum commode, quantum in nobis est, consulamus, editionem nostram forma libri Petri Sancti Bartoli simillimam fore spondemus, ita, ut liber ille velut huius Operis primus Tomus censi possit; charta tamen longe nitidior erit, firmior, candidior. Quodlibet huius Operis Volumen plus quam centum Tabulas areas continebit; Lucerna omnes elegantissime, ac fidelissime, quod rarum hodie, delineabuntur; idcirco externos artifices, qui delineandi, & in eas incidendi, omnium fere Italorum peritissimi habentur, operi manum addimovere volumus. Cuique Lucerna apponetur subscriptio, seu superscriptio, qua insignita fuerit, quod plerumque neglexisse Petrum Sanctum Bartolum dolemus. Harum equidem Inscriptionum pretium ex Prolegomenis innouesceat. Priori Volumini Prolegomena præpennentur, in quibus præcipue de usu Lucernarum agitur: intactum adhuc argumentum; reliquis Præfationes. Lucernæ nota sequuntur, perbreves quidem, sed succi plena, in quibus ea tantum pertractabuntur, quæ ad illius Lucernæ peculiarem intelligentiam pertinebunt, quod quidem eruditis Viris gratissimum fore confidimus. Quot Tomis totum Opus complexuri simus, pro certo affirmare non possumus; crescit enim in dies pretiosissima hæc supellex cura & impensis Viri doctissimi, Jo. Baptistæ Passeril, JCræ, qui Prolegomena etiam & Notas, pro ea, quæ pollet, eruditione, conscripsit. Illud tamen spondere possumus, Tomos minimum quatuor futuros. Quodlibet Volumen Scutæsis quatuor cum dimidio, seu Julii quadraginta quinque, prostabit. Iis vero, qui Societati nomen dederint, eodem, quo nosmet ipsi, qui in Opere edendo laboramus, beneficio fruuntur: in singula nimirum Volumina tria duntaxat Romana Scutæsa, seu Julies triginta, persolvent, dummodo tale pretium, quod præ tabularum numero leve admodum videri debet, ab omni onere vacuum, apud Nicolaum Gavellium, Typographum Pisaurensem, in antecessum numerare procurent, a quo syngrapham soluta pecunia, Academia sigillo munitam, accipient. Si quis vero ex transmarinis regionibus in societatem recipi vellet, per Mercatores, qui in proximo Ancena portu negotiantur, commode & pretium solvere, & cautionem recuperare, poterit. Socii subscripturi, quorum nomina eæ ordine, quo se subscripserint, in priori Volumine describentur, non eequidem numerum, sed tempus, præscribimus; post mensem enim Decembrem currentis anni 1738 neminem Socium admittemus. Atque hoc quidem optima ratione factum credimus; non enim minoris pretii emolumento digni sunt, qui Academiam nostram sua symbola iuvare debito tempore neglexerint. Hæc sunt, quæ Socii subscripturos nescire volebamus; quibus illud iterum restat volumus, nos ea, quæ nunc pollicemur, sancte & religiose servaturos; nullius enim privati si quaestus hæc editione procuratur. Dat. Pisauri Cal.

Junii A. D. 1738.



NOVA ACTA ERUDITORUM,

publicata Lipsiæ

Calendis Octobris Anno MDCGXXXVIII.

SUPPLEMENT AU GRAND DICTIONNAIRE

Historique, Genealogique, Geographique, &c.

h. e.

SUPPLEMENTUM AD LEXICON HISTO-

ricum, Genealogicum, Geographicum, &c.

LUDOVICI MORERII.

Tomi II.

Lutetiz Parisiorum, apud viduam Mercierii, Jacobum Vi-
cent, Jo. Baptist. Coignard, & Anton. Boudet, 1735. fol.

Tom. I Alph. 8 plag. 15, Tom. II Alph. 8.

Tandem aliquando, superatis, quæ remoram injecerant, im-
pedimentis, prodiit hoc Supplementum ad notissimum
Ludovici Morerii Lexicon. Tanta primam inter &
ultimam hujus Lexici editionem differentia apparet, ut pri-
mo Autori jam nihil fere, nisi nomen, relictum esse videatur.
Primum, ut constat, Opus illud *Ludovicus Morerius* Lugdunæ
A. 1674, *Volumine* non nisi uno, edidit. Tum novo illud pre-
lo subicere, uno *Volumine* locupletius, ipse quidem Autor
destinaverat; qui tamen editionem hanc, præmatura morte li-
teris ereptus, non vidit, anno demum 1681 *Voluminibus du-*
bus absolutam. Postea vero, defuncto parente, lucubrationi-
bus & accessionibus doctissimorum Virorum haud contemnen-
dis, inprimis *Clerici, Vaultierii, Dupinii, Bernardi*, alio-
rumque, multo auctius, per se prodiit hoc Lexicon,
vastissimi operis habitu indutum. Editio enim decima o-

D d d d

Clava,

stava, quæ ultima est, in lucem exiit Parisiis A. 1732, in sex majoris formæ Volumina redacta: Quantum ergo mutatum ab illo! Sed non mutatum, nec emendatum satis. Nam fata habuit communia hoc Lexicon cum ceteris, qui magnæ molis, & multiplici, eaque admodum mutabili, doctrina repleti sunt, libris. Delendis nimirum, qui passim irrepunt, nævis, emendandis & supplendis, quæ, volubili vicissitudine rerum, in Historicis, Geographicis, & Genealogicis, subinde mutantur, non unus sufficit homo. Semper aliquid hæret non satis recte dictum; nec desunt, quæ suppleri possint. Cum igitur non exiguum, sed magnam, istiusmodi defectum copiam etiam in Lexico, quod sub *Morerii* nomine continuatum est, deprehenderent Gallorum nonnulli doctissimi; huic malo medelam parare tentarunt, emendando partim errores, partim omissa supplendo, partim etiam nova adjungendo. Neque id successu, ut arbitramur, prorsus infelici. Emendantur adeoque in hoc Supplemento perperam dicta in editionibus hujus Lexici Lutetiz A. 1725 & 1732 publicatis, varique non inutilia adduntur. Hæc additamenta duplicis generis sunt. Alia, quæ jam in prioribus editionibus, sed minus sufficienter, adducta sunt, uberius exponuntur; alia nunc primum hic leguntur. Historia literaria recentior præcipuum hic occupat locum. Neque tamen ea neglexerunt Autores doctissimi, quæ ad Historiam Ecclesiasticam pariter ac politicam, ad Geographiam, & ad Genealogiam, pertinere videbantur. Ordinem secuti sunt Lexicographis solennem, id est, alphabeticum. Nostrarum partium esse censemus, eos nominatim indicare, quibus operam hanc, difficilem satis, sed maxime utilem, debemus. Viri doctissimi, *Pocquet de Livoniere*, *Rattier de la Guitoniere*, & *du Mabaret*, illustres Ducatus Andegavenfis cives suppeditarunt; Rev. Abbas *le Clerc*, qui literas humaniores Lugduni proficitur, varia in commune contulit monita utilia; præterea Rev. *P. Ponceet*, Ordinis Benedictini, qui in conscribenda Historia Literaria Galliz cum Rev. Patribus *Riveto* & *Colombo* occupatur, optima quæque ex penu sua literaria suggestit; nec Rev. *P. Desmolets*, Bibliothecarius Collegii Oratorii Parisiensis, & Rev. P.

P. *Baizé*, qui eodem munere fungitur in domo S. *Caroli* de Christiana doctrina, pluresque alii, in hoc studiorum genere verfatissimi, diligentiam suam huic Supplemento denegarunt. Pictores atque Sculptores insignes collegit *Mariette*, filius; ea vero, quæ ad Genealogiam pertinent, *Houxius de Lavau* singulari studio & diligentia elaboravit. Censor tandem regius, *Gallyotus*, qui Supplementum hoc vigilanti oculo, antequam subiceretur prelo, perlegit, varias cum Autoribus communicavit observationes, quas illi suo loco inferendas curarunt. Et hi sunt Viri præstantissimi, quorum studio & opera insigni hoc prodiit Supplementum. Laborem hunc eruditis gratum acceptumque fore auguramur, idque eo magis, quod nihil, nisi sub examen rigidissimum vocatum, ut ex Præfatione discimus, Operi suo inferuerint Autores. Præcipue autem ii, qui editionem Lexici *Moreriani* A. 1725 publicatam tenent, gratias Autoribus persolvent, cum iis omnibus, quæ in editione anni 1732 emendata, eidemque adjecta fuerunt, hic etiam locum concesserint; id quod forsitan possessoribus ultimæ editionis minus placebit, quibus illæ ipsæ emendationes & accessiones denuo sunt comparandæ. Et negari non potest, pretium Operis hac ratione mirum in modum fuisse adauctum. Numerus enim harum emendationum est valde magnus, quarum tamen contenta aut nullius, aut exigui fere, sunt momenti. Plerumque corriguntur errores typographici, ubi litera vel deest, vel abundat, vel transposita est, aut ubi conmutata & puncta superflua, vel omissa sunt. Nonnunquam sola mutata apparet orthographia, & quæ plura harum minutiarum sunt. Specimina ex Supplemento Lectores nostri haud expectabunt. Ipsi potius confirmamus, varia omnino in illo deprehendi memoratu digna, inprimis quæ ad Historiam tum literariam, tum Ecclesiasticam, tum denique politicam, Galliarum pertinent. Fontes citantur ubique limpidissimi. Quam vero diligentiam iis in locis, ubi de exteris, & præcipue Germanis, est sermo, ingenuus quisque desiderabit. Sed desiderabit etiam omiſſa varia, & errores passim non leves commissos, dolebit. Ne temere hæc dixisse videamur, provocamus ad *Partem II. To-*

mi I, ubi sub titulo *Adlzreiter* refertur, confopiffie hunc Autorem *Annales Bojicæ gentis*, & in his expofuiffe hiftoriam Bavariz ab origine ejus ufque ad A. 1550, ad mortem nempe *Imperatoris Maximiliani*. In qua relatione duo merentur virgulam cenforiam. Neque continuaffe *Adlzreiterum* Hiftoriam fuam ufque ad mortem Imperatoris *Maximiliani*, neque mortem *Imperatoris Maximiliani* incidiffe in annum 1550, verum eft. Sed filum Hiftoriz fuz hic Autor perduxit ufque ad mortem *Electoris Maximiliani A. 1650*. Aliud addimus, nobis quodammodo domesticum, exemplum. Cum *Tomo II pag. 59* de *Jo. Burchardi Menckenii*, cui, nemo nescit, quantum debeant hæc *Acta*, vita commemorant Autores, parentem ejus, cui prænomen *Otonis* fuit, *Ludovicum Otonem* dicant; ipfi vero diem natalem fuiffe 27 Martii anni 1675 perhibent, qui fuit 8 Aprilis anni 1674. Cavere fibi poterant ab his erroribus, fi, neglectis his, quæ in *Bibliotheca Germanica* (*Bibliothèque Germanique*) leguntur, unde fcilicet petiti funt errores ifti, accuratius infpexiffent ea, quæ a filio *Jo. Burchardi, Friderico Ottone*, plenius in his *Actis A. 1732 Mense Majo* dicta funt. Ridicule inprimis hic nomina propria, maxime Germanorum, transformata videas. Sic legitur *Tom. I P. I pag. 486* sub titulo *Francke, Sandbagent*, pro *Sandbagen*; ibidem *P. II pag. 97* sub titulo *Gundling, Kirchenfiterbach*, pro *Kirchenfittenbach*, loco nati-
vitatís *B. Gundlingii*; *Tom. II pag. 366* sub titulo *Tbomafius*, *Joan. Struch*, pro *Strauchio*, *Celeb. Jcto*; *Mazius*, pro *Helt. Godofr. Mafio*, Theologo illo Hafnienfi; *Tom. II pag. 52* sub titulo *Jo. Frid. Mayer*, *Amdius*, pro *Arndio*, qui *Mayeri* Bibliothecam Biblicam continuavit; *Tom. II pag. 104* sub tit. *Morhof*, *Mutilius*, pro *Henr. Mublio*, qui *Operibus poeticiis Morhofii* Præfationem adjecit. Primum inter edita fcripta *Morhofiana* non occupat locum *Diatriba de morbis*, & eorum remediis, juridica, uti *l. c.* refertur, fed *Poematia juvenilia*, A. 1657 publicata. Et fic sæpius a vero aberratur. Neque ferendum videtur, Autores hujus Supplementi librorum infcriptiones fere femper fermone Gallico adduxiffe, ne verbo quidem adjecto, utrum libri Latino, an Ger-
mani-

manico, idiomate sint conscripti. Cui scripta illa ignota sunt, quomodo, quæsumus, vel divinando hoc Lector assequi poterit? Sed manum de tabula! Non scribimus Emendationum & Supplementorum Emendationes & Supplementa. Acutissimis Autoribus libenter relinquimus hunc laborem, quem ne aliquando suscipere graventur, vehementer optamus.

THEOLOGIA NATURALIS, METHODO
scientifica pertractata. Pars prior, integrum Systema complectens, qua existentia & attributa Dei a posteriori demonstrantur. Autore CHRISTIANO WOLFFIO, Pot. Suec. Regis, Hassiæ Landgravii, Consiliario Regiminis, Mathematicæ ac Philosophiæ Professore Primario in Academia Marburgensi, Professore Petropolitano honorario, Academiæ Regiæ Scientiarum Parisinæ, Societatumque Regiæ Britannicæ ac Borusficæ, Membro.

Francofurti & Lipsiæ, in officina libraria Rengeriana, 1737, 4.

Alph. 6.

Cel. Autori propositum est, ex contemplatione mundi hujus adspectabilis generali demonstrare, quæ de Deo naturaliter cognosci possunt. *Cap. I* igitur existentiam entis necessarij atque a se demonstrat, quod esse independens, æternum, omnium primum & ultimum, ortus ac interitus nescium, sibi met ipsi ad existendum sufficiens, non compositum, sed simplex, evincit. Postquam vero ostendit, nec mundum adspectabilem, nec elementa rerum materialium, nec animam, esse illud ens a se, tandem concludit, quod sit ab istis diversum, ipsique talia tribuenda sint prædicata, qualia ad hoc requiruntur, cur hic potius mundus adspectabilis cum elementis suis, quam alius, & hæc potius animæ, quam alix, existant. Hoc ens Deum esse; quem adeo definit per ens a se, in quo continetur ratio sufficiens existentiz mundi hujus adspectabilis & animarum nostrarum. Postquam igitur docuit, qualia ex aseitæ & simplicitate fluant attributa divina; Deo porro vindicat vim activam, vitam, quam in se ab omni ente a-

Dd dd 3

lio

lio independenter habet, intellectum & voluntatem liberam: unde, ipsum esse spiritum independentem, insert. *Cap. II* inquit, qualis sit intellectus Dei, & quznam inde pendeant attributa. Ut igitur pateat, qualis ipsi tribuendus sit intellectus, ut in Deo ratio sufficiens existentiz hujus mundi adspectabilis inveniatur; possibilia tum in se spectata, tum qua coexistentiam & successionem inter se connexa, considerat, ut pateat, qualis inde in utroque casu refuset cognitio. Ex hisce principiis deducit, Deum cognoscere omnia possibilia & absolute spectata, & in systemata redacta, distincte, atque simul, ac ideo intellectum divinum definit per distinctam & simultaneam omnium possibilibum representationem. Ostendit vero, intellectum divinum esse illimitatum, infinitum, summe perfectum, absolute maximum, incomprehensibilem, immensum, purum. Agit deinde de ideis rerum, easque Deo essentielles, necessarias, ac immutabiles, probat, rejecta hypothesei *Cartesianorum* de ideis arbitrariis. Docet, ideas rerum sensibilibum in Deo diversas esse ab ideis sensualibus nostris; quod ut plenius intelligatur, differentiam inter mundum sensibilem & intelligibilem exponit. Præscientiam Deo vindicaturus, docet, quomodo omnia, quæ in mundo contingunt, ipsaque libera animæ decreta, sint in se & Deo præscibilia, nec minus, quomodo sint recordabilia, ut intelligatur, quomodo Deus præterita tanquam præterita cognoscat. Enimvero, ne obscurum relinquatur, quomodo omnes veritates universales a Numine cognoscantur, mundum rationalem ab intelligibili distinguit, & quomodo intelligibili & sensibili totus immerfus sit, docet. Constituitur autem mundus rationalis entibus universalibus in systema aliquod redactis, ut adeo ejus idea in idea intelligibilis includatur, sicque Deus omnes veritates universales non minus, quam omnia singularia, cognoscat intuitive. Ex hac ipsa vero cognitione deducit, competere Deo rationem absolute maximam, illimitatam, infinitam, incomprehensibilem, immensam, prorsus puram, ipsumque esse veritatis omnis autorem & inventorem, ab errore omni prorsus immunem. Hisce positis, tandem omni-

scientiam Dei declarat. *Cap. III* de potentia & voluntate Dei tractat. Demonstrat, Deo competere omnipotentiam, seu potentiam ad omnia possibilia extensam, hancque esse absolute maximam, prorsus illimitatam, atque immensam: impossibilitatem vero faciendi impossibilia non arguere defectum potentiz. Deo vindicat voluntatem omnium perfectissimam, eamque liberrimam ab omni coactione externa & interna, prorsus illimitatam, atque imperferutabilem. Ostendit vero, Deum nihil velle absque motivo, & motivum voluntatis divinæ esse repræsentationem optimi, tum in se, tum in relatione ad ipsum, spectati. Deum ælimare perfectionem rerum in relatione ad totum universum, ut in suo genere perfectissimum censeatur, quod facit ad maiorem totius universi perfectionem. In relatione ad Deum nihil quidquam dici posse bonum, nisi quatenus summæ perfectionis signum sit. Electionem mundi optimi esse signum naturale spiritus perfectissimi, nec tale esse posse electionem mundi in se non optimi. Magna hic sese offert difficultas circa inexistentialiam mali in hac rerum serie. Ostensurus itaque, idem minime obstaré, quo minus ea sit omnium possibilium perfectissima, malum distinguit in metaphysicum, physicum, & morale. Malum metaphysicum est, quod per essentiam & naturam suam rem imperfeciorem reddere censetur, quam foret, si abesset, atque in limitatione determinationum essentialium consistit. Hoc absolute necessarium esse, nec a mundo etiam omnium perfectissimo abesse posse, adeoque impossibilitatem faciendi mundum absque malo metaphysico non arguere in Deo potentiz defectum, ac idem malum denotare absentiam perfectionis non propriæ, sed alienæ, consequenter propriè loquendo non esse malum. Malum physicum est, quod statum mundi quoad effectus naturales imperfeciorem reddere censetur, quam foret, si alii essent: morale vero, quod actionibus liberis hominum inhæret. Utrumque malum locum habere in mundo optimo, nec obstaré, quo minus in eo major sit perfectio, quam in ceteris possibilibus, ac ita huic rerum seriei implicari, ut eadem & summa

ma ejus perfectione salva tolli non possit. Mala physica per easdem regulas motus consequi, per quas consequantur cetera in rerum natura, & juxta naturæ ordinem fieri, ita, ut eodem salvo per miraculum tolli nequeant, nec in relatione ad totum universum esse mala, sed saltem talia censeretur respectu partium, imo particularum universi. Actiones malas internas, si physice spectentur, per leges easdem appetitus ac aversationis nasci, quibus bonæ tribuendæ, & una cum bonis ordine quodam naturali consequi, qui per malas minime turbetur; externas vero, quatenus physice spectentur, eodem modo consequi, quo bonas. Enimvero actiones malæ internæ, quatenus moraliter spectantur, statum animæ; externæ vero statum corporis, hominisque statum externum, imperfectiorem reddunt. Malum adeo morale esse verum malum, & in imperfectione accidentali consistere, atque essentiali contrariari, consequenter per aliam rationem determinari, quam perfectionem hominis essentialem. Irrepere idem in actiones liberas abusu libertatis. Malum metaphysicum per se inhærere rebus ante decretum, nec per decretum ab iisdem separari posse, ob idem tamen nihil a Deo fuisse decretum. Neque etiam Deum mala physica decrevisse, quatenus talia sunt, multo minus ob malum morale hunc elegisse mundum; idem tamen minime obviare potuisse, quo minus existentiam hujus universi decerneret. Mundum hunc Deo non magis placere ceteris ob malum morale; idem tamen non obviare, quo minus ceteris magis placeat. Permissiorem ejus a Deo decretam, nec hanc eum dedecere. Decrevisse autem Deum omnia ab æterno atque liberrime; nihil vero decernere in tempore. Decreta ipsius esse immutabilia, incomprehensibilia, imperferabilia, nec summa ejus perfectione indigna. Esse autem, si quoad Deum spectetur, decretum non nisi numero unicum, etsi a nobis considerari possit & debeat tanquam multiplex. Per hoc decretum res factas esse futuras, & quæ antea erant præscibilia, actu fuisse præscita. Nihil autem per ipsum in re decreta mutari, adeoque nec contingentiam, nec libertatem, tolli; ut adeo utrique nec

nec præſcientia officiatur infallibilis atque æterna, quamvis veritatem determinatam habeat ab æterno a decreto pendentem, ſine qua præſcientiæ non ſit locus. Fortunam quoque, tam proſperam, quam adverſam, ut cetera omnia, ſubeſſe decreto divino, malum tamen nullum, quæ malum, in idem influere. Exponit præterea, quomodo voluntas Dei tum a priori, tum a poſteriori, tum denique per revelationem, innotefcat; ubi revelationis diviniæ criteria tradit, & de myſteriis quoque agit, quibus in eadem ſit locus. Ad omnipotentiam divinam refert etiam potentiam miraculoſam, ſoli Deo propriam, nec ulli enti communicabilem: neque enim facultatem patrandi miracula aliter enti cuidam alii conferri poſſe, niſi quatenus Deus velit ad eorum nutum miracula patrare. Ceterum, ubi modum revelationis expendit, de ecclaſi quoque & viſionibus agit, & in differentiam naturalium ac ſupernaturalium inquirat. *Cap. IV* de ſapientia & bonitate divina agit. Notio ſapientiæ requirit, ut agens agat propter finem, naturæ ſuæ convenientem, ut media eligat, ad finem ducentia, ut denique fines particulares eo modo ſibi invicem ſubordinet, quo propiores ſunt media remotiorum. Et ſapientia perfectiſſima eſt, ſi fines conſtituantur optimi, ſi media eligantur certo & via breviffima ad finem ducentia, quibuſque eundem ex aſſe conſequi datur, ſi denique fines omnes particulares ita ſibi invicem ſubordinentur, ut remotiorum media ſiant propiores, & omnes tandem ſimul medium finis ultimi. Sapientiam itaque perfectiſſimam Deo vindicaturus, demonſtrat, Deum exiſtentiam huius mundi decreviſſe propter aliquem finem, nempe patefactionem perfectionis ſuæ absolute ſummæ, ſeu gloriæ ſuæ manifeſtationem. Mundi perfectionem eſſe medium, quo eundem conſequatur. Finem iſtum eſſe omnium optimum, qui per productionem alicujus mundi intendi potuerit, cum per eum, tanquam omnium poſſibilium optimum ſeu perfectiſſimum, gloriam ſuam omnium maxime manifeſtet, ita, ut nec infinitus intellectus in eo quidquam deſiderare poſſit. Quæ ex natura & eſſentia rerum materialium neceſſario conſequantur, eſſe fines a Deo intentos; eſſentia

vero & naturam rerum esse media, quibus fines istos consequatur. In finium a Deo intentorum numero esse quoque omnem rerum tam naturalium, quam artificialium, usum, omnes etiam fortunæ, tam secundæ, quam adversæ, effectus. Hos fines omnes per nexum rerum in universo fini ultimo subordinari. Nexum adeo coexistentium consistere in dependentia finis a medio; nexum vero successivorum in dependentia causali a causa, & finis a medio, & actionis causæ efficientis a fine simul. Removet autem difficultates, quas mala physica & moralia facessere poterant. Neutrum eorundem a Deo intendi tanquam finem, imo ne mala quidem metaphysica in numero finium esse. Mala physica & moralia salva sapientia Dei summa ex hac rerum serie tolli non potuisse; dirigi autem ab eodem in bonum finem, tandemque ad manifestationem gloriæ suæ. Hanc directionem pertinere ad perfectionem universi. Bona autem in mundo non dependere a malis, quatenus mala sint, sed quatenus mala moralia sint actiones physicæ, physica autem causæ naturales. Bonitatem definit per promittitudinem alterius perfectionem promovendi. Ostensurus itaque, Deo competere bonitatem absolute summam, evincit, cum unicuique enti tantundem conferre boni, quantum salva sapientia ipsius fieri possit. Deum infelicitatem hominum, & in genere entis rationalis cujuscunque infelicitatem, vi bonitatis suæ velle non posse; sed homines fieri infelices abusu libertatis. Potentiam libertate abutendi esse malum metaphysicum, ab essentia hominis inseparabile: non tamen propterea hominem libertate sua abuti, quod eadem abuti possit, abusu quoad actum absolute necessario non existente. Hujus tamen permissionem non repugnare bonitati divinæ, nec eidem repugnare, quod hominem in mala ruere sinat. Mittimus particularia, quæ de bonitate divina demonstrat. Sufficit hoc unicum adhuc annotasse, quod sapientiæ atque bonitatis divinæ incomprehensibilitatem & imperscrutabilitatem a priori demonstrat.

Cap. V ad creationem & providentiam divinam progreditur. Demonstrat hic, mundum a Deo ex nihilo productum, & eodem

dem creationis actu ordinem quoque naturæ constituisse. Con-
 sistere nimirum actum creationis in perducendis ad actum sub-
 stantiis, nullo alio præexistente in easdem influente. Creatio-
 nem mundi & ordinem naturæ esse miraculum primige-
 nium, vi cujus consequantur, quæ naturaliter fiunt in mun-
 do adspectabili. Esse autem potentiam creatricem soli Deo pro-
 priam, nec cum creatura communicari posse, potentia naturæ
 tantummodo modificatrice existente. Docet etiam, quomo-
 do Deus spatium & tempus fecerit. Cum creaturæ sint spe-
 cula perfectionum divinarum, quatenus ab attributis divinis
 dependent; omnem creaturæ cujuslibet totiusque mundi a
 singulis attributis divinis dependentiam ita demonstrat, ut
 notio Dei per singulas creaturas confirmetur, & sic pateat
 ubivis mentis in Deum adscensus. Autorem Naturæ esse
 Deum, quæ sit diversa ab omnipotentia Dei, ipsumque ei-
 dem præscripsisse leges, ab essentia corporum minime pen-
 dentes, in prima statim creatione, nec naturæ ordinem ac cur-
 sum mutatum iri, quamdiu mundus duret, qui non nisi per
 annihilationem interire possit. Vires naturæ nunquam defi-
 cere, nec eam senio quali languescere posse. De conserva-
 tione dum agit, ostendit, nullam creaturam se ipsam conserva-
 re posse, sed, a Deo conservetur, necesse esse, actu creationis
 continuato. Mundum hunc adspectabilem, & quæ in eo
 sunt, corpora, atque naturam rerum, & ejus ordinem, con-
 servari uno eodemque actu. Cessante actu conservationis
 creaturas annihilari, potentia annihilatrice Deo soli compe-
 tente, naturæ non nisi accidentium productrice & conserva-
 trice propria. Explicat etiam concursum divinum ad singu-
 las creaturarum actiones, Deo in concursu universali substan-
 tiam agentis conservante, & vires agendi largiente, creaturis
 vero actiones specificantibus: ubi imprimis ostendit, Deum
 ad actiones malas non concurrere, quatenus malæ sunt, sed
 eas, quod malæ sunt, ab homine habere, concursu divino ul-
 tra id, quod physicum est, non extendendo ad id, quod mo-
 rale est, nec ad abusum libertatis, qua abusum. Mittimus
 specialia, quæ apud ipsum Cel. Autorem legi possunt. Addit

denique gubernationem divinam, seu directionem actionum creaturarum ad bonum finem. Gubernationem divinam contineri nexu rerum sapientia ac bonitate ipsius constituto; ubi simul docet, quomodo Deus velit, ut homo actiones suas liberas dirigat, & quomodo per eas gloria divina manifestetur. Unde tandem concludit, dari providentiam divinam æternam & immutabilem, ad omnia, quæ sunt ac sunt in universo, extendendam, Deo rebus omnibus sapientia, bonitate, ac potentia, providente. Ita autem Deum rebus providere in hoc universo, ac si ad ea, quæ sunt, attentus hodie demum decerneret, quid facere ac permittere velit. Ubi simul ostendit, quomodo Deus, cui omnia ab æterno in æternum præsentia sunt, præsentia tamen in universo a præteritis ac futuris distinguat. *Cap. VI* jus Dei in creaturas explicat, quod in dominio pleno consistere, ex ipsa notione dominii deducit, ita, ut Deus sit omnium creaturarum dominus, sive in prima creatione factarum, sive hodiernum generatarum, aut quocunque modo a natura productarum, dominus naturæ, totius mundi, ac omnium, quæ in eo sunt; homo vero sit servus Dei sensu propriissimo. Corpora & totam rerum naturam voluntatem Dei exequi; hominem vero obligatum esse ad actiones liberas non suo arbitratu, sed voluntati divinæ conformiter, determinandas. Docet igitur, quænam Deus, jure suo usus, homini præcipiat, quænam prohibeat, & quomodo eundem obliget. Etsi autem præcepta Dei ac prohibitiones a bonitate divina profiscantur; ea tamen non esse nuda consilia, sed leges proprie dictas. Explicat etiam dominium rerum a Deo hominibus concessum, & in quonam ejus consistat tam usus, quam abusus, hincque demum colligit, Deum esse Dominum summe bonum. *Ultimo* tandem *Capite* attributa divina expendit, quæ per anteriora demonstrantur. Pertinet huc infinitudo essentiz, immutabilitas, existentia extra tempus, omnipræsentia, (ubi differentiam præsentiz rerum omnem expendit, ac inprimis distincte ostendit, quomodo Deus totus præsens sit toti mundo, & totus singulis ejus partibus, citra multiplicationem ac diffusionem

sionem sui,) sanctitas, quæ constans est & perpetua voluntas non faciendi, nisi quod rectum est, (ubi simul docetur, quomodo Deus se sanctissimum probet in creatione, conservatione, ac gubernatione rerum,) iustitia, etiam vindicativa, qua peccata decernuntur & irrogantur male facientibus, beatitudo, unitas, vita, una cum iis omnibus, quæ per eminentiam Deo tribuuntur, veluti substantialitas, sensus, imaginatio, memoria, affectus, eo autem sensu, quo creaturis competunt, tribui nequeunt. Notandum adhuc est, III. Autorem ostendere ubivis consensum eorum, quæ docet, cum Scriptura Sacra. In eo autem ita versatur, ut ex ipso textu authentico quærat loca probationis, & demonstrativa quadam ratione evincat, vocabulis Hebræis atque Græcis eum convenire ex mente Autorum sacrorum significatum, quem ipse iisdem tribuit. Ubi multa hinc inde annotat, quæ ad interpretandam Scripturam Sacram maxime conducunt. Quo consilio hoc fecerit, ipse in Præfatione exponit, nimirum quod notiones distinctæ rerum ab iis haud raro non agnoscantur, qui in confusis acquiescere solent, utque adeo avertantur querelæ injustæ, quasi terminorum receptorum, & in Scriptura Sacra vel obviorem, vel ejus menti conformiter explicatorem, significatus immutetur, & Theologia naturalis ad revelatam manuducat, eidemque defendendæ inserviat, nec non exemplis luculentis doceatur, quantum adjumenti præstet ipsius philosophandi ratio ad demonstrativam Scripturæ Sacræ interpretationem, & sensum verborum Scripturæ profundum eruendum. Hæc de *Parte prima* dixisse sufficiat: de *altera* proxime dicemus. Inscriptum autem III. Autor hoc Systema Theologiæ naturalis Reverendissimo ac Celsissimo S. R. Principi, Episcopo Bambergensi & Wirceburgensi, quem scientias, eruditionem, atque artes, in deliciis habere, fovere, ac protegere, nemo est, qui nesciat.

**MARTINI LIPENII BIBLIOTHECA RE-
alis Juridica. Post FRIDERICI GOTTLIEBII
STRUVII, V. C. curas, recensuit Opus, innume-**

Ecce 3

ras

ros errores sustulit, ultra dimidiam partem optimis Libris, & Dissertationibus fere omnibus, auxit, & accuratum Scriptorum Indicem adjecit, GOTTLOB AUGUSTUS JENICHEN.

Lipsiæ, sumptibus Editoris, prostat apud Frid. Matth. Frisium, 1736, fol.

Alph. 10 plag. 5.

Prestantissimus, variisque in elegantiores literas meritis clarissimus, Editor in Præfatione hujus Operis, splendidissimi Reipublicæ Lipsiensis Senatus Numini dicati, *incomparabili unius Dei immortalis benignitati* pie tribuit, quod, post innumeras ac pene infinitas molestias atque erumnas, quas per integros octo annos, istius laboris causa; fortiter atque constanter sustinuerit, tandem aliquando curis, vigiliis, lucubrationibusque suis, *emendatam, auctam, & suam restitutam integritati, in lucem conspectumque omnium* proferre potuerit Martini Lipenii Bibliothecam Juridicam. Idem, si ipsum audias, non tam gloriantem, quod, si vellet, posse se, utique agnoscit, quam modestissime de marmoreo hoc Opere magnæ gloria dicentem, improbor, ac plane Herculeos emendandæ partim, partim adaugendæ & exornandæ, huic Bibliothecæ labores impendit. Non enim parum est, errores aliquot mille sustulisse, Autoribus agnomina prænominaque sua postliminio restituisse, veros adjecisse librorum titulos, annos & loca impressionis annotasse, latentes sub fictis nominibus Scriptores ex tenebris in lucem protraxisse, & vera ipsis nomina reddidisse, memoratu digna de libri vel Dissertationis Autore, de illius, vel Opusculi sui, fatiis, de diversis Operum editionibus, attidisse, sententiam de librorum habitu dixisse, alia jucunda atque fructuosa futura commemorasse, & quod maximum est, Bibliothecam hanc optimis selectissimisque libris, & Dissertationibus fere omnibus, locupletasse. Quid igitur a nobis aliud expectet, quam ut laudibus & planctu publico industriam tam ferream, tamque nobiles conatus, prosequamur, & si cui ex virulentis illis & juraxis existimationis atque dignitatis Jenichianæ hostibus sudes sit in oculo hæc

hæc nova laurea, tantis vigiliis sudoribusque parta, huic male precemur, aut *suis diris, suis spectris, excruciamus* hunc *relinquamus*. Habet sane, cur a bonis omnibus certissimam sibi de præstita insigni opera gratiam promittat, studiosissimus cominodi publici *Jenichius*, inprimis si illud impetrari a se patiatur, ut partem hujus gloriæ salvam esse cupiat primo hujus operis architecto, *Martino Lipenio*, sicut tam æquus ipse fuit, ut, quos nuper ad ditandum hunc thesaurum haud parum contulisse noverat, *Christianum Nettelbladtium*, in Academia Gryphica Antecessorem, & *Frid. Ottonem Menckenum*, Collegam nostrum, non sine publica grati animi significatione dimittendos judicaret. Forfan enim ipse intelligit, si magnum sit, perficere, quæ sunt ab aliis incepta, & quæ bona sunt, meliora efficere industria & studio insigni, non minori dignum laude putandum, qui opus arduum & effectum difficile, nec ulli antehac tentatum, primus animo concepit, & alienis subsidiis destitutus, solus, quæ plurimorum studia requirere videtur, rem confecit. Nec id opprobrio vertendum, *Lipenio*, quod varia supplenda posteris reliquerit, nec, quæcunque unquam scripta aut edita a Viris doctis sunt, in *Bibliotheca* hujus angustias coegerit; quandoquidem, qui omnes adeo librorum forulos excusserit, ut nihil non felicissima memoria complecteretur, exstitit ad hunc diem nemo. Quanta quanta sit, habet fines suos industria & cognitio nostra; intra quos consistere, cum sit humanum, cur adeo turpe putetur? Nec ita post *Jenichium* ullus unquam Editor locupletatam hanc, omnibusque numeris absolutam, dabit *Bibliothecam*, ut omnem seris posteris, præclare de hoc Opere merendi, dici possit materiam præripuisse. Sane, quod unusquisque facile intelligit, numerosissimæ sunt illæ copiæ, quas *Lipenianis* succenturiavit elegantis Vir doctrinæ, *Jenichius*, nec quisquam forsan alius instructiorem exercitum dedisset; eidem tamen, quod multis aliis, fatendum est, suum hoc tantarum vigiliarum opus ab eo, ut plenum & perfectum dici possit, adhuc longissime abesse. Credat id uni ex Sociis nostris, cui, vel leviter perquirenti hanc multis access-

accessionibus ditatam, & ornatissime instructam, *Bibliothecam*, scripta plus quam mille desiderantur, eademque ita comparata singula, ut multo inajori jure, quam eorum, quæ addidit *Jenichius*, permulta, sibi locum hic deposcant. Unum sufficiat specimen attulisse, unde existimari haud difficile de ceteris possit. De *Assassinio* scriptores non nisi duos *Lipenius* adduxit, nec nisi duos alios, quos adderet, *Jenichius* habuit. Addet vero, si ita videatur *Jenichio*, Socius ille noster quatuor alios, quos ipse in manibus habet, & Editori novo, si is tanti putet, inspiciendos præbebit. Generatim notamus, cum in Germanorum Juribus diligentissimus fuerit Editor, exterorum, inprimis Anglorum & Italarum, Jura inculta jacere sterilis agelli instar. Poterant has lacunas subsidia Amicorum explere, si quidem his utendum duxisset Editor. Cum Scriptores vetustiores Græcos & Latinos afferret, aut editiones, quæcunque exstant, fuissent nominandæ, aut, quod satius videtur, ex illis una saltem, sed ea præstantissima omnium, proferenda. Neutrum satis curæ habuit Conf. Editor, qui, ne exemplum desit, *Onosandri* editionem unam & alteram, nec in his, quæ optima habetur, Parisiensem anni 1599, indicat. Ita in omnibus fere; quod si emendari aliquando possit, ex multorum sine dubio id voto cesserit. Sed, quod de mole Operis & Scriptorum apparatu diximus, idem intelligi de maculis, quæ *Bibliotheca* huic olim maximæ fuere ac permulta, volumus. Quas, sitne sperandum unquam, ut ex *Lipeniano* hoc thesauro penitus sublata videamus, unius exemplum *Jenichii*, post octo annorum curas multum, quod emendent, aliis relinquentis, nec a novis satis sibi labeculis caventis, valde nos dubitare jubeat. Nobis certe si fugiente oculo grande illud Opus perlustrantibus id accidit, ut errores haud sane leves, quin tales prorsus, quibus aut notandis aut emendandis mediocri opus sit rei literariæ notitia, animadverteremus; quam non alii, aut nobis ipsis acutius videntes, aut observandis aliorum peccatis magis assueti, sibi messiem promittant! Quos si ita æquos experietur Conf. Editor, ut de his, quæ passim scripta sunt mendo-

sius,

sus, ipsum, lubenter hæc emendaturum, moneant amice; ita omnes vident certissime futurum, ut, quem suis maculis unius manus *Jenichii* liberare vix potuit, nitidissimum aliquando, & omni purgatum forde, *Lipenium* conspiciamus. Nos, quæ pauca annotavimus, non anxie quæsitâ, sed sponte nobis oblata, tanto lubentius cum Editore præstantissimo communicamus, quanto, nihil his ipsis animum ejus a nobis alienatum iri, certior spes est. Et quidem, ut de his, quæ generaliora sunt, & ad ipsam Operis *ὁκονομία* spectant, primum dicamus, non satis certos huic *Bibliotheca*, & scriptis in eam redigendis, fines constituisse *Lipenius*, & cum eo *Jenichius*, videntur. Nam, cum *Bibliothecam*, non Theologicam, non Historicam, sed *Juridicam*, promitterent; nemo erat, qui non Scriptores Jura civilia, aut alia quæcunque, explicantes, nihil præterea, expectaret. Quod igitur aut Tituli hic plane non juridici, aut sub Titulis juridicis Scriptores nihil minus quam Jura nobis tradentes inveniantur, id quidem minime laudandum factum judicamus. Exulare suo merito hic poterant Tituli *Adoratio*, *Agon*, *Anthropophagia*, *Diptychum*, & similes complures, nec Scriptores hic nominati ad Jura tantillum faciunt. Præterea inter libros juridicos quis quæreret *Kormanni Templum naturæ historicum de quatuor elementis*, *M. Porc. Cationem de Agricultura*, *Petri Fabri Agonistica*, *Schæpsini Antiquitates Alemannicarum*, *Placcii Theatrum Anonymorum*, *Gorlei Dactyliothecam*, *Licetum de Annulis*, *Schultzium de Anthropophagia*, *Frontinum de Aqueductibus*, *Alteserræ res Aquitanicas*, *Schelskratenium de Disciplina arcani*, *Lengnickium de meritis Prussorum in Augustanam Confessionem*, *Gentilem de latinitate veteris Bibliorum versionis male accusata*, *Thurmanni Bibliothecam Academicam*, *Jo. Cajum de Antiquitatibus Academiae Cantabrigiæ*, *Marqu. Freherum de Statuta Caroli M.* *Des Roches Histoire de Dannemarck*, *Heisenii Orationem de Eloquentia veterum Germanorum*, & sexcentos alios. Sub Titulis *Academica*, *Alea*, *Arma*, similibusque multis, qui alieni videntur fori esse, etsi, quod minime negandum, ad ipsos quodammodo pertinere Jureconsultos videantur, Scriptores, nostro iudicio, proferendi non nisi ii fuissent, qui *Academiarum* jura ex-

Ff ff

plica-

plicarunt, quibus addi suo merito debebat *Christiani Rabrensee* Diff. de Jure majestatis in *Academias*, Vitembergæ A. 1671 publicata, aut qui in leges Romanorum de *Alea* & *Ludis* Commentarios ediderunt, aut qui *armorum* in bellis usum & jura commonstrarunt. Sed aliter visum est *Bibliotheca* hujus conditoribus, qui Scriptores ceteros omnes, quicunque *Academiarum* origines & historias commemorarunt, *alea* antiquitates tradiderunt, veterum Romanorum *arma* descriperunt, huc trahendos judicarunt. Est hoc profecto, disciplinas separatas & distinctas in unam transfundere, & ex *Bibliotheca* speciali universalem facere. In *Bibliotheca Juridica* Scriptores, qui Jura proxime attingunt, requirimus, non qui in doctrina Juris usum præstare qualemcunque possunt; quales si admittendi sint, dubitamus, an liber inveniri ullus possit, cui non suus hic sit locus concedendus. Erunt etiam fortassis, qui sub aptioribus Titulis dispositos Scriptores, Titulosque magis accommodatos Scriptorum argumentis, optarent. Non opus erat, titulum *Acta Synodi* confingere, ut liber *Naclantii de Actis Concilii approbandis per Papam* nominari hic posset, cui commodior sub Titulo *Concilium* fuisset locus assignandus. Titulum specialem *Actorum publicorum judicialium* nemo exspectabat, cum ejusdem argumenti scripta sub generali *Actorum* legerentur. Sub Titulo *Actionum* aut nihil proferendum eorum Scriptorum, qui varia actionum genera sunt persecuti, aut, quos huic subjectos videmus, unumquodque actionum genus separatim exhibentes, rescandi omnes fuissent Tituli. Quæ sit inter *Adquisitionem* & *Acquisitionem* differentia, ut duplex titulus ponendus fuerit, nos non perspicimus. *Cbissetii* Dissertationem de *Architectis Juris*, allegorice ita dictam, nemo, cui acumen est, sub *Architectus* collocaverit. Nec *Böhmerum* de *Pæna* jus sibi dicentis sine judice, quisquam sub titulo *Jur*, omnes sub *Avrodimæ*, quæsierint. Similiter *Stryckium* de *Cautela* abundanti in contractibus sub *Cautela* malleamus, quam sub *Abundans*, quod vagi significatus est, locatum. Libenter etiam fatemur, parum nobis satisfacere Titulos eos omnes, qui ex verbis magis, librorum fronti inscriptis, quam ex re & argumento, sunt conficti; quales sunt ex litera *A Acta*,

Acta, Admonitoria, Adversaria, Aerarium, Alvearium, Alphabetum, Analectum, Analysis, Analytica, Anatomie, Anchora, Anima, Aphorismi Juris, Antiparadoxa, Antiquitates, Apologia, Apophthegmata, Apostilla, Apparatus, Arbor, Assertio, Aurea, Aurisodina, Auszug. Est hoc ludere cum libris puorum instar, qui formæ aut ligaturæ in disponendis libris rationem habent. Dicas, quæso, quem usum præstet, si scias libros omnes, *Analysis, Analecta, Anchora, &c.* inscriptos. Neque enim, quod *Lipenius* ait, eorum causa hunc ordinem servatum, quibus jucunda sit notitia ejusmodi, satis valet ad id, ut rem nobis suscepisse laude dignam videatur. Quasi vero, ut pusionibus literariis tintinnabula in manus dentur, id ipsum maxime agendum Scriptori gravi & severo esset! Qui *Commentariis* aut *Observationes* scripserint in Jura vetera, scire nostra interest, non, qui in *Arbore* suspenderint Jurisprudentiam, aut ex *Fodinis* Jurisprudentiæ *Aurum* effoderint. Præstabat igitur, generaliiori *Observationum*, aut simili quocunque, Titulo *Apophthegmata & Apostillas* omnes complexi, quam cum ineptis inscriptionum architectis ineptos titulos confingere. Cui enim non ridiculum videatur, in Librorum Juridicorum Indice Titulum *Sol*, & sub eo *Haberkornii Jurisprudentiæ Justinianæ Solem resplendentem*, conspiceret? Tacemus, non generale adeo librorum omnium, qui sunt sub istis Titulis locati, argumentum esse, ut non aptiore respondere loco potuerint. *Arnoldi* enim ab *Haersolte Adversaria de Actionibus*, facile patet, sub *Actionibus* potius, quam sub *Adversariis*, quærendam. Nec illud omnes probabant, in Titulis fingendis non semper operam navatam, ut vocabula pura & bonis usitata Scriptoribus adhiberentur, sed barbara subinde & veteri Latio prorsus incognita hic legi, quale est *Abactio*, in ipso Operis limine Latinas aures offendens, quod sitne a *Struvio*, an a *Jenichio*, additum, jam dicere non habemus, certe prima *Lipenii* editione suo jure exulabat. Unum est inprimis, quo sibi videtur effecisse Conf. Editor, ut nova hæc editio multum illis *Lipenii & Struvii* sit præferenda. Nimirum, cum nuda illi librorum nomina attulerint, nec de horum pretio & dignitate verbum addiderint, suum esse

duxit Cl. *Jenichius*, hac etiam ex parte commodis Lectorum prospicere, & qui præ ceteris legendi sint Scriptores, qui negligentius evolvendi, aperte indicare. Quo ita munere functurus, ne ipsi nimis grave & molestum esset, rem omnem via executus est admodum compendiaria, heroas literarios literis majusculis a lixis & calonibus distinguens. Felices igitur eos, qui nomen suum splendidissimis hic literis ornatum vident! & o miseros, quos illis literis indignos typhotheta judicavit! Satisne gratiæ ab aliis sit initurus hoc consilio Vir bonus, non est nostrum, definire certo; at ipsi nos, qui tam bene, quam qui optime, cupimus *Jenichiana* famæ, id serio nollemus factum. Nam, cum omnium, quicunque sunt, Scriptorum frui gratia & amicitia jucunde posset, quod nemo non vir prudens & famæ suæ amans expetat; plurimorum se temere & inconsulto telis & offensionibus exposuit, inter quos, veremur admodum, ne futuri sint tales, quorum odia nec prece ulla mitigari, nec ulla sedari verustate, possint. Cara cuique sua est existimatio, & hanc defendentibus leges omnia permittunt. Nec, quæ in Præfatione legimus: *Hac in re neque ira, neque odio, neque amor, quidquam dedi, sed incorruptissimus judex æquissimum de unoquoque Scriptore tuli iudicium*, iis sufficient, qui ipsum in *Appendice* Operis agnoscenstem & summopere detestantem legerint injurias, Conf. *Engavio* in ipso Opere illatas, aut qui scripta viderint, quæcunque Mæcenates & Amici Editoris, & quæ ipse edidit *Jenichius*, literis majoribus, aliorum, a quibus alieniore esse animo, & quorum parum favere fortunæ solet, minusculis, notata. Quid enim? Nihilne unquam meditare a *Jenichio*, & quos ille colit, Viris magnis, nihilne boni a tot Viris honestissimis, quos sinistrum quoddam fatum *Jenichio* invisos fecit, provenisse putemus? Aliud est, dicere se ab amore odioque liberum, aliud, re ipsa ostendere. Nescientes nos illi mentium nostrarum tortores in transversa quæque rapiunt, ut, quæ levia & ponderis nullius judicari debent, si ab Amico scripta sint, pretii esse quantivis videantur, quæ bona sunt & plausu digna publico, si ab homine nobis ingrato provenerint, vix teruncii æstimantur. Neque vero unum id, ut alienus sis a studio

studio partium, sed illud etiam, requiritur, ut satis doctrinæ afferas ad hoc negotium, sciasque de Scriptore unoquoque accurate judicare, deinde illud inprimis, ut ea inter eruditos autoritate polleas, quam alii omnes in æstimandis librorum pretiis maxime sequendam putent. Quorum alterum nullus unquam Scriptor de se professus est, alterum, prorsus vanum est, de se sperare. Non enim idem omnibus palatum est, etiam cum judicii tui rationes attuleris; nedum illa plus quam dictatoria per literarum notas sententiam dicendi ratio in republica literaria quidquam valeat. At detur hæc venia *Jenichio*, ut possit de libris a se inspectis, & cum cura diligenterque inspectis, libere, quid ipsi videatur, pronuntiare; quæ vero audacia, eandem in libros, nec sibi unquam visos, nec nisi nomine cognitos, licentiam exercere! Id enim factum a *Jenichio*, vel illud Lectorem doceat, quod Scriptores, quicunque continentur magno hoc Volumine, literis sint aut majoribus, aut minusculis, non tertio qualicunque literarum genere, expressi. Neque vero a nobis postulabit Editor doctissimus, ut, quod nemini ad hunc diem contigit, illos ad unum omnes in ipsius fuisse manibus putemus. Quin eam esse optimi Viri æquitatem scimus, ut *Balduini Commentarium in Novellas ad Edilitium Edictum*, *Roberti Animadversiones in Jus Civile*, *Hornium de Jure singulari circa rem alienam*, & quos non alios! si copia inspiciendi data fuisset, minime ad Scriptorum Juridicorum fæcem rejecturus, nec sub Titulo *Compendium*, si ceterorum Scriptorum pleniorẽ habuisset notitiam, unam Illustris *Rechenbergii* nostri Dissertationem, *Compendia Principis ex Jure Romano ad habitum territoriorum Germanorum* inscriptam, sane doctissimam, sed, quod nobis videtur, non sub Titulo hoc proferendam, literis signaturus majusculis fuisset. Videat jam optimus *Jenichius*, quomodo avertat a se odia eorum, qui nimis secum actum injuste clamitabant. Eidem forsan nimis jam molesti fuimus importunis nostris monitis, a quibus ne abstinendum nobis duceremus, effecit amor Viri, cui Opus suum, vel in his ipsis emendatum, longe maximum ab eruditis plausum comparabit. Non his plura

addimus, nec, quæ leviora videri possunt, annotamus, ne justo longius in his, quæ parum grata sunt, moremur. Forsan enim ipse jam post editum hunc librum animadvertit, aut per alios cognovit, non *Leges Angliæ* edidisse, sed *de laudibus saltem Legum Angliæ* scripsisse, *Joannem Fortescue*, nec huic nomen *Fortesque* fuisse; non *Pertii*, sed *Bertii*, *de Aggeribus ad mare exstructis* librum exstare; *Lalamantii*, non *Salamantii*, nomen fuisse Autori *Collationis rationis anni præcipuarum gentium cum Romano*; *de Epistolarum origine* scripsisse *Jo. Casp. Thor-Specken*, non *Jo. Casp. Theod. Specken*; libro *Freymonii* haud esse titulum *Catalogi librorum Juris*, sed *Elenchi Autorum omnium, qui Jure tam Civili, quam Canonico, claruerunt*; *Petr. Mullerum de singularibus Bunaviorum Statutis*, non *de statibus*, *Dissertationem* edidisse, nec *de Statutis*, sed *de Statuis*, *Rolandis* libellum *Rhetii* exstare; non *Galenii*, sed *Caleni*, *de Comitibus* *Dissertationem* prodidisse; *Dyckerhoeckii* *Opuscula* non *Hala*, sed *Amstelædami*, primum edita; non *de Autore invito*, sed *de Actore invito*, a *Wildvogelio* *Dissertationem* vulgatam, neque adeo sub titulo *Autor* collocandam hanc, nec *Christophori*, sed *Christiani*, prænomen huic *Wildvogelio* fuisse; *de Jure belli & pacis* Academicum libellum non *Gornieri*, sed *Garnieri*, nostris manibus versari; *Onsandri* nullam editionem *Francosurtanam*, nec ullam anni 1604, exstare, hujus vero Commentatori nomen *Joannis a Chokier*, non *a Chekier*, nec, quod alio in loco dicitur, *a Cokier*, fuisse; non *Campanam*, sed *Campanum*, *de Bello contra Turcas* librum scripsisse; *Chladenio*, qui *de Arbitrio judicis in commutandis panis* *Dissertationem* scripsit, *Justi Georgii*, non *Joannis Georgii*, prænomen esse; anonymum Græce ἀνώνυμον scribi, non ἀνώνυμον, quod sæpissime hic factum; & quæ alia sunt, ei, cui cum libris frequens est commercium, facile notanda. Sed hæc, utcumque comparata sint, nihil præstantissimi Editoris meritis detrahunt, quæ certe magna sunt, & a nobis grata mente agnoscenda. Nam, si nihil esset aliud ab eo præstitum, quam quod Scriptorum numerum mirifice adauxit, & innumerabiles priorum editionum errores sustulit, vel

tunc

tunc, ut plausus ipsi publicus decerneretur, suo quodam jure postularet. Jam vero, cum plura etiam ornando huic Operi contulerit, & passim librorum titulis annotationes literarias, minime vulgares, nec injucundas, adjecerit, hoc majori sibi eos omnes, quorum commodis destinata est nova hæc editio, beneficio obstrinxit. Dabimus nonnulla illorum, quæ nobis præ ceteris notatu digna visa sunt, specimina, simul ac de vita *Lipenii* dixerimus, a Pl. Rev. a *Seelen* olim in *Athenis Lubecensibus* descripta, inde vero a Conf. *Jenichio* in Bibliothecæ hujus aulæum translata, & variis animadversionibus illustrata. Protulit Virum Gorza Marchica A. 1630, ipso *Martini* die, cujus etiam nomen ei fuit impostum. Parentes agriculturæ operam dederunt. In Brandenburgensi & Ruppinenfi schola, Gymnasioque Sedinenfi, ad altiora fuit præparatus. In hoc Gymnasio, *Jo. Fabricio* præfidente, *mirabilem animæ rationalis originem* publica Disputatione, suo Marte elaborata, exposuit. Vitembergam A. 1651 commigravit, & præcipue Doctores Theologos, tunc temporis hic florentes, sedulo audivit. Secundo statim vitæ Academicæ anno summos in Philosophia honores consecutus est, quibus ut dignissimus judicari posset, scholas aperuit cum philosophicas, tum tales, quæ ad humanitatis studia pertineant. Sæpe etiam in publicum prodiit, vel sub *Quenstedio*, *Calovio*, & *Reichmanno*, vel sine aliena ope, varias Disertationes, eleganter conscriptas, defendens. Præclaris hifce meritis non poterat non Patrum Academicæ amorem sibi conciliare. Dignum illi judicarunt, qui Rectoris munere in Gymnasio Gottingensi, Antislitis primarii apud Modornenses in Hungaria, Inspectoris Rathenonienfis in Marchia, dignitate condecoraretur. Præter Cothufanz in Lusatia scholæ curam, alia quoque scholastica munera ipsi sunt oblata. Sed hæc repudiavit omnia, Vitembergæ commorari satius existimans. Tandem vero aliquando Halam arcessitus, Conrectoris spartam hic suscepit, in qua tantopere sorte sua contentus vixit, ut repulsam ferrent Oldenburgenses,

Pag. 3.

- gentes, suæ eum scholæ præficere cupientes. A. 1672 Sedinum abiit, Gymnasii Carolini Director & Professor constitutus. Quatuor annos post Lubecam concessit, & vacuum hic Con-
rectoris locum occupavit. In munere hoc permansit usque ad
annum 1692, quo, molestiis morbisque defatigatus, vitam cum
morte commutavit. Scripta reliquit varia, & philosophica, &
theologica, & literaria, quæ pro temporis, quo vixit, ratione
minime sunt negligenda. Afferuntur in notis a *Jenichio* eru-
ditorum quorundam de *Lipenio* judicia, & locus ex *Morhofii*
Polyhistoræ, quo *Bibliotheca juridica* non illa *αὐτοβία* con-
scripta, qua scribi debebat, nec tale negotium suscipi debere
ab homine, extra Jurisprudentiæ sacra constituto, dicitur. Qua
in re *Morhofius* omnes, qui rem recte putant, sibi ha-
bet consentientes. *Bibliotheca* ejus *philosophica* reliquis omni-
bus præstat. De *Lipenii Bibliothecis* augendis cogitavit olim
6. *Vinc. Placcius*, sed non adpexerunt lucem ejus additiones.
8. In fine optat *Seelenius*, ut eruditorum Virorum societas ali-
qua conjunctis viribus *Lipenii Bibliothecas* in manus sumat,
& insigniter auctas correctasque denuo publici juris faciat.
Dabimus nunc specimina quædam eorum, quæ in ipso Opere
passim condimenti loco Editor doctissimus adjecit. Recte tri-
buitur *Ephr. Gerardo* Dissertatio de *Criminum abolitione*, &
propterea immerito, quod addimus, Autor hujus Commenta-
tionis perhibetur *Brunquellus*, qui Respondentis tantum par-
tes sustinuit, in vita *Brunquelli*, a Cl. *Jenichen* vulgata. Ipse
id *Brunquellus* docet in *Hist. Jur. Rom. & Germ. pag. 67 edit.*
P. I pag. 2. *Amstel.* Dissertationis de *Anticipatione usurarum*, Præside *Gust.*
24. *Henr. Mylio* hic Lipsiæ defensor, verus auctor est filius, *Jo. Hen-*
ricus, historia *Theophili* clarissimus. Ill. *Leyserus*, ob graves
34. cum Theologis & Philosophis Vitembergenfibus controversias,
quas libellus de *Affentationibus Jutorum* excitaverat, martyrum
juridicorum numero adscribitur. *Schultingius* in Oratione de
74. *Jurisprudencia Ciceronis* tam firmis, ut exillimat *Jenichius*, ar-
gumentis *Ciceroni* Jureconfulti nomen asseruit, ut parum robo-
ris habere videantur, quæ contra illa protulit *Bynckershoekius*.
Anony-

Anonymi Tractatum de Accusatione ex sponſu cum accuſatione matrimonii cumulatâ; Lipſiæ A. 1733 editum, autori *Jo. Franc. Bernio*, Jureconſulto olim Lipſienſi, deberi, pro certo affirmatur. Perill. *Thomas a Friſch* pro oblata olim Auguſtiſſ. *Carolo VI* Diſſertatione de Jure Imperatoris in magnam Ducatum Etruriæ, quam Præſide Ill. *Maſcovio* noſtro in cathedra defenderat, aureo torque a ſummo Imperatore ornatus ex merito fuit. Ejusdem Cel. *Maſcovii* res Germanorum, quas Italonum lingua *Pallavicinus* donavit, nunc etiam in Anglicum, Belgicum, Gallicum, translatis ſermonem prelum fatigare, indicatur. Optat Cl. Editor, ut liſtores virgas expedire jubeantur contra eos, qui immaturos literatorum hominum ſæus, turpis lucelli amore capti, in lucem protrudunt. Nic. *Mareſchalci Thuri*i Inſtitutiones reipublicæ militares & civiles, Roſtochii A. 1515 fol. impreſſæ, quæ ipſi *Maittaire* ignotæ fuerunt, ob raritatem pariter ac præſtantiam magnopere prædicantur. Diſſertatio, Præſide *G. H. Mylio* Lipſiæ publice olim propoſita, de hiſtoria legatorum, eidem ejus filio, *Jo. Henrico*, quem ſupra diximus, tribuitur. Notatur verbis acerbioribus *B. G. Struvius*, nuper pie deſunctus, quod *Aug. Quir. Rivino* Programma adſcripſerit, de Ordinariis Facultatis Juridicæ Lipſienſis, qui tres annos ante, quam lucem adſpiceret opella, fatiſ conceſſerit. Non moris eſſe apud nos, adjicitur, ut demandetur beatis animabus conſcribendorum Programmatum cura. Ohe quam falſe & acute! Ill. *Leyſeri* Commentationi, quæ Miniſter Principis delinquens inſcribitur, tertio loco acceſſiſſe Diſſertatio de pœnis Miniſtrorum delinquentium hic dicitur. Sed, illam ſeparatim prodiſſe, neque in Opuſculo, quod diximus, deprehendi, nobis credat Lector. *Godofr. Thomafius*, Medicus Norimbergenſis, parat Supplementa ad *Jacobi*, parentis ſui, librum de Plagio literario, qualia etiam collegit *Stollius*, clariffimus Jenenſium doctor. De variis Paraphraſeos *Theophili* editionibus ſuſe exponitur. Primus de *Theophilo* bene meritus eſt *Vigl. Zuichemus*, qui Opus ex Mſtis Bibliothecæ Venetæ, & *Jo. Bapt. Egnatii*, Baſileæ A. 1534 fol. Græcè edidit. Præclaram poſtea operam *Theophilo* præſtitit *Jac. Curtius*, cujus Latina Paraphraſeos verſio, cum brevioribus ejusdem

P. I
pag. 175.

187.

242.

243.

267.

P. III
pag. 328.

344.

374.

P. IV
pag. 446.

P. V
pag. 14.

Gg gg

notis,

notis, prelum sæpissime fatigavit. Nec laudes nullas meretur *Dionys. Gotthofredi* diligentia. Omnium tamen industriam superavit *Car. Ann. Fabrotus*, qui, nemine non applaudente, *Theophilum* Parisiis evulgavit. Dolendum est, *Jo. Henr. Mylium* justo maturius rebus humanis bonisque literis ereptum, qui sane ornando illustrandoque *Theophilo* natus factusque erat. Tantopere ejus libellus, quo *Theophili* historiam exposuit, ipsis Belgis placuit, ut de eo A. 1733 denuo edendo cogitarent. Novam *Theophili* editionem *Cornelius van Sieben* parat. Sed jam de *Bibliotheca Lipensio-Jenichiana* satis.

JO. GOTTLIEB HEINECCII ELEMENTA Juris Naturæ & Gentium, commoda Auditoribus methodo adornata.

Halæ, impensis Orphanotrophei, 1738, 8.

Alph. 1 plag. 164.

Postquam tot Jurisprudentiæ partes & Philosophiæ disciplinas artificio singulari ac veluti sibi proprio expolivit Ill. *Heineccius*, non potest non Lectoribus, qui ejus scripta in deliciis habent, hoc est, plurimis, per jucundum esse, quod etiam ad ornandam Jurisprudentiæ naturalis scientiam animum appulerit, & postquam tot ac tanta Quiritibus Germanisque dederat, nunc felicissimæ diligentiæ suæ fructus ad omnes perque populos pertinere voluerit. Qui liber ut amabitur a plerisque, quod *Heineccianus* est, ita & ipsi Celeberrimo Auctori ex multis causis prope necessarium visum esse intelligimus, ut in prælectionibus ad Jus naturæ & gentium suis potius utatur præceptis, quam alienis. Nam, ut in Academiis, qui aliorum Compendia interpretantur, non possunt non interdum a ducibus suis divergere, & quo pejor est libellus, in quem docendo inciderunt, eo sæpius a via, quam ostendit ille, declinare, ita molestissima refutandi opera, & adolescentibus vel eo nomine, quod multum temporis inutiliter perditur, noxia, carere quisque potest, qui suas ipse sententias in compendium cogit, & sive recte, sive perperam, sentiat, secum

cum tamen consentit, atque hoc ipso remedio odiosam, du-
cem suum reprehendendi, supplendi, & secandi, provinciam
evitat. Itaque, cum, methodum suam utilitate non caruisse,
ceterarum Jurisprudentiæ disciplinarum exemplis intellexe-
rit Ill. *Heineccius*, noluit intactam relinquere illam, quæ cete-
rarum omnium veluti basis & fundamentum est. Metho-
dum autem suam cum se adhibuisse statim professus sit, per-
spectum erit eis, qui in libris *Heineccianis* versati sunt, quod
nec illam religiosam, vel, ut alii loquuntur, superstitionem,
succique vacuum, seu, ut amatores ejus dicunt, geometricam,
adhibuerit, nec, ut ait ipse, tenebris metaphysicis, subtilissima
demonstratione velut ex industria quæsitis, se suaque texerit,
vicissim vero non illa desultoria levitate, qua nonnulli prin-
cipiorum Juris Naturæ ofores circumerrant, vagatus sit, sed
illa, quæ & Philosophos decet, mediocritate, circumspecte
quidem, sed sine anxio ad vivum omnia refecandi vitio, pruden-
s inaccesserit, suisque definitionibus & axiomatibus, haud
secus ac in Elementis Juris Civilis, usus sit. De unico au-
tem, & vero, & quod dicunt, adæquato, Juris Naturæ principio
circumspicienti, placuit inventum *Papiniani* Brandenburgici,
Samuelis L. B. *de Cocceji*, voluntas nimirum Dei. Neque
enim Noster cum eis facit, qui, hominum actiones internis
suis vel bonitate vel vitio protinus justas & injustas esse, con-
tendunt. Bonas quidem eas sua natura dici posse, similiter-
que malas, concedit, sed, ut justæ vel injustæ censeantur, fieri
non posse sine lege; adeoque, si vel consilium admitteres,
quo bonæ suadeantur, malæ dissuadeantur, ad obligationis
tamen necessitatem opus esse lege, quæ nisi adesset, actio per
se mala imprudenter quidem, non autem injuste, perpetrata
videri posset. Negat igitur, dari actiones *antecedenter*, ut
ajunt, *ad Legem* justas, sed normam quærendam esse extra
nos, & extra ipsam actionum internam qualitatem perspicue
positam, quæ nulla alia ipsi videtur, quam Dei voluntas, eam
vero non aliter cognosci posse, quam per illum, ad quem
ipse Deus nos obligat, *amorem*. Deum enim velle felicitate
hominum, eamque in legibus suis ab æterno fixis inten-

dere, felicitate autem veroque bono neminem frui posse, nisi per amorem, qui boni appetitio, ejusque cum voluptate sensus, est. Amoris illius primum gradum esse statuit iustitiam; neque consistere posse, ut lædas aut suum illi deneges, quem amaveris; alterum, ut ea quoque impertiaris, quæ magis humanitatis, quam stricti juris, sunt: unde obligationis perfectæ & imperfectæ origo exsurgit. Hujus autem amoris tria esse putat objecta, Deum, nosmet ipsos, & homines alios, ex qua triplici scaturigine omnium officiorum latices deducerentur. Hæ vero primæ totius Operis lineæ sunt, ad quas omnia censentur & componuntur. Superfluz vero res operæ foret, minutatim singula referre, quæ ex his principiis colliguntur, nec alia, ut unusquisque facile judicabit, esse possunt, quam quæ in omnibus Juris Naturæ Compendiis & Systematibus, quanquam ubivis alia via diversoque ordine, proposita sunt. In universum monere sufficit, quod omnis tractatio *duobus Libris* absolvatur, quorum *alter* de Jure naturæ, *alter* de Jure gentium, agit. Ac in *primo* quidem, quæ actio bona vel mala, quid obligatio & lex, & quid denique illa legum ipsius rationis beneficio cognoscendarum complexio, nempe *Jus Naturæ*, sit, disquiritur; similiter, quæ conscientie indoles, diversitas, & libertas, quæ erroris & ignorantie vis vel excusatio, & quæ demum actionum omnium norma, seu verum Juris Naturæ principium, ejusque per accuratam imputationem applicatio. His ita præstructis, officia erga Deum expenduntur, ut cognosci & coli sine superstitionis fallacia possit; inde, quid hominum quisque sibi ipsi debeat, sive vitam & valetudinem, sive vires ingenii, aut voluntatis emendationem, spectet, quæ norma collisionis officiorum, & quæ necessitatis ipsius lex sit; postremo, quid erga homines alios justum sit, sive officia, quæ dicimus, absoluta, sive hypothetica, intueamur, & discrimen obligationis nunc perfectæ, nunc imperfectæ, custodiamus. In qua tractatione, nobis ne quidem monentibus, unusquisque etiam illa quæret, quæ de dominio, modisque illud vel acquirendi, vel derivandi, de commercio, de pactis, eorumque vel componendorum vel dissol-

diffolvendorum ratione, communiter disputantur. *Altero Libro* producantur homines, ut societatum vinculis continentur, & vel uxores ducunt, vel liberos procreant & educant, vel servos alunt, aut dominis obsequuntur. A familiis recta & consultata patet ad rempublicam via, cujus origines, figuræ, & partes, expendantur, simulque, quæ majestatis jura vel civium obsequia sint, concinne traditur. Subjecta sunt paragraphis tantum non singulis scholia, ex Historiarum, Juriumque civilium, aut veterum & recentiorum Philosophorum, penu petita, non quod cujusquam testimonii accessione rationem, illam Juris Naturæ magistram & interpretem, juvari posse, Illustris Autor censeat, sed quod his veluti blanditiis ipsarum veritatum siccitatem mollire, nec tam fundamenta jacere, quam, quæ bene positis argumentis fundata sunt, ornatus specie distinguere, contendat. Ceterum prima Libri dos est, quod perspicue, nitide, ac limata, omnia tradat, & ut uno verbo rem complectamur, *Heineccianus* sit, & ob has virtutes dignum, quod Regni Danicæ Hæredi dicaretur, donum esse videatur.

GEORGII HENRICI BEHRII, MEDICINÆ Doctoris atque Practici Argentinenfis, nec non Acad. Imper. Nat. Cur. ut & Commenc. Liter. Phys. Techn. Medici, Sodalis, Lexicon Physico - Chymico - Medicum reale; cum Præfatione MICHAELIS ALBERTI, Reg. Boruff. Conf. Aulici, & Confist. Magdeb. Med. & Phil. Natur. Prof. Publ.

Argentorati, sumptibus Joannis Beckii, 1738. 8.

Alph. 4 plag. 21.

Tantus est Observationum, ad omnes artis salutaris partes spectantium, cumulus, tanta hypotheseum, ex illis formarum, diversitas, ut singulis, hinc inde dispersis, perlustrandis, atque colligendis unius hominis nequaquam sufficiat ætas. Illorum vero, qui phænomena sibi obvia curatius expendere, & cum aliis communicare, instituunt, non parum interest, ut,

Gg 88 3

quid

quid alii de his observarint, atque commentati sint, cognoscant, ne dudum cognita pro novis obtrudant, & jam tum evoluta multo labore eruere conentur, sed, aliorum adjuti laboribus, ulterius progredi possint. Quo nomine illorum studium suas laudes meretur, multumque commodi parit, qui, quid ab aliis in quavis scientiæ parte præstitum sit, paucis indicare, & ad fontes ablegare lectores, suscipiunt. Cujus specimen aliquod Cl. *Alberti* in tentamine Lexici realis Observationum Medico-Physicarum ante aliquot annos dedit, cujus *Partem tertiam* prelo jam paratam esse, ex Præfatione, huic Operi a Doctiss. Viro præmissa, intelligimus. Eandem viam ingressus est præsentis Operis Autor, qui Lemmata, in lectione Autorum in suos usus annotata, in publicum edere decrevit. Indicantur hic potissimum, quæ in *Novis* hisce *Actis*, Commercio literario Norimbergenfi, Ephemeridum Nat. Cur. recentioribus Voluminibus, Actis medicis & Miscellaneis Berolinensibus, ad rem medicam spectantia occurrerunt, tum in recentissimorum Virorum celeberrimorum Operibus singularia visa sunt; ut hinc *Berhaavii*, *Hoffmanni*, *Stahliani*, *Junkerii*, *Coschwitzii*, *Alberti*, scripta sæpius citata reperire liceat, subinde etiam superiorum Seculorum Autores, qui novas Observationes Anatomicas, Chymicas, aut practicas, reliquerunt, allegatos videamus. Neque scriptorum olim a se editorum crebriorem injicere mentionem, & quicquid in illis continetur, studiose annotare, sicque ab oblivione illa vindicare, plurimumque commodis idonea reddere, omisit Autor. Non dubitamus, Lectoribus, qui potiora aliorum de rebus medicis placita uno intuitu cognoscere cupiunt, neque diffusæ lectioni ob alia impedimenta vacare ipsi possunt, hunc Indicem sua se utilitate commendaturum.

ANIMADVERSIONES IN PROPOSITIONEM XXI Libri VII Elementorum Euclidis, cum nova ejusdem Propositionis Demonstratione. Accedit pro coronide Demonstrationum Algebraicarum Specimen, ex Euclidis

clidis Elementorum exemplari, ad id operis artificiose compacto, depromptum.

Brixiz, typis Joannis Mariz Rizzardi, 1738, 4 maj.

Plag. 5½.

Propositio 21 Theor. 19 Lib. VII Elem. Euclidis huc redit: Si *A* & *B* sunt numeri omnium, qui eandem cum ipsis rationem habent, minimi, æque metientur numeros ipsis proportionales; vel sic clarius: Quodsi habentur $A : B = C : D$, ubi *A* & *B* termini supponuntur minimi omnium aliorum, eandem rationem habentium, erit *A* eadem pars aliquota ipsius *C*, quæ *B* est ipsius *D*. Demonstrationem hujus Propositionis indirectam affert *Euclides*, quam sub examen vocandam triginta jam abhinc annis censuit Eminentiss. Cardinalis *Quirinus*, Brixianæ Diœceseos Antistes, cum Florentiz versaretur. Cum *Euclidean* probandi ratio ei videretur insufficiens; novam hujusce Propositionis demonstrationem concinnare tum temporis allaboravit, adpersis quibusdam animadversionibus, ad idem argumentum pertinentibus. Quæ cum ad manus pervenissent Viri Cl. *Fortunati a Brixia*, is, cum orbe literario hæc communicandi, a Cardinali facultatem obtinuit. Opusculo præfixit Præfationem, ubi in laudes doctissimi *Quirini* effunditur, qui, cum gravissimis negotiis semper distineatur, in excolendas literas, Mathesin præcipue, plurimum operæ studiique confert. Sequitur Epistola, quam ad Emin. Cardinalem scripsit olim Vir Cel. *Guido Grandus*; qui, cum mentem suam de Propositione *Euclidean* aperuisset, bonitatemque demonstrationis asseruisset, (quæ circa numeros solum integros ex mente *Euclidis* versatur,) Virum eruditissimum hortatus est, *Euclidi* ut suam laudem relinqueret, qua per tot Secula fruitur; quod scilicet absque omni paralogismi labe Elementa sua conscripserit. Epistolam excipiunt ipsæ Animadversiones, quibus id agit Doctissimus Autor, ut *Euclidis* demonstrationem impugnet, & mancã ad minimum dicat. Non enim sufficere, contendit, ut soliditas dictæ demonstrationis adstruatur eo, quod de numeris fractis *Eucli-*
des

des fileat. Sed, ut hac de re judicare queant Lectores nostri, en *Euclidean* probationem, a nobis hac ratione propositam: Si sit $A : B = C : D$, erit quoque $A : C = B : D$, adeoque erit

$$A \text{ vel } = \frac{1}{m} C, \text{ \& } B = \frac{1}{m} D, \text{ vel erit } A = \frac{n}{m} C \text{ \& } B = \frac{n}{m} D, \text{ positis } m \text{ \& } n \text{ numeris integris, \& } m > n.$$

$$\text{Quodsi } A = \frac{n}{m} C, \text{ \& } B = \frac{n}{m} D, \text{ erit itaque } \frac{n}{m} C :$$

$$C = \frac{n}{m} D : D, \text{ ergo alternando \& dividendo per } n, \frac{1}{m} C :$$

$$\frac{1}{m} D = C : D; \text{ jam vero } \frac{1}{m} C = \frac{1}{n} A, \text{ \& } \frac{1}{m} D = \frac{1}{n} B,$$

$$\text{ergo etiam } \frac{1}{n} A : \frac{1}{n} B = C : D, \text{ ergo } A \text{ \& } B \text{ non erunt}$$

numeri in hac ratione minimi, contra hypothesin; est enim

$$\frac{1}{n} A < A, \text{ \& } \frac{1}{n} B < B. \text{ Restat itaque, ut sit } A = \frac{1}{m} C,$$

$$\text{\& } B = \frac{1}{m} D, \text{ id est, ut } A \text{ \& } B \text{ æque metiantur } C \text{ \& } D, \text{ vel}$$

sint earum eadem pars aliquota. *Q. E. D.* Hæc demonstratio quoad substantiam coincidit cum *Euclidean*; algebraici characteres adhibiti sunt, ut verborum ambages effugeremus. Contra hanc probandi rationem excipit Eminentiss. *Quirinus*, exin-

$$\text{de, quod foret } \frac{1}{n} A : \frac{1}{n} B = C : D = A : B, \text{ non sequi,}$$

terminos A \& B non esse minimos hujus rationis; demon-

$$\text{strationem eo solum casu esse legitimam, cum } \frac{1}{n} A$$

\&

& $\frac{1}{n} B$ ſint numeri adhuc integri: ſed ſuſpicari quempiam

poſſe, annon $\frac{1}{n} A$ & $\frac{1}{n} B$ ſint numeri fracti; tunc enim

nihil abſurdi in eo eſſe, ut exiſtat $\frac{1}{n} A : \frac{1}{n} B = C : D =$

$A : B$, & nihilo minus A & B ſint termini (integri) minimi rationis $A : B$. Respondet *Grandus*, ſe non videre, quomodo huic objectioni locus queat eſſe; cum apud *Euclidem* omnis numerus ſit integer: & ex definitionibus 3 & 4 *Elem. VII* evidentiffime conſtet, omneſque partem numeri, (hoc eſt,

noſtro more, $\frac{1}{n} A$ & $\frac{1}{n} B$) aut plures ejus partes, (hoc

eſt, $\frac{n}{m} A$, aut $\frac{m}{n} B$, aut $\frac{m}{n} C$, &c.) eſſe numerum pro-

prie dictum, ſcilicet integrum. Itaque, cum ab *Euclide* di-

ſerte inferatur, eſſe vel $A = \frac{1}{m} C$ & $B = \frac{1}{m} D$, vel $A =$

$\frac{n}{m} C$, & $B = \frac{n}{m} D$, etiam $\frac{1}{n} A$ & $\frac{1}{n} B$ ſemper fore nu-

meros integros, adeoque nihil inveniri in demonſtratione *Euclidea*, quod jure reprehendi poſſit. Sed hæc de Propoſitione dicta ſufficiant; indicanda adhuc quædam ſuperſunt de Specimine Demonſtrationum algebraicarum, ab eodem Eminentiff. Cardinale confectarum. Verſantur ex circa *Libros II, V, VII, VIII, & IX Elementorum*. Nullum eſt dubium, quin multum emolumenti ex iis percipere poſſint Geometriz cultores, quibus haud raro negotium facceſſunt demonſtrationes *Euclidea*, prolixæ ſæpius & ſubtiles, quibus præcipue ſcætant modo dicti *Elementorum* Libri. Algebraicæ demonſtrationes, uti ob brevitatem & facilitatem, ita ob univerſali-

Hh hh

tatem

tatem inprimis, commendandæ sunt, cum magnitudinibus cuiusvis generis æque convenient. Ab eo itaque ordiendum est tironibus, ut *Euclidean* Propositiones eruant analytice; quo facto, ad ipsam demonstrationum lectionem demum accedant. Eo maxime, si quidquam aliud, conducet hoc, quod recensemus, Specimen, ab Eminentiss. *Quirino*, memoriam ut iuvaret, olim concinnatum Quod ut usibus existeret tanto accommodatius, notis suis perpetuis illustravit Cl. Editor, veritus, ne nimia interdum brevitatis moraretur legentes, Quæ cum ita sint, est, cur sibi gratulentur ad *Euclidem* accessuri, lucem accensam iis in rebus, quæ maximis involutæ tenebris, & difficultatum plenæ, prima fronte videntur. Novam vero Propositionis *Euclidean* demonstrationem, ab Eminentiss. *Quirino* adornatam, non opus est, huc transferre, sed, Lectorem ad ipsum libellum ablegari, fatius putamus.

M. CAR. HENR. LANGII, GYMNAS. LUBEC. Subrektoris, Biblioth. publ. Præfetti, & Societ. Teuton. Lips. Membri, *Observationes sacræ, quibus varia Novi Testamenti loca ex antiquitatibus & Philologia sacræ exponuntur & illustrantur. Accedit Specimen Lectionum Euripidearum in Phœnissæ. Adjecti sunt Indices necessarii.*

Lubecz, sumtibus Jonæ Schmidt, 1737, 8.

Alph. 1. plag. 7.

Exhibet hic Præclarissimus Autor sex potissimum haud vulgaris eruditionis specimina; quorum pars lucem jam antea vidit, pars vero primum nunc in eruditorum conspectum prodit, *Primam* Dissertationem, ante hos novem annos Jenæ publicatam, ita nunc auxit atque ornavit, ut nova plane existimari possit. Illustraturus autem hac ipsa *Act. XVI, 37-39*, de immunitate civis Romani a certis pœnis commentatur. Quod sequitur, Opusculum Lubecz A. 1729 prodierat, infame Christi supplicium, a *Luca XXIII, 33*, descriptum, uberior

ritis exponens. *Tertia* Observatio nova est; atque in verbis occupatur, quæ *Lucas*, internos Christi dolores descripturus, præmisit. *Quarta* vero, nova tantum velle induta, doctoris sacri ideam, a *Paulo 2 Tim. II, 14*, delineatam, ostendit. *Quintum* sibi locum vindicat, de luctu veteris Græciæ, luctubratio, præstantissimo olim, nunc desideratissimo, *Hamburgensium Fabricio* consecrata. Finem denique Lectiones *Euripideæ* imponunt. *Euripides* nimirum est, in cujus præcipuis Trægædiis singulare studium collocare solet doctissimus Autor, cum in finem, ut luci aliquando publicæ politas atque emendatas concedat; quod institutum, non possumus, quin probeinus mirifice atque commendemus. Præclara enim pollicetur *Langiana* isthæc diligentia, quæ his ipsis Speciminibus, sigillatim nunc atque membratim lustrandis, nitidissime splendescit. In *prima* statim Commentatione Autor doctissimus octo constituit pœnarum apud Romanos genera; multam scilicet, vincula, verbera, talionem, ignominiam, militarem æque ac civilem, exilium, servitutem, atque ipsam denique necem, quorum singula in suas iterum species distribuuntur, ac breviter delineantur. Respectu habito ad personas, nova oritur pœnarum divisio, quarum pars promiscue adhibebatur, pars solis servis imminerebat; qua occasione ad ipsum *Astorum* locum descenditur, ubi, post nexum demonstratum, tria imprimis vocabula, *ξύλον, δημοσία, βαβδούχοι*, uberius expendantur. Quod ad argumentum de ignominia Christi ex crucis supplicio attinet, illam ipsam tum ex loco *Golgatha*, tum ex ipsa ejusmodi internecionis delineatione ac nominibus, tum ex variarum gentium consensu, tum denique ex sociis, quos inter pependit Servator, Vir crudelitissimus demonstravit. Refert hic nominatim, quam exosum istud fuerit supplicium penes *Ægyptios, Carthaginienses, Persas, Assyrios, Indos, Scythas, Gallos, Græcos* denique, atque Romanos. Removet tamen ejusmodi abominationem a Christianis, quibus signum crucis adeo potius carum atque pretiosum fuit, ut etiam in numis sculpendum elegerint. *Matthæanum* locum, quem postea lustrandum sumis, ita interpretatur

Hh hh 2

tatur

tatur *Langius*: Tum venit cum iis Iesus in hortum, Gethsemane dictum, & dicit discipulis: expectate hic, usque dum revertar, precatus ibi, & accepto Petro & duobus Lebedæi filijs, capit acerbius dolere, & vehementissime angī; hinc dicit eis: perquam mæsta est anima mea usque ad mortem. Quam interpretationem, parum equidem a ceteris diversam, ulterius prosecuturus, non omnia solum, quæ rem circumstant, sed ipsa etiam vocabula, perquirat; ubi præsertim ex sacris pariter atque profanis confirmat, adverbium αὐτοῦ locum præstolandi significare, neque intactum relinquit, cur verbum ἤρξατο, quod πλεονασμῶ alioquin inservit, adhibendum curaverit Autor divinus. Magnitudinem vero, quos perpassus est Christus, dolorum ex duobus vocabulis λυπεῖσθαι & ἀδημονεῖν, duabusque loquendi formulis, περιλυπός ἐστι ἡ ψυχὴ μου, & ἕως θανάτου, offensam esse videmus. Eadem cura atque diligentia in *Paulino* etiam loco, quem, ut dicendorum compendium faciamus, sicco jam pede præterimus, apparet. Neque tamen omittere possumus, quæ de Græcorum luctu ex *Euripide* asseruntur, lectu omnino dignissima. Demonstratur nimirum, qua ratione contextis capitibus, oculis in terram defixis, lachrymas fundentes ambulaverint veteres, θρήνους porro, κακυτόν, ἰαχὴν, ὄδυρμὲν, ἰαλέμους, γέους, miscuerint, præficas atque præcentrices aluerint, planctus, genarum lacerationem, crinium evulsionem, capitis rasuram, cinerum in caput sparsionem, vestitum nigrum, vestium lacerationem, quin & in Deos convicia, conjunxerint, crines porro abscissos rogo imposuerint, terram scalpere consueverint, musicosque concentus omiserint. Ita vero in signa domus luctuosæ inquiritur, luctusque tempora definiuntur. Nihil superest, nisi id unum, ut, repetito voto, eximium Autori limatissimæ doctrinæ specimen gratulemur, eundemque, ut in nobili hoc stadio porro alacriter decurrat, publico nomine cohortemur.

**ENARRATIO PSEUDO - ATHANASIANA IN
Symbolum Apostolicum, antehac inedita, & VIGILII
TAPSI-**

TAPSITANI de Trinitate ad THEOPHILUM Liber VI, nunc primum genuinus, atque affumentis carens, prolatus ex vetustissimo Codice Amplissimi Capituli Veronensis, opera & studio JOSEPHI BLANCHINI, Canonici Bibliothecarii. Accedit Symbolum Nicænum, cum Symmachi Papæ Vita, ex vetustissimis membranis nunc integre in lucem emissæ.

Veronæ, ex typographia Petri Antonii Berni, 1732, 4.

Plag. 15.

Collectio Opusculorum Eminentissimo ac Reverendissimo Cardinali *Angelo Maria Quirino*, Brizix Episcopo, ac S. R. E. Bibliothecario, ab Autore fuit inscripta. Enarratio in Symbolum Apostolicum anecdota ex Veronensi Canonice Bibliotheca nunc demum in lucem protrahitur. *Quirini* autem virtutes ac vita, una cum scriptis, ita recensentur in Dedicationis formula, ut nobis temperare non possimus, quin paucula inde huc transferamus. Ipse Vir Eminentissimus monasticum Florentiæ exegit tirocinium, feliciter Philosophiæ ac Theologiæ curriculum emensus, Ecclesiasticam Historiam, linguasque Græcam & Hebraicam, diligenter addidit, Lectorem sacræ Theologiæ egit per octennium, docens sacram Theologiam sacrosque Ecclesiæ Canones, nec non diviniore Scripturæ oraculorum expositiones. Recitavit Orationem publice de *Mosaica historia præstantia*, quæ A. 1705 Cæsenæ formis publicis descripta prodiiit. Edidit A. 1717 sub auspiciis *Clementis XI Dissertationem de Monastica Italiæ historia conscribenda*, quam ipsi provinciam cætus Casinensis, in Patavinis Comitibus congregatus, A. 1714 commendaverat lubenti. Anno illo elapso, per duos & amplius annos arctissima Sangermanensium Parisiis consuetudine usus est, postquam per quadriennium Germaniam, Bataviam, Belgium, Galliamque, lustraverat.

Hh hh 3

Ko-

Romam redux, Historiographum ordinis sui agere cepit. A. 1718. visitavit celebriora Archiva, videlicet Casinense, Cavense, Pharpense, ac Sublacenſe, ex quibus ſegetem monumentorum decerpiſit. Edidit porro *Orthodoxa veteris Græcia officia*. Emiſit A. 1725 in lucem ex typographeo civitatis Licii *Primordia Corcyra ex antiquiſſimis monumentis illuſtrata*, cum ab Innocentio XIII Archiepiſcopus Corcyræ eſſet renunciatus. A. 1726 Beneventi edidit *Enchiridion Græcorum*; quod Decreta Pontificum Romanorum de illorum dogmatibus ritibusque complectitur. Jam pridem intentus fuit præſtantiffimæ S. Ephraem Syri editioni Græco-Latinæ, quam in *quatuor Tomos* diſtributam adornat, conquiſitis undique veneratidæ antiquitatis monumentis, adjectisque Diſſertationibus non vulgari eruditione reſertis, edendos, & ex parte jam editos, ex typographeo Vaticano ſub nomine Pano-pliæ. Codices, in Vaticana hoc fine conferendi, ad numerum ſeptuageſimum circiter adſcendunt. Ipſum contextum Ephraemi Syriacum ex penu inſtructiſſimâ typographej Medicei proferet, quem videndi unquam eruditis olim vix ultâ ſpes reſtabat. Hæc Operis tanti molitio Episcopaliſ ſibi deliciis, jubente Clemente XII, honorem ſupremum Sanctæ Romanæ Eccleſiæ Bibliothecarii adjunxit. Clementis vero XI eum, infra annos canonicos conſtitutum, adſcripſerat tribus ſacris Congregationibus, Indicis nempe, Rituum, & ſancti Officii, nec non ad Abbatiales inſulas evexerat. Hæc ad *Quirini* elogia. In Operis *Blanchiniani* limine adſpicimus illico Diſſertationem de genuino Autore Enarrationis Pſeudo-Athanaſianæ, in Symbolum Apoſtolorum illuſtrandum concinnatæ. Eum haud fuiſſe *Athanaſium*, patetſcit vel exinde, quod hæc Enarratio in gratiam catheticorum ſcripta, cum tamen nullus *Athanaſii* exſtet Sermo catheticus, ſiquidem cathetice Alexandrini eo labore fungebantur: quod in hac Enarratione dictum illud ex 1 Jo. V: *Tres ſunt, qui teſtimonium perhibent in celo, Pater, Verbum, & Spiritus; & ii tres unum ſunt.* habetur: quod

Pag. 5.

8.

9.

13.

15.

16.

18.

26.

27.

28.

30 seq.

quod Autor vocaverit Deum patrem *autorem* filii, quæ loquendi ratio ad Græcos non quadrat, sed Latinum enarratorem designat: quod Autor Symbolum Apostolicum appellaverit *sacramentum*: quod aliis jam suboluerit, latere inter ea, quæ *Athanasio* tribuuntur, opera lucubrationes *Vigilii Tapsitani* in provincia Bysacena Episcopi. *Vigilio* familiaris erat illa loquendi formula, qua perhibebat, Deum assumpsisse hominem, quæ & in hac Enarratione occurrit. *Nestorius* eam æque phrasin adhibuit, sed a *Cyrillo* damnatam, anathematismo octavo. Nec est improbabile, Symbolum, vulgo *Athanasianum*, *Vigilii* esse factum. Hic enim de descensu Christi ad inferos clare & sæpius disseruit. In *Pseudo-Athanasiana* Enarratione legitur: *Ite, baptizate gentes, ungentes eas in nomine Patris & Filii & Spiritus Sancti*. Ad *Athanasium* hæc non quadrant, sed ad Scriptorem Latinum, veteri Latina seu Italica versione usum. *Ungentes* sunt omnes. Sed videntur nonnulli inde unctionem exculpisse, eamque Baptismo addidisse. Præstantissimus *Blanchinus* nobis promittit perquam liberaliter pag. 18 editionem vetustissimi Codicis Evangeliorum Italice versionis, quæ est vetus Latina. *Pinius* existimaverat, Symbolum Apostolicum ab Apostolis haud fuisse profectum, siquidem varietas editionum & ecclesiarum id doceant. Ut hunc scopulum amoliat Dissertationis Autor, arbitrandum sibi fuit, Symbolum Apostolicum ad quintum usque a nato Christo Seculum a fidelibus memorizæ duntaxat fuisse mandatum, haud scriptum literis. Vox *catholicam* primo haud existit in Symbolo Apostolico. Quare Evangelicis vitio non erat vertendum, quod ei voci recens natæ substituerunt *Christianam*, scilicet Ecclesiam. Articulus *de communionem sanctorum* absuit ad ætatem usque *Augustini*, & ille *de vita aterna* in Ecclesia Occidentali passim desiderabatur olim. Enarrationi ipsi, quæ Dissertationem excipit, Editor subiecit notas & criticas, & historicas; in ipsis autem verbis Enarratoris antiqui multa egregie menda sustulit. Enarrator credidit, Christum induisse carnem, peccato qui-

- quidem liberam, sed quæ tamen posset esse peccatrix. Ipse
 Pag. 34. *descensum Christi ad inferna* credidit, sed cum *Athanasio* re-
 strinxit ad animam. Enarrationi succedunt Editoris anno-
 36. tationes criticæ, dogmaticæ, & historicæ, lucernam olentes,
 & sesamo delibutæ. De descensu Christi ad inferna egregie
 41 seq. commentatur pag. 51 seq. quem a Christo fuisse peractum,
 secundum animam, corpore intra sepulchrum quiescente, *A-*
thanasius & affectatores ejus existimaverunt. Ad Librum sex-
 55 seq. tum *Vigilii Tapſitani*, seu *Idatii*, Chronographi, de Trinitate
 ad *Theophilum*, nunc demum assumptis solutum, non est,
 quod moneamus, præterquam quod ille jam ex Codice edi-
 tus sit antiquissimo, assumptis & additionibus vacuo. Suc-
 69 seq. cedit Symbolum Nicænum, ex eodem Codice Veronenſi edi-
 95 seq. tum, ac post illud *Symmachi* Papæ Vita, in nupera *Anastasi*
 Bibliothecarii editione Romana ex parte tantum in lucem
 prolata, nunc vero ex iisdem membranis integre publici ju-
 ris facta atque recognita. In ea descriptione scelera & vi-
 104 seq. tia satis multa in *Symmachum* conjiciuntur. Quo factum
 est, ut *Blanchinius* uterque, scriptum illud a sectatore factio-
 nis *Laurentii*, qui *Symmachi* erat competitor, compositum
 esse, statuerit. Nostrium vero est, Viro Summe Reverendo,
 dapium deliciosarum ac novarum appositori, de inventis
 thesauris gratulari, eumque studiose rogare, ut complura ejus-
 modi fercula proferre ne dedignetur.

HENR. SAMUEL REIMARI, P. P. DE VI-
 ta & Scriptis JO. ALB. FABRICII
 Commentarius.

Hamburgi, sumtu viduæ Felgineræ, 1737, 8.

Alph. 1 plag. 10½, cum effigie.

Quandoquidem dignissimum laude publica institutum
 est eorum, qui illustrium Virorum vitas & res
 præclarissime gestas, posteris commendare, & ab ob-
 livione

livione vindicare, modis omnibus student; habent boni omnes, cur impense faveant ac plaudant præstantissimo *Reimaro*, qui non umbraticum, non mediocris doctrinæ, non famæ obicuræ, hominem, sed primi inter eruditos sublellii Virum, sed veri nominis Polyhistorum, sed, quod unum magnæ instar laudis esse potest, *Fabricium*, diligenter ac erudite describendum sibi sumit. Is quidem semper fuit *Fabricius*, qui nominis sui gloriam factis præclaris ad sera transnittere secula, & scriptis, quæ sola ætatem ferunt, eruditissimis immortalitati se commendare, egregie scivit, nec paucos vivus adhuc laudum suarum præcones habuit; fuit tamen nonnihil amicis indulgendum, dandum etiam nonnihil publicis doctorum desideriis, ut, quæ tanti hominis sint merita, una veluti tabula descriptum exstaret. *Primum* itaque illorum *Capitum*, quibus libellus hic absolvitur, vitæ totius cursum incomparabilis Viri exhibet. Natus est Lipsiæ A. 1668 d. 11 Nov. ipso *Martini* die, quem ideo per omnem vitam festum sibi sacrumque habuit, patre *Wernero*, chori musici in æde D. *Pauli* direttore. In patria primum schola ab *Herrichii*, sermonis Græci laude florentissimi, ore pependit; dein Quedlinburgum concessit, *Jo. Schmidii*, Grammatici nostra ætate non incelebris, doctrina usus. A quo cum *Barthii* forte *Adversaria* accepisset, insigni illa eruditionis criticæ copia summopere delectatus, librum hunc, una cum *Morhofii* Polyhistoræ, nocturna diurnaque manu volutavit. Mature suis studiis subsidia paraturus, Autores sibi quosdam, sive veteres, sive recentiores, delegit, ad quorum marginem notaret, si qua in aliis Autoribus ad idem argumentum spectantia inveniret; quo factum, ut, juvante divina memoria, brevi tempore magnos sciret de argumento non adeo copioso libros componere. Ea enim per omnem vitam librorum edendorum ratione usus est, ut prima statim operis sui folia typographo daret excudenda, ipse autem interea servente prelo reliqua concinnaret; id quod in causa fuit, cur *Dio Cassius* & *Eunapius* aut nunquam editi, aut suppressi in ipso partu fuerint. Patre orbatus vix decennis, *Valentinum Alberti*, Theologum Lipsien-

psienſem, tutorem, poſteaſque doctorem, naſtus eſt; quem, cum aliis urbis noſtræ ornamentis egregiis, inſigni honore proſecutus eſt. Cum totus eſſet in literarum ſtudiis colendis, multum tamen ſimul tribuit honeſtæ & amicæ doctiſſimorum hominum conſuetudini, inter quos *Gothofredum Olſarium* facile ceteris prætulit. Lipſia aliquando Hamburgum excurrit, affines hic ſuos & conſanguineos viſurus; quam vix ingreſſus urbem, literas *Val. Alberti* accipit, quibus ille, non paternam tantum hæreditatem conſumptam, ſed plura jamdum nomina facta, nuntiabat. Itaque Hamburgi commorandum ratus, dedit ſe in clientelam *Jo. Frid. Mayeri*, qui cum per tria integra luſtra domi familiarem, deinde vero in itinere Suecico comitem, habuit. Idem *Mayerus*, *Gutbierio* vivis exemto, eo rem redegit autoritate ſua, ut inter nobiles tot candidatos uni *Fabricio & Sebaſt. Edzardo*, ſorte inter ſe decernendi de ſucceſſionis gloria, facultas daretur. Sed fortuna, *Edzardo* tunc benignior, *Fabricium* excluſit; qui paulo poſt, exemto rebus humanis *Vinc. Placcio*, vacuum hujus ſedem, commendante eodem *Mayero*, occupavit, quantumvis moribundus *Placcius*, in locum ſuum ſubſtitui *Georg. Raphaelium*, diſcipulum ſuum, optaret. *Mayerus* tandem, penatibus Gryphifwaldiam translatis, omni ſtudio id egit, ut *Fabricium* ſuum huc pertraheret, Theologiæ docendæ munere funditurum. Idem, ſed fruſtra, Kilonienſes tentarunt. Nec minus Giſſenſes propoſitis inſignibus præmiis ſuum facere ſtuderunt. Sed Hamburgenſes, ejus amantiſſimi, ne jacturam facerent tam cari capitis, novo eum 300 thalerorum ſtipendio annuo donarunt. Wittenberga tandem decrepitem jam ſenem ad ſe invitavit, ſed tunc nihil minus, quam de illuſtriori fortuna, cogitantem. Apparet hinc, quantopere ſuam in gerendo munere fidem & dexteritatem omnibus approbaverit, & quanta nominis *Fabriciant* jam complures ante annos fama fuerit. Multum hanc auxit humanitas ejus prorsus ſingularis, quam mire prædicat *Cl. Reſmarus*, & aliis imitandam proponit. Nam, ut alia virtutis tam præclaræ ſpecimina prætereamus, Viris doctis, qui nominatim hic

hic indicantur, vel Codices MStos, vel libros impressos, cum Codicibus collatos, utcumque utendos concessit. Idem *Reimarus* promptam *Fabricii* ad quæsitæ respondendi voluntatem extollit, & Epistolas *Fabricii*, ad alios perscriptas, sibi transmitti, in rei publicæ his commodum uluro, rogat. Quibus *Fabricium* laudibus *Bern. Montefalconius*, *Gisp. Cuperus*, *Guil. Caveus*, ornarint, quo loco habuerint *Scip. Maffeus*, *Eric. Benzelius*, *Jo. Grammius*, alii multi, horum ex parte ad *Fabricium* Epistolæ loquuntur. Sunt & in manibus nostris libri bene multi, nomini *Fabriciano* a Viris doctis honoris ergo inscripti. Nummum aureum, ipsi a *Cl. Richy* sub annæ 1722 auspiciâ strenx loco oblatum, describit *Reimarus*, & xri incisum nobis exhibet. Laudatur & modestia *Fabricii*, qua Deo omnia, sibi nihil, tribuit, & eruditorum plurimos, inanem gloriolam omni nisu consecrantes, in pudorem conjecit. Sincero candidoque amore bonos omnes complexus, tam longe absuit ab omni fraudis atque lucri inhonesti studio, ut laudabiles aliorum conatus cum magno sæpe rerum suarum detrimento adjuverit. Sic, omnibus boni civis & Viri docti decoribus nobilitatus, tandem, exactis annis ætatis 67, mensibus 5, diebus 19, A. 1736 d. 7 Maji in cœlestes domos abiit, magnum & luctuosum sui penes optimos quosque desiderium relinquens. Quæ ad rem ejus domesticam, matrimonium, liberos, nepotes, spectant, ex ipso *Reimaro*, si placeat, discat Lector. *Cap. II* scripta omnia *Fabricii* secundum annorum seriem ita enumerantur, ut, quæ cujusque libri occasio, quale argumentum, quæ doctorum, in literariis maxime Diariis, de eo sint judicia, quæ affecta aut prelo parata reliquerit *Fabricius*, & quæ morarum in edendo causæ fuerint, hic plenius discamus, ac Syllogem Opusculorum & Dissertationum *Fabricii*, Notitiam Ephemeridum literariorum insigniter auctam, Bibliothecæ Latinæ editionem novam, & Græcæ Supplementa, exspectare jubeamur. Age vero, jam præcipua doctrinæ *Fabricianæ* monumenta nominatim indicemus. Sunt vero hæc secundum ætatis ordinem: Bibliotheca Latina, vario sub cœlo, variisque temporibus, recusa; Vita *Procli*, altera parte au-

dior, e MStis, Græce & Latine; Codex Apocryphus Novi Testamenti, tribus Tomis; Bibliotheca Græca, monumentum ære perennius, *Voluminibus XIV*, in qua plurima *avēta*, Bibliographica, antiquaria; S. *Hippolyti* Opera, Tomis II, quæ etiam edere ex schedis *Millianis Jo. Guil. Janus*, Theologus Vitembergensis, destinaverat, ut literæ hujus & *Fabricii* mutæ, hic insertæ, docent; Bibliotheca Ecclesiastica; *Sextus Empiricus*, Græce & Latine; *Anselmi Bandurii* Bibliotheca numaria; S. *Philastrius* de Hæresibus; Delectus argumentorum & Syllabus Scriptorum de veritate religionis Christianæ, in quo *Eusebii* Cæsariensis Proœmium, & Capita priora Demonstrationis Evangelicæ, quæ nusquam exstare credebantur, e Codice Orientali restituuntur; Imperatoris *Augusti* Fragmenta; *Wilhelmi Derhami* Astrotheologia, in sermonem vernaculum conversa; Conspectus Thesauri literarii Italicæ; Hydrotheologia Sciagraphia, Germanico sermone scripta; Salutaris Lux Evangelii, in qua nonnullæ *Juliani* Imperatoris Epistolæ ineditæ exhibentur; Bibliotheca Latina medicæ & infirmæ ætatis, secundum ordinem Alphabeti, sed quam, satis ita ferentibus, non nisi ad literam P, nec eam integram, perduxit. Scripta, quæ aliorum libris sunt inserta, ut Appendicem, *Flav. Josepho*, Lipsiæ edito, adjectam, Geographica quædam inedita, Geographis minoribus *Hudsonianis* adjuncta, symbolas ad *Acta hæc Eruditorum*, & sic dictum Patriotam Hamburgensem, collatas, Dissertationes item, Programmata, Orationes, & Præfationes, quibus aliorum scripta ornavit, non commemoramus. Quæ tandem reliquit manu scripta, eorum præcipua hic quædam annotabimus. Et quidem *Dionem Cassium* ad editionem *Leunclavii* emendavit, ut nihil restare, præter Chronologiam *Dionem*, Indicesque absolutos, ac textus & versionis recensionem, videatur; quæ cum addere statim nollet *Fabricius*, quantumvis id postulantis *Westenio* & *Smirkio*, Typographis Amstelædamensibus, negotium editionis abruptum est. Sed nova jam nobis videndi hujus Operis spes affulget, occupato in pertexenda hac tela genero *Fabricii*, doctissimo *Reimaro*, quo neminem ad ornandam hanc spartam inveniri posse aptiorem, forte pauci ignorant.

rant.

rant. Reliquit porro *Fabricius* ad *Sirachide* librum, ad *Hieronymum* de Nominibus Hebraicis, ad *Leusdenii* Onomasticon facrum, ad *Rufini* Historiam Ecclesiasticam, ad N. Testamentum, Notas, Observationum sacrarum specimina, *Commedianti* Institutiones & *Orientii* Commonitorium emendata. *Manethonis* quoque Apotelesmatica e Codice *Hinkelmanniano* edere instituerat, jamque *Libri I versus 245* cum versione sua metrica subire prelum jusserat; sed *Gronovius*, qui viginti jam annos in Autore hoc desudaverat, cognito *Fabricii* instituto, suam editionem graviter urisit; quo factum, ut *Fabricius*, invito quamvis *Perizonio*, ab incepto desisteret. Similiter *Eunapii* de vitis Philosophorum plagula tres prelo jam exierant; sed, moras necsente typographo, quarum impatientissimus erat *Fabricius*, opus abiecit. Cetera, ad *Jacobi le Long* Bibliothecam sacram, *Scherzeri* Systema Theologiae, *Lipenii* Bibliothecam Theologicam & Philosophicam, *Cavei* Historiam literariam Scriptorum Ecclesiasticorum, notata, Indiculus Marianus, *Melanchthoniana*, de *Empedoclis Agrigini* Philosophia collectanea, tanti non sunt, ut considerari mereantur. Capite demum III Epistolae eruditorum, quibus usus est amicis *Fabricius*, non integræ illæ quidem, sed potiore tantum & utilissima sui parte, secundum noninum ordinem alphabeticum comparent, in quibus quamplurima adhuc satis incognita leguntur, Historiarumque literarum monumenta gravissima majori luce collustrata exhibentur. Neque adeo nihil illorum in rem nostram vertemus. Pag. 262 *Jo. Gramini* *Zachar. Lundii* labores eruditos fuse describit, quos in describendis vertendisque *Julii Africani Cestis*, *Athenai πνεύματων*, *Philonis* Mechanicis, *Bitone* de Instrumentis bellicis, *Basilii Patricii* Naumachicis, posuit, hæcque edenda *Fabricio* offert. Idem pag. 264 *Galsfridi de Vinosalvo* Poetricam, ab eodem *Zachar. Lundio* expolitam, sub examen revocat. Pag. 270 *Gabr. Grodeckius*, quas prelo paratas habet, suas lucubrationes recenset, *Ant. Galatei* Opera, Bibliothecam Rabbinicam, Apocryphos Judæorum libros, versionem libri *Ikkarim R. Joseph. Albo*, alia. Bibliothecam autem illius Rabbinicam, recte monet Cl. Autor, vix desiderari magnopere

post inmortale S. R. *Wolfsi* Opus, nec repertam quidem inter illius schedas fuisse. Apocryphi etiam Judæorum libri partem maximam jam exstant publice, ut nova horum non sit expetenda editio; *Gaulminianas* vero notas pereruditatis, habemus utique, cur suppressas doleamus. Affert porro Cl. Autor ex istis literis nonnulla, quæ *Hinkelmanni* editionem Corani Arabicam tangunt. Discimus hinc, *Grodeckium* autorem fuisse, ut emendatius excuderentur Arabica, cum in prima Corani plagula, a *Fabricio* ipsi transmissa, vitia ultra 34 notarit. Quæ cum ita sint, miramur nos, qui editio illa tot adhuc mendis, quoquo te vertas, scateat. Docemur etiam, *Grodeckium Maraccii* versionem Corani Latinam fuisse editurum, etsi *Schif* — rus quidam Bibliopolæ Hamburgensi *Schulzio* operam suam in concinnanda versione Latina addiderit. Putat quidem *Grodeckius*, hominem illum alia potius omnia scripturum, quam Corani versionem, nisi forte Muhammedica quædam columba inspiretur; sed, si quid datum nobis est iudicii, quibus ita cognitus fuit *Schiferdekerus*, ut vix quisquam alius, videtur is nobis eo certe eruditionis Arabicæ (ne dicamus, ulterius,) pervenisse, quo tardiusculum *Grodeckii* ingenium adspirasse unquam, aut ne adspirasse quidem, credendum est. Pergit *Grodeckius*, scripturum se ad amicum Gallum, qui Parisiis degeret, ex Iudæo Muhammedanum & ex Muhammedano Christianum, virum in his literis versatissimum, qui accuratam Corani & Latinam & Gallicam versionem possideret; & ex eo quæsiturum, num publico bono sua commodare velit. Dubitat Cl. Autor, quis ille sit amicus. Sed, esse hunc *Byzantinum*, (*le Pere Byzange*,) non patet tantum ex *Richardi Simonis Nouvelle Bibl. choif. Tom. I Cap. 12*, & *Neuen Bücher-Saal der gelehrten Welt A. 1714 Oeffnung 38 pag. 88*, sed quidam etiam *Grodeckii* Amicus nobis confirmat, monens, errare in eo *Grodeckium*, quod a *Byzantino* illo Latine conversum Coranum dixerit, homine quippe Latii prorsus experte. Monemus interea, docti cujusdam Galli ad *Grodeckium* literas Gallicas & Latinas, orientalis eruditionis plenissimas, hic Lipsiæ in Bibliotheca Ill. *Mascovii* exstare, forsan aliquando prodituras. Pag. 292, humani quid passum esse *Jo. Loganum*, apparet, fateantem, Arabi-

ea ſe nſcire, de libris tamen Arabicis judicandi licentia utentem. *Oddinus*, an *Eddinus*, ſcribendum ſit, dubitat. Quæ quomodo diſtinguenda ſint, vel tyro Arabicus dixerit. *Golii* Lexicon perſtringit homo audax, cui, ut præceptore utatur *Golio*, ſuadendum potius videtur. Quantæ molis Lexicon Arabicum habiturus eſſet orbis eruditus, ſi, quæcunque exſtant, hæc vocabula congerenda forent. Grammatici eodem jure, & majori forte, quam Mathematici, *Golii* Lexicon culparent, cum technicas ſuas voces prætermiſſas viderint. Qui Mathematicos Arabicos legere velit, linguam totam cum Matheſi devoraffe eum, necelle eſt; quo facto, licet Lexico deſtitutus, voces technicas vel ex ſenſu, vel ex etymologia, intelliget. Illas autem voces, vel peregrinas, vel medicas, vel botanicas, &c. quas in *Golio* inutiles ac ſuperfluas ille judicat, non ex ſenſu, nec ex derivatione, aut linguæ analogia, ſed omnium optime ex Lexico, addiſces. Pag. 313 *Gothofredus Olearius*, quæ ex Anglia Codicum Mſtorum ſpolia ſecum advexerit, *Fabricio* ſuo amico refert. Pag. 346 undecim Inſcriptiones vetuſtæ Latinæ, in Tranſylvania erutz, a *Laur. Weidenfeldero*, Diacono Müllenbacenſi, tranſmiſſæ, leguntur. Pag. 352 S. R. *Jo. Chriſtoph. Wolfius*, relatum ſibi a *Sebaſt. Gothofr. Starckio*, ſcribit, Catalogum Mſtorum Arabicorum omnium ab ipſo colligi. Eundem *Starckium* edere voluiſſe, refert, Arabiſ cujuſdam, quæ Halæ docuit, (neſcimus, an *Salom. Negri*, an alius,) verſionem Corani Latinam, & eidem præmittere librum *de conſuſione ſectæ Mohammedicæ*, ex Italico a ſe Latine redditum. Non poſſumus non monere, nos aliquando apud *Gleditſchium*, noſtræ urbiſ Typographum, vidiffæ Mſtum Arabicum, tribus Voluminibus abſolutum. Unum Corani textum Arabicum ſiſtebat, alterum verſionem Latinam cum amplo rerum Indice neſcio cujuſ, tertium Juris Civilis & Canonici Muhammedani Systema, من افعال الفتاوى dictum, omnia charta & characterè Europæo. Fuerat idem *Starckius* libellum Arabicum editurus de Sectis Muhammedanorum, niſi fata bonos conatus intercepiſſent. Edidit ille Catalogum Mſtorum *Hinkelmannianorum*, quem apud Amicum quen-

quendam, linguarum Orientalium peritissimum, Dresdz vidimus, ab eodem non uno in loco castigatum. Ex aliis ejusdem S. R. *Wolfii* notamus, cum notarum Viri cujusdam docti in *Dionem Chrysostomum* mentionem facit, earum Autorem ipsi ignotum dici. Prodiere notæ ipsæ, cura Viri S. R. expolitz, *Tomo I* Anecd. Græc. ubi iterum, earum Autorem, queritur, sibi ignorari. Nos vero, etsi nihil hic definiri certo possit, si quid tamen liceat interponere conjecturæ nostræ, *Seldenum* illarum Autorem agnoscendum suaderemus, tum quia exemplar illud e Bibliotheca *Seldeni*ana fuit desumptum, tum quia in Bibliotheca Lugdunensi inter legatum, ni fallimur, *Perizonianum* eadem, qua Cl. *Wolfius* usus est, editio Parisiensis anni 1632 (forte mendose ita scriptum pro 1623) exstat notis *Seldeni* instructa. Sed in dubio hæc relinquentes, Appendicem *Reimariani* Operis inspicimus, quæ epicedia in *Fabricium* lugubresque nœnias, studio Cl. *Richey* collectas, comprehendit. Veremur, ut illa pari se præstantia, ac reliqua libelli capita, omnibus se commendare possit. Non, quod nobis quidem videtur, eo consilio Germanica Latinis literis excudi Cl. Editor curavit, ut exteris Autorem quasi classicum linguæ Germanicæ in manus traderet, e quibus sermonis nostri flores & veneres decerperent. Sed pium tum Germanorum, tum Gymnasistarum præcipue Hamburgensium, studium, immortalis Viri memoriam conservandi, luculento exhibere testimonio voluit. Plurima insunt, fatemur, de quibus cur impense gaudeant, habent utique *Fabriciani* manes. Sunt tamen etiam, quæ ad famam Viri magni nobis afferre ne tantillum quidem videntur. *Fabricium* cum *Eugenio* pag. 11 & 12 comparatum prudens quisque & cordatus rideat, necesse est. Initium Carminis pag. 27 seq. plenum est fervoris poetici, & attonitos lectores tenet, sed languescens paulatim, in sacra quadam declamatione de vitæ æternæ præstantia desinit. Quid tandem illi in mentem venerit, qui pag. ult. manum mortis descripturus, nova & hercle lepida dictione *Mortens - Hand* in aures nostras iuvadit, ipse noverit.

NOVA ACTA ERUDITORUM,

publicata Lipsiæ

Calendis Novembris Anno MDCCXXXVIII.

ΕΥΣΤΑΘΙΟΥ, ΔΙΑΚΟΝΟΥ, ΠΑΡΕΚΒΟΛΑΙ ΕΙΣ
τὴν Ὀμήρου Ἰλιάδα.
h. e.

EUSTATHII, DIACONI, A SUPPLICIBUS
libellis, & Oratorum Magistri, postea Archiepiscopi
Thessalonicensis, Commentarii in HOMERI Iliadem.
ALEXANDER POLITUS, Florentinus, de Cl.
Reg. Scholarum piarum, nunc primum Latine vertit,
recensuit, Notis perpetuis illustravit. Accedunt Notæ
ANTONII MAR. SALVINI, V. Cl.

Tomus III.

Florentiæ, apud Bern. Paperinium, 1735, fol. maj.

Alph. 6 plag. 9½.

Pergit in laudabili conatu Vir doctissimus, & prioribus illis
Tomis, quibus in his Actis A. 1733 Mens. Octobr. pag.
433 seq. locum concessimus, nunc tertium adjungit, eodem
splendore, neque elegantia minori, commendabilem, in quo
enarrando, cum antiquas hic Cl. Autor leges servaverit, eo
nunc breviores nos esse decebit. Volumen inscriptum est Regi
Christianissimo, in qua Dedicatione non solum Pontifici,
sed ipsi etiam Ludovico, mirifice adulatur Politus, & Papæ si-
gillatim majestatem proxime ad divinam accedere jactitat.
Dedicationem Prælatio sequitur Interpretis, ubi quatuor
præcipue res agit. Primo, a Ferrario monitus, κερδίας,
quod in priori aliquo Tomo legitur, in κερδίας commutan-

Kk kk

dum

dum esse fatetur. Deinde exempla affert, ex sanctissimis literis ab *Eustathio* deprompta, quorum tamen pleraque, si quid judicamus, non nisi conjectura nituntur. Porro aliquam *Petri Bembi* Epistolam, ex Etrusco in Latinum sermonem translata, exhibet, atque observationibus suis illustrat, in qua, ἀντίγραφον *Eustathii* Venetis esse vindicandum, docemur. Denique, Græcæ linguæ studia commendaturus, *Jacobi Maria Ayroli*, quem Græcarum literarum præceptorem habuit Noster, Epistolam, Græce scriptam, repetit. Quem etiam in finem, statim post Prælationem, Orationem subjunxit, in Pisano Gymnasio A. 1733 recitatam, de *Litarum Græcarum necessitate*, separatim jam in 4 excusam. Hanc alia excipit, anno sequenti habita, de *liberalium omnium artium ac doctrinarum ad eloquentiam necessitate*. Post Carmina, *Politi* laudibus consecrata, reperiuntur *Ausonii Burdigalensis* Periochæ in quatuor priores Libros *Iliados*. Volumen ipsum Commentarios exhibet in *quartum & quintum Iliados Librum*. Utriusque conversionem adornans Autor, quemadmodum in virtutibus, omni laude dignissimis, strenue perrexit, ita etiam, quae vituperationem jam antea meruerunt, nondum emendavit. Quamvis enim Latine plerumque atque eleganter scripserit, verbosior tamen interdum, imo nonnunquam plane barbarus, esse videbitur. Isthuc pertinet, quando initio statim ἑμμετρον ἐπιγραφὴν adstrictam *metricis legibus inscriptionem* appellavit, quam *metricam* dicere potuisset, vel etiam quando pag. 1059 ita scribit: ἡ λαλιόρροα, *clamatoria, garrula, loquax, stridula*, a verbo κελαιόρροα, *strepere, murmurare, stridere, resonare*; huc vero, quando e. g. μινυρίσειν *minurizare* interpretatur pag. 1303, &c. In Animadversionibus non pauca siccio, quod ajunt, pede transit fortassis, ne nimia Voluminis fieret magnitudo; alia vero copiose satis & admodum luculenter illustrat, e. g. quando pag. 1090 seq. de Ilio & Pergamo, arce Iliaca, commentatur. Pertinent vero annotationes vel ad Philologiam & Grammaticam, quando v. c. pag. 1084 seq. vocabulum ἱεὺς denso spiritu esse legendum, magno apparatu demonstrat; vel ad Historiam atque antiquitates. Ita pag. 1011, ἑλλωας *Thessaliam inhabitasse,*

tasse, docet; pag. 1085 præclare observat, scholia in *Homerum*, quæ sub *Didymi* nomine feruntur, ἀνωνύμως esse tribuenda, quod in prima editione, Romæ A. 1517 evulgata, jure meritoque sit observatum; & pag. 1302 differentiam inter zonam militarem & mitram, non sine accuratatione, ostendit. Inprimis autem Critici virtutes laudabiliter ostendit, quando non solum ipsum *Eustathium* suum, non sine causa, partim vituperat, dum pag. 1003 Ilium novum cum antiquo, & pag. 1047 regem *Homericum* cum ipso Poeta, confundit, pag. 1118 ἀμείγτους μνημονικὸν committit, vel etiam pag. 1310, posteriores Poetas cum verbo ἀνέχεσθαι accusandi casum conjunxisse, immerito negat; partim defendit, e. g. pag. 1015, ubi patrociniū illius contra *Henr. Stephanum* malecule suscepit; sed *Salvinum* etiam suum diligenter emendat: imo vero aliorum quoque lapsus indicat, e. g. *Jac. Gronovii* pag. 1280 num. 2, qui in verbis *Herodoti Lib. IV num. 189* delet vel ἐκ τῶν ἀργίδων, vel ἀντήσι, & ægidæ Palladis intelligit, cum tamen de Africanarum mulierum ægidibus *Herodotus* loquatur. Ipse tamen interdum cecidisse videtur Vir clarissimus, ut pag. 1200, ubi monet, ex *Aristophanis* Scholiaste sua pleraque hausisse *Suidam*, & alibi. Hisce laboribus perfunctus Cl. *Politus*, duplicem, Græcum scilicet atque Latinum, sed utrumque breviorē, Indicem subjecit, tandemque promissis etiam suis præclare stetit, dum alteram *Siberiani* Indicis partem addidit, vocabula *Homeri* a littera Θ usque ad Ω complexam, & peculiaribus suis paginis notatam. Ita vero, huic etiam *Tomo* finem imponens, cupiditatem nostram, reliquis tam luculenti laboris partibus intentam, mirabiliter auxit atque confirmavit.

A PARAPHRASE AND CRITICAL COMMENTARY
tary on the Prophecy of Joel, &c.

h. c.

PARAPHRASIS ET COMMENTARIUS CRITICUS
in Prophetiam Joëlis, Autore SAM.
CHANDLERO.

Kk kk 2

LON.

Londini, apud J. Noon, R. Hett, & J. Gray, 1735, 4.

Plag. 21.

- T**heologi, qui Magnam illustrant Britanniam, non solum de Christiana dogmatum morumque Theologia, verum etiam de erudita sacras literas enodandi ratione, præclare mereri hodie conantur. Ex multis, qui hoc testantur, libris is unus est, cujus hic indicem oculis legentium subjecimus. Autor ejus Illustris est *Cbandlerus*, Episcopus Bathoniensis & Wellensis meritissimus, qui in divina *Joelis* vaticinatione explananda eximiam posuit operam. Præmisit *Præfationem generalem*, in qua notiores quasdam indicat difficultates, quæ studium Veteris Testamenti rectius interpretandi impediunt, ab ipsa lingua, a stili varietate, ab antiquis Orientis ritibus, a natura prophetiæ, & a sacra, qua caremus hodie, historia, petitas. Tum vero sequi jubet *Tabulam vocum Hebraicarum, in hoc Commentario illustratarum*, quam *Præfatio in Joëlem*, illuc nimirum inprimis pertinens, nulla re interveniente alia, excipit. In hac varia æstimat & ponderat Viro-
rum doctorum, quæ de ætate sanctissimi Vatis tulerunt, judi-
cia, ut *Lightfooti*, *Grotii*, *Vitringæ*, ac *D. Wellsi*. Ipse vero, re bene putata, contendit, *Joëlem Hosea* pariter atque *Amoso* posteriorem esse. Rationem hanc reddit: *Joel* post destructionem regni Syriaci, quod *Tiglath Pilezer* funditus evertit, vixisse, & vatis officio functus esse, videtur. Hæc autem tertio *Abazi*, Regis Judæ, anno contigit. Conf. *1 Reg. XVI, 9*, & *Jes. VIII, 4*. Namque *Joel* vicinas, quæ Judæis inimicæ ac infensæ erant, nationes, Tyros ac Sidonios, Philistæos, Idumæos, & Ægyptios, identidem nominat, Syriorum contra omnem intermittit mentionem. His positis principiis, inclytus Autor dictam *Joelis* Prophetiam in ea collocat ætate, qua *Abaz* regno præfuit, postquam Edomitæ maximam Judæ vim intulerant, *2 Chron. XXVIII, 17*, *Joel IV, 19*, ac Philistæi civitates ipsorum invaserant, & incolas in exilium ejecerant. Dividit autem hanc totam vaticinationem, ad regnum *Juda* unice spectantem, in quatuor partes. *Joel* describit 1) eversionem a locustis metuendam, *Cap. I* usque ad *Cap. II, 12*; 2) hor-

2) hortatur Judæos ad pœnitentiam, adjuncta divina pœnæ de medio tollendæ promissione, *Cap. II, 12*, usque ad *Cap. III*;
 3) prædicit plenam & abundantem Spiritus S. effusionem, ultimus diebus expectandam, *Cap. III*; tandem 4) enuntiat divina vicinis populis judicia, qui Judæos adhuc vexarant, & in captivitatem duxerant, *Cap. IV*; atque hic alicujus rei se præbet prænuntium, cui demum, ipso B. Dav. Kimchio autore, futuris tum Messie diebus eventus respondere debebat. Ad causam rei nos convertimus. Ubi quidem principio *Paraphrasin*, deinde *Commentarium* sigillatim, reperimus. In *Paraphrasi* unumquodvis *Caput* in singulares ac distinctas dividitur *sectiones*, cui *argumentum* semper præmissum est. In quavis pagina *textus* ex versione Britannica recitatur, cujus & regione statim *Paraphrasis* ponitur. Hæc sane ejusmodi est, ut optimi *Commentarii* loco haberi mereatur. Hinc ea tractandi ratio nulli non paulo intelligentiori vehementer probabitur, qua & Jo. Lockius, acutissimus Angliæ Philosophus, antehac usus est in Epistolarum quarundam S. Pauli enodatione, quam, dum in vita mansit, eruditæ ac sacræ tradidit civitati. Exstant alii, qui, hoc illustri excitati exemplo, eandem sanctiores libros enodandi rationem secuti sunt. Sed *Commentarius* nos jam ad se vocat, cui separatus tributus est locus. Omnis Illustris Scriptoris explicatio ex ipsis fontibus ducta est, cum quibus tamen melioris notæ, & veteres & recentiores, interpretes ac versionum autores conjungit & comparat. In horum vero non jurat verba, neque ea, ceu oracula e tripode fusa, recipit, sed cum iis facit, ubi vera sciunt, ab iis recedit, si quid erroris opinione fingunt. Historiam item, ubi opus est, consulit, vetustatis nuntiam, & phrasin Hebraicam non solum ex usu sacro & puriori Judaico metitur, verum classicos etiam Græciæ Latique Autores, & clariiores eorum locos, una confert & contendit. Tum vero paucis verbis verum vatis a Deo aëti declarat sensum, ut cum in brevi veluti tabula statim ante oculos positum perspicias. Exempli gratia quædam in medium proferemus, quibus *Capitis I & II* versas aliquot illustravit.

Pag. 5 seq.

27.

Kk kk 3

Ver.

Versus 1 hanc inscriptionem exhibet: דבר יהוה אשר יוצאנו ממצרים *Verbum Domini, quod exiit ad Joëlem* Deus, ut Commentator noster observat, ipse rex ac gubernator erat Judzorum. Is ergo singulares excitavit nuntios, quorum opera in mandatis suis Judaicæ nationi declarandis uteretur. Hi principio רואים, *visores*, postea vero רבנים, *Propheta*, dicti sunt, 1 Sam. IX, 19. Vox ראה, secundum Maimonidem in Mor. Menosch. Part. I Cap. IV, non modo corporis oculis res extra nos positas videre, verum etiam animo secum aliquid considerare, designat. Hoc modo Græci verbum ὁράω, & Latini videre, usurpant. Sic Cicero: idem exitus, quem ego video animo, Epist. Famil. Lib. VI Ep. III. Hinc, qui futuros eventus prædicebant, aut qui voluntatem Dei per revelationem percipiebant, רואים *visores* inter Judzōs nominabantur. Modi, quibus Deus voluntatem suam cum his communicabat, varii erant. Via, qua Joëli eam inspirabat, erat דבר יהוה, *verbum* aut *mandatum* Jehovæ ad Judzōs perferendum. Ita רבך sæpius adhibetur, ut *mandatum aliquod*, speciatim *mandatum aliquod Dei*, denotet, ut 1 Sam. XV, 23. *Vers. 2, Audite hoc senes & auscultate!* Propheta sic oritur, ut attentionem populi moveat, senes ejus appellans, qui usu peritiores erant hoc in casu judices, Deut. XXXII, 7, Job. XXXII, 7. Hujusmodi allocutiones, singularibus oblatis occasionibus adhibitæ, in optimis scriptoribus inveniuntur. Ego hoc vociferor: ego omnes homines testor, Cic. pro Cacin. Cap. 29. Jesaias liberiori dicendi ratione vaticinationem suam exorditur, his exclamans verbis: *Audite, o cali! Attende, o terra!* Cap. I, 2.

Pag. 28.

Esto nunc sol testis, & hæc mihi terra precanti.

Fontesque fluviosque voco.

Virgil. Æn. XII v. 176. Ac deinceps Æneam Latinus sic alloquitur:

Hæc eadem, Ænea, terram, mare, fidera, juro.

Ecquid tale factum est in vestris, aut majorum vestrorum, diebus? id est, num Deus unquam antehac in terram nostram tale

tale intulit iudicium? & alia ejusdem generis. *Vers. 6* vox Pag. 31.
 נַח de locustis dicitur. *Kimchi* ad *b. l.* observat, unanquam-
 que rerum creatarum vita præditarum collectionem נַח na-
 tionem vocari posse, idque nominis hic loci propter multitu-
 dinem de locustis adhiberi, ut *Prov. XXX, 25, 26.* Ac re ve-
 ra, verbis *Ill. Chandleri* utimur, magna turba locustarum,
 sub imagine potentis & numerosæ gentis ac nationis repræsen-
 tata, singularem spirat elegantiam ac poeticam venustatem.
Virgilius eam de pecude ac apibus adhibet:

Ut bina regum facies, ita corpora gentis.

Georg. IV. Et *Homerus* de anseribus, gruibus, cygnis, muscis,
 & apibus. *Orpheus* de locustis: ἀκρίδος ἀπλετον ἔθνος. 32.
Moschus, per figuram non nimis concinnam, hanc vocem ad so-
 minia transfert:

Ἔντε καὶ ἀτρεκέων ποιμαίνεται ἔθνος ὀνείρων. *Jdyl. ad*
Europ. In *Cap. II vers. 13:* Lacerate corda vestra, non vester.
Ill. Autor ex historia docet, vestium scissionem apud anti- 55.
 quas gentes usu receptam fuisse, ad interiorum dolorem ex-
 terno quodam indicio declarandum. *Vid. Jud. XI, 35, Esth.*
IV, 1, Gen. XLIV, 13, Matth. XXVI, 65. Sic in *Virgil. Æ-*
neid. XII:

— — *It scissa veste Latinus,*
Conjugis attonitus satis, urbisque ruina.

Nec minus *Seneca* in *Octavia vers. 323:*

Scindit vestes Augusta suas,
Laceratque comas.

His explanatis, observat doctissimus Interpres, verba ista idem
 designare ac: lacerate corda vestra, non vestes solum. 56.
 In eodem versu *Deus O. M.* dicitur נַח עַל הַמַּלְאָכִים, pæ-
 nitere mali. Ubi quidem eleganter ac solide docetur, pœni-
 tentiam hanc κατ' ἀνθρώπου πέναν, Deo tributam, denotare 57.
 1) ejus interiorum misericordiam, qua in homines a se aver-
 sos ducatur, add. *Psal. CVI, 45;* 2) dilationem aut ablatio-
 nem pœnæ, ut *Jona III, 10;* 3) propositum ipsius fixum & im-
 mutabile pœnas infligendi decretas improbitati & constitutas.
 Quo iidem loco scriptorem libri, qui *Christianismus aque*
anti-

- antiquus, ac creatio, inscribitur, hoc est, Matth. Tindalium, pag. 226* inficetas adversus Dei pœnitentiam dubitationes moventem, accurate convellit & coercet. Hæc quidem speciminis loco adduxisse satis habemus, eorum commodis servituri, qui ipsum hunc novum in usus suos convertere Commentarium cupiunt. Opera enim nobis navanda est, ut officii nostri regionibus nos contineamus. Unicum vero reliquum est, silentio a nobis hand sane prætereundum. Absoluto nimirum ac perfecto Commentario, separata additur
- Pag. 99 seq. *Dissertatio in III Caput Prophetiæ Joelis, eodem, quem supra indicavimus, anno formis descripta. Hæc confertur cum oratione S. Petri, qui Act. II, 16 seq. hæc prophetica citavit verba. Ill. Chandlerus explanat 1) naturam hujus prophetiæ, & effusionem Spiritus S. de donis extraordinariis ac miraculosis, nec immerito, interpretatur, quæ omni carni, id est, multis cujuscunque conditionis & ordinis hominibus, magno & terribili ore Domini, hoc est, post radicitus everfam urbem sanctam, donatum iri prædicitur. Hinc 2) planum facit, hanc prophetiam in solos Apostolos & primos Christianæ civitatis sanctos convenire. Maxima vis demonstrandi ex clarissimis & Actorum Apostolicorum, & Epistolarum sacrosanctarum, locis ducitur. Inprimis illis vocabulis, quibus dona primorum Christi amicorum exprimuntur, egregia hic lux affunditur, ipsaque dona illa copiose & erudite declarantur. Cujusmodi divina munera leguntur 1 Cor. XII, 8, 9, 10, 28, Rom. XII, 6, 7, 8, 1 Cor. XIV, 6, 26, Eph. IV, 11, aliisque in locis. Fateamur, ac præ nobis ferimus, non sine utilitate ac fructu nos hanc totam perlustravisse Commentationem. Cum alia plura, tum illud maxime, nobis probatur, quod Ill. Autor tam multa præclara & exquisita, quæ ad rem pertinent propositam, paucis, iisdemque perspicuis, & in medio positis, verbis proponere scivit. In alia hic abeunt omnia, qui multis verbis nihil dicunt, Interpretes. Nos vero, occasione ab instituta hætenus recensione sumpta, Commentarios in posterum non verbosos, sed accurate cogitateque scriptos, & illiusmodi quadam brevitate conspicuos, ex animo sacræ optamus civitati.*

THEO-

THEOLOGIA NATURALIS, METHODO
scientifica pertractata. Pars posterior, quā existentia & attributa Dei ex notione entis perfectissimi & naturæ animæ demonstrantur, & Atheismi, Deismi, Fatalismi, Naturalismi, Spinosismi, aliorumque de Deo errorum, fundamenta subvertuntur. Autore CHRISTIANO WOLFIO, Pot. Suecor. Regis, Hassiæ Landgravii, Consiliario Regiminis, Math. ac Phil. Prof. Prim. in Academia Marburgensi, Prof. Petropolit. honorario, Academiæ Regiæ Scientiarum Parisinæ, Societatumque Reg. Britannicæ & Borussicæ, Membro.

Francofurti & Lipsiæ, in officina libraria Rengeriana, 1737. 4.
 Alph. 4 plag. 5.

In Tomo hoc altero Theologiæ naturalis, quem Eminentissimo Cardinali *de Fleury* inscripsit Autor, non modo in *Parte prima*, quæ integrum Systema Theologiæ naturalis comprehendit, & de qua nuper diximus, tradita aliter demonstrat, verum etiam multa superaddit, quæ in illa non continentur, scitu tamen apprime utilia sunt. Dividit autem *Partem alteram* in duas *Sectiones*, quarum *prima thetica*, *altera polemica*, est. In *Sectione prima* existentiam & attributa divina a priori demonstrat, ex notione scilicet entis perfectissimi, in subsidium vocata natura humana. Quamobrem *Cap. I* notionem entis perfectissimi evolvit, & ejus existentiam stabilit. Sumit primo, ens perfectissimum continere omnes realitates compossibiles in gradu absolute summo, ne in ejus possibilitate evincenda præter necessitatem nectantur difficultates; suo autem deinde loco demonstrat, competere eidem simpliciter omnes. Demonstrat nimirum possibilitatem entis perfectissimi, ut exinde firmiter concludatur, non verò tantummodo hypothetice inferatur, existentia Dei, quemadmodum vulgo faciunt *Cartesiani*. Ex eo autem, quod Deus ens sit perfectissimum absolute tale, deducit, Deum esse omnis

limitis expertem, immutabilem, infinitum, ens necessarium & a se, independentem, æternum, oriri ac interire nescium, primum & ultimum omnium entium, sempiternum, minime compositum, sed simplicem, inextensum, immaterialem, organis corporeis destitutum, invisibilem, figuræ & magnitudinis expertem, illocaliter præsentem, a corporibus prorsus diversum, adeoque substantiam per eminentiam. Cum, in Deo nullam dari statuum successionem, ostendit, differentiam inter tempus infinitum & æternitatem Dei, mundo, animæ humanæ, imo omni enti finito, incommunicabilem, exponit. Postquam ea evicit, quæ ex notione entis perfectissimi deducta modo commemoravimus; demonstrat, cur mundus adspectabilis Deus esse nequeat, nec quidquam eorum, quæ in eodem observantur, nec non cur corpus ullum terminatum, vel anima, qualis est hominum, Deus esse non possit, imo cur elementa rerum materialium non possint esse Deus. Unde tandem concludit, Deum diversum esse a mundo adspectabili & omni, quod in eo datur, nec ipsi posse tribui vim motricem probat, qualis in corporibus observatur, atque adeo naturam rerum Deum esse non posse. Ut igitur tandem constet, quodnam ens sit Deus; duo evincit principia heuristicæ, quæ ex notione entis perfectissimi fluant, nimirum quod Deo tribui nequeant, quæ ullo modo defectum aliquem involvunt, & quod realitates, quæ insunt animæ nostræ, Deo tribuendæ sint in gradu absolute summo. Hinc statim inferitur, Deo competere vim repræsentativam omnium mundorum possibilium illimitatam, eamque esse unicum & immutabilem actum: inesse autem Deo vim per eminentiam, quemadmodum & actiones, Deoque non posse tribui nisi per modum actus, quæ animæ insunt per modum facultatum. *Cap. II* agit de intellectu Dei. Non repetemus ea, quæ in *Tomo primo* jam continentur, hic vero alia ratione demonstrantur; sed de iis tantummodo dicemus, quæ in *Tomo primo* non habentur. Pertinet huc inprimis origo idearum in intellectu divino, prorsus a priori demonstrata. Ostendit nimirum Illi, Autor, realitates, quæ Deo insunt, esse prima possi-

possibilia, hæcque ab eo quam distinctissime cognosci. Horum diversa limitatione prodire possibilia secunda primitiva, non minus Deo, quam distinctissime perspecta. Quodsi jam hæc secundum principium contradictionis combinentur, essentias entium finitorum resultare: unde vi principii rationis sufficientis attributa eorundem una cum modis quoad potentiam & modorum ordine atque dependentia entis finiti unius quoad modificationem ab aliis consequantur. Et hoc modo intellectui divino insunt idæ animarum omnium tam hominum, quam brutorum, & singulorum elementorum rerum materialium. Quodsi ergo elementa omnia juxta principium rationis sufficientis combinentur, omnia non modo corpora, verum etiam omnes mundos possibiles, prodire. Quodsi ergo corporibus hominum atque brutorum in unaquaque serie suæ jungantur animæ, hoc ipso prodire omnes homines & bruta omnia, quæ in eadem rerum serie naturaliter existere possunt. Unde liquet, quomodo omnia Deus cognoscat intuitive, & singula videat in se ipso, quæ in mundo quolibet locum habere possunt. Ex hac de origine idearum doctrina deducit, Deo competere acumen, rationem, ingenium, (quatenus sumitur pro facilitate cognoscendi similitudines rerum,) in gradu absolute summo, simulque ostendit, quale Deo sit criterium veritatis, & quænam sint principia heuristicæ, & cur cognitio omnis veritatis pendeat a principio contradictionis, & principio rationis sufficientis. In primis etiam demonstrat, substantias omnes primarias esse entia simplicia, adeoque compositas non oriri nisi harum aggregatione, docetque, quomodo Deo sensus singuli & memoria per eminentiam tribuantur. *Cap. III de voluntate Dei agit.* Ex summa voluntatis divinæ perfectione inferit, eam semper ferri in optimum, fieri autem non posse, ut unquam feratur in malum, vel ut bonum apparens bono vero, vel bonum minus majori, præferat, ut adeo voluntatis divinæ motivum sit representatio optimi, motivum autem voluntatis representatio mali. In primis autem ostenditur, Deo ne quidem per eminentiam appetitum sensitivum &

averſationem ſenſitivam tribui poſſe. Quamobrem, cum affectus jucundi in illo, moleſti in hac, reſideant, prolixè admodum docet, quo ſenſu Deo affectus quidam per eminentiam tribuantur, & quinam ſint illi, qui ne quidem per eminentiam ei competere poſſunt. Atque hæc doctrina in eorum numero eſt, quæ in *Parte prima* deſiderantur. Demonſtrat vero, Deum liberrime velle, quod optimum eſt, ex ipſa libertatis notionè, nec libertatem voluntatis divinæ in ideas rerum ac veritates univerſales influere. Progreditur hinc ad originem mali explicandam, ubi inter alia evincit, malum metaphyſicum ideis rerum & mala phyſica atque moralia ideæ mundi in intellectu divino independentè a voluntate ejus libera inhzrere. Malum metaphyſicum abſolute neceſſarium eſſe, a rebus atque mundo ſeparabile; aſt phyſica & moralia eſſe contingentia, nec niſi hypothetice neceſſaria. Mitimus, quæ de ſapientia Dei ſumma a priori demonſtrat. *Cap. IV* de creatione & potentia Dei agit. Hic prorſus a priori ex ipſa idearum in intellectu divino origine deducit ſubſtantiarum finitarum primariarum omnium ſimplicitatem, quodque elementa corporum non poſſint eſſe niſi ſubſtantiz ſimplices. Hæc elementa aliter combinari non poſſe, ut prodeat idea mundi, niſi per principium rationis ſufficientis: unde porro a priori deducit definitionem mundi, quam a poſteriori ſtabiliverat in *Cosmologia*, quod mundus ſit ſeries rerum finitarum, tam ſimultanearum, quam ſucceſſivarum, inter ſe connexarum. Demonſtrat etiam, quomodo ex eadem elementorum combinatione tam mundi, quam naturæ, ordo reſultet, alio mundo, & alio naturæ ac mundi ordine, alia elementa exigente; ſimulque declarat, quomodo poſſibilia, cum in ſe ſpectata, tum ut in ſyſtemata redacta, inſint intellectui divino. Nec minus demonſtrat, elementa cuncta & animas tam hominum, quam brutorum, ac in genere ſubſtantias omnes ſimplices finitas, imò entia finita quælibet, & quæcunque præter Deum poſſibilia ſunt, entia contingentia eſſe, ſolo Deo ente neceſſario exiſtente. In primis etiam mundi totius contingentiam evincit; tam de-

penden-

pendenter, quam independenter a Deo, eumque non nisi per creationem oriri posse, ex nihilo producendum. Ut vero ostendat, eum a Deo esse creatum, primo loco demonstrat, animas nostras a Deo creatas esse, & hinc concludit, eidem competere creandi potentiam, quam esse absolute summam, mundo omni possibili producendo sufficientem, probat. Mundum a Deo creari, dum elementa rerum materialium juxta principium rationis sufficientis combinata, & animas tam brutorum, quam hominum, juxta idem principium singulis hominum atque brutorum corporibus jungendas, producit, & eodem actu, quo mundus creatur, mundi quoque ac naturæ constitui ordinem. Actum vero creationis in eo consistere, quod Deus actualitatem superaddat nudæ possibilitati. Demonstrat autem, non nisi intellectum, voluntatem, & potentiam Dei simul esse rationem sufficientem creationis & existentiz entis cujuscunque finiti. Unde deducit, etsi decretum creationis æternum sit, non tamen ideo necesse esse, ut mundus cœperit ab æterno, eum, posito decreto, nondum ponatur ipsa creatio. Docet porro, Deum libere creasse mundum, ita, ut non modo eum, qui existit, libere elegerit, verum etiam prorsus nullum producere potuerit. Elegisse autem Deum mundum optimum, fini omnium optimo, quem per creationem intendere poterat, convenientissimum, hoc est, talem, ut finem, quem intendit; per eum ex asse consequatur. Mundum hunc esse omnium possibilem perfectissimum, nec præter eum, qui existit, dari alium, ex quo perfectionem Dei absolute summam eodem, quo ex ipso, modo cognoscere daretur; optimum enim mundum in relatione ad Deum esse, ex quo summam Dei perfectionem magis, quam ex quocunque alio, cognoscere datur. Hinc tandem deducit, finem creationis esse manifestationem gloriæ divinæ, ac ideo omnia, quæ ex nexu rerum in mundo consequuntur, manifestationi gloriæ divinæ per modum medii a Deo subordinari. Deum hunc, qui existit, mundum non potuisse facere aliter, quam fecit, nec voluisse facere aliter, quam fecit. Reddit etiam rationem, cur contingentia

in mundo habere nequeant rationem sufficientem actualitatis suæ in serie successioneum, sed existentie hujus universi ratio sufficiens contineatur in Deo, qui ideo sit creator mundi, quia rationem sufficientem actualitatis ejus continet. Imo addit, rationem sufficientem creationis non contineri nisi in ente, cui competit intellectus, voluntas, & potentia, omnem prorsus limitationem respuens: ut adeo prorsus a priori demonstraverit definitionem Dei nominalem, quam sumserat in *Parte prima*, quod Deus sit ens, in quo contineatur ratio sufficiens existentie contingentis hujus universi. Denique stabilire nititur, Deum, si hunc mundum facere voluit, malis etiam physicis & moralibus in eodem locum facere debuisse, & sapienter ac bonitate divina salva iisdem locum fecisse. Denique *Cap. V* de providentia, & aliis nonnullis attributis divinis, agit. Demonstrat, creaturam nullam se ipsam conservare posse, sed omnes a Deo conservari, earum actualitate continuo a potentia & voluntate Dei dependente. Conservari autem mundum ac ejus & nature ordinem, dum elementa juxta principium rationis sufficientis combinata, & animæ corporibus humanis & brutorum junctæ, conservantur. Deum, creaturas conservando, ad singulas earum actiones concurrere, & in conservatione ordinaria rem conservare cum limitationibus naturalibus, in extraordinaria vero supernaturales iisdem inducere. Deum mundum annihilare posse, nec nisi per annihilationem eundem desinere posse: non tamen redigi posse in chaos, nec ex eodem productum esse. Ipsum gubernare hoc universum, atque gubernando, conservando, & ad actiones creaturarum concurrendo, providere rebus. Unum tantum esse mundi creatorem, conservatorem, & gubernatorem, nec Deum dari nisi unum, ita, ut vocabulum Deus sit nomen proprium. Tantam vero creaturas omnes cum Deo habere similitudinem, quantam admittat differentia realitatum limitatarum & illimitatarum. Concludit autem *Sectionem dogmaticam* monito hoc generali, quod plura in præsentia non addat, non quod ex notione entis perfectissimi demonstrari non possint, sed quod ex Systemate, retentis uideri

dem demonstrationibus, huc transferri possint, nisi quod principia eadem ex anterioribus petantur. Etsi enim, alia definitione nominali sumpta, quædam immutandæ sint demonstrationes, non tamen ideo immutandas esse omnes, quoniam non omnes demonstrationes immediate in definitionem Dei resolvantur, sed mediantibus principiis communibus, ex diversis definitionibus deductis. Tantum de *Sessione prima*; jam ad *alteram* convertimur.

Hæc, quamvis *polemica*, methodo tamen demonstrativa pertractata est, ita, ut errores de Deo ex notionibus falsis, quas fovent errantes, deducantur, & veritas ipsis opposita demonstraretur. Agitur hic de Atheismo, Fatalismo, Deismo, Naturalismo, Anthropomorphismo, tam crassiori, quam subtiliori, Materialismo, Idealismo, Paganismo, Manichæismo, Spinosismo, & Epicureismo. Per atheos Autor intelligit eos, qui Deum dari negant, adeoque ab iis distinguit, qui vel simplici Numinis ignorantia tenentur, vel de ejus existentia dubitant. Qui Deum esse negat, notionem aliquam ejus habere debet, sed eam pro impossibili seu deceptrice habet. Qui de Deo dubitat, utrum existat, nec ne, ei itidem aliqua Numinis supremi notio esse debet, sed hæsitat idem, num possibilis sit, an vero in numerum deceptricium referenda. Qui vero Deum simpliciter ignorat, ei nulla est distincta Numinis notio, consequenter nec de ejus existentia ulla animum ipsius subit cogitatio. Dubitantes omnes non eodem loco censentur; sed pro diversis dubitationum speciebus ab Ill. Autore a se invicem distinguuntur. Contra atheos demonstrat, notionem Dei esse realem, minime deceptricem, nec a Politicis, plebis indomitæ coercendæ gratia, confictam. Ut vero atheismum funditus evertat, systema atheisticum demonstrat; errores enim non minus necessario nexu inter se coherent, quam veritates. Deinde vero errorum istorum absurditatem evincit. Ita atheus habet mundum pro ente a se, eumque independentem facit ab omni ente alio, ita, ut omnia, quæ in eodem sunt, rationem sufficientem in eodem agnoscant. Mundus in hypothesi athei ens necessarium atque z-

ter-

ternum est, ordo naturæ necessarius, adeoque miracula impossibilia sunt, eventus omnes absolute necessarii, rerumque nexus in universo absolute necessarius. Nulli dantur rerum naturalium fines, & casui tribuuntur, quæ providentiæ divinæ tribuenda sunt. Admittitur vel progressus rectilineus, vel circularis in infinitum, nunquam terminanda revolutionum serie,isque independens. Horum itaque & hisce cognatorum omnium contrarium evincitur, simulque ostenditur, quomodo sit procedendum, ut erroris sui convincatur atheus. Atque ex hisce apparet, Systema Cel. Autoris hypothese impie e diametro esse oppositum, & per ipsius principia eandem demonstrativa methodo convelli. Hac data occasione notiones, casus, & progressus in infinitum, tam rectilinei, quam circularis, cum dependentis, tum independentis, itemque revolutionum, satis intricatas atque perplexas, distincte evolvit. Agit etiam de Irreligionariis & Antiscripturariis, cum athei omnes sint irreligionarii & antiscripturarii, ethi propositio converti non possit. Fatalistæ absolutam rerum omnium in mundo necessitatem defendunt. Fatalismum Ill. Autor distinguit in universalem & particularem. Universali fatalismo absoluta rerum omnium necessitas ad ipsas actiones humanas extenditur, negata libertate voluntatis humanæ; particulari autem ea ultra mundum materiale non extenditur, concessa voluntatis humanæ libertate. Deista, Deum existere, concedit, sed, eum res humanas curare, negat, rejecta providentia divina. Naturalista religionem naturalem solam agnoscit necessariam, revelatam autem vel rejicit tanquam falsam, vel saltem non necessariam agnoscit. Anthropomorphitæ Deo tribuunt corpus humanum, atque hi anthropomorphismum crassum fovent. Ab his Ill. Autor distinguit Anthropomorphitas, qui Deo, per modum animæ humanæ representato, tacite tribuunt limitationes, atque hi anthropomorphismum subtilem fovent. Materialistæ non admittant nisi corporum seu rerum materiarum substantiam, Deumque ipsum, nisi athei fuerint, corporum faciunt, facultatem intelligendi & volendi materię conveni-

venire posse, contententes. Idealistæ realem corporum existentiam negant, nec nisi idealem mundi in animabus existentiam tuentur, phænomena tamen mundi materialis, & mutuam eorum a se invicem dependentiam, admittunt. Paganus pro vera habet hypothesein de dependentia mundi a pluribus diis, saltem quoad gubernationem. Manichæus mundum dependentem facit a duobus principiis, altero nimirum bono, ad quod referenda origo eorum omnium, quæ bona censentur in hoc universo, altero autem malo, a quo derivanda omnia mala, tam physica, quam moralia, in eodem. In Spinosismo non admittitur nisi unica substantia, infinitis attributis prædita, quorum duo sunt cogitatio & extensio infinita, & quorum unumquodque æternam & infinitam existentiam exprimit, entia vero finita oriri supponitur necessaria modificatione infinitæ cogitationis, & corpora modificatione extensionis infinitæ. Epicurei denique negant intrinsecam actionum honestatem ac turpitudinem, & obligationem divinam ad alias actiones committendas, alias vero omitterendas. Quemadmodum vero erroneas hæc hypotheses determinatis notionibus a se invicem separat Ill. Autor; ita quoque demonstrat, quinam errores alii ex istis primitivis necessario consequantur, ne eas defendentibus tribuas a mente eorundem alienos, quemadmodum haud raro fieri solet, & hypotheses ipsæ demonstrationum vi evertantur. Quoniam, quæ indivulso nexu inter se cohærent, & servatis demonstrationum legibus demonstrantur, recenseri breviter non possunt, ut eorum appareat veritas; ideo ad ipsum potius Autorem remittimus Lectorem, quam ut insufficientia in medium proferamus. Ceterum ex demonstrationibus Cel. Autoris liquet, vi Systematis sui corrumpere omnes istas hypotheses, ita, ut, qui idem animo comprehendit, omnes istos scopulos felicissime evitare possit. Monet autem Ill. Autor in Præfatione, absoluto jam Opere metaphysico, quod Veronæ cum censura, singulis Partibus præfixa, nitide recusum propediem integrum proficiat, se universæ Philosophiæ practicæ tam theoriam, quam praxin, eadem methodo traditurum, quarum illa Juris

M m m m

Natu-

Naturæ & Gentium Systema comprehendet, hæc prudentiæ moralis atque civilis præcepta suppeditabit. Cœpit stare promissis: etenim haud ita pridem in lucem exiit *Pars prima* Philosophiæ practicæ universalis, quæ theoriam generalem demonstrat, & de qua proxime dicemus.

MEDICAL ESSAYS AND OBSERVATIONS, &c.

h. c.

EXPERIMENTA MEDICA ET OBSERVATIONES, revisæ & publicatæ a Societate Edimburgensi.

Volumen IV.

Edimburgi, typis T. & W. Ruddimans, 1737, 8 maj.

Alph. 1 plag. 8.

Industrii ac Celeberrimi Collectores, ut instituto & legibus inter se sancitis satisfacerent, Annorum 1734 & 1735 barometricas de aeris conditione observationes præmittunt; hinc morbos istorum annorum epidemicos recensent, tussis convulsivas, infantibus potissimum funestas æstas, dysenterias, adultis autumno & hyeme graves. Recensentur post celebrium in arte virorum res egregie & cum laude gestæ; tumor scirrhusus, & in cancrum exulceratum vergens, in testiculo causticis curatus; legitima purgantibus & vomitoriis utendi methodus, cum norma, qua purgantia, resinosa, & gummosa, debeant seligi. Allegantur sinistri eventus opii, quo vomitoriorum nimium effectum corrigere susceperant quidam; siquidem, cessante vomitu, dispnoea & cardialgiis emortuus est æger. Styptica commendantur contra hæmorrhagiam uteri, exemplo *Scribonii Largi*, qui alumine in ejusmodi erroribus usus est. Lues venerea curata fuit suffumigio cinnabaris factitiæ, succedentibus salivatione, alvina evacuatione, & sudoribus frequentibus. Plura proferuntur exempla de virtutibus corticis peruviani in cura gangrænæ, clareque docetur, nihil a laudabili ista medicina extimescendum esse, quin certissime sisti gangrænam, quam consueta exter-

na remedia coercere haud potuerant, ex quo corticis drachinz semissis aliquot per diem vicibus propinari cœpta est. Recruduit malum, cum aliquanto citius, quam par erat, usum negligeret ægra, quæ sua hinc culpa interiit. De intestino duodeno eleganter admodum commentatus est Vir egregie doctus, *Alexander Monro*, quandoquidem descriptionem situs, directionis, adhesionis, neglectam a pluribus, aut male depictam, intellexerat. Oblique dextrorsum inclinatum, mediante omento parvo, hepati adhæret, a majoris omenti lamina sustinetur, & in ejus duplicatura unciz unius & semissis latitudine prorsus delitescit; inde mesocoli duplicaturæ immergitur, colo ipsi accumbens; hinc peculiari quadam tunica cellulari conclusum videtur, quam, dum curvaturam suam sinistrorsum perficit, mesenterii & mesocoli membranz ulterius perficiunt. In hujus curvaturæ concava parte adhæret pancreas latiore sua parte. Intelligimus autem, duplex ipsi haberi pancreas, parvum, & majori contiguum, *the larger and lesser Pancreas*; quod quo jure dici possit, videant Anatomici. Jejunum autem appellari meretur, quamprimum, sua vagina egressum, de mesenterio participat. Difficile est, de duodeno rite cogitare vel eloqui, nisi illud in situ suo nexuque cum vicinis partibus demonstretur, & tunc quidem, nisi disturbato ejus nexu naturali, visui exponi difficulter potest. Icon addita fuit, quæ duodeni situm in corpore embryonis delineat, quo tempore incidenter monetur, venam umbilicalem ramos cum ipso hepate communicare, & venæ portam accedere, quam, mediante canali venoso, ad cavam dirigi, omnes uno affirmant ore. Aliquando eam indipiscitur amplitudinem duodenum, ut haud male ventriculus succenturiatus dici possit. Adduntur variorum animantium comparativæ intestini duodeni declarationes, quo appareat, omnium staturz & modo, quo incedunt, intestinorum situm accommodatum esse. Accedunt miscellanæ de intestinorum reliquorum momentis observationes lectu jucundæ & perutiles. *Thomas Simsen*, Professor Medicinæ, de placenta, duplici uteri cavitate, musculo *Ruyfchiano*, observationes

Mm m m 2

com-

communicat. Placentam, arbitratur, esse ovi materni corticem externum, cujus radiculæ, prout casus ovum tulerit, utero immerguntur, vasis sanguineis magis magisque auctis, donec fiat placenta, quæ nihil aliud est, quam chorion, incrementis sanguifluorum vasorum adauctum. Inde, si gemelli uterum impleverint ovulo duplici, prope se invicem collocato, duæ sub uno volumine secundinæ reperiuntur, media linea distinctæ, utriusque oculi chorio sua vasa committe; duas enim in diverso uteri loco positas placentas vix invenias. Id quod etiam de trimellis & quadrimellis valet. Musculi sui defensorem novum obtinuit *Ruyfchius*: de duplici autem cavitate uteri idem sic pronuntiat. Uterus plenus distincta habet cava, unum fundus, impletur placenta, alterum cervix, embryonem & membranaceas secundinarum partes complectitur. Inde in secundinarum adhesionem deprehenditur illa peculiari cavo inclusa, quam tamen fallaciam paulo post ab uteri contractura dependere indicat. *Guilielmi Porterfeld*, Med. D. amplissima est, & eruditionis plena, de motibus oculi Dissertatio. Inquiritur in motum lenti crystallinæ, quem illa pro objectorum distantia varium habere perhibetur, &, quo jure *de la Hire* Actorum Parisiensium Anno 1685 contradixerit, inquiritur. De objectorum effectibus, si vel propius, vel remotius, ab oculo collocata fuerint, proponuntur axiomata. Totus oculi bulbus ex mente quorundam figuram mutat; oblongus fit, si propiora fuerint objecta, depressior, si remotiora. Hanc mutationem attribuit *Keilius* duobus musculis obliquis, & ligamento ciliari, *Berhaavius* quatuor rectis. — Objicit Autor, figuram oculi mutari haud posse, quia, oculo leviter compresso admotis digitis, omnia videantur confusa, quia avium quarundam, struthionis, pisciumque, e. g. thynni, seu vulpeculæ maris, cornea sit mere ossea, sed hoc ipso non minus pellucida, vel ad motum inepta, annotante *Sanctorino* in Observationibus Anatomicis. An ligamentum ciliare, quod circumquaque humorem crystallinum ambit, motum aliquem crystallinæ lenti conciliare valeat, inquiritur, quod negatur, utut verum sit, post extirpatum

tum lentem in depositione cataractæ, nisi auxilio vitri convexi, nihil distincte cognosci visu posse, quamvis vitreus in ejus locum successerit, quod phænomenon motum aliquem ad visum necessarium supponere videtur. Tota hæc Dissertatio, ad mentem Opticorum & Physicorum composita, sententiis industrie conquisitis, & acute judicatis, abundat. Succedit Observatio de vulnere pelvis, ferro candente facto. Faber ferrarius juvenem ferro præcuto candente, prope anum immisso, ita vulneraverat, ut mucro per lineam albam emereret. Atrocissima hinc oborta symptomata mitigata fuerunt venæsectione, clysmatibus cum terebinthina, &, licet urina & excrementa per vulnus effluerent, æger tamen aliquo post tempore convaluit, & nunc recte valet. Curiosa huic proxima est Observatio, de acu in calculo vesicæ inventa, quem maximis cum doloribus puella quatuor annorum sponte per urethram edidit. De aneurismate commentatus est Cl. *Monro*. Arteria brachialis infelici venæsectione vulnerata fuerat, applicata fasciâ tortili, vel torculari forte alio, incisione facta in tumore, materia polyposa & sanguinolenta evacuabatur; hinc acus aneurismatica eo facilius adigebatur, quod nervus magno ab arteria intervallo distaret. Ligatura injecta, & cavitate tumoris rite impleta debitis vulnerariis, intumuit equidem manus, calore tamen vitali superflite, id quod in ejusmodi statu anastomosi reliquarum arteriarum debetur unice. Hinc, suppuratione facta, & resectis ligaturis, pulsus utriusque arteriæ radix & cubitalis denuo elevari cœpit, totaque cura perfecta fuit feliciter. Accedunt aliæ Observationes Chirurgicæ, de tumore apostematode in junctura femoris cum tibia, cartilagine istius juncturæ ossesacta, de ulcere quodam cruris singulari, quo ad amputationis necessitatem deductus fuit æger, quam, supra genu institutam, feliciter absolutam dederunt medicantes, qua facta, os ipsum cariosum fuisse, manifeste constitit. Additur icon, quæ fulcrum, pedi amputato substitutum, perquam commodum, describitur. Accedunt de amputatione legitime instituenda Commentarii. Laudatur *Petiti* torcular, & præfertur laqueo tortili; at nec illud suis difficul-

tatibus caret. Correctius illud fecerunt nostri, & ita comparatum, ut interea circulus per arterias collaterales succedere possit, nec totum nimis stranguetur brachium. Rejiciuntur pro sistenda hæmorrhagia caustica & styptica, unicus commendatur acuum usus, cetera omnia consueto more sese habent. De febribus nervosis differitur, quo termino declarantur motus humorum lenti cum deliriis, subsultationibus tendinum, nausea, siti, cephalalgia, pulsu parvo. Qui vel morbus fuerunt primarius, vel morborum symptoma: siquidem pleurisi & peripneumonix plerumque comites esse sueverunt. Malignas appellare nihil impedit, quamvis sui generis esse perhibeantur morbi, quos vel lentor humorum solus, vel lentor & inflammatio, vel lentor cum acrimonia, in primo, secundo, tertio gradu, & sic porro, perficiat; res ingenio magis, quam probabilium argumentorum numero, comprobata. Modum nescimus quandoque, remedia non ignoramus, quæ & hic efficacissima afferuntur. Reliquas *Voluminis* paginas Observationes de febrium cura, de iis, quæ post febrium curam accidere solent, de mania a piæ matris callo, de ulcere pulmonum, de materia purulenta hepatis ano rejecta, de valvulæ coli obstructione, de utero sanguine suffuso a partu laborioso, quo interierat parturiens. Accedit rerum post Annum 1734 noviter in Medicina detectarum recensio. Laudantur Cel. *Neumanni*, Berolinensis, de Ambra grisea Commentationes, quas dedit in Transactionibus philosophicis, itemque de Sale crystallino in oleis thymi, aliarumque plantarum cephalicarum, reperto, quod camphoræ analogon esse perhibuit. Commemorantur Academicorum Parisiensium clare gesta, *Taylorii*, *Chirurgi*, prout appellatur, *errantis*, diversæ de oculorum morbis sententiæ examinantur, tandem, prout moris est, recentium librorum, qui proximis retro annis comparuerunt, mentio injicitur. Commendatore non indiget institutum, quod jam sua utilitate satis superque constat.

CIRCA NOVUM S. PHILIPPI ÆDIFICIUM
Observationes Mathematicæ P. P. Ord. Mnim. THOMÆ
LE

LE SEUR, *Philos. Lectoris in Conventu SS. Trin. &*
FRANCISCI JACQUIER, *in Collegio urbano de*
propaganda fide Profess.

Romæ, fol. min.

Pagg. 7, cum Tab. 2n. 1.

RAGIONI, &c.

h. e.

RATIONES, ALLATÆ A D. FRANCISCO SA-
VERIO BRUNETTI, *circa incommoda vel commoda,*
quæ expectanda sunt Monialibus Turchinis a
novo S. Philippi edificio.

Romæ, 1736, fol. min.

Pagg. 10, cum Tab. 2n. 1.

PARERE, &c.

h. e.

JUDICIUM, AB ABBATE D. DIEGO REVIL-
LAS, *Publ. Lector Mathem. in Sap. Rom. Regiæ Soc.*
Angl. & Instit. Bonon. Socio, expositum, circa incom-
moda, quæ a novo S. Philippi edificio afferri
possunt Monasterio Turchinarum.

Romæ, fol. min.

Pagg. 15, cum Tab. 2n. 1.

Hæc sunt Schediasmata quatuor Mathematicorum, quos Ro-
mæ de incommo~~dis~~ a novo quodam edificio timendis
consultos fuisse, in *Actis* nostris *Mense Octobr. A. 1737 pag.*
458 significavimus. Exhibitz ibi Epistolæ *Celidonii Nenseri*,
Mathematicis illis oppositz, atque hæc sub finem adjecta a
nobis verba sunt, *cum nihil eorum, quæ ab altera parte scri-*
pta fuerunt, ad manus nostras pervenerit, a ferendo judicio
abstinendum videri. Nec sane hanc controversiam denuo
in scenam protulissimus, nisi Vir quidam doctus, qui locum
in *Actis* nostris legisset, mittenda ad nos ex Italia Schedia-
smata commemorata, literisque humanissimis nos rogandos,
censuisset, ut eorum faceremus mentionem. Faciamus igitur
paucis, & sine omni partium studio. *Le Seur & Jacquier*
ita

ita rem tractant, ut, tribus propositis dubiis, 1) an Turchinarum monasterio solis illuminationem detrahere novum ædificium possit; 2) an aliquod ventis impedimentum afferat; 3) an liberum permittat aeris motum, ad primum aliquanto curatius, ad duo reliqua breviter, respondeant. Novum S. *Philippi* ædificium, ex eorum sententia, circa solstitium æstivum nihil illuminationis detrahere monasterio Turchinarum potest; tempore æquinoctii detraheret 1 hor. 16'. 12"; & sub solstitium hybernum, primæ & infimæ fenestræ detraheret 1 hor. 25', si nulla circumjecta essent alia ædificia. Hæc deinceps per decem Propositiones demonstrantur; in quibus id agunt Viri doctissimi, ut ex cognita elevatione poli Romani, & declinatione planorum verticalium utriusque ædificii, & inclinatione plani, per culmen novi ædificii & infimam Turchinarum fenestram transeuntis, tum poli altitudinem supra illa plana, tum differentias meridianorum plani horizontalis & planorum commemoratorum, dimidiosisque dies maximos & minimos in iisdem planis, per accuratum calculum trigonometricum definiant. Ceterum, quicquid illuminationis (adde etiam, quicquid prospectus,) detrahi Turchinis a novo ædificio possit, id jam antea ab aliis circumpositis ædibus maximam partem detractum esse, contendunt. Jam, quod ad reliqua duo dubia attinet, ea nullo plane niti fundamento ostenduntur. Nam, cum australis, quem vulgo Scirocum vocant, insalubris venti impetum, novum ædificium reprimat, id pro beneficio æstimandum videtur. Ceteris autem ventis, & orientalibus maximæ, etiam alia circumjacentia ædificia obstant. Denique venti vel ex superioribus cæli partibus proficiuntur, vel sunt depressiores, & terræ viciniores. Si prius, agitationi aeris liberum aperit aditum viz latitudo, cælique amplitudo; & ventus, in superiorem monasterii partem oblique impulsus, eadem vi repellitur, angulumque reflexionis angulo incidentiæ æqualem describens, undarum instar propagatur. Sin posterius, venti illi sunt ut plurimum insalubres, multosque secum vehunt vapores, qui, laxatis corporum meatibus, ad interiora deferuntur, & sæpissime morbos procreant.

Venia-

Veniamus nunc ad Schediasma *Brunetti*. Is XIV Problematis docet, quomodo invenire possis longitudinem umbræ gnomonis, cum sol versatur in principio cancri, vel capricorni, & meridiano loci dati; itemque longitudinem umbræ plani verticalis illuminati, quam projicit in aliud; & tempus, quo sol ab horizonte ad datum Almicantrat, sive ad datam altitudinem, quotidie pervenit; & quantitatem cœli & atmosphæræ, quæ ab obice quovis occultatur: atque inde concludit, novum ædificium, etiamsi nullæ aliæ adessent ædes, nunquam tamen plus, quam sesqui horam illuminationis solaris, cœli vero non ultra $16^{\circ} 23'$, & atmosphæræ vix $5^{\circ} 30'$, ipsi infimæ Turchinarum fenestraz eripere posse. Addit de vento Sciroco, sive Euronoto, cum rebus aliis, tum ipsis corporibus humanis, pernicioso, quem novum ædificium reprimat: exemplumque hac de re unum e multis maxime luculentum affert. Palatium Albanum, quod Romæ est, gravissime infestabant venti meridionales, quorum afflatu omnia humescebant, ipsa marmora fatiscebant, & media pars palatii ad habitandum plane inepta reddebatur. Itaque, cum Patres *di S. Carlino* ædificium quoddam exstruere e regione palatii vellent, quanvis id multa asserre incommoda videretur, consilio tamen Celeb. *Lancisi*, permissum fuit. Quod in quantam palatii utilitatem cesserit, cuius observare hodieque licet. Denique nec illud negligendum censet Vir nobilissimus, quod non modo fervores æstatis temperari aliquo modo per umbram ædificii *Philippini*, sed etiam propter aeris partim umbrosi, partim a sole illustrati, rarefactique, sublatum æquilibrium, nova quædam in nova platea ventilatio & peroportuna aura existere debeat. Restat, ut de tertio Schediasmate nonnulla dicamus.

In eo doctissimus *Revillas*, postquam primo generatim docuisset, quæ sint præcipua habitationis urbanæ commoda & incommoda, quod, qui commodis uti velit, etiam incommoda, quæ potissimum ex aliarum ædium vicinia oriuntur, detrectare nequeat, & quod publica & magnifica ædificia ad ornamentum & splendorem urbis faciant, nec prohibenda, nisi

N a n n

pro-

propter singularia privilegia, vel magna aliorum detrimenta, videantur; hæc igitur postquam docuisset, ad præsentem controversiam accedit, situque & dimensionibus cum monasterii Turchinarum, tum novi S. *Philippi* ædificii, accurate expositis, quid detrimenti capere monasterium ex novo ædificio possit, & quale quantumque sit impedimentum 1) solis ac lucis, 2) prospectus, 3) ventilationis aeris & motus ventorum, ordine disquirat. In *primo Capite* ita versatur, ut separatim de tempore & horis diei, quibus umbra novi ædificii tactura monasterii aliquam partem sit, ac deinde de magnitudine illius umbræ, agat. Majoris autem perspicuitatis causa arcum verticalem concipit, cujus planum monasterio normale sit, divisoque die in varias partes, primo quidem umbram considerat, qualis tum futura sit, cum sol ad illum arcum, deinde cum ad meridianum, ulteriusque versus occasum, processerit, ac postremo etiam tum, cum ab ortu ad arcum, de quo diximus, ascendant. Et, quoniam æstate, & horis pomeridianis, facile apparet, quam nulla a novo ædificio timenda umbra sit, idcirco hæc duo potissimum perpendit Autor, quantum temporis, circa æquinoctia & solstitium hybernum, sol consumat, antequam ab ortu ad circulum verticalem, atque inde ad meridianum, perveniat; & ad quam altitudinem, illis temporibus, umbra pertingere in monasterio Turchinarum queat. Sub solstitium hybernum amplitudo solis ortiva Romæ est $32^{\circ} 27'$: ex quo, subducto calculo, sequitur, horam unam cum triente requiri, ut sol ab ortu ad circulum verticalem, & horas 3 cum parte sexta, ut inde ad meridianum perveniat: sub æquinoctia vero horas 3 cum duabus tertiis requiri, ut sol ab ortu ad arcum verticalem, & horas 2 cum parte tertia, ut inde ad meridianum pervenire possit. Porro demonstratur, solstitii hyberni tempore, existente sole in circulo verticali, altitudinem umbræ in muro Turchinarum esse palmorum 51, atque adeo ad solam primam & infimam fenestram pertingere: die 21 Jan. altitudinem umbræ non excedere palmos 43 cum semisse, die 8 Febr. palmos 30, die 22 Febr. palmos 19 cum semisse. Quibus explicatis, ostenditur, quam altitudinem & extensionem umbra ædificii *Philippi*

lippini, in muro Turchinarum, paulo post solis exortum, variis anni temporibus, habere debeat: tandemque etiam de situ & umbra ædium quarundam circumjectarum agitur. Ex quibus omnibus perspicere licet, quam parum luminis solaris novum ædificium detrahare Monialibus Turchinis possit. Jam, quod ad illam lucem attinet, quam atmosphaera & corpora illuminata spargunt, itemque ad prospectum & aeris ventilationem, non certe multo minus luminis (judice Autore nostro) ipsum ædificium S. *Philippi* reddet, quam intercipiet; & prospectum vix curare Moniales Turchinæ videntur, quarum pleræque fenestrix ita sunt obseptæ, ut oculis curiosis accessum non concedant; & de sufficiente aeris motu haudquaquam dubitandum est. Quæ quidem singula capita cum Viro Clarissimo persequi, institutum nostrum non permittit. Interim, quanquam negare nolinius, aerem in nova platea aliquanto minus libere, quam antea in loco patentiore, moveri posse, & pulchri prospectus privationem non sine causa allegari, tamen, cum ad amplitudinem plateæ, & situm extensionemque ædium, de quibus quæritur, itemque ad ea, quæ de Sciroco vento, & de fenestris Turchinorum obseptis, dicta sunt, respicimus, non sane magna incommoda Turchinis a novo ædificio allatum, nec lucis quidem & caloris notabilem partem ereptum iri, opinamur.

JO. PETRI DE LUDEWIG, JCTI, ET FRIDERICIANÆ Cancellarii, Reliquiæ Manuscriptorum omnium ævi Diplomatum ac Monumentorum, ineditorum adhuc.

Tomus XI.

Halæ Salicz, impensis Orphanotrophei, 1737, 8 maj.

Alph. 1 plag. 19.

Quamquam Illustris Cancellarius, cum *Reliquiarum* suarum *Tomum X* ederet, peregrisse cursum, & monumenta, quæ editionis honorem merebantur, omnia ex Museo suo protulisse videbatur, idemque ipse non obscure in illius *Voluminis* Præfatione significabat; tamen, ut perfectiorem quodammodo

Nn nn 2

do

do numerum duodenarium impleret, producit nunc ex copiis, quibus circumfluit ejus Bibliotheca, diplomaticis & historicis *Tomum XI*, prioribus illis tam ipsa mole ac specie, quam scriptorum, quæ continet, utilitate, simillimum. Prefatio, quam monumentis ipsis more suo præmisit, querelas continet de Italo, qui belli diplomatici historiam Mediolani A. 1729 edidit, & in illa *Ludewigianam*, quæ in limine *Tomus I Reliquiarum* exstat, fugillavit, & simul exscripsit. Ita & quædam peracerbe de Rev. Abbate Gottwicensi conqueritur, nonnemini vero, a quo Diplomatum confictorum accusatus erat, stigma minatur. In ipsis, quæ hoc *Volumine* exponuntur, monumentis primum est *Joannis Germani* vita *Philippi Boni*, Burgundix Ducis, A. 1452 scripta, & ipsius *Philippi* filio, *Carolo Audaci*, dedicata. Fuit ille *Joannes Germanus* primum Nivernensis, postea Cabilonensis, Episcopus, & Burgundix Ducis in Concilio Constantiensi Orator, Ordinis etiam aurei velleris primus Cancellarius, ac, præter hoc Opusculum, aliis philosophici, & præsertim theologici, argumenti clarus. Dicendi genere utitur parum comto, & est in ipsis quoque tractationis ordine, quod displiceat. Post Epistolam ad *Carolus Audacem* primum de religione *Philippi* patris, postea de ipsius prudentia, inde de ejus justitia, denique de temperantia & fortitudine, quædam in medium æffert, & sic ad ipsam rerum a *Philippo* gestarum commemorationem se convertit, quæ præsertim res bellicas, & non minus civiles tumultus, quam bella cum exteris, continet. Inprimis vero lectu digna sunt, quæ de pace Attrebatensi, A. 1435 ista, *Capite XXV - XXXV* copiose narrantur. De Ordine aurei velleris parum hoc libello *Joannes Germanus* attulit; quod mirum est, cum ipse, ut modo diximus, primus ejus fuerit Cancellarius. Ipsum Opusculum ad hunc usque diem latuit, & ut Ill. Editor notat, vix a quoquam allegatum est, forte quod *Carolus Audax*, quem satis severe officii admonet Autor, & præsertim ad castitatem graviter cohortatur, hanc patris inaginem, cujus erat ipse *Carolus* dissimillimus, suppresserit. Codex MStus per Bibliothecas *Andrea du Chesne*, Ju-

lii Chiffletii, Fouquetii, & Foucaultii, deipsum in *Ludewigianam* migravit, & offert eum Ill. Editor in Præfatione sua Bibliothecæ Cæsareæ, quoniam, ut ait, nihil exstare Burgundici debet, quo careat Austria, fortunarum Burgundicarum hæres. *Joannem Germanum* excipit Chronicon Bohemiæ, cui quidem inter inedita locum non fuisse concedendum, ii agnoscent, qui, jam olim id editum a B. *Menckenio* inter *Scriptores rerum Germanicarum*, meminerint. Hujus Auctor, quamvis ignotus sit, laudatur tamen ab Ill. Cancellario, quod a partium studiis, in historia Bohemiæ nimis frequentibus, alienissimus esse videatur. Stili sordes quodammodo eluit argumentorum, quæ in hoc Chronico tantuntur, præstantia. Nam & de juribus Regis Bohemiæ comitialibus, & de defectione Silesiæ Ducatum a Polonia, nec non de ipsorum nexu cum S. R. I. quædam non proletaria in hoc libello continentur, tanto quidem jucundiora Lectoribus futura, quanto frequentius interseruntur Diplomata. *Tertia* hujus *Tomi Reliquiarum* & postrema pars est Diplomatarium miscellum LXXXIII chartarum, quales plurimas in ceteris *Reliquiarum* Partibus Ill. Cancellarius edidit, & in MStis suis voluminibus, quorum ultra ter mille possidet, secum adhuc servat innumeras. Pertinent Diplomata hujus *Tomi* præsertim ad civitatem & templa Halensia, nec non ad Cænobium *de gratia Dei*, & ad opificum Berolinensium privilegia. Eminent tamen *Otonis II*, Marchionis Brandenburgensis, chartæ, quibus plura Ducatus Transalbini loca S. *Mauritio*, vel Ecclesiæ Magdeburgensi, offert in feudum, *Henrico VI* Imperatore oblationem approbante.

FRID. CHRISTIANI LESSERI, PASTORIS
Nordhusani, breves Observationes de Sigillis quibusdam Nordhusanis.

Exhibemus tibi, amice Lector, Sigilla quædam Nordhusana; Ea magnitudine & figurarum ruditate, qua constant, æri incisa, ne ectypa ab archetypis excidant. Omnia, si eorum spectes *materiam*, ex æra constant, quæ tamen ratione coloris differt.

Na n n 3

Omniū

Omnium Sigillorum, quæ a *N. 1* usque ad *N. 14* comprehenduntur, cera naturalem suum colorem flavum habuit, quæ tamen, antiquitatis vitio depravata, jam ad brunnum vergit colorem. Ex quo apparet, medio ævo non imperantes solum, sed etiam monasteria, Sigilla sua luteæ ceræ impressisse, quia tum ob vile pretium, tum ob mollitiem, huic usui aptissima videbatur. Postquam autem Imperatores & Reges orientales, & post hos occidentales, ceram rubram dignam censuerunt, qua uterentur, quoniam hic color ad regalem purpuram propius accederet, etiam alii Status Imperii hunc morem in exemplum traxerunt, & spreto colore viridi, quo post missum naturalem ceræ colorem usi erant, rubrum, conniventibus imperantibus summis, usurparunt, sibi que reservarunt, ceram autem viridem collegiis, ipsorum jurisdictioni subjectis, reliquerunt. Certe Senatus Nordhusanus a tempore *Sigismundi* Imp. cera rubra suas signare literas solitus est, contra autem & Consistorio & Orphanotropheo ceram adhibere viridem concessit. Disperſcimus autem Sigilla Nordhusana in *civilia*, quale *N. 1*. exhibetur, & *ecclesiastica*, quæ *N. 2* seq. conspiciuntur, cumque ecclesia hospitetur in republica, primo de civilium, deinde de ecclesiasticorum, Sigillorum figuris, forma, & circumscriptionibus, ac literis, agemus. Quod igitur attinet Sigillum civile Nordhusanum, sub *N. 1* in ære exhibitum, in eo oculis intuentium se conspiciendos præbent duo homines, super murum, porta ornatum, medias inter turres sellis insidentes, quorum primus dextra sceptrum liliatum, sinistra vero erecta globum imperialem, cui crux insidet, tenet, altera autem persona dextram ad globum imperialem porrigit, sinistra in gremium posita. Quænam hæ personæ sint, difficile est indagare. Non tamen assensum præbere possumus euidam erudito Viro, qui putavit, has imagines Christum & Mariam significare. Quamquam enim optimus Servator sæpius cum globo, cruce ornato, ac sceptro, a pictoribus pingatur, nullibi tamen cum sceptro liliato pictus conspicitur. Taceo, capita harum personarum nimbis destitui, quibus tamen olim capita Sanctorum,

TAB. VI
Fig. 1.

TAB. VI ad Nov. Act. Erud. A


Fig. I.



de a. 1339.

Fig. XIII.
de a. 1331.





Æorum, inprimis autem *Christi & Mariæ*, ornabantur, qua de re *Jo. Nicolai* de Nimbis adeundus. Quodsi conjecturam facere licet, potius sub his imaginibus *Henricum Aucupem*, ejusque uxorem, intelligi posse arbitramur, idque partim ex Historiæ Nordhusanæ monumentis, partim ex ipsis hujus Sigilli iconibus, probabile sit. Si enim historiæ Nordhusanæ serinia excutiamus, in *Nic. Hier. Gundlingii Tract. de Henrico Aucupe pag. 312*, *Jo. Mich. Heineccii Antiquitatibus Goslariensibus f. 13*, *Frid. Ern. Kettneri Hist. Quedlinb. Addit. pag. 1*, *Jo. Ge. Leuckfeldi Antiquitatibus Poeldensibus Cap. IV pag. 15*, *Joach. Jo. Maderi Antiquitatibus Brunsvicensibus pag. 102*, donationem legimus, qua Rex *Henricus* dulcissimæ conjugii *Matilda*, prouti expressa verba Diplomatis sonant, potestativa manu tradidit non solum Quedlimburgum, Pœldam, Duderstadium, sed etiam Nordhusam, in jus proprium, quod A. 929 ipsis Cal. Octobris factum. Atque ad hanc rem reliquæ Sigilli figuræ respicere videntur. Sceptrum enim liliatum florentem imperatoris potestatis statum designare potest, quo etiam alii Imperatores usi sunt in Sigillis suis, observante *Heineccio in Syntagm. de Sigill. P. I Cap. XXXIX f. 96*. Quod autem hic sinistra manu globum imperialem, cruce insignitum, sæminæ ad sinistram sedenti porrigere videtur, illud ipsum significare potest, *Henricum Aug. Matildi* suæ concessisse judicariam potestatem ac dominium, siquidem globus cruciger symbolum majestatis est, uti hoc demonstravit *Celeb. Gottlieb Samuel Treuerus in Historia globi crucigeri, Brunsvigæ A. 1728* typis vulgata. Nec obstat, quod apud *Heineccium Tab. IV Num. 19 & Gundlingium l. c.* in frontispicio Sigillum *Henrici Aucupis* xre expressum exhibetur, quo Rex hic conspicitur in dextra vexillum minimum, in sinistra umbellam, tenens. Ipse enim *Heineccius* fatetur *f. 89*, Diplomata *Henrici Aucupis* esse rarissima, consequenter etiam Sigilla. Quapropter esse poterit, ut *Henricus* noster, postquam ad imperatoriam evectus erat dignitatem, Sigillo alio, sceptro liliato, & globo crucigero, usus sit, quo etiam successores ejus usi sunt, quanquam aliter sentientibus obloqui, & meliora docentibus contradicere, nolumus. Quod autem hic
 duz

duz personæ *sedent*, eo ipso eorum *potestas judiciaria* indicatur. Sessio enim sæpius tam in sacro Codice, quam etiam in aliis Scriptoribus, *judicium* significat. De illo evolvi possunt loca *Pf. CX, 1*, & *1 Cor. XV, 15*; de hoc adeundus *Cicero*, qui his utitur phrasibus: *sedere ad gubernacula reipublicæ*, pro *Rosc. Cap. XVIII*, & pro *Cluent. Cap. XXXVIII*, *sedistine iudex in C. Fabricium? Murus cum porta*, qui sub pedibus amborum conspicitur, *locum judicii* significat. Solebant enim olim publica judicia sub portis exerceri, uti liquet ex locis Scripturæ *S. Deut. XXV, 7*, *Prov. XXII, 22*, *Amos V, 15*, *Zach. VIII, 16*. *Ædificia* vero vel ipsam urbem Nordhusam, *Mathildi* dono datam, vel castrum regale, significant. Notandum autem est, Senatum Nordhusanum hodie eo Sigillo amplius non uti. Postquam enim mos invaluerat, ut plurimæ civitates ad imitationem aquilæ bicipitis imperialis inciperent Sigillis suis *aquilam* imprimere, quam tamen ad imperialis aquilæ differentiam *monocephalon* exudebant, etiam Consules Nordhusani, *Henricus de Gorba*, senior, *Henricus de Schola*, & *Hartmannus de Kønigeroda*, veteri Sigillo abrogato, novum cum aquila *monocephalo* introduxerunt. Accedimus nunc ad *Sigilla ecclesiastica*, inter quæ princeps est, quod sub *N. 2* ære expressum patet. Habet illud altera sui parte *Contrafigillum*, de quo Sigillorum genere doctam Commentationem erudito orbi reliquit *Polyc. Leyserus*, Prof. quondam *Academix Julix* clarissimus. Ex hoc apparet, Seculo XIII *Contrafigilla* etiam cleris fuisse in usu. Utus enim est hoc Sigillo *Elgerus VII*, ex Comitibus *Hohesteinensibus* quidem oriundus, quippe *Henrici V* filius, attamen hic ut *Præpositus S. Crucis* spectandus, testante *Eckformio* in *Chron. Walckenræd. pag. 22*. Conspiciuntur in facie averfa hujus Sigilli *duo angeli*, talaribus amicti, in humeris alis, & circa capita nimbis, ornati, faciebus se invicem adspicientes, & manibus contum gerentes, cujus superiori parti *crux trifoliata* insidet, uti a rei *Heraldicæ* peritis dicitur; ex quo palam fit, olim baculum cum cruce etiam *Præpositis* fuisse concessum, qui hodie tantum *Archiepiscopis*.

TAB. VI
Fig. 2.

scopis, Primatibus, & Legatis, a Papa conceditur. Quod autem *Eiligerus* Sigillo suo *crucis* figuram imprimi curavit, illud procul dubio ideo fecit, quia domus basilica, fidei suæ commissa, in honorem S. Crucis a fundatrice *Mechtildi* exstructa est. Ex eo autem, quod *angeli* eam tenent, elucet, jam tum temporis superstitionum signi crucis cultum invaluisse. Id autem in hoc Sigillo singulare est, quod *Contrasigillo* gaudet, in cujus medio *facies S. Mauriti*, qui forsitan *Eiligeri* patronus fuit, conspicitur. Ordo nos ducit ad Sigillum sub N. 3. Videtur in ejus inferiori parte persona, genua flectens, & manus sursum ad foeminam tendens. Hæc autem super murum inter duas turres medio corpore sedet, capite nimbo cincta, in dextro brachio librum, in sinistra manu crucem, ut videtur, vel sceptrum, habens. Quia hoc Sigillum Decani S. Crucis fuit, suspicor, *personam*, genubus innixam, ipsum esse *Decanum*, elatis manibus preces ad *Divam tutelarem* fundentem, quæ, ex mea conjectura, *Matbildis*, fundatrix S. Crucis Ecclesiæ, fuit, & a Pontificibus Romanis numero Sanctorum adscripta est. Quod autem illa *super pontem inter turres sedet*, illud quidem hujus patronæ præsidium Ecclesiæ S. Crucis, per has turres denotatæ, & ab ipsa fundatæ, significare poterit. *Nimbus* autem, quo ejus caput cingitur, indicium præbet, hanc personam inter Sanctos referri, sicuti id peculiari de Nimbis antiquis specimine demonstravit *Jo. Nicolai. Liber*, quem brachio dextro habet, non tam S. Biblia, quæ medio ævo hominibus plurimis plane incognita erant, quam potius Psalterium, denotat, cujus usus solus foeminis concedebatur. Prius quod attinet, id ex *Lunigii Spicileg. Eccles. Tom. II pag. 143* elucet; ibi enim *Ahytho*, Episcopus Basileensis, in suis Statutis Capitulo VI Bibliothecam recenset, qua clericus carere nequeat, & ad eam refert Sacramentarium, Lectionarium, Antiphonarium, Baptisterium, Computum, Canonem pœnitentialem, Psalterium, Homilias, nulla Bibliorum facta mentione. Posterius probari poterit ex *Chronico Wormatiensi* apud *Ludewigium Tom. II Reliquiarum pag. 57*, ubi soror Episco-

TAB. VI
Fig. 3.

TAB. VI
Fig. 4

Fig. 16.

Fig. 5.

pi Wormatiensis dicit: *Nam tantum Psalterio excepto libros penitus ignoro. Crux, vel sceptrum cruciatum, quod sinistra manu tenet, confirmat eorum temporum superstitionem, quibus non tam Christum crucifixum, quam signum crucis, tanquam proprium Christianæ religionis trophæum, magno prosequabantur studio. Vid. Tertullianum de Coron. milit. Cap. III p. 653. Quartum Sigillum eclypon capitis cervini exhibet, inter ejus cornua Salvator in cruce pendens sistitur. Duo a Pontificæ religionis asseclis commemorantur Sancti, de quibus Acta Sanctorum perhibent, Christum cruci affixum iis apparuisse, capiti cervi inter cornua insidentem, S. Hubertus & S. Mauritius. Quæritur igitur hoc loco, quæ de causa caput cervi prædicti huic Sigillo impressum sit. Cum autem hoc Sigillum usui scholastico Ecclesiæ S. Crucis inservierit, uti ex circumscriptione ejus patet, responsio ex historia ejusdem basilicæ domus petenda erit. Legi in MSto quodam, hanc ædem cathedralem a fundatrice Mathildi non S. Cruci solum, sed etiam S. Mauritio, sacratam fuisse. Hinc etiam adhuc Capitulum ejusdem hunc Divum in Sigillo suo fert, (vide N. 16) imo in vexillis suis sacris, quæ in fello corporis Christi circumferri jubet, S. Mauritii historiam pictam exhibet, ejusque statuam, caput cervi supra memorati in manu habentem, summo altari imposuit. Facilis hinc emergit conjectura, ideo Decanum caput cervi suo inseruisse Sigillo, quia hic S. Mauritio, S. Crucis patrono, apparuit. Sigillum N. 5 conspiciendum præbet virum, habitu monachali indutum, & crucem præ se ferentem, coram quo in genua provolutus homo conspicitur, librum ei offerens. Homo, manibus crucem ferens, procul dubio personam quandam ecclesiasticam, ejus imperio Custos S. Crucis subjectus erat, significat. Crucis autem figura hic alia, nempe simplicior, est, quam ea, quæ sub N. 2 videtur, manifesto indicio, varias S. Crucis excogitatas fuisse imagines, de quibus adeundi artis Heraldicæ doctores, iique scriptores, qui sigillatim de Cruce scripserunt, e. g. Curtius, Gresserus, Lipsius. Hoc tamen notandum, hanc nostri Sigilli figuram propius accedere ad eam Crucem, quæ*

quæ adhuc Nordhuse lapidi insculpta conspicitur in mro Cæmeterii templi S. Crucis. *Homo* autem, *genibus innixus*, & *librum porrigens*, videtur esse stantis personæ minister in factis, Domino suo non tam Biblia, quam Evangelii Codicem, offerens; hæc enim populo tum temporis prælegebant, & in hæc jurare tenebantur Clerici. Si nos ad *N. 6* convertimus, conspiciamus personam, stola indutam, dextra palmæ ramum, sinistra librum, tenentem, & insistentem homini, pedibus ejus subiectam. *Persona* hæc Clericam quendam significare videtur, & forsitan fratrem minorem. De *libro*, quem sinistra portat, sub *N. 5* jam dictum est. *Palma* vero symbolum est triumphati diaboli & mundi, quos Clerus se oppugnare precibus & meritis suis gloriabatur. Atque hinc etiam facilis datur conjectura, *personam, sub pedibus jacentem*, vel diabolum, vel potius mundum, hic significare. Sigillum sub *N. 7* proponit intuentium oculis effigies duorum Sanctorum, capitibus nimbis ornatorum, & *baculum liliatum* manibus tenentium, quod hic eorum *puritatem* indicare poterit. Quæ ad dextram sedet *femina*, crinibus in humeros defluentibus, & capite coronato, procul dubio S. *Maria* iconismus est, cujus effigies plerumque ita corona pingitur, quia papicolæ eam tanquam reginam cæli salutant. *Vir*, ad sinistram sedens, & *braccio sinistro agnū portans*, S. *Joannem* significat, quo habitu etiam tam in bracteatis, quam in solidis, Lubecensibus sistitur, expresso nomine S. *Joannis* addito. Ea autem de causa *agnus* ei additur, quia digitis Jesum monstrans dixit: Ecce! agnus Dei, qui portat peccata mundi, *Jo. I. 36*. Quid figura Sigilli sub *N. 8* sibi velit, me nescire, ingenue fateor. Si quis sub ea intelligere velit *Cherubinum*, aut sub capite humano, nimbi circulo clauso, intelligere velit *caput S. Joannis*, Evangelistæ, sub corpore avis autem aquilam, huic Sancto appingi solitam, me nec habebit consentientem, nec contradicentem, sed potius rem in medio reliquentem. Dolendum interea, dentem vetustatis additam in schedula epigraphen exedisse, ex qua forsitan explicationi lux potuisset addi. Sigillum sub *N. 9* exhibet hominem, simplici sellæ insi-

TAB. VI

Fig. 6.

Fig. 7.

Fig. 8.

Fig. 9.

O o o 2

den.

dentem, & utramque manum ad benedictionem duobus Monachis impertiendam extendentem, quorum quisque ad unum latus in genua provolutus cernitur. Procul dubio *persona benedicens* superiorem quendam horum Monachorum significat. *Stella* vero, ad utramque capitis partem lucentes, ornatus causa additæ sunt, more ejus temporis solito, id quod ex pluribus Sigillis & nummis ostendi posset, si actum agere vellemus. Superior Sigilli pars ostendit duos angelos, se invicem adspicientes, quorum unus annulum, alter baculum, habere videtur; inferior pars autem aquilam imperialem bicipitem habet. Progredimur ad Sigillum sub *N. 10*. Sedet hic *Maria* Virgo, coronata, in sella, capitibus caninis ornata, cujus dextra sceptrum liliatum præbet, sinistra autem Jesulum nudum genni impositum continet, qui dextram ad pectus matris expandit, sinistra autem globum mundi cum imposita cruce tenet. Plurima hujus iconis ex antecedentibus perspicua sunt. Hoc tamen attendendum, neque *Mariae*, neque Jesuli infantis, caput nimbo cingi, ex quo patet, *nimbus non semper Sanctis additum fuisse*. Quod autem optimus Servator *globum crucigerum* gestat, eo procul dubio significatur, Christum totum mundum brachio potentis suæ gestare, *crucem* vero ejus, vel, si mavis, mortem crucis, omni mundo prodesse. Si Sigillum sub *N. 11* adspicimus, præsto ibi est homo sedens in sella, capitibus avium ab utroque latere exornatus, dextra palmæ ramum, sinistra librum, gerens. Cum de palma & libro in antecedentibus dictum sit; hic tantum addimus, *sessionem* beatorum, eorum quietem & gloriam, imperantium, eorum regimen, clericorum, eorum docendi officium, significare. Vid. *Matth. XXIII, 2*. Quod vero sella *capitibus avium* ornata hic apparet, id non tam clericorum, Cæsarum sellas imitantium, fastui, tribuerim, quam potius ornatus causa factum fuisse putaverim. Videmus enim sæpius Imperatorum & Clericorum sellas sine ejusmodi ornatibus, ut in *N. 1* & *9*. Deinde ejusmodi ornamenta etiam conspiciuntur in sellis Divorum, e. g. *N. 10*, quibus arrogancia imputari non potest. Sigilli *N. 12* figuræ hæ

TAB. VI
Fig. 10.

Fig. 11.

Fig. 12.

hæ sunt: Sedet S. *Maria* coronata super murum, & gremio infidentem Jesum infantem tenet, ad cujus latus sinistrum vir stat, stola indutus, capite mitra episcopali tectus, & manu dextra pedum episcopale ferens. Singulare in hoc Sigillo est, quod B. *Maria* hic *coronam* gestat, non foliis ornatam, uti plerumque, & hic N. 7, 10, & 13, pingitur, sed *cuspibus armatam*, qualem olim Imperatores habuerunt, quod, an ex consilio, an ex phantasia, factum sit, in medio relinquo. *Mitra* autem Episcopi hic bicornis se offert intuentium adspectui, quæ olim simplex erat, & a vulgaribus mitris nihil fere differabat. *Pedum* autem hic non breve est, uti antiquioribus temporibus erat, quibus sustentationis causa Episcopi eo utebantur, sed longum potius, flexum, & supra in gyrum curvatum; desunt tamen illi flores, & rami, in quos recentioribus temporibus hi baculi desinunt, de quibus adeundus Jo. Andr. *Schmidius* in Dissertatione de Baculo Episcopali. Sigillum N. 13 videndam præbet Virginem Deiparam, quæ dextra liliū, sinistra infantem, portat, sub qua monachus, genua flectens, & pedum manu gerens. Patet ex hoc Mariolatia filiorum Romanæ Ecclesiæ, & usus baculi, quo olim etiam Monachi gaudebant, donec folis Episcopis eundem gestare permissum est. Sigilli N. 14 figuræ satis notæ sunt. Recentius est Sigillum N. 15, quo Consistorium Nordhusanum utitur. Conspectitur hic in scuto Germanico a. uniceps, capite galeato, cum duobus cornubus bovinis, ex quibus ad exteriora latera bacilli cum appendicibus foliatis exeunt, quod Magistratus Nordhusani scutum dubio procul ideo huic Sigillo Consistoriali insertum est, ut eo ipso Consistorium confiteatur, potestatem suam a magistratu, tanquam territorii domino, dependere. Supra scutum apparet liber apertus, in quo legitur: RELIGIONI ET JUSTITIÆ SUUM. Ad dextram ejus manus, ex nube protensa, indice suo librum monstrat; ad sinistram manus apparet, gladium gestans, quibus symbolis verba libri explicantur. Supra symbolum Spiritus S. columba nempe, radios spargens, pendet. Quibus omnibus assessores hujus judicii profitentur, se Spiritus sancti gratia

TAB. VI

Fig. 13.

Fig. 14.

Fig. 15.

illustratos ea velle peragere in causis decidendis, quæ religio & iustitia postulant. De forma Sigillorum notamus, quod Sigilla *orbicularia* olim maxime in usu fuerint, quæ etiam sequioribus temporibus a multis usurpata fuisse, atque adhuc maxime usurpari, N. 1, 2, 8, 10, 12, 15, & 16, nos condocent. Nihilominus aliis placuere Sigilla *ovalia*, ut patet ex N. 6, quæ tamen medio ævo sæpius supra & infra in acumen abierunt, Conf. N. 3, 4, 5, 7, 9, 11, 13, 14. Superest, ut de *circumscriptionibus & literis* paucis adhuc agamus. Ac primo quidem in iis observamus, Seculis XIII, XIV, & XV, nullos fuisse *Diphthongos* in usu. Sic N. 2 legitur *prepositi* pro *propositi*, *ecclesie* pro *ecclesia*, conf. N. 4 & 10: item *sancte* pro *sancta* N. 4, 5, & 12; *celi* pro *cali* vel *cali* N. 13 & 14; *predicatorum* pro *predicatorum* N. 7. Deinde videmus, literas C & E, quæ hodie ad latus sinistrum apertæ sunt, Sec. XIII & XIV linea quadam fuisse clausas, ut in N. 2, 3, 4, 5, 8, 12, 13, 14. Porro ex his Sigillis constat, literam H in vocibus omissam fuisse. Sic e. g. legitur *scholastici*, pro *scholastici*, N. 4; *orto* pro *horto*, N. 13 & 14; forsitan ob illud: *h non est litera*, quam tamen alibi superflue addiderunt, e. g. N. 8 & 9 *hem*, i. e. *heremitarum*, pro *eremitarum*. Animadvertimus etiam, literas M & N jam ductibus obtusioribus scriptas fuisse, N. 6, 11, 12, 13, 14, jam vero acutioribus & magis quadratis, N. 8, idque uno eodemque Seculo. Vid. N. 2, 8, & 9. Nec non conspicimus, literam R sæpius immediate literæ O annexam fuisse, N. 2, 5, 7, 8, 9. Tandem etiam patet, literam T nunc ductu semirotundo, N. 7 & 13, nunc recto, in modum cruciformem, scriptam fuisse, N. 4, 5, 10. Apparent etiam varia scribendi compendia, quæ abbreviaturæ vocantur, e. g. *scto* significat *sancta*, N. 4, 5, 12; *frm*, significat *fratrum*, N. 7, 8, 13, 14; *ordis* significat *ordinis*, N. 8; *hem* significat *heremitarum*, N. 8, 9; *scti* significat *sancti* N. 8; *sce* significat *sancte*, N. 2, 13, 14; *poris* significat *prioris*, N. 14. Et hæc nobis, quibus brevitas præscripta est, sufficiant.

GEORG. MART. RAIDELII COMMENTA-
tio

*tio Critico-literaria de Cl. Ptolemæi Geographia, ejus-
que Codicibus tam MStis, quam typis expressis.*

Norimbergæ, apud Jonath. Fellscekeri hæredes, 1737, 4.

Plag. 12, cum Fig. æn. 3.

Sic tandem promissa olim hæc opella, autoritate Illustrissimorum hominum, Comitum *Pertusati*, & *Hier. Wilb. Ebnari*, quibus & inscripta est, in lucem prodit conspectumque eruditorum. A. 1729 ejus aliquando publicandæ spei fecerat Cl. Autor; sed tunc, instituto per Germaniam itinere literario, ab exequendo opere detentus, fidem nunc eo quidem melius liberat, quo præstantiora ad perficiendum institutum suum subsidia eodem in itinere consecutus est. *Cap. I Claudii Ptolemæi vitam, fata, scripta omnia, & Geographiam præ ceteris, exponit, Cellariumque, hujus Scriptoris in Præfatione Notitiæ orbis antiqui censorem iniquiorem, calligat, quod, qua ratione Ptolemæus remotissimarum regionum res, situm, nomina, cognoverit, homo ad æterna Musæi claustra damnatus perspicere haud potuerit. Qua occasione alios recenset, qui mitius & præclarior de Ptolemæo senserunt. Alterum Caput Græcos Geographiæ Codices enumerat. Cl. Wasse, Rector Scholæ Ainhœnfis, in Epistola Anglicana, inserta Bibliotheca literaria, Londini A. 1722, 4, editæ, Parti II pag. 33, notitiam Codicum MStorum brevem & succinctam dederat, &, quadraginta ferme Codices in Parisiensi, Cantabrigiensi, Vossiana, Anglicanis, Hibernicis, Viennensi, Medicæ, Bibliothecis adhuc exstare, affirmarat. Autor vero noster, tantum numerum Codicum MStorum fuisse, pernegat, cum fieri non possit, ut tot tantique Codices plurimisque in Bibliothecis jam desiderentur. Itaque de omnibus potius libris Ptolemæi intelligendum id esse docet. Potissimos inde Codices ipse vel nominat, vel amplius describit. Primus est & præstantissimus Vindobonensis, quem verbis Nesselii describit. Venetus sequitur, in D. Marci Bibliotheca assertatus, quem ex ore J. B. Starckii, Consil. Saxo-Hilburghusani, recenset, quippe qui, concedente præfecto Madero, inspiciendi illius copiam habuit. Membranaceus est, effigie*

effigie *Ptolemai* insignis, quæ regio habitu æri incisa hic apparet. Qua Autor occasione pictores aliosque rerum minus peritos arguit, qui *Ptolemaum*, Regem literarum amantissimum, cum nostro confuderunt. Epigramma pariter ejusdem Codicis in *Ptolemaum* vivo expressum ære hic apparet. Quo scriptus sit tempore, latet. Putat Autor, XII aut XIII Seculo, & edituris non parum profuturum, credit. Alius in eadem *Marciana* est chartaceus Seculi XIV. Nec minus apud *Car. Grimanum* aliud Venetiis fuisse exemplar, ex *Montesalconii Diario Italico pag. 40* docet, qui & *pag. 368*, in Bibliothecis Monasterii B. *Maria* & *Medicæ* Florentiæ Codices exstare, asserit. Romæ Vaticana, & huic inserta Palatina, ac Barberiniana, nonnullos habent. *Coislinianus* in Gallia Codex satis ope *Montesalconii* innotuit in *Catal. Coisl. pag. 611 seq.* ubi cum impressis collatus invenitur. Lugdunensis Bibliotheca *Jos. Scaligeri* exemplar impressum variis annotationibus MStis illustratum, *Heinsius* aliud, *Petr. Francius Xylandri* & *Salmasii* collationes, possederunt. Anglia Codices plurimos habet, unum cum *Nicephori Gregoræ* Scholiis, sed inaneum, *Seldenianum*, cum adscriptis nonnullis Arabicis, *Savilianum*, *Bernardinianum*, alios. Præterea Autor suspicatur, plures adhuc latere hinc & illinc illius Scriptoris MStos Codices, nemini non curiose indagandos. E Germania exemplar huc refert impressum, cum Vaticanis, Barberinis, Palatinis, collatum, editum scilicet Parisiis A. 1540, 4, apud *Wechelium*, quod e Bibliotheca B. *Guzii* in Senatoriam Lipsiensem transiit. Ignoratur, quis collationis fuerit Autor, quale autem ejus sit pretium, specimen a Cl. Autore allatum satis declarat. *Cap. III* ad Codices Latinos progreditur, medioque ævo, licet in magna illa rerum omnium ignorantia, plurimi factum *Ptolemaum* ostendit, ideoque mirum non esse putat, quod Seculo XV, renascentibus literis, duo de vertenda Geographia uno tempore amice cogitarint, quorum alter, *Emanuel Chrysoloras*, incepit, tantum laborem, alter autem, *Jacobus Angelus*, opus suum & inchoavit & perfecit felicissime, cujus archetypon in Florentina

tina

tina Abbazia existisse, testatur *Pocciantius* in *Catalogo Script. Florent. pag. 83.* De *Jacobi Angeli*, non adeo in vulgus noti, genere, patria, vita, doctrinæ laude, ac præconibus, copiose Autor differit. *Gesnerus* malam indoctamque hanc versionem pronuntiavit, sed iudex in eo paulo iniquior. *Pirckbeymerus* vero Matheseos omnis ignorantiam in Interprete notavit, sed depravati Codicis mendis deceptus. Recensitis iis, quæ Autorem, ejusque versionem, tangunt, Codices ipsos Autor enumerat, quorum nonnulli passim inveniuntur. Codicis, quem Norimbergæ exstare *Saubertus*, & ex illo *Struvius*, dixerunt, *Trapezuntii* manu correcti, nec volam, nec vestigium, superesse monet; alium vero haberi docet, Tabulis, ex editione *Ulmenii* desumptis, illustratum, unde de ejus ætate facillime existimari possit. Sequitur *Trevirensis* exemplum, quod *P. Montanus* in editione *Ptolemai* Græco-Latina, A. 1618 vulgata, jussu *Nicolai de Cusa*, Cardinalis, ex *Angeli* autographo descriptum dixit; sed id Autor perperam, pro *Nicolai Donis*, positum sibi persuadet. In Italia *Jo. Fichetus*, civis Patavinus, teste *Thomasino*, Cosinographiam possedit *Ptolemai* papyraceam, quod Lectorem dubium reddit, utrum Græcus Codex, an Latina versio, notetur; sed posterius Autor e voce *Cosmographia* concludere sibi posse videtur. Eandem *Mabillonius* Venetiis vidit; Anglia vero tria, Belgium bina, tenet exemplaria. Germania, & Norimberga præsertim, insigni quodam & vere aureo Codice superbit, cujus præstantiæ describendæ impari cum se videret Autor, hunc *Capite IV* rudi saltem, quod ajunt, penicillo delineandum suscepit. Codex est, quem purpureus fucus ornato, cujus titulus minio, & charta cedro, notatur, geminæque frontes fragili pumice nitent. Aureis ligatura striis, aureoque scuto, fulget, quod tanti erat, ut æri incisum Heraldicorum quoque studiis inserviret. Ætatis est recentissimæ; vix enim Seculum XV excedit. Sed, miram ejus esse præstantiam, scito, *Innocentio V* inscriptus est, librarii forte describentis errore; alii e-

nimi Scriptores omnes Opus hoc *Alexandro V* dicatum referunt. *Angeli* versionem habet incorruptam, navesque omnes & errores *Angeli* sancte servat. Tabulæ insertæ *Nicolaum Germanum* autorem suum agnoscunt; qui qualis fuerit, (est autem *Nic. Donis*.) & quando vixerit, curiose satis & erudite docet Autor, hanc a *Nicolas Hahn*, quem Typographum *Maittaireius* falso putat, itemque a *Nic. Cusa*, discernens. Ceterum in laudando minio auroque Codicis *Ebneriani* ita versatur, ut aliis videri possit uimirum laudasse. *Quintum Caput* Græcas & Græco-Latinas editiones, perpauca sane & raras, recenset. Primus in edendo Græco textu laboravit *Erasmus Roterodamus*, quem e Codice *Theobaldi Feticbii*, Medici Ingolstadiensis, A. 1533, 4, apud *Frobenium* produxit. Secutus est Parisiis A. 1546 *Christ. Wechelius*, cujus prodiiit editio in 4. Græce & Latine edidere Amstelodamenses librarii A. 1605 & 1618 in folio, sed una est eademque editio, quæ, mutatis tantum titulis, non semel eruditus imposuit. *Capite VI* editiones *Geographiæ Ptolemaicæ* Latinas, Seculo XV impressas, recenset, & egregia multa de libris sub initium Typographiæ excusis tradit Autor, ocularique inspectione meliora edoctus, errores quam maximos *Maittaireius* aliorumque corrigit. Illa inde repetere, instituti nostri non est; editiones tamen, quas sub examen vocat Autor, nominatim indicabimus. Sunt vero hæ: Bononiensis anni 1462, pro quo legendum Autori 1482 videtur; Vicentina A. 1475, Romana A. 1478, item A. 1482, Ulmenfis A. 1482, & 1486, Romana denique A. 1490. *Capite VII* sequuntur Latinæ editiones Seculi XVI, Romana A. 1507 vel 1508, Veneta A. 1511, Argentoratensis A. 1513, Norimbergensis A. 1514, Argentoratensis A. 1520, & 1522, fictitia Norimbergensis A. 1524, vera Norimbergensis A. 1525, Lugdunensis A. 1535, & 1541, Colonienfis A. 1540, Basileensis A. 1540, 1541, 1542, 1545, & 1552, Ingolstadiensis A. 1553, Veneta A. 1562, Colonienfis A. 1584, Basileensis A. 1582, & 1584, Veneta A. 1596, Colonienfis A. 1597. *Capite VIII* editiones Latinas Seculi XVII, non adeo frequentes, enumerat,

rat, quarum una Arnheimii A. 1607, altera Bononiz A. 1608, excusæ putantur, causasque paucitatis hujus detegit. *Cap. IX* Versiones Geographiæ *Ptolemaica* in linguas peregrinas nominat & expendit, Italicam quidem *Petri Matthioli*, & *Hier. Ruscelli*, (quam *Rosaccius* nonnihil emendavit,) Gallicam *Antonii Verdierii* ineditam, Lusitanicam, Ulyssipone A. 1537 editam, & Germanicam tandem, Persicamque, quarum ultima inter Codices MStos *Hinkelmannianos*, teste Catalogo, exstitisse creditur, sed, Catalogum illum, quem *Starckio* debemus, innumeris scaterere erroribus, jam dudum comperitum est. Multi etiam fuere *Ptolemai* Commentatores, *Nicolaus Donis*, *Jo. Regiomontanus*, *Jo. Wernerus*, *Jo. Stæfelerus*, *Jac. Zieglerus*, *Mich. Servetus*, *Franc. Berlinghieri*, cujus postremi opus MStum in Bibliotheca Comitum *Pertusati* reperitur. Quæ *Paulus Decanalis*, *Menso Altingius*, *Rudolphus a Salicibus*, in *Ptolemaum* tentarint, ultimo loco *Cap. X* exponit. Sequenti *XI* insignes variationes Tabularum Geographicarum, ad mentem *Ptolemai* delineatarum, indicat, &, qui *Agathodæmonis*, qui *Nicolai Donis*, labores fuerint, nos docet. Ultimum tandem *Caput XII* promissas *Geographia* editiones offert. *Petrus* enim *Apianus*, Græcum textum cum *Pirckheymeri* versione se editurum, promissit, eundemque laborem ipse *Pirckheymerus* in se brevi post recepit. Pari mente fuisse *Isaacum Vossium*, ex ejus *Mela* apparet. *Eduardus* quoque *Bernardus* Corporis Scriptorum veterum Mathematicorum, 14 Voluminibus constandi, volumini 13 inserere destinaverat *Geographiam Ptolemaicam*. *Jacobus* tandem *Gronovius*, præcone *Fabricio*, editionem suam eruditis annuntiavit quidem, sed non exhibuit. Accedunt in fine eorum, quæ in ipso Opere dicta sunt, Supplementa.

JOANNIS VOGTII CATALOGUS HISTORICO-
Criticus Librorum rariorum, accurante JANO
LIBRARIO.

Pp pp 2

Hani-

Hamburgi, sumptibus Christiani Heroldi, 1738. 8.

Alph. I plag. 18.

Varia de libris rarioribus jam exstare scripta, vel nobis ta-
centibus, si non omnibus, saltem plurimis, cognitum esse
censemus. Quis enim *Jacobi Frid. Reimanni, Richardi Si-*
monii, Hieron. Aug. Groschusii, Jo. Christoph. Wendleri, Georg.
Serpilii, Joach. Ern. Bergeri, Andr. Westphali, Nicol. Fran-
cisci Haymii, Theoph. Sinceri, aut, si mavis, *Georg. Jac. Swinde-*
lii, Jo. Georg. Schelhornii, Aug. Beyeri, Mich. Matthei, alio-
rumque, labores haud contemnendos nescit? Quæ ergo do-
ctissimi Viri passim observarunt de libris rarioribus, ea Ve-
ner. Autor ante quinque jam annos in unum coegit librum,
& hoc, quem indicavimus, titulo juris publici fecit, variaque
ex diviti sua penu adjecit notatu digna. Hic, utilis certe, la-
bor adeo se probavit bibliophilis, ut brevi temporis spatio e-
jus exempla distraherentur, adeoque de nova paranda editio-
ne Autori esset cogitandum. Priore igitur editione melior &
castigatio non solum, sed etiam insigni accessione locupleta-
tus, in præsentî prodiit hic Catalogus, retento, quem antea
sibi proposuerat Autor, ordine alphabetico. Magnus pro-
fecto numerus eorum librorum, qui raritate sese com-
mendant, hic exhibetur; qui vero omnes hic quærere vel-
let libros rariores, majorem diligentiam & notitiam ab uno
requireret homine, quam ab eo posset expectari. Cui, quæso,
tam felici esse contigit, ut, non dicam omnes, sed præcipuos,
libros rariores inspiciendi copiam haberet. Et ubi terra-
rum exstat Bibliotheca, quæ illos in se contineat omnes, aut
saltem plurimos? Facili adeoque negotio subinde quædam
addi posse, quivis perspiciet. Propterea vero Cl. Autori
laus digna haud poterit denegari. Facilius est addere,
quam invenire. Negare tamen nolumus, nonnulla in hoc
Catalogo apparere scripta rariora, quæ forsitan ad hanc
classen vix referenda fuissent. Nimiam iis fidem habere
videtur Autor, qui Catalogos imprimendos curarunt ven-
dendorum librorum gratia. Plerumque illud: *rarissimus*
liber, liber raritate rarior, &c. quas etiam formulas diligen-

ter

ter a *Vogtio* repetitas animadvertimus, adscribunt illi homines, ut pretium majus his libris statuatur, & imperiti decipiantur. Experientia ipsa, & inspectio libri, hoc satis testatur. Forsan & paulo copiosiore nonnunquam descriptionem librorum exoptarent nonnulli. Enimvero fines, quos sibi præscripserat Autor, hoc ipsi haud permittebant. Non historiam, sed Catalogum, librorum rariorum contexere decrevit. Fontes præterea indicavit, ex quibus sitim harum rerum amatores reslinguere facile possunt. Jubetur igitur, qui plura scire cupit, citatos Autores evolvere.

COMMERCIIUM LITERARIUM CLARORUM
Virorum, e Museo RUD. AUG. NOLTENII.

TOMUS I & II.

Brunsvigæ, ex officina libraria Rengeriana, 1737 & 1738, 8.
Alph. 1 plag. 6.

Præclarissimus Autor, qui *Jus & Consuetudines Villicorum* nuperrime, & olim illustris *Veldhemia* gentis historiam, *Diarriben epistolarem de Juribus Cleri in Ducatu Brunsvicensi*, ac *Commentationem de Jure Funerum in Ducatu Brunsvicensi*, nec non alia, concinnavit, ediditque, studium suum ad colligendas eruditorum Epistolas appulit, e quibus vel Historia literaria, vel disciplinæ ac scientiæ, lucem scenerantur. In Præfatione, *Tomo I* præmissa, docet, eum duntaxat Epistolarum edendarum scopum esse debere, ut indicem & characterem animi hujus vel illius eruditi perspiciamus, eorum instituta & labores pernoscamus, detegamus Pseudonymos & Anonymos, varia eruditorum fata & honorum accessiones intueamur, & judicia viventium de libris editis eruamus. Notat porro ingravescentem, qua Germani Germanice vel Gallice scribunt, consuetudinem, quippe usui publico, qui linguam universalem & communem postulat, adversam, judicio *Petri Burmanni* approbato. Addit brevem Epistolicarum Collectionum recensionem, prædicans gratiam Perillustris *Rudolphi Joannis L. B. de Wrisberg, Meibomii & Maertensii* huma-

Tom. I
pag. 5.
10.

15 seq.

23.

28.

30.

41.

47.

57.

59.

106 seq.

nitatem, nec non auspicatum illud sidus, quo afflante Epistolas *Baluzio-Conringianas* nactus fuerit. *Tomus I* complectitur Epistolas 84. Nos more nostro potissima delibabimus. Primo in scenam prodit Epistola *Joannis Craigi*, Doct. Phil. & Med. Edimburgo data ad *Tychonem Brahe*. *Craigius* auctoritatem *Aristotelis* observationibus *Tychonis*, ac scripto hujus de Cometis, opponere sustinuit, qui Cometæ pro corporibus duris ac durantibus haud habuit. Ipsi arrisit *Aristotelis* sententia, statuentis, Planetas orbium certorum esse partes, & absque orbibus propriis moveri. Ad systema *Tychonicum* monet, absurdum sibi id videri, *Martem acronychum* (lege: *acronychum*) terris propiorem fieri, quam solem: suadens, ut punctum, terræ vicinius, quam sol, centrum statuatur systematis celestis. Utinam hujus generis Epistolas eruditi protraherent complures! Stili inelegantiam, quam adhibuit *Craigius*, emollit ac sarcit subsequens Epistolarum *Joannis Caselii* collectio. Sed, licet *Caselii* Epistolæ sint plano, puro, & composito, dicendi vel scribendi genere elaboratæ, desideramus tamen in eis merito materiam, e disciplinis, scientiis, vel historia memorabili, collectam. De juvenum itineribus, in extraneas provincias suscipiendis, *Caselius* prudenter judicavit, qui conqueritur de factionis collegis, inscitæ litantibus. *Mortuus Julii Casaris Scaligeri* fuit observantissimus, ac *Josephum Scaligerum* juvenem Romæ excepit bene, redeuntemque ad suos ultra Senas in *Sancassianum* deduxit. *Brunsvicenses A. 1606* Senatusconsultum fecisse, ex *Caselio* discimus, de funditus delendo *Helmstadio*, tribus domibus exceptis. Ipse de eruditione fœminarum sic sentit: *Mulierem a conditione muliebri non longius abire expedit, neque philosopha sit, ut neque poetria, neque psalteria, neque citharistria*. Idem admodum senex desideravit aulæ gratiam, ac ex crebris Academiæ mutationibus in magno fuit ære alieno. Ipse de numero Academicarum: *Academiæ est in Germania satis*. Omisissis reliquis, progredimur ad ea, quæ ex *Conringii* literis ad Ducem *Brunsvico-Luneburgensem*, *Augustum*, decerpta sunt. De Supplementis Historiæ *Thuani*, ab Autore profectis, tunc MStis, de

de nova Bibliorum versione Germanica, de figura nivis sex-
angulari, de *Jō. Henr. Hottingero*, de *Henrico Bangerto*, de
præceptorum divinorum distinctione secundum Judæorum
opinionem, de *Leone Allatio*, de *Wiero*, magiæ suspecto, de
Christophori Broweri Annalibus Trevirensibus, de *Fortunio*
Liceto, *Isaaci* Opere medico rarissimo, Menologio *Canisii*, de
Ant. Augustini meritis in Jurisprudentiam, de *Hiddone Friso*,
& *Petro Lambecio*, aliisque momentis, doctissime *Conringius*
exposuit. Binæ *Stephani Baluzii* literæ, ad *H. Conringium* da-
tæ, scatent rebus, ad Historiam & literariam & ecclesiasticam
spectantibus. Præstantiores sunt reliquis propemodum ex,
quæ ad *Henricum Meibomium*, ejusque filium, *Hermannum Die-*
tericum, a diversis sunt datæ. In Epistola *Jacobi Frid. Reiman-*
ni, tum Rectoris Halberstadiensis scholæ, hæc leguntur: *Si An-*
nales Torquati mecum communicare non dedignaveris. Tomus II
offert Lectori Epistolas *Philippi Melancthonis*, *Pauli Eberi*,
Nicolai Selnecceri, *Davidis Chytræi*, *Wilhelmi Bidenbachii*, ac
Johannis Caselii, quas, verba apte compositurus, ipse in Ita-
liam mittere destinaverat. *Muretum*, tradit, ad sese Rostochium
scripsisse literas, quem constat ignorasse Rostochii situm. Pru-
denter egit *Casellius*, quod annum omisit literis illis in Ita-
liam missis in fine adjungere. Succedunt *Hermani Conringii*
ad diversos literæ, e quibus patet, ipsum, inopia vitæ Acade-
micæ adactum, artem medicam facere cœpisse, *Aristotelis* ju-
go perferendo fuisse addictissimum, ac ingenito ceteroquin
excelluisse judicio. *Joachimus Hildebrandus* incurrit olim su-
spicionem fastus inepti. In nuptiis *Friderici Ulrici Calixti* sœ-
cundi calices convivas fecerunt disertos. Odio Tubingenses
Theologi, exente Seculo XVI, admodum exarserunt in Vite-
bergenfes. *Nicolaus Selneccerus*, A. 1589 d. 15. Dec. Magdebur-
gi cominatoratus, egit vitam privatam, ad incitas fere redactus,
adeo, ut evocationem ex miseriis, id est, mortem, expeteret.
Spes, quas *Henricus Meibomius* de *Melchiore Schmidio*, post-
hæc in Academia Julia Græcæ Linguae Professore, concepe-
rat, maxima ex parte fuerunt in ipso eventu irritæ. Prodit
hic etiam in lucem *Methodus reducenda unionis ecclesiastica*
inter

Tom. I
pag. 110.

114.

138.

157 seq.

176.

Tom. II

pag. 256

297.

314.

315.

322 seq.

321.

324.

Tom. II
pag. 328
seq.

351.

352 seq.

368.

373.

381.

385.

404.

inter Romanenses & Protestantes, jussu Serenissimi Episcopi Osnabrugensis ac Ducis Brunsvico-Luneburgensis, *Ernesti Augusti*, a *Gerardo*, Abbate Luccensi, & *Hermanno Barkhaus*, A. 1683 conscripta, quæ laborat ea contradictione, ut desideret, nos inanere Evangelicos & Protestantes, simul vero pendere a nutu & arbitrio Episcopi Romani largiatur, qui utique non nisi unos fidei articulos & decreta dudum sancita admittere pro veris potest. Egregia est *Caroli Gobieni* ad *Sparvenfeldium* de rebus Sinicis Epistola. S. Rev. *Jo. Georg. A. bicht* unionem religiosam, Reformatos inter & Lutheranos, impossibilem haud judicat, si per vim res geratur, sed veretur, ne ex duobus quatuor nascantur proles, matribus suis multo peiores. Attentionem meretur *Frid. Bened. Carpvovii* ad *Frid. Ulric. Calixtum* Epistola, qua B. *Philippus Jacobus Spenerus* admodum defenditur, & hæretificandi studium Wittebergensibus exprobratur, *Spenerum* vero esse orthodoxum, indicatur. De literis *Jo. Andr. Schmidii* & *Christiani Schlegelii* jam nihil memoramus. Succedunt literæ *Gottfr. Guil. Leibnitii*, ad *Jo. Henr. Ritmeigum* datæ. Amœnum est commercium epistolicum, quod *Cornelius Dietericus Kochius* cum *Jo. Georg. Eccardo*, *Optimio Oudino*, *C. S. Schurzseichio*, *Jo. Franc. Buddeo*, *Adamo Rechenbergio*, *J. H. Gebhardio*, Rectore Gymnasii Brunsvicensis olim celeberrimo, *Gottfr. Oleario*, aliisque, exercuit. Ad arcana philosophiæ Buddeane hoc est referendum: *Non qualibet sui ipsius cædes pro crimine reputanda, sed ea, quam, nulla nos urgente inevitabili necessitate, deliberato animo consiliove, suscipimus*. Ipse septem modo *Observationum Halensium* Tomos curavit edendos. *Jo. Hermannii Schminckii* Epistola, ad *Jo. Georg. Eccardum* data, est accurate & docte scripta. Agmen claudunt Epistolæ B. *Theodori Hasei* ad Virum egregium, *Jo. Christoph. Harenbergium*, tum Rectorem Scholæ Gandershemensis, exarata, quibus de hujus scriptis ad Bibliothecam Bremenensem, Museum Bremenense, & Thesaurum Theologico-Philologicum Amstelodamensem, exornandum, missis, imprimis de *Geographiæ sacra*, notitia suppeditatur. Gratulamur Autori institutum, ejusque continuationem serio exoptamus.

NOVA ACTA ERUDITORUM,

publicata Lipsiæ

Calendis Decembris Anno MDCCXXXVIII.

CODEX THEODOSIANUS, CUM PERPETUIS Commentariis JACOBI GOTHOFREDI, Viri Senatorii, & Jurisconsulti superioris Seculi eximii. Præmittuntur Chronologia accuratior, Chronicon historicum, & Prolegomena; subjiciuntur Notitia Dignitatum, Prosopographia, Topographia, Index rerum, & Glossarium nomicum. Opus posthumum, diu in foro & schola desideratum, recognitum, & ordinatum ad usum Codicis Justiniani, opera & studio ANTONII MARVILLII, Antecessoris primicerii in Universitate Valentina. Editio nova, in sex Tomos digesta, collata cum Codicibus MStis, antiquissimo Wurceburgensi, Gothano, & libris editis, iterum recognita, emendata, variorumque Observationibus aucta, quibus adjecit suas JOAN.

DAN. RITTER, P. P.

Tomus III.

Lipsiæ, sumptibus Weidmanni, 1738, fol.

Alph. 6 plag. 5.

Prodit jam, quod vehementer gaudemus, elegantissimi Operis *Tomus tertius*, Libros Codicis Theodosiani duos continens, quibus *de Criminibus, de criminali Processu, de Jure Fisci, & de Rebus fiscalibus*, agitur. Notas & Commentarios *Jac. Gothofredi*, qui Principum Constitutiones, antiquumque Jus omne, diligentissima opera illustrare apud animum consti-

Qq 99

tuerat,

tuerat, laceros mutilosque hinc inde, Cl. Editor ea accuratione se restituisse profitetur, ut, quod morari lectores valeat, nihil fere superfit. Perlustravimus Titulos singulos, atque non tantum lacunas, quæ in priore apparent editione, suppletas multo studio animadvertimus, quod testatur inprimis Commentarius *ad Legem 6 ad Leg. Jul. de Adulter.* verum etiam Observationes haud paucas vidimus, in quibus partim veterum ac recentiorum Autorum, ad intimam Juris antiquitatumque cognitionem facientia, testimonia adducuntur, partim in conjecturas *Gothofredi* inquirunt. Exemplo erit famosa lex *Quisquis 3 ad Legem Cornel. de Sicar.* quæ, licet alias edita, novo tamen hic apparet habitu, & necessariis illustrata animadversionibus, & cum cura indicatis veterum Autorum, Græcorum pariter ac Latinorum, locis. Marmora quoque ad rerum antiquarum elucidationem majorem apparent integra, cum ex detruncatis quasi membris sæpenumero vix accurate de disputatis, iisdemque gravioribus, judicare liceat. Observavimus magnum lapidum veterum numerum variis in locis, & inprimis *pag. 151 seq.* ad Titulum *de Sepulcris violatis*, ejus Tituli *legem 6* Viri apud Italos non solum, sed & externos omnes, famigeratissimi, *Lud. Ant. Muratorii, Dissertationes binæ, de Veterum Christianorum sepulcris*, dilucide & perspicue expediunt, quas ut integras apponeret Cl. Editor, fecerunt varix variorum injuriosæ partim, partim invidiosæ, disputationes de sepultura sacris in ædibus Christianorum. Legimus etiam multa ab *Anton. Pagio* adversus *Gothofredum* disputata, e. g. *pag. 308* de tyrannide *Attali*, & *pag. 331, 369, 370, ad Leg. 13 de Pæn. & de bonis proscriptorum*, profligatas a Monacho doctissimo *Baronii & Gothofredi* conjecturas cernere licet. Et Ill. *Ez. Spanhemii* observata contra *Gothofredi* opinionem, quod sub *Constantio* demum appareat Arabiam Petream juris fuisse Romani, jure sibi locum *pag. 322* vindicarunt. Græca Constitutio *ἀνωχθωσων*, subdita *legi 4 de his, qui ad Eccles. confug.* diligenter collata cum Codicibus & *MSto Segui, quo Nicolaus Coletus* usus, & a multis etiam purgata mendis est. In Præfatione Doctiss. Editor perdifficilem atque perobscuram tractavit quæstionem, ab *Antonio Pagio* in *Critica ad Annal. Baron.* ad

A. 830 propositam. Cum enim videre liceat in legibus utriusque Codicis, eo anno datis, *Præfectos Prætorio quatuor* in Orientis imperio, quod administrabat *Theodosius M.* idque laudatus modo *Pagius* observasset, non dubitavit scribere *ad antic. num. 3:* Mirum eodem anno, iisdem sepe mensibus *leges a Theodosio directas ad quatuor Præfectos Prætorio, ad Neotherium nempe, Eutropium, Florum, & Tatianum, ut videre est in Chronologia Codicis Theodosiani anno 380, quod a Gothofredo non animadversum, & cujus rei causa mihi incomperta.* Leges, scrupulum injicientes, in *Cod. Theodosiano* sunt 8 & 9 *de Bon. proscriptor. l. 2 ad Leg. Jul. repetundar. l. 6 de Sponsalib. l. un. Si provinciæ rector. l. un. Si quacunq; prædit. potest. l. Quicunque, de iis, quæ administrant. & in Codice Justiniano l. 3 de Litigior. exque omnes Theſſalonice, anno allegato eodem die datæ.* Verum, pervulgatum cum sit, Romani imperii formam in Oriente quatuor Præfectos Prætorio non admittere, omnem navavit Cl. Editor operam, ut, emendatis legum inscriptionibus, probaret, Præfectos duo, non quatuor, dicto anno 380 in Orientali fuisse imperio. Atque, quod attinet ad *Neotherium*, hunc memorato anno administrasse Orientis Præfecturam Prætorio, ex *l. 9 Cod. Th. de Tiron. & l. 3 de Desertorib. Cod. cod.* probatum dedit. Leges enim illæ A. 380 inscriptæ sunt huic *Neotherio P. P.* dicunturque *propositæ Antiochiæ*; qui locus, legibus additus, indubitatum præbet argumentum, eum *P. P. Orientis* fuisse, quandoquidem nemo ignorat, magistratus non nisi in iis, quibus erant præfecti, provinciis leges proponere potuisse. Quo stabilito, nemo non videt, male facere *Gothofredum*, quando in *Prosopographia Cod. Theodosiani* statuit, *Eutropium anno 380.* Orienti præfuisse: necessum enim erat argumentari, Orientalis Illyrici eum *P. P.* fuisse, etiam si nulla lex id innueret. Verum enim vero innuunt id satis superque leges *Theodosiani Codicis, in Chronologia* apparentes, quæ datæ sunt eo anno 380 ad *Eutropium* in Illyrici Orientalis civitatibus, *Hadrianopoli & Theſſalonica.* Seductum autem fuisse *Gothofredum* a binis *Gregorii Nazianzeni Epistolis, 137 & 138,* monstrat Cl. Editor; in quarum priore *Εὐρόπιος ὁ μέγας* audit, & *Ἀρχον,*

in altera vero narratur, eundem ὑψηλότατον tenuisse *ῥέον*, eique *Gregorium* in Asia obviam factum. Hoc enim viso, *Gothofredus* audacter scribit: *clare hac ostendunt, Eutropium P. P. Orientis fuisse.* At, cum scribat *Gregorius*, se *Eutropio* in Asia obviam factum, cum *sublimissimum is teneat thronum*, id in *annum 380* nullo modo incidere potuit, quod eo anno toto *Nazianzenus* in Constantinopolitana civitate, ut electus, sequentique anno in Concilio ibidem habito confirmatus, Episcopus fedit. Hoc ergo tempore *Eutropio* in Asia obvius fieri nequaquam potuit. Et, licet mox finito Concilio *anno 381* Episcopus abitu ex dicta urbe paraverit, locum nimirum *Nectario* faciens, *Eutropium* tamen eo *anno 381* in Asia ut *privatum* convenire non potuit, quo ille toto dignitate P. P. usus est, ut videre licet in *Chronolog. Cod. Theodos.* Utraque autem Epistola testatur Episcopus, *Eutropium* tum temporis, quando sermones cum *Gregorio* habuit, *privatam vixisse vitam.* Recte itaque vidisse *Valesium* scribit Cl. Editor, quando ad *Marcellinum Lib. XXIX Cap. 1* (quo loco Historicus de Proconsulari Asia potestate, quam sub *Valente Eutropius* obtinebat, disserit,) notat, dictas *Gregorii* Epistolas Proconsulatus tantum honorem innuere. Posteaquam vero Cl. Editor & Orienti & Illyrico Orientali Praefectos suos assignavit, ad *Florum & Tatianum* pergit, qui saepius memorato *anno 380* eodem mense dieque in legum inscriptionibus P. P. audiunt. Et ad *Florum* quidem quod attinet, is P. P. dicitur in *Leg. Quicunque, de iis, qua administr.* cujus autem legis inscriptionem manifeste falsam pronuntiat Cl. Editor, idque jam olim *Gothofredum* ad dictam Legem *not. b.* subodoratum scribit, quae nota ita concepta est: *mibi tamen hac lex protinus inscribenda videtur Eutropio P. P.* Qua tamen emendatione nil opus, sed referibendum tantum *Floro M. O.* Occasionem errori dedit sequens lex *Numerarii Cod. Th. eod. Tit.* quae *Floro* huic *Praef. Prat.* inscribitur, *anno* tamen demum *382*, quo ille omnino in hac dignitate fuit constitutus. Sed, *anno 380* eundem *Magistrum Officiorum* fuisse, apertissime docet lex *3 Cod. Theod. de agent. in reb.* uno die ante dictam legem *Quicunque*, & in eadem *Thessalonicensium* civitate, data. Librariorum itaque

forda

ſœda ignorantia confudit notas *mo* cum *po* aut *ppo*, uti ſunt in MStis. Et, ne quid ad ſententiæ prolatæ probationem deſit, provocat Cl. Editor ad *leg. 6 Cod. Theod. de Curioſ. quæ anni 381 initio data eſt*, in cujus inſcriptione *Florus* extenſis literis audit *Magiſter Officiorum*. Inauditum vero & ex *ἡ τὸν ἀδυνατῶν*, illum, qui anno 380 P. P. fuit, fieri ſequenti retrogrado ordine M. O. Et multæ præterea leges Codicis *Theodoſiani*, quas in *Chronologia* videre licet, *Florum*, anno 381 jam ſub finem vergente, Præſectura Prætorio ornatum fuiſſe, abunde demonſtrant. Tandem de *Tatiano* diſſerit Cl. Editor, quem *lex 3 Cod. Juſt. de Litigioſ.* nobis eodem anno 380 *Præſectum Prætorio* obtrudit: cum vero apertiffimum adduxerit locum ex *Zoſimi Hiſtor. Lib. IV Cap. 45*, quo narratur, *Tatianum* anno demum 388 *Præſectum Prætorio* factum eſſe, & ſucceſſiſſe *Cynegio*, abſque omni dubitatione reſcribendum d. l. 3 *Cod. Juſt. ad Tatianum* *CSL.* quam dignitatem eum geſiſſe probant complures Codicis *Theodoſiani* leges, quemque magiſtratum & verba dictæ legis, *Quicumque rem litigioſam, vel ambiguum chirographum, quodlibet denique mobile vel immobile, fiſco noſtro legaverit*, &c. requirunt, quandoquidem nemo ignorat, *Comitem SL.* de iis omnibus cognoviſſe, quæ ad fiſcum pertinere poterant. In ſine de affectis *Gothofredi* Operibus, quorum mentio facta in hoc Tomo tertio, dictum eſt. Inde intelligimus, meditatum eſſe magni nominis *JCtum* *Observationes in Observationes Cujacii, Francica, Statum imperii Romani, Orthographiam Codicis Theodoſiani, & Animadverſiones in Appendicem Cod. Theodoſ. Cl. Sirmondi.*

HISTOIRE DES PAPES DEPUIS S. PI- erre juſqu' à Benoît XIII incluſivement &c.

b. e.

HISTORIA DE PAPARUM, INDE A S. PETRO
uſque ad Benediſtum XIII. Tomus quintus, à Pio V.
ad Benediſtum XIII, cum Indice alphabetico, ad
materias totius Operis conformato.

Hagæ Comitum, apud Henricum Scheurleer, 1734, 4 maj.

Alph. 3 plag. 19.

Qq 99 3

Coro-

Coronidem Operi dudum addidit Autor longe diligentissimus. Obliti fueramus propemodum recensionis, quam afferre debemus, præ librorum aliorum in dies editorum multitudinem. Serio autem, licet serius, ad Operis tanti finem & ipsi properabimus. *Tomi* hujus initia deducuntur ab anno 1566, quo *Maximilianus II* Germaniæ, & *Carolus IX* Galliis, præerat, Cardinalis vero Alexandriæ per taciturnam *Caroli Borromæi* prudentiam sub nomine *Pii V* habenas sedis Apostolicæ capessabat, qui antea vocatus fuerat *Michael Gislieri*, ortus ex familia admodum obscura. Ex *Onuphrio* pleraque Noster, do *Pio V* acturus, desumpsit, in subsidium vocatis *Historia conclavi-um*, *Tbuano*, *Famiano Strada*, *Buchanano*, *Varillasio*, *Aonio Paleario*, *Gregorio Leti*, &, quod mireris rursum, *Heideggeri Historia Papatur*. Laudanda erant in *Pio V* animi excellentia singularis, vitæ integritas, & emolumenti proprii neglectus;

Pag. 5.

- notanda e contrario inflexibilis animi pervicacia, ad severitatem progrediens, libertasque loquendi, dissimulationes excludens, quæ ad artes politicas non potuit referri. Actiones ejus ambitionem, judice Nostro, loquuntur immoderatam, ac crudelitatem, ex severitate eminentem. Vivos enim comburi jussit hæresium ulla ratione suspectos, *Julium Zoanneti*, *Petrum Carnesecchi*, elogio dignissimum, *Aoniumque Palearium*, virum sane honestum, & scriptorem seculi sui eximium, eo quod in *Oratione III* monuerat, Lutheranos doctores in rebus nonnullis esse laudandos, ac tribunal inquisitionis destinatum esse viris doctis e medio tollendis. De *Paleario* in hisce *Actis* complura fuerunt allata, quæ recoquenda non sunt. Vide *A. 1696 Mens. Jan. p. 43 seq.* Gravissimas edixit pœnas *Pius* in hæreticos, in foeminas corpus vulgantes, & in univèrsum fere genus mortaliū. Habebant eum Itali pro pastore severo & integro, sed Principe satis imprudente ac immoderato. Ipsum tamen existisse benignum in pauperes, in equites Melitæ, & in ipsum Imperatorem, adversus Turcos bella gerentem, insiciari non licet. Ad res in Germania gerendas *Commendonius* Cardinalis ipso Pontifice erat cautior & aptior. In Belgio motus religionis gliscebant, quos severitate irritabat & augebat Pontifex, accendens *Phi-*

lippum

lippum II exhortationibus perpetuis ad tentanda in Belgas crudeliora. Quod *Maria*, Scotiæ Regina, maritum neci dederit, crudeliterque luce privandum opera *Boisvelli* curaverit, id ple-
rumque irritamentis *Pii* solet attribui, suspicantis, Regem Pro-
testantibus favere. *Pius* in Gallia iussit premi torquerique Hu-
genottas seu Reformatos, auxiliis Regi eo fini submissis. Asy-
lo Calvinianorum Genevæ obsidionem inopinatam desli-
naverat. *Cosmum* Mediceum creavit Ducem Magnum,
ac in eo erat, ut Romæ ei, inconsulto Imperatore, regi-
um diadema esset impositurus. Conjuratio, quam in *Elisabe-
tham*, Angliæ Reginam, & Protestantes, ibi commorantes, sua-
ferat, pecuniaque sustentaverat, A. 1569 innotuit, ac noxæ con-
victos absumpserunt supplicia. Hinc *Pius* fulmen sacrum evibra-
vit in Reginam, eique subjectos ab obedientiæ vinculo absolvit.
Sed hoc quoque consilium male successit. Victoria, qua Tur-
ci ad Naupactum prosternebantur, *Pio* videbatur dedisse animum
solicitandi & concitandi literis Reges Persidis, Arabiæ felicis,
& Abassiniæ, adversus Turcos. Obiit tandem vir ille, avari-
tiæ expers, a ditandis consanguineis alienus, ac justo severior,
experientia minus præmunitus, ac negligenter domestica tractans,
A. 1572, latante Roma magnam partem, aliis sanctitatem ejus
desiderantibus. Ex hac vitæ adumbratione, qualis sit scripto-
ris nostri indoles methodusque characteristica, satis patescit.
Addemus vitæ vnius & alterius compendium, adjuncturi dein-
ceps judicia & facta, quæ Autor expromsit, singularia, post-
quam monuerimus, jussu *Pii V* Catechismum Romanum ex de-
creto Concilii Tridentini fuisse editum, de qua historiæ *Pii* par-
te scriptor nihil significavit; Breviarium etiam Romanum
ab eo restitutum, jussuque ejus editum. *Gregorius XIII*, *Pii V*
successor, erat admodum doctus, & pietatem mansuetudini jun-
ctam præferebat. Cardinalis *Montalinus*, postea *Sixtus V*,
hypocrisis suæ sese involvens, ei erat gratiosissimus, ac dissuade-
bat gaudia publica de laniena Parisiensi, quamvis tormentis ex
mole *Hadriani* publice exoneratis ac ignibus artificialibus actio
illa, quam Ven. *Peregrinus* execrabilem appellavit, fuerit Ro-
mæ concelebrata. *Gregorius XIII*, in locupletanda sua familia
assu-

Pag. 12.

14.

17.

20.

21.

25.

- Pag. 33.** assiduus, exstirpandis hæreticis, præcipue in Anglia, non nisi preces, missas, orationes, in Consistorio recitatas, & Jesuitarum missiones, impendit, magnitudinis suæ in eo non oblitus, quod dirimere controversias de regno Portugallix proxime vacaturo suarum ducebat esse partium, quas nemo feliciter decidebat famosissimo Albæ Duce, jussu *Philippi II* exercitibus Lusitaniam obsidente ac pervadente. Papa sexum sequiorem non neglexerat, spurium nactus *Jacobum Bon-Compagno*, quem Principibus reddebat parem. Calendarii novi Bullam, & *Gebhardi*, Archiepiscopi Colonienfis, nuptias, tumultusque inde exortos varios, omittimus, una cum Japonensium tribus Legatis, A. 1584 Romam ingressis. *Gregorii* actiones designabant indolem lenem, beneficam, prudentiam & moderatione insignem, tardam vero & negotiorum civilium admodum negligentem.
- 44.** Miramur, Autorem de controversia calendaria ac instituto ipso, per quod emendatio Calendarii fuit perfecta, nihil fere attulisse, cum lector, rerum mathematicarum haud expertus, causam ipsam curatius nosse studeat. Vita *Sixti V* maximam partem ex *Gregorio Leti* desumpta est. Juvat admirari sagacitatem & prudentiam Reginae *Elisabethæ*, quæ per ipsum *Sixtum V* Pontificem religionem reformatam in Anglia texit, Hispanorumque potentia excrefcenti frenos imposuit. Egit enim *Sixtus* cum ea non tanquam ecclesiæ suæ pastor, sed ceu Princeps, destinationibus politicis, ac imprimis acquirendo Neapolitano
- 85.** regno, intentus, quare *Elisabetha* eum vocavit *Papam Principem*, qui non sit *Papa Sacerdos*. Ipsum interiisse veneno ab aliis propinato vel ingesto, nonnullis argumentis in medium allatis negat Noster, qui paullo post, sui oblitus, vitam *Urbani VII* ita concludit: *Constituerat vestigiis Sixti V insistere, quare satis apparet, ipsum ab eisdem veneno fuisse enecatum, qui Sixtum interemerant.* Nec alibi negamus similia deperatæ elaborationis exstare documenta. *Gregorius XIV* ad alendam Ligam per Gallias numis, quos *Sixtus V* comparcendoparaverat, effundendis ac consumendis par fuit intra 10 menses totidemque dies. *Gabriele de Estrais*, concubina *Henrici IV*, Regis Galliarum, periit arcanis Papæ *Clementis VIII* artibus.

bus. *Bellarminus* A. 1600 in Jubilæo fuit in Purpuratum curiæ Pag. 125.
 Romæ evectus. Congregatio de Auxiliis A. 1598 d. 2 Jan. 132.
 Romæ cœpit eo fine, ut controversia, quæ de scientia media
Moline exorta erat, examini subiceretur. *Clemens VIII*, cum
 Jesuitis non faveret, id ignominie tulit, ut hi Romæ de-
 fenderent, non esse de fide, quod *Clemens VIII* sit Papa. Ipse
 literas bullatas in *Molinam*, & affectatores ejus, Jesuitas, editurus, 133.
 a morte interceptus fuit. Illud etiam memoratu dignum est,
 quod Jesuitæ paulo ante a Papa petierint, ut *Ignatius de Lojo-* 134.
la exlibitis adorandis adscriberetur, eventu plane irriti. Nec
 id satis repeti potest, maximum exstitisse Papæ hujus erga
 doctos omnes favorem, adeo, ut *Scipionem Gentilem* expeteret
 Professore Bononiensem, promissa libertate conscientie
 ac religionis, quam hic profitebatur, Protestantium. *Clemen-*
ti VIII successurus fuisset *Baronius*, ni Hispanis displicuisset. 137.
Leone XI diebus 25 post electionem defuncto, spes *Baronii* cœ-
 pit revirescere, confestim destituta. *Paulus enim V* in solium 141.
 fuit receptus, quem initia controversiæ cum Republica Veneto-
 rum nobilitarunt, exitus obscuravit. Ipso rebus summis præ- 144 seq.
 sidente, Chaldaei Nestoriani cum ecclesia Romana denuo concor- 154.
 diam sanxerunt, ac sese ad ejus contulerunt sinum late paten-
 tem. In *Burgesium*, e *Paulo V* genitum, exstant 55 Epigram- 155-
 mata, multum spirantia falis. Spurius ille etiam *Pauli V* sæ- 162 seq.
 tus videbatur Legato Galliarum Regis, quem hic proferebat, ra-
 tus, Papæ soli reservatam esse potestatem deponendi Reges, po-
 steaquam ipse judicasset, Reges degenerasse in tyrannos: dari
 casus, in quibus inviolata conscientia Reges a sibi subiectis oc-
 cidi possint: multum debere Papæ Reges, quippe qui vetuerit,
 ne hæc doctrina publice disseminaretur. Hæc doctrina *Pauli V*
 videbatur Legato prorsus inhumana, ac in ipsum Papam qua
 Principem admodum periculosa. Ipse edixit, ne quid de sci- 166.
 entia media & singularibus *Moline* sententiis scriberetur, donec
 controversiam ipse per Congregationem de Auxiliis definiverit
 Bullæ interventu, quam huc usque nondum vidimus publice
 emissam. *Gregorius XVI*, A. 1623 d. 8 Julii defunctus, perhibe- 190. seq.
 tur per scœminam, instar viri vestitam, res suas feliciter gessisse.

Rr rr

Zelus

Zelus ejus in hæreticos excedebat modum ac pietatem Christianam. *Urbanus VIII* Poeta fuit eximius, doctrinæ & eruditorum patronus, scientiarum defensor & vindex, licet libros, quos Autores scribunt stantes pede in uno, non approbaret. Archiepiscopi Rothomagensis, qui vocabatur *Rusticus*, ac gravissimum distentumque Volumen Pontifici inscripserat, pruritu polygraphicum hoc *Despauterii* versu exceperit:

Supprimit Urbanus, quæ Rusticus edit inepte.

- Circa annum 1623 in Hispania recrudit secta *Illuminatorum* fanatica, quos Hispani vocabant *Alombrados*, in finibus Gadium virus consecuta, ac errores disseminans de usu matrimonii, de obedientia erga superiores, de mystica sacras literas interpretandi ratione. Errores ipsorum ad 76 excrevisse existimabatur. Plurimi reducebantur ad commune ecclesiæ septum, reliqui inde in Gallias progrediebantur, ubi, judice Anonymo nostro, innotuerunt sub nomine *fratrum invisibilium*, & *fraternitatis Rosæ Crucis*. Sunt, qui, quisquilias hæc e Protestantibus ortas fuisse, credunt. Verum jam *Ignatii Lojola*, teste *Melchiorre Cano*, tempore Hispania abundavit illuminatis. De controversiis Valtensensibus, de libro Jesuitæ *Santarelli*,
223. A. 1626 Romæ editi, quem Gallia ferre non poterat, de retractione *Richerii*, qui in gratiam Regis Galliarum scripserat librum *de ecclesiastica & politica potestate*, de libro Jesuitæ Hispani, potestatem Papæ mœnibus Romæ coercentis, aliisque rebus, ipsum audire Autorem commentantem, e re utique
234. Lectoris erit. Ipse, an *P. Gerbardus*, Jesuita, cum *Catharina Cadieria* re vera actiones illas vulgo notas & famosissimas suscepserit, relinquit ambiguum. Sententiam *Ludovici Molina de concordia gratia cum libero arbitrio* idem vocat *Pelagianam*.
243. Cum A. 1626 *Corn. Jansenius* Jesuitæ *Garaßi* librum refelleret in scripto Parisiis edito, Lovanii tum agens, semina *Jansenismi* jacta sunt. Cum *Jansenii*, A. 1638 d. 6 Maj. defuncti, liber, cui inscriptio: *Augustinus*, A. 1641 Lovanii in lucem prodiiit, Jesuitæ in odium Autoris controversias excitarunt, quæ *Jansenismum* & *Molinismum* in hunc diem distinent. Hic inprimis aciem inge-

ingenii judicii in id intendimus, ut exploraremus, an Autor hic Anonymus ex animo, quem nobis olim fingere videbatur, *Jansenismo* & *Jansenistis* studeat, vel addictus sit. Sed is ita frigide neutram in partem inclinat, ut non multum absit, quin & *Jansenistas* & *Molinistas* damnet. Libris inter utrosque de gratia Dei scriptis hoc impertit judicium: *Fecistis probe; incertior sum multo, quam dudum.* Doctrinam de gratia comparat cum mari, cui desit fundus, repetens *Bælii* judicium, de *Jansenio* olim in *Dictionary* commentati. Utrumque controversiæ systema impeditum putat inextricabili difficultatum compage. Quare nobis non inique dubitandum fuit jam olim de genuino Autoris *Jansenismo*. Quantopere is curiæ Romanæ faveat, ex eo intelligitur, quod illi *barbaros actionum modos (barbares maximes)* tribuit. Scripsit enim ita, sicut hominem veritatis ac probitatis studiosum scribere & ratiocinari decet, siquidem multi fuere in ecclesia Romana scriptores clarissimi, qui non minore libertate navos publicos notarunt. Et quid nobis restat, nisi ut Autori Opus tam diffusum, feliciter fini adnotum, publice gratulemur, jure profidentes, nil suavius nobis potuisse contingere vel videri lectione illius, quod publice & cum laude exegit, monumenti.

Pag. 245.

246.

251.

E. A. PAGENSTECHER, FCTI, JURIS
Traëtatuum, sparsim buc usque editorum, nonnulli sequentes: Naturalis Juris principia. Quidam. Observationum Liber singularis. Novum Justitiæ templum. Disputatio ad Leg. 10 C. de Jur. & facti ignor. Observationes criticæ. Griphorum magister, Paulus, injuria vapulans. Cui accedit disputatio cum HEINECCIO. In theoria non minus, quam foro, non observata vulgo, ex Jure Naturæ, Latino sermone, stiloque veterum, &c. continentes.
 Editio altera, aucta & emendata.

R r r r 2

Her-

Herbornæ Nassavorum, typis & impensis B. Jo.

Nic. Andreæ viduæ, 1734, 4.

Alph. 2 plag. 15.

Quod JCtus, qui scripta sua reipublicæ literariæ offert, non admodum studere debeat stili elegantiz, neque vitio illi queat verti, si, neglecta omni fere perspicuitate, merces expromat suas, variis modis implicitas, id suo luculenter comprobare videtur exemplo Clarissimus horum Opusculorum Autor. Dissertit ille in Præfatione de Juris civilis necessitate in foro, deinceps præcepta naturalia, & antiquitates, nec non-literas, quæ ad humanitatem pertinent, in Jurisprudentia Romana commendat. Qui jus vitæ & necis in leges civiles sibi vindicant, & ubi necesse non est, has corrigunt, eos Cretenses vocare mavult, quam Criticos. Tria sibi JCtorum genera olim finxit, scilicet non JCtum, & ad deformitatem insignem, quem haud uncia licitans, ne quidem JCti nomine dignum judicat; JCtum credentem, quem ex semisse, & præputiatum Philistæum, atque ex JCtorum Romanorum *Macrorum* familia, & nomine, non omine, Macrum JCtum, solenni voce proclamant; ac postremo certum pulchrumque JCtum, quem factum & ex asse JCtum, more suo, id est, acute & lepide, appellat. Operam se dedisse diu, & adhuc dare, scribit, ut numerari inter illos JCtos posset, qui prima JCtorum ante dictorum subsellia occupant. Tantus est ejus amor in Jurisprudentiam, ut neque tibiarii sonus amœnior, neque avium cantus dulcior, ipsi unquam fuerit. Quid in arte Juris profecerit Autor, hoc Opusculorum Volumen cominonstrat, & judicium erit penes Lectorem, quid humeri ejus valeant, quid ferre recusent. Si displiceant forte uni alterive plurima, id ut negotiorum, quibus obrutus est, multitudini ac varietati tribuatur, rogat pariter & in votis habet. Nunquam ei, ut ipse dicit, *Agonum* gens placuit, aut *Lentulorum* familia. Et, si placeret etiam, non, ut faceret cum illis, permitterent negotia, quorum iterum mentionem injicit. Tanta hæc esse solent, ut sæpius, quæ in mentem veniunt, ne calamo quidem notare, sed bonæ fidei memoriæ committere, cogatur. Quod sane, nisi vani sumus augures, non potest

potest non moleste accidere iis, qui ex boni Viri scriptis voluptatē capiunt, & nova ingenii monumenta quotidie ab eo expectant. Ad ipsas, quas in unum redegit volumen, Dissertationes quod attinet, agmen inter has ducit illa, quæ de naturalis Juris principiis agit. Abutemur sine dubio Lectoris patientia, si in recensendis hisce Opusculis multum operæ consumeremus; quæ de causâ nonnulla tantum indicabimus, ex quibus unusquisque Autoris ingenium facili negotio perspicere poterit. Exhibet primo brevibus thesibus *Pufendorfii* doctrinas, licet nonnunquam ab eo secesserit. Deinceps & ~~sup~~ meditationes invidere noluit eruditus. A natura juris repetendam originem esse, affirmat. Concludit exinde, sine notitia naturalis Juris factum aliquem JCtum, id est, egregium, esse non posse. Explicat subinde l. 9 C. de Patr. *potest.* qua matri injunctum legimus, ut per triennium natum filium alat. Ex qua lege cum nonnulli sequi contendant, ut pater per id tempus ab alendi onere immunis sit, rejicit eorum sententiam, & verba legis de alimentis tantum naturalibus, non vero civilibus, esse intelligenda, communistrare studet. Necessitas Juris Naturæ etiam in Theologia asseritur. Jus a jubendo dictum esse, conjicit Autor, scilicet a jubendo jura, & hinc per apocopen jus. Altera Dissertatio *Quidam* inscribitur. Dignas Autor meditatione sua judicavit leges, in quibus verba: *quidam putant, ajunt, &c.* occurrere solent. Hinc illustrat §. 34 J. de R. D. & tabulam picturæ cedere debere, existimat. Lex 4 §. 1 & 2 de in jus vocat. illarum numero est adscribenda, quæ de rebus raris non tantum, sed & rarissimis, loquuntur. Quin casum ferme impossibilem continet. *Quis enim*, inquit, *unquam tritavum suum, imo NB. ultra tritavum parenter suos, NB. in infinitum vide- rit, & quod profecto plus est, NB. in jus vocaverit?* Bene igitur notet Lector, quæ tantopere Clariss. Autor inculcat. Succedit lex pen. C. de Testam. milit. qua constitutum, ut soli illi milites, qui occupati sunt in expeditionibus, testamenta, quocunque modo voluerint, componant. Uberius hæc interpretatur, & a *Finckelhaufio* ac *Hanedæso*, qui hanc quoque legem ad stationarios milites extendunt, recedit, eorumque argu-

Pag. 12.

13.

16.

35-

89.

92.

97- 98-

menta contraria refutat. Primum illorum e. c. est: Ubi par est ratio, ibi par esse jus debet, *l. 9 ad L. Aquil.* In militibus autem stationariis eadem imperitix, quam Imperator *pr. J. de Milit. testam.* affert, ratio esse poterit, cum, ut hi, sic & illi, milites literas facile ignorent. Verum enim vero opponit Autor, milites in expeditione occupatos ita testari ex privilegio *pr. J. de Mil. testam.* In materia autem privilegiorum argumentum a paritate rationis non valere, quoniam hoc Princeps non vult. Opponit porro, & negat, eandem rationem esse. Præcipua potius hujus concessi privilegii ratio ipsi videtur periculorum gravitas & varietas, *l. un. D. de Bonor. poss. ex testam. milit.* Sed quæ periculorum varietas stationario militi, qui in ædibus suis degere, ad focum

Pag. 102.

sedere, potest? His confectis, commentatur ad *l. 101 D. de V. S.* Mentem suam hac de lege enarrat sequentibus: *Scriptserint, quid velint, quidam. Ita ego tenco: 1) Adulterium esse non tantum, si maritus cum nupta; aut 2) cum nupta solutus; sed & 3) si maritus cum soluta, concreditur; idque iterum non tantum ratione suæ uxoris; sed & 4) ratione solutæ hæcenus, ut & ipsa tantum adulterii rea conveniri possit; non autem 5) ut & ipse maritus, ratione solutæ hujus, ut adulter animadvertatur. Posteriolem questionem a nostris factam non memini. Puto tamen, quemadmodum dixi, obtinere.* Hæc ille. Inter *Observationes LL. Justinianarum*, in foro adhuc hodie obtinentium, primo loco conspicitur *Observatio ad*

107. *Tit. de Nuptiis.* Displicet Autori vulgata Doctorum methodus, qua regulis quatuor, & limitatione una, quid juris sit circa nuptias prohibitas, docere solent. En! hæc omnia in pauca redegit: *Quoties unus vel uterque contrahentium stipiti, vel generanti communi proximo, immediate subest, toties prohibitum*
112. *matrimonium erit.* Cujacium tres ante oculos digitos habuisse, quibus crisin scribendo paravit, & in *l. 12 §. 2 de Accusat.* loco duobus, tribus substituit, suspicatur Autor. §. 1
117. *J. de Jure personar.* medicinam affert, in quo nullum esse videtur discrimen inter libertatis & servitutis divisionem. Scilicet, vocem *quid* cum emphasi quadam animadverti debere,

&c

& sensum esse, asserit, homini libero aliquid tantum, sive pauca, prohibita esse, servo e contrario multa, imo regulariter omnia. *Duareni* improbat sententia ad l. 22 D. de Testibus, quasi ibidem tam de testamentis, quam de testibus, sermo sit *Venulejo*. Nec placet ea in re *Gothofredus*, qui, hanc tantum legem ad testamenta referendam esse, arbitratur. Probare Auctor annuitur, legem de solis testibus agere. Provocat hanc ob causam ad *Ciceronem* & *Maronem*, qui Duumviri præstantissimi voce *testari* testes productos significant. Verba JCTi in l. 3 D. ad Syllan. *Scitum: in gravi valetudine affectus*, minus eleganter scripta putat, & proinde criticam artem in subsidium vocat Autor. Putat, vocem in hoc loco adhibitam esse pro adverbio *valde*. Ita enim *inlustris* pro *valde lustris*; *infractus* pro *valde fractus*; *invalidus*, pro *valde validus*; *impotens*, pro *valde potens*. Parum tamen, ni fallimur, sibi constat, & ab ea emendatione modo recedit, inodo probat eandem. Lectorum applausum hujus criseos causa Clar. 194-
Auctori non promittimus. Paulo forte melior nonnullis videbitur altera conjectura, quam ipsis ejusdem verbis proponendam esse censemus. Ita autem ille: *Vel ex solo Floro constat, voculam in, pro ex, apud Latine loquentes baud raro sumi solitam*. Bibebant, ait *flos ille lingua latinitatis vere floridus, bibebant* (profix *Ulpiane!*) *in ossibus veterum*. Miratur vero simul Autor, neminem transtulisse verba textus, & *invalitudinem* legisse, qua voce *Cicero* in *Epist. ad Attic.* utatur. In *novos* quod exstruxit, *Justitia Templo*, (ita enim alia Auctoris Dissertatio nominatur,) inter plures, l. 40 §. 4 de *Fidejussor.* expendit, & his verbis notat *Haloandrum: Vel furibundus fuit JCIus, Haloander*; titulo *Pandectarum cerebrum ejus operam dedit de termino moto*; certe non capite bene valuerit eo tempore oportet, quo ipse in hac lege loco: pro furioso jure obligato, ita, pro reo furiosi jure obligato, reponendum esse, secum studuit. Distinguentem potius *Cajum* videt *Pagenstecherus* noster inter furiosum illum, qui furiosus jam est, interpositæ stipulationis tempore, atque illum, qui furiosus postea factus, ante furoris autem tempus jure jam obligatus fuerat. Has duas ergo propositiones

Pag. 286.

nes a *Cajo* prolatas arbitratur: 1) pro negotio, a furioso gesto, tempore furoris, fideiussorem acceptum non obligari; 2) pro negotio, a furioso gesto, ante ejus furorem, assumi recte posse fideiussorem. In *Disp. ad l. 10 C. de Jur. & facti ignor.* mirabilis Doctorum dissensus, de hac lege, meminit, & contradictionem soluti indebiti etiam ob errorem juris, non facti tantum, locum habere, existimat. Inductus fuit in hanc sententiam vel sola illa naturali ratione, quæ non patitur, ut aliquis locupletior fiat cura damno alterius. Nec sanguine, & archifimo cognationis vinculo, adduci potest, ut fratri, *Jurisprudentia polemica*, aliisque, clarissimo, assentiatur, utpote qui solo tantum argumento ab eo differt, & evincere vult, eandem æquitatis esse rationem in errore juris, quæ in errore facti obtinet. Vir iste doctissimus legem hanc, quam illustrat Autor, dissentientium *Goliathum* appellat, cui loquendi formulæ addit Noster sequentia: *Præputiatum fortean. Atque triplicem ei Davidem peperit. Davidem, natu maximum filium, significat responsionem vulgatam; alterum Davidem, patris nostri responsionem novam dicit; tertium vero Davidem, agmen claudentem, creavit se ipsummet. Salve nate! hodie salve. Tribus responsionibus addam aliam adhuc, quæ est mea, citra attamen animum captandi dulce Davidis nomen. Ita vero vulgo, qui nobiscum in dicta questione affirmant, ad dictam l. 10. respondent, debere eam scilicet de casu exceptio intelligi, ubi obligatio naturalis subest, supplendam ita ex l. 9 C. ad Leg. Falcid. Et quod sufficit, dicit, pro Davide hoc primo stans frater meus, arg. l. 26 de LL. Paulo post autem, eo ipso ab illo iterum desertionem faciens, dum citra mutationes multas intelligi legem baud posse statuit, David ipse tertius. Sentio cum fratre Davide tertio, non cum fratre Davide primo. - - Debemus legem unam ex alia supplere, - - & præstat decantare nihil, quam ut ita modulatur Psalmista Senior. Sic autem, in statu adhuc stans (suscipe Galeam) Goliath, prostratus prior.*

Hic jacet Magister David &c.

Hactenus Dissertationis hujus Autor, cujus verba ipsa adjicere volui-

voluimus, ut Lector, quam eleganter, quam perspicue, omnia scripserit ille, cognoscat. In *Observationibus criticis* sub linam vocat leges nonnullas, iisque lucem affundere studet, v. g. l. 8 ad l. *Jul. Majest.* l. 7 §. 1 de *Captiv.* l. 7 D. de *Testam. milit.* l. 2 §. 4 de *Jure fisci*, l. 43 *Sol. matrim.* & quæ sunt reliquæ. *Julium Paulum*, Græphorum Magistrum, injuria vapulare, ut ostenderet Autor, præcipuas ejus leges, in quibus enodandis defudarunt interpretes, in scenam produxit, suisque instructas animadversionibus, integritati suæ restituere allaboravit. Ultimo loco compareret disputatio cum Ill. *Heineccio*, quæ primum Franequeræ, deinde Halæ A. 1726, cum rubro: *Epistola amæba* &c. prodit. Ideo tamen postponendæ sunt editiones illæ priores novæ huic, quod responsio *Pagenstecheri* ad *Heineccii* Epistolam, quæ, ni prorsus fallimur, nondum typis mandata fuerat, huic sit adjuncta. Nos dicendi de his Opusculis finem facimus, &, cum plurimis se Cl. Autor implicitum negotiis supra conquestus sit, non paucos Lectorum fore conjicimus, qui optent nobiscum, eumque rogent, ut abstineat in posterum a libris & opusculis conscribendis, hisque laboribus valetudinis curam præponat.

TRAITE' DE CHIMIE; CONTENANT LA
maniere de preparer les remedes &c.

TRACTATUS DE CHYMIA, CONTINENS
modum præparandi medicamenta maxime usitata in
praxi medica; Autore M. MALOUI-
NO, Doctore regente Collegii medici
Parisiensis.

Parisiis, apud Guilichnum Cavelier, 1734, 8.
Plag. 14.

Cl. Autor, ne quid neglexisse videretur eorum, quæ aliqua ratione ad Chemiam pertinerent, ortum & progressum artis ab ineunte orbis ætate copiose exponit, sacram & profanam Historiam sic apte consiliis,

cilians, ut, *Tubalcainum*, ferramentorum artificem, *Vulcanum* paganorum esse, certo affirmet, indubitato hoc argumento, quod *Tubalcaini* vox, ablata priorē syllaba, in *Vulcani* nomen transferit. Parum tamen certi haberi posse largitur, qualis huius artis antiquitus fuerit facies, imo, ad tempora usque Græcorum, si fulsoriam aut metallariam artem excipias, nullam eam fuisse, concedit. Inde de signis chymicis commentationem instituit, singulorum rationes reddens, cur sic excogitata sint. Exempli loco sit signum \odot Auri, cui, quod sibi semper simile sit, & constans, circulus cum puncto centrali suo character factus est, in quo ingenii sui sagacitatem satis superque Autor demonstravit. Elegans est, & Philosopho vere digna, de principiis corporum sententia: nullus spiritus per totum expansus, nec *Democritea* quædam materia, præoptari debet, sed plura possunt esse rerum principia, quorum alia intellectualia tantum, in praxi nullius prorsus usus futura, alia sensibilia, existunt, demonstrationibus certam & securam viam facientia, quibus firmiter inhærendum, in quantum nobis eorundem, quod vere adsint, experimenta rite instituta fidem faciunt. Esse autem in corporibus, & ex iisdem prolici, quinque principia, spiritum, oleum, sal, aquam, terram, res ipsa docet. Spiritum definit, quod sit liquidum, frigoris patiens, & quod ab eodem in glaciem mutari non possit, quia scilicet aut alcalinæ, aut acidæ, naturæ esse observetur. Oleum ab eo, quod sese cum aqua miscere non possit, sal a solubilitate & ad fusionem facilitate, aquam a transparentia & fluore, terram a fixitate & quiete, definit, definitionibus hisce, uti in chymicis vix esse aliter possunt, negativis existentibus, aut a signo desumptis. Principia ista diversis separandi modis a corporibus suis obtinentur ministerio ignis actualis aut potentialis, qui corporis partes, suo imperio obsequentes, dissociat, alias fluidas & minus coherentes, aquam, oleum, spiritum, quæ destillari, alias coherentes quidem, sed ignis impatientes, quæ sublimari dicuntur, salia & sulphura. Hactenus suo ordine progressus, videbatur nunc reliquis operationum Chymicarum classes iusta methodo pertractaturus.

Expecta-

Exspectabatur enim sigillatim de præcipitatione, de salificatione, de calcinatione, de vitrificatione, & quomodo corpora ab hisce ignis torturis alterari soleant, sermo. Verum paulo post intellectum fuit, cum plurima etiam in prioribus *Capitulis* eorum desint, quæ poterant eleganter de magni momenti materiis, præsertim de spiritibus oleisque destillatis, dici, non tam chymicam, quam pharmaceuticam & historicam, tractationem fore. Inde præcipiti saltu Autor ad historiam regni mineralis evolvendam transit, vegetabiliumque & animalium pauciora saltem præparata chymica attingit, nihil eorum prætermittens, quæ ad singulorum capitum accuratam analysin pertinere videbantur, multa acute & ingeniose proponens, omnium in arte versatissimorum Virorum judicia sedulo expendens, & uniuscujusque merita explicans. Quodsi adeoque materiæ medicæ in tres partes divisæ titulum gereret elegans libellus, bene convenirent omnia; jam expectationi, quam primus libri conspectus fecerat, parum responsura sunt reliqua, si Chymiam in artis formam redactam quis habiturum se confidat. Sed dignitati Operis, ob methodum cuique liberam, hinc nihil derogatur, & insunt ei, de quibus Autor merito gloriari possit. Generationem metallorum fixitatem, & in igne durationem, a parte eorundem inflammabili, aut oleo, flammam plus vel minus patienter ferente, deducit, in quo *Becherianam* doctrinam proficitur. Inde auri summa est fixitas & nobilitas, quamvis virtus medica, magna quibusdam visa, obscurior fere sit inferiorum metallorum efficacia, cujus pori, aerem subtilissimum capientes, ubi menstruo conveniente solutum fuerit, sale hunc motum conciliante, fulminantem effectum producant, viribus illius anri fulminantis salis potius, quam substantiæ auri, tribuendis. Solent enim metalla, acidis spiritibus soluta, corrosivam qualitatem inducere; quo ipso efficitur, ut crystalli argenti causticum sint remedium, postquam spiritu acido solutum illud fuit. Majores in Medicina usus promittunt metalla minus fixa, quorum inflammabilis pars igni magis obsequens est, & quorum compages a mensruis facilius recluditur, & in calces mutatur. Inde præparata Saturnina nobiliora sunt perfectiorum metallo-

rum medicinis, five de Sacharo Saturni, five de cerussa, minio, aut lithargyrio, sermo fuerit. Interim, cum corrosivæ naturæ esse non desinat plumbum, quo fit, ut, intacto solum relicto auro & argento, reliqua metalla absorbeat, nondum sic omni suspicione carent ejus præparata, ut sine metu assumi possint, externe tamen magnam sui fiduciam faciunt. Tutissimus autem est ferri & efficacissimus usus, five in substantia, five in præparatis, usurpetur. Proteus ille mineralis, Mercurius, Phyticos, ejus naturæ studiosos, mire vexat, partim quod definiri nequeat, metallumne sit, an metalli semen, an metallorum destructorum portio, an sulphur, partim quod ejus elementa non cognita satis sint. Terram esse cum inflammabili quadam parte in metalli naturam mutatam, experimento constat, quo Mercurius sola calcinatione in pulverem rubrum præcipitatur, iterumque vivus redditur, si oleosa quædam pars addita de novo eidem fuerit. Interim, in quascunque præcipitatorum sublimatorumve formas mutetur, semper sibi constat, pristinaeque suæ formæ reddi potest. Nec erraret aliquis, si Antimonium appellare Mercurium sulphure arsenicali ligatum vellet, partim quod arte fieri ex eodem Mercurius vivus possit, partim quod spiritus salis Antimonii regulum, prout Mercurium, sibi adoptet. Infinita fere sunt Antimonialium præparata per distillationem, sublimationem, præcipitationem, calcinationem, & vitrificationem, facta. Vix tamen, nisi ad usum cosmeticum, quamvis mechanica utilitas ejus major esse possit, adhibetur Bismuthum, id quod suam cum plumbo affinitatem, dulcedine ex affuso aceto destillato contracta, manifeste prodit. Præstantissimum salutis præsidium sunt salia mineralia, tum ea, quæ de metallo participant, tum quæ ab eodem remota sunt. Vitriola, five quæ cupri, five quæ ferri, feracia sunt, variis destinantur usibus, quæ facile dignoscuntur colore. *Viredo* enim ferri, *cærulefcentia* cupri latentis, certissimum sunt indicium. Sapore quoque cognoscuntur; dulcedini enim proxima sunt ferri, amaritudini, cupri vitriola. Utrique conjunctissimum est sulphur acidumque potentissimum, cum mediæ potius naturæ sit nitrum, de quo, num inflammabili aliqua parte gaudeat, decerni vix potest,

potest, cum sibi relictum non ardeat, neque nisi sulphurum commercio usum deslagret, qua fixa sui parte simillima sibi habet salia, fossile, marinum, aut quod gemmæ dicitur, quæ, ubi spiritum acidum dimiserunt, alcalinæ sunt naturæ & amaricantia, paria facientia cum salibus Epsoniensibus, aliisque sic dictis amaris. Sulphura, quæ succi minerales inflammabiles sunt, acida & inflammabili parte prægnantes, similia sibi concreta etiam in regno vegetabili inveniunt, exemplo benzoinæ atque opii, quod regnum de cetero, cum salibus, acidis & alcalinis, volatilibus æque ac fixis, oleis etiam fixis, aut æthereis spiritibus ardentibus, resinis gummatibus, feracissimum sit, tam parum Autori placuit, ut paucioribus paginis tam vastum rerum apparatus complexus sit. Eodem modo brevitatis studiosior fuit in animalium virtutibus declarandis, ut Ammoniaci Salis Cornu Cervini destillatione, olei volatilis oleosi, &, quod ejus species est, Salis Anglici, ex bombyce destillati, præparatione contentus acquiescat. Cetera secundum leges Chymicæ pharmaceuticæ apte & ingeniose dicta sunt.

LA QUANTITA' DEL MOTO, O SIA LA FOR-
za dell' acque corrente &c.

h. c.

QUANTITAS MOTUS, AUT VIS AQUARUM fluentium, demonstrata in diversis earum statibus, per THOMASIIUM NARDUCCI, Patricium Lucensem; cum quibusdam considerationibus circa aquarum superficies & pressiones, tam in fundum, quam in ripas, fluminum.

Luce, apud Franciscum Marefscandoli a Pozzotorelli, 1733, 4.
Alph. 1 plag. 2, Tabb. æn. 4.

Post præclara Virorum suæ gentis insignium specimina, ad scientiam motus aquarum, quæ *Hydraulica* vulgo audit, spectantia, utiliter se operam collocasse suam censuit Clarissimus Autor, suas quoque hanc in rem meditationes in lucem publi-

cum emittendo, quantumque ipse profecerit in argumento
 æque utili ac difficili, demonstrando. Postquam enim didicif-
 set, quantitatem motus æstinari in genere debere per factum ex
 massa corporis moti in ejus velocitatem, perspexissetque, mo-
 menta aut vires motrices (rectius impetus) aquarum fluen-
 tium esse in ratione composita ex simplici sectionum & dupli-
 cata velocitatum; mox in animum induxit, usum harum pro-
 positionum in demonstranda vi aquarum ostendere. Hinc
 natus est Tractatus præfens, quem antea, quam prelo subjecere-
 tur, cum Cel. *Grando* communicavit, & de eo quid sentiret, ex
 Viro doctissimo sciscitatus est. Qui, cum approbasset laborem,
 autor Nostro fuit, ut publici eum juris faceret. Monuit ta-
 men, non absque probatione assumi posse, quantitatem motus
 aquæ unum idemque esse cum vi (viva scilicet) aquæ, uti fe-
 cerat statim in definitione secunda, quæ ita habet: *Quantitas*
motus aquæ currentis idem est, ac vis ejusdem.
 Se enim ipsum olim cum Cel. *Hermann*o, cum Patavii
 versaretur, ea de re discèptasse refert; qui defenderit, vires non
 esse in simplici, sed in duplicata, velocitatum ratione, si massæ
 sint æquales. Quo facto, *Grandon* rogavit *Narduccius*,
 contentionis hujus eruditæ historiam & momenta secum uti
 communicaret. Is, morem petitioni amicæ gerens, non solum
 disceptationis cum B. *Hermann*o, sed plenam fere totius
 controversiæ historiam pertexuit, a Nostro Præfationis in-
 star Opusculo suo præfixam, lectuque omnino dignam. Non
 autem est, cur ea de re copiosius dicamus, qui hoc unicum an-
 notamus, Nostrium, pensitatis utriusque partis argumentis,
 tandem deflexisse ad sententiam antiquam, quæ vires vivas con-
 fundit cum mortuis, ceu præ se quoque fert ipse libri titu-
 lus. Igitur omnia, quæ hic proponuntur, bona licet, vera, &
 utilia, ad vim tamen aquarum proprie dictam, sensu nimirum
Leibnitiano, referri non possunt, sed ad *impetus* solum. Ne
 vero solis autoritatibus acquiescere videatur Autor, sub finem
 Præfationis demonstrationem aliquam sententiæ communis ex-
 hibere conatur, sed talem, quæ includit considerationem tem-
 poris,

poris, adeoque eodem paralogismo laborat, quo pleraque, hactenus allata, & a Viris doctissimis refutata. Sed satis preclusimus; nostrum itaque est, rationem ipsius Opusculi, quantum licebit, breviter exhibere. Ubi statim notandum, Autorem sapissime in usus suos convertere Propositiones, demonstratas a *Guilielmino & Grando*, quorum vestigia sese premere, lubens fatetur. Omnia autem *Partibus decem* distinxit. *Prima* inscribitur de quantitate motus aquarum fluentium, quæ definitur per factum ex quantitate aquæ transeuntis dato tempore per unam pluresve sectiones, in velocitatem mediam sectionum. Hæc igitur motus quantitas Cl. Autori idem est, quod *vis* aquarum. Definitionem autem deduxit ex *Defin. 2 Principiorum* Newtoni. Exinde generaliter confecit *Prop. 4 Theor. 4*, quantitates motus aquarum, dato tempore per sectiones quasunque transeuntium, esse in ratione composita ex simplici sectionum, & duplicata velocitatum mediarum. Notari adhuc potest, quod habetur in *Collor. 2 Prop. 1*, si plures sint fluvii, in unum quendam truncum coeuntes, esse quantitatem motus omnium simul sumtorum ad quantitatem motus trunci, uti velocitas media summæ omnium sectionum ad velocitatem mediam trunci communis. Ut paucis dicamus, in hac *Parte* sequentium fundamenta ponuntur, quæ mera sunt Corollaria; ex definitione quantitatis motus, & propositionibus quibusdam *Guilielminianis*, fluentia. *Pars* itaque *secunda* in eo versatur, ut augmentum quantitatis motus exponat, exinde natum, quando aquæ ab aliis torrentibus in flumen aliquod ingeruntur. Itaque *Prop. 14 Theor. 14* asserit, si flumen aliquod intumescat, aquis aliunde ei advectis, quantitatem motus esse ad eam, quæ erat in statu ordinario, ut factum ex altitudine & quadrato velocitatis mediæ in statu intumescentiæ ad factum ex altitudine & quadrato velocitatis mediæ ante statum intumescentiæ; unde derivat modum metiendi impetum aquarum in divertis fluvii statibus. Sequuntur *Propositiones* quædam non inutiles, licet non omnes novæ, sed propriis tamen demonstrationibus (analyticis plerumque) ab Autore inunitæ. *Pars tertia* agit de quantitate motus aquarum in canalibus inclinatis solitariis. Totamini-

innititur *Propositioni 2 Libri II* Guilielmini *de mensura aquarum fluentium*, quod scilicet velocitas aquæ per sectionem aliquam canalisi inclinati fluentis eadem sit, ac si fluxerit per lumen simile & æquale sectioni, tantundem a superficie aquæ remotum, quantum sectio ab horizontali per initium alvei. Exinde enim ultro sequitur, velocitatem sectionis cujuscunque exprimi posse per radicem quadratam distantie ejus ab ista horizontali. Cumque in statu fluvii manenti per singulas sectiones eodem tempore æqualis aquæ quantitas transeat; patet, quantitates motus aquarum per diversas sectiones in canalibus inclinatis fluentium esse ut radices quadratas ex distantis sectionum ab horizontali, quæ per initium alvei ducitur, seu, quod idem est, in ratione subduplicata longitudinum canalium inde ab initio alvei. Hisce principiis utitur Cl. Autor ad investigandam rationem celeritatis aquæ in fundo & in superficie canalisi, aliaque interspergit, scitu utilia. Quo facto, in *Parte quarta* agit de mensura quantitatis motus aquarum fluentium per canales horizontales aut solos, aut unitos cum aliis paritur horizontalibus. Itaque *Prop. 32 Theor. 28* probat, quantitatem motus aquarum dato tempore per duas sectiones canalium horizontalium, latitudine & altitudine inæquales, esse in ratione composita ex quadruplicata velocitatum mediarum, & simplici latitudinum sectionum. Altitudines enim sunt in ratione velocitatum mediarum duplicata, uti docuit *Guilielminus*. Hisce & aliis præstructis, sequuntur Problemata quædam satis curiosa, de quibus vero copiosius dicere hic loci prohibemur. *Parte quinta* agitur de quantitate motus, quæ generaliter obtinet in concursibus fluviorum, vel divisione etiam unius ejusdemque fluvii in plures minores. In hisce casibus Cl. Autor vocat velocitatem æquatam (*velocità ragguagliata*) eam, quæ nascitur, dividendo summam quantitatum aquarum, quas vehunt duo fluvii, per summam sectionum respectivarum. Igitur quantitas motus æquata erit summa quantitatum aquæ ducta in velocitatem æquatam. Ostenditur ergo *Prop. 47 Theor. 32*, quantitatem motus post concursum duorum fluminum esse ad æquatam, ut velocitas media recipientis fluvii post concursum ad velocitatem

tatem æquatam. Pariter *Prop. 49* habetur, quantitatem motus æquatam esse in ratione composita ex summa sectionum canalium confluentium, & quadrato velocitatis æquatæ. Quæcunque sequuntur *Propositiones*, superstructæ sunt hisce principiis. Transitus itaque fit ad *Partem sextam*, quæ versatur circa quantitatem motus aquarum, ex vasis effluentium, juxta hypothesin ordinariam, quæ velocitates aquæ per lumen vasis erumpentis statuit in subduplicata altitudinum ratione. Hisce autem copiosius recensendis supersedendum arbitramur, cum satis nota jam sint & intellectu facilia. Itaque *Partium* reliquarum argumenta indicasse sufficiet, cum ad motum fluminum non pertineant omnia, quæ iis continentur. *Parte* ergo *septima* tractatio instituitur de figura superficiæ aquæ, in canalibus fluentis. *Octava* de quantitate motus aquæ in vasis aut receptaculis, & de temporibus depletionis vasorum per foramina tam horizontalia, quam verticalia, docemur. *Nona* instituitur applicatio hujus doctrinæ ad motum aquarum in alveis fluviorum, ad horizontem inclinatis. *Decima* denique traditur theoria utilissima pressio-
num, quas fundi canalium ab aqua fluente sustinent, & percus-
sionum, contra ripas a torrente factarum. Observavimus per totum Opusculum perspicuitatem in proponendo, & soliditatem in demonstrando, idque lectu utique dignissimum judicamus, nec ejus utilitati officere credimus, quod vires vivas a quantitate motus non satis distinxerit Cl. Autor. In rebus enim practi-
cis, v. g. aggeribus excitandis, & similibus, qui impetum aquarum sustinere debent, non de eo anquiritur, qualem vim vivam, aut facultatem agendi, habeat torrens, sed quo impetu in mo-
lem objectam irruat, ita, ut perinde sit, an eo impetu vinum suum vivam exhauserit, an secus. Ceterum utilior adhuc futurus erat elegans libellus, si ad praxin quandoque descendere, & the-
oriæ applicationem ad exempla realia, qualia frequentissima in Italia existunt, demonstrare, Cl. Narduccio placuisset.

SIGISM. FRIDER. DRESIGII, A. M. ET
Schol. Thom. Correctoris, Animadversiones in
FABRI Thesaurum Latine lingue.

T t t

Notum

Notum est, quantum *Fabri Thesaurus* debeat Celeberrimi *Gesneri* curis secundis, qui vero quoniam in Præfatione novissima ipse non dissimulavit, plus sibi negotiū in emendando, quam augendo, *Fabro* fuisse, fieri non potest, quin hac etiam in parte dies diem doceat. Documento esse huic rei poterunt, quæ per otium annotata fuerunt; quæ ea de causa cum eruditis communicanda duximus, ut occasio ipsis suppeditaretur, librum sane utilissimum tandem aliquando suis numeris absolvendi. Ceterum data opera omisimus ea, quæ ex Geographia cumprimis & Historia addi potuissent, nomina, quorum largissimam segetem præbebit unicuique *Cellarii* Geographia, iis breviter repetitis, quæ jam in hanc rem dicta fuerunt in *Actis Eruditorum A. 1735 Mens. Octobr. P. 433 seq.*

EMENDANDA.

ACIES. *Acies, n. 9* inquit *Faber*, pro bello & expeditione ipsa bellica interdum ponitur, der *Feldzug*, atque ad hunc significatum probandum primo loco affertur *Cicero Fam. VI, 3, 4*, cujus hæc sunt verba: *Nam, etsi, quem exitum acies habitura sit, divinare nemo potest, tamen & belli exitum video.* Sed quis credet, apud *Ciceronem* *aciem* notare bellum, cum bellum & *acies* sibi opponantur? Rectiora docuit *Cellarius* ad *b. l.* qui *aciem* interpretatur prælium Hispaniense, quod brevi post ad *Mundam* commissum fuit.

ADVOCO. *N. 3* hoc verbum notare dicitur causas agere in foro, & testis hujus notionis laudatur *Plinius Lib. V Epist. 8: interim veniam, ne a forensibus verbis recedam, advocandi peto*, ad quem locum *Cellarius* jubetur conferri. At, *Cellario* interprete, advocandi est moram nectendi, & advocatio mora, prout ista jam exposuimus in *Actis Erud.*

AGASO. *N. 2* apud *Horat. Lib. II Sat. 8, 72*, communiter pro servo poni dicitur; sed perperam, docente id Scholiaste: *Agaso* is proprie est, qui iumenta tractat, hic autem satyrice

rice significat escarum ministrum, quem vulgo nominant infertorem, apud Cruquium.

BENEDICO. De hoc verbo præcipit *Faber*, *construitur cum dativo. Sacri scriptores & cum accusativo junxere.* At non spernendæ Latinitatis Autores quoque cum accusativo verbum hoc posuerunt. *Tibullus II, 1, 31:*

Sed bene Messalam sua quisque ad pocula dicat.

Ubi *Broukhusius* rectiora *Fabro* ita instillat: *Scaliger malebat, bene Messala. Parum refert. Nam utroque modo dicebat.* Et deinde affert *Ovidium Fast. II, 637:*

Et bene vos, patriæ, bene te, pater optime, Caesar,

Dicite suffuso, sint rata verba mero,

Addantur *Jensii Collectanea pura & impura Latinitatis Sect. II p. 39,* & *Heinsius ad Ovidium de Arte amandi I, 601.* In utraque constructione subintelligendus videtur infinitivus, vel *esse* vel *valere.*

BENEFACTUM. Minus accurate verba *Marii* apud *Sallustium Jugurth. Cap. 85: benefacta mea reip. procedunt,* ad illam nominis hujus notionem referuntur, qua est *Gutthat, Wohlthat.* Nam *Marius*, ut ipsa loci docebit inspectio, non liberalitatem suam, sed virtutem maxime bellicam, contra nobiles suæ laudis obtrectatores prædicat. Ergo *benefacta Marii* sunt præclara facta, *tapsere und Helden-Thaten.* Testem, qui explicationi meæ suffragatur, omni exceptione majorem habeo *Propertium II, 1, 24:*

Cimbrorumque minas & benefacta Mari,

Bellaque, resque tui memorarem Caesaris.

Nam Poetæ de rebus in bello præclare gestis, non æque vero de beneficiis & liberalitate, sermonem esse, versus, qui antecedit, 18 perspicue demonstrat:

Ut possem heroas ducere in arma manus.

Quæ quidem notio, qua *benefacta* sunt res bene gestæ, ac præclara facinora, ex his satis, opinor, cognoscitur, licet ejus in *Fabro* mentio plane facta sit nulla. Eodem sensu

hanc vocem usurpavit ipse Sallustius Catil. 8: *Sua ab aliis benefacta laudari, quam ipse aliorum narrare, malebat.*

BRACHIUM. N. 7, *translate etiam*, inquit Thesaurus, *notat facultatem & auxilium, ut præbere sceleri alicujus brachia sua, machtiglich beystehen. Ovid. Heroid. VII, 126. Audiamus vero ipsum Poetam, apud quem Dido inter alia ad Æneam scribit:*

Quid dubitas vinctam Gatulo tradere Jarba?

Præbuerim sceleri brachia nostra tuo.

Nunquam, credo, lectori *Heroidum* attento persuadebitur, hoc in loco *præbere brachia alicujus sceleri* sonare *machtiglich beystehen*. Scelus hoc describitur in Hexametro, quod in eo erat positum, ut *Dido* vincta ab *Ænea* traderetur hosti, quare Germanice hæc formula ita est reddenda: *Ich hätte dir meine Hände, selbige zu binden, freywillig und von selbst darreichen wollen.* Cumque nullus sit præterea adductus scriptor Latinus, qui *brachium* pro *facultate & auxilio* usurpaverit, præter rem ultima hæc significatio videtur tradita, nisi melius probetur, penitus proscribenda.

CAUSA. N. 9: *Causa & morbum significat, quemadmodum & apud Græcos αἰτία, νόσος, seu morbus, est.* Tibullus I, 9, 51: *non est illi fontica causa, id est, fonticus morbus.* His plane aliena habentur voce *Sonticus*, ubi ita: *Sontica causa apud Tibull. I, 9, 51, eine rechtmässige Ursache.* Quibus positis, duplicem hujus formulæ in uno eodemque loco significatum statuamus, oportet. At, si ipsum locum inspiciamus, prior, non posterior, est Tibulli sententia, carentis:

Neu Marathrum torque. Pueri qua gloria victo?

In veteres esto dura, puella, senes.

Parce, precor, tenero. Non illi fontica causa est,

Sed nimius luto corpora tangis amor.

DIA. *Insula Creta adjacens, alias Naxos.* Dux hic confunduntur Insulæ, quæ vocatæ fuerunt *Dia*. Quarum altera, Cretæ

Cretæ adjacens, omnium consensu nunc est Standia, ut scribit *Cellarius Geograph. antiq. Lib. II Cap. 14 p. 189*, ubi addatur annotatiuncula *Cel. Schwarzii*. Altera vero est una ex Cycladibus, quæ Naxos etiam appellata fuit. Vid. *Cellarius & Schwarzii d.l. p. 1050 seq.* Itaque *Dia*, quando eadem, quæ Naxos, non Cretæ adjacet, sed in mari Ægeæ inter Cyclades sita est.

FELIX. N. 3: *pro eo, qui alios felices facit*. Huc trahitur *Juvenalis XIV, 312*:

Quanto felicior hic, qui

Nil cuperet, quam qui totum sibi posceret orbem.

Male. Nam opponit *Satyricus Diogenem* in dolio *Alexandro M.* & illum hoc judicat feliciorē, quia nihil cuperet. Ceterum hoc sensu *felix* habet *Virgilius Æneid. I, 334*, *Propertius III, 11, 15*, & *IV, 4, 67*.

HABEO. N. 9: *rem habere cum aliquo est negotiari*, *Terent. Eun. I, 2, 39*. Contra voc. *Res n. 6*: ita pro *Venere autem* sentitur, cum dicimus, *rem cum aliqua vel aliquo habere, quod notum*. Vid. *Terent. Eun. I, 2, 39*. Qui Comicum perstraverit, facile mecum posteriorem sensum præferet, cum sint verba meretricis *Thaidis*.

HALCYONIVS. *Halcyonii dies* *Colum. XI, 2*, a tranquillitate maris *Atlantici* ita dicti, qui incipiebant 8 *Calend. Mart.* Et sane ita legitur in *Columella*: *VIII Cal. Martii Sagitta crepusculo incipit oriri, varie tempestates. Halcyonii dies vocantur, in Atlantico quidem mari summa tranquillitas notata est.* Sed, quoniam *Plinius X, 32 f. 47*, a bruma non nisi septem diebus remouet partum halcyonum & halcyonia, itaque *Cel. Gesnerus* in nitidissima *Columellæ* editione verba, *halcyonii dies vocantur*, uncis inclusit, putatque in subiecta annotatione glossam verborum *summa tranquillitas*. Quo præeunte, nemo *Fabrum* ex *Plinio* emendandum non existimabit.

HERCULES. *Qui, licet esset robustissimus, adversus hydrantem & contra Cancrum simul nequivit pugnare, sed ne-*

potis sui Iolai imploravit auxilium. Ubi quidem vero non respondet, Iolaum Herculis nepotem fuisse. Filius fuit Iphicli, fratris Herculis, ut in voc. Iphiclus commemoratur. Hinc a Græcis vocatur ἰδὴλιδῆς Herculis. Vid. Palaphatus Cap. 39.

IMPERO. Imperare sibi Terent. Eun. II, 2, 21, sein machtig seyn, explicatur in Fabro. Comici verba sunt:

postremo imperavi egomet mihi

Omnia assentari. Is quasi nunc est multo uberrimus.

Ubi sane imperare sibi non id, quod Faber vult, sed sibi proponere, sich vornehmen, significat. Vid. Act. Er.

IMPERIUM. N. 2: Esse cum imperio, eine verordnete Obrigkeit seyn, elegans dicendi modus apud Ciceronem. Minus expressa Germanice videtur hæc formula. Nam Romanis cum imperio esse, vel mitti, non simpliciter erat, magistratum gerere quemcunque, sed cum exercitu in provinciam mitti, aut ibi esse. Diligenter hic attendendam puto differentiam formularum in imperio esse, & cum imperio esse. Illa notat Germanice, eine verordnete Obrigkeit seyn. Cicero Fin. I, 7: pronuntiaret, cum non talem videri fuisse in imperio, quales ejus majores fuissent. Vid. Cicero de Harusp. respons. Cap. 17. Hæc vero locutio, cum imperio esse, id, quod antea diximus, notat. Locis ex Cicerone in Fabro adductis addatur ideam Manil. Cap. 5 & 22. Ac, ne quis, solum Ciceronem ita locutum, forsitan sibi persuadeat, evolvi meretur Caesar Civil. I, 31, & III, 32, ut Festum voc. cum imperio prætermittam. Quodsi altius rem pensamus ipsam, observatu haud erit difficile, in hoc loquendi genere nomen imperium non tam magistratum, seu potestatem imperandi, quod vult Faber, quam exercitum, præ se ferre, præsertim cum adjunctam habeat particulam cum, quæ comitatum ex Grammaticorum præceptis significat. Quam quidem notionem, in Fabro & Lexicis vix obviam, infra vindicabimus imperio, ubi de Addendis Fabri Thesaurο agemus.

NEMEA.

NEMEA. *Oppidum Arcadiæ, juxta quod silva ejusdem nominis, in qua Hercules leonem miræ magnitudinis consecit. In cuius rei memoriam postea sacra inibi Herculi & ludi instituti. Vid. Plin. VI, 6. Ita Faber. Sed oppidum, an regio, dubium, ad quod ludi Nemei celebrati quondam fuerunt, male Plinius, & eum secutus Faber, in Arcadia ponit, iudice Cellario Geogr. ant. Lib. II Cap. 13 p. 989, qui ex Geographis antiquis docuit, Nemeam oppidum nec in Elide, nec in Arcadia, sed in Argea, seu Argolide, situm fuisse.*

OLENUS. *N. 2: Alia hæc nomine urbs Bæotiz, cui nomen fecit Olenus, Vulcani filius. Sed nulla unquam, si Geographis credendum, urbs Bæotiz dicta fuit Olenus. Fuit autem in Ætolia, teste Cellario Geogr. antiq. Lib. II Cap. 7 p. 895, nec probanda videntur, quæ ibidem n. 1 sic referuntur: Olenus Achaia oppidum, ubi Jovem ferunt educatum lætæ capræ Amalthea, quæ inde dicta Olenia. Nam Amalthea vocatur Olenia non ab oppido Achaia, sed ab oppido Ætoliz, cui Olenus, Vulcani filius, nomen fecit. Hyginus Astronom. Lib. II Cap. 13, ibique Munckerus p. 378.*

OPINATOR. *Reddatur simpliciter ein Zweifler, & hæc significatio asseritur ex Cicerone Acad. IV, 20: nec tamen is ego sum, qui nihil unquam falsi approbem, qui nunquam assentiar, qui nihil opiner, sed querimus de sapiente. Ego vero ipse & magnus quidem sum opinator. Sed perperam. Rectiora docuit Cel. Jo. Aug. Ernesti, mihi non magis pro fortis necessitudine, quam pro voluntate in me propensissima, colendus. Est, inquit, opinator, qui rebus incertis & non perceptis tamen assentitur, tanquam certis, ex quibus Fabri Lexicon macula non parva liberari poterit.*

PEREO. *N. 4: Est etiam amatorium Horat. I, Od. 27, 10: Dicat Opuntia frater Megilla, quo beatus vulnere, qua percat sagitta. At quis non videt, locum Horatii id plane non probare, ad quod probandum adducitur. Interim pereo de re amatoria omnino posuit Catullus Epigr. 41, 5:*

Quantum qui pote plurimum perire.

Debeo hanc observationem Cel. Menckenio nostro.

zxc.

ES. *Pedem referre* Ovidius *Heroid. 15, 186, zurücke treten*. Ita *Faber*. Sed quis *Phaonis*, de quo Poetæ sermo est, reditum ex Sicilia in insulam Lesbium Germanice interpretabitur per *zurücke treten*?

PURPURA. N. 3 formula *purpuram sumere* explicatur in *die Regierung treten*. Quo quidem sensu si accipiat locutio, vim, quam apud Autores habet, præcipuam amittere mihi quidem videtur. Notat enim Germanice, *sich der Herrschafft anmassen, die Herrschafft an sich reissen*, & de tyrannis, non vero imperatoribus legitime creatis, tantum non semper, quod sciam, reperitur. Exemplis res fiet clarior. *Eutropius X, 8, de Gallieno Augusto: Juvenis in Gallia & Illyrico multa strenue fecit, occiso apud Mursam Ingenno, qui purpuram sumserat*, h. e. interprete Cellario, *imperium & Augusti honores rapuerat*. *Trebellius Pollio in triginta Tyrannis Cap. 18 de Balista Tyranno: Multi, & sumfisse illum purpuram, & more Romano imperasse, exercitum duxisse, & de se plura promississe, dixerunt*. Quo ipso tamen non nego, pro re nata sic etiam exponi posse hanc formulam, ut in *Fabro* traditum reperimus.

SUBSISTO. N. 3: *Est & venatorium & militare verbum*, ut, *subsistere feras, subsistere hostem, i. e. excipere, nec irruenti cedere*. Ubi quidem, quod ad primum attinet genus loquendi, *subsistere feras*, illud omnino apud *Livium I, 4, notat das Wild fallen*. Sed nollem alteram locutionem adjectam, *subsistere hostem*, i. e. excipere. Nam, quamvis ita per genium linguae dici posse videatur, tamen, an ita dixerint præsci, dubium. *Cæsar* certe de hac notione ne per somnium quidem cogitavit, qui in partes vocatur, *Gall. I, 15: Quo prælio sublati Helvetii, quod quingentis equitibus tantam multitudinem equitum propulerant, audacius subsistere, nonnunquam ex novissimo agmine, prælio nostros laceßere caperunt*. Cui, hæc legenti, in mentem veniet, *subsistere sonare excipere hostem*? Nonne quilibet statim intelligit, hic illum sensum habere, qui est *stehen bleiben*, in *Fabro n. 1* traditus. Ubi denique est accusativus iste, quem *subsistere hostem* formula præfert?

TOLLO.

TOLLO. Æque turpis est nāvus, qui in hoc verbo apparet n.
4: Tollere risum alicui, id est, inducere ad ridendum G.
faire rire, faire éclater de rire, Horat. de arte poet. v. 381.
En verba Poetæ:

Ludere qui nescit, campestribus abstinet armis,

Inductusque pila, discive, trochive, quiescit.

Ne spissa risum tollant impune corona.

Quo quidem in loco risum tollere per inducere ad ridendum quo minus exponi possit, cum series orationis, tum Grammatices leges, intercedunt. Nam, unde ille, qui in *Fabrum* hanc locutionem concessit, transferit dativum, quem formulæ huic adjungit, equidem non video, nisi forte credamus, bonum virum verba *spissa coronæ* non pro nominativo, sed pro dativo, accepisse. Quid? quodidem hic locus recte omnino explicatur voc. *Risus*, ubi sic: *risum tollere G. éclater de rire.* Horat. *Art. poet. v. 381.* Itaque ex loco hoc posteriori scdissima macula priori nullo negotio abstergi poterit.

VADATUS. N. 2: *Sed active, respondere vadato, id est, ei, qui in jus vocat,* Horat. *Lib. I, Sat. 9, 36.* Vereor, ut ex hoc loco Horatii satis probari possit, *vadatus* etiam active sumi pro eo, qui in jus vocat. Exhibebo verba:

Ventum erat ad Vesta quarta jam parte dici

Præterita, & casu tunc respondere vadato

Debebat, quod ni fecisset, perdere litem.

Quid obstat, quo minus hic *vadato casu* accipiamus de vadimonio, sensu non activo, sed passivo, quem *vadatus* alias obtinere consuevit? Certiora saltem afferenda erunt, si debeat minus credere, *vadatus* quoque cum notare, qui in jus vocat.

A D D E N D A.

ACCENDO. Elegans & notatu digna est notio hujus verbi, quæ est apud *Plinium Hist. Nat. XXXIII. 3*, quod agit de auro: *Primum bonitatis argumentum est, quam difficillime accendi.* Notat enim *glünd werden*, ut *Cel. Gesnerus Chrestomath. Plin. p. 852* jam exposuit. Ac fortasse hæc prima ac maxime propria est hujus verbi significatio.

Uu uu

ACHIL-

ACHILLEUS. Addi non incommode possunt *Achilleæ statua* ex *Plinio Hist. Nat. XXXIV, 5*, id est, *nuda tenentes hastam*, & *Achilleus cothurnus*, id est, *tragædia Achilles inscripta*, apud *Propertium II, 25, 41*, ibique *Broukhufius*.

ACROAMA. Contendit *Scioppius* in *Stradam. p. 187*, *acroama* non *canticum*, sed *ipsum histrionem*, qui in scena cantat, vel alium quempiam, qui gratum aliquem & dulcem sermonem habet, significare, quem secutus est *Vorstius de Latin. Select. p. 319*, nec *Faber* hac in parte dissentire videtur. Certe exempla allata hunc sensum admittunt omnia. Ne quis tamen *acroama* pro *cantico* prorsus inauditum judicet, intercedit *Sidonius Lib. I Epist. 2*: nec sub *Phonascio* vocalium concertus meditatam *acroama* simul intonat. Ubi *Ehnenborstius* *acroama* explicat *scenicorum carmen*.

ÆACUS. Hic plane ignoratur adjectivum *Æacidinus*, quod habet *Plautus Afin. II, 3, 25*:

Siquidem hercle Æacidinis minis animisque expletus incedit.

Pareus in *Lexico Plautino* proverbii inseruit, & pro *gravissimis & irarum plenissimis minis* accipit.

ALIENUS. Hoc nomen de mortuis quoque posuit *Apulejus Metamorph. VIII p. m. 129*, ubi *Lepolemus*, a *Thrasyllo* interfectus, ad uxorem dicit: *lancea mali Thrasylli me tibi fecit alienum*, id est, interfecit, tibi que eripuit.

ALVEUS. De domo dixit *Apulejus Metamorph. IV p. 61*: *no-bis promte convolantibus, & domus alveo receptis*.

AUXILIUM. Singularem vim huic nomini subiecit *Apulejus Metamorph. VI p. 200*: *Secundus vestitu quidem similis, sed manibus ambabus gerebat altaria*, id est, *auxilia*, quibus nomen dedit proprium *Deæ semmatris auxiliaris providentia*.

CALO. Quæ sit differentia inter *calones* & *lixæ*, quos tamen scriptores minime raro conjungunt, frustra in *Fabro* quaesiveris. Nec, quis eam in *Lexicis* insillaverit, facile succurrit. Accipe ergo illam ex veteri *Scholiasse Horatii Lib. I Sat. 2, 44*: *Calones sunt ministri militum, liberi homines, lixæ vero servi eorundem*.

CAME-

CAMELOPARDALIS. Tantum fœmininum, idque tertiæ declinationis, indicatur. Sed masculinum, idque secundæ declinationis, habet *Capitolinus in Gordiano III Cap. 33.*

CHARITES. Dignus est, qui hic adjungatur. locus *Propertii IV, 1, 75:*

Averfis Charifin cantas.

Ubi & dativus terminatione Græca & significatus probe observandus. Quod ipsum sic *Ovidius Amor. III, 12, 17,* expressit:

Averfis utinam tetigiffem carmina Musis.

CATENA. Hoc nomen inter meteora memoratur, quemadmodum Græcum est *Halysis* eodem modo. *Apulejus de Mundo p. m. 11: Halysis est catena quedam luminis clarioris, per solis ambitum in se revertens. Inter hanc & Irida illud interest, quod Iris multicolora est, & semicirculo figurata procul a sole atque luna. Catena clarior est, astrumque ambit orbe incolumi, corona non discolore.*

CIRCUITUS. Idem hoc nomen etiam valet, quod circumnitiō, seu ambages, *Umschweiff.* *Petronius Cap. 13: Exhilaratus ego non tantum, quia prædam videbam, sed etiam, quod fortuna me a turpissima suspitione dimiserat, negavi circuitu agendum, sed plane jure civili dimicandum.*

COMMENDO. Variis hujus verbi constructionibus illa vel maxime addenda videtur, qua dicitur *commendare ad aliquem*, id est, alicui, propterea quod Germanifino nostro proxime accedit. Sic est apud *Hyginum Fabul. 3: cujus beneficio ad sororem Medeam est commendatus.* Plura ad hunc locum *Munckerus*, & quos hic laudat.

COMPLEXIO. Propria, quæ inest huic nomini, vis non est annotata, quam ei subjecit *Cicero de Finib. I, 6: ita efficit complexiones & copulationes & adhesiones atomorum inter se.*

CONCLAMO. Non tantum de multis, qui simul clamant, sed & de uno homine, reperitur, & tunc est, *valde aut sapius clamare*, ut *Servius ad Æneid. III, 523*, interpretatur. *Cæsar Gallic. I, 47: quos cum apud se in castris Ariovistus conspexisset, exercitu suo præsentem conclamavit, quid ad se veni-*

Uu uu 2

rru?

rem? an speculandi causa? Ubi videantur, quæ commentatur Davifius.

CONSIDO. *N. 3* addendam existimarem significationem, ubi de terræ hiatu sumitur. Livius XXX, 38: *Cum solis orbis minui visus, & pluit lapideo imbri, & in Velitino agro terra ingentibus cavernis confedit, arboresque in profundum hausta.*

CONSULTO. Duplex in hoc verbo & constructio addenda est & significatio. Primum enim cum accusativo eodem, quo *consulo*, sensui componitur. Plinius Panegy. Cap. 76: *una erat in limine mora, consultare aves, revereri que numinum monitus.* Tibullus I, 4, 77:

*Gloria cuique sua est. Me, qui spernentur, amantes
Consultent.*

Deinde cum dativo jungitur, & iterum facit paria verbo *consulo* cum dativo. Aurelius Victor Cæsar. Cap. 14: *quin etiam maribus frustratus filie viro reipublica consultavit.* Sallustius Catil. 6: *Delecti, quibus corpus annis infirmum, ingenium sapientia validum erat, reipublica consultabant.*

DESIDIA. Peculiarem plane significationem hoc nomen obtinere videtur apud Apulejum *de Mundo* p. m. 22: *Andimus etiam abruptis imbribus proluas esse totas regiones. Illas etiam, quæ prius fuerint continentes, hospitibus atque advenis fluctibus insulatas. Alias desidia maris pedestri accessu pervias factas.* Nam quid hic *desidia maris*? Nisi me omnia fallunt, recessum maris, & aquarum, indicat. Quemadmodum jam explicuit Elmenhorstius in indice per *ἀναχωρήσεις* *ὑποτάτων*. Quo vero sensu an hoc nomen rectius a *sido*, quam a *sedeo*, derivetur, videant, qui Lexica conscribunt.

DESPICIO. Notandam quoque putamus notionem huius verbi, qua usurpavit Cæsar Civil. III, 8: *Ipse gravissima hieme in navibus excubat, neque ullum laborem aut munus despiciens.* Germanice formula *despicere laborem reddi* haud incommode videtur, *die Arbeit zu geringe schätzen.*

IMITTO. Eodem modo constructum & sensu positum hoc verbum observatur, quo *libero*. Petronius Cap. 13: *For-*

una

tuna me a turpissima suspitione dimiserat. Hic enim dimittere a suspitione est liberare.

DISCINCTUS. Bono significato adhibuit hoc nomen *Horatius Lib. II Sat. I, 73*:

*Virtus Scipiadae & mitis sapientia Lali,
Nugari cum illo, & discincti ludere, donec
Decoqueretur olus, soliti :*

Ubi vetus Scholiastes, *discincti b. e. depositis seriis*, & alter Scholiastes hæc refert: *Scipio Africanus fertur intra domum tam civilis fuisse, & carus Lucilio, ut quodam tempore Lalius circa lectos triclinii fugienti supervenerit, cum eum Lucilius obtorta mappa quasi feriturus sequeretur.*

EXAUDIO. Nota sunt, quæ Cellarius & Borrichii de differentia *audio* & *exaudio* inter se disputarunt. Qui quidem in *Fabro* laudantur. Interim tamen durius mihi hæc de re iudicium videtur Cellarii *Cur. poster. p. 431 seq.* Differentia, quam pueri fingunt inter *audire*, & *exaudire*, ut illud simpliciter sit hæren, hoc erhæren, sive precibus annuere, nulla est. Nam, nisi fallor, non obscure hæc ipsa differentia apparet ex *Plinio Panegy. Cap. 94*: *Te præcipue, Capitoline Jupiter, precor, ut beneficiis tuis faveas, tantisque muneribus addas perpetuitatem. Audisti, quæ malo principi precabamur, exaudi, quæ pro dissimillimo optamus.*

FOCUS. Sæpius hoc nomen apud Poetas significat idem, quod *ara*, licet in *Fabro* non sit monitum. *Tibullus I, 9, 74*:

*Oderunt, Pholoe, moneo, fastidia Divi,
Nec prodest sanctis iura dedisse focis.*

Propertius III, 11, 41:

*Dii quæ Deæque omnes, quibus est tutela per agros,
Præbebant versis verba secunda focis.*

Vid. idem I, 1, 20, & IV, 4, 42. Tibullus IV, 5, 4, & II, 5, 54. Ovidius de Arte amandi I, 638.

GENERATIVUM. Prima hujus voculæ notio præcipitur illa, quæ notat, *per singula genera, seu species*, von Art zu Art. Sed ne sic quidem principem ac germanam significationem habere videtur, quam observavi in *Cæsare Gall. I, 51*: *Tum de-*

num necessario Germani suas copias e castris eduxerunt, generatimque constituerunt, paribusque intervallis Harudes, Marcomannos &c. Græcus interpres non inale reddidit κατὰ Φυλάς. Diodoro autem Siculo, ut ad hunc locum Vossius annotavit, dicitur κατὰ ἔθνος. Quæ satis loquuntur veram ac propriam notionem vocis generatim.

GRAVITAS. Hanc quoque vim habet *gravitas*, quæ *constantia* seu *perseverantia* subjecta est, *die Beständigkeit*. Propertius II, 16, 14 seq.

Tu modo ne dubita de gravitate mea.

Ossa tibi juro per matris & ossa parentis,

Si fallo, cinis heu sit mihi uterque gravis,

Me tibi ad extremas mansuram, vita, tenebras.

GYMNASIUM. Comica est vis, quam huic nomini subiecti Plautus *Afin.* II, 2, 31, ubi *gymnasium* *flagri* est, interprete Parco, homo, in quo verberando se quotidie exercet dominus. Vid. idem *Aulular.* III, 1, 5.

JACTURA. In hac voce, ut in aliis bene multis, significatus proprii & improprii non satis diligenter proponuntur. In primis autem ignoratur notio observatu dignissima, ubi *jactura* sonant *largitiones, munera, dona*, *Geschencke*, *Spendasen*. Cicero pro Manil. Cap. 23: *Nunc, qua cupiditate homines in provincias, quibus jacturis*, id est, interprete Cellario, *largitionibus* in eos factis, per quos provinciam obtinere, quibus conditionibus, profiscantur. Cæsar Gall. VI, 12: *eosque ad se magnis jacturis, pollicitationibusque, perduxerant*. Idem Civil. III Cap. ultimo ad finem: *Sed celeriter est inter eos de principatu controversia orta, qua res apud milites largitiones auxilii. Magnis enim jacturis sibi quisque eorum animos conciliabat.*

IMBREX. Impropiam huic voci significationem addimus, docente Cel. Menckenio, ex Martial. II, 37, 2:

Mammas fumini imbricemque porci.

Nam, imbrex hoc loco sive vertebram notet, sive vulvam, neutra notio in Fabro reperitur.

IMMORTALIS. Annotatum quidem legimus ex Varrone, hoc

hoc nomine Deos absolute vocatos. At non allata est notio, quæ ex hac ipsa fluit, quando *immortalis* de homine in hac vita dicitur, notatque idem, quod *beatus*. Sic habet *Propercius* II, 11, 9:

Quanta ego præterita collegi gaudia nocte.

Immortalis ero, si altera talis erit.

Et *Eleg. sequenti* 12, vers. 39:

Si dabit hæc multas, siam immortalis in illis,

Noctæ una quivis vel Deus esse potest.

Atque de eodem negotio eodem sensu vocem *Deus* posuit *Plautus Curcul.* I, 3, 11.

IMPERIUM. Supra memini me promittere, notionem huic nomini asserturum esse, qua *exercitum* indicat. Qui Historicos Latinos, res Romanas nobis memorantes, eo, quo par est, studio perlegerit, facile concedet, infinitos pæne occurrere locos, ubi *imperium* imperatorem pariter atque exercitum in se complectitur. *Cæsar Civil.* III, 11: *illi cum se contra imperium populi Romani, id est, Cæsarem cum exercitu, pugnatos esse negarent.* Deinde per metonymiam significat ipsos imperatores, qui imperium habent, & exercitui præsunt. *Cæsar Civil.* I, 31: *naçti vacuas ab imperiis, Sardiniam Valerius, Curio Siciliam, cum exercitibus eo perveniunt.* Nam hic per *imperia* intelliguntur ipsi præfecti, qui provincias obtinebant, Cato scilicet *Siciliam, Cotta Sardiniam* Cap. 30, qui uterque desperatis rebus ex provincia, cognito militum *Cæsaris* adventu, profugerant. Denique hæc ipsa vox quoque idem valet, quod exercitus. *Cornelius Timol.* 2: *quem non odio tyrannidis dissensisse, sed cupiditate, indicio fuit, quod, ipso expulso Dionysio, imperium dimittere noluit.* *Plinius Panegy.* Cap. 11: *qui hoc ipsum imperium peperere, quod modo hostes invaserant, contemserantque. Cujus pulsi fugatique non aliud magis habebatur indicium, quam quod triumpharetur.* De quo loco æque ac de hac ipsa notione *imperii* alibi jam egimus.

INCRETUS. Ex *Apulejo* tantum hujus vocabuli usus comprobatur, & quidem eo significato, quo est, non *cribratus*, unge-

ungesiebt. Meliorem autem auctoritatem conciliat, & aliam, præter adductam, notionem subijcit eidem *Horatius Lib. II Sat. 4:75*:

*Primus & invenior piper album cum sale nigro
Incertum puris circumposuisse, catillis.*

Ubi *Cruquius* exponit purgatum per incerniculum.

INERMIS. Impropiam hujus nominis significationem, de qua *Faber* silet, habet *Cicero de Finib. I, 7*: *Jam in altera Philosophia parte, quæ est querendi ac differendi, quæ λογική dicitur, iste vester plane, ut mihi quidem videtur, inermis ac nudus est.*

INFELIX. Activa hujus adjectivi significatio plane non est observata, cum tamen haud raro sit in scriptoribus observanda. *Terentius Phorm. II, 3, 81*:

*Ita es paratus facere me adversum omnia,
Infelix?*

Virgilius Æneid. II, 245, de equo Trojano:

Et monstrum infelix sacrata sistimus arce:

Propertius III, 3, 29:

O prima infelix fingenti terra Promethea.

INSINUO. Idem, quod initiare, de rebus sacris notat apud *Apulejum Metam. XI p. 208*: *Per istas meas manus piissimis sacrorum arcanis insinueris.* Observanda pariter illa est hujus verbi notio, quæ est apud *Livium IX, 2*, de proficiscentibus per angustias: *cum venias ad eum, intranda primæ angustia sunt, & aut eadem, quæ te insinuaveris, retro via repetenda, aut, si ire porro pergas, per alium saltum arctiorem impeditioremque evadendum.*

INSTITUTIO. Duplicem nobis hujus nominis significatum præcipit *Faber*. Alter est, *die Lehre, Unterrichtung*, alter *das Vorhaben*. His ex ipso *Cicerone* tertius addendus dicam, an præmittendus, videtur, ubi idem est, quod *inceptio* seu *conciliatio*, de *Finib. I Cap. 20*: quibus ex omnibus judicari potest, non modo non impediri rationem amicitia, si summum bonum in voluptate ponatur, sed sine hoc institutionem omnino amicitia non posse reperiri.

ITER

ITER. Quemadmodum formula *viam facere* non solum notat *viam munire, aperire*, verum etiam *proficisci*: sic eadem est ratio locutionis *iter facere*. Vulgaris & pueris nota est significatio *iter facere*, id est, *proficisci, reisen*, quam & *Faber* attulit. Sed quis in *Lexicis* videt alterum illum significatum, quo *iter facere* idem est, quod *viam munire, den Weg bahnen*? Et tamen sic habet elegantissimi ingenii *Poceta Ovidius Heroid. 20, 144*:

Ad sepem alterius quis tibi fecit iter?

Idem *Metamorph. XV, 106*:

*Fecit iter scelere, primaque a cade ferarum
Incaluisse putem maculatum sanguine ferrum.*

Et de *Arte amandi II, 331*. Huc etiam trahi posse videtur *Livius XLIV, 7*.

JUDICIUM. Speciali quadam ratione nomini huic inest vis *testamenti*. Quod nihil aliud est, nisi supremum de superstitibus *judicium*. *Valerius Maximus VII, 7, 4*, de *Septicia* filiis irata: *Publicio seni admodum nupsit, testamento etiam utroque praterito. A quibus aditus divus Augustus, & nuptias mulieris, & suprema judicia, improbavit. Justinus V, 11, de Dario, Persarum Rege: regnum Artaxerxi, Cyro civitates, quarum praefectus erat, testamento legavit, sed Cyro judicium patris injuria videbatur.*

MALEDICO. In superioribus jam annotavi, minus accurate in eo factum a *Fabro*, quando *benedicere* aliquem sacris scriptoribus tantum adscripsit. *Maledicere* fere cum accusativo junctum plane non reperietur, si ex silentio *Lexici* fieri debet *judicium*. Quibus ne quis abripiatur, dabo *maledicere* aliquem ex *Autore* non sane, quod ad Latinitatem attinet, ineleganti. *Petronius Cap. 96: Contubernalis mea mihi fastum facit. Ita, si me amas, maledic illam versibus, ut habeat pudorem.*

MENENIUS. Addi non immerito posse videntur *Mencina stultitia* vel *ineptia*, quas tradit vetus *Scholias* *Horatii Lib. II Sat. 3, 287*.

MISEROR. Grammaticorum est praeceptum, ab ipso *Fabro*
X x x x lauda-

laudatum, verba *miseror* & *miseror* ita differre, ut hoc accusativum, illud genitivum, regat. Nec est negandum, regulam hanc usu scriptorum probari. Sed, quemadmodum nulla regula, ut est in proverbio, sine exceptione, sic *miseror* etiam cum genitivo, licet rarius, nec in *Fabro* traditum, reperitur. Prudentius *Psychomach.* vers. 580:

Libera nunc miserando inopum, quos larga benigne

Foverat, effundens patrium bene prodiga censum.

Plura hujus constructionis exempla dabit Munckerus ad *Hyginum* p. 158.

MOLLIS. Non invenisse hoc nomen de arcu dixit *Ovidius Heroid. IV. 92:* *Arcus, si nunquam cesses tendere, mollis erit.*

NOBILITAS. Propria hujus vocis significatio qua ratione sit neglecta, miratus saepe sum, quæ tamen non infrequens occurrit in optimis quibusque scriptoribus. Nam, sicut *nobilis* proprie est, ipso *Fabro* præcipiente, *beruffen*, *berühmt*, sic *nobilitas* germano sensu est *der Ruff*, *der Ruhm*. Cicero de Senect. Cap. 21: *nec me solum ratio ac disputatio impulit, ut ita crederem, sed nobilitas etiam summorum Philosophorum & auctoritas.* Cornelius *Thraſybul.* Cap. 1: *Sed nescio quomodo, cum cum nemo anteiret his virtutibus, multi nobilitate præcurrerunt.* Plinius *Hist. Nat. III. 5:* *tanta nobilitas omnium locorum, quos quis attigerit, tanta rerum singularum populorumque claritas tenet.* Vid. *Sallustius Catil. 7.*

NOVACULA. Piscis quoque sic dictus apud Plinium *Hist. Nat. XXXII. 11:* *novacula piscoe quæ tacta sunt, ferrum olent.*

NOVITAS. Non curate satis explicita est notio, qua novitas opponitur nobilitati, notatque *der neue Adelstand.* *Sallustius Jugurth. 85,* ubi *Marius* de se ipse: *Contemnunt novitatem meam, ego illorum ignaviam.* Nam ipse exponit in sequentibus *nova nobilitas.*

ORBIS. Dux insuper huic nomini vindicandæ sunt notiones. Nam & *viam orbis instar aram ambientem* significat apud *Propertium IV. 6:*

Terque focum circa lanceus orbis eat,

& piscem apud *Plinium Hist. Nat. XXXII. 11:* *durissimum esse*

esse piscem constat, qui orbis vocetur. Rotundus est, & sine squamis, totusque capite constat.

PACATE. Aureæ ætati hanc particulam jam in *Ællis Eruditorum* asseruimus, Ovidio autore ex *Ponto* I, 2, 109:

Denique, si moriar, subeant pacatius arva

Offa.

PALMA. Idem, quod *palmula* seu *fructus palma*, eine Dattel. Ovidius *Fastor.* I, 185:

Quid vult palma sibi, rugosaque carica, dixi,

Et data sub niveo candida mella favo?

PASCO. Eleganter per metaphoram notat *augere*. *Horatius Lib. I Epist. XVIII, 35:*

numos alienos pascet,

id est, interprete *Landino*, ad *scenus* accipiet & augebit.

PETO. Quando hoc verbum vim *rogandi* sustinet, conjungitur cum præpositione *a*. Cum accusativo vero constructum, aliam plane notionem, ut notum, obtinet. Nihil tamen secius *petere* aliquem pro *rogare* aliquem posuit *Capitolinus* in *Maximinis Cap. 2: Imperatorem publice petit, ut sibi daret licentiam contendendi cum iis, qui jam non mediocri loco militarent.* Huc an trahi possit locus *Plautinus Curcul. I, 2, 61*, jam non interpretor. Verba sunt:

Pessuli, heus pessuli, vos saluto lubens,

Vos amo, vos volo, vos peto atque obsecro.

PORTICUS. Hoc nomen de vinea, machina bellica, usurpavit terribilissimus scriptor *Cæsar Civil. II, 2: itaque pedalibus lignis conjunctis inter se porticus integebatur, atque hac agger inter manus proferbatur.* Ubi videatur *Vossius*.

POSTERITAS. Significat quoque *samam* apud *posteror*. *Cæsar Civil. I, 13: proinde habeat rationem posteritatis & periculi sui.* Ubi conseratur *Davissius*, hunc significatum vindicans cum aliis, tum *Ciceronis* loco *Tuscul. I, 15: verissimile est, cum optimus quisque maxime posteritati serviat, esse aliquid, cujus is post mortem sensum sit habiturus.* Nam hoc in loco nomen *posteritas* non sonare *die Nächstkommen-schaft*, quo in *Fabro* trahitur, sed *samam* apud *posteror*, ea,

quæ antecedunt, confirmant, in quibus de iis agitur, qui post mortem nobilitari volunt.

PROLIXUS. Adjectivum hoc de sermone, quod instaurationes puræ Latinitatis negant, dici, probavimus in *Actis Eruditorum* ex *Macrobio Saturn. III, 7.* Jam addimus *Apulejum Metamorph. IV p. 51, XI p. 211, & Florid. IV p. 239.*

PROMITTO. Specialis hujus verbi est usus, quando idem est, quod *vovere, geloben, eine Gelübde thun.* Tibullus III, 5, 33:

*Interea nigras pecudes promittite Diti,
Es nivei lactis pocula mixta mero.*

Juvenalis XIII, 232:

*pecudem spondere sacello
Balantem & Laribus cristam promittere galli
Non audent.*

Videatur *Bronckhusius* ad *Tibulli* locum.

QUAERO. Frustra in *Fabro* adhuc quaeritur constructio hujus verbi cum præpositione *de*, quam ducit *Cel. Menckenio* addimus ex *Cicerone Divin. I, 24: eum admiratum quassisse de Deo, quodnam illud esset tale monstrum.*

QUERELA. Quanquam proprium amicorum hoc nomen est, quemadmodum hostium accusatio, tamen *querelam* idem etiam valere, quod accusationem aut litem, quam adversarii inter se habent, observavi in *Petronio Cap. 15: Etsi rustico mulierique placebat permutatio, advocati tamen, jam pane nocturni, qui volebant pallium lucrifacere, flagitabant, ut apud se utraque deponerentur, ac postero die iudex querelam inspiceret.* Et paulo post: *Indignatur enim rusticus, quod nos centonem exhibendam postularem, misit in faciem Ascyli tunicam, & liberatos querela jussit pallium deponere, quod solum litem faciebat.*

RECOLO. Addenda pariter notio ex *Phadro I, 18, 1:*

Nemo libenter recolit, qui laesit, locum.

Ubi *recolere locum*, repetere locum, ibi iterum commoratum.

RECONDO. Palmaria hujus verbi significatio deesse videtur, qua habet *Ovidius Metamorph. IV, 143:*

Ad

*Ad nomen Thisbes oculos jam morte gravatos
Pyramus erexit, visaque recondidit illa.*

Hic recondere oculos est iterum claudere.

REPETO. N. 3 ita habet *Faber*: item rei, cum accusantur de novo, repeti dicuntur; vide *Reus*. Quodsi vocem *reus* evolvas, ne ullam quidem ibidem mentionem invenies verbi *repetere* de reo denuo accusato usurpati. Quare a nobis accipe supplementum. *Suetonius August. Cap. 32*: Diuturnorum reorum, & ex quorum sordibus nihil aliud, quam voluntas, inimicis quaeretur, nomina abolevit, conditione proposita, ut, si quem quis repetere vellet, par periculum pena subiret. Idem *Domitian. Cap. 9*: Reos, qui ante quinquennium proximum apud ararium pependissent, universos discrimine liberavit, nec repeti nisi intra annum permisit. Vid. *Quintilianus Instit. Orator. VII, 8*.

RESCRIBO. De militibus hoc verbum duplici sensu sumitur, ac primo quidem idem est, quod *denuo conscribere*. *Livius IX, 10*: in civitate ira odioque ardente delectus omnium prope voluntariorum fuit, rescripta ex eodem milite nova legiones, ductusque ad Candium exercitus. Deinde notat transcribere, scilicet ex peditibus ad equites. *Cesar Gall. I, 42*: plus quam pollicitus esses *Cesarem* facere. Pollicitum, in cohortis pratoriae loco decimam legionem habiturum, nunc ad equum rescribere. Ad quem locum *Brantius* transcribere eodem sensu probat ex *Valerio Maximo*, quod pariter ignorat *Faber*.

RESPONDEO. Cumprimis de hoc verbo notari meretur locus *Plautinus Captiv. IV, 2, 119*:

HE. Eternum tibi dapinabo victum, si vera autumas.

ER. Unde id? HE. A me meoque gnato. ER. Sponden' tu istud? HE. Spondeo.

ER. At ego, tuum tibi advenisse filium, respondeo.

Nam hic respondeo sonare videtur vicissim *spondeo*. De qua notione silet *Lexicon*.

RUGOSUS. Active positum videtur ab *Horatio Lib. I Epist. 18, 105*:

Quem Mandela bibit, rugosus frigore pagus.

XX XX 3

Ubi

Ubi Scholiaſtes : *rugofus, rugofa faciens hominum corpora.*

SECUNDUS. Copioſius hac voce expoſitas legimus *partes ſecondas actorum*, & ſimpliciter adjectivum, omiſſo ſubſtantivo, dici explicatum. Non tamen prætereundus fuiſſet ille ſignificatus *ſecundi*, ubi de ipſo actore *ſecundarum partium* collocatur. Horatius Lib. II Sat. 8, 83 :

Ridetur fictis rerum, Balatrone ſecundo.

Hic vetus Scholiaſtes Cruquii ita : *ſecundo, hypocritam agere, ſeu actore ſecundarum partium.*

SILENTIUM. Formulam, *ſilentium facere*, non tantum valere, *imperare ſilentium, facere*, ut alii *ſileant*, præter Quintilianum, a Fabro laudatum, oſtendimus ex Livio II, 45, Curtio X, 6, 3, & Phadro V, 5, 13, verum etiam ſonare *ſilentium habere, ſilere*, contra Cl. Reizium in *Actis Erud.* demonſtravimus ex Ovidio Faſtor. I, 183 :

Deſierat Janus, nec longa ſilentia feci,

Sed tetigi verbis ultima verba meis.

Quæ quidem dictio poſterior quoniam in Fabro non reperitur, hic addimus *Virgilium Aeneid. I, 734 :*

ium facta ſilentia teſtis.

Plautus *Amphitr. Prolog. 15* : ita hinc facietis *fabula ſilentium.*

SPECULOR. Similiter dicto loco jam probatum dedimus, verbum *ſpeculor* non tantum a *ſpecula*, ſed & a *ſpeculo*, derivandum eſſe, propterea quod etiam valet, *in ſpeculo inueneri. Seneca Quæſt. Nat. I, 16* : *ſpeculabatur*, hoc eſt, in ſpeculo intuebatur, illam libidinem oris ſui, *ſpectabat ſibi admiſſos pariter in omnia viros.*

SUBJECTUS. Sic hoc nomen explicatur, ut partim *untergelegt*, partim *unterthanig, ergeben*, vertatur. Aliam ego & a proprio ſenſu proxime remotam ſignificationem jam addo ex *Hirſio Alex. 35* : *quod facilius Armeniam defendere poſſet, ſubjectam ſuo regno, quam Cappadociam, longius remotam.* Quo in loco cum *ſubjectus* & *longius remotus* ſibi opponantur, illud reddendum eſſe *nabe gelegen, angrantzend*, per ſe patet.

SUBSCRIBO. Admodum notabilis in hoc verbo deſideratur ſignificatus, qui ſub Imperatoribus Romanis cumprimis obtinuit.

Sue.

Suetonius in Tiberio Cap. 32: Cum Rhodiorum magistratus, quod literas publicas sine subscriptione ad se dederant, evocasset, ne verbo quidem infectatus ac tantummodo iussus subscribere venisset. Ad quem locum ita commentatur Casaubonus: Quenam ista subscriptio, unus me docuit Dio. Non enim est nomen, ut putare aliquis possit, sed præteritionem intelligit clausula solita adjici literis ad principem, qua felicitas illi optaretur. Verba Dionis malim apud Casaubonum, quam hic, legi. Itaque ex hoc Suetonii loco intelligimus, & nomen subscriptio notare votum, quod literis in fine adjicitur, & verbum subscribere, votum addere in calce epistole. Eodem sensu habet Lampriidius Commodus Cap. 13: Ipse Commodus in subscribendo tardus & negligens, ita, ut libellis una forma multis subscriberet. In epistolis autem plurimis Vale tantum scriberet. Atque huc forte respexit Horatius Lib. I Sat. 10, 92:

I, puer, atque meo citus hæc subscribe libello.

SUCCUBA. Rejicitur hoc nomine locus Ovidii, & recte reponitur *subnuba*, præeunte Heinsio, sed, quoniam tantum ex Prudentio *succuba*, & quidem masculino genere, probatur, producatur *Succinnum*, ut intelligatur, Latinum esse vocabulum. Apulejus *Metamorph.* l. p. 87: Tunc indignata Venus exclamavit, vel maxime Psychem illam meæ formæ succubam, mei nominis emulam, vere diligit. Ubi Beroaldus in Commentario: Venus succubam formæ suæ Psychem eleganter appellat, propterea quod ut altera Venus religiosis adorationibus culta fuerat, & venerationis vicariæ partivario honore honestata. Improprie igitur quodam modo hic sumitur vox succuba. Proprie vero idem posuit Apulejus *Metamorph.* l. p. 136: & illico hæc eadem uxor ejus, quæ nunc bestiis propter hæc ipsa fuerat addicta, cepit puellam velut emulam tori succubamque primo suspicari.

SUDO. Non indigna mihi est visa & constructio & significatio hujus verbi, quæ annotetur ex Propertio IV, 1, 70:

Has meus ad metas sudet oportet equus.

Nam hic sudare ad metas est currere cum sudore ad metas. Cum de cursu non habeatur in Fabro.

SUFFERO. Nullam aliam habet notionem hoc verbum in Fabro, nisi eam, quæ sonat *extragen*. At alio omnino sensu adhibuit Propertius III, 20, 21:

Quod superest, sufferite pedes, properate laborem;

Istmos qua terris arcet utrumque mari.

Quid hic sufferite pedes? Cum Poetæ sermo sit de itinere per mare Athenas instituendo, & verba adducta adhortationem ad nauaras contineant, orationis series postulare videtur, ut sufferite pedes hoc loco sit idem, quod *vela pandere*. Nam, pedes de velis dici, satis probatum in Fabro hac voce n. 14. Quibus positus, verbum sufferite notabit sursum ferre, in altum tollere.

SUPP.

SUPERIOR. Allata est hac voce locutio *superior ætas*, & exposita, ante acta, die vorige Zeit. Et tritissima sane hæc est huius formulæ sententia. Datur tamen alia, nondum, quod sciam, in *Lexicis* producta, ubi idem est, quod *ætas provector*, & non de tempore, sed de hominibus, eorumque annis, usurpatur. Cæsar. Civil. II, 5, de Massiliensibus: *facile erat ex castris C. Trebonii, atque omnibus superioribus locis, prospicere in urbem, ut omnis juvenus, quæ in oppido remanserant, omnesque superioris ætatis, cum liberis atque uxoribus, publicisque custodiis, aut ex muro ad celum manus tenderent, aut templa Deorum immortalium adirent*

SUPERI. Dicuntur *superi* etiam ii, qui adhuc vivunt, & mortuis tunc opponuntur, qui vocantur *inferi*. Vellejus Patere. II, 48: *quam apud superos habuerat magnitudinem, ilibatam decessisset ad inferos.*

SUPPOSITUS. In hac voce idem significatus addendus, quem nomini *subiectus* paulo ante asseruimus. Sic enim legitur in *Propertio* I, 22, 9:

Proxima supposito contingens Umbria campo

Me genuit, terris ferètilis pueribus.

TRANSITIO. Addi notio illa meretur ex *Cicerone Brut.* Cap. 16: multa enim scripta in eis, quæ facta non sunt, falsi triumphi, plures *Consulatus genera falsa* & ad plebem transitiones, cum homines humiliores in alienum ejusdem nominis infunderentur genus. Communicavit pro inusitata sua in literas benevolentia laudatus *Menckenius* mecum hanc annotationem.

VOX. Inter varias, quas efficit *vox*, locutiones quoque ex *Quintiliano* affertur illa, *vocem attollere*, die Stimme erheben. Ibi vero jure meritoque adjiciendum & indicandum putamus imprimum sensum formulæ, *vocem tollere*, qua utitur *Horatius de Arte poet.* 93:

Inserdum tamen & vocem Comædia tollit,

Iratuque Chremes tumido delirigat ore.

Est enim hic *vocem tollit*, interprete *Scholiasæ Cruquii*, *grandioribus verbis* utitur.

VOTA. Complura dicendi genera cum hoc nomine recensentur, omisso tamen illo, *vota cadunt*, quod hoc diligentius animadvertendum nobis videtur, quod & bonum sustinet sensum, & malum. Sic *vota cadunt*, hoc est, irrita sunt, in *Propertio* I, 17, 4:

Nec mihi Cassiope solito visura carinam

Ominat, ingrato litore vota cadunt.

Contraria notione dixit *Tibullus* II, 2, 17:

Vota cadunt. Viden' ut trepidantibus advolet alis,

Flavaque conjugio vincula portet Amor?

Ubi *vota cadunt* exponit *Broukhusius*, *rata sunt*, qui omnino videndus ad *Tibullum* I, 7, 91.

INDEX AUTORUM,

quorum Libri aut Inventa in
hoc Volumine recensentur.

I. Libri Theologici, & ad Historiam Ecclesiasticam spectantes.

Alberti (Jo.) Glossarium Græcum in sacros **N.** Fæderis libros. 298

Anonymi Superstitiones antiquæ & hodiernæ. Tomus **L.** 145

Ritus sacri omnium totius orbis gentium, representati Figuris æneis Bern. Picardi. Tomus **I & II.** 337

Cerimonia & ritus sacri gentium idololatricarum, representati Figuris æneis Bern. Picardi. Tomus **I.** 529

Enarratio Pseudo-Athanasiana in Symbolum Apostolicum, edita a Josepho Blanchino. 603

Historia Paparum, inde a S. Petro usque ad Benedictum XIII. Tomus **V.** 667

Balbuli (Notgeri) Libellus de illustribus S. Scripturarum expostitoribus. 552

Chandleri (Sam.) Paraphrasis & Commentarius criticus in Prophetiam Joelis. 617

Englandi (Georg.) Inquisitio in Moralia veterum. 151

Ewaldi (Wilb. Ern.) Emblematum sacrorum Vet. & Novi Testamenti Pars tertia. 236

Herrmanni (Jo. Godofr.) Historia concertationum de pane azymo & fermentato in Cæna Domini. 284

Van den Honert (Jo.) Dissertationes Apocalyptica. 18

Langii (Car. Henr.) Observationes sacra. 600

Specimen Lectionum Euripidearum in

Phœnissar. ibid.

Macchiavellii (Alexandri) de Origine S. P. Dominici a splenda Guzmannotum familia vindicia. 562

Y y y y

Micha-

I N D E X

Michaelis (Jo. Georg.) <i>Observationes sacrae.</i>	420
Moshemii (Jo. Laur.) <i>Institutiones Historiae Christianae antiquioris.</i>	476
Pallionei (Dominici) <i>Acta Apostolica Legationis Helveticae, ab Anno 1723 ad Annum 1729.</i>	197
Pritii (Jo. Georg.) <i>Introductio in lectionem Novi Testamenti, novis Dissertationibus instructa a Car. Goul. Hofmanno.</i>	537
Radicati (Alb.) <i>Comitis Passerani, Collectio Libellorum curiosorum de rebus maximi momenti.</i>	360
Scharbau (Henr.) <i>Observationes sacrae. Pars III.</i>	85
Schellhornii (Jo. Georg.) <i>Amanitates Historiae Ecclesiasticae & Literariae. Tomus I.</i>	229
Schlichteri (Christian. Lud.) <i>de Panibus facierum, eorumque mysterio, Liber singularis.</i>	88
Syri (Ephraem) <i>Opera omnia. Tomus I.</i>	289
Tatti (Primi Ludov.) <i>Annales sacri civitatis Comi, locupletati a Joseph. Maria Stampa. Tomi III.</i>	149
Vigilii <i>Tappiani de Trinitate ad Theophilum Liber VI, editus a Joseph. Blanchino.</i>	602
Walddingi (Luca) <i>Annales Minorum, seu trium Ordinum a S. Francisco institutorum. Tomus I-IV.</i>	193
	Tomus V- VIII. 292
	Tomus IX- XII. 343
Wolfii (Christiani) <i>Theologia naturalis, methodo scientifica pertractata. Pars I.</i>	571
	Pars II. 623
Wollii (Christoph.) <i>in Ge. Englandi Inquisitionem in Moralia veterum Notae ac Observationes.</i>	162

II. Libri Juridici.

<i>Anonymi M. Minutii Felicis pro se & statu suo Epistola apologetica ad F. O. M.</i>	210
<i>Commentatio succincta in Codicem Juris, Statutarum Norici de A. 1564. Partes III.</i>	545
Bornii	

A U T O R U M.

- Bornii (Jac. Henr.) *Animadversiones in Joach. Schwarzii Disquisitionem Academicam, utrum jure culpandus sit Tribonianus, quod in componendis Pandectis ethnicorum hominum scripta compilarit?* 190
- Buderi (Christ. Gottl.) *de Feudis Officialium hereditariorum Procerum & Provinciarum regni Germanici.* 332
- Van Bynckershoek (Cornelii) *Questionum Juris publici Libri II.* 203
- Codex Theodosianus, cum Commentariis Jac. Gothofredi & novis Observationibus Jo. Dan. Ritteri. Tomus III. 663
- Corpus Juris Romani, cum Praef. Jo. Gottl. Heineccii. Tomi II. 66
- Cujacii (Jac.) *Observationum & Emendationum Libri XXVIII, cum Praef. Jo. Gottl. Heineccii.* 451
- Engavii (Jo. Rud.) *Elementa Juris Germanici civilis.* 26
- Gravinae (Jani Vinc.) *Opera, seu Originum Juris civilis Libri tres, de Romano Imperio liber singularis, Orationes, & Opuscula Latina; cum annotat. Gothofr. Mascovii.* 456
- Ex Gruberi (Jo. Dan.) *Literis ad F. O. M. excerpta sententia de Constitutionibus Friderici II Imp. Moguntiae 4.* 1235
- Germanice editis, vel non editis. 76
- Heineccii (Jo. Gottl.) *Opusculorum variorum Sylloge.* 68
- Elementa Juris Naturae & Gentium.* 592
- Leyseri (Augustini) *Meditationes ad Pandectas. Volumen VII & VIII.* 422
- Lipenii (Martini) *Bibliotheca realis juridica, denuo edita & aucta a Gottl. Aug. Jenichen.* 579
- De Meiern (Jo. Gothofr.) *Acta Comititalia Ratisbonensia publica. Tomus I.* 385
- Michellii (Dominici) *Advocatus, Dissertationibus illustratus.* 364
- Pagenstecheri (E. A.) *Juris Tractatus nonnulli, sparsim huc usque editi.* 673

I N D E X

- Schaumburgi (Jo. Godofr.) *de Constitutionibus Imperatorum antiquis Liber Commentarius.* 92
 Schwarzii (Joach.) *Disquisitio Academica, utrum jure culpandus sit Tribonianus, quod in componendis Pandectis ethnicorum hominum scripta compilaris?* 188
 Senckenbergii (Henr. Christian.) *Juris Feudalis prima Linca.* 366

III. Libri Medici & Physici.

- Albini (Bern. Siegfr.) *Icones ossium satus humani.* 359
 Anonymi *Experimenta medica, & Observationes, revise & publicata a Societate Edinburgensi. Volumen IV.* 632
 Behrii (Ge. Henr.) *Lexicon Physico-Chymico-Medicum reale.* 595
 Burmanni (Jo.) *Thesaurus Zeylanicus, exhibens Plantas in Insula Zeylana nascentes.* 511
 Calogieræ (Angeli) *Collectio Opusculorum scientificorum & philosophicorum. Tomus I & II.* 254
 Cope (Henr.) *Demonstratio medico-practica Prognosticorum Hippocratis.* 74
 Faudacq (F.C.) *Meditationes de Vulneribus.* 546
 Heisteri (Elia Frid.) *Apologia pro Medicis, qua eorum depellitur cavillatio, qui, Medicinam in atheismum aliosque in Theologia errores abducere, perhibent.* 220
 Hoffmanni (Frid.) *Medicina rationalis Systematica Tomi quarti Pars quarta.* 302
 Langrish (Brown) *nostri temporis Theoria & praxis medica.* 133
 Linnæi (Caroli) *Genera plantarum, eorumque characteres naturales.* 459
 Corollarium Generum plantarum. 465
 Methodus plantarum sexualis. ibid.
 Ludewig (Christian. Gottlieb) *Definitiones plantarum.* 48
 Malouini (M.) *Tractatus de Chymia.* 679
 Nar-

A U T O R U M.

Narducci (Thomasi) *Quantitas motus, aut vis aquarum fluentium, demonstrata in diversis earum statibus.* 683

Quesnaji (Franc.) *Tentamen physicum de Oeconomia animali.* 136

Regx (Henr. Joseph.) *Accurata medendi methodus, quantum fieri potest, ab omni hypothese abstracta.* 425

Ridley (Humphredi) *Observationes quadam medico-practicae & physiologicae.* 315

Sinopei (Damiani) *Paverga medica.* 76

Waltheri (Augustini Frid.) *Anatome scroti, entero - sarcocoele tumidi.* 370

Weinmanni (Jo. Guil.) *Phytanchozaiconographia. Volumen I.* 218

Voluminis II Missus I. 518

IV. Libri Mathematici.

Anonymi *Mercurius in Sole observatus Vienna d. 11 Novembr. A. 1736.* 138

Transitus Luna supra γ 8, seu primam fucularum in naribus Tauri, Vienna observatus nocte sequente diem 18 Nov. A. 1736. 139

Mercurius transiens per discum Solis, in eoque culminans, observatus Vienna d. 11 Nov. A. 1736. 141

Animadversiones in Propositionem XXI Libri VII Elementorum Euclidis. 596

Demonstrationum Algebraicarum Specimen, ex Euclidis Elementis depromptum. ibid.

Averanii (Nic.) *Diff. de Mensibus Aegyptiorum, edita ab Ant. Franc. Gorio.* 508

Bayeri (Theoph. Sigefr.) *de Horis Sinicis, & Cyclo horario, Commentationes.* 520

Bouguerii *de Causa inclinationis orbitalium Planetarum Dialogi tres.* 226

Brunetti (Franc. Xaver.) *Rationes circa incemmoda vel com-*

moda,
Yy yy 3

I N D E X

- moda, qua expectanda sunt Monialibus Turchinis a novo S. Philippi adificio. 637
- Calogieræ (Angeli) Collectio Opusculorum scientificorum & philologicorum. Tomus I & II. 254
- Capelli (Angeli) Astrosophia numerica, sive Astronomica supplicandi ratio. Partes II. 549
- Celsii (Andr.) de Observationibus, pro figura Telluris determinanda in Gallia habitis, Disquisitio. 317
- Euleri (Leonh.) Mechanica, sive Motus scientia, analytice exposita. Tomus I. 113
Tomus II. 262
- Jacquier (Franc.) & Tb. le Seur circa novum S. Philippi adificium Observationes Mathematicæ. 636
- De l'Isle Propositiones de Mensura Terræ, in Imperio Russia peragenda. 79
- Kœnig (Sam.) de Centro inertia atque gravitatis Meditationumcula prima. 34
- Leadbetter (Caroli) Uranoscopia, sive cælorum contemplatio. 427
- Locke (Rich.) Miscellanea mathematica. 430
- Manfredii (Eustachii) Congressus Mercurii cum Sole Bononia observatus die 11 Nov. A. 1736. 280
- Narduccii (Thomasii) Quantitas motus, aut vis aquarum fluentium demonstrata in diversis earum statibus. 683
- Revillas (Diego) Judicium, circa incommoda, quæ a novo S. Philippi adificio afferri possunt Monasterio Turchinarum, expositum. 637
- Servanzi (Caspar) de Mercurii novissimo infra Solem transitu. 472
- Le Seur (Thoma) & Franc. Jacquier circa novum S. Philippi adificium Observationes Mathematicæ. 636

V. *Libri Historici, Geographici, &c.*

Anonymi Historia universalis, ex Anglico in Belgicum translata, & observationibus aucta, per Cornel. Westerbahn. 60
Collectiorum a Russis gestarum. Pars IV, V, & VI.

497

Supplementum ad Lexicon historicum, genealogicum, geographicum, &c. Lud. Morerii. Tomi II. 567

Historia Paparum, a S. Petro usque ad Benedictum XIII. Tomus V. 667

Bruckeri (Jac.) Supplementa Historiæ Philosophicæ. 238

Cantemiri (Demetrii) de Othomannici imperii amplificatione & decrementis Historia. Parter II. 97

Celsii (Andr.) de Observationibus, pro figura Telluris determinanda in Gallia habitis, disquisitio. 317

Dunodi (F. Jo.) Historia Sequanorum, Provincia Sequanensis, & Burgundorum. Tomi II. 433

Gebhardi (Jo. Lud. Lev.) Reges Francorum Merovingici Documentorum auctoritate asserti. 364

Gœttenii (Gabr. Wilb.) Literata nostri temporis Europa. Pars II. 90

Granara (Jo. Steph.) de Antiquitate & origine urbis Romæ. 15

Hergott (Marquardi) Genealogia Diplomatica Augustæ gentis Habsburgicæ. Pars I. I

De l'Isle Praelectiones de Mensuræ Terræ, in Imperio Russiæ peragenda. 79

Kœleri (Jo. Dav.) Historicarum Amœnitatum, ex Numis perceptarum, Annus 1729, seu Pars I. 349

Lesseri (Frid. Christian.) breves Observationes de Sigillis quibusdam Nordhusanis. 643

Livii (T.) Historiarum ab urbe condita Libri, qui supersunt, omnes, ex ed. Arn. Drakenborchii. Tomus I & II. 481

De Ludewig (Jo. Petri) Reliquiæ Manuscriptorum omnis ævi Diplomatum & Monumentorum. Tomus XI. 641

Majan-

I N D E X

Majanſii (Gregor.) <i>Vita Emanuelis Martini, Eccleſia Alonenſis Decani.</i>	390
De Meiern (Jo. Gothofr.) <i>Acta Comititalia Ratiſbonenſia publica. Tomus I.</i>	385
Muratorii (Lud. Ant.) <i>Scriptores rerum Italicarum. Tomus XXVII.</i>	523
Raidelii (Georg. Mart.) <i>de Cl. Ptolemai Geographia Commentatio.</i>	652
Reinari (Henr. Sam.) <i>de Vita & ſcriptis Jo. Alb. Fabricii Commentarius.</i>	606
Schellhornii (Jo. Georg.) <i>Amanitates Historia Eccleſiaſtica & Literaria. Tomus I.</i>	229
Schlegelii (Chriſtiani) <i>Vita Caſparis Aquila, Ducalis Gothani Antiquarii & Secretarii.</i>	376
Tatti (Primi Lud.) <i>Annales ſacri civitatis Comi, locupletati a Joſeph. Maria Stampa. Tomi III.</i>	149
Zeiſchelii (Jo.) <i>Vita Chriſtiani Schlegelii.</i>	376

VI. Libri Miſcellanei.

Alberti (Jo.) <i>Gloſſarium Græcum in ſacros N. Fæderis libros.</i>	298
<i>Miſcellanea critica in Gloſſas Nomicas, Suidam, Heſychium, &c.</i>	ibid.
Anacreon, <i>numeriſ Italicis redditus a variis.</i>	419
Anonymi <i>Superſtitiones antiquæ & hodiernæ. Tomus I.</i>	145
M. Minutii Felicis <i>pro ſe & ſtatu ſuo Epistoſa Apologetica ad F. O. M.</i>	219
<i>Dilucidæ repræſentatio Bibliotheca Cæſaræa Viennenſis.</i>	300
<i>Supplementum ad Lexicon Hiſtoricum, Genealogicum, Geographicum, &c. Lud. Morerii. Tomi II.</i>	567
Ariſtæneti <i>Epistoſa Græcæ, ex ed. Jo. Cornel. de Pauw.</i>	22
Averanii (Nic.) <i>Diff. de Menſibus Ægyptiorum, edita ab Ant. Franc. Gorio.</i>	508
	Bal-

A U T O R U M.

- Balbuli (Notgeri) de illustribus S. Scripturarum expofitoribus libellus. 552
- Baringii (Dan. Eberh.) Clavis diplomatica, tradens fpecimina veterum fcripturarum. 502
- Bayeri (Theoph. Sigefr.) de Horis Sinicis, & Cyclo horario, Commentationes. 520
- Bruckeri (Jac.) Supplementa Hiftoria philofophica. 238
- Calogieræ (Angeli) Collectio Opufculorum fcientificorum & philologicorum. Tomus I & II. 254
- Catonis (Dionyf.) Diflicha de moribus ad Filium, ex ed. Ottonis Arnzenii. 105
- Cinelli (Jo. Calvoli) Bibliotheca volantis, continuata per Dionyf. Andr. Saucallanum, Repofitorium XXII. 240
- Drefigii (Sigifm. Frid.) Animadverfiones in Fabri Thefaurum Latine lingue. 687
- England (Georg.) Inquifitio in moralia veterum. 151
- Eufathii, Diaconi, Commentarii in Homeri Iliadem, Latine verfi, & Notis inftructi ab Alex. Polito. Tomus III. 615
- Fabricii (Jo. Alb.) Bibliotheca Latina media & infima ætatis. Volumen IV & V. 552
- Ficoroni (Francifci) Diff. de Talis & aliis instrumentis uforiis antiquorum Romanorum. 417
- Frœlichii (Erafmi) Quatuor Tentamina in re numaria veteri. 442
- Gorii (Ant. Franc.) Mufcum Etrufcum. Tomi II. 94
- Ex Gruberi (Jo. Dan.) literis ad F. O. M. excerpta fententia de Conftitutionibus Friderici II Imp. Moguniæ A. 1235 Germanice editæ, vel non editis. 71
- Havercampi (Sigeb.) Sylloge Scriptorum, qui de lingue Græcæ verâ & rectâ pronuntiatione Commentarios reliquerunt. 490
- Diff. de Literarum Gracarum varia in antiquis præfertim numis & marmoribus fcriptura & forma. ibid.
- Heineccii (Jo. Gottlieb) Opufculorum variorum Sylloge. 68
- Elementa Juris Naturæ & Gentium. 592
- Heinekenii (Carol. Henr.) Diff. de Sublimitate Longini. 479
- Hefiodi Afcræi qua fuperfunt, ex ed. Thom. Robinfon. 49

I N D E X

- Kœleri (Jo. Dav.) *Historicarum Amonitatum, ex Numis perceptarum, Annus 1729, seu Pars I.* 349
- Lesseri (Frid. Christian.) *breves Observationes de Sigillis quibusdam Nordhusanis.* 643
- Lipenii (Martini) *Bibliotheca realis juridica, denuo edita & aucta a Gottl. Aug. Jenichen.* 579
- Longini (Dionys.) *Liber de Sublimitate, Græce & Germanice editus a Carol. Henr. Heinekenio.* 479
- De Ludewig (Jo. Petri) *Reliquia Manuscriptorum omnis ævi Diplomatum ac Monumentorum. Tomus XI.* 641
- Martini (Eman.) *Epistolarum Libri XII. Tomi II.* 390
περί παθῶν, sive de Animi affectionibus, Liber. ibid.
- Montenari (Jo.) *Comitis & Jo. Polenii Epistola dua critica de antiquorum Theatris & Amphitheatris.* 142
- Noltenii (Rud. Aug.) *Commercium literarium clarorum Virorum. Tomus I & II.* 659
- Olearii (Godofr.) *Diff. de Poetris Græcis, Supplementis variis aucta a Jo. Christian. Wolfio.* 533
- Poëtiarum octo, Erinnae, Myrus, Myrtidis, Corinnae, Telephæ, Nossidis, Anytæ, Fragmenta & Elogia, Græce & Latine, ex ed. Jo. Christian. Wolfii.* 533
- Polenii (Jo.) *& Comitis Jo. Montenari Epistola dua critica de antiquorum Theatris & Amphitheatris.* 142
- Radicati (Alb.) *Comitis Passerani, Collectio Libellorum curiosorum de rebus maximi momenti.* 360
- Raidelii (Georg. Mart.) *de Cl. Ptolemai Geographia, ejusque Codicibus, iam MStis, quam typis expressis, Commentatio.* 652
- Reitzius (Jo. Frid.) *de Ambiguis, mediis, & contrariis.* 109
- Sarisberienfis (Jo.) *Carmen de Membris conspirantibus.* 552
- Sigonii (Caroli) *Opera omnia, collecta a Phil. Argelato. Tomus IV & V.* 241
- Tomus VI. 380
- Theophrasti *Characteres ethici, ex ed. Jo. Cornel. de Pauw.* 296
- Vogtii (Jo.) *Catalogus historico-criticus librorum rariorum, accurate Jano Librario.* 657
- Wolfii

A U T O R U M.

Wolffii (Christiani) Theologia naturalis, methodo scientifica pertractata.

Part I. 571

Part II. 623

Wollii (Christoph.) in Ge. Englands Inquisitionem in moralia veterum
Nota ac Observationes. 162

Xenophontis Memorabilium Socratis dictorum Libri IV, ex ed. Jo.
Aug. Ernesti. 53



I N D E X

RERUM NOTATU DIGNIORUM.

A	A.	Admiratio, vox ambigua. 112
Abzardi (Petri) vita & scripta. 560		Adorandi Reges vetustissima consuetudo. 67
Abbreviationes medii ævi descriptæ. 503	seq.	Advocare an sit causæ orare & 688
Accendo, vox ambigua. 112		Advocatus quatenus nobilis dicitur? 366
cum de auro dicitur, quid denotet? 695		ejus dignitas & requisita. ibid.
Accensorum nomen unde? 457		Ædificiorum aliis oppositorum incommoda. 637
Accensus an priscis Græcis nulli fuerint? 541		umbra quomodo definienda? 638
Acceptus, vox ambigua. 112		Ægyptiorum corruptissimus Deusculus. 157. 184
Acies, vox, an bellum denotet? 688		menses descripti. 509
Acroama de ipso histrione dicitur. 696		Æquinoctiorum processionis causæ. 228
Acta Eruditorum a Riccati accusatione vindicata. 258		Affectuum humanorum historia. 408
Actiones mala quæ? 574		Africanarum plantarum catalogi. 518
per se justæ & injustæ an dentur? 593		
Actioni equalis & contraria est reactio. 361		
		Z z z z 2
		Ag-

Agaso an sit servus?	688	Amicitia veterum paganorum lau-	
Albalinii, urbis, historia descripta.		data.	155 seq.
	498	Amor, principium Juris Naturæ.	
Alberti Austriaci proles & poster.			593 seq.
(Jo.) laudatus.	299	Amphitheatrorum antiquorum for-	
Albinus (Bern. Siegfr.) laudatus.		ma & structura.	143
	258 seq.	Amputatio pedis feliciter instituta.	
Alcarazius (Joach.) plagiarus.	401		635
ejus Diff. de		Anacreon Italice conversus.	419 seq.
Theatro Saguntino parvi esti-		ejus vita.	ibid.
manda.	ibid.	a variis illustratus.	420
Alemanniæ veteris Comites recen-		Anevrismatis cura descripta.	635
siti.	5	Anglia an sola optimorum ingenio-	
Alexandrini menses descripti.	510	rum genitrix?	151
Alfredi, Regis Angliæ, memoria in		Deistarum plena.	162 seq.
numo conservata.	353	Jctis olim destituta.	163
Algebraicarum demonstrationum spe-		Anguli Eclipticæ & Aquatoris mu-	
cimen ex Euclide.	596	tatio.	228
De Alliaco (Petri) vita & scripta.		Animi affectiones explicata.	408
	560	De Anthologiæ Græcæ Autore Diff.	
Alphabeta nonnulla medii ævi.	506	edita.	403 seq.
Alsatiam nunc Duces, nunc Comites,		Anthropomorphitæ qui?	630
nunc Landgraviæ, rexerunt.	7	Anthropophagiæ inter Christianos	
Amalteorum (Jo. Bapt. & Hieron.)		recipiende consilium.	361
fratrum notitia suppeditata.		Anytæ Carmina denuo edita.	535
	259	In Apocalypsin Commentarius pro-	
Ambiguae voces num dentur?	110	missus.	22
quid sint?	ibid.	Apocalypsis ad Epistolæ modum	
ab obscuris quomo-		conscripita est.	19
do differant?	111	Commentario illustra-	
		ta.	18 seq.
earum causæ.	ibid.	Apolloni (Petri) vita & scripta.	
collectæ.	111 seq.		560
Americanorum ritus sacri descri-		Apostolorum historia descripta.	
pti.	530		540

RERUM NOTATU DIGNIORUM.

De Apostolorum habitu sacerdotali Diff. 69	Athenis quot olim fora fuerint? ibid.
Aquarum fluentium vis sive quan- -titas motus. 683	Atheus an sit, qui, Deum se nescire, dicit? 223
Aquaviva (Franc.) laudatus. 406	Athletice vivere, proverbium illu- -stratum. 35
Aquilæ (Casp.) vita & in rem sa- -cræ merita. 376 seq.	Attractiones Newtonianæ defen- -sa. 227
De Aquilio (Corn. Gallo) Diff. 70	Atwelli (Josephi) de atato Hesiodi sententia. 51
Argelati (Phil.) in Opera Sigonii merita. 380 seq.	Auditus vitia unde? 309
Aristænetus, Epistolarum scriptor, quis fuerit? 22	quomodo tollenda? 310
ejus Epistola num ju- -ventutis commoda scripta? 23	Augustanæ urbis ciues clari recen- -sit. 378
a variis editæ. ibid.	Avtochiria quodammodo licita. 662
loca quadam e- -mendata. 24 seq.	Avtodidacti exemplum. 407
peffime tractatus a Pavio. 25	Axis planetarum parallelismus. 229
Arntzenii (Ottonis) in Cætonis Di- -sticha merita. 106	De Azymo & fermentato pane in Cena Domini controversia de- -scripta. 285 seq.
Assicurari merces quando possint? 206	B
Assernani (Joseph. Simonii) in Ephr. Syrum merita. 289	Baieri (Jo. Dav.) vita. 90
Athanasius an fuerit autor Enar- -rationis Symboli Apostolici? 605	Balbuli (Notgeri) de S. Scripturæ expositoribus liber editus. 559
Athei quatenus fuerint Stoici? 239	Bapianensium religio descripta. 531
qui sint? 629	Baringius (Dan. Eberh.) laudatus. 302
Atheismus debellatus. 629 seq.	ejus scri- pta promissa. 508
Ad Atheismum an Medicina ducat? 220 seq.	Barthius (Casp.) inhumane tracta- tus a Pavio. 25
Atheniensium respublica illustrata. 244 seq.	Belgiæ quadam voces ambiguae. 111
	Bel-

- Belgici Juris quæstiones quedam explicatae.** 207 seq.
Bellarmini (Rob.) Admonitio ad Episcopum Theapensem denuo edita. 202
Belli definitio. 203
indictio an sit necessaria? ibid.
Benedico, verbi, varia constructio. 689
Benefactum, vox, quid denotet? ibid.
Beneficium, vox ambigua. 112
Berengarii II, ultimi Italia Regis, memoria in numo conservata. 356
Bernæ urbis memoria in thalero conservata. 360
Bernholdi (Jo. Balb.) vita. 90
Bertrami (Jo. Frid.) vita. 90
Beyschlagii (Frid. Jac.) vita. 90
Bezæ (Theod.) de germana pronunciatione Græca lingua liber recens. 490
Bibliotheca Cæsarea Vindobonensis in arte representata. 300 seq.
Bireltonum Comitatus descripti. 6
Blæsenfis (Petri) vita & scripta. 560
Blanchini (Jos.) Apologia pro libro suo edita. 258
Blanci (Horat.) in Sigonii Hist. Ecclæ. Prolegomena laudata. 243
In Boccacii Decameronem Observationes editæ. 257
Bochartus (Sam.) laudatur. 405
Bodinus (Jo.) gravis Cujacii adversarius. 453
Bodmeria quid sit? 38
Bohemiz Chronicon denuo editum. 643
Boili, Angli impostoris, Systema vermium humanorum descriptum. 257
Bonaventuræ in Ordinem Minorum merita. 197
Bonitas Deo quæ competat? 576
Bonus, vox ambigua. 112
Brachium an denotet auxilium? 690
Brachmanorum ritus sacri descripti. 532
Brenia an sit civitas Imperialis? 387. 389
Briscensis obsidionis memoria in numo conservata. 359
Brisgovix pagi notitia suppeditata. 6
Browne (Thom.) ab Atheismi crimine liberatus. 224
Bruckneri (Guil. Henr.) vita. 91
Le Brun (Petri) Historia critica ætuum superstitionum denuo edita. 145
vita & scripta. 146
Brunsvicensium Scriptorum Notitia promissa. 508
Collectio ibid.
promissa. ibid.
Budæanz Philosophia arcanum. 662
Buderi

RERUM NOTATU DIGNIORUM.

Buderi (Christ. Gottlieb) vita.	91	Calogiera (Angelus) laudatus.	254
	<u>elogium.</u> 335	Calones & lixe qui sim?	696
Budrioli (Andr.) scripta quedam minora edita.	240	De Cambialis negotiationis vitis Diff.	70
Bulla varia Pontificum edita.	193	Campiani (Edmundi) de Concilio Tridentino Judicium denuo edi- tum, & sub judicium vocatum.	231
De Bünau (Henr.) vita.	91	Canis, symbolum Prophetæ.	421
Burgii (Jo. Frid.) vita.	90	Cannegjeteri (Henr.) de Distichis Catonis sententia, a Boxhorniana diversa.	108
Burgundiani Trans-Juranam qui olim Comites rexerint?	5	Canonis N. Testamenti historia.	543
Burgundorum historia descripta.	433 seq.	Cantemuri (Demetrii) Principis, vi- ta.	99
Burmamnus (Jo.) plantarum Zey- lanicarum diligens vestigator.	511		in literas me- rita. 100 seq.
Van Bynckershoek (Cornel.) lauda- tus.	203		Oibomannici Imperii historia laudata. 104 seq.
C , litera, in Diplomatis quid denotes?	505	Canuti M. Regis Angliæ, memoria in numis conservata.	354 seq.
Cachexia unde?	313	Cardanus (Hieron.) ab atheis fuit crimine liberatus.	222
ejus cura.	ibid.	Carolus VI literarum amantissimus Imperator.	301
uterina unde?	314	De Carpineo (Casp.) ad Confessa- rios Admonitio Latine versa.	206
ejus cura.	ibid.		
Caducorum & vacantium bonorum indoles.	92	De Caselli (Jo.) Epistolis judicium.	660
Caffarelli (N.) Dissertationes tres edita.	259	Casotti (Jo. Bapt.) de historia ur- bis Prætenfis Epistola edita.	256
De Caipha, ejusque vaticinio, Diff.	88		Cal.
In Calculo vesicae acus inventa.	635		
Caldani, Chabnyccorum Principis, res gesta.	501		
Cabneti (Augustin.) in Scripturam S. Commentarii laudati.	497		

I N D E X.

Cassianiana Telluris dimensio in du- bium vocata. 320	De Christi natiuitatis genuina æra Diff. 69
Catonis Disticha denuo edita. 105	Christiana doctrina omnis moralis doctrina verus fons. 152 seq.
loca quadam emendata. 106 seq.	Inter Christianos cur sint rari vir- tutum cultores? 161
an recte Catoni tri- buantur? 108	Ciceroni J Cei nomen assertum. 590
Catonum vitia detecta. 160	Cithardi (Matthiæ) de Ferdinandi I obitu Epistola e. M. S. edita. 233
Causa, vox, an denotet morbum? 690	de eo singula- ria. ibid.
Celidonius cujus Ecclesia Episcopus fuerit? 441	Civis Romani a penis certis im- munitas. 600
Celsi (Cornel.) aliquando edendi consilium. 110	Ciurelix (Anton.) Fanatici, in Con- cilio Tridentino vaticinium. 233
Centrum gravitatis & inertia. 36	Clementis XI Orationes recensite. 240
commune gravitatis sem- per quiescit aut movetur unifor- miter in directum. 41	vita descripta. 670 seq.
Ceræ rubre quando primum Sigil- la impressa? 644	in literatos amor. 671
Ceratini (Jac.) de Sono literarum liber recusor. 490	Clericus (Jo.) refutatus. 52. 63
Cerevisiam coquendi jus olim omni- bus commune. 28	Cochlæi (Jo.) scripta tria laudata. 240
Cerimoniarum gentium sacra figuris ancis representata. 337 seq.	nomen an a Germani- nico Læffel? 378
529 seq.	De Collegiorum & corporum apud Romanos origine Diff. 70
Chalcidius, Philosophus, num fuerit Christianus? 239	Comensis urbis historia descri- pta. 149 seq.
Chemiarum ortus & progressus descri- ptus. 679 seq.	De Cometis systema Tyebonicum refutatum. 660
principia explicata. 680	Comitum potestas in Belgio quan- do cessaverit? 207
De Chiffetii (Jo. Jac.) Historia Burgundorum judicium. 434	Ad Compendium scribendum quid requiratur? 367
Christi concio montana a paganis multis laudata. 176	Con-

RERUM NOTATU DIGNIORUM.

Conclamo etiam de uno homine dicatur. 697	Crucis supplicium olim exosum. 601
Concubinatus olim inter Clericos usitatus. 379	olim in Sigillis usus. 648
De Contringio (Herm.) singularia. 661	Cubi duplicatio nova falsa. 432
Constitutiones Moguntine anni 1235 an Germanice fuerint editæ? 71	Cudworthus refutatus. 239
Imperatorum antiqua Commentario illustrata. 92 seq.	Cujacius (Jac.) refutatus. 251
Consultare cum Accusativo & Dativo jungitur. 698	ejus adversariorum notitia suppeditata. 452 seq.
Controversiæ eruditorum vivide an injuriis sint accensende? 424	Curionis (Cælii. Sec.) de sua e vinculis liberatione Dialogus denuo editus. 234
Cope (Henr.) laudatus. 74	Curva pressioniis aquabilis. 269
Cor & pulmones embryonis ad examen revocati. 316	recessus & accessus aquabilis. ibid.
De Corano singularia. 612 seq.	Curvæ brachystochronæ. 269. 276
Corinnæ Carmina denuo edita. 335	tautochrone. 272. 276
Coronatio Regis Romanorum descripta. 386	Cuevarum synchronarum consideratio. 266. 277
Corporis animalis partes solidae explicata. 138	Cyclus horarius Sinicus. 521
Corpus a pluribus potentiis sollicitatum. 120	animalium Sinicus. ibid.
Cottæ (Jo. Frid.) vita. 91	Cypriani (Ern. Sal.) vita. 90
Creatio divina demonstrata. 575 seq. 625 seq.	
In Creaturas quale jus Deo competit? 578	D
Crescentii Cardinalis literæ e MSto edita. 232	Davidis II, Regis Scotia, memoria in numo conservata. 355
Criminalis Juris Institutiones promissa. 33	Defensiones rerum quomodo elaboranda? 424
	Deistæ defensi. 361
	qui sint? 630
	Deistarum serax inprimis M. Britannia. 162
	Delirium in quo consistat? 310
	quomodo curandum? 311
	Denarius S. Petri Pontifici ab Anglis solutus. 352
	De Deo sententia paganorum. 157
	Aaa aa Deo.

I N D E X

Deorum plurium unde apud paganos origo?	183	Dierum solarium inaequalitas ex duplici causa.	428
cultus omnibus fere gentibus communis.	338	Dietericus (Jo. Georg. Nic.) laudatus.	219
Desidia maris apud Apulejum quid denotet?	698	Diphthongorum quot sint genera?	492
Deum verum an omnes olim gentes sub fictis notionibus coluerint?	182	In Diplomate quae inprimis requirenda?	3
Deus quid sit?	224. 571	Diplomaticae Germanorum lites descriptae.	507
ejus attributa ex ratione demonstrata.	572 seq. 623 seq.	Diplomatum notitia commendata. 2 nota descripta.	3
intellectus qualis?	572. 625 seq.	Germanicorum primum quo anno conditum?	ibid.
praescientia demonstrata.	ibid.	parum accurate editorum specimina.	504
ratio quae sit?	ibid.	ultra ter mille Volumina in Bibliotheca Ludewigiana.	643
potentia & voluntas.	573. 625 seq.	Divitiarum contemptus in priscis paganis laudatus.	155
decreta omnia ab aeterno.	574	Dolae urbis antiquitas vestigata.	436 seq.
sapientia & bonitas demonstrata.	575 seq.	Dominica dies an sit prima hebdomadae dies?	18
creatio & providentia demonstrata.	576 seq. 626 seq.	S. Dominici verus ortus.	562
in creaturas jus demonstratum.	578	Dominium eminens quando exerceri possit?	208
voluntas, principium Juris Nat.	593	Domitii (Cn.) factum laudatum.	153 seq. 172
De Dextri (Flavii) Chronico Hispaniae iudicium.	405	Donellus (Hugo) gravis Cujacii adversarius.	453
Deylingii (Salom.) vita.	90	Drakenborchii (Arn.) in Livium merita.	483 seq.
Diaconi (Pauli) vita & scripta.	559	Drefigii (Sigism. Frid.) in Fabri The-	
Dix, Insula, descripta.	690		
Didymi Scholia in Homerum Anonymo cuidam tribuenda.	617		

RERUM NOTATU DIGNIORUM.

<i>Theſaurum Annotationes editæ.</i>	Embryonis cor & pulmones ad ex-
688 ſeq.	amen revocati. 316
Druidæ Metemphychoſin docuerunt.	Engavius (Jo. Rud.) laudatus. 27
239	ejus Jurispru-
Duarenus (Franc.) gravis Cujacii	dentia criminalis Inſtitutiones
adverſarius. 453	promiſſæ. 33
Ducatus aureus Mariæ, Hungaro-	Engelſchallii (Car. Frid.) vita. 90
rum reginæ. 350 ſeq.	In Englandi (Georg.) Moralia ve-
Ducis Galeatii Ma-	terum Annotationes Wollianæ.
ria Sportia. 359	164 ſeq.
Sophia, Electricis	Entis neceſſarii exiſtentia demon-
Saxonia. ibid.	ſtrata. 571. 623
Gerlaci, Elect. Mo-	Ephemerides Sinicæ. 522
gunтини. 360	Epicureorum dogmata. 631
E.	Epicuri philoſophia an deſendi poſ-
Eccleſiæ ſeptem in Apocalypſi quid	ſi? 239.
denotent? 19	Episcopalis muneris ratio & digni-
antiquioris fata deſcri-	tas. 199
pta. 476 ſeq.	Epistolarum ſeptem Apocalypſica-
Ab Eckhart (Jo. Georg.) ad Paſſio-	rum argumenta. 21
neum Epiſtola edita. 200 ſeq.	edendarum qualis eſ-
magnus reli-	ſe ſcopus debeat? 659
gionis & pietatis affectator. 201	Equidem, particula, an prima tan-
Eclipses ſolares quomodo computan-	tum perſonæ jungatur? 397
da? 430	Erinnæ Carmina denuo edita. 534
Eclipsium nova doctrina. 550	Erneſti (Jo. Aug.) in Libros Memo-
Elementa in corpore animali quæ?	rabilium Socratis merita. 55 ſeq.
137	Etruræ antiquitates deſcriptæ. 95
Elongatio Veneris & Mercurii	Evangelistarum hiſtoria deſcripta.
maxima. 429	540
Ad Eloquentiam quantum condu-	In Euchariſtia ſine azymus, an ſer-
cant liberales artes? 616	mentatus, panis adhibendus?
Emblemata Scripturæ S. collecta.	285 ſeq.
237 ſeq.	Euclidis quadam demonſtratio im-
	probata. 597

Eugenii IV Papa memoria in num- mo conservata.	356	Feudale Jus quomodo cum fructu tractandum?	367
Eugubina tabula explicata.	95	in compendio tradi- tum.	ibid.
Euripidis lectio interpreti N. T. commendata.	601	ejus scriptores recen- siti.	358
Eustathii loca varia illustrata.	616	fontes.	ibid.
Exaudio, an sit idem, ac precibus annuere?	699	Feudum quid sit?	369
		Feuerlini (Jac. Wilh.) vita.	90
		Flatulentia intestinorum unde?	313
		quomodo tol- lenda?	ibid.
F aber (Ant.) Cujacii adversarius.	455	Focus idem ac ara.	699
Fabia lex de Plagiariis cum Porcia non confundenda.	250	Fodinarum jus quibus competat apud Germanos?	30
In Fabri (Bas.) Thesaurum Annota- tiones criticæ.	688	Fœtus humani ossa descripta, & in are expressa.	260
Fabricii (Jo. Alb.) character animi expressus.	554	Per Fo-Hi, Tzincensium Imp. pri- mum, quis designetur?	65
		Fonsecæ (Joseph. Marie) in Wad- dingi Annales Minorum merita.	193
Facinus (Bern.) Planisphærologii no- vi artifex.	256	De Formulatiæ veterum Romano- rum Jurisprudencia Oratio.	70
Febres nervosæ quæ?	636	Fornerius (Gwil.) Cujacii adversa- rius.	454
Fatalifinus quatuorplex?	630	S. Francisci Ordinis Historia. ple- nior edita.	194
Febris catarrhalis nausarum Rus- sicorum explicata.	79	vita.	195
Febrium natura & causa explicata.	134	canonizatio.	196
Felix an eum denotet, qui alios felices facit?	691	Francorum Reges Merovingici ex documentis eruti.	355
Ferrum an Hesiodi ætate cognitum fuerit?	53	Freherus (Marqu.) an fuerit Cujacii adversarius?	455
Feuda officialium hereditariorum Germania quæ?	333	Frickii (Jo.) vita.	90
horum origo.	369		

A Fritsch

RERUM NOTATU DIGNIORUM.

<i>A Fritsch (Th.) aureo torque ab Imp. donatus.</i>	<i>591</i>	Gigantum an gentes integra olim exstiterint?	<i>64</i>
<i>Frælich (Erasmus) laudatus.</i>	<i>443</i>	<i>Glassey (Adami Frid.) vita.</i>	<i>91</i>
<i>Furnesterus (Zach.) an fuerit Cujacii adversarius?</i>	<i>455</i>	<i>Glossarium Græcum in N. Testam. editum.</i>	<i>299</i>
		<i>Golii Lexicon Arabicum laudatum.</i>	<i>613</i>
G	G.		
<i>Gzertneri (Car. Wilh.) vita.</i>	<i>91</i>	<i>De Goluti (Lud.) Historia Burgundorum judicium.</i>	<i>434</i>
<i>Gæsum, teli genus, illustratum.</i>	<i>397</i>	<i>Gonorrhœa unde?</i>	<i>314</i>
<i>Galerus (Claud.) ab Atheisimi crimine liberatus.</i>	<i>222</i>	<i>ejus cura.</i>	<i>ibid.</i>
<i>Galli quales se gesserint in bello Valentino?</i>	<i>406</i>	<i>Gordonius (Franc. Marsus) Cujacii adversarius.</i>	<i>455</i>
<i>Gangræna cortice peruviano curata.</i>	<i>632</i>	<i>Gorii (Ant. Franc.) Museum Etruscum descriptum.</i>	<i>94</i> seq.
<i>Gebhardi (Jo. Lud. Lev.) laudatus.</i>	<i>364</i>	<i>Florentinum</i>	
	<i>ejus Opus</i>	<i>laudatum.</i>	<i>508</i>
<i>promissum.</i>	<i>ibid.</i>	<i>in Diff. Nic.</i>	
<i>Geminæ duæ explicata.</i>	<i>401</i>	<i>Averanii merita.</i>	<i>ibid.</i>
<i>Gendræus (Claud.) ineptus Cujacii adversarius.</i>	<i>455</i>	<i>Gothofredi (Jac.) Opera affecta.</i>	<i>667</i>
<i>Generatim, vocola, quid denotet?</i>	<i>699</i>	<i>Gottschedii (Jo. Christoph.) vita.</i>	<i>91</i>
<i>Geographia N. Testamenti illustrata.</i>	<i>542</i>	<i>Gottschlingii (Cass.) vita.</i>	<i>ibid.</i>
<i>Gerhardo (Ephr.) Diff. quadam vindicata.</i>	<i>590</i>	<i>Græcæ lingue pronuntiatio recta quomodo obtinenda?</i>	<i>491</i>
<i>Germani (Jo.) vita Philippi Boni, Burg. Ducis, edita.</i>	<i>642</i>	<i>Græcarum literarum hoc ævo contentus unde?</i>	<i>54</i>
<i>Germanica lingua quando primum in judicii usitata?</i>	<i>72</i>	<i>varia scriptura ex numis demonstrata.</i>	<i>490. 492</i> seq.
<i>Germanici Juris Elementa tradita.</i>	<i>27</i> seq.	<i>neccitas demonstrata.</i>	<i>616</i>
<i>Germanorum nomina misere transformare solent Galli.</i>	<i>570</i>	<i>Græci Auctores qua ratione edendi?</i>	
		<i>Gravinæ (Jan. Vinc.) Origines Juris Civilis laudatæ.</i>	<i>405</i>
		<i>denuo edita.</i>	<i>456</i>
		<i>vita.</i>	<i>ibid.</i>

Gravinæ (Jano Vinc.) plagium im- merito objectum. 457	Hallbauri (Frid. Andr.) vita. 91
Gravitationis & inertiae centrum coin- cidit. 36	Hama, vocabulum, quid notet? 424
Gregorii XIII Pont. vita descripta. 669 seq.	Harenbergii (Jo. Christoph.) scripta quadam recensita. 662
Grodeckii (Gabr.) scripta. 611	Havercombii (Sigeb.) in literas Gre- cas merita. 490 seq.
Gruteri (Jani) Lampas critica de- mo edita. 335	Hegiræ cum Christiana æra com- parande ratio. 101
Gugel quid denotet? 355	Heineccius (Jo. Gottlieb) laudatus. 25. 68 seq.
A Guttenberg (Ge. Herm.) vita & elogium. 233 seq.	Juris Ju- stiniani strenuus defensor. 66 seq. de Jure Naturæ præclare meritis. 392 seq. ejus cum Pagenstechero controversia. 679 (Jo. Mich.) defensus. 217
H abere rem cum aliquo, an sit negotiarum? 691	Heinekenius (Car. Henr.) laudatus. 479
De Habitu Apostolorum sacerdotali Diff. 69	ejus in Lon- ginum merita. ibid.
Habspurg nominis origo. 7	De Helmsladio funditus delendo consilium Brunsvicensium. 660
Habspurgensis Comitatus in Argovia descriptus. ibid.	Helvetiorum Historia ecclesiastica, illustrata. 198 seq.
Habspurgicæ domus origo an ab Ita, Radoboniis conjuge? 4	Helvigii (Joach. Andr.) vita. 91
gentis quæ olim terræ & possessiones? 6	Herculis gesta in numis represen- tata. 448
genealogia illu- strata. 1 seq.	filius an fuerit solutus? 692
Sigilla & insi- gnia explicata. 8	Hergott (Marqu.) laudatus. 2
ex Diplomati- bus deducta. 9 seq.	Hermannus (Jo. Gozfr.) laudatus. 285
in tabula re- presentata. 9	Her-
Habspurgicarum rerum Historia MSæ. 5	
Halcyonii dies unde dicti? 691	

RERUM NOTATU DIGNIORUM.

Hertelii (Jo. Frid.) vita.	91	Hoffmanni (Leonb.) vita.	ibid.
Hesiodus in Anglia recens editus.	49	(Car. Gottlob) in Priiti	
ejus vita & scripta.	50	Introductionem in N. Test. merita.	538 seq.
atas in quæ tempora			
incidat?	50 seq.	Van den Honert Commentarius in	
Homerum an atate supe-		Apocalypsin promissus.	22
ret?	51	Horarius lunaris, instrumentum.	
loca quedam emen-			551
data.	51 seq.	Hostibus quantum liceat in bona	
Hesychiani Lexici nova editio pro-		alterius hostis?	204
missa.	298	Hotomannus (Franc.) Cujacii ad-	
Heumannus (Christoph. Aug.) iri-		versarius.	454
tavum habet Casp. Aquilam.	378	S. Huberti cultus superstitiosus.	148
Hieronimi (Car.) de Monstro hu-		Equitum historia descri-	
mano singulari Epistola edita.		pta.	ibid.
	259	De Hübneri (Jo.) versione libri Kem-	
Hilfcheri (Sim. Paul.) vita.	91	pisiani singularia.	556
Hippocratis de signis eventuum eru-		Humorum in corpore humano ratio	
endis sententia examinata.	74	explicata.	137
prædictiones medica		Hydrops unde?	313
quem usum prabeant medicis?	75	ejus cura.	ibid.
de atheismo postulati,			
defensio.	222		
Hirtio qui tribuuntur libri tres, an		J	L
sint ejusdem?	403	Jacturæ denotata largitiones.	700
Hispania barbarie adhuc nimis a-		Sub Jani nomine quis lateat?	17
mans.	390 seq. 393-399	Janenistarum & Molinistarum con-	
Historiam universalem scribendi in-		troversia unde?	672
situtum Anglorum.	60 seq.	Jantkii (Jo. Jac.) vita.	91
Hockeri Jo. Lud.) vita.	90	Icterus unde?	312
Hoffmanni (Frid.) vita.	ibid.	ejus cura.	ibid.
laudes.	303	Idealistæ qui?	631
Opera omnia		Jenichii (Gottlob Aug.) in Lipenii Bi-	
promissa.	336	bliothecam juridicam merita.	580 seq.
(Gothofr. Aug.) vita.		Jesuitarum nomen ante Jesuitas co-	
	21	gnitum.	234
			Ignes

<i>Ignes lambentes corporum animato-</i>	<i>Inscriptiones nonnullae ex Transyl-</i>
<i>rum.</i> 257	<i>vania allatae.</i> 615
<i>Illuminatorum secta descripta.</i> 672	<i>Insignia quando primum Diplomati-</i>
<i>Imitationis oratoriae praecepta.</i> 398	<i>bus addita?</i> 3
<i>Immortalis de homine vivente dici-</i>	<i>Insinuare idem est ac initiare.</i> 702
<i>tur.</i> 701	<i>Instrumenta duo nova ad eclipses</i>
<i>Imperare sibi, quid denotet?</i> 692	<i>desiniendas.</i> 551
<i>Cum Imperio esse, quid denotet?</i> ibid.	<i>ad motus caelestes desini-</i>
<i>Imperium idem, ac exercitus.</i> 701	<i>endos.</i> ibid.
<i>Incendo, vox ambigua.</i> 112	<i>Intellectus Deo qualis competat?</i>
<i>De Incessu, animi indice, Diss.</i> 69	572. 624 seq.
<i>Inclinationis orbitarum Planetarum</i>	<i>Intercalandi ratio apud Sineser.</i>
<i>causa.</i> 227	522
<i>Indorum Orientalium ritus sacri</i>	<i>Intestinum duodenum descriptum.</i>
<i>descripti.</i> 531 seq.	633
<i>Dii descripti.</i> 532 seq.	<i>Joachimi, Abbatis Sec. XII, vita &</i>
<i>Inertiae vis & centrum.</i> 34. 120	<i>scripta.</i> 553
<i>& gravitatis centrum in</i>	<i>Joachimi (Christ. Gott.) vita.</i> 91
<i>quovis corporum systemate coin-</i>	<i>In Joeleno novus Commentarius edi-</i>
<i>cident.</i> 36	<i>tus.</i> 618 seq.
<i>Infamia major & minor quibus</i>	<i>Iselii (Jac. Christoph.) in Carmen</i>
<i>olim apud Germanos iniusta?</i> 29	<i>quoddam antiquum Notae editae.</i>
<i>Infelix, vocis, activa significatio.</i> 702	235
	<i>Isernodorum unde dictum?</i> 410
<i>Injuriis an accensenda sint erudito-</i>	<i>ejus antiquitas illu-</i>
<i>rum controversia?</i> 424	<i>strata.</i> ibid.
<i>Inquisitio Pontificiorum descripta.</i>	<i>Isidori (Hispalensis) vita & scri-</i>
343	<i>pta.</i> 555
<i>Inscriptio arcus Septimii Severi ex-</i>	<i>(Mercatoris) vita & scri-</i>
<i>plicata.</i> 258	<i>pta.</i> ibid.
<i>Saguntina explicata.</i> 401	<i>Italia an omnium nationum Transal-</i>
<i>Romana rarior explicata.</i> 402	<i>pinarum magistra?</i> 258
<i>Marti Segemoni posita.</i> 439 seq.	<i>Italicae Antiquitates medii aevi pro-</i>
	<i>missae.</i> 526
	<i>Italicarum rerum Scriptores novi</i>
	<i>editi.</i> 527 seq.
	Itoc

RERUM NOTATU DIGNIORUM.

Iter facere quid denotet? 703	Kohlreiffi (Godofr.) vita. 90
Judæorum ritus sacri descripti. 339	Kortholti (Christ) vita. 91
De Judicantium circa reorum doctrinæ fessiones religione Diff. 70	K. lausiacæ (Luise Adelg. Victorie) vita. ibid.
Judicium idem ac testamentum. 703	
Juliani (Savii) historia explicata. 70	
De Jureconsultis semidoctis Diff. ib.	De L acedæmoniorum & Athenien- um temporibus Diff. 246
reformationi eccle- sia preludentibus Diff. ibid.	L. ekmanni (Adam. Henr.) vita. 91
Jureconsultorum triplex genus. 674	Lactantii (L. C.) vita & scripta. 556 seq.
Juris Germanici elementa explica- ta. 27 seq.	Langii (Car. Henr.) vita. 91
Romani Corpus recens editum. 66	doctrina lau- data. 601
a calumniis ibid.	Legatorum jura illustrata. 207
vindicatum. ibid.	Lehmanni (Jo. Jac.) vita. 91
Feudalis elementa explicata. 367 seq.	Lelandi (Jo.) vita & scripta. 553
Naturæ principium quale? 593	Lemovicensis (Jo.) vita & scripta. ibid.
De Jurisdictionis patrimonialis ori- gine Diff. 72	Supplementum somnia moralis Pharaonis denuo editum. ibid.
De Jurisjurandi suppletorii lubrici- tate Diff. ibid.	lentus, vox ambigua. III
De Jurisprudentia Romanorum for- mularia Orat. ibid.	Leonini, versus unde dicti? 557
Justiniani Imp. fama vindicata. 67	Leonis Mutinensis Historia rituum Hebraicorum Gallice versa, & denuo edita. 339
De Juventio (P. Celfo) Diff. 70	Monachi Sec. XII vita & scripta. 557
K emmerichii (Diet. Herm.) vita. 91	Lesseri (Frid. Christ.) vita. 90
De Kempisii (Th.) Libris IV de Imitatione Christi singularia. 555	De Levis note macula Diff. 70
Klausingii (Henr.) vita. 90	Lexici Moræriani historia literaria. 567 seq. Supplementa edi- ta. 568 seq.

Bbbb b

Le.

I N D E X

- Lexicon medicum editum. 595 seq.
- Leyferus (Augustin.) laudatus. 423
- Martyrum juridicorum numero adscriptus. 590
- Librorum quorundam variorum notitia. 234 seq. 658
- Liebknechtii (Jo. Ge.) vita. 90
- Limperani (G. Pauli) de Partu viperarum per os contingente Epistola edita. 255
- Linnaeus (Car.) laudatus. 460
- in plantarum generibus disponendis artifex peritus. 460 seq.
- ejus plantarum methodus sexualis descripta. 465 seq.
- methodus plantarum adoptata. 520
- Lipenii (Mart.) Bibliotheca juridica auctior edita. 580 seq.
- vita. 589
- Lipothymia in quo consistat? 311
- quomodo curanda? ibid.
- Lippomani (Aloysii) Litera e MSto edita. 232
- Literarum origo explicata. 503
- Livii locus explicatus. 397
- loca nonnulla emendata & illustrata. 483 seq.
- Læberi (Christian.) vita. 91
- Læscheri (Val. Ern.) vita. 90
- Loganius (Jo.) notatus. 612 seq.
- Lombardi (Petri) vita & scripta. 560
- Longinus (Dionys.) Germanice conversus. 479
- ejus vita. 480
- De Lotharingix Ducum prerogativis Diff. 70
- Lucernas veterum colligendi institutum. 565 seq.
- Luckii (Jo. Jac.) Sylloges Numismatum notitia suppeditata. 349
- Luctus Græcorum descriptus. 602
- De Ludewig. (Jo. Petr.) Diplomatum ultra ter mille Volumina possidet. 643
- Lues venerea quomodo curata? 632
- Lulli (Raymundi) vita & doctrina. 294
- Luna qua vi ad plannum Eclipticæ trabatur? 130
- ejus transpositus supra primam ficularum in naribus Tauri observatur. 139
- aucta celeritas tum, cum nova est, exiguam latitudinem habet. 229
- Lunæ locus verus exacte computandus. 429
- Lundii (Zach.) in vertendis libris Græcis industria. 611
- Lusoria instrumenta veterum Romanorum illustrata. 417 seq.
- Lutheri (Mart.) nuptia descripta. 378
- Lyra (Nic.) vita & scripta. 559
- M.

RERUM NOTATU DIGNIORUM.

M illonii (Jo.) <i>Diff. de variis scripturarum modis</i> denuo edita. <u>304</u>	Marbodi, <i>AEpiscopi Redonensis, vita & scripta.</i> <u>558</u>
Maderni in Sigonii de Jure Romano libros merita. <u>248</u>	Pro- ibid.
Maffæi (Alex.) in Sigonii de Rep. Hebreorum libros merita. <u>242</u>	verbia edita.
(B. Thomæpii) <i>Dissertationes due</i> editæ. <u>259</u>	ibid.
In Maffæi (Scip.) <i>Corpus Inscriptionum</i> merita Em. Martini. <u>402</u>	Marci nomen cuidam familia proprium. <u>447</u>
Magdeburgensia <i>Chronica recensita.</i> <u>557</u>	Marix, Hungarorum Regine, memoria in Ducato conservata. <u>350</u>
Magnanimitas veterum paganorum laudata. <u>155</u>	fata descripta. <u>350</u> seq.
Majanus (Grægor.) laudatur. <u>393</u>	De Marito tutore & curatore uxoris legitimo <i>Diff.</i> <u>70</u>
Malachiz, <i>AEpiscopi Iliberni, vita & scripta.</i> <u>557</u>	Marpergeri (Bernh. Waltheri) vita. <u>99</u>
cinia descripta. <u>ibid.</u>	Martelli (Petri Jac.) vita. <u>259</u>
Malæ actiones quæ? <u>574</u>	Martinus (Eman.) laudatur. <u>391</u>
Malatestæ (Sigism. Pandulfi) memoria in numo conservata. <u>352</u>	ejus scripta. <u>392</u>
Maledicere cum Accusativo jungitur. <u>703</u>	Epistola laudata. <u>390</u> seq.
Malum quotuplex? <u>573</u>	de Theatro Saguntino <i>Diff.</i> denuo edita. <u>401</u>
an mundi præstantiam infringat? <u>ibid.</u>	Carmina laudata. <u>407</u>
Manfredii (Eustachii) <i>Observatio Eclipsos lunaris</i> edita. <u>240</u>	vita. <u>400</u> seq.
Vercellensis, vita & scripta. <u>557</u>	Martyrum (Petrorum) vita & scripta. <u>560</u>
Manichæorum vera dogmata. <u>631</u>	Mascovii (Jo. Jac.) vita. <u>91</u>
Manuscripti Codices in Hispania varii latent. <u>403</u>	res Germanorum in varias linguas translate. <u>591</u>
	(Goibofr.) in Grævine Origines Juris civilis merita. <u>457</u>
	seq.
	Materialistæ qui? <u>630</u>
	Matheos in Theologia usus. <u>259</u>
	Maurianæ, urbis, antiquitas illustrata. <u>439</u>
	Mau-

I N D E X

- Maurocordati (Alexandri) Principis in literas merita. 98
- Mazonii (Jac.) de triplici hominum vita liber explicatur. 239
- Mechanicæ vera principia. 118
- Mechanicarum potentiarum mysterium ex circulo demonstratum. 431
- Medendi morbis accurata methodus descripta. 425
- Medicæ observationes in Lexicon redactæ. 595 seq.
- Medicamenta quotuplicis sint generis? 427
- Medicina ab atheismo liberata. 220 seq.
- ad religionem quam maxime ducit. 221. 225
- Medicorum in Theologiam merita. 225
- Mekerchii (Ad.) de veteri pronunciatione linguae Græcæ liber recusus. 490
- vita. 491
- Membris genitalibus caruisse primos homines, sententia Paracelsi. 63
- Menckeni (Frid. Ott.) in novam Lipenii editionem merita. 581
- Ad Menckonium (Frid. Ott.) Epistola Aug. Leiseri. 424
- De Menckeno (Jo. Burch.) varia falso narrata a Gallis. 570
- Mendozæ (Casp.) Marchionis Mondexarensis, scripta. 404
- Menses *Ægyptiorum* descripti. 509 seq.
- cum Romanis comparati. 510
- Alexandrini descripti. ibid.
- De Mercatorum, qui foro cesserunt, rationibus & codicibus Diss. 70
- Mercurii in Sole observatio. 141. 280
- per solem transitus observatus. 472
- ita observati loca quomodo in typum Astronomicum referenda? ibid.
- motus geocentricus ad heliocentricum revocatus. 475
- Merillius (Edm.) Cujacii adversarius. 455
- Merovingici Francorum Reges ex documentis eruti. 365
- Merulæ (Pauli) vita & scripta. 558
- Metallorum natura explicata. 681
- Meteora ignea, per noctem volantia, & urendi vi prædita. 257
- Meuschenii (Jo. Gerh.) vita. 90
- Microscopium, quo vermes humani dignoscuntur, inventum. 257
- Militum testamentum privilegiatum explicatum. 675 seq.
- Minianæ de Bello Valentino Opus sub judicium vocatum. 397
- Ministrissimatus crimen quale? 424
- Minorum Ordinis historia plenior edita. 194 seq. 293 seq. 344 seq.
- Minutio (M. Felici) inter causidicos Roman-

RERUM NOTATU DIGNIORUM.

<i>Romānos locus assignatus.</i>	210	Moreniani Lexici historia literaria.	567
	seq.		seq.
<i>Miracula soli Deo vindicata.</i>	575		Supplementa edi-
<i>Moguntinæ Constitutiones anni</i>		1a.	568
<i>1235 an Germanice fuerint editæ?</i>			seq.
	71	horum	labeccula
<i>historia Scriptores re-</i>		notata.	570
<i>centii.</i>	558	Morum doctrina veterum Christia-	seq.
<i>Mohammedanæ & Pontificiæ reli-</i>		norum commendata.	152
<i>gionis parallelismus.</i>	363	Christi in concione	
<i>Moneta vox unde?</i>	17	montana explicata.	176
<i>Monetariorum in numis cudendis</i>		Moshemius (Jo. Laur.) laudatur.	
<i>lapsus.</i>	448		478
<i>Monogramma quid sit?</i>	504	ejus Insti-	
<i>Monstrum humanum, formam ra-</i>		tutiones Historiæ Christianæ anti-	
<i>na similem habens.</i>	259	quioris denuo editæ.	476
<i>Montenari (Jo.) Comitis cum Jo.</i>		Motorum status liber & non liber.	
<i>Polenio de Amphitheatris vete-</i>			116
<i>rum controversia.</i>	143	Motichmanni (Justi Christoph.) vi-	
<i>Montium altitudo per barometra</i>		ta.	91
<i>determinata.</i>	84	Motus corporis finiti resultat ex	
<i>De Moralis doctrina inter Hebræos</i>		motibus omnibus punctorum.	116
<i>fatis Diff.</i>	87	absolutus & relativus.	117
<i>Morbi nautarum Russicorum indi-</i>		rectilineus puncti liberi, a	
<i>cati.</i>	76	potentiis absolutis sollicitati.	120
		curvilineus puncti liberi.	
<i>omnes an a vermibus?</i>	257		126
<i>chronici duplicis generis.</i>		corporum in orbibus mobili-	
	303	bus.	129
<i>quomodo curandi?</i>		orbis per quascunque	
	305	curvas.	130
<i>Morborum prædictiones Hippocra-</i>		in superficie convexa vel	
<i>tica quantum valeant?</i>	75	concava.	ibid.
<i>prima origo unde repe-</i>		corporis aut puncti non li-	
<i>tenda?</i>	426	ber.	262
<i>accuratum scrutinium</i>		oscillatiorius explicatus.	266
<i>commendatum.</i>	ibid.		

I N D E X

Motus <i>turbinatorius explicatus.</i>	268	Nebrissenfis (Æl. Ant.) <i>vita & feri-</i>	
Mundium <i>quid sit?</i>	28	pta.	558
Mundus <i>hic optimus.</i>	627	Nemea <i>ubi sita?</i>	693
A Muneribus publicis <i>an peregrini</i>		Nervos <i>quales morbi afficere soleant?</i>	305 seq.
<i>excludendi?</i>	208	Neubaueri (Ern. Frid.) <i>vita.</i>	91
Muratorii (Lud. Ant.) <i>in Scriptores</i>		Neutarum partium <i>gentes quomo-</i>	
<i>Italia merita.</i>	523 seq.	<i>do se gerere erga partes bellige-</i>	
	novum Opus	<i>rantes debeant?</i>	205
<i>promissum.</i>	526	S. Newsky (Alexandri) <i>Russorum</i>	
Murenſium Actorum <i>atas & av-</i>		<i>Imp. vita.</i>	497 seq.
<i>servia.</i>	3	Newtonus <i>notatus.</i>	41
Mylio (Jo. Henr.) <i>Dissertationes</i>		Nobilitas <i>idem est ac fama.</i>	704
<i>duæ adſcriptæ.</i>	590 seq.	Nodorum <i>ſunarium retardatio.</i>	229
	ejus <i>institu-</i>	Noltenii (Rud. Aug.) <i>ſcripta.</i>	659
<i>tum Theophili Paraphraſin eden-</i>		Nordhuſana <i>quadam Sigilla deſcri-</i>	
<i>di.</i>	592	<i>ta.</i>	643 seq.
Myrtidis <i>Carmina denuo edita.</i>	535	Norimbergenſe <i>ſus ſtatutarium ex-</i>	
Myrus <i>Carmina denuo edita.</i>	534	<i>plicatum.</i>	545 seq.
	seq.	Noſſidis <i>Carmina denuo edita.</i>	535
		Nummatix rei <i>utilitas demonſtra-</i>	
		<i>pta.</i>	443
N	N.	Nummi <i>genus apud Hebræos ſingu-</i>	
Naturale <i>in ſtilo quid ſit?</i>	480	<i>lare.</i>	17
Naturales <i>effectus a non naturalibus</i>		<i>originem Romæ indicantes.</i>	
<i>quomodo diſtinguendi?</i>	148	<i>ibid.</i>	
Naugerii (Andr.) <i>ſcripta quadam</i>		<i>quo tempore primum in Ita-</i>	
<i>minora edita.</i>	240	<i>liam introducti?</i>	ibid.
De Navibus <i>ob veſturam vetitarum</i>		<i>varii, Romam oſtendentes,</i>	
<i>mercium commiſſis Diff.</i>	70	<i>explicati.</i>	17 seq.
Navis <i>quando pro occupata haberi</i>		<i>figuram locuſta Orientalis</i>	
<i>poſſit?</i>	204	<i>exhibentes.</i>	237
<i>navi quam reverentiam præ-</i>		<i>ſupplicantium geſtus expri-</i>	
<i>ſtare ſoleat?</i>	209	<i>mentes.</i>	318
Nautarum <i>Ruſſicorum morbi expli-</i>		<i>Sigismundi Pandulſi Ma-</i>	
<i>cati.</i>	76 seq.	<i>lateſta.</i>	332

Nummi

RERUM NOTATU DIGNIORUM.

Nummi *S. Petri, ab Anglis Pontifici soluti.* 352 seq.

Alfredi, Regis Angliæ. 353

Canuti Magni, Regis Angliæ. 354 seq.

Davia's II, Regis Scotia. 355

Eugenii IV, Papæ. 356

Rogerii II, primi Sicilia

Regis. ibid.

Berengarii II, postremi

Italia Regis. ibid.

Petri Schumacheri, Dania

Cancellarii. 357 seq.

Hadriani VI, Papæ. 358

Philippi Reinhardi, Comitis Solmenfis. ibid.

Francisci, Comitis Valestorum. ibid.

Henr. Hermannii, Baronis de Burchmilchling. ibid.

Sigismundi Augusti, Regis Pol. ibid.

Caroli Gustavi, R. Suec. ibid.

variorum varii. ibid.

Wilhelmi, Imperatoris. ibid.

Philippi Magnanimit. 359

Georgii, Landgravii Leuchtenberge. ibid.

Philippi II, Ducis Brunsv. ibid.

Grubenhagenfis. ibid.

Henrici, Junioris, Ducis Brunsv. Lun. ibid.

in obsidionem Brisacensem. ibid.

Caroli, Ducis Gelriae. 360

Bernæ urbis. ibid.

Hispanorum quales adul-

terini? 400 seq.

nonnulli coloniarum Romanarum. 444

nonnulli Sinopenfes explicati. ibid.

varii illustrati. 446 seq.

urbium Græce loquentium. ibid.

Gabenorum cui urbi adscri-

bendi? 447

Herculis varii. 448

monetariorum culpa vi-

tiosi. ibid.

suberati nonnulli suspecti. 450

Græcarum literarum scripturam illustrantes. 492 seq.

Judaici explicati. 542

Nummorum origo quæ? 17

Nummos quis primus historice exposuerit? 358

Nummus fertilitatem Ægypti indicans. 444

Corimbiacus explicatur. ibid.

Philippensis explicatur. 445

Julia Augusta. ibid.

Tyriorum. ibid.

Getæ descriptus. 450

Nu-

I N D E X

Nuptiæ quæ sint prohibita? [676](#)
 Nuptias iustas quatenus soli cives
 Romani contraxerint? [250](#)

O.
 Observationes medica in Lexi-
 con redactæ. [596](#)
 Torneenses pro de-
 terminanda figura Telluris de-
 fensa. [220](#)

Cassiniana in du-
 bium vocata. [ibid.](#)
 Ad Occupationem quid requira-
 tur? [423](#)

Oculi motus descripti. [634](#)

Officialium hereditariorum Ger-
 mania feuda quæ? [333](#) seq.

Olearii (Jo. Christoph.) vita. [90](#)
 (Gothofr.) de Poetriis Græcis
 Diff. edita. [536](#)

Olenus an fuerit urbs Bæotia? [693](#)

Omnipotentia divina demonstrata.
[573. 626](#) seq.

Opii sinistri eventus. [632](#)

Opinator an sit, qui dubitat de
 omnibus? [693](#)

Optinus, vox ambigua. [112](#)

Orbitæ planetarum elliptica perfe-
 ctioni machina celestis an dero-
 gent? [431](#)

Orientiorum vita & scripta. [559](#)

Ortlobii (Jo. Christoph.) vita. [91](#)

D'Orville (Phil. Jac.) in Carmina
 veterum Poetriarum merita. [535](#)

Ossa saturs humani descripta. [260](#)
 seq.

Ossium humanorum icones de-
 lineata. [ibid.](#)

P.

Pagani an sancti, quam Chri-
 stiani, vixerint? [152](#)
 qui sint? [631](#)

Pagenstecher (E. A.) obscuritatis
 amantissimus. [674](#)

ejus cum
 Heineccio controversia. [679](#)

Pagius (Ant.) laudatur. [405](#)

Palearii (Aonii) de Concilio Triden-
 tino Epistola e MSto edita. [231](#)
 vita. [ibid.](#)
 vivicomburium. [668](#)

Palesii (Jo. Felicis) in Gruteri Facem
 criticam merita. [336](#)

Pandectæ an recte a Triboniano ex
 ethnicorum scriptis sint compila-
 tæ? [189](#)

an sint ordine concinno
 composita? [192](#)

De Pane azymo & fermentato in
 Cæna Domini controversia descri-
 pta. [285](#) seq.

Panes facierum descripti. [88](#) seq.
 eorum typica signi-
 ficatio. [89](#)

Panichii (Tubalci) de promiscua V.
 S. & Voi scriptura Epistola edi-
 ta. [257](#)

Panvinii (Onuphr.) vita & scripta.
[559](#)
 Par-

RERUM NOTATU DIGNIORUM.

Partus viperarum per os contingens. 255	Petri Cellensis vita & scripta. 569
Parvi (Jo.) de cade perduellum doctrina defensa. 424-554	Chuniacensis vita & scripta. ibid.
vita & scripta. 554	Dresdenſis vita & scripta. ibid.
Paſſionei (Dominicus) laudatus. 198	Dünſburgenſis vita & ſcripta. ibid.
ejus inret Helvetios geſta ſacta. ibid.	Pillaviſienſis vita & ſcripta. ibid.
ad Jo. Ge. 202	Philippi Boni, Burgundie Duci, vita edita. 642
Eccardum Epistoſa. 202	De Philoſophis ſemichriſtianis Diſſ. 70
In Patino Inſula num Joannes exitum ſuſtineret? 21	Proſphori corporum animatorum deſcripti. 257
Patriz amor in priſciſ paganis laudatus. 135	In Photii Lexico obuii Autores collecti. 299
Patriciorum ordo deſcriptus. 28	Phthiſis unde? 312
Paulus (Julius) Hrus, deſenſus. 679	ejus cura. ibid.
Pauli V Pont. res geſte deſcriptæ. 671	Piccolominei (Æneæ Sylvi) Orat. ſu-nebris in Fridericum Auguſtum, Pol-Regem, edita. 140
De Pauw (Jo. Corncl.) reſutatus. ſeq.	Pii cognomen an ſoli olim Antonino fuerit? 92
laudatus. 24	V Pont. v tu deſcripta. 668
inhumanitatis ac- ibid.	Viratæ qui ſint? 206
cufatus. 297	eorum jura illuſtrata. ibid.
ſtum merita. 297	Placenta uteri deſcripta. 634
Pecunia vox unde? 17	Plagiarius an fuerit Gravina? 457
Pedem referre, quid denotet? 694	Plagiarii exemplum novum. 401
Pelagii unde originem duxerint? 16	De Plagiariis Lex Fabia cum Porcia not. confundenda. 259
Pendulorum ſecunda vibrantium lon-gitudo in diverſis regionibus. 81. 267	De Plagio literario novum Opus pro-miſſum. 591
De Pennaliſimo in Academiis abolendo conſilium. 390	Planchetus Hiſtoriam Burgundie mi-natur. 441
Perafiani (Sofimi) de Chriſto paſcla ſuum celebrante Diſſ. edita. 288	Planetarum inclinationes & nodi quo-nodo inveſtigandi? 139
Perduelles occidere an privatis licet? 423	anctæ viſ in conjunctioni-bus prope nodos. 229
Pereo, verbum amatorium. 693	orbitæ ellipticæ improbatæ. 431
Perſecti notio explicata. 179	Planiphærologium artiſcioſiſſimum. 255
Perotti (Nic.) vita & ſcripta. 559	Plantæ Zeylanicæ collectæ & deſcriptæ. 511 ſeq.
Peruviani corticis in cura gangrenæ uſus. 632 ſeq.	Plantarum definitiones ſuppeditatæ, 48
Petere aliquem, etiam vim rogandi habet. 793	collectio Weinmanniana lau-data. 219-519
Petrarchæ (Franc.) vita & ſcripta. 569	Plantæ
Petri Caſinenſis vita & ſcripta. ibid.	

I N D E X

Plantarum genera descripta.	459 seq.	scribenda ab eruditis Italis vita	
characteres expositi.	459	ipsorum consilium.	236
sexus & connubium descri-		Postliminii jus in quo consistat?	206
ptum.	462 seq.	Potamon quo vixerit Seculo?	239
variae classes in Tabulam		Potentiae absolutae & relative.	118
reducta.	464	solicitantes corpori moro ap-	
secundum se-		plicate.	264
xum indicata.	465 seq.	Potentialium mechanarum mysterium	
Africanarum catalogi.	518	ex circulo demonstratum.	431
Plathneri (Christoph. Frid.) vita.	91	Præcessionis æquinotiorum cause.	228
Platinæ (Barthol.) vita & scripta.	560	Prædictiones morborum Hippocraticæ	
Platonis Academia ubi sita fuerit?	239	quantum valeant?	75
Plinius Junior an ad fidem Christia-		Præfecti prætorio quot olim in Orien-	
nam se converterit?	150	te fuerint?	665
ejus vita.	ibid.	Præscientia Dei demonstrata.	572
A Pœnis ceteris immunitas civis Roma-		De Præscriptione annali Juris Lubee-	
ni.	609	ensis Diss.	70
Pœtices vera ratio.	406	Pratensis urbis historia illustrata.	256
Pœtarum veterum Carmina denuo edi-		Praxillæ Carmina denuo edita.	535
ta.	534 seq.	Pressio in superficiem, in qua corpus	
notitia suppedita-		moveretur.	264. 278
ta.	536 seq.	Preu (Georg. Mich.) vita.	90
Poggii (Franc.) vita & scripta.	560	Principis in Republica jura quæ?	208
Poleni (Jo.) cum Jo. Montenari de Am-		Priritii (Jo. Ge.) Introductio in N. Test.	
phibitæ veterum controversia.		auctior edita.	527 seq.
	143 seq.	Promittere idem est, ac votum facere.	706
Poli (Rich.) ad Eduardum IV Epistola		Pronuntiatio recta cujusque lingue ne-	
edita.	231	cessaria.	491
De Poli (Rich.) adversus Henricum VIII		Græcæ lingue quo-	
libro singularia.	230 seq.	modo obtinendo?	ibid.
Politi (Alexandri) in Eustathium meri-		Græcæ lingue antiqua ab	
sa.	616	bodierna differ.	497
Politiani (Angeli) Carmen quoddam e		Providentia divina demonstrata.	576
MSro edition.	240	seq.	628 seq.
Polyporum natura explicata.	311	De Psalterio Cardin. Thomasti judici-	
cura quæ?	ibid.	um.	200
Pontificiorum ceremoniæ sacræ descri-		Ptolemæi (Cland.) vita & scripta.	653
pæ.	341 seq.	Geographiæ historia	
& Mohammedanorum		literaria.	653 seq.
comparatio.	363	Codex Eb-	
Pontificum vitæ descripta.	668	nerianus laudatus.	655 seq.
De Porcia (Joannartici) Comitissæ de			Pulci

RERUM NOTATU DIGNIORUM.

Pulcil (<i>Alexii</i>) scripta quædam minora edita.	240	Richter (Georg. Frid.) vita.	91
Pullos ex ovib. produciendi per fornaces, ars <i>Aegyptiorum.</i>	65	De Riga (Petri) vita & scripta.	560
Pulmones embryonis ad examen revo- cati.	316	Ritteri (Jo. Dan.) in <i>Codicem Theodo- sianum</i> merita.	663 seq.
Purpuram sumere, quid denotet?	694	Robertus (Jo.) <i>Cujacii adversarius.</i>	434
Purpureus, vox ambigua,	111	Robinsoni (Thomæ) in <i>Hesiodum</i> me- rita.	42 seq.
		Rochyzanz (Jo.) vita & dogmata.	347

Q	Q
Quadrans novus laudatus.	429
horarius planetarius.	551
Quadratura circuli nova.	431
Quæstio an sit vox <i>Larina</i> ?	397
Quirini Cardinalis <i>vita & laudes.</i>	609

R	R.
Radicati (<i>Alb.</i>) notatus.	361
Ranzani (<i>Petri</i>) <i>vita & scripta.</i>	560
Rariorum quorundam librorum noti-	
tia.	224 seq. 658
Ratio Deo qualis competat?	572
Ratisbonensium Comitum <i>Acta pu-</i>	
blicata.	385 seq.
In Reformationem <i>Noribergensem</i>	
<i>Commentarius editus.</i>	545 seq.
Regis Romanorum electio & coronatio	
descripta.	386
Reimarus (<i>Henr. Sam.</i>) laudatus.	607.

Reitzius (<i>Jo. Frid.</i>) laudatus.	109
Erga Religionem reverentia veterum	
paganorum laudata.	156
Religionis in Belgio quæ ratio?	209
libertas commendata.	388
Repressaliorum jura illustrata,	207
Resistentiæ lex.	123
Riccatus Comes male defendit <i>Vallif-</i>	
nerum & <i>Italam</i> contra <i>Acta</i>	
<i>Erud.</i>	238
omnes nationes <i>Transalpinas</i>	
calumniatur.	ibid.

Rogerii II, primi <i>Siciliæ Regis,</i> memo-	
ria in numis conservata.	336
(<i>Abv.</i>) <i>Diff. de ritibus Brach-</i>	
manorum denuo edita.	532
Rollii (<i>Reinh. Henr.</i>) <i>vita.</i>	90
Roma an sit ab alio, quam <i>Romulo,</i> con-	
dita?	15
ejus origo a variis varie tradita.	16
Rudolphi <i>Habsburgici</i> proles & poster.	
	11
Rusii (<i>Jo. Reinh.</i>) <i>vita.</i>	90
Russia oportuna dimensionibus terra ibi	
instruendis.	83
Russicæ <i>historiæ</i> pars descripta.	498 seq.
Russici <i>Chronici Theodosiani</i> excerpta.	499 seq.
Russicorum <i>nautarum morbi</i> indicati.	76

S	S.
Sacerdotum divina dignitas demon-	
strata.	199
ordo pessime tractatus.	362 seq.
Sacramenta septem <i>Ecclesiæ Romanæ</i>	
descripta.	342 seq.
De Sacrificio cordis <i>Diff.</i>	421
De Saguntino <i>Theatro</i> <i>Diff.</i>	401
Salinariz <i>Germanorum Leges</i> expli-	
cata.	31
Salutationis varia olim genera.	107
Sanguinis an per pulmones transitus sit	
in embryone?	316 seq.
Cccc c 2	Sanna-

I N D E X

Sannarum septem genera <i>descripta</i> .	424	Deut. XXXII, 7.	620
Sapientia Deo quæ competat?	575	XXXIII, 10, 11.	422
De Sapientia veræ falsæque characte- ribus Diff.	69	Judic. XI, 35.	621
Sarisberienfis (Jo.) vita & scripta.	554	Sam. IX, 19.	620
de Membris conspi- rantibus Carmen denuo editum.	ib.	XV, 23.	ibid.
Sub Saturni nomine quis lateat?	17	XXI, 5, 6.	89
Schamelii (Jo. Martini) vita.	90	Reg. XVI, 2.	618
Schelhornius (Jo. Ge.) laudatus.	230	2 Reg. II, 23, 24.	421
ejus ad J.G. Lotterum Epi- stola denuo edita.	ibid.	2 Chron. XXXVIII, 17.	618
Schlegelii (Christiani) vita.	378	Nehem. VIII, 15.	63
Schmolekii (Benjam.) vita.	90	Esther. IV, 1.	621
Schættgenii (Christiani) vita.	91	Job XVI, 15.	63
Schumacheri (Petri) Danicæ Cancellar- iæ, memoria in numo conservata	357	XXXII, 7.	620
seq.		Psal. XXIV.	377
Schwarzius (Joach.) Triboniani defen- sor.	190	XXXVII, 4.	85
ejus Observationes		LI, 19.	ibid.
Juris Rom. promissæ.	190	LPIII, 14.	ibid.
refutatus.	191	LXXXIV, 12.	ibid.
(Jo. Conr.) refutatus.	232	LXXXVIII, 57.	ibid.
Sciatericum Sini. um.	521	CVI, 45.	621
Sconratio quid sit?	82	CXLVII, 10.	87
Scoti (Jo. Dunst.) vita & dogmata	294	Prov. XXX, 25, 26.	621
Scriptura mediæ ævi illustrata.	506	Cant. IV, 4.	237
ejus origo.	503	9.	ibid.
Scripturæ S. Emblemata collecta.	237	Ej. VI, 1 seq.	238
loca explicata aut illustrata:		VIII, 4.	618
Gen. III, 24.	63	XIV, 29.	87
VI, 3.	64	XXXII, 19.	237
VIII, 21.	86	LPI, 10, 11.	237. 421
XLIV, 12.	621	LXII, 3.	257
XLIX, 12.	86	Jerem. VIII, 12.	ibid.
Levit. XIX, 28.	421	Ezech. XIII, 18.	63
XXI, 5.	ibid.	XXIX, 3.	237
Deut. VIII, 15.	87	XLVII, 10.	ibid.
XIV, 1.	421	Joel I.	618
XXIII, 1-3.	86	II.	ibid.
		III.	622
		IV, 19.	ibid.
		Jon. III, 10.	621
		Zephan. I.	87
		Zach. I, 8.	237
		V, 5 seq.	238
		XIV, 20.	237
			Matth.

RERUM NOTATU DIGNIORUM.

<i>Matth. V.</i>	161	<i>Apor. XII.</i>	19
<i>VIII, 20.</i>	87	<i>L.</i>	238
<i>IX, 12, 13.</i>	362	<i>XIII, 1—10.</i>	19
28.	238	<i>XIV, 9—21.</i>	237
<i>XII, 20.</i>	86	<i>Scroti entero-sarcocoele tumidi, anatome.</i>	270 seq.
<i>XIX, 24.</i>	237	<i>Sculptorum errores in formis nummorum.</i>	448
<i>XXII, 1—14.</i>	87	<i>Sectio debitorum antiqua proprie intelligenda.</i>	418
<i>XXVI, 65.</i>	621	<i>Segemon vox unde?</i>	439
<i>Luc. II.</i>	541	<i>Senatusconsulta an ante Imperatores leges fuerint?</i>	249
<i>V, 38.</i>	237	<i>Senckenbergii (Herr. Chrifl.) vita.</i>	91
<i>XXIII, 33.</i>	600	laudes.	367
<i>Joan. IV, 22.</i>	87	<i>Sensuum usus an sit fallax?</i>	405
<i>XI, 49—51.</i>	88	<i>Septem spiritus Apocalyplici quid denotent?</i>	19
<i>XIX, 23.</i>	87	<i>Epistole apocalyptrice illustrata.</i>	21
<i>XX, 1.</i>	288	stelle in Apocalypsi quid denotent?	22
9.	421	<i>Sequanorum historia descripta.</i>	433
<i>Act. II, 3 seq.</i>	622	<i>De Serpente seductore sententia Josephi & aliorum.</i>	63
16 seq.	237	<i>ibid. Serpentis Mosaiici figura quæ?</i>	87
<i>IX, 15.</i>	600	<i>ibid. Sessio denotat iudicium.</i>	646
<i>XVI, 37—39.</i>	174	<i>ibid. Severi (Suspicii) Historia sacra Commentarii Sigonii illustrata.</i>	242
<i>Rom. L.</i>	622	<i>86 Siberi (Urban. Godefr.) vita.</i>	90
<i>XII, 6, 8.</i>	423	<i>ibid. Sigilla quædam Noradhusana descripta.</i>	643
<i>XIV, 23.</i>	237	horum quæ olim forma?	652
<i>1 Cor. IX, 9.</i>	622	circumscriptiones & litteræ.	ibid.
<i>XII, 8—10.</i>	28.	<i>De Sigillis veterum singularia.</i>	8 seq.
<i>XIV, 6.</i>	26.	<i>Sigillum quid sit?</i>	504
<i>26.</i>	168	<i>Sigonii (Caroli) Opera laudata.</i>	242
<i>XF, 17.</i>	86	<i>Historia ecclesiastica edita.</i>	242
<i>1 Cor. IV, 6.</i>	421	in jus Romanum metita.	247
<i>Gal. III, 1.</i>	622	<i>Ccccc c 3</i>	Sigonii
<i>Ephef. IV, 11.</i>	601		
<i>2 Tim. II, 14.</i>	64		
<i>1 Petr. III, 20.</i>	604		
<i>1 Jo. V.</i>	19		
<i>Apoc. I, 4, 5.</i>	20		
9.	19		
<i>III, 1.</i>	237		
<i>IV, 5—19.</i>	19		
<i>V, 6.</i>	237		
8.	ibid.		
<i>IX, 3 seq.</i>			

I N D E X

Sigonii (Carol.) de antiquo jure civium Rom. libri emendati. 248	Struvii (Frid. Gottlieb) vita. ibid.
ab accusatione Grævii vndiciæ. 212	Sublimitas in quo consistat? 438
absoluta. 380 seq.	a magnitudine quomodo dif- ferat? ibid.
Operum collectio nova	Subsistere hostem, an idem sit, ac ex- cipere? 694
Silvestri (Camilli) de Inscriptione arcus Septimii Severi Epistola edita. 258	Suetoslai, Rufforum Imp. res gestæ 500
Simonis (Rich.) in Leonem Murinensem Dissertationes denuo editæ. 339	Suevi nunc dicti? 355
Sinicarum horarum ratio. 521	In Suidæ Lexicon Animadversiones editæ. 299
Sixti V Pont. vita descripta. 669	Superi etiam homines dicti. 710
Socratis virtutes examinatae. 172 seq.	Superior ætas idem est ac præcætor. ibid.
Soporosis affectibus quæ medicina ad- hibenda? 306	Superstitiones antiquæ explicatae. 145 seq.
Speculor a speculo derivatum. 708	Syllabarum quot sint genera? 492
Spenerus (Phil. Jac.) defensio. 662	Sylvii (Æneæ) <i>Urales</i> funebres editæ. 240
Speccelli (Alexandri) scripta quædam minora edita. 240	Symbolum Nicanum denuo editum. 606
Spinosissimi vera ratio. 631	In Symbolum Apostolicum Enarratio anecdota edita. 603
Spiritus septem in Apocalypsi quid de- notent? 17 seq.	ejus Autor quis? 604
Staalhoffii (Jac.) vita. 90	Symmachii Papæ vita. 606
Staphyli (Frid.) Consultatio de religio- ne in Austria instauranda s. M. ro edita. 233	Synagoga Judæorum descripta. 341
Starckii (Sebast. Godofr.) conatus Ara- bici. 613	Synedrium Judæorum descriptum. 340 seq.
Steckius (Jo.) Cujacii adversarius. 455	Syrbii (Jo. Jac.) vita. 91
Stellæ septem in Apocalypsi quid deno- tent? 22	Syrli (Ephr.) Opera recens edita. 289 seq. 604
Stephani (Henr.) Apologeticum denuo editum. 490	horum editiones va- rie recensite. 290
Stoici quatenus fuerint arbei? 239	loca quædam emendata. 290 seq.
Stoicorum doctrina an cum Christia- norum Theologia conveniat? 189 192	
Stollii (Gottlieb) vita. 91	
Streetii error circa temporis æquatio- nem. 428	
Struvii (Burch. Gottbelf) vita. 91	
Diff. de cri- veris MStorum denuo edita. 505	
	T.
	Tabulæ Astronomicae. 430. 549
	motuum cælestium nova me- thodo condendæ. 551
	Tali veterum Romanorum illustrati. 417
	horum ludus a quo inventus? ibid.
	Tatti

RERUM NOTATU DIGNIORUM.

Tatti (<i>Primi Lud.</i>) vita.	150	Theophili Paraphrasis Institutionum	
Taurellus (<i>Nic.</i>) ab atheismi crimine		a variis edita.	591 seq.
liberatus.	222	Theophrasti Characteres ethici demum	
Tavtochronismus a priori investigan-		editi.	296 seq.
dus.	122	loca quaedam emendata.	297
Teichmeyer (Herm. Frid.) vita.	91	Thiersii (Jo. Bapt.) de Superstitioni-	
Telefilla Carmina denuo edita.	535	bus liber denuo editus.	145
Telluris figura determinata.	317	Thomasi (Joseph. Mariae) Indiculus	
Temperamenta in corpore animali va-		Institutionum Theologicarum vete-	
ria considerata.	138	rum Patrum denuo editus.	200
Temporis aequatio quomodo compu-		De Thomasi (Joseph. Mariae) no-	
tanda?	428	va Psalterii editione judicium.	ibid.
De Temporibus Atheniensium & La-			
cedaemoniorum Diff.	246	Tollere risum, quid denotet?	695
Terra mensura accurata.	79	Trajectoria corporum in medio unifor-	
ambitus.	80	mi utriusque resistente.	126. 131
vera figura nondum plene defi-		Tranquillitas animi somnum hominis	
nita.	81	bonum.	188
dimensio quomodo instituenda?	84	Tressini (Jo. Ge.) Carmina quaedam	
De Testamentificatione Jure Germ. ar-		edita.	240
etissimis limitibus circumscripta		Triangulorum resolutio sine canone	
Diff.	70	Sin. & Tang.	432
ejus origine, &		Tribonianus a calumniis vindicatus.	68
ritu testandi antiquo Diff.	71	an recte Pandectas ex	
V. Testamenti recte interpretandi dif-		ethnicorum scriptis compilavit?	189
ficultates.	618	seq. 191 seq.	
Testamentum privilegiatum militum		paganismi accusatus.	191
explicatum.	675 seq.	Tribus vox unde?	248
N. Testamentum qua sit lingua scri-		a curiis differunt.	ibid.
ptum?	540 seq.	De Tridentino Concilio scripta varia.	
In N. Testamentum Glossarium edi-			231 seq.
tum.	299	Trithemii (Jo.) vita & scripta.	554
Tetractys Pythagorica explicata.	422	S. Truperti Acta cujus autorita-	
De Theatro Saguntino Diff. edita.		ris?	3
	401	Tumor insignis scroti.	370 seq.
Theatrum & Amphitheatrum an olim		Turcorum Hægira explicata.	101
idem?	143	nomen quando primum in-	
Theodosiani Chronici Russici excerpta.		vakierit?	102
	429		
Theodosianus Codex a variis illustr-			
atus.	664		

Tur-

Turcorum Imperatorum regia stirps a quo descendat?	103	Verpoortanii (Alb. Mennonis) vita.	90
	<i>vita.</i> 103	Verticium celestium diversus motus in diversis a centro distantis.	218
Tutela mulierum cessitia an a Constantino M. restituta fuerit?	251	Vertigo quomodo curanda?	308
De Tutela suprema Principum magistratuumque Diff.	70	Vesontio cur Chrysopolis olim appellata?	438
Tychonicum de Cometis systema restitutum.	660	Vesontionis antiquitas illustrata.	435
Typographicæ artis origines illustrata.	235		seq.
Tyrthenorum nomen unde?	16		nominis origo. 436
		Ab Uffenbach (Zach. Conr.) memoria renovata.	239
		Vici (Jo. Bapt.) vita, ab ipso conscripta.	256
		Victori an omnia in victum liceant?	204
U.		Vigilii Tapfitani de Trinitate Liber VI editus.	626
Vacantium & caducorum bonorum diversa indoles.	92	Villegatis (Ferd. Ruizii) Carmina laudata.	402
Vacuæstus an sit vox Latina?	398		seq.
Vadatus an sit, qui in jus vocat?	695	In Vendemia feriæ olim judiciariæ.	216
Vale & salve, formula, quomodo usi sint veteres?	397	Vindobonensis Bibliotheca Casarea in ære representata.	369
Valerini (Adriani) Epithalamium editum.	240		seq.
Valliniærii de Planisphærologio novo Epistola edita.	255	Vindonissensis Comitatus an recte veteribus Habsburgi Comitibus tribuatur?	4
	<i>Commentationes tres editæ.</i> 257	De Vincis (Petri) vita & scripta.	560
Vaninus (Jul. Caf.) ab atheismi crimine liberatus.	222		
	<i>an fuerit Medicus?</i> ibid.	Viperæ an per os gravidæ fiant & pariant?	255
Velocitatis incrementa momentanea.	119	Virgilii versus figurarum plenus.	397
Venz sectio in febribus quomodo institienda?	135	De Virgula divinatoria sententia Brunni.	146
jugularis sectio in febribus commendata.	136	Virium centralium problema inversum.	127
	<i>an in morbis chronicis adhibenda?</i> 304	Virtus moralis quid sit?	179
Veneris & Mercurii maxima elongatio.	429	Virtutem veram colere, quid sit?	181
Venti australis insalubritas.	638	Virtutes paganorum num sunt perfectæ?	178
Vermium ad exponendas morborum causas systema novum.	257		seq.
			<i>an Christianorum virtutibus sint præferendæ?</i> ibid.
		Virtutum inter veteres paganos selecta exempla.	159
			Vir-

RERUM NOTATU DIGNIORUM.

Virtutum cultores cui sint inter Chri-
stianos vari? **161**

Vis corporum acceleratrix & motrix.

inertie. **37**
34. **120**

prement, deficiente, & gangrenia-
lis, corporis in qualibet superficie
mori. **278**

Visiones emblematico. prophetica ex
monumentis antiquis illustrata. **238**

Vita propria ab eruditis scribenda.

De Vitriaco (Jacobi) vita & scripta. **256**

De Ulpiani, Acti, hebraïsmis Diff. **553**

Umbra gnomonis quomodo determinan-
da? **70**

Unionis inter Pontifices & Protes-
tantes consilium. **662**

Voluntas Dei explicata. **572** 625 seq

principium Juris Natu-
rae. **593**

De Voragine (Jac.) vita & scripta. **553**

Vota cadunt, quid denotet? **710**

Urbanæ habitationis commoda & in-
commoda. **639**

Urbanus VIII, Poeta eximius. **672**

Urbis & Romæ diversa appellatio. **248**

De Usufructu materno Juris Germa-
nici Diff. **70**

Vulnorum doctrina plenius tradita. **547** seq.

Vulnus singulare curatum. **635**

Uxamentis (Perri) vita & scripta. **360**

W.

Waddingi (Lucæ) vita. **195**

Annales **Mino.**

rum locupletiores editi. **194** seq.

Xenophilus (Jo. Georg.) vita. **90**

Weinmanniana Collectio plantarum lau-
data. **219-519**

Weissenbornii (Jes. Frid.) vita. **90**

Werlhobii (Paul. Gertlieb) vita. **91**

Westarum Russicarum magnitudo. **80**

Westerbahi (Cornelii) in Historiam
universalem Anglorum merita. **62** seq.

Wezelii (Jo. Casp.) vita. **90**

Wideburgii (Jo. Bernh.) vita. **91**

Wolfiana Philosophia ad debellandos
religionis bestes idonea. **631**

Wolffi (Christ.) vita. **90**

Theologiam naturalem

docendi ratio quæ? **579**

(Jo. Christ.) in Carmina veterum

Poëtiarum merita. **534** seq.

Woogii (Maurit. Carol. Christ.) vita. **90**

X.

Xenophontis memorabilia Socratis

recens edita. **55**

lota quedam emen-
data. **56** seq.

Z.

Zcibichii (Christoph. Henr.) vita. **90**

Zeylanicæ plantæ collectæ & descriptæ. **511** seq.

Zoares (Enan.) Cuzatii adversarius. **455**

Zonzi (Alexandri) scripta quedam mi-
nuta edita. **240**

Zoroastri philosophia illustrata. **239**

Dddd d

Erro-

Errores Typographici.

Pag. 99. lin. 17 pro *Hermaunus* lege *Henricus*; p. 151 lin. 34 pro *quidam* l. *quidem*; p. 210 l. 11 pro *Juri* l. *Jure*; p. 219 l. 2 pro *planarum* l. *plantarum*; p. 257 l. 1 pro *Epistolas* l. *Epistola*; p. 300 l. 7 pro *obl. ab*; p. 338 l. 25 pro *stram* l. *nostrum*; p. 359 l. ult. in marg. pro *Fiig.* 5 l. *Fig.* 15; p. 362 l. 24 pro *jure* l. *jura*; p. 364 l. 32 pro *proferre* l. *proferre*; p. 375 l. 23 pro *transitumque* l. *transitumque*; p. 394 l. 16 pro *horum* l. *harum*; p. 397 l. 7 pro *Scrisorum* l. *Scris* idrum; p. 397 l. 14 pro *reddiduri* l. *reddiduri*; ead. pag. l. 32 pro *in l. in.*; p. 416 l. 21 pro *exornanda* l. *exornando*; p. 424 l. 24 pro *injuratum* l. *inju* viarium; p. 450 l. 20 pro *apothescos* l. *apothescos*; p. 451 l. 33 pro *notissima* l. *notissimi*; ead. pag. l. 34 pro *commendatissima* l. *qua sole* l. *commenda* tissimi, qui soli; p. 553 l. 14 pro *tuto* l. *tauto*; p. 585 l. 27 pro *querenda* l. *querenda*; p. 619 l. 7 pro *B. leg. R.*; p. 636 l. 9 pro *nimirum* l. *nimum*; p. 667 l. 30 dele *de*; p. 671 l. 5 pro *ignomina* l. *ignominia*.



